

ANALYSIS

POSTERIOR,

SIVE

DE

VARIIS SCIENDI

GENERIBUS ET ME-

DIIS EO PERVENIENDI

LIBRI TRES,

Methodo Scientificâ ad mentem Aristotelis &

Græcorum ejus Interpretum

Christiani Risi

conscripti

ao 98. d. 26. Maj; à

*Erhard Camald. C. M. C.
in Insula Wigveris Legat.
to F. Agathangeli.*

MELCHIORE ZEIDLERO,

Philosophiæ & S. Theol. D. atq; ante-

hac quidem illius, dehinc autem hujus in Academiâ Re-
giomontanâ P. P. nec non Aulico Concionatore.

Cum gratiâ & Privilegiis Reg. Majest. Poloniae & Sereniss.

Elect. Brandenburgici.

REGIOMONTI

Sumptibus **CHRISTOPHORI LANGII,**

Bibliopola: Academiæ Regiomontanae

Excudebat PASCALIS MENSENIUS, Anno 1673.

SERENISSIMO AC CELSISSIMO
PRINCIPI AC DOMINO,
DOMINO
FRIDERICO.
MARCHIONI BRANDENBURGICO ET
ELECTORATUS HÆREDI,
BORUSSIAE, MAGDEBURGI, JULIAE, CLIVIAE, MONTIUM,
STETINI, POMERANORUM, CASSUBIORUM, VANDA-
LORUM, IN SILESIA ITEM, CROSNÆ
CARNOVIAEQUE
DUCI;
BURGGRABIO NORIBERGENSEI;
HALBERSTADII, MINDÆ ET CAMINI
PRINCIPI;
MARCÆ ET RAVENSBERGÆ
COMITI;
RAVENSTEINI, LAUENBURGI ET
BÜTОВIAE DOMINO &c. &c.
DOMINO MEIO CLEMENTISSIMO,
GRATIAM A DEO, OMNIGENAMQUE
PROSPERITATEM.

H. V. 5.

SERENISSIME AC CELSISSIME
PRINCEPS, DOMINE
CLEMENTISSIME,

Cui libros hos inscriberem, non diu
necesse habui mecum deliberare.
TUO enim SERENISSIMO ac CEL-
SISSIMO NOMINI eos deberi statim
animadverti. Borussus sum: TU, cum
& ipse in Borusfiâ, in immortalem ejus
gloriam, in lucem susceptus sis, reliquos
omnes, qui hoc solum natale agnoscunt,
longè antecellis. Coepi laborem hunc
meditari eo ipso anno, quo TE non solum
Patriæ nostræ, sed & tot aliis terris divi-
na concessit benignitas, quæ hoc ipso ut
aliis fidelibus subditis, ita & mihi stimu-
lum addidit ad tanto majori cum conatu
& aviditate iis, quæ ad publicum pro-
movendum conducere possent, incum-
bendū. Spes enim certa me alebat, fore,
ut si vitam Deus utrinq; conservaret, &
mea studia Tuæ Clementiæ rore fœcun-

data lata caperent incrementa. Adhæc
primitiæ hæ sunt operarū mearum, quas,
antehac meditatæ, perficere aggressus
sum, ex quo à SERENISSIMO AC POTENTIS-
SIMO TUO PARENTE docendimurus, ut in
Ecclesiâ, ita & in Academiâ, Clementissi-
mè mihi fuit demandatum. Cui ergò eas
potius vendicarem, quàm TIBI, qui post
denatum CAROLUM ÆMYLIUM,
cujus memoriâ gloriosissimam, post tot
in ipso flore crescentis ætatis edita heroi-
ca facinora, nunquam ex devotorum sub-
ditorum, imò ne hostium quidem, qui-
bus suâ Generositate incomparabili ter-
rorem incussit, animis delebit oblivio,
primus nunc ex superstitionibus de Electo-
rali progenie & Hæres Electoratus clu-
es? Agunt porro libri hi de variis scien-
di generibus & mediis eò perveniendi.
Ast quem latet, quanto & TU, ut ut in
tanto fastigio collocatus, scientiarum te-
nearis amore? Cum enim ad tot populo-

rum tamq; longè patentium ditionum
gubernacula natus sis, atq; ad maximas
res destinatus, tam impensè tamen lite-
rarum studia colis, ut summam ac pul-
cherrimam earum ipsarum arbitreris
esse possessionem. Nempe idem TIBI
animus est, quem olim Alphonso, Regi
Aragonix, nec non Roberto, Regi Nea-
polis & Sicilia, fuisse accepimus, utpote
non dubitantibus affirmare, sibi hoc,
quod in ipsis esset eruditionis, ipso suo
regno esse carius, ac, si alterutro caren-
dum esset, malle se coronæ, quàm doctri-
næ facere jacturam. Gaudent insuper ad-
huc omnes boni & gratulâtur, ut PAREN-
TI TUO Invictissimo, ita & TUÆ SERENI-
TATI de splendidissimâ victoriâ, ab ILLO
nuperrimè, post tot, pro sacri Romani
Imperii incolumitate asserendâ, suscepta
discrimina & molestias, Deo datore, de-
hostib' reportatâ. Non potui ergò, quin
& ego gaudium meum in finem Tuum

effunderem, ejusq; aliquod extare mo-
numentum curarem. Tam evidenter
enim & mirabiliter etiam hîc Divinus
se in Tantum HEROEM exeruit favor &
clementia, ut cæcus sit, qui eum non de-
prehendat, improbus, qui eum lætus &
gratus non agnoscat, novo quippe exem-
plo edoctus, verissimum esse, quod in
Epistolâ quâdam ad Bonifacium Augu-
stinum, fulgentissimum illud Ecclesiæ
Sidus, scripsisse recordor, videlicet *Deum*
quando pugnatur, apertis calis prospectare, atq; parti illi, quam inspi-
rit justam, palmam dare. Deniq; nec fortè fortu-
nâ factum esse puto, ut ultimam huic
operi imprimendo manum admoveret
Typographus, eo ipso die, qui SERENIS-
SIMUM TUUM præ se fert NOMEN, no-
men, inquam, FRIDERICI. Celebra-
vit ILLUD hâc luce, favente Deo, juxta
cum TUI PARENTIS, nunquam satis lauda-
ti, MAXIMO NOMINE, eâ, quâ par est, de-
votione subjectissima nostra Academia;
& nominatim quidem Facultas nostra,
quæ

quæ auctoritate TANTI PRINCIPIS novellis, ab EODEM Clementissimè designatis, Professoribus, supremos contulit honores, insimulq; iisdem & meam Tenuitatem insignivit. Jam mos fert receptus, ut ii, qui hujusmodi honoribus maectantur, in testimonium religionis suæ & munera nonnulla exhibeant MÆCENATIBUS ac Patronis studiorum suorum. Putavi itaq; meum esse, ut & TIBI, Tot Virtutum, quæ in SUMMO PARENTE cumulatè se quotidie conspiciendas præbent, atq; à Cujus munificentia post Deum & vitæ meæ conservatio, & rerum mearum omnium prosperi successus pendent, ad vivum expressæ Imagini, in subjectionis meæ documentum, aliquod munusculum offerrem. Ast aliud, quod in præsentī TIBI deferam, non habeo, quàm chartaceum hoc, leve quidem, cui tamen pondus addet animus devotissimus TUÆ SERENITATI, cujus tanta est comitas, ut ne vi-

lia quidem ipsi oblata aspernetur, dum
modo ex sincero proveniant cordis affe-
ctu. Age ergò, SERENISSIME AC CELSISSI-
ME PRINCEPS, DOMINE CLEMENTISSIME,
atq: pro consuetâ Tuâ humanitate labo-
rem hunc serenâ fronte suscipe, eâque,
quâ cœpisti, Clementiâ me prosequi per-
ge, qui pro incolumitate omnigenâque
felicitate ac salute, & MAXIMI TUI PAREN-
TIS, & propriâ TUÆ SERENITATIS, quin &
TOTIUS CELSISSIMÆ DOMUS BRANDEN-
BURGICÆ DEUM suppliciter & jugiter pre-
cari non intermittam, quamdiu Spiritus
hos reget artus.

SERENISSIMÆ CELSITU-
DINIS TUÆ

Regiomonti Boruss, XV.

Kalend. August.

ANNO clō Iōc LXXV.

*subjectissimus & de-
votissimus*

Melchior Zeidler D.

PRÆFATIO AD LECTOREM.

Pervagatissimum omniumq; saniorum Philosophorum consensu firmatum est effatum illud, *perfectionem cujusq; rei consistere in operatione naturæ ejus convenienti.* Tum enim demum unaquæque res reverà est, quod esse dicitur, cum naturæ suæ convenienter operatur, quemadmodum post Aristotelem 5 de Gen. Anim. c. 1. & 9 Met. 8. docet etiam Simplicius in 2 de Animâ scribens: *Imperfectum est, quod potentiâ est. In actu enim perfectio consistit, & perfecta est substantia, quæ secundum naturam suam operatur.* Veluti oculus perfectus est, cum videt: auris, cum audit: animal, cum sentit. Quod usq; adeò verum est, ut id, quod actionem, ad quam naturâ propendet, præstare idoneum non est, ex vitio aliquo ipsi inhærente, nō nisi æquivocè & cū addito sit id, cujus sustinet appellationē. E. gr. oculus visu carēs, nō nisi cum addito oculus, æquè ut vitreus aut lapideus, 4. Meteor: ult: 2 Polit, 2. Cæterum cū contingat plures esse unius rei operationes, naturæ ejus congruentes, ut quæ nā illarū reliquis præferēda sit, intelligatur, normâ aliquâ opus est. Quæ quidem ipse est Deus. Est enim, ut Eustratius in Ethic. c. 1 differit, *commune aliquod bonum, quod appetunt omnia, & propter quod sunt omnia, tam humiliora, quam sublimiora.* Hoc ipsum verò, ceu subdit, ipse, Deus est,

ex quo sunt omnia, & propter quē, & ad quem directa sunt uni-
versa. Quā dere videri potest etiam Plotinus lib. 7 En-
neade 1 c. 1. Deus ergo mensura est omnium reliqua-
rum rerum, ac proinde illa cuiusq; operatio reliquis an-
tecellet, per quam unaquæq; proximē ad Deum acce-
dit. Ut exemplo rem illustremus, in iis, quæ vegetativæ a-
nimæ facultatibus omnibus instructa sunt, varix depre-
henduntur operationes, quales sunt concoctio alimentī
ab internā vi prodiens, nutritio, auctio, generatio. Ex his
omnibus generatio potissima esse meritō putatur. Per
hanc enim ista proprius ad Deum accedunt, æmulando
æternitatem ejus & conservando in specie naturam, quā
in individuo nequeunt conservare, 2 de Animā c. 5.
Jam etiam hominis sunt diversæ operationes, naturæ il-
lius accommodatæ, ex quibus tamen, omnibus denuō
adstipulantibus, palmam reliquis præripiunt hæ duæ,
actio virtutis, & contemplatio sive cognitio veritatis, adeō, ut
hæ solæ de prærogativā inter se contendant, rationis ar-
mis haud destitutæ. Quā de re legi potest Maximus Ty-
rius, Philosophus Platonius disc. 5 & 6. Propius tamen
per hanc homo ad Deum accedit. Dubium enim non
est, quin similior ei reddatur per id, quod propriē Deo
convenit, quā per id, quod impropriē. Propriē autem
ipsi non competit actio virtutis, quod hæc occupata sit
in frenandis & compescendis affectibus, ne illi exsue-
rent atq; in vires erumpant, in Deum verō affectus non
cadant, quippe immunem ab omni mutatione & altera-
tio

one. Quò accedit, quod actio virtutis exerceatur cū pro-
æresi, quæ appetitus est, sequens deliberationē, perinde,
ac volūtas sequitur intellectū & appetitus phantasiæ ap-
prehensionem. Deliberatio autem itidem in Deum nō
quadrat. Est enim ea de incertis: mens divina verò non
operatur incerto eventu. At contemplatio veritatis Deo
propriè competit, imò propriissimè. Est enim primus
intellectus. Hujus autem actus essentialis est contem-
platio. Ex quo & Andronicus Rhodius in Paraph: 10
Ethic: *Contemplatio, ait, solum Dei opus est, qui reverà beatus
est & felix.* Et Alexander in 1 Prior. cap. 1: *Deo, inquit,
assidua est & non interrupta contemplatio veritatis.* In con-
templatione ergò seu cognitione veritatis hominis per-
fectio præcipuè consistet, quia hâc imprimis homo Deū
æmulatur. Quod rursum advertit etiam Eustratius 2.
Post. his verbis: *Mens humana cognoscendo imitatur rerum o-
mium conditorem.* Est hoc usq; adeò verum, ut sapientum
aliqui hinc hominem rudem non nisi æquivocè hominē
esse affirmare haud dubitarint. Homo enim id est, quod
esse dicitur per rationem & intellectum. Intellectus au-
tem accidens licet sit cognitio, quatenus ille simpliciter
spectatur, ut res quedam; tamen ut intellectus est seu fa-
cultas quedam cognoscens, ea non accidens amplius il-
lius est, sed actus potius, eum perficiens & complens, per-
inde ac species in oculo, quatenus ad potentiam visivam
refertur, non est accidens, sed differentia ejus essentialis,
facultatem illā perficiens & consummans. Unde Py-

thagoras, cū in Italiam venisset, atq; ut Crotoniatas juvenes ad eruditionem et disciplinā excitaret, in gymnasio sermonem haberet, homines inter alia in eo dicebat institutis et eruditione à bestiis differre, eademq; ratione & Græcos à barbaris, ingenuos à servis, Philosophos à vulgo separari, teste Jamblichio lib. de vitâ Pythagoræ c. 8. Aristippus autem, rogatus à quodam, in quo melior evasurus esset filius, si erudiretur: Si nullâ, dicebat, aliâ in re, in eâ tamen saltem, ne in theatro lapis super lapidem sedeat, hominem indoctum lapidem potius, quàm hominem dici mereri arbitratus, teste Diogene Lærtio in vitâ ejus. Sed & Aristoteles ex eodem capite interrogatus, quo differrent docti ab indoctis, respondit: Quo viventes à mortuis, quod & ipsum refert Lærtius in vitâ Philosophi modò laudati. His porrò etiam alij adstipulantur. Nam & Philo Judæus huc respexisse videtur, quando athletæ animam differre ait ab animâ Philosophi, lib. 2 Allegoriarum legis. Rationem subdit: *Athleta enim omnia refert ad bonam corporis habitudinem, cui vel animam ipsam impenderet, utpote amator corporis. At Philosophus, cum sit honestatis amator, curam gerit ejus, quæ in ipso vivit, animæ, neglecto mortuo corpore, non aliud spectans, quàm ne quid optima anima patiatur à colligato sibi cadavere malo.* Alexandri quoq; ista huc pertinent ex lib. 4 quæst. nat. c. 20: *Secundum id maxime homines sumus, quo maxime ab alijs animalibus differimus. Talia autem sunt scientia & veritas.* Deniq; digna sunt, quæ hîc legantur, & verba R. Maimonidis ex More Nevochim seu

seu Doctore perplexorum Parte 1 c. 68: Scias hominem,
 antequam rem aliquam intelligit, esse intelligentem vel intelligere
 potentiâ: quando verò rem aliquam intelligit, e. gr. formam hu-
 jus vel illius arboris, quæ ipsi ostenditur, illamq; à materiâ ejus
 abstrahit, atq; ita abstractam illam formam in mente suâ concipit
 & sibi (quod est opus intellectus) imaginatur, tum dicitur intel-
 ligens actu, vel intelligere actu: & sic intellectus ille ipsius in
 actu est ipsa forma arboris à materiâ abstracta, quæ est in intellectu
 ipsius. Nam intellectus nihil aliud est, quàm res intellecta. --
 Operatio enim intellectus est ejusdem essentia, & intellectus in actu
 non est diversum quid ab operatione ipsius. Nam veritas & ipsa
 quidditas intellectus est ejus apprehensio: proinde non est intel-
 lectus in actu res alia, quam apprehensio ejus rei, quæ intelligitur.
 -- Quocirca explicatum tibi est & hoc, quod veritas & essentia
 intellectus sit ipsa actio & operatio ejus, apprehensio scilicet, &
 per consequens, quod illud, cujus vi & virtute forma arboris à
 materiâ fuit abstracta & apprehensa, intellectus putà, ipsum quoq;
 sit intelligens. Intellectus enim ille in essentia suâ est id, quod for-
 mam abstraxit & apprehendit, & hoc ipsum est ejus operatio,
 propter quam dictum est de eo, quod sit intelligens & operatio ejus
 est ejusdem essentia: istud autem, quod positum est tanquam in-
 tellectus in actu, nihil aliud habet, quàm formam illius arboris.
 Facile autem quivis intelligit, non de qualicunque co-
 gnitione id, quod dictum est, accipi posse. Duplex
 enim est nostra cognitio, advertente etiam Ammonio,
 alia ὁρθόδοξα, alia ἐπιστημονική, quarum illa, ad opinionem
 pertinens, tenuis est & obscura, cumque magnâ dubi-

tatione conjuncta, similis visioni in locis tenebrosis atq; à
Sole magis remotis: hæc autem accurata est, respiciens
res ipsas, ut in se sunt comparatæ, neque dubitantem
nostrum animum reddens, sed confirmatum & firmum,
sive, ut Plato alicubi loquitur, τετραγωνον in cognoscendo.
Clemens Alexandrin: lib. 2 Stromatum illam vocat ac-
curatam, hanc mancā, quum scribit: *Duplex dicitur co-
gnitio, una quidem, quæ accuratam & exactam suam habet natu-
ram, altera verò, quæ mancā.* Non in hac, sed in istà, sci-
entifica, inquā, rerum notitia consistit perfectio intelle-
ctus nostri. Nimis enim clarum est, non eum, qui nutat
& fluctuat, sed qui ἀμετάστατος & immutabilis est in co-
gnoscendo, demum perfectum dici mereri. Quam ob
causam meritò Eustratius in 2 Post. scientiam ait esse
perfectricem animæ rationalis, inducentem eam ad propriam ope-
rationem. Et Plato hinc in Theæteto disputans adversus
Protagorā dicentē, hominē esse mensuram omniū rerū,
corrigit dictum hoc atque ait, non quemvis hominem mensu-
ram esse, sed scientē. Hunc enim demum verē perfectū esse.
Quibus apprimè cōsentiūt, quæ olim docuere Pythago-
ræi. Distinguebāt illi inter καθαρισμὸν purificationē, & τελειότητα,
perfectionem. Atque illam quidem dicebant id, quo purga-
mur ἀπὸ τῆς ὑλικῆς ἀλογίας καὶ τῆς θνητοῦδὲς σώματος, velut Sim-
plicius proæmio in Epictetum loquitur, à corporeis affecti-
onibus. Hæc verò illis erat reparatio propriæ felicitatis, ho-
minem Deo quā simillimum reddens. Addebant autem pur-
gari animum actionibus secundum virtutes civiles &
morales, quæ hominē quidem probum redderent, ast nō
simil

simillimum Deo, quod scientiæ acceptum ferebant. Sic enim Hierocles: *Hominem, inquit, probum reddunt civiles virtutes, Deo autem assimilant scientiæ, evehentes eum ad divinam virtutem.* Quibus gemina etiam apud Porphyrium leguntur in sententiis ad intelligibilia ducentibus n. 34. Vid. & Stobæus Serm. 1. Quàm pulchra verò & præclara res est scientia, tam difficilis unà est. Verissimum enim est, quod vetus habet proverbium apud Platonē in Cratylō: *Difficilia sunt, quæ pulchra.* Maximè omnium autem id quadrat in scientiam ipsam. Inde enim tantopere Democritus de veritatis puteo, cui fundus non esset, Empedocles autem de *angustis sensum viis*, quibus animus intrat veritatis cognitio, sunt conqueſti. Plato quoque tantum hīc agnovit difficultatis, ut beatum prædicarēt, cui vel in extremā senectute jubar illuxerit veritatis. Quod quidem provenit partim ex rebus ipsis, partim ex intellectu nostro. Quantum enim ad res ipsas attinet, sunt aliquæ ex illis *ὀνόματι* sive entitatis, ut ita loquamur, admodum tenuis & imperfectæ, quod parum obtineant actus. Tales autem comprehendere facile non est. Quemadmodum enim unumquodq; se habet ad *ἑαυτῶν*, ita etiam se habet ad cognosci & intelligi, monentibus etiam Platone lib. 6 de Republ. & Aristotele 2 Met. 1. Jam verò non omnes res æquē ad τὸ *ἑαυτῶν* sunt affectæ, sed quædam magis illud participant, aliquæ minus. Primò entia sunt actus per se manentes, qui nulli potentiæ sunt immersi. Ex reliquis autem alia magis, alia minus entia sunt,

sunt, prout actum magis minusve participant, quo quia
autem magis potentia implicitum est, eò minus ens est.
Unde parum ὀλίγον materia habet. Hæc enim actu &
per se neq; quid est, neq; quantum, neq; quale, neq; quic-
quam eorum, quibus ens desinitur 7 Met. 1. Exilis quoq; enti-
tatis sunt relationes, adeò, ut hinc quidã ex Veterib; dubi-
tarint, num illæ vera essent entia, existimantes eas non
ἔσθαι, sed ἔσθαι solum sive σενδία, opinione hominum con-
stare, atq; adeò esse fragmenta intellectus nostri, teste Ammo-
nio ad lib. Categ. c. 7. Ex hoc ipso verò capite & dif-
ficilis est cognitio istorum. Quemadmodum enim inter visi-
bilia cum primū, quod per se & primò ferit sensum vi-
sus, sit lumen, reliqua autem visibilia sint, qui illud parti-
cipant, id magis est visibile, quod magis participat lu-
men, minus autem, quod minus ejus particeps est, dif-
ficulter verò visibile est id, quod minimum lucis insitum
habet, quod non satis efficax sit ad potentiam videndi
immutandam, ut prodeat in actum: Ad eundem mo-
dum cum actus sit ratio intelligendi 9 Met. t. 20, primum
quidem inter intelligibilia est id, quod simplex & purus
est actus, ex reliquis autem magis minusve intelligibilia
sunt, quæ actum participant magis aut minus, id verò
quod minimum actus possidet, difficillimum est intel-
lectu. Intellectus enim noster, cum sit δυνάμεις quædam,
non potest deduci in actum, nisi ab eo, quod est actu.
Quæ ergò vix aliquid actus habent, non sunt efficacia ad
perducendum intellectum nostrum ex potentia in actum.

Ha-

Habet autem vix aliquid actus materia, utpote quæ ferè nuda potentia esse videtur, indeq; omnium minimè cognoscitur, & quidem cognitione ferè solùm *negativâ*, 7 Met. 3 & *analogicâ*, facta ejus cum materia artificiali comparatione, 1 Phys. t. 69, quam Plato *spuriâ* & *adulterinam* in Timæo appellat. In reliquis quæ deprehenditur, difficultas nascitur ex intellectu nostro. Quemadmodum enim oculus rectâ non potest intueri lumen Solis splendidissimum, sed quò clarius illud est, eò magis resilit à splendore; Ita & intellectus noster rectâ & à facie intelligere non potest res naturâ suâ evidentissimas, sed ad earum intuitum cœcutit quasi. Aristoteles idem declarat similitudine à vespertilionibus ductâ. *Quemadmodum*, inquit 2 Met. 1, *oculi vespertilionum se habent ad lumen Solis: sic intellectus noster se habet ad res naturâ suâ evidentissimas & clarissimas*. Quales cum primis sunt prima rerum principia & causæ. Cum enim cognitio nostra ex sensu oriatur, longè egemus discursu, ut ex phantasmatibus & sensibilibus eorum notitiam eruamus, quod sanè non parum difficile est, perinde ut difficile est eruere thesaurum in profundâ terræ abyssò latentem. Absq; cognitione autem primorum principiorum frustrâ quis ad accuratam & scientificam pervenire sperat aliarum rerum notitiam, quod illa istis, ut vera sint, causa existant 2 Met. 1. Jam sunt aliqui, qui nequeunt *procul sita videre*, & *ex iis, quæ longè distant, ratiocinari*, ut ait Philosophus lib. 1 Rhet. c. 2. Tales ergò inepti sunt ad percipiendam scientificam res

b

rum

ram cognitionem. *Ut solare lumen*, inquit Regin⁹ serm.
de Amicitia, apud Stobæum serm. 4, qui est de imprudē-
tiā, imbecillus & impotens visus aspicere nequit: *Ita veritatem*,
idq̃ multò magis infirma mens & invalida conspectare non potest.
Aliis ingenium quidem ad scientias aptum non deest,
destituuntur interim mediis, à quibus in cognitione veri
occupatos instructos esse oportet. Ita enim nascimur, ut
scientia omnis acquirenda nobis & comparāda sit, quod,
præcipuè, nō cum uniusmodi sint scientiæ omnes, absq̃
certa ratione & methodo fieri non potest. Cujus qui
omninò ignari sunt, fieri non potest, quin in investi-
gandā scientiā aut frustra laborent, aut etiam gravissimè
impingant & fallantur, evidentia pro obscuris & contrā
obscura pro clavis, probabilia, imò etiam falsa pro veris,
peregrina & communia pro vernaculis, deniq; opi-
nionem, imò vel errorem etiam ipsum, pro scientiā ven-
ditantes. *Homines quidam sunt*, inquit Galenus lib. de cu-
jusq; peccatorum notitia atque medela c. 6, *in discernen-*
dis veris falsisq; rationibus nunquam excercitati, interdum opinionis
alicujus veritatem se intelligere credentes, & contingentem ratio-
nem se dixisse ignorant, ac tanquam sensibus quæ opinantur, evi-
denter appareant, nos sequi & absq; demonstrationibus credere ju-
bent: interdum verò cum sola indicatione egeat, demonstratione i-
psam confirmare nituntur. Quidam verò ignari, quatenus differat
indicatio, aut quod est velut primum & ex seipso notum, nihilomi-
nus tamen de rebus, quibus magnā inquisitione opus est, pronuncia-

re conantur. Atq̃ in his erroribus multi, qui jam diu in Philosophiā
conſenuerunt, ſunt involuti. Ex eodem capite idem Chryſi-
ppos arguit, quod nullum habuerint rationum diſcrimē,
ſed argumenta apodiſtica cum Oratoriis & Dialecticis
confuderint. Diſtat, inquit lib. 2 de decret. Hippoc. &
Platonis c. 3, ſcientiam pariens ac demonſtrationem conſuſio-
nis aſſumptum ab oratorio, exercitatorio & captioſo de quibus qui-
dem nullam prorsus neq̃ artem, neq̃ meditationem à Zenone vel
Chryſippo traditum fuiſſe ſatis liquet. Inde ſiquidem effectum eſt,
ut in eorum libris omnis generis aſſumptiones conſuſe nullo habito
delectu commixtae ſint: ſepeq̃ præcedat, ſi ita inciderit, Oratoria
argumentatio, ſequatur exercitatoria ac diſſertatoria, deinceps ſcio-
entiam efficiens, poſtremò, ſi ita fors tulerit, captioſa collocetur:
nempe quod ignorabant ſcientiæ effectrices ſumptiones ad rei, de quā
agitur, ſubſtantiam referre, eumq̃ finem ac ſcopum habere. Et
poſtea: Vellem itaque, qui ſe demonſtrandi peritum eſſe ait, viam
prius ac rationem, quā ad demonſtrationes tractandas utitur, in me-
dium aſſerret; deinde, quā exercitatus in eā fuerit, manifeſtaret.
Nunc verò multos inuenies, qui, quomodo ſyllogiſmi, qui ex tribus
de modo propoſitionibus conſtant, qua item ratione qui indifferenter
concludunt, vel ſi qui tales ſunt, ut primā vel ſecundā utantur poſi-
tione, reſolvi debeant, apprimè ſunt exercitati: quomodo autem in-
ternosci ac diſtingui ſcientiæ effectrices ſumptiones à Dialecticis,
Oratoriis & captioſis poſſint, neq̃ quicquam alicujus momenti tra-
diderunt Chryſippe, neq̃ aliquā ad id aliorum perceptione uti vi-
dentur. Hos non paucos ſibi ſimiles reliquiſſe loquitur
res ipſa, Quid enim frequentius etiam hac noſtrā ætate

est in multorum scriptis, quàm ejusmodi confusio rationum? Non, quid naturæ rei sit conforme, attendunt, sed, quod ipsis videtur, principii loco ponunt, atq; inde conclusiones deducunt, dubitationes super dubitationes necitantes, etiam de iis nonnunquam, quæ luce meridiana clariora sunt, ne ipsos deficiat materia, unde contendât, subtilitatemq; ingenii sui, ut persvasum habêt, ostendât; ut in eos jure optimo dici posse videatur, quod de intempestivis quibusdam auditoribus scribit Plutarchus lib. de audiendo: *Affectionis & acuminis, ^{δειμνίου} intempestivè gloriam venantes, loquacitate & curiositate non necessariâ dicentes obtundunt, semper aliquid non necessariorum in disputationem trahentes, demonstrationesq; rerum iis non egentium quærentes.* Hoc pacto iter breve longum redditur, ut ait Sophocles, non ipsis solum, sed & aliis. Idem enim vanis & supervacaneis interrogationibus magistrum occupantes veluti in trivio impediunt disciplinæ continuationem, interceptæ quippe nec moram passæ. Atque isti quidem secundum Hieronymum similes sunt ignavis ac timidis canibus, qui cum domi pelles mordeant ac villos vellicent, ipsas feras non attingunt. Sunt quoque non pauci, qui quo minus de demonstrationibus in certis disciplinis solliciti sint, sibi ipsis obstaculum ponunt, opinionibus nonnullis, quas vovent, præconceptis. Veluti, qui activas & effectivas disciplinas omnes, indeq; & Politicam ac juris & legum disciplinam, quin & ipsam Theologiam tam naturalem, quam Metaphysicam vulgò vocamus, quàm revelatam è numero elimi-

eliminant scientiarum. Ita enim qui de illis sentiunt, nul-
las quoque in iis demonstrationes agnoscunt. Imò non
desunt, qui etiam ipsis Mathematicis disciplinis eas sub-
trahere haud vereantur, quod finem non habeant, sed
nec materiâ gaudeant & causâ efficiente. Quos omnes
in errore versari apud nos quidem extra dubium est col-
locatum. Et de Philosophiâ primâ quidem, nec non
disciplinis activis & effectivis, ingenere id vel in his libris
docuimus evidenter. In specie autem Politicam *ἐπιστήμην*
& quidem *ἀρχιτεκτονικὴν* vocat Aristotel. 1. Ethic. c. 1. Quod
& repetit lib. 6. cap. 7, ubi *ἐπιστήμην πολιτικὴν*, scientiam civi-
lem, memorat à prudentia distinctam. Sed & in 1. Polit.
textu statim secundo vox *ἐπιστήμης* de Politica occurrit. Et
lib. 4. c. 1. disertè scribit, ejusdem scientiæ esse describe-
re & optimam rempublicam, & quæ maxime sit ex voto & quæ
quibus conveniat. Denique & 1. Rhet. 4 agens de iis, quæ
sub civilem cadant deliberationem, ait illorum confide-
rationem relinqui scientiæ civili. Quod si autem hæc sci-
entiæ nomen meretur, nihil amplius impedit, quò mi-
nus & juris quoq; ac legum scientiam dari concedamus.
Jurisprudentia enim est particula quædam prudentiæ
civilis, quæ tota eò est directæ, ut Reipublicæ salus pro-
moveatur. Rerumpublicarum autem tres sunt partes,
docente etiam Aristotele 4 Polit. c. 14, magistratus sci-
licet, consilia & judicia. Hinc ergò & in tres partes di-
stributa est prudentia civilis. Una pertinet propriè ad
magistratum, cujus est leges sancire, juxta quarum tenor

rem respublica administratur. Altera ad *consilia* spectat,
& tertia deniq; ad *judicium*. Unde & illa νομοθετικὴ voca-
tur, quasi legum instituendarū vim ista βουλευτικὴ habeat:
hæc α, δικαστικὴ seu judiciaria. Sanè tot partes prudentiæ ci-
vilis & Plato in Politico, nec non in Gorgia & Aristote-
les lib 6. Ethic. ad Nic. c. 8 agnoscunt. Et primam quis-
dem ejus partem, νομοθετικὴν, inquam, hic ἀρχιτεκτονικὴν sive
principem & Dominam appellat. Reddit enim ido-
neum illa hominem ad leges ferendas pro conditione
cujusq; reipublicæ, adeoque ad rectè imperandum aliis,
quæ ipsius propria est functio & opus. Hujus comes est
consiliatrix, quæ ad similitudinem legumlatricis imperat
in singularibus casibus publicæ prospiciens rei. Tertia
autem, judiciaria, reliquarum duarum est ministra. Non
enim amplius patet, teste Platone lib. de Regno, quàm ut ac-
ceptis à legislatore Rege legibus omnibus, quæ ab eo justarum in-
justarumq; rerum positæ sunt, judicet, in eas respiciens de contra-
dictis cujusvis generis. Et hæc illa ipsa est, quam Jurispru-
dentiam vulgò vocamus, consistens non in sola legum
peritia, quod leges generaliter ab omnibus sciri debeant
juxta l. 3. C. de LL: sed in facultate insuper interpre-
tandi easdem, & quæ circa applicationem earum ad va-
rios casus difficultates occurrunt, quæ suboriuntur, cum
verba legum obscura sunt, ut sensus commodè erui ne-
queat, superandi. Hoc autem ut ritè præstet Jctus,
nosse eum oportet rationes legum, quæ legislatorem
ad condendas eas permoverunt. Nempe, ut prudens le-
gisla-

gillator proposito fine, felicitate inquam reipublicæ, ad media indaganda adhibita prudentia sua progressus leges tulit: ita viceversa ICtus à mediis inventis ad finem progreditur, quid legislator, ejusmodi leges ferens, intenderit, inquirendo. Unde à plebejo homine ICtus in eo differt, quod licet uterq; præceptis prudentis legislatoris sit audiens, ille tamen literæ præceptorum simpliciter inhæreat, ignarus cujus gratiâ ita agendum sit, hic verò cum judicio inquirendo in leges perspectum habeat, cujus gratia illæ latæ sunt. Ex quo & parendo hic imperare discit, quod fugit hominē plebejum, nō secus ac in bello miles, inquirens in finem & intentionē jussorum Ducis sui hæc crebro audiendo sive iis obtemperando tandem & ipse commodus Imperator evadit, quo pertingere non datur ei, qui jussa quidem Ducis audit, sed parum sollicitus, cujus gratia hoc vel illud agere, veluti stare, pugnare aut recedere paulisper &c. jubeatur. Vid. Aristot. lib. 3 Polit. c. 4. Jam planum est posse in assignandis causis legum eousque procedi, ut perveniatur ad immediata. Quidni ergò ex his demonstrationes duci possent, indeq; dari reverà juris quædam scientia? E. gr. l. 157 de Reg. juris ita sonat: *Ad ea, quæ non habent atrocitatem facinoris vel sceleris* (qualia sunt cædes, proditio, stuprum, adulterium, latrocinium aliaq; ad publicorum judiciorum vindictam attinentia, de quibus sub tit. D. de publicis judiciis) *ignoscatur servis, si vel Dominis, vel his, qui vice Dominorum sunt,* (veluti tutoribus vel curatoribus)

obtemo

obtemperaverint. Veluti si vim fecerit servus juris Domini
tuendi gratiâ juxta l. 15, qui in puteum §. 7. an ignoscitur
D. Quod vi aut clam; aut si in rixa jussu Domini alium
percusserit juxta l. 17 sed si unius §. 1. si jussu D. de injur.
Hujus legis rationem reddere tenetur Ictus, quæ quidē
hæc est, quia velle non creditur, qui obsequitur imperio Patris vel
Domini, vi l. 4 D. de Regulis juris, nempe integra & plenâ
voluntate, quod dici nequeat sponte fieri id, quod cogente fit
imperio l. 4 C. de transact. cum spontaneum & invitum sibi in
vicem opponantur 3 Ethic. 1. Hujusmodi autem impe-
rio subest servus, qui totus pendet à Domino, adeò ut e-
jus non solum servus sed & omninò illius esse dicatur 1 Polit.
4. Ex quo & Aristot. l. 5. Ethic. servum, qui jubente
Domino aliquid committit, non dicitur injuriam facere,
sed tantum injusta. Delicta autem, quæ publicorum judi-
ciorum vindictæ sunt subjecta, ex voluntate sive *τῆς ἐκλογῆς*
cujusque censentur, adeò ut in jure ne facere quidem om-
ninò, habito scilicet ad mores respectu, existimentur,
quibus deficit voluntas, veluti furiosi, de quibus l. Illud
relatum D. de injuriis & famosis libellis ita habet: *Sunt*
quidam, qui facere non possunt, ut furiosi. — Namq̃ hi pati inju-
riam solent, non facere. Ratio additur: Cum enim injuria ex
affectu facientis consistat, consequens erit dicere, hos, sive conviti-
um dicant, injuriam fecisse non videri. Quæ verba etiam ci-
tantur in Corpore Canonico c. 15. q. 1. can. 2. Pariter
& l. Apud Aristonem D. de administr. Tutorum §. 1.
Idem dicendum, impunè admitti dicitur, quod per furorem
alicu-

alicujus accidit, perinde ac si *casu* aliquo sive fato personæ id accidisset. Furioso enim nulla est voluntas, quemadmodum & in Reg. juris dicitur, Reg. 40. Brutis quoque animalibus ex eodem capite actio denegatur, quod non competat eis *proaresis* 2 Phyl. t. 59, 6 Ethic. 2. & 2. Eud. 8. Alia autem est ratio enormium & graviorum delictorum, ad quæ nemo hominum cogi potest ullo jure, quod rectæ rationi, adeoque naturæ hominis, simpliciter repugnent, qualia ut unusquisque vitet, ratione & libero arbitrio est instructus, quæ hominem faciunt hominem esse. Deo quoque, qui auctor est, ut naturæ in universum, ita & in specie hominis, adversa sunt istiusmodi delicta, indeque jure naturæ prohibita, quod simpliciter immobile est & immutabile, ac ubique eandem vim habet, 5 Ethic. 7. (10) & hinc in nullius hominis gratiam violari debet. Magis enim Deo, quippe cujus summum & absolutum in omnes est imperium, obediendum est, quàm hominibus. Unde & Euripides in Phenissis: *Non imperatur*, inquit, *jure, nec jus est exequi*. Et Musonius apud Stobæum serm. 79. Quod liberos honorem debitum præstare parentibus deceat: Si quis, ait, sive Patris, sive magistratus, sive Domini præceptis, mala, injusta vel turpia imperantibus, obsequens non fuerit, is nequaquam inobediens est, neque injustè nec perperam facere est dicendus. Sed nec contra rem publicam imperata fas est præstari, cum publica sint privatis ab unoquoque præferenda, eò quod homo sit animal ad societatem civilem natum, ad eò, ut extra illam is Prædicè

c

neque-

nequeat esse beatus. Quam ob causam & Seneca l. 3
de benef. c. 20: *Non aut nos, inquit, omnia jubere possumus,
aut in omnia servi parere coguntur. Contra rempublicam imperata
non facient: nulli sceleri manus commodabunt.* Ita si resolvatur
regula ista, facta erit resolutio in principia non solum ve-
ra, sed & prima seu immediata, notiora item & priora,
atq; causas non solum conclusionis, sed & rei ipsius. Syllo-
gismi autem si inde fiant, quâ, nisi demonstrationis, cen-
seri poterunt appellatione? Absolum enim est affirma-
re de aliquo definitionem & tamen negare de eo defi-
nitum, cum eadem hæc sint numero, & non differant,
nisi modo evolutionis & involutionis. Demonstrationes
autem si in jure occurrunt, quid vetat, quo minus e-
jus & scientiam aliquam esse dicamus? Multo minus
autem disciplinæ Mathematicæ ex ordine scientiarum
debent exterminari. Non enim ex communibus, sed
vernaculis & propriis & ipsæ concludunt principiis, ve-
luti ex definitionibus objecti, quod in iis consideratur,
& specierum ac partium ejus, ver. gr. ex definitione nu-
meri, magnitudinis, circuli &c. indeque affectiones eli-
ciunt non per accidens, sed per se illis competentes.
Neque probabilitas solum inest earum probationibus
aut verisimilitudo, sed certitudo summa & maxima *ακριβεια*,
à quibus eas non Aristoteles solum 1 Ethic. 1, 2 Met. 3
& alibi passim, sed & Ptolemæus commendat, adeo ut
hic certum & necessarium Mathematicis disciplinis so-
lis tribuere non vereatur lib. 1 Almagesti c. 1: *Duo, in-*
quit,

quit, speculationis genera (Physica & Theologica sive Philosophia prima) conjecturae magis quā certioris scientiae nomine quis insignierit, cum Theologicum incomprehensibile sit, naturale autem propter instabilitatem materiae vix percipi possit: atq; propterea nunquam de ipso convenire posse Philosophantes arbitramur. Solum Mathematicam (si quis recte ipsā utatur) firmam & immutabilem, *βεβαιὰν καὶ ἀμετάπυστον*, scientiam affert, quoniam demonstratio Mathematica Geometricaq; viā & ratione procedit, à quibus dubitatio longè abest. Neque contrarium evinci potest ex eo, quod Mathematica, quā talia, hoc est, quatenus sunt abstracta, materiam haud agnoscant, sed nec principium, unde motus, & finem, quod & Aristoteles de iis docet 1 Met. 7, lib. 3. c. 2, libi 11 (13) c. 7, & alibi passim. Ad demonstrationem enim saepe etiam una causa satis est. Jam autem Mathematicis disciplinis relinquitur aliqua causa, nempe forma, sive *τὸ τί ἐστι*, per quod demonstrare illis est in promptu, veluti ex definitione recti, curvi, trianguli, quadrati, sexagoni &c. Nec enim aliter ista definiret Physicus, si ea per se spectaret; imò reapse ita definit, ut Mathematicus, quando ex definitionibus illorum aliquid docere intendit, v. c. quod iris lapis sit hexagonus. Quam ob causā & 2 Phys. t. 68 Aristot. ipsum cur in quid est resolvi dicit, veluti in definitionem recti & ejus, cujus potest esse commensio. Et lib. 2. de Gen. Anim. c. 6: Principium, ait, demonstrationis in immobilibus est ipsum quid est. Sed nec materia omnis à Mathematicis disciplinis removeri potest, Quantum-

vis enim abstrahant à materiâ sensibili, ut sunt æs, lignū, vitrum, &c. gaudent tamen materiâ aliquâ intelligibili, qualis est continuum, ut non obscure docet Philosophus l. 3 de Animat. 11. his verbis: *In iis, quæ in abjunctione cōsistūt, id est in Mathematicis, rectum est ut simum, quoniam est cum continuo, ut αὐτὸ συνεχές.* Et l. 9. Met. 10: *Materia, inquit, quædam sensibilis est, quædam intelligibilis. Sensibilis quidem ut æs, lignum & quæcunque mobilis materia: intelligibilis verò, quæ in sensibilibus existit, non prout sensibilia, ut ipsa Mathematica.* Ad quæ verba Alexander in 7. Met. Comm. 30: *Materia, ait, alia sensibilis est, alia intelligibilis. Sensibilis quidem, ut lignum & simpliciter omnis materia mobilis: intelligibilis verò, ut materia, quæ habetur in circulis. at non quatenus sensibiles sunt, quoniā INTERVALLū circuli, quem interllectus à materia separavit ac penes se habet, materia est huiusmodi circuli, non tamen sensibilis, sed intelligibilis.* Ad priorem autem ex 3. de An. locum Simplicius ita commentatur: *Impartibilis, & indivisibilis omnis forma, in intervallo autem magnitudines & numeri in divisione. Bene igitur rectū, ut simum dicitur propter continuitatem & interval- lum, sive intercapedinem. Pariter & Philoponus: Ma- teria figurarum est continuum, species verò ipsæ fi- guræ sicut materiata quædam sunt mathemata. Ma- teriæ quoque rationem habent partes quantitatis cujus- dam definitæ. Utenim totum formam exprimit, quod ejus ratio consistat in compositione, quæ forma est: ita partes sunt materia ejus 2. Physic. 3, 1. Polit. 2. Unde de- mon-*

monstratio à materiâ est, quando Mathematicus totum
 rectū ex duobus semirectis concludit. Atque ex his capi-
 tibus Arist. lib. 6. Met. c. 1. apertè τῶν μαθηματικῶν principia
 ait esse, *elementa & causas*. Nec est, quod nobis objiciatur
 hic locus ille, qui occurrit 2 Eud. c. 6 ubi Philosophus ex
 versione Latini Interpretis principia Mathematices non
 per se principia, aut ut alij exponunt, propria, sed simi-
 litudine quadā solum principia dicit appellari. In Græco
 enim neutrum habetur, sed hoc tantum dicitur, quod
 in Mathematicis principiis non sit τὸ κύριον, nisi κατ' ὁμοιότητα.
 At aliud est τὸ κύριον, aliud δεικνόν. Illud in principiis requi-
 ritur omnium scientiarum, κύριον non item. Veniunt e-
 nim illic ejus nomine Auctori istorum librorū, sive is A-
 ristoteles sit, sive quicunque tandem alius, causæ effici-
 entes, quod ipse verbis satis perspicuis indicat, cū addit:
 „ Principiorum illa primaria & potissima vocantur, à
 „ quibus primum motus. Justissimè verò omnium, ē
 „ quibus nihil aliter fieri contingit, cujusmodi penes
 „ Deum est. Hujusmodi igitur principia ex Philoso-
 phi sententiâ nō obtinent in Mathematicis, nisi κατ' ὁμοιό-
 τητα, *secundum similitudinem*: quod tam arcta sit principio-
 rum in istis disciplinis cum conclusionibus, quæ inde de-
 ducuntur, connexio ut istis positis harum non possit nō
 veritas constare. Hinc enim (sūt verba illi ipsius Auctoris)
 „ non nisi principio ipso demum labefactato labefiunt,
 „ quæ ab isto fluunt, demonstrationes, cum ipsæ inter
 „ se demonstrationes altera alteram tantisper non ever-

„ tant, quantisper illa communis hypothesis, unde lu-
„ cem istæ suam habent, non evertitur. Nam si habens
„ te trigono duos rectos necesse est tetragonum qua-
„ tuor rectis constare, manifestum est, quod trigonus
„ duos rectos habens, causa ejus existat. Verum si quid
„ in trigono mutâris, necessarium est, & in tetragono
„ mutes, ut si tres habuerint sex & si quatuor octo. Sin
„ verò non mutes, ut illud, ita hoc quoque habeat ne-
„ cesse est. — Nam si nulla alia triangulo causa est, cur
„ ita habeat, id ipsum principium erit & causa poster
„ riorum. Hæc ille. Ex quibus patet, Philosophum
ne illic quidem Mathematicis disciplinis adimere, quin
potius tribuere, causas, ex quibus demonstrationes pro
cedant: sicuti & reverâ demonstratio est, cum æqua
litas laterum trianguli probatur ex angulorum æquali
tate. Non enim hæc illius, sed illa hujus causa esse pu
tanda est. Sed nec causam videmus ullam, cur Theo
logiæ revelatæ appellatio scientiæ sit deneganda. Habet
enim & illa objectum, habet affectiones, habet propria
principia & causas, ex quibus syllogismos necitat, qui
quo alio nomine venire possunt, nisi demonstrationū?
Veluti Christum hominem fuisse etiam ante Abrahamū,
eundemq; eo ipso tempore, quo extitit in terris, etiam
fuisse in cælo, probat ex eo, quod divina natura τὸ λόγος
quæ æterna & omnipræsens est, cum naturâ humanâ,
quam assumpsit, ad unam ὑπόστασιν unita sit, ita, ut in eâ
dem hypostasi, in quâ subsistit divina ejus natura, quæ
æter

æterna est, in eâdem post incarnationem subsistere cœperit & humana. At hæc causa propria & adæqvata est dictarum affectionum. Id enim omni hypostaticæ unioni duarum vel plurium rerum commune est, ut supposito ab unâ istarum denominato rectè tribuantur & propriæ reliquarum affectiones, videlicet in concreto. V. c. hoc corporeum, Petrus, rectè dicitur appetere, quoniam corpus & anima sensitiva, cui appetitûs connexus est, conjuncta sunt in eo ad unam *ὑπόστασιν*. Pariter quod omnes, ex primo homine oriundi, qui consortes fieri cupiunt regni Christi, in Spiritus S. inhabitatione consistentis, sint baptizandi, inde probat, quod omnes, sive adulti sint, sive parvuli, infecti sint peccato originis, sive gratiâ Spiritus, primo homini in ipsâ creatione, ut eam, si legem servaret à Deo acceptam, in posteros, & quidem per generationē, propagaret, concessâ, ob lapsum illius careant, indeque regeneratione opus habeant, ut ejus rursus participes reddantur, cui negotio perficiendo Deus baptismum sive aquæ lavacrū destinavit, quod nulla generatio naturalis fiat sine aquâ & Deus naturæ se semper accommodet: atq; elementum insuper hoc non terrenum sit, sed cæleste (quâ de re videndus est locus Gen. 1, 9.) majorem cum Spiritu cognationē, quàm cætera elementa, habens, cui & in ipsâ jâ creatione innatarit Gen. 1, 3. ut *fotu suo*, sicut loquitur Ambrosius l. 1. Hexæmeron c. 8, *illud animaret ad vitam*, ex quo & primum illud edidisse legitur animatum Gen.

1, 20. Ast hæc omnia ita sunt comparata, ut causam con-
tineant propriam & domesticam affectionis antè ad-
ductæ. Rursus quod omnes credentes in Christum vi-
vâ fide, sive tali, quæ per charitatem efficax est Gal. V,
5, pacem habeant cum Deo, id inde astruit, quia isti om-
nes justificati sunt coram Deo. Imputatur enim talibus
justitiâ Christi. Quâ de re videndus est Apostolus Rom.
III, 22 seqq. & c. IV, 5, nec non c. V, 19. Ast justifica-
ti coram Deo pacem habent cum illo Rom. V. 1. Jam
autem sunt & hæc propositiones immediatæ & causam
continent conclusionis. Habent ergo demonstrationes
propriè dictæ locum in Theologiâ: adeoq; & ipsa ha-
bitus est demonstrativus, & consequenter scientia. Spectat
insuper huc, quod Aristoteles lib. 1. Phys. c. 1 docet, cō-
tingere, ut sciamus circa omnes methodos, quarum
„ sunt principia, & causæ, & elementa. Tunc enim
„ putamus, *pergit*, unum quodq; cognoscere, cum cau-
„ sas primas noverimus & principia prima usq; ad ele-
„ menta, hoc est, cum genus aliquod resolvere possu-
mus in sua principia & quidem prima. Sciens enim
media singula eousq; persequitur, donec pervenerit ad
prima, medio destituta 1 Post 33 §. 4. Unde & The-
mistius in paraphrasi prioris loci: Is, qui cum certâ co-
„ gnoscit scientiâ, necesse est, principia rei cognitæ pri-
„ us cognoscat: quod & artes rationales declarant.
„ Grammaticos siquidem dicimus, non qui nomina au-
„ scultant, sed quibus in promptu est dicere, ex quo
con

„ constet elementis nomen unumquodque. Item Mu-
„ sicos vocamus, non qui summâ aure cantus excipiunt,
„ sed qui inonos & semitonia dissolvere norunt. Jam
autem obtinent etiam hæc in Theologiâ. Nam & ea,
quæ de Deo in Scripturis dicuntur, ita sunt comparata,
ut unum eorum reduci queat ad alterum usq; ad prima
principia & elementa, quæ se superius quid haud agno-
scunt. nec alia est ratio eorum, quæ ad *ὁκονομία* vel etiam
ad mores & Rempublicam Ecclesiasticam, itemq; ad
Sacramenta spectant. V. c. de Deo in Theologiâ dici-
tur, quod re aliâ nullâ indigeat, sed sibi ipsi sufficiat: di-
citur verò de eodem & hoc, quod sit bonorum omnium
summum, quæ duo sanè non eodem modo sunt com-
parata. Posterius enim Deo immediatè inest, ex quo
vel ipse etiam Aristoteles illud posuit in definitione ejus
12 Met. 1; prius autem illud ex hoc potest demonstra-
ri. Hæc enim ipsâ de causâ Deus nullâ re extra se indi-
get, quia bonorū omnium summum est, cujus proprium
est *ἡ ἀπάρεσις εἰς αὐτόν* 1 Ethic. 5 (7.) Pariter de Filio dicitur, quod
nos à morte redemerit: dicitur verò de eodem & hoc,
quod conceptus & natus fuerit: itē quod passus & mor-
tuus. Jam autem & hæc omnia non æquè primò cum Fi-
lio DEicohærent, sed unum eorum reduci potest ad al-
terum.

Ideò enim is verus homo conceptus &
natus est, ut in assumptâ humanâ naturâ pati & mori
posset pro nobis: passus & mortuus autem pro nobis est,
ut hæc ipsa sua passione & morte nobis redemptionem

præstaret, quam consequi non potuissemus, nisi ille, qui
vices redemptoris in se suscepit, mortem nostri loco
sustinuisset, eoqve ipso iustitiæ divinæ satisfecisset. De-
nique ut in Philosophiâ practicâ primum principium, ad
quod omnia, quæ illic traduntur, revocantur, finis est, 7
Ethic. 9, 1 Eud. 8 & 1, 2 c. 11: sic & fine, ceu primo prin-
cipio, Theologus moralis metitur, quæ ad praxin Chris-
tianam pertinent atq; Reipublicæ Ecclesiasticæ guber-
nationem; itemque ea, quæ ad sacramenta spectant.
Consistit namque & eorum ratio in actione, & quidem
ad finem certum directâ, ex quo illa sunt diducenda. Ul-
terius doceri potest Theologia. Ast scientiæ proprium
esse ostendimus *doceri ac disci posse*, ex Platone pariter in
Menone & Aristotele 6 Ethic. c. 3. Ex quo & Augusti-
nus Concione 17 in Psalm. 118: *Scientia, inquit, docendo
datur. Nam quid est aliud docere, quàm scientiam dare? Et hæc
duo ita sibi connexa sunt, ut alterum sine altero esse non possit.* Et
quid tandem erit Theologia, si scientia non est? Est e-
nim sine dubio habitus, quo semper verum dicimus &
nunquam fallimur. Et tamen nec prudentia est, nec
ars: nec intellectus est. hic enim principiorum solum
est, 6 Ethic. 6. Ast Theologia non circa principia so-
lum versatur, sed & circa conclusiones ex principiis du-
ctas. Sapientia autem dici quidem potest ex parte, quan-
tum ad Theologiam *θεολογικήν*, quæ circa Deum versatur, &
prima universæ Theologiæ principia expendit: non au-
tem, quantum ad Theologiam *οικονομικήν*, nedum moralem
aut

aut myſtagogicam, quarū principia in principia iſtius re-
ſolvuntur. Aut ſcientia ergò erit, aut nō erit talis habitus,
quo ſemper verum dicamus : ſed opinio, quæ & ipſa
quidē *μετὰ τὸ λόγῳ* eſt, quantū ad conſeſiones, verū ſic
cōparata, ut eo contingat etiā *διαψεύδεσθαι*, hoc eſt, *decipi ſive*
falli, 6 Ethic. 3. Quod enim aliqui hic de habitu *θεοδότης*
afferunt, id parum habet ſoliditatis, cum habitus *θεόςδότης*
Scholaſticis dicatur ejuſmodi habitus, qui à Spiritu S. ſine
hominis labore infunditur atq; ab habitu diſtingvitur ac-
quiſito. Theologia autem etſi Apoſtoliſ quidem & Vi-
riſ Apoſtoliſ ab initio & ipſa citra laborem ipſorū fuit
infuſa, nunc tamen ita non conceditur amplius, ſed mul-
to labore ac ſtudio, teſte vel ex ipſa experiētiā, conce-
ditur, adeò, ut nunc non immeritò rideamus cum Greg.
Nazianz. *ſapientes uniuſ diei, quibus ad id, ut docti & Theolo-*
gi ſint, ſola ſufficit voluntas, ex Orat. ejus 29. Sed etiam ſi
adhuc hodiē infunderetur hominibuſ ſine labore ipſo-
rum Theologia, definiendum tamen adhuc eſſet, quae-
liſ ſit iſte habitus, neque id obſtaret, cum certum ſit eſſe
cum intellectuſ habitum, quo minus illa ad aliquem ex
prædictiſ habitibuſ referatur. Nam & in iſi, quæ initio
naſcentiſ Eccleſiæ ſine labore fidelibuſ conceſſa fuerūt à
Spiritu S. dona, *σοφία* cenſetur 1 Cor. XII, 8, itemq; *γνώσις*,
ibid. quam ſcientiam interpretatuſ eſt Vetus Vulgatuſ La-
tinuſ, quarum utraq; inter habituſ laudatoſ numera-
tur. Atq; hinc & Jacobuſ eoſ, qui peritiā Theologi-
ca ſunt inſtructi, ut alioſ docere poſſint, *ἐπισήμους* vocat,

scientia imbutos, c. III, 13. Sed & Patres passim Theologiam scientiam esse agnoscunt. Irenæus sanè l. 1. adv. hæreses c. 4. ad peritiam Theologicam, quam à fide distingvit, hoc quoq; inter alia pertinere ait, explauare, cur Deus tam diuturnâ animi lenitate tã Angelorũ, qui ab eo receserũt, quàm hominũ inobedientiã tulerit; quãq; de causâ alia caduca, alia æterna, alia cælestia, alia terrena unus idemq; Deus procrearit: & cur, cum invisibilis sit, Prophetis tamen in formâ visibili, & quidem nunc hâc, nunc aliâ apparuerit; item, cur omnia in incredulitate concluderet, ut omnium miseretur, & quæ sunt id genus alia. Ast rerũ causas exponere est scientiæ munus. Pariter & Clemens Alexandr: lib. 2. Stromatũ: Fidei meditatio, ait, fit scientia, stabili ac firmo nixa fundamento, ubi per scientiam peritiam Theologicam intelligit. Et postea de eadem loquẽs: Fides est scientiã præstantior & ^{ἡ ἀληθεία} ^{ἡ ἀλήθεια}, quod scilicet hæc ad illã sit exigenda, quippè quæ principia suggerit huius. Rursus: Suprema demonstratio, quam scientificam demonstravimus esse fidẽ, inserit per allationem & apertionem Scripturarum animis eorum, qui discere cupiunt, quæ quidem fuerit cognitio, ^{ἡ ἀλήθεια} ^{ἡ ἀλήθεια}. Si enim quæ assumuntur ad id, quod quæritur, vera sumuntur, ut quæ sunt divina & Prophetica; clarum est utiq; quod quæ etiam eis infertur conclusio, vera inferatur, & rectè nobis demonstratio, ^{ἡ ἀλήθεια} ^{ἡ ἀλήθεια} fuerit cognitio. Cognitio autẽ ipsi hîc nihil aliud est, quàm scientia ejus, quod est, vel scientia congruens iis, quæ fiunt. Porro lib. 7 Stromatum ad hunc modum scribit: Existente demonstratione necesse est descendere ad quæstiones & per ipsas Scripturas discere demonstrativè, quomodo lapsæ sint hæreses, &

Et contra, quæ in solâ veritate & antiquâ Ecclesiâ sit perfectissima cognitio. Et post pauca: Qui in rebus pulcherrimis laborem impendere sunt parati, non desistent prius quærere veritatē, quā ex ipsis Scripturis acceperint demonstrationem. & iterum Ex fide persuademus demonstrativè. Sed & Basilii Magni in Psalm. 115, postquam dixisset fidem ducem esse debere eorum, qui de Deo sunt, λόγων, non ἀπόδειξιν, declarat ulterius, quomodo id velit intellectum, nempe de principiis solū Theologiæ, non de iis, quæ ex illis deducuntur: Ne subsannet, inquit, quisque nostrū hunc sermonem eo nomine, quod auditores proliciamus & hortemur, fidem ut accommodent & assensum his, quæ à nobis citra ullam demonstrationem dicuntur, quum necesse sit cuiusq; disciplinæ principia nullā prorsus præviā demonstratione aut disquisitione discipulis tradi. Fieri enim neutiquam potest, ut qui circa principia disciplinarum velit antur contentiosius, ad finem aliquādo viā & ordine provehantur aut pertingant. Probat hoc exemplo Geometriæ, Arithmeticæ, Medicinæ & Logicarū disciplinarū, ac subdit: Nihilominus & Theologiæ mysterium requirit consensum ex fide nullā prævia inquisitione nitente, quæ sit principium sermonis prudentis, qualem scilicet Theologum decet. Augustinus quoque 14 de Trinit. c. 1. distinguit inter fidem & scientiam, atq; hanc ait dici notitiam istam, quā fides saluberrima, quæ ad veram beatitudinem ducit, gignitur, nutritur, defenditur, roboratur. Aliud enim ait esse scire tantummodò, quid homo credere debeat propter adipiscendam vitam beatam, quæ non nisi æterna est: aliud autem scire, quemadmodum hoc ipsum & piis opituletur, & contra impios defendatur, quam

proprio vocabulo scientiam nuncupari affirmat. Theodoretus Dial. 3: Demonstrativè, non tantum assertivè Ecclesiæ dogmata sunt proponenda. Et serm. 1 de curandis Græcorum affectionibus, qui est de fide: Absurdum est & non ferendū, cæterarum quidem cunctarum artium Magistris convenire scientiā, fidemq; discipulis, in solā verò rerum divinarum doctrinā inversū ordinem esse, ita, ut ante fidem scientia exigatur. Et postea: Dux sit fides, & cognitio ratiōis, subsequatur. Purè siquidem ingenuèq; credentibus Dominus, in quem creditur, cognitionem concedit, fideique adjuncta cognitio perficit scientiam veritatis. Johannes Cassianus Collat. 14 c. 1: Multa scientiarum in hoc mundo sunt genera; tanta siquidem earum, quanta & artium disciplinarumq; varietas est. Sed cum omnes aut omninò inutiles sint, aut præsentis tantum vitæ commodis profint, nulla est tamen, quæ non habeat proprium doctrinæ suæ ordinem atq; rationem, per quam ab expetentibus possit attingi. Si ergo illæ artes ad insinuationem sui certis ac propriis lineis diriguntur, quantò magis religionis nostræ disciplina atq; professio, quæ ad contemplanda invisibilium sacramentorum tendit arcana; nec præsentis quæstus, sed æternorum retributionem expetit præmiorum, certo ordine ac ratione subsistit? Denique & Dionysius, quem Arcopagitam dicunt, lib. 1 de Divinis nominibus c. 2. §. 2: Si talis sit, qui omninò sacris literis resistat, à Philosophiā quoq; nostrā procul admodum aberit: & nisi illi curæ sit divina sacrarum literarum scientia, quomodo nobis curæ erit, ut ipsum ad scientiam Theologicam manu ducamus. In quæ verba S. Maximus, Dionysij Interpres: Scientia, inquit, est recta opinio (utitur voce, δόξα, in latā significatione

ne

ne pro *ὑπολήψει*) ratione alligata: aut vera ratio in intellectu immutabilis & accurata, *ακριβής*, rei cognitio & demonstratio, cujus scientia dicitur, veritatis rationem & rectam opinionem præ se ferens, nec confirmationem ex similis comparatione requirens. Innuitverò has scientiæ descriptiones Theologiæ competere, adeoque hanc esse scientiam propriè dictam. Neq; obstat his, quod haud evidentia nobis sint principia Theologiæ. Non enim requiritur ad principia scientiarum præcisè, ut sint evidentiora nobis, sed sufficit, si sint evidentiora naturâ. Nam & Opticus concludit ex principiis, quæ non Optico, quâ tali, sed Geometræ solùm exquisitè sunt comperta. Et Musicus infert ex principiis, quæ non Musico, ut tali, sed Arithmetico evidenter sunt perspecta. Jam autem principia illa, ex quib; Theologiâ cōcludit, in se sunt evidentissima, etiamsi nobis sint obscurissima. Tam imbecillis enim est intellectus noster, ut ea, quæ maximè intelligibilia sunt, omnium minimè apprehendat. Nec crucem hinc nobis figere debet, quod principia reliquarum scientiarum per inductionem ex sensu innotescant, Theologiæ autem non nisi fide à nobis apprehendantur. Per accidens enim fit utrumq;: neq; principia reliquarum scientiarum per sensum in se fiunt clariora, sed quemadmodum per se consistunt, ita & per se apta sunt cognosci: quod autem à nobis non æquè facillè semper cognoscantur & non nisi intervenientibus sensibus, id fit per accidens, ob imbecillitatem intellectus nostri, qui etiam in manifestissimis caligat. Ut taceam, etiâ reliquarum scientiarum principia bonam partem ex fide cognosci, quod ad ea perfectè intelligenda non sufficiat semper propria experientia, sed

sed interdum & aliorum, imò multorum seculorum experientia requi-
ratur. Verùm ista in his ipsis libris, qui Analyticis posterioribus Aristotelis
respondent, fusius sunt diducta. Nati hi mihi sunt ex Prælectionibus pri-
vatis, quas de hâc materia habui, cum ad Spartam Professionis Logicæ
primū essem admotus, quod factum ante septendecim jam annos. Doe-
bam n. nobilissimam illam scientiam, quæ modū nobis pandit, quo ad
accuratam rerum quæcūq; notitiam perveniamus, fermè oblitteratā
jacere, studiosamq; juventutem solis ferè Dialecticis velitationibus as-
suefactā in ambiguo relinqui, ut rarò inveniret, ubi tuto figeret pedem.
Putavi ergò me operæ pretium facturū, si huic malo medelā pararem:
indeq; auditores meos, posteaquam paulò antè, privatam adhuc vitam
agens, scientiæ hujus priorem partem, quæ de syllogismo agit, iis expli-
cassẽ, ad posterioris quoq; partis arcana percipienda ducere labora-
vi, Magistro præcipuè usus Aristotele, optimisq; ejus interpretibus, præ-
sertim Græcis. Ordinem tamen, quem Aristoteles sequutus est, non
ubiq; retinui. Persuasus enim eram, fore, ut partem scientiæ hanc au-
ditoribus meis omnium optimè instillarem, si eo ipso ordine iis illam
traderem, quem hic observavi. Sed & addidi subinde aliqua, quæ in Ana-
lyticis Aristotelis desiderari videbantur, præsertim de methodo & ordi-
ne in scientiis observandis: nec non de requisitis in eo, qui ad scientiam
capeffendam adspirat, quæ tamen & ipsa maximam partem ex aliis Phi-
losophi scriptis deprompsi. Operam autem imprimis navavi, ut per-
spicuè cuncta proponerem atq; exemplis idoneis, ex variis scientiis pe-
titis, illustrarem, unicè in id intentus, ut commodis consularem eo-
rum, quos isto tempore habebam, Auditorum. Unde nec propositū
mihi tunc erat, hos libros unquam publici facere juris. Quia tamẽ ali-
quoties à Viris eruditis, melius de me sentientibus, ac ipse sentiā, monitus
sū, ut eos publicæ luci nō inviderẽ, satiq; esse duxi ipsorū monitis moreū
gerere, quàm sinistram aliquam, iis reluctando, eorum incurrere opi-
nionem. Recognovi ergò illos, quantum quidem per labores alios, e-
osque varios accatenatos, licuit, atque recognitos Typographo excu-
dendos dedi. Quod si expectationi LECTORIS BENEVOLI saltem ex
parte aliquā (ab omni enim nihil est beatum) satisfecero, erit, de quo mihi
gratulet; sin minus, veniam tamen me consecuturum spero, quod in magnis
etiam voluisse sit satis. Quibus BENEVOLUM LECTOREM divinæ
bonitati & protectioni commendo.



LIBER PRIMUS,

Qui est

DE SCIENTIA CURSIT ET DEMONSTRATIONE.

CAPUT. I.

Dari Rerum Scientiam.

I.

Eorum, qui jam antiquitus Philosophiæ navarunt operam, tria ferme fuerunt genera. *Quidam enim negarunt quicquam comprehendi posse, sed res omnes esse in se incertas, ut non magis affirmari aliquid, quàm negari possit.* Dicebantur hi PYRRHONII à Scææ suæ principe, Pyrrhone. Item ΣΚΕΠΤΙΚΟΙ, ἀπὸ τῆς σκέψεως, quia semper considerabant, sed nunquam decernebant. Porro ΖΗΤΗΤΙΚΟΙ, ἀπὸ τοῦ ζητεῖν, sive à *quærendo*, quia semper quærebant, nec unquam inveniebant. ΑΠΟΡΗΤΙΚΟΙ item, ἀπὸ τοῦ ἀπορεῖν, à *dubitando*, quia semper dubitabant. Et denique ΕΦΕΚΤΙΚΟΙ, quia longæ inquisitionis non alius erat eventus,

A quàm

quàm $\epsilon\pi\alpha\chi\eta$, h. e. iudicii suspensio, seu assensionis retentio. De quibus videatur Aristocles apud Euseb. lib. 14 Præpar. Evang. c. 18. Diogenes Laërtius in vitâ Pyrrhonis, Agellius 11. Noct. Att. cap. 5. Galenus libro de optimo docendi genere, & ipse Sextus Empiricus huic Sectæ addictus lib. 1 Pyrrh. Hypoth. c. 18. seqq.

II. Alij falsi quidem sunt, esse aliquid verum in rebus, sed negarunt esse in nobis $\chi\epsilon\tau\eta\pi\iota\omega\nu$, quò verum à falso discernere possumus. Ideoq; nos ad veritatem rerum pervenire non posse, posse tamen ad id, quod verisimile est. Fuerunt hi Academici, ij nempe, qui à Carneade Cyrenæo, tertiæ Academicæ auctore, ortum traxerunt, ut testatur Cicero in IV Academicarum Qq. Alij enim qui ad mediam Academiam, cujus autor erat Arcefilaus, Crantoris Solensis discipulus, pertinebant, cum Pyrrhonijs ferè idem sentiebant, ut non Seneca solum observat Ep. 88, sed & Sextus Empiricus ipse lib. 1 Pyrrh. Hypoth. cap. 33. In eo tamen erat dissensus, quod Arcefilaus dicebat $\epsilon\pi\alpha\chi\eta$ esse bonam, assensionem malam, idq; secundum naturam; Pyrrho autem non secundum naturam hæc ita esse, sed secundum id quod apparet. Ille præterea asseribat, illud se comprehendere quod nihil posset comprehendere: hic autem ne illud quidem posse comprehendere. Quorum istud observavit Empiricus loc. cit: hoc Agellius 11 Noct. Att. 5.

III. Ab utrisq; abierunt DOGMATICI. Hi enim non solum veritatem in rebus agnoverunt, sed & posse eam à nobis percipi, adeoq; scire nos posse quippiam judicarunt. Unde quamvis in nonnullis assensum cohibere solerent s. ob mentis imbecillitatem, sive ob rerum obscuritatem, s. ob vires æquales rationum, ut Clemens Alexandrinus notat 8 Stromatum, multa tamen, ut certa, definierunt & determinarunt. Quam ob causam & Dogmatici dicti fuerunt. Dogma enim, ut idem Auto

Autor dicto loco definit, *est comprehensio quædam rationalis*: hæc autem stabilis quædam & inconcussa animi assensio. Tales fuerunt non Peripatetici solum, Epicurei & Stoici, sed & de veteri Academiâ Philosophi, quæ Platonem ductorem est secuta. Non enim hic dubitavit de omnibus, ut multi, nescio quâ persuasione delusi, existimant; sed ea quidem, quæ intelligentiâ non assecutus est, incerta reliquit; reliqua autem definiuit. Id quod non solum scilicet ipse ejus testantur, sed & Laërtius, ita de eo lib. 2 scribens: *Plato quæ percepit, asserit: ac falsa diluit, de incertis definire supersedit.* Quibus similia habet Hesychius Milesius in vita ejus, & Suidas in voce, δόγμα.

IV. Et sanè non apparet, quomodo Pyrrhonorum sententia defendi possit. Nam si res omnes sunt indifferentes & quæ de rebus formantur rationes, ita quidem, ut nulli opinioni inhærendum sit, quod statuebant Pyrrhonij (1) non immerito quispiam ex ijs quæ siverit cum Aristotele apud Eusebium, *num errant*, qui discriminis aliquid constituunt & aliquid certi reperiri dicunt, annon? Quod si *errant*, utiq; non rectè sentiunt. Quid enim *error* aliud est, quàm *verum putare, quod falsum est; falsum q; quod verum?* Itaque nonnullos esse dicant necesse est, qui falso de rebus opinentur, se autem esse, qui verum pronunciant, ex quo jam sequitur, non omnia esse adιάφορα, quod tamen statuunt isti, sed aliquid veri, aliquid falsi reperiri. Ut enim ἐνδοξόν τῇ δόξῃ, præcipuè sapientum, mensuratur: ita verum mensuratur re ipsâ, teste Aristotele 9 Metaph. ult. & Alexandr. in 1 Top. c. 1. Quod si *non errant, verum utiq; dicunt*, ipsimet verò errant, omnem διαφοράν remouentes. (11) Nullum erit inter ipsos & vulgus discrimin. Quisq; enim ex vulgo, imprimis in rebus altioris indaginis, iudicium suspendere & cum istis dicere potest, ἄδην ὁρίσθαι, *nihil definitio*, aut, quod

4
idem est, nescio? Quam igitur tandem isti nobis sapientiam ostendunt: aut cur omnes ipsorum lingvâ proscinduntur, Pyrrho unus laudatur? (III) *Ne differre quidem & non differre, opinari & non opinari discrimini quid subibunt?* Cum enim cuncta, ut isti volunt, sint *ἀδιαφορά*, cur ista potius sunt, quam non sunt? Imò quorsum tandem vel ipsum CUR? Omnem enim quæstionem, stante ipsorum hypothese, funditus tolli necessum est, cum omnis quæstio scientiæ gratiâ proferatur, 2. Post. I. juxta ipsos vero scientia nulla detur. (IV) *Eos (qui incerta omnia esse dicunt) è duobus his alterum facere necesse est, nempe aut silere prorsus, aut affirmare seu pronunciare quid.* Si silent penitus, cum ipsis non magis disputari poteris, quàm cum trunco aut stipite. Si dicunt aliquid, vel esse quidpiam, vel omninò non esse dicent, sicut & nunc asserunt omnia *ἀγνώστα* & *νομιστά* esse, *γινώσκον* autem nihil, sui parum memores. (V) Adhæc id, quod dicunt, aut sic declarant, ut dum explicatur, intelligi possit: aut obscurum penitus & ignotum relinquunt. Si hoc, ne tum quidem cum ipsis ulla disputatio institui potest. Cujus enim gratia ea instituitur, nisi *γινώσκοντας εἶναι*? Sin illud, aut declarando infinita dicent, aut finita & determinata. Si infinita, rursus omnem secum agendi facultatem adiment, quod infinitum pertransiri & cognitione comprehendendi non possit. Si finita, definiant aliquid judicentq; necesse est. Quomodo ergo omnia *ἀγνώστα* & *ἀνερωτήτα* esse censent? (VI) Demum, ut reliqua taceamus, quæ Aristocles apud Eusebium citato loco urget, quærere quis ex ijs & hoc posset unde tandem incerta esse omnia didicerint? Prius enim quid certum sit, nosse debent, tumq; demum ejusmodi non esse cuncta statuere. *Πρώτον γάρ*, sunt verba Aristoclis, *εἰδέναι χρὴ τὴν κατάφασιν, εἴτα τὴν ἀπόφασιν.* Quod si verò ignorant, quid sit certum, quomodo dicere possunt, nihil quicquam esse certum, sed omnia incerta?

V. Ad

V. Adversus Academicos porro disputat Augustinus tribus libris, qui extant i Tom. Oper. ejus. Inter cætera autem dicit eos ignorare videri, quid sit *verisimile*. Quomodo enim, inquit, hoc cognoscere possunt sine veri cognitione? Cum dico, Socrates est similis Platoni, innuo sanè me nosse & Socratem & Platonem. Ergo qui novit verisimile, novit & verum. Verum autem qui novit, ille scit. Si quisquam fratrem tuum, ait lib. 2. adversus Academ. c. 7. visum patris tui similem esse affirmet, ipsumque tuum patrem non noverit, nonne tibi insanus, aut ineptus videbitur? Imò poteritne quisquam visum tenere? — Ipsa res clamat similiter ridendos esse Academicos tuos, qui se in vitâ verisimilitudinem sequi dicunt, cum ipsum verum quid sit, ignorent. Verum dubitamus haud immeritò, an hæc talia sint, ut Academicis os occultant. Tota enim Augustini argumentatio nititur notatione Latini verbi, *Verisimile*. Cui vero ignotum est, quàm infirmum ab ipsis Dogmaticis habeatur argumentum ex hoc loco ductum? Galenus sanè *etymologiam* vocat disertè ἀλζωνα μάπτουρα, *mendacem testem*, lib. 2 de decretis Hippocr. & Platonis c. 2. Et c. 4 dicit argumenta inde petita esse *propinqua captiosis*. Per inductionem quoque manifestum est, huic loco in plurimis contradicere rei veritatem. V. gr. εὐχεῖρ non dicitur, qui pulchras habet manus, sed qui agilis est, & dextrè manibus utitur. Et μεγάλῳφυχῳ, non qui μεγάλην φύσιν ἔχει, sed qui cum magnis se dignum esse existimet, revera etiam dignus est, ut ait in 4 Ethic c. 7 (3.) Denique & ratio est in promptu, cur sæpe numero locus hic fallat. Non enim ἐκ τῆς ὁσίας ἢ τῆς ὀνόματῳ δῖος est, quæ Philoponi verba sunt Comm. in 1 Meteor. 3; sed vulgus imponit nomina ut plurimum, & quidem ita imponit, ut intelligit: intelligit autem mediocriter & per accidentia: cortice contentus est, nec penetrat usque ad me-

6
 nullam. Itaq; adversus Academicos parum hac argumenta-
 tione obtinuerit quis, inprimis adversus Græcos, qui πιθανόν di-
 cunt, quod *verisimile* Latini vocant: imò ne adversus hos qui-
 dem, si quid per *verisimile* intelligât, attēdatur. Idem enim ipsis
 hætenus verisimile est, quod *probabile*: Probabile autem
 idem, quod Aristoteli ἐνδοξόν. At non si ἐνδοξόν quid est, sta-
 tim verum est. Non enim mensuratur *re ipsa*, sed τῇ δόξῃ, ut
 diximus num. 4. Et quàm multa sunt, de quibus ἐνδοξόν dis-
 putatur, τὸ ἀληθές autem obtineri nequit? vide 1 Meteor. c. 7.
 & Platonem in Timæo.

VI. Nihilominus durum est, homini *omnem scientiam*
 denegare, cujus tantus omnibus innatus amor est, ut nemo du-
 bitare possit, quin ad eam hominum natura nullo emolumen-
 to rapiatur. Quod argumento est, propriam & naturalem
 eam esse hominis perfectionem, ad quam non verisimile est
 naturam ei viam præclusisse, quod tamen factum esset,
 si nullum homini concessisset κριτήριον, quo verum is à falso
 discernere posset. Et cur indidisset appetitum scientiæ toti ho-
 minum generi, si fieri nequit, ut scientiam homo consequa-
 tur? Frustra sanè id factum esset. Id enim frustra fit, quod
 non fit propter finem, aut consequi non potest finem, cuius gratiâ
 factum est, 2. Phys. 7. Quid autem magis absurdum est, quam
 asserere, naturam aliquid facere frustra? Opera namq; natu-
 ra sunt opera intelligentiæ, ut rectè Themistius 1. de An. cent.
 28. & Averroes 1 2 Metaph. com. 18. & quidem *suprema*, à
 qua tota dirigitur. Eam autem frustra aliquid facere quis di-
 cere audeat, cum ne prudens homo quidem aliquid agat sine
 fine? Fatemur quidem, inesse nonnulla naturæ operibus ex
 necessitate materiæ, quæ finem non habeant, ut sunt nervi in
 corpore & similia: verum ea insunt solum huic aut illi indi-
 viduo, facta ex materia, quod πᾶσι aliq̃d sustinuit in gene-
 ratione

7
ratione. At quæ toti speciei à natura indita sunt, quæ est naturale sciendi desiderium in homine, ea asserere propter finem non esse facta, id ex eorum numero est, quæ minimè verisimilia sunt & opinioni omnium hominum reclamant. Quod cum asserere cogantur Academici, patet, id quod de verisimili, quasi illud tantum à nobis percipi possit, dicunt, neutiquam esse verisimile.

VII. Dices, at in multis est desiderium scientiæ, qui tamen, ipsis Dogmaticis fatentibus, ad scientiam per naturalem inhábiles sunt complexionem. Hinc enim Aristoteles *ἐν οὐκ ἔστιν ἐν αὐτοῖς τὸ ἐπιστῆναι* requirit in eo, qui scientia consequenda desiderio flagrat 8 Topic. 14. §. 3. Et Pythagoras adolescentes, qui se ad discendū offerebant, à principio *ἐπιστορῶν μὲν*, i. e. vultum & speciem totius eorum corporis attentè considerabat, ut ex eo conjiceret, essentne idonei, qui ad Philosophiam, scientiam veritatis, admitterentur. Quos enim existimabat ad id studium ineptos esse, eos non patiebatur apud se operam perdere, ut refert Agellius 1 Noct. Attic. cap. 9. Verum per accidens fit, ut quidam inepti sint ad scientiam. Neque enim ineptitudo illa ijs inest *κατὰ φύσιν*, secundum naturam, sed *παρὰ φύσιν*, præter naturam, quæ, quantum in ipsa est, semper intendit facere optimum & perfectissimum in suo genere, 2 de Gener. & Corrupt. text. 69. & 1 Polit. c. 4. At non semper id præstare potest ob materiæ, ex qua opera sua fingit, contumaciam, aut similia aliqua *παθὲν*, ut innuit Philosophus 1 Politic. 6, & Alexander Aphrod. 1. Probl. 28. Inde in re, quæ ex tali materia fit, oritur ineptitudo aliqua, ut ad alias perfectiones, sic & ad scientiam, quod ijs contingit, qui melancholiâ frigidâ abundant. Quâ de re videndus est Aristoteles Sect. 30. problem. 1. Verum inde non sequitur, desiderium scientiæ toti humano generi frustra esse insitum; sicut nec frustra in eo est desiderium propagan-

pagandi speciem, etiam si accidat quosdam ex naturalibus causis ineptos esse ad procreandam prolem. Et quis ignorat, cum de eo, quod naturæ conveniens est, quæritur, non cuiusque rationem habendam esse, sed ejus, quod in isto genere, de quo quæstio est, *optimè* est dispositum. Vid. i Politic. c. 5. In ijs autem, qui ex hominum genere optimè dispositi sunt, non solum sciendi desiderium deprehenditur, sed & *tupeia* quædam, ineptitudini isti planè contraria.

VIII. Ex his alicui persuaderi possit, non solum res in se esse certas, sed & hominem certi aliquid comprehendere, i. e. scire quippiam posse. Quod & ipsi Academici tandem nolentes volentes concedere coguntur. De eo enim, quod ad verisimile pertinere nobis liceat, non dubitant, sed asseveranter id dicunt, & ex definitione verisimilis probant. Itaque vel hujus saltem dabitur aliqua scientia. Cæterum non sufficit id ratum habere, sed oportet præterea & causam detegere, quæ alios in errorem abduxit, ut crederent, nihil quicquam sciri posse. Varia autem sunt argumenta, quibus nituntur, quæ tamen omnia à duobus promanant fontibus, à *conditione* videlicet *cognoscentis*, & à *re cognoscenda*, aut etiam ab *utroque simul*. Quoad primum sic concludunt: *Incredibilis*, inquit, *est varietas instrumentorum cognoscendi, cum quæ omnis nostra cognitio à sensibus oriatur, certum est sensus non solum in diversis animalium speciebus, sed & in homine maximè variare*. E. g. acutius *vident* alia animalia, alia obtusius. In hominibus similiter *incredibilis* est varietas oculorum, quæ facit, ut aliter videat hic ac ille, cujus varietatis simile quid in speculo representatur. *Gustus* quoque non est idem in animalibus. Salix amara homini est, capræ dulcissima. Quod si igitur rerum dulcium amararumque iudex homo constitui deberet, pronuntiaret amarum, quod bruta, si loqui possent, dulec esse dicerent.

Acce-

9

Accedit, quod gustus non discernat inter salubria & insalubria in homine, in brutis discernat. Sic venenum homo non discernit gustu, gallina discernit. In *odoratu* homo extrema cognoscit, odorem videlicet gratum & foetorem, media non. Qvis igitur media iudicabit? Quò accedit, quod odor, qui huic gratus est, alteri sit ingratus. Idem dicendum de *auditu* & *tactu*. In quibus ipsis sensibus & alia differentia graduum compareret. E. g. patina, quæ hunc urit, sic ut ferre non possit, alium planè non urit. Quid igitur statuendum, cum alter dicit patinam esse calidissimam, alter negat? Hæc in sensibus *externis* varietas quid arguit, nisi scientiam nostram esse incertam? Sed & *interni* sensus idem loquuntur. Intueamur *Phantasiam*. Quando quæritur de optimæ vitæ statu, quæ hinc non varietas opinionum? Hic vitam præfert militarem, ille eruditam, tertius Mercurialem, quartus aulicam; alius rursus melancholiam præfert, alius bilem, alius sanguinem, alius phlegma. Ille perpetuò loquitur, alter non, nisi vino incaluerit. Imò idem homo aliter est affectus animo ante cibum, aliter post cibum. Denique ipse *intellectus* quàm inconstans est? Nunc concludit aliquid, intra horam mutat: aliter iudicat de rebus in adolescentiâ, aliter in virili ætate, aliter in senectute. Cum igitur in homine neque sensus externi, neque interni, neque etiam intellectus sibi consent, quibus solis cognitio à nobis acquiri potest, quis audeat sibi certam aliquam scientiam polliceri? Porro quemadmodum instrumenta cognoscendi (incredibile est dictu) variant, ita non minor in *rebus ipsis* se offert varietas. Nam quæ visui obijciuntur, si mutantur non substantiâ, sed situ aut loco tantum, non eundem præ se ferunt colorem. Aqua videtur decolor aut subnigra, sed si in glaciem coalescat, maximè alba est. Iris, obversa Soli, colorata est, recedente Sole, decolor. Argenti massa alba est, ramenta nigra. Item si quis in littore stet, navem

advertit moveri: si verò in navi sit, tum videntur ipsi urbes & oppida & arces ire, navis autem stare. Eadem est ratio & eorum, quæ sub alio sensus cadunt. Nam & alium saporem integra habent, alium comminuta. Eodem modo & odorem. At cum sensus vacillat in suis objectis, errorem suum objicit intellectui quoque & sic decipitur & ipse. Denique quia cognitio nostra sit *per medium*, quàm varia possunt intervenire inter facultatem cognoscentem & rem cognitam, quæ varietatem rerum & cognitionis inducant. Veluti, cum visus non percipiat objectum, nisi inter medio lumine aut perspicuo, hic autem varietatem aliquam quandoque patiatur, mirum quàm diversimodè hanc ob causam de iis, quæ ipsi objiciuntur, in tali medio judicare cogatur. Exempli causâ, si res ponatur in minore lumine, colorem fuscum visui refert; si in majori, colorem alium; si in maximo, rursus alium. Ita columbæ collum variè inflexum alios ac alios colores demonstrat, & remus in aquâ curvus apparet, qui extra aquam rectus. Mixtio insuper, quæ est in rebus, quantam gustui importat varietatem judicij? Sæpè enim gustamus aliquid, quod sit ex parte dulce, ex parte amarum, Græci γδέρπον vocant. At si lingvæ aliquid accedat incommodum v. c. si sit arida, longè alio modo discernet sapor, quàm si aliter affecta sit, videl. si sit humida. Ne quid dicamus de rebus abditis, quarum causæ sunt occultæ, ut est generatio unionum, gemmarum, metallorum, & similia alia. Quæ omnia cum ita se habeant, concludunt jam cum Sceptici, tum alij, nihil sciri posse. Vide de his differentem Ciceronem lib. 4. Academ. Quæst. & Tertullianum lib. de Animâ c. 17.

XI. Ex recentioribus Scepticorum hypothesin eodem argumento confirmant *Cartesiani*, nisi quod hi longius adhuc, atque illi progrediantur. Illi enim non simpliciter tollunt *φανόμενα*, i. e. ea, quæ apparent, sensibus quæ objiciuntur. V. c. non

c. non negabant se sentire, audire, videre quid; sed solum de eo dubitabant, an hoc, quod appareret, tale esset, quale appareret, v. gr. album, amarum, frigidum &c. Dicimus, ait ipse Empiricus 1. Pyrrh. Hypot. c. 7, Scepticum nulla dogmata statuere, non eo sensu, quo dicunt nonnulli, dogma esse generaliter assensionem ad aliquam rem. Nam ille ijs, quibus per phantasiam cogitatio affici, assentitur, e. gr. cum calefit aut frigesit, nequaquam dixerit, putare non calefieri aut frigesieri (s. tactu aliquid percipere); sed dicimus Scepticum dogma non ponere eo sensu, quo dogma nonnulli ajunt assensum ad rem aliquam dubiam & incertam eorum, de quibus in scientiis quaritur & ambigitur. Nulli enim rei incerta & controversa assentitur Pyrrhonianus. Etc. 10: Non ea invertimus, quae per phantasiam patientem invitos nos ad assensionem adducunt (ut antea quoque dicebamus): ea autem sunt παρόμυνα. Sed cum quarimus, an tale sit subjectum ipsum, quale apparet, apparere quidem concedimus: quarimus autem & ambigimus non de ea re, quae apparet, sed de eo, quod dictum de re apparente, v. gr. apparet nobis mel dulcare: dulcedinem enim ipsam sensu percipimus, sed an dulce sit, quod ad rationem & intelligentiam attinet, ambigimus. At Cartesiani non solum dubitant, an id, quod sensibus apparet, sit tale, quale apparet, dulce aut album: sed simpliciter praeterea ambigunt, nunquid sentiant? Rationem addunt: In somno enim, ajunt, saepe nobis videmur videre, v. gr. hic esse, mensa asidere, togam vestiri &c. cum tamen revera non videamus. Cessat namque in somno sensuum operatio, quippe qui παθος est sensitivae partis & quasi vinculum & immobilitas, vel quies & cessatio primi sensitivi, ut definit Aristoteles ipse in lib. de somno & vigil.

X. Cratylus apud Platonem alio argumento scientiam tollere conatur, cujus summa haec est. Scientia ex sententia illorum,

lorum, qui dicunt dari illam, est rerum æternarum. Jam, inquit, res in duplici sunt differentiâ. Aut enim sunt *cælestes & supra naturâ* elevatæ, aut *naturales*. De *cælestibus*, si vel maximè concedatur, quod sint æternæ, tamen vel ex eorum, qui quàm maximè pro scientiâ pugnât, hypothësis evinci potest, earum non esse scientiam. Nam juxta ipsos *nihil est in intellectu, quod non ante fuerit in sensu*: at rerum cœlestium ea est natura, ut sensus nostros effugiant, ideoq; nec sub intellectu cadere possunt, & sic nec comprehendi. Ad res autem *naturales* quod attinet, eas in perpetuo fluxu versari, adeoq; æternas minimè esse, nemo facillè negaverit. Igitur nec naturalium rerum erit scientia aliqua. Quod ipse Aristoteles quoq; videtur sensisse. Dicit enim in 7. Met: *Quæcunq; materiam habent, sciri non posse*. Jam verò omnes naturales res materiam habent. Sciri igitur non possunt. De divinis quoque cum Cratylo sentire videtur 1. Part. Animal. 4. Quod si autem neq; cœlestium, neque naturalium rerum datur scientia, tum nullius planè rei erit scientia: aut ostendatur, quarum sit.

XI. Hæc potissima sunt, quibus scientiam nostram impugnarunt veteres aliqui, & adhuc impugnant nonnulli. Quibus satisfaciendum est, ne in progressu nos quid moretur. Frustra enim movebimus de scientiâ quæstiones alias, nisi prius de quæstione, an sit, constet. Quod igitur ad Cratylum (de hoc enim, utpote omnium antiquissimo, prius dicendum) spectat, principiò is eo ipso, dum negat aliquid esse perpetuum in his inferioribus, propter perennem ipsorum fluxum, asserit aliquid etiam in his perpetuum dari, nimirum *ipsummet fluxum rerum istarum*, cujus cum etiam causa sit perpetua, dabitur saltem ejus aliqua scientia. Quid enim scientia aliud est, quàm rei perpetuæ cognitio per causam itidem perpetuam & necessariam? Sic igitur Cratylus seipsum refutat & dum negat, introdu-

15

introducitur aliquam rerum scientiam. Adhuc falsum est, quod omnia in his rebus, sublunaribus inquam, sint fluxa. Reperiuntur enim in iis duæ conditiones, *universales* scilicet & *singulares*, quas barbarè Scholastici *individuantes* vocant. Esto nobis exemplo Socrates. In eo duæ hæ manifestè apparent conditiones, *universales* inquam, quæ & aliis præter Socratem conveniunt, ut sunt vita, sensus, motus, tria Socratem quæ faciunt esse animal. Item ratio, quæ facit eum esse hominem: & *singulares*, quæ soli Socrati insunt, ut esse Atheniensem filiumque Sophronisci, qui, falso crimine, mortis damnatus, iudicio Senatus biberit cicutam &c. Ex his posteriores fluxas esse satis planum est. Cum enim Socrates moritur, moritur Sophronisci filius, moritur civis hic Atheniensis, moritur hic damnatus mortis & cicutæ poculo vitæ exutus. At idè non statim fluxæ sunt & priores istæ conditiones. Non enim, moriente Socrate, intereunt continuò sensus, vita, motus, ratio, quoniam hæ conditiones non solum in Socrate sunt, sed in omni homine, imò exceptâ ratione & in nonnullis vi locomotivâ, in omni animali. Fluxus igitur, ut dixi, est singularium conditionum. Quarum quod scientia non sit, ultro damus. Sed quid prohibet eam esse universalium, quarum tantum esse scientiam docet Aristoteles 1. Post. 8, & 7. Met. ult.

XII. Excipient fortè, qui à partibus stant Cratyli, omninò, Socrate moriente, mori & hominem, mori item & animal. Dicitur enim utrumque, revera de Socrate. Verum facilis est responsio. Moritur utique homo, moritur animal, cum moritur Socrates: verum non moritur *ὅτις ὅσος* nec *ὅτις ἀνδρῶν*, non *homo*, inquam, nec *animal simpliciter*, sed *hic homo*, *hoc animal*. Hæ enim singularia sunt, quorum propriè sunt generationes & corruptiones, non universalia, quorum ratio semper servatur in aliquibus individuis, quæ idè ut natura universalis servetur, per continuam generationem sibi mutuò succedunt,

dunt, præsertim in animatis. Quâ de re pulcherrimus est locus apud Aristotelē in 2. Gener. Anim. 1. cujus summa hæc est: Non coelestia solum, quæ sibi semper sunt similia, sed & sublimaria omnia imitantur æternitatem primi entis, quâ licet. At hæc non possunt duratione individui ob conflictum primarum qualitatū in ipsis. Præstant igitur hoc successione & propagatione speciei. Unde singularia quidē in ijs sunt caduca, species autem, quæ universalibus annumerantur, æternæ propter perpetuam successionem. Plato quoque hinc in Convivio generationem vocat *πρᾶγμα θεῶν καὶ ἀθάνατον ἐν θνητῷ ζῷο*, *rem divinā & immortalem in vivente mortali*. Confer, quæ in eandem sententiam leguntur apud Galenum 14. de usu partium cap. 2. Non solum autem propter perpetuam successionem species sunt æternæ, sed imprimis & ideo, quod eandē semper in omnibus, in quibus sunt, & quando sunt, habeant rationem. Unde non eorum solum, quæ continuâ generatione propagantur, sed & eorum, quæ statis sunt temporibus, in universali scientia dari potest, quoniam & eorum ratio universalis, perinde ut cæterorum, eadem perpetuò & constans est. Quod perspicuè docet Aristoteles 1. Post. 8. Quæritur ibi, quomodo de *Eclipsi Solis, Lunæ* & alijs similibus rebus, quæ non semper, sed statis solum temporibus sunt, esse possit scientia, cum scientia sit *rerū æternarum*. Et respondet, huiusmodi res non semper esse, quæ singulares sunt; esse autem semper, quatenus tales sunt, hoc est, quatenus sunt *universales & talem habent rationem*. E. g. *Eclipsis Lunæ* semper est, non quod eo tempore, quo nulla est Eclipsis, sit ejus essentia, sed quia, quando est, semper eandem habet rationem, ac fit per eandem causam. Semper enim Eclipsis Lunæ est ejusmodi privatio luminis Lunæ, quæ accedit ob interpositam terram inter ipsam Lunam & Solem. Propter hanc igitur rationis constantiam æterna dicitur, & ob eandem de eâ haberi

13

beri potest scientia. Quod si secus se res haberet, si, inquam, Eclipsis Lunæ nunc eveniret propter hanc causam, alio tempore propter aliam, & alio rursus propter aliam, non esset res perpetua, sed casui subiecta, indeq; sub scientiam cadere non posset. Quod verò de Eclipsi Lunæ diximus, idem & de reliquis universalibus est dicendum. Omnium enim universalium esse est *συνεῖδος* sive *compositum esse*, 9. Met. c. ult. Compositio autem ista est æterna, velut compositio aut connexio anime rationalis cum naturâ humanâ.

XIII. Locus ex 7. Met. num. 10. adductus nobis non adversatur. Aristoteles enim ibi loquitur *non de quâvis materiâ*, sed de materiâ *singulari & sensibili*, quod patet ex toto contextu. Scilicet disputat ibi Philosophus de *τὸ τί ἐστι* rerum, cumq; docuisset, illud esse tantum *substantiarum* & non accidentium, aut certè *proprie & primò* substantiarum, substantiæ autem compositæ dicantur ex materiâ & formâ, quærit hinc porro, sitne *τὸ τί ἐστι* collocandum tantum in *formis substantialibus*, an verò ad illud simul & materia pertinere sit dicenda. E. gr. cum homo compositus sit ex ratione, tanquã formâ, & corpore tali tanquã materiâ, quærit, an *τί ἐστι* s. quidditas (liceat nobis ita loqui) hominis collocanda tantum sit in ratione, an verò quidditatē hominis ratio simul & corpus hominis absolvant? Respondet, quidditatem utrumq; complecti & *formam & materiam*. Obiciebatur: Atqui quidditas æterna esse debet: materiam autem quod habet, corruptibile est. Respondet, id quidem, si rectè intelligatur, verum esse; sed videndum prius esse, cuius substantiæ sit quidditas, num *totius*, quæ *τὸ τί ἐστι* habet in *materiâ singulari*: an potius *speciei*, hoc est, num *singularis*, an *universalis* substantiæ. Dicit ergò, singularium substantiarum quidditatem non esse. Illæ enim intereunt, quoniam ex singulari & sensibili materiâ constant, sed specierum, quæ

quæ æternæ sunt. E. gr. definitio non est Socratis. Socrate enim intereunte perit & rationalitas Socratis, si non simpliciter, tamen in hoc corpore, ex quo constabat Socrates; sed definitio est speciei hominis, quæ etiam intereunte Socrate viget in alijs superstitibus & consequitur æternitatem successione atque in omnibus eandem habet rationem. Concludit itaq; in definitione substantiarum compositarum assumendam quidem esse materiam, verum *non sensibilem* illam & *singularem*, in quâ quidditas inest, quæ causa est, ut generationis, sic & corruptionis; sed aliam quandam *universalem*, sine quâ species nec esse, nec concipi potest. Ex hinc porrò inferit, scientiâ esse specierum, non earum, quæ materiam habent (sensibilem puta) i. e. singularium.

XIV. Ad cœlestia quod attinet, falsum, est, quod Aristoteles in libb. de Partibus Anim. dicat, nos planè nullam de rebus divinis habere scientiam; hoc solum dicit, nos *levem* de ijs obtinere scientiam. Parum autem scire, non est planè nihil scire. Esse verò hunc sensum verborum Aristotelis, ipsamet perspicuè ostendunt. Ita enim habent: *Quamvis res illas superiores leviter attingere possimus, tamen ob ejus cognoscendi generis excellentiam amplius delectamur, quàm cum hac nobis juncta omnia tenemus, quemadmodum quamlibet partem minimamq; corporis nostrarum puella deliciarum vidisse gratius ac jucundius est, quàm ceterorum hominum membra tota perspexisse ac contractasse. At inferiora hæc & plura sunt, & plenius cognosci possunt.* Non negat itaque Philosophus, posse nos res cœlestes scientiâ comprehendere, verum exiguam eam esse dicit. Qualis autem sit, docere hujus loci non est. Dicam tamen aliquid tribus verbis. Cum res cœlestes agant in hæc inferiora, id quod sensus nobis renunciant, duo in ijs considerata veniunt, *essentia & causa*, h. e. duo de ijs quæri possunt, quid sint

sint & quarum operationum sint causæ. Priorem quæstionem indagare & peruestigare difficile nobis est, imò fortè impossibile. Cum enim cœlestia partim simplicissima sint, ut Deus, partim simpliciora nobis, sit, ut intellectus noster ad illam simplicitatem se habeat, ut oculi vespertilionum ad lumen Solis, 2. Met. 1. Quatenus verò operationes rerum cœlestium incurrunt in sensus nostros, catenus etiam eorum beneficio subvehimur in cognitionem rerum cœlestium. E. gr. ex motu æterno progredimur ad motorem; ex eo, quod inferiora calefiunt, ad causam progredimur, & deprehendimus fieri hoc Solis motu ac lumine. Sic igitur aliqua etiam de rebus cœlestibus est scientia. Quod Philosophus quoque noster satis dilucidè alijs in locis docuit, ut in libris de Cœlo, de ortu & interitu, 3. Phys. 12. Met. & 4. Meteorologic. Sic igitur Cratylo satisfactum esto.

XV. A Cratylo ad reliquos progredimur, quorum princeps argumentum & velut Achilles erat illud, quod à varietate sensus est depromptum. Ita enim isti inferebant: *Quale est principium cognitionis, talis est cognitio ipsa. Principium autem cognitionis, quod Dogmatici sensum esse volunt, est fallax & incertum. Ergò omnis nostra cognitio talis est.* Speciosa sanè ratio, sed parum firma. Non enim facile nobis persuaserint illi, ut cum ipsis iudicium sensus, si cætera sint paria, fallax esse arbitremur, ad quod omnes homines naturali impetu velut ad certum veritatis tribunal appellant. Quis enim non pro certo habet, quod suis oculis videt, suis auribus audit &c? Imò illos ipsos, quibus sensus fallax esse cogitur, ei fidem habere, nemo non videt. Nam ut *rectius*, sunt verba Aristoclis apud Eusebium loc. cit. *aliquid intueri possint, cum purgare oculos, tum etiam accedere propius ac subinde niſtando intueri solent.* Nonnullius certè autem æstimandum est id, in

C

quo

quo idem sentiunt omnes. Maximum namq; id veritatis arguementum est, quippe indicium, ipsam naturam quodammodo mentibus hominum ejus notionem indidisse. Unde Aristoteles: *Potentissima probatio est, si ostendi queat, omnes homines in id, quod dicimus, consentire*, 1. Eud. 6. Conferatur Seneca Epist. 117. Sed & hoc cogitandum, Deum & naturam tribuisse homini & cæteris animalibus sensus, non frustra sanè, sed ob certum finem, cum ea etiam, quod suprà addendum fuisset, quæ ex necessitate materiæ sunt in animatis, videamus à naturâ adhiberi ad certum usum. E. gr. Sanguis menstruus fit ex necessitate materiæ, cum natura ob frigiditatem habitus muliebris non possit concoquere sanguinem, utitur tamen eo natura gratiâ melioris & propter finem, ad generationem, 2. Gener. 4. Sic fuliginum generatio fit in homine similiter ex necessitate materiæ, facit tamen natura inde pilos, Galenus lib. 11. de usu part. c. 14. Vide quoq; de bile Galenum 3. de usu part. c. 4, de humoribus in foetu eundem lib. 15. c. 5, de floribus deniq; Aristotelem 2. Post. 11. & Theophrastum 7. Hist. 14. Quotò magis ergo ea, quæ essentiam rerum animatarum constituunt, à naturâ erunt finis gratiâ facta? Tale verò quid in respectu ad animal, est sensus. Eo enim animal definitur. Erit igitur & sensus in animalibus finis gratiâ. Quis verò iste? Autor Operis de divinâ sapientiâ secundum Ægyptios apud Aristotelem lib. 5. c. 1. hunc ait esse, *ut animal se ab externis injuriis tueatur & declinet, qua nocitura presentit, persequatur autem, quod videt sibi esse conveniens*. Quem finem res ipsa comprobat. Quod si verò hujus gratiâ sensus naturâ inditi sunt animalibus, poterit utiq; animal ipsorum monstratione certò cognoscere, quid persequendum, quid fugiendum sit. Quomodo autem id fieri posset, si sensuū judicium prorsus fallax esset? Homini porro etiam amplioris cogni-

cognitionis gratiâ sensus dati sunt. Cujus signum vel hoc est, quod homo magis diligat visum, quàm cæteros sensus, etiam gustum & tactum, cum tamen minus homini necessarius sit ad individui conservationem. Cujus causa alia non est, quàm hæc, quod ad plus cognoscendum conferat, quàm ullus alius sensus. Plures enim rerum percipit differentias, quàm reliqui sensus, ut est in 1. Met. 1. communes nempe, ut sunt magnitudo, figura, motus & hujusmodi. Propriorum enim sensibilibus differentias plures percipit tactus, quàm visus, cum hic lumen solum & differentias colorum comprehendat: ille durum & molle, asperum & læve, calidum & frigidum, humidum & siccum, æquale & inæquale, & alia. Reliqui præterea sensus percipiunt tantum qualitates rerum sublunarium: at visus ad cælestia quoq; pertingit. Unde Plato in Timæo: *Visus nobis fuit in causâ maximi beneficij, quia nullus sermonem habere posset de universo, neq; cognoscere sidera, neq; Solem, neq; cælum sine visu, nunc verò videntur dies & nox, & revolutiones mensium, & annorum, & numerus est inventus, & cognitio temporis, & de universi naturâ inquisitionem tradiderunt, ex quibus non confectum Philosophia genus, quo majus bonum neq; evenit, neq; unquam eveniet, datum à Diis generi animalium.* Quomodo autem dici posset, sensus cognitionis gratiâ homini datos esse, si à judicio sensus, quippe fallaci, non possumus stare.

XVI. Sed & aliis factis illi, cum quibus nobis negotium intercedit, comprobant sensuum judicium, in ijs præcipuè, quæ persequenda & fugienda sunt, esse certum. Cur enim cum impetuntur ab hoste & verberibus excipiuntur, fugiunt, si sensus fallunt? forsan nemo adfuit, aut qui adfuit, hostis non fuit, aut verbera in eos non tulit? Unde enim certi erunt de his, cum sensus sint fallaces? Item cur sitientes ad aquam

potius accedunt, quàm ad ignem? Unde enim norunt, hoc esse aquam, istud ignem? Quid multis dicam? nec edendum ijs, nec bibendum esset, si isti principio inhzere vellent, sensus esse fallaces? Nemo enim ad edendum & bibendum impellitur, nisi apprehensio sensus præcedat. At hæc fallax est, si istis credimus. Virtutibus quoq; frustra studium impenderent, & nos cum ipsis. Exercitium namq; virtutis certis *περιστοιχίαις*, seu circumstantiis, circumscriptum est, ut ostenditur 3. Ethic. At hæc omnes non aliter, quàm sensibus dignoscuntur: in sensus autē quæ in currunt, juxta illos incerta sunt. Ut rem illustremus, sit nobis liberalitas exercenda, veniat pauper aliquis ante fores nostras, petat panem, daremus; at dubium, an aliqui sit ante fores, an sit pauper, an, quod in manibus habemus, panis sit, an præbeamus? Hæc enim quomodo dignoscere possumus sine sensu? aut sensus, si illos audimus, judicare non potest, cum nimis fallax sit. Et quid dicemus de Reipublicæ administratione? Magnam ad eam requiri prudentiam, in confessio positum est apud omnes. At ea sine experientiâ acquiri non potest, 10. Ethic. c. ult. Quamvis enim opus non sit, ut unus, quisq; qui rempublicam administrare vult, per se omnia exploret, historias tamen humanarum rerum plurimas ac veras cogitur ad minimum nosse, quarum fructus est prudentia. Neq; datur compendiosior ad hanc via, quàm per has ipsas. Unde & Polybius *ἡν ἐκ τῆς ἱστορίας μάθησιν* vocat *ἀληθινολάτῃν παιδείαν καὶ γυμνασίαν πρὸς τὰς πολιτικὰς πράξεις*, i. e. *verissimam institutionem atq; exercitationem ad res civiles*. At nemo potest quicquam experiri sive per se, sive operam dando lectioni historiarum sine sensu. Res gestas enim spectare, historias autem aut audire, aut legere oportet. At dubium est, num hoc audiat, aut videat, cum sensus fallant. Cadit itaq; fundamentum prudentiæ, cujus beneficio administranda erat respublica.

XVII. Sed excipiunt, sermonem hūc non esse de rebus in vita communi, eāque, tam morali, quā civili agendis, sed de ijs, quæ ad γνῶσιν & scientificam veritatem pertinent. Ita Cartesius: *Dudum, inquit, observaveram, permultas esse opiniones, quas, etsi valde dubia sint & incerta, non minus constanter & intrepidè sequi debemus, quatenus ad usum vita referuntur, quā si certa essent & explorata. Sed quia tunc veritati quarenda, non autem rebus agendis totum me tradere volebam, putavi mihi planè contrarium esse faciendum & illa omnia, in quibus vel minimā dubitandi rationem possem reperire, tanquam aperte falsa esse rejicienda, ut experirer, an ijs ita rejectis, nihil praterea superesset, de quo dubitare planè non possem.* Dubitationem itaq; hāc omnem à communi & civili vitā removet Cartesius, quod & Sextus facit i. Pyrrh. Hypoth. c. 11. in ijs autem quæ ad γνῶσιν pertinent, nil nisi eam relinquit. Quasi verò aliquid intrepidè agere deceat, de quo nondum constat, an rectum sit, nec ne? Sanè de nullis rebus homines magis dissentiunt, quā de *justis & injustis, honestis & inhonestis*, dum quod uni justum & honestum, alteri injustum & turpe videtur. Ita Epicureis honestum est, suis quemq; tum voluptatibus, tum opportunitatibus metiri eoque dirigere omnia, nihilq; aliorum causā facere, quod quā turpe & inhonestum alij judicent, nemo nescit. Lacedæmoniorum pueris furari & quam plurimos habere amatores, decori erat. Apud eosdem puellæ nudæ, cum pueris itidem nudis, in publico exercebantur. Persæ cum matribus, filiabus, fororibus commiscebantur, easque corporum conjunctiones legitimas ac non inhonestas credebant. De talibus autem numquid dubitandum non est, an sint honesta, sed intrepidè sequenda? Eleganter Aristoteles: *Id quod in διαβολῇ, inquit, est affirmatio & negatio, in appetitu est persecutio & fuga, 6. Ethic. c. 2. (1.)*

atque inde ita colligit: *Quare, quoniam moralis virtus est habitus praelectivus & praelectio est appetitus quē antegressa est deliberatio, propterea oportet & rationem veram esse, & appetitum rectum, siquidem praelectio proba sit & eadem affirmare illam, & hanc sequi.* Quibus verbis nihil aliud, quā hoc indicat, ad id, ut honesta aliqua sit actio, requiri, ut ratio vera sit & appetitus iudicium rationis sequatur. Sic enim demum veras & laudabiles sequi actiones. Oportet igitur certum prius esse, an rectē se habeat, quod quis agere vult, antequā agat. Ratio autem vera, quā id manifestat, ducitur ex primis principiis practicis, quorum firmitas quod sensibus nitatur, infra dabimus demonstratum. Posito ergo hoc, quod sensus sint fallaces, nemo intrepidē quicquā agere poterit, quippe incertus, an rectē agat, nec ne?

XVIII. Caterum, quod ad rationes attinet, quibus sensuum iudicium fallax esse ostendere conabantur, cum Scepticum Academici, ad eas alicubi respondet Augustinus. Dicit, *in sensu propriē nullum errorem esse, praesertim in sensu externo.* Rationem addit: *Non enim propriē iudicat sensus, esse quidpiam hoc aut illud, v. g. remum, quem in aquā videt, esse fractum aut curvum: sed simplici cognitione, secundum formam imaginis, quā organo inprimitur, apprehendit, & eam apprehensionem primum phantasia, ac deinde intellectui renunciat.* Quod totum, ait, esse officij eius: iudicium verō an ita sit, ac non sit, relinquere tribunali intellectus. *Vnde si quis remum v. gr. frangi in aquā opinatur & cum inde aufertur, integrari, non malum habet internuncium, sed malus est iudex.* Nam oculus internuncius pro suā naturā non potuit aliter in aquā sentire, nec debuit. *Si enim aliud est aer, aliud aqua, iustum est, ut aliter in aere, aliter in aqua sentiat.* Quare oculus rectē videt. *Ad hoc enim factus est, ut tantum vide-*
at.

at. *Sed animus perversè judicat.* Hactenus ille lib. de verâ religione c. 33. Distingvit itaque Augustinus inter judicium & apprehensionem simplicem. Quod discrimen in eo consistit. Judicando annuimus vel abnuimus, rem ita se habere v. gr. remum, quem in aquâ quis videt, esse fractum, vel curvum. Quorum neutrum facimus, quando simpliciter tantum rem illam apprehendimus. Judicium itaque consistit in compositione & divisione. Sensus autem non componit, nec dividit, sed simpliciter tangit aut non tangit objectum per species representatum. Quod & Aristoteles docet in 1. Post. c. 10 & 3. de Animâ c. 7. Inde in apprehensione sensus non est propriè sic dicta veritas, nec falsitas, indeq; nec error. Veritas enim & falsitas consistunt in compositione & divisione, 6. Met. ult. Athæc in sensu non dantur. Ex eadem causa Aristoteles de intellectu quoq;, quem à διαβολῇ distingvit, asserit, in eo propriè nec veritatem esse, nec errorem, cum intellectus quoq; non componat nec dividat, sed simplici intuitu objectum suum, quidditatem & essentiam rerum, apprehendat, 9. Met. ult.

XIX. Hæc quidem cuncta vera sunt, non videntur tamen dubium à Scepticis & Academicis motum planè tollere. Quanquam enim sensus propriè non judicet, adeoq; in ipsum propriè dictus error non cadat, negari tamen non potest, fieri aliquando, ut sensus intellectui, ni circumspiciat sibi, sit occasio erroris. Nam unde *opinio* (verba sunt Tertulliani lib. de Anima c. 17.) *nisi à sensu?* Nisi enim visus rotundam senserit turrem, nulla opinio rotunditatis. Caterum etsi aliquando sensus errori occasionem præbeat, fit tamen id non per se, sed per accidens, nempe, si non sint præsto omnia, quæ ad perfectam sensus apprehensionem requiruntur. Quod si autem ea omnia adsint, nullum est periculum, quod sensus errandi an-

sam

sam sit præbiturus. Videndum igitur ante omnia est, quæ sint illa requisita. Quo perspecto facillimum erit rationibus occurrere Scepticorum.

XX. Requiritur itaque ad perfectam sensus cognitionem (1.) *organon rectè affectum*. Est enim sensus facultas organica, quæ per organa certa exercet vim suam. Eorum organorum duo sunt, alterum *commune*, quod Spiritus vitalis est: alterum *proprium*, quod est certa aliqua corporis pars v. gr. oculus, lingua &c. Utrumq; benè affectum sit, necesse est, si quidem sensus iudicium rectum esse debeat, v. gr. ut auditio rectè se habeat, requiritur Spiritus vitalis non læsus, tanquam instrumentum commune, & bona constitutio auris, ut instrumenti proprii &c. Res planè eodem modo se habet, quo in actionibus opificum, ad quæ si rectè fieri debeant, similiter duo requiruntur, quæ rectè se habere oporteat, nempe manus benè valens, tanquam instrumentum commune, quod inde Aristoteli *ὑργαλειον ὑργαλειον* dicitur, id est, *omnium instrumentorum primum*, quia omnes artes mechanicæ manu seu organo utuntur, 4. Part. 10. ad quem locum confer Galenum 1. de usu part. 4. & Nyssenum 1. de opificio hominis c. 8. & aliud instrumentum proprium. E. gr. ut opifex rectè serret, oportet: & manus rectè se habeat & item serra; ut rectè limet, oportet & manus se rectè habeat, & item lima; ut rectè scindat, oportet & manus se rectè habeat, & item culter. Ut igitur interdum in his actiones rectè non fiunt, quia manus malè affecta est, sæpius autem, quia instrumentum proprium est vitiosum: ita & sensuum operationes in homine interdum, licet rarissimè, non rectè fiunt, quia Spiritus vitalis est læsus, ut in animi deliquis; sæpissimè autem, quia instrumentum proprium aliquod vitium in se habet: quod sit, si v. c. pravà aliquà qualitate sit imbutum, aut integrum non sit, ut si sit compressum, aut con-

stipatum,

stipatum, aut tumidum, aut convulsum, aut eversum, aut distortum, aut distensum, aut contusum &c. In istiusmodi igitur casibus à iudicio sensus standum non est. Ita verè amara esse censendum non est, quæ febricitantibus videntur esse amara, quoniam organon gustus in iis pravo adventitioq; imbutus est humore, qui impedimento est, quò minus rectè apprehensio à gustu fiat. Similiter verè rubra non sunt, quæ hominì alicui videntur talia, cujus oculi suffusione laborant. Quanquam non ignoremus fuisse quosdam, qui non dubitaverint dicere, in rerum iudicio *non sano magis fidem habendam esse, quàm insano, neq; rectè valenti magis, quàm agro, neq; vigilanti magis, quàm dormienti*, teste Galeno lib. de opt. discipl. Id enim non dixissent, nisi mentis suffusione laborassent.

XXI. Alterum, quod ad iudicium sensus perfectum requiritur, est *objectum idoneum*, h. e. tale, quod sit aptum apprehendi hoc aut illo sensu. Unde visus nihil confert ad iudiciũ de sonis, nec auditus ad iudiciũ de coloribus, quoniã non percipiunt talia. Circa communia autem sensibilia, ut sunt *numerus, figura, motus* &c. etiam, qui ea apprehendit, sensus occasionem præbere potest errori. Non enim movent sensum per speciem propriam distinctam à specie objecti proprii, sed huius ratione, quatenus videlicet ejus modus sunt. Unde si quidpiam v. g. luce & colore orbem sit, visum movere non potest, quantumvis habeat figuram & magnitudinem, numerum item, quietem aut motum, ut patet in ære. Verùm inde factum est, ut communia sensibilia pluribus sensibus, non uno, ut propria, sentiri voluerit provida illa mater, natura, quoniam scilicet cum leviter moveant & non nisi ut speciem proprii visibilis determinant, facilis in ijs erat lapsus aut error. Idèò, inquam, à naturã pro visum, ut si unus sensus erraret, alter adesset, qui defectum compensaret corrigendo. Porro requiritur ad certum

sensus iudicium & *iusta magnitudo objecti*. Qvædam namq; ob parvitatem delitescunt, ut atomi sive minimæ rerum portunculæ, qvod non solum in objectis tactus & visus, sed & reliq;vorum sensuum satis apparet, dum nullâ manifestâ qvalitate imbuunt sensoria nostra. Ideò enim odorum, saporum, &c. minutissimæ illæ particulæ non percipiuntur. Sed & hoc necessarium est, ut *objectum debito tempore commoretur*. Nisi enim ex parte objecti, vel etiam facultatis, adsit debita mora, res non percipiuntur, ut sunt, utur facultatibus sentiendi fuerint cognatæ. Ideò nec odores, nec sapores in transitu velocissimo satis percipiuntur, imò, quod magis mirum est, ne ipsi qvidem soni. Glans enim bombardaria, sive secundo, sive adverso vento aërem pervolet, non sonat, qvod audiatur, nisi lacuna aliqua aut asperitas superficiei glandis, aëri duri usculû se affricans, sibilum edat. Unde ex reciprocatione quâdam sonus provenire videtur: neque enim aliter seipsum quispiam audiret loquentem. Vid. 1. de Cœlo 9. & 2. de Animâ 8. Ita ocysimè circumacti torres totum, per qvod feruntur, spatium, occupare videntur. Et navigantibus litus moveri, navis stare videtur. Dum enim non satis figitur obtutus, errat. Deniq; requiritur ad sensum & *situs in objecto commodus*. Multum enim refert, à quâ parte incipias, quoniam differt pronus à supino, cubans ab erecto, obversus ab averso, uterq; ab inverso. Qvod ut in alijs, sic & in characteribus (ut hos exempli loco producamus) experiri licet. Eos enim si invertas, falsum omnino profitebuntur iudicium. V. c. si M. invertas, fit litera W; si Z, litera N; si n, litera u. Ita ex limbo rotæ celerrimè vertentis, reciprocum qvendam motum observari oculo accidit, unde ire & redire perpetuò videtur, qui ex absidis parte spectans, non evenit. Sic qui pisces quosdam natantes in alto à postica tantum parte viderit, non satis illos ab invicem distinxerit.

Plu.

Plurimi namque pisces non aliter ferè, quàm ex capite dignoscuntur.

XXII. Tertium, quod ad perfectam sensus notitiam est necessarium, est *medium naturaliter se habens, nec alienà qualitate, aut dispositione immutatum*. Per tale enim medium objectum aliter apparere sensui nostro atque in se est, experientia quotidie testatur. Sic nummus, in limpidam projectus aquam, longè major quàm reverà est, apparet ob densius medium. Unde & pisces in aquà majores videntur, quàm sunt. Ita si per vitrum viride rem minimè viridem intuearis, videbitur tamen viridis ob medium alienà qualitate affectum. Ex caligine quoque & nebuloso aëre res majores, quàm reverà sunt, apparent.

XXIII. Deniq; requiritur ad certam sensus apprehensionem & *intervallum debitum*. Si enim spatium inter sensum & objectum sensibile nimis remotum sit, iste hoc aliter, atque in se est, apprehendet. Sic alba res aliquando non alba, sed alio apparet colore tincta, quoniam à visu nimis distat. Et Solem, quem toto terrarum orbe majorem probat ratio, acies nostra sic contrahit, ut quidam etià sapientes viri (Epicurei) *pedalem* esse contēderint, teste Seneca 1. *Quæstionū natural.* q. 4. Quem admodum enim oculo superimpositum objectum obstruit visum: Ita nimis ab oculo abductum secundum aliquem saltem gradum perceptionis oblitescit. Sic Sol, astra, & ipsæ tandem naves in alto ex remotiori loco visæ, quasi loco stare videntur, quia partes gradusq; motus ex nimia distantia haud satis percipiuntur. Sed & quiescere, nedum retrogrado motu moveri existimantur aliquando, quæ tamen reverà promoventur.

XXIV. Hæc ferè sunt, quæ ad perfectum sensus judicium exiguntur. Quæ omnia si rectè se habeant, certissimum illud

esse pronunciamus. Quodsi autem aliquod ex istis requisitis deficiat, sensus iudicio acquiescendum non est, sed iudicium hoc per rationem est corrigendum. Ita dicunt nonnulli sensuum iudicio constare cometas aliquos esse supra Lunam collocatos. At hoc repugnat rationi. In ijs enim, quæ extra controversiam supra Lunam sunt, per tot secula nullæ observatæ sunt generationes & corruptiones, & Aristoteles præterea validissimis rationibus ostendit, non posse illas in cælo habere locum, quod falsum esset, si cometæ quidam supra Lunam essent positi. Omnes enim, quos hætenus orbis vidit, per generationem cœperunt, tandemq; rursus interierunt & disparuerunt. Ideò hîc à iudicio sensus standum non est. Obiectum namq;, de quo sensus hîc iudicat, longissimè diffitum est, adeoque deest hîc conditio quædam ad perfectum sensus iudicium requisita. Vide 1. Meteor. 8. Corrigendum ergò per rationem. Verùm ea in hac ipsa correctione uti debet iudicio sensus. Corrigere enim debet ea, quæ sensus non rectè iudicat, ob defectum alicujus requisiti, per ea, quæ propriè ac per se sentiuntur, hoc est, in quorum sensatione nullus committitur error, cum præsto ibi sint omnia ad perfectum sensus iudicium requisita.

XXV. Atq; ex his jam facile apparet, quid respondendum sit ad ea, quæ à Scepticis & Academicis suprà, num. 8, adversus sensuum externorum certitudinem afferebantur. Deest enim in ijs omnibus aliquod ex requisitis istis, de quibus hætenus. V. c. quod aliqui obtusum visum habent, indeq; aliter de objectis visibilibus iudicant, quàm qui acutum obtinent, causa est *organon minus benè affectum*. Constat enim oculus, qui organon visus est, inter cætera & humoribus, quos moderatos esse oportet, ut visio rectè fiat, sicut Aristoteles ait Gener. An. 1. c. 1: *Visus optimus est, quò inter multum & parum humo-*

humoris moderatus constat — Hic enim nec per exiguitatem
turbatur, ut colorum motiones impediat, neq; per nimietatem
præbet movendi difficultatem. Quodsi visus ita se non ha-
 beat, sed humores pauciores fortè sint, fit, ut, imbecillior redda-
 tur visus, neq; species visibiles satis distinctè exprimantur. In-
 de si humor crystallinus nimis exsicceatur, in procinctu morbus
 est, quem γλαυκῶμα, vel γλαύκασιν vocant Græci. Hic enim ori-
 tur ob *siccitatem*, ut præter Aristotelem loc. cit. docet & Gale-
 nus lib. 1. o. de usu part. c. 6. dicens: γλαύκασιν εἶναι ξηρότητα καὶ πῆ-
 ξιν τῶν κρυσταλλοειδῶς ὑγρῶν, *glaucedinem esse siccitatem & concreti-*
onem humoris crystallini. Constat porro oculus & pupillâ,
 quam tenuem, lævêm & albam esse oportet. Tenuem quidem,
 ut motus, qui extraneus venit, recto tramite feratur. Lævem,
 ne rugis obumbret. Albam autem, quoniam nigrum trans-
 lucidum esse non potest. Unde fit, quo minus lucernæ possint
 lucere, quæ ex tali cute confectæ sunt. Quodsi singula hæc
 pupilla non habeat, imbecillus & obtusus ad minimum redditur
 visus. Idèd senes jam minus acutè cernunt, ob defectum pri-
 mæ & secundæ in primis conditionis. Ut enim cæterarum
 partium cutis, sic oculorum quoq; senescentibus obrugatur &
 crassior redditur. Dereliquis vide Aristotelem cit. loco. Ita
 quod huic quod intensè calidū est, alteri vix tepidum appareat,
 causa iterum est in organo tactus. Hoc enim neque humi-
 dum nimis, neque siccum, neque calidum nimis, neq; nimis fri-
 gidum esse, sed æquale temperamentum habere debet, ut
 omnium excessus, quantum fieri potest, ex æquo persentiscat.
 Quodsi ita se non habeat, iudicium tactus indubitatum non
 erit. Inde fit, ut quibusdam partibus corporis humani, quæ
 in aliquâ istarum qualitatū, cum primis siccitate & humidita-
 te excedunt, prorsus non insit tactus. E. gr. ossibus non inest
 tactus, propter naturam nimis siccam & terrestrem. Aliquid

enim amplius substantiæ humentis requiritur, ut in parte aliqua tactus ab animâ resulter. Sed nec partes omnes, quæ plus humidi participant, illicò ad resultantiam tactus sunt idoneæ, e. g. cerebrum. Hinc vulnera cerebri mitissima sunt, adeò ut chirurgi tota interdum medullæ cerebri cochlearia sine sensu sauciatis exhauriant. Reliquæ autem partes, quæ tactum habent, si à debitâ primarum qualitatum temperie recedant, in causâ sunt, ut minus rectè iudicet tactus. E. gr. si caro frigidior sit, id, quod tepidum est, tactus iudicabit esse calidum; si in calore abundet, etiam id, quod calidissimum est aliis, vix tepidum esse iudicabit. At idèò iudicium tactus in se fallax non est. Quod enim hîc variet, id fit per accidens, ob pravam organi dispositionem. Eadem & gustus est ratio. Quod enim ea, quæ homini sano videntur esse dulcia, ægro interdum appareant esse amara, velut laborantibus morbo regio, sit itidem per accidens, nempe quia saliva lingvæ isto sapore est infecta, idque ob flavam bilem, quæ se per corpus diffudit. Unde & ægri non in eo falluntur, quod se amari quid gustare existimant, sed in eo, quod amarorem illum cibi esse iudicant, non humoris insiti. Quod autem de cæteris animalibus dicebatur, ijs dulce aliquando videri, quod homini apparet esse amarum, id quidem & Democrito videbatur, cui & Theophrastus, quod miror, assentit, sic scribens: ἔδὲν κωλύει τὸν ὑμῖν γλυκὺν, ἑτέροις τισὶ τῶν ζώων εἶναι πικρὸν, *Nihil prohibet, ut quod nobis est dulce, id aliquibus animalibus sit amarum*, 6. de Caus. plant. c. 2. Verùm rem ita se omninò habere nondum probatum est. Id quidè certum est, eundem cibum, qui homini ingratus est, alijs animalibus posse esse gratum, quod varient animantium temperamenta: verum id idèò non fit, quasi id, quod homini amarum esse videtur, istis alijs animalibus dulce appareat. Percipiunt potius & illa esse amarum, at capiuntur amari sapore aut delectantur eo. Quo-
modo

modo in hominibus aliquos melimela, ut pueros, delectant; alios verò acida juvant, vel alij sapores. In his itaq; & similibus sensus fallit ob organon malè affectum. In reliquis autem aut objectum justum *fitum* non habet, aut *justo* tempore non commoratur, aut medium *alienà qualitatē* imbutum est. Ita Scepticis & Academicis esto satisfactum.

XXVI. Ad Cartesianos quod spectat, eorum sententiam exposuimus num. 9. Statuunt illi non solum dubium esse, an hoc, quod sensibus apparet, sit tale, quale apparet: sed & id ambiguum esse, an reverà sentiamus, quando sentire nobis videmur, ex hac ratione, quia in somno saepe nobis videmur videre aliquid, cum tamen reverà non videamur, quandoquidem in somno sensuum operatio cesset. Verum quis non videt, ridiculam planè esse hanc, quam adducunt illi, rationem? Nemo enim est, qui, si sanæ mentis sit, in phantasiâ istâ persistat, quâ visus sibi est aliquid in somno vidisse, potius simulac̃ expergiscitur, se deceptum esse in somno advertit & cognoscit. Neque id mirum. Qui enim novit, quid sentire sit, novit & hoc, se in somno non posse sentire. Ad sensum namq; tria necessaria sunt, (1) objectum sensibile externum, (2) imago, quæ ab objecto imprimitur organo sensus, (3.) animi intentio, quæ illam imaginem in objecto suo quasi defixam tenet. Docet hoc in specie de sensu visus & August. 11. de Trinit. 2. tria dicens esse necessaria, ut homo videat. 1. rem ipsam, quam videmus, velut lapidem aut flammâ: 2. visionem, quæ non erat prius, quàm rem illam objectam sensui sentiremus. Appellat autem visionem ipsam, quam vocamus speciem visibilem seu imaginem, quæ ab objecto imprimitur sensui. 3. quod in eare, quæ videtur, quàm diu videtur, sensum detinet oculorum, id est, animi intentio. Nam nisi hæc intentio adsit, oculus etiam specie visibili signatus nihil videbit. Quoties enim platea-

tina

tim ambulantes, multorum lapidum species visibiles oculis excipimus & tamen eos, aversâ inde ad fabulas cum socio attentione, non videmus. In somno autem non adesse tria ista requisita nimis est manifestum. Inde fieri non potest, ut quis expergefactus insistat phantasiæ isti, quâ sibi hoc vel illud vidisse aut audivisse in somno visus est. Ei autem, quod vigilantes sensibus externis apprehendimus, firmiter insistimus omnes, ipso facto sensuum iudicium certum esse ostendentes.

XXVII. Sed unde probabis, regerit Cartesius, *se hac vigilantem pati, & non dormientem?* Nempe nihil credere aut pro certo is vult agnoscere, quod evidentibus rationibus non sit demonstratum. Quasi verò omnium rationes dari possint, & non sint aliqua, quæ ex se ipsis fidem mereantur. Optimè Aristoteles: *Απὸ δὲ οὐκ ἔστι* est omnium rationes quærere. Ipse Cartesius cum de reliquis omnibus dubitet, hoc tamen pro certo habet, se cogitare; at & hoc probandum foret, si nihil quicquam sine probatione esset admittendum, præsertim cum quid sit cogitare, non omnes, ut infantuli, æquè norint, ac quid vigilare, videre, audire; item edere, bibere, sedere, quiescere; ut taceam ne inter doctos quidem satis hæc de re convenire. Vid. Thomas 2. 2. q. 1. a. 3. ad 1. Constat itaq; adhuc sensui sua certitudo, & consequenter inane est & lubricum argumentum, quo omnem nostram scientiam funditus Sceptici & Academici evertere conabantur. Quod enim de phantasiâ addebant, planè huic non pertinet, cum nemo sit, qui phantasiam fundamentum scientiarum statuatur. Intellectus autem quod aliter iudicet nonnunquam de rebus in virili ætate aut senectute, quâ in juvenilibus annis, mirum non est. Crescit enim crescente ætate, & experientia, quâ prudentia nostra omnis & scientia nititur. Neque enim existimandum est scientias inniti singularibus sensationibus. Non sanè, sed communi experimento nitun-

nituntur ex multis singularibus repetitis comparato, ut infra
fufius ostendemus. Experientia autē longum tempus requirit.
Inde non verò fit, ut quæ quis juvenis rectè se habere existimat,
postcā ad virilē ætatem proventus, experientiā edoctus aliter se
judicet habere. Vide lib. 6. Ethic. c. 8. Inde autem scienti-
ficæ veritati in se spectatæ nihil deccedit. Concludimus ergò,
non tantū dari certi quid in rebus, sed & nos illud in multis
posse assequi, adeoq; dari in nobis aliquam rerum scientiam,
quod hætenus erat ostendendum.

CAPUT II.

Quid sit scientia ἀπλῶς sic dicta.

I. Postquam vidimus dari scientiam, consequens est, ut
spectemus, quid sit Scientia. Apparet autem ex dictis c. 1. no-
bis hīc sermonem non esse de scientiā in latā acceptione, quā
scientia dicitur omnis cognitio, etiam ea, quæ fit per accidens,
v. gr. quæ ducitur ex argumentis verisimilibus aut endoxis.
Talia enim opinionem in nobis gignunt aut persvadent, at non
iuducunt firmitudinem cognitionis. Quale quid & dicen-
dum est de eā cognitione, quæ nascitur ex argumentis, ex signo
aliquo deductis, ut cum ex vestigijs cognoscimus leporem.
Omnis enim illa cognitio est per accidens. Sed sermo hīc
nobis est de scientiā strictè sic dictā, quæ incertum cognitionis
aufert, atq; opponitur opinioni. In eo namq; differunt opinio
& scientia, quod scientia sit firma & cum constantiā ac uni con-
iuncta notitia, faciatq; cognoscentem ἀπλῶς ἀμεταπλήτων; at
opinio sit cognitio infirma, tenuis & inconstans, quæ hominem
ἀτεροκίνητον, nutantem reddit & fluctuantem. Unde & Plato
in Menone opinionem cum statuis Dædali in aëre volitanti-
bus ac fugacibus, scientiam autem cum iisdem arctè ligatis

comparat. Vid. lib. 1. Post. c. 33. Ceterum & certa intellectus nostri cognitio non est uniusmodi, indeque nec de ea pronuntiata scientia eodem modo se habet. Scilicet est ea *ἐκ τῶν πολλαχῶς λεγομένων*, & quidem eorum, quæ dicuntur secundum prius & posterius. Talia autem unam communem definitionem aut naturam, supra species quasi positam, non habent, sed rectè in species, seu significata sua, feruntur. Primum autem inter ea est mensura reliquorum. Ideò hoc definitur ante omnia, reliqua verò illo metimur. E. gr. σοφία sive *sapientia* dicitur de pluribus κατὰ πρότερον καὶ ὕστερον. Nam & Philosophia prima est sapientia, & Physica, & Mathematicæ disciplinæ sunt sapientiæ, verum non æquè primò: sed primò sapientia est Philosophia prima, quæ & ideo Sapientia prima, & Sapientia ἀπλῶς dicitur passim. τὸ ἀπλῶς enim apud Aristotelem τῇ κορίῃ ἐστὶ δηλωτικόν, ut Alexander notat in III. Topic. Secundariò Physica est sapientia. Unde & non simpliciter, sed cum συνδήσει, *sapientia secunda* dicitur, 4. Met. 3. & sic deinceps. Inde si definienda sit Sapientia, non poterit talis afferri definitio, quæ ex æquo communis sit omnibus ijs, quæ Sapientiæ nomine veniunt (ea enim quæ πολλαχῶς dicuntur, communem naturam non habent) sed definienda erit Sapientia prima, seu absolutè sic dicta, quod & facit Aristoteles, dicens, *Sapientiam esse intellectum primorum principiorum & scientiam rerum naturâ honoratissimarum*, 6. Ethic. c. 7, quæ definitio soli Philosophiæ primæ competit. Ea enim sola versatur circa prima principia. Unde & vocatur *scientia principiorum & causarum*, 1. Met. 1, & 2. Quamvis enim & Physica versetur circa principia, ea tamen non sunt ἀπλῶς principia seu prima, sed solum in certo genere, nempe mobilium substantiarum. Sola etiam versatur circa res naturâ honoratissimas, Deum nempe & divina. Ad definitionem autem

35

tem primæ Sapientiæ reliqua, quæ Sapientiæ nomine veniunt, sunt exigenda. Quod enim proprius quidpiam ex ijs ad hujus naturam accedit, eò magis Sapientiæ appellationem meretur. E. gr. Magis Sapiencia Physica est quàm Mathematica, quia principia Physices sunt priora principiis Mathematicis, & res, quas Physica considerat, sunt nobiliores rebus, in quibus Mathematica est occupata. Physica enim substantiam, Mathematica accidentia solum expendit. Eandem methodum observavit Aristoteles & in aliorum similiũ rationibus indagandis, veluti in investigandâ ratione amicitie, 8. & 9. Ethic. continetia ite 7. Ethic. & ipsius entis 4. Met. 2, & c. Cum igitur ex talium numero Scientia quoq; sit, patet definiendam esse scientiam non quamvis, sed eam, quæ κυρίως scientia est, qualis sine dubio est ea, quam ἀπεὸς ἡλικίαν vocat idem Philosophus 1. Post. 3.

II. Eam definit modò laudatus Philosophus hoc pacto lib. 1. Post. c. 2. §. 1: *Scire putamus unamquamq; rem simpliciter, id est, κυρίως, non Sophistico modo, i. e. ex accidente, cum putamus causam cognoscere, propter quam res est, ejus rei causam esse, nec posse eam aliter se habere.* Juxta quam definitionem tria requiruntur in eo, qui scire dicendus est. Primò quidem, *ut cognoscat causam, propter quam res est, adeoq; causam non τὸ συμπέρασμα, sed τὸ πρᾶγμα,* ut hæc distingere solent Græci, eamq; veram, proximam & adæquatam, ad cujus affirmationem sequatur affirmatio rei, ad negationem autem negatio & vice versâ. Licet enim plures sint aut esse possint unius effectus causæ, una tamen est ἀπλῶς προσεχής, simpliciter proxima & reciproca, cujus respectu reliquæ omnes remotæ sunt, ac latius ipso effectu patent. Hanc causam nosse oportet eum, qui dici vult sciens. Idcò τὴν αἰτίαν dicit Aristoteles, non τὰς αἰτίας, causas. Secundò & hoc in eo requiritur, *ut narret, hanc esse istius rei causam.* Fieri enim potest, ut quis se-

orsum causam & effectum cognoscat, sed non connectat. E.g.
 fieri potest, ut quis cognoscat solutionem continui in parte
 actu sentiente, aut etiam interpositionem terræ inter Solem &
 Lunam, & tamen ignoret, illam quidem esse doloris, hanc au-
 tem Eclipsis Lunaribus causam efficientem. Deniq; cum fieri
 possit, ut quis sciat hoc esse causam istius rei, sed ignoret, utrum
 inter duo ista necessarius nexus sit, scientia autem hominem in
 cognoscendo non nutantem, sed *ἀμετάλητον* & *ἀσπράγγον*, ut
 Plato loqui solet, reddat, requiritur & hoc in sciente, ut *cogno-
 scat causam, propter quam res est, necessario cum ipsa coherere*,
 ita, ut posito effectu fieri aliter non possit, quin & causa ponat-
 ur, & causâ positâ aliter fieri non possit, quin effectus ponatur,
 rursumq; sublatâ istâ causâ tollatur effectus, & hoc sublato
 causa tollatur. Hinc enim proximè fit, ut qui scientificam co-
 gnitionem assecutus est, fiat *ἀμετάλητος*, hoc est, non patia-
 tur sibi aliud persuaderi, ut ab eo potius toto pectore resiliat.
Intellectus enim intelligendo fit ipsum intelligibile, ut est in 3.
 de Animâ. Inde quævis est res intelligibilis, talis est & cog-
 nitio intellectus de eâ, siquidem verè intellectus imbutus est istius
 rei cognitione. Jam copulatio effectus cum causâ adæquatâ
 est necessaria. Necessaria itaq; atque adeo immobilis erit &
 ejus in intellectu cognitio, siquidem eâ præditus sit intellectus.
 Atq; hinc scientia apud Græcos accepit & nomen *ἐπιστήμη*. Di-
 citur enim ita *ἀπὸ τῆς στάσεως*, hoc est, à statione seu quiete,
*ὅτι ἴσθαι ἡμῶν ἐν τοῖς πράγμασι τὴν ψυχὴν ἀνὰ ἀνάγκην πρότερον πεπο-
 μένην*, ut habet Clemens Alexandrinus lib: 4. Stromatum, *quod
 nostram in rebus sistat mentem, quæ prius aliàs aliter fereba-
 tur*. Hæc igitur est natura scientiæ. Quod Aristoteles insu-
 per confirmat testimonio tam eorum qui *nesciunt*, quàm qui
sciunt, cit. loc. §. 2. Duo enim sunt genera hominum. *Qui-
 dam sunt reverà scientes*, Græcis σοφοὶ dicti: Quidam ob
 cau-

causas lib. Sophist. c. 1. allatas revera *non sunt* scientes, volunt tamen *esse*, Græcis *οπισθα* appellati. Utrique id, quod de scientiâ dictum est, calculo suo confirmant. Illi namq;, qui verè sciunt, tum demum se certos esse de suâ scientiâ putant, cum causam alicujus rei tenent: hi autem, qui sibi videntur scire, nec tamen sciunt, hanc scientiæ rationem reddunt, quia causam illius tenent, quanquam forsitan ea vera non sit. Patet hinc, ut rem exemplo declaremus, quis dicendus sit habere scientiam v. gr. eclipses Lunæ, nempe is, qui (1.) novit causam ejus, quæ est diametralis interpositio terræ inter Solem & Lunam, quæ proprio lumine orba est & omne lumen à Sole accipit. (2.) præterea novit, hanc interpositionem terræ diametralem esse causam eclipses Lunæ. Est enim Luna minor terrâ. Terra autem est opacum corpus. Inde non potest Luna ipsam sibi habere Solisq; interjectam, quin Solis luce, ob quam fulget, spoliatur & obtenebrescat; & deniq; (3.) novit hanc causam necessariò cum eclipsi Lunæ coherere, ita ut, posita diametrali istâ interpositione, necessariò ponatur eclipsi Lunæ, & sublatâ eâ, tollatur eclipsi Lunæ. Quod si quis planè non noverit, propter quam causam defectus aut deliquium accidat Lunæ, is laborat ignorantia *κατὰ ἀπόφασιν*, seu *puræ negationis*. Rursus si alius norit quidem diametraliter inter Solem & Lunam posse interponi terram, verùm eam non esse causam eclipses Lunæ, sed aliam, in eo est ignorantia *κατὰ διὰθεσιν*, *præva dispositionis*. Deniq; si quis norit interpositionem illam terræ esse causam eclipses Lunæ, veruntamen aliter se rem habere posse, posse se esse diametralem interpositionem terræ inter Solem & Lunam, ut tamen non sit eclipsi Lunæ, aut posse hujus aliam esse causam, is habuerit quidem tenuem aliquam de eclipsi Lunæ cognitionem, verùm non scientiam, sed solam *opinionem*. 1. Post. 33, §. 3.

III. Congruit autem hæc definitio non solum scientijs contemplativis, quas solas aliqui pro scientijs proprie dictis habent, sed & disciplinis activis atque effectivis. Non minus enim res, sub actionem & effectionem cadentes, per causas cognosci possunt, quã illæ, quæ soli contemplationi sunt subiectæ. E. g. Seneca lib. 2 de irâ cap: 4. scribit, *nihil esse iniquius, quàm aliquem heredem fieri odij paterni.* Hujus sanè causa reddi potest. Obligatio enim ad pœnam omnis ex merito oritur, indeq; jure puniri nequit, qui nihil mali est promeritus. Quam ob causam & Hierocles pœnam definit *ἰατρικὴν πομπήν, malitia medicatricem.* Et Hierax *justitiam* ex hac parte, cœu nobilissimâ, ait esse *τιμωρίας ἀπαλλαγὴν παρὰ τῶν προδικησάντων, pœnae exactiōem ab iis, qui priores læsere.* Quibus consentiunt & Imperatores Christiani I. Sancimus C. de pœnis, dicentes: *Sancimus ibi esse pœnam, ubi & noxa est. Peccata igitur suos teneant auctores: nec ulterius progrediatur metus, quàm reperiatur delictum.* Aristoteles porro lib: 5 Polit: c. 8 monet, diligenter cave dum esse in Rebus publicis, *ne quis unus honoribus supra modum cumuletur, aut etiam alijs opibus, genere & clientelis supra alios surgat.* Hujus itidem causa dari potest. Longe enim difficilius est moderatè ferre secundam fortunam, quàm patienter adversam, indeque faci'è fit, ut si in unum quempiam eumq; solum omnes honores cumulati conferantur, is insolescat, nec æquam amplius mentem servet. Quo pertinent & illa M. Catonis Censorini ex Oratione pro Rhodiensibus: *Adversa res se domant, & docent, quid opus sit facto: secunda res letitiâ transversum trudere solent à rectè consulendo atq; intelligendo.* Ulterius Hippocrates lib. 2 Aphorismo 10 vetat, *impura corpora nimis nutrirî, quod quanto plus nutriuntur, tanto magis ladantur.* At hujus itidem causa potest assignari, nempe illa ipsa, quam Galenus

lenus affert in Comm: his verbis: Συνδιαφθείρεται γὰρ ἡ ἰκτερίτις
 τροφῇ τῇ προπαραχρῆσιν κατὰ τὸ σῶμα κακοχυμία, *Simul enim cor-*
rumpitur superveniens malis alimentū humoribus praexistēti-
bus in corpore. Rursus eodē libro aphorismo 16 Hipp. nō labo-
 rādū esse dicit *fame presso.* Cujus sanē itidē causā assignare est in
 promptu. Fames enim exsiccatur corpus, siccitas autem labo-
 re augetur, ex quo fit, ut si in ediam sustinens plus justo laboret,
 vires ejus nimis labefactentur & prosternantur. Quam ratio-
 nem reddit Philotheus aphorismo subjiciens: ἡ δὲ γὰρ γυμνα-
 ζειν καὶ κινεῖν τὰς λιμώσοντας, διὰ τὸ ἐπιτείνεσθαι τῶ λόγῳ τῶν γυμνασίων
 τὴν ξηρότητα. ἢ διὰ τὸ μὴ κατὰ βληθῆναι μάλλον τὰς δυνάμεις ἐπὶ τῇ τοι-
 αύτῃ κινήσει, *Non enim oportet exercere & movere fameficien-*
tes, ne exercitationum ratione siccitas augeatur; vel ne in tali
motu vires magis prosternantur. Has ergo causas cum quis
 habet cognititas, casque novit esse causas earum, quas dixi, re-
 rum cumq; ijs nexu necessario esse conjunctas, quidni scire æ-
 quē dicendus esset ac is, qui rerum, sub contemplationem so-
 lam cadentium, causas habet perspectas?

IV. Nec est, quod quis dicat, Scientiæ finem esse cognitio-
 nem, disciplinarum activarum autem & effectivarum non
 item, sed illarum quidem actionem, harum autem opus. Quod
 & ipse Aristoteles non obscure docet lib: 2 Met: c. 1, ubi *spe-*
culativam & Practicam Philosophiam in eo differre ait, quod
istius quidem finis sit *veritas*, *hujus* autem τὸ ἔργον. *Practica*
 enim Philosophiæ appellatione etiam *effectivam* videtur esse
 complexus, cujus τέλος τὸ ἔργον dicit esse 3 de cœlo 7 (11)
 t. 62; nomine ἔργον autem etiam *actionem* comprehendere,
 quo sensu vox hæc usurpata occurrit & lib: 2 Eudem: c. 1, ubi
 τὸ ἔργον ait *bisariam* dici. In alijs enim esse ἑτερόν τι παρὰ τὴν
 χρῆσιν, velut in *artibus*. In alijs autem *non distare* ἀχρήσει, veluti
 in *visione*. Hoc, inquam, non est, quod obvertatur. Id enim
 ipsum

ipsum in questione positum est, num cognitio finis sit scientiæ
 omnis. Id quidem certum est, quod actus ab omni scientiâ, quâ
 tali, manans, sit cognitio siue contemplatio. Differt enim hæc
 ab illâ, ut actus secundus ab actu primo, sicuti passim ipse rur-
 sum Philosophus inculcat, veluti 2 Prior: Anal: 2 1. 2 de Ani-
 mâ c. 1. lib. 5 Met. c. 7. & lib. 9 c. 6. Ast non ideo contem-
 platio statim finis est Scientiæ omnis. Actum enim & finem
 non rarò ab invicem esse distincta, paulò ante ex 2 Eud: 1. ex-
 emplo artium diximus, utpote in quibus actus est ποιησις, finis
 autem ἔργον, siue aliud quid ab actione sejunctum atque rema-
 nens post operationem. Veluti Architectonicæ actus est ædi-
 ficatio, finis domus. Et Medicinæ actus est medicatio, finis sa-
 nitas. Musicæ porrò actus est cantio, finis autem voluptas
 honesta. Est enim Musica *morum formatrix & correctrix*, te-
 stibus Platone in Timæo, Maximo Tyrio dissert. 2, & Strabo-
 ne lib. 1 & 10, & sic deinceps. Tum & res ipsa testatur, cogni-
 tionem per causas, quam scientiam constituere diximus, non
 esse ita in omnibus comparatam, ut quis eam per se affectet ac
 aliò planè non dirigat. Quorundam quidem notitiam habitua-
 lem per causas non aliò fine nobis acquirimus, quàm ut, si ali-
 quando aliquid illorum in singulari occurrat, nobis in fa-
 cili sit & expedito, ejus causam assignare. Ast sunt alia, quorum
 causas indagamus, non ut in cognitione illarum acquiescamus,
 sed ut eò promptiores magisq; idonei simus siue ad agendum,
 siue ad faciendum ista, quorum causas, ob quas ita agen-
 dum aut faciendum esse, cognovimus. De quibus legi potest
 inter alios & Maximus Tyrius Diss: 5 Philosophica. Hi autem
 ut diversi sunt scientiarum fines, ita illi ipsi divisioni scientiarum
 in contemplativas, activas & effectivas occasionē præbuerunt,
 ex quibus priores illæ sunt instar circuli, qui in semetipsum re-
 dit: hæ autem posteriores & mediæ istæ tanquam lineæ rectæ,
 ubi

ubi principium & finis sunt distincta. Interea in eo conveniunt omnes, quod sint cognitiones rerum per causas, adeoque propriè sic dictæ scientiæ. Quibus enim definitio competit, iis & ipsum competit definitum, ut habet regula illa Topica etiam ijs nota, qui nondum ære lavantur.

V. Atq; hinc etiam apud Philosophum nostrum passim divisio ista scientiarum occurrit. Veluti lib. 6 Met. c. 3, ubi *ens per accidens* dicit à nullâ considerari scientiâ, ejusq; signum esse, quod neque *contemplativa*, neq; *activa*, neq; *effectiva* scientiæ ulli id sit curæ. Lib: 9 autē eorundem c. 2 speciatim *scientiarū effectivarū* meminit, easq; omnes ait esse *δυνάμεις*. Rursus lib. 8. Topic. c. 1. §. 25, postquā dixisset, præter propositiones necessarias in Dialogis adhibere nos etiam aliquas non necessarias, idque perspicuitatis, aut etiam ornatus causâ, subdit, hoc fieri, si *inductione* utamur, aut etiam *divisione* eorum, quæ unius generis sunt, veluti si scientiam scientiâ meliorem esse dicamus vel ideò, quia *exquisitior* sit, vel rerum *meliorum*; aut *scientiarum* alias dicamus esse *contemplativas*, alias *activas*, alias *effectivas*. Deniq; & in specie disciplinas quasdam tam practicas, quàm effectivas, diserte scientias vocat, veluti *Politicam* 4. Polic: 1. *Grammaticam* lib. 4 Topic. c. 4. *Medicinam* & *Musicam* lib: Categ. c. 8 & 5 Met. 15, & sigillatim rursus *Medicinam* 1. Post. 12 §. 2. *Analyticam* deniq; 11. (13) Met. c. 1 & alibi alias. Neq; est, quod excipiat, eum istis locis scientiæ vocabulū in latâ usurpasse significatione. Genus enim scientiarum tam activarum & effectivarum, quàm contemplativarum, facit scientiam non solum prædicto ex 8. Topic: loco, sed & aliâ. Vocat enim apertè scientiam genus *Grammatica* 4 Topic. 4 §. 7 itemq; *Musica* & *Medica* adductis itidem paulò ante ex lib: Categ. & 5 Met: locis. Genus autem non latè accipitur, sed in propriissimâ significatione, cum speciebus suis

tribuitur. Latè enim vox tunc sumitur, cum aut *equivocè* usurpatur, aut *improprie* seu figuratè. At genus nec *equivocum* esse debet, nec *improprium*, lib. 4. Topic. c. 3 §. 3 & 4. Non Aristoteles autem solum agnoscit istam divisionem scientiæ, sed & alij juxta eum. Plato sanè in Politico expressè scientiam dividit in *πρακτικὴν* & *γνωστικὴν*. Sed & Diogenes Laërtius ex mente Platonis in vitâ ejus: Τῆς ἐπιστήμης, inquit, εἶδη ἐστὶ τρεῖς. τὸ μὲν γὰρ ἐστὶ πρακτικόν. τὸ δὲ ποιητικόν. τὸ δὲ θεωρητικόν, *scientiæ tres sunt species*. *Quadam enim activa est, quadam effectiva, quadam contemplativa*. Idque mox exemplis declarat. Ea enim, pergit, qua rationem exponunt edificandarum domuū atq; navium, sin. *Quibus effectiva sunt, quoniam opus aliquod ab ijs factum licet intueri*. Civilis verò & quæ tiliarum citharæq; cantum moderatur similesq; alia practica videntur subesse. Neq; enim consummato actu cernitur aliquid ab ijs factum, agunt nihilominus: alius enim tibiis, alius citharâ canit, alius Rempublicam gerit. Geometria autem & Musica & Astrologia in contemplando versantur. Neq; enim agunt aut faciunt quidquam, sed Geometra lineas considerat, quam comparisonem habeant inter se, Musicus sonos, Astrologus stellas mundumq; contemplatur. Hæc illi, ut alios nunc taceamus.

CAPUT III.

De modo & medijs, quibus ad scientiam hætenus definitam perveniri possit, deq; primo demonstrationis requisito.

I. Postquam constitit nobis, quid sit scientia *ἀπλῶς* sic dicta, sequitur, ut dicamus de modo & medijs, quibus ad eam perveniri potest. Neque enim adeò facile est eam consequi. Sanè

Sanè Plato adeò difficilem ad scientificam veritatis cognitionem judicavit esse accessum, ut cum beatum prædicarit, cui vel in *extremâ senectute* veritatis jubar alluxerit. Inde ut *juventuti actionem*, sic *senectuti contemplationem* adscripsit, de quâ re videri potest Maximus Tyrius dissert. 6. Phil. Neq; id mirum. Cum enim ex phantasmatibus & sensibilibus abstrusam veritatem eruere oporteat, longo egemus discursu, ut rerum causas & principia, quæ maximè involuta sunt, evolvamur. Inde ineptos ad scientiam in Rhetoricis dicit Philosophus eos, qui non possunt διὰ πολλῶν συνορᾶν, neque λογίζεσθαι πρόρῳθεν. Quæ autem sint media, quibus scientiam nancisci liceat, docet Aristoteles V. Phys. 5. (7.) Primò ait, eam consequi quempiam posse δι' ἑαυτοῦ, *per seipsum*, si scilicet adeò polleat ingenij acumine, ut sine ope magistri, labore & industriâ propriâ causas rerum invenire, easque cum rebus ipsis connectere possit, ut de se Phemius Citharæodus dicit apud Homerum: Ἀλλ' οὐδ' ἴδ' αὖτις δ' εἰς μί. Δὲ δέ μοι ἐν φρεσὶν οἶμας Πανλίοας ἐνέφυσεν, Odyss. XXII. *Per meipsum doctus sum. Deus verò mihi in mentibus cantilenas omnes iniecit.* Verùm id, ut cum Homero altero loquamur, -- -- *Pauci, quos ævus amavit Iupiter, aut ardens evexit ad æthera virtus, Dīs geniti potuere.* Major pars hominum doctrinâ indiget, qui est alter ad scientiam perveniendi modus, nempe δι' ἄλλου, ut cit. loc. ait Aristoteles, cum quis ab alio scientiam jam inventam discendo accipit. Hoc enim ex omnibus intellectus habitibus *scientiæ proprium est, ut doceri ac disci queat*, quemadmodum itidem Aristoteles docet 6. Ethic: 3, & ante eum Plato in Menonè. Sed & per inductionem manifestum est, quemvis, qui scientiâ aliquâ instructus est, sibi in scientiâ similem gignere posse, v. c. scientiâ Medicâ præditum Medicum, Physicâ Physicum, Geometricâ Geometram & sic

deinceps. Vid. Platonem in Alcibiade, 1, qui est de naturâ hominis.

II. Cæterum ut id præstet sciens (de posteriori enim ad scientiam perveniendi modo, utpote clariori & evidentiori, nobis primò dicendum est) opus habet organo aliquo, quod organum est demonstratio. Inde enim διδάσκειν καὶ ἀποδεικνύειν apud Aristotelem passim pro eodem usurpantur, ut inter cætera patet ex lib. 1. Met. c. 1 & 2, & Soph. Elench. c. 2. Nempe ut Dialecticus ad opinionem in aliquo producendam utitur syllogismo Dialectico seu ἐνδοξῶ, & Rhetor ad πείθην faciendam enthymemate, qui syllogismus est constans ex *verisimilibus* aut *signis*, 2. Prior. 2 3: ita scientificus Doctor ad scientiam alicui communicandam utitur Syllogismo demonstrativo. In cujus naturâ idcirco accuratè nunc inquirere oportet. Id autem rectius non fecerimus, quàm si ad scientiæ, quàm c. 2. definivimus, rationem semper probè attenderimus. Hujus enim gratiâ demonstratio est, quemadmodum *organum omne est finis alicujus causa*, 1. de Part. Anim. 5; nempe operis producendi, aut usus, cui instrumentum sive à natura, sive ab arte, sive alio agente destinatum est, qui si ab eo absit, non amplius est instrumentum, nisi ὁργανόμαχος. E. gr. ferra ad secandum facta est: inde quæ secare nequit, non est ferra, nisi æquivoçè. Et oculus à natura videndi gratiâ factus est: si quis ergò detur, qui ad videndum ineptus sit, is simpliciter oculus dici non merebitur, sed cum addito ligneus, vel lapideus, &c. lib. 4 Meteor. c. ult. Unde nec in beneplacito alicujus situm est, qualem organo velis tribuere naturam. Si enim verè debeat esse & dici organum, talis ei concedenda est natura, qualem exigit ratio operis vel finis, cujus gratiâ illud est faciendum. Hâc de causâ aliter (licet at nobis ita loqui) materiata & formata est ferra, ferrea sc. & dentata, ut apta sit ad ligna & lapides findendos, cui operi non

non sufficeret, si ex ligno aut alia materia confecta esset: aliter item materiaturum & formatum est penicillum, nempe ex setis animalium, orbiculatum & acutum &c. ut idoneum & habile instrumentum sit ad pingendum, & sic porro. Conferantur, quæ in hanc rem uberius disputat Plato in Cratylo. Quod autem de instrumentis in genere modo dictum est, id peculiariter Alexander syllogismo accommodat in 1 Prior. c. 1: *Organum*, ait, *est syllogismus & usus alicujus gratiæ atq; demonstrationis*. Quare quod non est utile ad δεικν, id non est syllogismus. Idem igitur & de demonstratione, quæ species aliqua syllogismi est, possumus affirmare. Cû finis ejus sit scientia, per doctrinam communicanda discenti, verè ἀπόδειξις dici non poterit, nisi talis sit, ut per eam finis iste possit obtineri. Ut autem obtineatur, exactè scientiæ naturæ debet esse conformata. Ad hanc ergò semper nobis respiciendum est, ut quæ sint requisita demonstrationis, cognoscamus. Quâ de causâ Philosophus quoq; non prius agere voluit de demonstratione, quàm scientiæ naturam adumbrasset, ut videre est 1 Post. c. 2.

III. Primum itaque quod in Scientiâ se nobis considerandum objicit, est hoc, quod *vera est intellectus cognitio*. Est enim scire, rem cognoscere. At falsa cognitio non est cognitio, certè non πρόματ. Quâ de causâ & scientia refertur inter habitus, quibus intellectus noster semper affirmando vel negando verum & nunquam falsum dicit, & hoc ipso rursus ab opinione distinguitur, quâ eundem & falsa dicere contingit, 2. Post. c. ult. §. 8. 6 Ethic. c. 3, & 5. Eud. 1. In quo Aristoteles & consentientem habet Platonem, qui ex fundamento hoc ipso in Theæteto impossibile esse ait, ut δόξα sit ἐπιστήμη, ἐπειδὴ καὶ ψευδὴς ἐστὶ δόξα, quandoquidem & falsa interdum sit opinio, scientia nunquam. Vo-

cat quidem alicubi & δόξαν ἐπισήμην, verum cum addito, δοξα-
τικὴν, eamq; τῇ ἀληθείᾳ, *veritati* absolute sic dictæ opponit, vi-
delicet in Sophista. Quod imitatus est Ammonius Comment.
suo in Postpræd. ubi & ipse opinionem cum adjectione scien-
tiam δοξατικὴν vel ὁρθοδοξατικὴν appellat, cui ex adverso responde-
re dicit eam scientiā, quæ dicitur ἐπιστημονικὴ, & sine addito scien-
tia. Sed resultat ex eodem fundamento & illud, quod Alex.
Aphrodisæus in Topic. 1. & Clemens Alexandrinus 2. Stro-
matum distinguunt inter ἀληθῶς ἀληθῆ & δοξατικῶς ἀληθῆ, ex qui-
bus illa ad scientiā pertinent, hæc ad opinionem. Hæc cum ita se
habeant, jam patet simul, ex qualibus principiis constare debeat
demonstratio, nempe itidem ex *veris*. Ex falsis enim verum
quidem quomodo cunq; colligi potest, ratione formæ videli-
cet ac dispositionis syllogisticæ at sciri non potest, 2 Prior. c. 2, §. 2. Syllogismus demonstrativus autem est Syllogi-
smus ἐπιστημονικὸς, h. e. talis, qui scientiam rei parit: necessariū
ergo omnino est, ut principia ejus seu propositiones sint veræ.
Quod si enim falsæ sint eæ, falsa quoq; sint oportet ea, quæ ijs
superstructa sunt. Confer Plut. lib. de Commun. notionibus
adversus Stoicos, Quam ob causam & Speusippus apud Pla-
tonem in definition. demonstrationem definit λόγον συλλογιστικὸν
ἀληθῆν, orationem syllogisticam veram.

IV. Ut primum hoc demonstrationis requisitum clarius
reddatur, sciendum est, quod verum sit ex eorum numero, quæ
variis modis dicuntur. Primò quidem *verum nihil aliud est
quàm esse*. In propositionibus namq; εἶναι καὶ ἀληθὲς εἶναι idem
sunt. Veluti idem sunt dicere, *esse Deum* & *verum esse, quod
sit Deus*, 5 Met. 7. Unde & passim apud Philosophum τὸ εἶναι καὶ
ἀληθὲς, & ex adverso τὸ μὴ εἶναι καὶ ψεῦδος permutantur, velut 3,
Topic. c. 12, §. 9. Et pertinent huc etiā illa ejusdem: *ᾧ
quod ὅ, ita se habet ad τὸ εἶναι, ut ad veritatem*, 2 Met. 1. De-
inde

inde magis propriè verum sumitur *pro affectione quadam* τῆς
 διανοίας *vel actuum ejus*, qui sunt *compositio & divisio*, quorum
 actuum uterq; si res intus in animo repræsentat, prout extra sunt,
 verus dicitur. Quemadmodum enim oculus, rectè se habens
 & nullâ suffusione laborans, quantum ad ipsum attinet, rem ita
 apprehendit, ut est foris: ita animus, quem oculo confert Pla-
 to in 7 de Republ. si perfectus est, componit ea, quæ extra intel-
 lectum sunt composita, & dividit ea, quæ extra intellectum sunt
 divisa. Talis igitur compositio & divisio vera dicitur. Imò
 in eâ ipsa veritas sita est, quæ nihil aliud est, quàm conformitas
 & congruentia actuum intellectus cum rebus. Cujus funda-
 mentum quidem est in rebus, ipsa tamen veritas non item, quâ
 etiam idè non τὸ ὄντ', sed τῆς διανοίας πᾶδ' disertè vocat
 Aristoteles 6. Met. c. ult. Deniq; cum compositio & divisio in-
 tellectus nostri exprimantur oratione (sunt enim voces, ex qui-
 bus oratio constat, σύμβολα τῶν νοημάτων &c, ut Xenocrates ait,
 φωνήεντα ἀγάλματα) hinc fit, ut illi quoq; orationi, quæ veram
 compositionem aut divisionem intellectus & hac mediante
 compositionem aut divisionem in rebus ipsis significat, verum
 tribuatur. Quò spectat illud Platonis: ἔτ' λόγ' ὅς ἂν τὰ ὄντα
 λέγῃ ὡς εἰν, ἀληθές, in Cratylo. Quibus similia leguntur apud
 Aristotelem lib. Categ. c. 12 & 9. Met. ult.

V. Quando igitur principia demonstrationis vera esse
 oportere dicimus, tum id non in secundâ, ut aliqui, sed tertiâ
 significatione intellectum volumus, nihilq; aliud significamus,
 quàm hoc: Propositiones demonstrativas & rei & intellectui
 respondere debere. Cum enim demonstratio sit λόγ' διδα-
 σκαλικός, ut appellatur in 1. Rhetor; nemo autè alterum docere
 possit, nisi oratione utatur externâ (unde & nomina, ex qui-
 bus ista constat, Platoni in Cratylo ὄργανον διδασκαλικὸν dicuntur)
 profectò propositiones demonstrativas λόγ' externos esse
 oport.

oportebit, & consequenter aliud verum ipsis tribui non poterit, quàm illud, quod orationibus competit & consistit in responsu earum cum re & intellectu. Uterque enim iste responsus adesse propositionibus illis debet, quod probè notandum. Si namq; intellectui quidem respondeant, rei non item, non tàm producendæ scientiæ, quàm generandæ ignorantæ, quæ ἡ γὰρ διὰ δέσιν scientiæ opponitur 1, Post. 16. erunt accommodatæ. Sed nec aptæ isti negotio erunt, si rei ipsi quidem respondeant, intellectui non item. Quomodo enim ex eo, quod dubium esse existimat intellectus, de alterius veritate poterit esse certus?

VI. Patet ex his, quantopere errent, qui Mathematicum etiã ex falsis hypothesebus demonstrare posse existimant, si modò ijs salvari possint φαινόμενα ab ipso observata. E. g. qui dicunt falsum quidem esse, quod terra moveatur, Astronomum tamen hypotheseos loco motu terræ uti posse, & ex eo demonstrare φαινόμενα occurrentia in Astronomiâ, cum longè facilius ea salventur, si terra, quàm si cœlum moveri statuatur. Nam quales hæ erunt demonstrationes, si demonstratio omnis est ex veris, ut hætenus probatum est? Nullæ, cum ad producendam scientiam prorsus sint ineptę. Quomodo enim ex eo, quod non est, nascetur scientia ejus, quod est? At demonstratio est syllogismus gignens scientiam. Id quidem non negamus, dari aliquod demonstrationis genus, quod etiam ex falsis duci possit principijs, illud nempe, quod demonstratio πρὸς τὸν θεόν, item καὶ ἀνθρώπων, nec non à nonnullis demonstratio ex hypothese si dicitur, quâ sententia vera alicui demonstratur ex principijs, quibus ille utitur, licet sint falsa. Ut si quis *lumen recipere intensionem & remissionem* statuatur, idemq; cum Empedocle asserat, *lumen esse corpus*, illi ex hac hypothese istius assertio- nis contrarium probari posset, quia *corpus magis & minus non recipit*. Item, si quis dicat *calorem ex mixtione primarum qua-*
litatum,

litatum, caloris, frigoris, humiditatis, siccitatis, ortum trahere; & alibi astruat *calorem in cælo reperiri, hoc autem non esse obnoxium istis qualitatibus*, is ex his ipsis hypothesebus refelli poterit, demonstratione καὶ ἀντιστοιχίας dictâ. Verùm ea non est simpliciter demonstratio, de quâ nobis hic sermo est, sed tantùm cum addito, demonstratio ad alium, vel secundum hominem, neque ex se habilis ad producendam scientiam. vid. l. 4. Met. c. 4.

VII. Cæterum hoc ipso, quod demonstratio constat ex propositionibus veris, differt initio à παραλογισμοῖς, qui ex proprijs quidem alicujus scientiæ principijs constat, sed falsis. Paralogismus namq; est, si quis e. gr. in Physicis ponat, *lumen esse corpus*, aut *aërem naturâ esse frigidum &c.*, & ex istiusmodi hypothesebus aliquid concludat, quarum dijudicatio etsi propria sit Physicæ, demonstratio tamen Physica ex illis, cum falsæ sint, duci non potest. Eadem ratio est, si quis in Geometriâ ponat, *diametrum esse commensurabilem costæ*, aut simile aliquod falsum principium, & inde aliquid inferat. Vide 1 Topic. c. 1. §. 9 & 1. Post. 12 §. 8. Deinde hoc ipsò demonstratio distinguitur à *sylogismo Sophisticis*, qui sapissimè ex talibus concludunt principijs, quæ speciem quidem veritatis habent, reipsâ tamen vera non sunt, similia ijs, quæ *felle tineta* sunt, & speciem auri mentiuntur, cum revera aurea non sint, lib. Soph. Elench. c. 1, §. 2. Talia sunt ista: *Magis & minus non variant speciem: Qualis causa, talis effectus: Quod quid nō habet, id alteri dare non potest. Nihil est in effectū, quod non ante actū fuit in causâ*, & id genus alia, ita nudè prolata, quæ non solida principia sunt, sed tantùm *ludi quidam* in disciplinis, ut Plato in Euthydemo vocat. Talibus igitur qui utuntur principijs, nihil demonstrant, si ex ijs aliquid concludant, sed Sophistico more inferunt. E. gr. Si quis ex isto principio,

G

pio,

tio: *Nihil est in effectu &c.* inferre velit, *semen esse animatum actu*, eo, quod anima in corpore organico, cujus causa, ut materia, semen erat, deprehendatur. Eodem enim modo probare possem, quod cinis actu sit in ligno, quia ex eo, tanquam materia, cum illud comburitur, emergit.

VIII. Tertio à *Dialecticis* quoq; *Syllogismis* sejungitur Demonstratio, hoc ipso, quod ex veris constat. Hi enim ex principiis procedunt ἐνδόξως. Ἐνδοξα autē qua talia, vera non sunt, sed à vero differunt τῇ ἐναρξίᾳ, dijudicatione, ut Alexander monet in lib. 1. Top. c. 1. Verum namq; ut jam ante aliquoties diximus, dijudicatur à re, de qua agitur. Ἐνδοξον autem æstimatur non ex re, sed ex auditoribus, eorumq; opinionibus, quas de re aliquā animo comprehensas tenent. Id enim ἐνδοξον est, quod videtur vel omnibus, vel plurimis, vel sapientibus &c. 1. 1. Top. c. 1 §. 7. Itaq; mensura demonstrativi Syllogismi est extra intellectum, res scilicet cognoscenda, sive principia ex eā deducta. Dialectici verò mensura est intra, intellectus sc. sive propositiones δοξασίμοι, jam ante à nobis comprehensæ: Res autem est mensuratum. Non negamus quidem coincidere interdum, imò sapissimè, vera & ἐνδοξα, sed idèò eadem non sunt: perinde ut in Politicis coincidunt aliquando, veluti in statu Aristocratico, *vir bonus & civis bonus*. At idèò simpliciter idem non sunt, cum fieri possit, ut aliquis sit bonus civis, & tamen non sit vir bonus, hoc est virtute præditus, veluti in statu Oligarchico, 1. 3. Pol. c. 4. Neque novum est ἐνδοξα aliqua esse falsa. Quod non solum Aristoteles 8. Topic. 12 §. 9. docet, dum expressè ἐνδοξα quædam falsa, ἀδοξα autem nonnulla ὅντι i. c. vera esse dicit, sed & per se manifestum est. Quot enim reperimus propositiones inter locos Dialecticos, quæ quadrant quidè ad opiniones hominum, etiam sapientum, & tamen absolute veræ non sunt? E. g. Locus Topicus est, *tot modis dici*

dici unum conjugatorum, quot modis dicitur alterum. At in multis is fallit. Sanum certè variis dicitur modis: alio namq; modo animal dicitur sanum, alio pulsus, alio cibus, alio medicamenta, alio tempus & locus. Sanitatis autem non nisi una est significatio. Διαλέγεσθαι quoq; quatuor dicitur modis, ut patet ex l. Soph. 2. At non ideo etiam tot modis dicitur Dialectica. Idem in alijs quamplurimis obtinet locis. Unde toties apud Alex. in enarratione eorū dicitur: Ἐνδοξόν μὲν ὅλον ἔστι, ὃ μὲν ἀληθές. Item εὐλογον δοκεῖ, ὃ μὲν ἀληθές τῶτο, & id genus alia. Differt Syllogismus demonstrativus etiam à *Syllogismis Rhetoricis*, qui sunt enthymemata & bonam partem constant ex verisimilibus, quæ, quæ talia, itidem vera non sunt. *Verisimile* enim est *quoddam* ἔνδοξον, ut dicit Philosophus 1. Rhet. c. 2, 2. Prior. c. 27 §. 1. cui adstipulatur & Plato in Phædro, ita verisimile definiens, μή τὸ ἄλλο εἶναι ἢ τὸ τῶ πλῆθος δοκεῖν, nihil aliud esse, quàm id, quod videtur multitudini. Ex quo sequitur, eandem esse ejus, quæ ἔνδοξον, rationem. Sanè Plato inter verum & verisimile passim distingvit, ut in Apologia Socratis & Evthydemō. Aristoteles etiam distingvit inter εἰκότως λέγειν & ἀληθῆ λέγειν 4. Met. c. 5. Et res ipsa loquitur, multa esse verisimilia, quæ tamen sunt falsa. Sic verisimile est ex bonis bonos esse, & cum, qui à bonis educatus est, talem esse, 1. Rhet. 9: cuius tamen contrarium sæpissimè experimur. Ita verisimile est adolescentes esse libidinosos, senes avaros, matres diligere liberos suos, parentes colligere liberis suis thesauros, quæ tamen quandoq; experientia satis comprobatur aliter evenire.

CAPIT IV.

De reliquis demonstrationis requisitis.

I. Quod demonstratio ex veris constare debeat propositionibus, hætenus vidimus. Nunc igitur ad alias ejus conditiones

nes est progrediendum. Non sufficit enim ad scientiam, ut propositiones, ex quibus syllogismus scientificus nascitur, sint veræ, sed præterea oportet esse & immediatas. Voco autem propositionem immediatam, quando nullum est medium inter subjectum & prædicatum, per quod, tanquam per causam, prædicatum de subjecto demonstrari possit. E.g. Hæ propositiones: O. animal sentit. O. homo est animal, sunt immediatæ, quia nulla est causa, cur sensus sit in animali, neq; causa ulla est, propter quã homo sit animal, sed per se animal sentit, per se homo est animal. Hæ autem: O. animal appetit, O. homo potentiã numerandi præditus est, sunt mediatæ. Ideo enim animal appetit, quia sentit; ideo potentiã numerandi homo præditus est, quia animal est rationale. Quando igitur propositio aliqua est immediata, eò ipso etiã est indemonstrabilis, demonstratione scilicet. cur sit & quatenus prima est n.p. ad minimũ in suo genere. Taliũ propositionũ genera ferme sunt duo. Quædam dicuntur *axiomata*, quædam *theses*. *Axioma* dicitur principium indemonstrabile, quod novisse debet, qui scientiam aliquam discere vult, antequam ad præceptorem accedat, vel simpliciter, ut: Impossibile est idem simul esse & non esse. Quodlibet est vel non est. Nihil est causa sui ipsius. In infinitum progredi non licet &c: vel in certã aliquã scientiã, velut in *Mathesi*: Totum est majus qualibet parte. Ab æqualibus si æqualia demantur, quæ remanent, sunt æqualia. In *Analyticis*: Quicquid affirmatur universaliter de subjecto, id affirmatur de omnibus, quæ sub subjecto isto continentur. Dux propositiones contradictoriæ nunquam sunt simul veræ. Ex propositionibus contradictorijs si una est falsa, altera necessario est vera, & contrã. In *Physicis*: Ex nihilo nihil fit. In *Præcticis*: O. actio & progressus est propter aliquod bonum. Cujus gratiã expetuntur reliqua, id est præstantius reliquis. *Thesis in scientiis est propositio indemonstrabi-*

strabilis quidem, quam tamen non necessum est, ut noverit is, qui scientiam aliquam discere vult. Potest enim eam à Doctore accipere, qui idèò initio doctrinæ eam ponit, & discitem vult assentiri. Inde talia principia similia sunt illis legibus fundamentalibus, quæ ab institutore Reipublicæ primum in Republicâ aliquâ ponuntur, ad quarum observationem sine ullâ ratione singuli cives adiguntur, quas leges Philosophus in Politicis vocat νόμους δέδικταις, quarum ratio & causa non civibus, sed formatori Reipublicæ solum nota est. Tangit hanc significationem vocabuli θέσις & Johannes Philoponus Comm: in 1 Post: his verbis: ἡ μὲν θέσις ἐκ τῆς αὐτοπίσεως τῶ μανθάνοντι, ἀλλ' ἐκ τῆς διδασκόντος παραγίνεται. τὸ δ' ἀξίωμα δικοθέν ὁ μανθάνων ἔχει καὶ προβάλλεται. Subdividitur autem *thesis* rursus in *definitionem* & *hypothesin*. Ex quibus *illa* ponit, quid res sit. Velut Geometra ponit, quid sit punctum, quid linea, quid circulus. Et punctum quidem, ait, esse id, cuius pars nulla est. Lineam autem longitudinem sine latitudine, cuius extremitates sunt duo puncta. Circulum demiq; figuram planam unâ lineâ contentam, quæ circumferentia dicitur, in cuius medio punctum est, à quo omnes lineæ ad circumferentiam ductæ sunt æquales. *Hypothesis* autem est *propositio immediata affirmativa aut negativa, quam scientiam traditurus ponit, ut ex eâ aliquid demonstret*. Tales sunt in *Geometriâ*: A quolibet puncto ad quodlibet punctum dici recta potest. Omnes anguli recti sibi invicem sunt æquales. Duæ lineæ rectæ superficiem nullam claudunt. In *Physicis*: Quæ naturam habent, moventur à se ipsis, vel omnia, vel quædam. Calidum & frigidum sunt activa, humidum & siccum sunt passiva principia. In *Ethicis*: Datur propria aliqua hominis operatio. Datur ultimus actionū humanarū finis &c. In *Analyticis*: Propositio universalis negativa universaliter convertitur. Et tales sunt hypotheses absolutè sic dictæ. Quibus contradistinguntur aliæ, dictæ κατ' ἀντιστάσιν, sive ad hominem.

Talis est, si Doctor aliquam propositionem, quæ demonstrari potest, sine demonstratione ponat, inde aliquid monstraturus. Talis, inquam, propositio dicitur *hypothesis ad hominem*, vel etiam *postulatum*. *Hypothesis* quidem, si discenti probabilis sit, nec falsa. Non enim nisi vera supponere debet demonstraturus, i Post. 10. §. 7, 8, 13. *Postulatum* autem, si non sit probabilis discenti. E. gr. Assertio hæc, astra in coelo proprio motu non moventur, sed in & cum orbibus suis, si discenti probabilis videatur, hypothesis erit: sin minus, postulatum vel petatum. Petit enim Præceptor, ut discipulus hoc credat: ita enim se velle multa demonstrare de motu planetarum, eclipsi & id genus alijs. Vid. Proclus l. 2 in Euclid.

II. Cæterum quod immediatas & indemonstrabiles oporteat esse propositiones, ex quibus constat demonstratio absolute sic dicta, satis clarum esse arbitramur. Mediatæ enim quæ sunt propositiones, causam agnoscunt. Si ergo principia demonstrationis essent mediata, tum & hæc possent demonstrari. Demonstratio autem hæc constabit itidē vel ex immediatis, vel ex mediatis propositionibus. Si ex mediatis, rursus necessū est, ut illarū quoq; demonstratio habeatur ex præmissis, quæ & ipsæ si mediatae sunt, iterū per demonstrationem cognoscuntur ex alijs propositionibus, atque sic demonstrationis dabitur demonstratio, & huius iterum demonstratio, & sic in infinitum: aut necessarium est, ut tandem ad immediatas propositiones perveniatur, quas qui ignorat, reliquarum quoq; scientiam, mediarum scil. non habere sit dicendus. Ex immediatis ergo propositionibus propriè nasci scientiam, atque adeo ex talibus oportere demonstrationem constare, est positum in apico. Id tamen dubium esse videtur, num utramq; propositionem in demonstratione ἀμεσος, aut immediatam, esse sit necessum? Pro affirmativā quidē pugnat id, quod Aristoteles numero multitudinis utitur.

uitur. *Ait enim, scientiam & demonstrationem constare oportere ex veris & primis, sive immediatis.* Ex opposito autem videntur multæ adduci posse demonstrationes, in quibus major tantum est immediata, minor autem mediata & demonstrabilis. E. gr. O. quod nutritur, opus habet alimentorum concoctione. O. vegetabile corpus nutritur. E. O. vegetabile corpus opus habet alimentorum concoctione. Hæc demonstratio est τὸ διότι, quia continet proximam causam, propter quam fit alimentorum concoctio: ea namque est nutritio. Minor tamen est mediata & demonstrabilis. Datur enim causa, à quâ pender nutritio vegetabilis corporis, scil. ipsa anima, ut traditur ab Aristot. 2. de Animâ 4. Putant igitur nonnulli etiam inter Græcos Interpretes sufficere ad perfectam demonstrationem, si major sit immediata: minorem autem non necessariò esse immediatam, videlicet actum. Satis enim esse, si actu quidem sit demonstrabilis, possit tamen in immediatam ac indemonstrabilem per prosyllogismum demonstrativum resolvi, quemadmodum in proposito exemplo minor ita προσυλλογιστικὸς demonstratur: Quicquid habet animam, nutritur. O. corpus vegetabile habet animam. E. O. corpus vegetabile nutritur. Verum tum prior syllogismus integrum ἀπόδειξιν non absolvit, sed junctus cum prosyllogismo. Duplex enim est demonstratio, *simplex & continua*, quod probè hîc est observandum. *Simplex* constat duabus propositionibus, ut videre est in paulò antè proposito exemplo demonstrativi prosyllogismi. *Continua* autem constat pluribus propositionibus, sicut analogia seu proportio *simplex* constat tribus terminis, *continuata* autem pluribus. Est enim proportio inter 2, 4, 6, 8, 10, 12, 14, 16, 18, 20, sed continuata. *Simplex* porrò constat ex utraq; propositione *immediatâ*. *Continua* ex alterâ, maiore, immediatâ, & alterâ, mino-

minore, mediata, ad cuius probationem novo Syllogismo opus est, vel etiam interdum pluribus, donec ad utramq; immediatam deveniatur. E.g. Si demonstrandum sit problema 1. lib. 1. Element. Euclidis, *Triangulum æquilaterum supra datam lineam rectam collocare*, id peragi non poterit unâ simplici demonstratione, constante uno syllogismo, sed pluribus ad id erit opus. Nempe talis erit demonstrationis istius resolutio: *O. triangulum, habens 3. latera æqualia, est æquilaterum*, juxta def. 23. 1. Elem. *Triangulum A B C habet 3. latera æqualia. Ergo est æquilaterum.* Ex his major quidem immediata est, cum sit definitio Trianguli æquilateri. Minor autem alio Syllogismo probatur: *Quæ eidem æqualia sunt, inter se æqualia sunt* juxta 1. axiom. 1. Elem. Euclid. *Duo latera A. C. & B. C æqualia sunt eidem lateri A. B. Ergo.* Ex his major rursus immediata est. Est enim ἀξίωμα Mathematicum. Minor autem iterum mediata, & tali probatur Syllogismo: *Lineæ rectæ ad circumferentiam ductæ à centro circuli inter se sunt æquales*, juxta defin. 15. 1. Elem. *Lineæ A. B, A. C, sunt ductæ à centro A ad circumferentiam C. B. D. Ergo. Similiter lineæ A. B & B. C ducuntur à centro A ad circumferentiam C. A. D. Ergo & ipsæ sunt æquales.* Hujus Syllogismi propositio utraque est immediata. Altera enim, major, est definitio; altera autem, minor, idē per se manifesta est, nec causam habet, per quam demonstrari possit. Unde satis apparet, omnem vim, quā demonstratio habet, habere eam à propositionibus immediatis. Non prius enim quiescit intellectus, donec ad utramq; immediatam pervenerit, quod absque his nō datur perfecta rerum scientia. Itaq; Aristoteles lib. 1. Post. c. 2. ubi de demonstratione ἀπλῆς, quæ ἀλλοῦ talis est, agit, requirit, ut non ex propositione, sed propositionibus immediatis constet. Alibi tamen, ubi de demonstratione, omnibus numeris absolutā, sollicitus non

non est, nempe in 1. Topic. c. 1. demonstrationem atesse Syllogismum ex veris & primis, aut ex ijs, quæ ex quibusdam veris & primis cognitionis suæ principium sumpserunt.

III. Dices, Ergò non dabitur perfecta scientia, nisi in demonstratione perventum fuerit ad principia simpliciter prima, hoc est, immediata & prorsus indemonstrabilia? Resp. Perfecta scientia dicitur dupliciter, videlicet, perfecta ἀπλῶς, & in certo aliquo genere. Ad scientiam ἀπλῶς perfectam omninò necessarium est, ut in resolutione ad propositiones perveniatur simpliciter indemonstrabiles. Quales occurrunt in Philosophia prima, quæ velut regina est cæterarum scientiarum & propositionū primarum, quæ in illis habentur, confirmatrix. Unde & ἀρχικώτατη dicitur 1. Met. 2. & ἀπλῶς σοφία passim. Ad scientiā autem in certo genere perfectam sufficit, si principia sint indemonstrabilia respectu illius scientiæ, cujus sunt principia, nihilq; absurdi est, si principia illa in alia scientia demonstrantur. Sic multa sunt Medicorum principia, quæ à Medico, ut Medicus est, non demonstrantur, demonstrantur tamen à Physico. Unde Philosophus in lib. de Respirat: *Vbi desinit Medicus, ibi incipit Physicus.*

IV. Verum neque hoc sufficit ad scientiam & demonstrationem τῷ διότι, ut hæc constet ex propositionibus immediatis & indemonstrabilibus, sed necessarium præterea est, ut immediatæ istæ propositiones sint notiores conclusionē. Omnis enim disciplina διανοητικὴ acquiritur ἐκ προϋπαρχούσης γνώσεως, & antecedente aliqua cognitione, quam aliàs πρόγνωσιν dicimus, *prænotionem*, ut Cicero vertit. Epicurus autem πρόληψιν vocat, i. e. ut iterum Cicero reddit, *anticipationem*. Manifestum autem id est inductione. Cum enim rerum omnium fidem faciant *inductio & syllogismus*, 2 Prior. 23. 1 Top. 1.5. 5.6. Ethic. c. 3. 1 Rhet. c. 2, cognitio διανοητικὴ omnis his duobus me-

dijs acquiritur. Ast utrumq; horum aliquid tanquam antea notum præsupponit. Qui per *inductionem* cognoscit propositionem universalem, is præcognoscit singulares propositiones, ex quibus universalis colligitur. E. g. qui per inductionem discit, quod *de contrarijs in eadem agatur scientiâ*, is antea præcognoscit singulas propositiones, ex quibus illa ostenditur aut manifestatur, nempe, quod de calido & frigido, humido & secco, de albo & nigro, de gravi & levi, de aspero & lævi, de virtute & vitio, de sanitate & morbo &c. in eadem agatur scientiâ: item quod hæc sint contraria, & quid sit eorum unumquodq; qui verò per *syllogismum* cognoscit, is itidem præcognoscere debet, quid vocabula significant, & quod principia syllogismi sint vera, aut *ἐνδοξα*, aut *πρώτα*, & quidem vel per alium syllogismum, vel per inductionem. E. gr. Qui novisse vult per syllogismum, quod *de intelligibili non detur peculiaris scientia*, sed quod cum intellectu ad eandem pertineat scientiam, is *πρόγνωσιν* habere debet de præmissis, sive principijs, ex quibus conclusio illa probatur, qualia esse possunt hæc: *Relatorum eadem est scientia. Intellectus & intelligibile sunt relata*. De his nosse debet, quid vocabula significant v. gr. quid *intellectus*, quid *intelligibile*, quid *scientia*, quid *relata*, & per inductionem aut rationem certum esse, quod principia ista vera sint, aut probabilia, si Syllogismus ex ijs extructus loco probabilis sit habendus. Inde videmus, omnes disciplinas & artes semper præsupponere aliquid, ex quorum *πρόγνωσιν* ad alia progrediuntur. Patet id ex *Mathematicis* disciplinis. Neque enim quis *Geometriam* addiscere potest, nisi prænoverit, totum esse majus qualibet parte; ab æqualibus si æqualia demantur, quæ remanent, esse æqualia, & ejusmodi alia. Item, quid sit punctum, quid linea, quid superficies &c. Similiter & omnes artes *Mechanica*, cum discipulum admittunt, in eo quorundam notitiam

titiam requirunt. Ita discimus ædificare, sed antequam discamus, afferimus ad artem notitiam lapidum, lignorum. Similiter ad artem Sutoriam accedentes adferimus notitiam quarundam rerum, veluti cultri, corii, subulæ, calopodij & similium. Idem in alijs artibus obtinet, etiam universalibus istis, Dialecticâ & Rhetoricâ. Quamvis enim circa nullum genus determinatum versentur, tamen sumunt antè notas propositiones vel universales, probatas omnibus aut pluribus: vel singulares, à sensibus acceptas per inductionem vel exemplum.

V. Inde Aristoteles in 1 Post. c. 1: §. 5 *nos ea, quæ discimus, ait, ex parte scire, ex parte ignorare. Scimus in principijs, quæ præcognita jam habemus, in seipsis autem ignoramus, vel, quod idem est, scimus confuse & indistinctè; distinctè autem, plenè & perfectè nondum cognoscimus*, priusquam ambulatione mentis factâ sint evoluta. E. g. scio ego frigida conciliare somnum, sed papaver esse frigidum, demum discō & discendo sub universale meum revoco, atq; inde postea concludo, papaver quoque conciliare somnum. At hoc ipsum noveram jam sub universali isto: Omne frigidum conciliat somnum, noveram verò solum confuse, non autem perfectè & distinctè. Hæc enim est verissima sententia istius loci. Sed verba textus sunt corrupta. Pro, γνωρίζοντα, enim legendum est, γνωρίσαντα, & pro istis, τῶν δε, legendum, τὰ δε, quam antiquam fuisse scripturam vel ex Philopono cognosci potest. Nempe ita habet integer locus: Ἐστὶ μὲν γνωρίζειν, τὰ μὲν πρότερον γνωρίζοντα, τὰ δὲ καὶ ἄμα λαμβάνοντα τὴν γνῶσιν, i. e. *Fieri autem potest, ut aliquis cognoscat id, quod partim prius cognovit, partim ejus eo ipso tempore accipit cognitionē.* Ita enim τὰ μὲν & τὰ δὲ & alibi accipiuntur, veluti 1. Rhet. c. 2, ubi Philosophus de Oratoribus dicit, quod sibi vendicent nonnunquam id, quod Politici est, τὰ μὲν δὲ ἀπαδεύειν. τὰ δ', δὲ ἀλαζονείαν, τὰ δὲ καὶ δὲ ἀνίας

ἀλλὰς ἀλλὰς ἀνθρωπίνας, *partim propter ignorantiam partim propter arrogantiam, partim propter alias causas humanas.* Id ergò indicat isto loco Philosophus, non absurdum esse, etiam si quis dicatur discere id, quod antea quodammodo cognitum habebat. Qui enim discit, discit ex ijs, quæ antea præcognita habuit, in quibus id, quod nunc demum addiscit, virtute latet. Ita qui didicit definitiones, postulata & axiomata, à quibus oritur Euclides, is cum postea discit, superpropositâ lineâ rectâ triangulum æquilaterum constitui posse, discit id, quod quodammodo præsciverat: nam ex illis hoc efficitur, & qui novit principia, novit quodammodo & conclusionem, licet non discat, ἢ καὶ ὡς ἔγνωται, sed distinctius & enucleatius.

VI. Patet ergò, quod omnis διδασκαλία ex præcognitis nascatur. *Demonstratio autem est λόγος διδασκαλικός.* Ergò & ea ex præcognitis constabit, adeoq; ex ijs, *quæ priora & notiora sunt.* Quibus ignoratis impossibile est, ut quis scientiam adipiscatur. Nempè scientiæ acquisitio similis est acquisitioni divitiarum. Quemadmodum enim qui prorsus nihil habet, nihil etiam potest acquirere, contra qui habet aliquid, ille potest paulatim ad plura pervenire: eodem modo qui vult acquirere scientiam, ille debet aliquid prænovisse, nempe principia & propositiones, ex quibus scientificus syllogismus concludit, & quidem non solum ἡ σημαίνουσι, *quod nomina significant,* ex quibus propositiones illæ constant, sed & ὅτι εἰσι, *quod sint,* sive *vera sint,* ut rectè observat Themistius in 1. Post. c. 2. Patet enim vel ex num. IV. quod duo, vel etiam tres sint προγνώσεως modi. Aliquando præcognoscimus solum, *quid nomen significet,* de re autem amplius nihil scimus. E. gr. quid nomen unicornis significet, novimus, an autem detur tale animal, quale nomine isto indicatur, ignorant multi. Aliquando præcognoscimus ὅτι ἐστὶ, *rem reverà esse,* sed nomen eius

nos latet. E. gr. Sentimus aliquem dolorem, quo nomine appellare debeamus, nescimus. Aliquando autem uterq; *præcognitionis modus est conjunctus*. V. g. unitatem novimus & quid nomen significet, & quod sit in rerum naturâ. Eodem modo totum esse majus suâ parte cognoscimus. Nempe & quid vocabula, totum, majus, pars, significant, & rem ita esse. Uterq; hic præcognitionis modus ad principia *ἀποδείκτους* exigitur. Quomodo enim certi esse possumus, conclusionem esse veram, siue id, quod conclusione significatur, revera ita se habere, si incertum aut ignotum nobis est, ita se habere, quod in præmissis innuitur, propter quod verum esse dicitur id, quod exprimitur in conclusione. Quod autem res per præmissas significata ita se habeat, distinctè cognoscere non possumus, nisi præcognoscamus ante, quid vocabula, ex quibus præmissæ constant, significant. Licet enim rem in se spectatam nosse possimus, ignoratis nominibus, quibus res insignitur, orationis tamen (propositio autem oratio est) veritatem cognoscere non possumus, nisi quid nomina, ex quibus ea constat, significant, perspectum habeamus. Utroq; igitur modo necessarium est, ut notiores sint præmissæ demonstrationis ipsâ demonstrationis conclusione, & quod veræ sint, & quid termini sibi velint, ex quibus constant.

VII. Porro ex 1. *Physic. c. 1. 1. Post. c. 2. & 6 Topic. 4.* constat, quod notius duobus dicatur modis. *Aliud enim est naturâ notius, aliud nobis.* Quot modis & prius dicitur, quæ duo Aristoteles passim conjungit, quia revera quod est prius, idem quoque notius est. *Notius naturâ, sicut & prius, rursus duplex est.* Prius naturâ enim initio dicitur libro *Categor. c. 12, quod non reciprocatur secundum existendi consequentiam*, id est, quo posito alterum non ponitur, sed sublato alterum tollitur. E. gr. *Vnum est*

naturâ prius duobus. Nam si duo sunt, statim sequitur, unum esse. At si unum est, non necesse est duo esse. Ita & notius naturâ dicitur, *quo cognito sequentia possunt ignorari, cum tamen fieri non possit, ut posteriora cognoscantur, nisi præcognoscatur & illud.* E. gr. Animal est naturâ notius camelô. Animal enim cognosci potest, non cognitô camelô, cum natura animalis in pluribus sit, quàm in camelo: at homo cognosci non potest, nisi præcognoscatur natura animalis. Deinde prius naturâ dicitur, *quod magis est natum naturam*, ut est 8 Phys. t. 59. vel, ut in 7. Met. quod plus habet $\eta\varsigma\ \delta\upsilon\lambda\omicron\tau\eta\tau$ &. Ita substantia sunt naturâ priores accidentibus, 7 Met. 1. Ad eundem modum & notius naturâ dicitur id, quod naturam habet *magis intellectilem*, seu, quod ut intelligatur, naturaliter magis aptum est, etsi fortè ob nostrum cognoscendi modum non facile intelligatur. Cujusmodi sunt ea, *quæ maximè à sensibus absunt*, 1 Part. An. 5. 2. de Coelo text. 17, 1. Met. 2. Oritur autem hoc ex ipso actu. Hic enim objectum intellectus est. Unde quanto quæq; res plus habet actus, tantò plus etiam de eâ cognoscere potest intellectus. Est enim certa magis, & definita, ac mutationi minus obnoxia, 6 Top. 4 licet à nobis fortè non ita facile cognoscatur, ob debilitatem scil. cognoscentis. Ita Deus cum simplex sit & uniusmodi, neq; quicquam potentia admixtum habeat, sed actus purissimus existat, cognitu, ut in se spectatur, facillimus est, nos tamen ob cognoscendi rationem nostram parum de ipso assequi valeamus. Quod Aristoteles aptò exemplò vespertilionum declarat. His enim diurnum lumen est impedimento, cum tamen suâ naturâ maximè sit spectabile. Ut verò illorum oculi ad lumen hebescent: ita mens nostra ad res, quæ suâ naturâ sunt manifestissimæ, 2 Met. 1. *Nobis notiora* porro dicuntur ea, *quæ sensui sunt propinquiora.* Nobis, inquam, quia talia cum mente nostrâ majorem

rem habent similitudinem. Mens enim in corpore nostro cum sensibus est complicata, adeò, ut tantùm ea, quæ maximè sensibilia sunt, accommodata ei plurimùm videantur. Ideò enim quia cum sensibus complicata est, delectatur familiaritate sensu & ab his initium cognoscendi faciens progreditur ad obscuriora sibi, naturâ autem suâ manifestiora. *Notiora nobis*, ait Aristoteles 6 Topic. 4, *sunt viciniora sensibus, qualia sunt singularia*, unde & vulgus illorum maximè notitiam habet: levis enim horum est cognitio, accuratior & subtilior contrariorum, hoc est, eorum, quæ à sensibus remota sunt. Quibus prorsus convenientia habentur 7 Met. 4.

VIII. Quodsi ad propositiones hæc accommodentur, quæ demonstrationis principia sunt, facile erit dijudicare, quænam ex illis sint notiores naturâ, quæ nobis. Nempe *nobis notiores erunt propositiones singulares*. Singularia enim sensibus obvia sunt aut per sensus manifestantur, v. c. hoc esse calidum aut frigidum, humidum aut siccum, album aut nigrum. *Universales* autem propositiones sunt *naturâ notiores* & ab intellectu cognoscuntur atque per inductionem colliguntur ex singularibus, quæ nobis sunt notiora, licet in seipsis spectata intellectui, perfectè scil. constituto ac sedato, multò clariores & evidentiores existant. Neque enim existimandum est, quod ea, quæ naturâ notiora sunt, nullo pacto nobis sint notiora. Imò quæ sunt naturâ suâ notiora, ea sunt & simul nobis nota eodèq; respectu, verùm non omnibus, sed ijs tantùm, qui ratione benè constitutâ præditi sunt, sicut & salubre dicitur naturâ suâ & simpliciter, quod homini benè valenti & in perfecta maturitate corporis constituto est salubre; & bonum simpliciter per se & *prout* dicitur id, quod est bonum ei, qui benè affectus est animo, quique virtutibus Ethicis est instructus, sed quod puero est salubre & juveni bonum, id non est simpliciter statim salubre

salubre, nec simpliciter bonum, sed *κατὰ προδιχης*, cum addito. Ita quod iuvenclis, nondum usu rerum & peritiâ valentibus, nec res inter se distinguentibus, sed sensibus indulgentibus, notius est, id non statim notius est simpliciter & suâ naturâ. Id autem naturâ & simpliciter notius est, quod viro sapienti notius est, qui in sensibus non hæret, sed ea inquirat, quæ sunt remotiora à sensibus.

IX. Ex his, quæ posteriori modo, hoc est, simpliciter & naturâ notiora sunt, constare debet demonstratio. Cujus ratio manifesta est ex definitione scientiæ. Scientia enim erat cognitio rei, nempe ut res est: in quo differt ab opinione. Opinionem enim qui habet, is non cognoscit rem, ut in se est, sed juxta ea potius, quæ rei accidunt: lambit vitrum, pulcem non attingit. Nempe affert ex promptuario suo quædam *ἔδοξα*, & proposuit rei aut ejus accidentibus deinde applicat, principia autem, ex re ipsa deducta, non attendit. E. gr. animadvertit in non paucis causis efficientibus hoc verum esse: Qualis effectus, talis causa. Hoc transfert ad alias res, è quæ illo conclusiones deducit, v. c. Solem colligit esse calidum, quod sublunaria hæc calida reddat. Et ita existimans, opinionem habere dicitur. At qui scientiam habet, non attendit ad id, quod ipse antea mente jam comprehensum habet, sed veritatem spectat, intus in rebus, tanquam medullam aliquam, inclusam. Hinc opinio *ἐκ τῶν δοκούντων*, scientia autem *ἐκ τῶν ὑπαρχόντων* nasci dicitur 1 Post. 10. Ex ijs igitur, quæ reapse, hoc est, naturâ & simpliciter notiora sunt, fluit scientia & consequenter ex talibus constabit Syllogismus *ἐπιστημονικός*, hoc est, scientiam pariens, qui est demonstratio. Unde & Ocellus Lucanus lib: de Universo cap. 1: *Αἱ ἀρχαὶ τῶν ἀποδείξεων τῶν ἀφ' αὐτῶν σημαντικῶν ὄσαι, αὐτὰ ἐξ αὐτῶν ἐμφανείς τε καὶ γνωστικῶν εἰσιν*, Ex-

quisita-

qvistarum rationum principia, qvæ res occultas demonstrant, ipsa ex seipsis perspicua & clara sunt.

X. Deniq; cum naturâ notiora varia sint, inter alia ijsan-
numerantur & causæ. Omnes enim illæ simpliciter seu natu-
râ notiores sunt effectibus, tum quia absconditæ magis & re-
motæ sunt, cum effectus sub sensum cadant: tum quia naturâ
effectus prodit ex causis. Res autem cū ita cognoscendæ sint, ut
reverà sunt, effectus, sicut à causâ habet, ut sit, ita ab eadem eti-
am habet, ut cognoscatur, atq; ex eâ pendet non minus secun-
dum cognitionem, qvàm secundum esse: causa autem contrâ
neutro modo pendet ex effectû. Idcò sine dubio causa secun-
dum propriam naturam & prior erit & notior effectû. Cum
ergo scire sit rem per causam cognoscere, dubium planè nul-
lum est, qvin demonstratio, scientiam gignens, ex propositio-
nibus talibus constare debeat, qvæ non solum naturâ notiores
sint, sed & causam conclusionis contineant, & manifestum red-
dant, propter qvòd id, qvòd prædicatur in conclusione, insit
subjecto conclusionis. Qvòd videre est in hoc syllogi-
sino: *Quicquid habet materiam, subinde ad novas formas
propensam, illud est mutabile. Omnia corpora sublunaria
habent materiam, subinde ad novas formas propensam. E.
Omnia corpora sublunaria sunt mutabilia.* Hic medius ter-
minus, in præmissis contentus, puta, habere materiam subinde
ad novas formas propensam, est causa, propter qvàm prædica-
tum conclusionis, mutabile, inest subjecto ejus, corporibus
sublunaribus.

XI. Atq; ex his qvidem satis constare arbitramur, qvid sit
demonstratio, nempe *Syllogismus* constans ex veris, primis
aut immediatis, notioribus, prioribus & causis conclusionis,
sive cur res per prædicatum in conclusione significata insit
rei per subjectum in eadem denotatæ. Cum enim scientia sit
I
cogni-

cognitio rei, oportet medium in Syllogismo scientifico non solum esse medium τὸ συμπερίδοματος, sed & τὸ παράγωμα. Cuncta hæc ad demonstrationem requirit Aristoteles disertè in 1. Post. c. 2. Alij autem hætenus dictis addunt & hoc, demonstrationem constare debere ex *propriis*, quemadmodum passim exigit & Galenus, demonstrationem dicens esse conflata[m] ἐκ τῶν οἰκείων τῷ μαθήματι λημάτων, *ex propriis & vernaculis scientia sumptionibus*. Verùm istâ additione non est opus. Non enim hæc est peculiaris aliqua propositionum apodicticarum conditio, sed potius παράγωμα aliquod reliquarum conditionum, resultans ex illis, tanquam ex suo fonte. Omnis enim propositio vera, prima & immediata, notior, prior & causa conclusionis, est οἰκεία, propria ac vernacula, ejus effectus, qui demonstratur. Unde statim post enumerationem illarum conditionum addit ipse Aristoteles: ἕως γὰρ ἔσονται καὶ αἱ ἀρχαὶ οἰκείαι τῷ δεικνυμένῳ, *ita namq[ue] erunt & principia demonstrationis propria ac vernacula ejus, quod demonstratur*. Quod si quis autem adhuc urgeat, ut inter conditiones ponatur, addere possemus, jam positam esse, & quidem in vocabulo *Primi*. Cū enim dicimus, propositiones apodicticas esse debere *primas*, intelligimus id de primis in quoq[ue] genere: quod autem primum est in quoq[ue] genere, illud est proprium. Sic dicimus efficiens primum, ultimū finem, primā formā, primā materiam de proprio in aliquo certo genere & definito.

XII. A quibus per *primam* conditionem, hoc est, per id, quod ex veris constat, demonstratio distingvatur, vidimus in capite precedente. Per *secundam* autem, sive per id, quod ex immediatis & primis constat, distingvitur initio rursus à *Dialecticis* syllogismis. Illi enim non constant ex *primis in certo aliquo genere*, sed ex propositionibus *communibus*, quæ per omnia scientiarum genera vagantur, ut sunt: Genus & species sunt

sunt in eodem prædicamento, Quicquid dicitur de genere, dicitur & de omnibus speciebus sub genere contentis, Conjugata conjugatorum sunt consequentia &c. Genus enim, species, conjugata &c. & in Physicis, & in Ethicis, deniq; in omni disciplinâ locum habent. Distinguitur porro à Syllogismis istis, qui ex *alienis* constant principiis, quos Aristoteles *ἀλλοτρίαι* appellat. 1. Gener. An. 8. ut si quis Physica Syllogismo probare velit ex principiis aut propositionibus Politicis, aut vice versa; sicut Plato probabat, mulieribus æquè ac viris in militiam esse proficiscendū & pro patriâ pugnandum, ex eo quod canum foeminae pariter ac mares veniuntur. Distinguitur etiam à demonstratione ea, quæ fit per *causam remotam*. Causa remota enim alicujus effectus reverâ non efficit *ἀμεσον πρότασιν*, i. e. *immediatam* & *indemonstrabilem* propositionem. Habet enim ille effectus *ἄτιον* magis *προσέχες*, *causam magis continentem*. Ut si quis demonstrare velit plantam non respirare, quia non est animal. Non enim causa prima & domestica respirationis est animal, cum multa sint animalia, quæ non respirant, ut animalia insecta & quæcunq; sanguine prædita non sunt, imò nec omnia inter sanguinea respirent, sed ea tantum, quæ pulmones habent. Per *tertiam* deniq; *quartam* & *quintam* conditionem rursus distinguitur demonstratio à syllogismis *Dialecticis*. Illi enim constant quidem ex notioribus, verum non statim naturâ talibus, sed ex iis, quæ notiora sunt, aut saltem apparent notiora ei, qui *λόγος δεόμενος* est, & cum quo disputat Dialecticus. Ex *concessis* enim Dialecticus concludit, 8. Topic. c. 1. Propositiones præterea, ex quibus constant, continent quidem causam conclusionis, quatenus ea virtute in iis latet, ut deduci ex illis per bonam consequentiam possit: at non continent causam propriam rei per conclusionem significatæ. Fam, enim ignorat Dialecticus, quâ talis. Unde questionem *διότι*,

quæ est quæstio causæ, à Dialecticâ removeret Alexander, cum dicit eam esse ὁ τῶν διαλεγόμενων, ἀλλὰ τῶν μαθεῖν βεβηλομένων, *non disputare, sed discere volentium*, in 1 Topic. Deniq; per has ipsas conditiones distinguitur etiā demonstratio à *demonstratione per effectū*. Licet enim ejus demonstrationis propositiones sint veræ & immediatæ, quin & notiores & priores, notiores tamē sunt solum πρὸς ἡμᾶς, id est, *nobis*, confuse adhuc res cognoscentibus & sensibus in hærentibus, tamen non sunt naturā ac simpliciter notiores. Et licet causæ sint cognoscendi conclusionem, tamē nō sunt causæ rei; sicut ex vestigio leporis cognosco sanē leporē & ex fumo ignem, sed vestigiū non est causa leporis, nec fumus ignis, sed ignis potius fumi & lepus vestigij ab ipso nivī aut arenæ impressi. Unde & Galenus lib. de optimā secūda ad Thrasybulum cap. 3. discrimen facit inter principium εὐρέσεως sive *inventionis*, & rei ipsius. τὰ ἰχθὺς γάρ, pergit, τὴ λαγῶς εὐρέσεως ἂν τις ἀρχὴν εἴποι εὐλόγως, ἀρχὴν δὲ τὴ λαγῶς οὐκ ἂν τις εἴποι νενέχων, ὃ δὲ γάρ συνέστηκεν ἐκ τῶν ἰχθῶν ὁ λαγῶς, *leporis enim vestigia inveniendi leporis principium non injuriā quispiam dixerit, leporis autem esse principium nullus mente constans affirmaverit: neq; enim lepus ex vestigiis componitur.*

CAPVT V.

De gradibus, ut vocant, necessitatis.

I. Demonstrationis naturam capp. præcedentibus quædam antenus adumbravimus, nunc opera nobis danda est, ut accuratius & limatius eam consideremus, ad exemplum pictorum, qui primum effigiem aliquam adumbrant & delineant, deinde penicillū per easdem lineas denuō ducunt atq; omnia accuratius & articulatus distingvunt. Diximus itaq; in præcedentibus, & conclusiones & præmissas demonstrationis ve-

ras esse oportere, hoc est, cōpositioni & divisioni tam rei, quā intellectus respondere debere. Jam autem ex iis, quæ lib. 9 Met. c. 10 docentur, manifestum est, quod cōpositio & divisio, quæ in rebus est, non eodem modo se habeat. Quædam enim ex illis, quæ *composita* sunt, ita sunt cōposita, ut *non possint dividi* ullo pacto; quædam autē ita comparatā, ut *possint dividi*, & quandoq; etiam actu dividantur. Illa dicuntur *necessaria*, hæc *contingentia*. Similiter ex iis, quæ *divisa* sunt, nonnulla semper *divisa* sunt, & *nunquam* possunt *componi*, dicuntur q; *impossibilia*, vel *necessariò non esse*; alia autem *quandoq; divisa, quandoq; cōposita* sunt & vocantur *possibilia*, vel etiā *ἰνδεχομένα* s. *contingētia* non esse. Ex cōpositis porrò illa, quæ necessaria sunt, cō quod connexio in illis æterna, *ἀπλῶς simpliciter* & *καὶ ἔξοχῇ* cōposita & unū esse dicuntur, *contingentia* autē *ποτὲ*, i. e. *aliquando* unum esse statuuntur. Eademq; eorū, quæ *divisa* sunt, ratio est. Nā & ex illis, quæ primi generis, *divisa* sunt *ἀπλῶς, κυρίως, καὶ μάλιστα*, quæ autē secundi generis sunt, *aliquando* solum *καὶ πλείω* esse dicuntur. Non alia verū ratio est, quod signum cōpositionis & divisionis cum in intellectu, tum in rebus esse diximus. Nempe & illud duplex est. Aliud est verum *ἀναγκάως*, aliud *ἰνδεχομένως*, quorum utriq; opponitur falsum, sed illi tale, quod *impossibile* est aliter se habere, huic autem tale, quod *non impossibile* est aliter se habere. Illud porrò *κυρίως, πρώτως & καὶ ἔξοχῇ* verum est. Unde Aristoteles: *Τὸ ἀεὶ ὅτι φανόμενον ἔχειν, ἀληθὲς δοκεῖ, Quod semper ita se habere apparet, verum videtur*, 2. Rhet. 9. Et Plato in Gorgia: *Τὸ ἀληθὲς ὅδε ποὺς ἐλέγχεται*. Quibus suffragatur Alexander in 11. Met. cum duplicem ait esse veritatem, aliam *κυρίως καὶ μάλιστα*, aliam *τινὶ καὶ ποτὲ*, quod imitatus est Clemens Alexandrinus lib. 8. Stromatum.

II. Hinc denuo quæritur, quomodo vera esse debeant

principia demonstrationum, num ἡδυνάμενος, an ἀναγκάσιος?
 Quod ut clarum fiat, iterum ad finem demonstrationis, scientiam
 & definitionem ejus est respiciendum. Erat scientia *cogni-
 tio rei per causam, quod illius rei causa sit & quod se res illa
 aliter habere nequeat.* Inde concludit Philosophus. Itaque
 ὅτι ἀπλῶς ἐστὶν ἐπιστήμη, τὴν δὲ ἀδύνατον ἄλλως εἶναι, *cujus simpliciter est
 scientia, id impossibile est aliter se habere.* 1 Post. c. 2. §. 3. Quod
 repetit libro eodē c. 33, ubi in hoc differre ait scientiā & opini-
 onē quod illa versetur circa ἀναγκάσιον, quod non contingit aliter
 se habere; opinio autē occupata sit circa illud, quod quidē ve-
 rum aut falsum est, sed aliter etiam se habere potest. Favet huic
 doctrinæ & communis omnium hominū consensus, ad quem
 Philosophus provocat 6 Ethic. c. 3: Omnes enim, inquit, *exi-
 stimant id, quod sciunt, non contingere aliter se habere, τὰ δὲ
 ἡδυνάμενα ἄλλως, ὅταν ἐξω τῷ θεαρεῖν γένηται, λαμβάνει, εἰ ἐστὶν, ἢ μὴ,
 quæ verò aliter se habere possunt, ea cum longè à conspectu re-
 mota sint, sint, nec ne, obscurum est.* Indeque non facile quis-
 quam se scire talia affirmaverit. Observandum tamen, quod
 necessitas ista non tam ὑποκείμενον respiciat, ut volunt nonnulli,
 quam enunciationes potius seu connexionem predicati cum
 subiecto. Quæ connectio spectatur in conclusione demonstra-
 tionis, ad quam ideo requirit Aristoteles, ut ἀδύνατος sit lib. 1. Post.
 c. 3. Quod si verò conclusio illa, circa quam scientia versa-
 tur, necessariæ & æternæ veritatis est, eam autem non aliter
 scimus, quàm eo, quod demonstrationem ejus seu syllo-
 gismum scientificum habemus, utique nec essarium est & propo-
 sitiones esse necessarias, ex quibus talis conclusio colligatur,
 quāquam alias, si formam solam spectemus, etiam ex non ne-
 cessarijs necessaria sequi possit conclusio, lib. 1. Post. c. 6. Quod
 si quis secus se rem habere posse existimet, nempe fieri posse, ut
 inferat conclusionem aliquam per principia non necessaria, ne-
 cesse

esse est, ut concedat scire se per principia contingentia; quoniam, quod non necessarium, contingens est. Hæc enim, *contingit esse & non necesse est esse, aut eadem sunt, aut se mutuo consequuntur*, lib. de Interp. c. 13. & 1 Prior. 13. §. 3. Jam porro cum contingens possit non inesse, ponamus salvo illo, qui se scire profitebatur; salva etiam re, de cujus scientiâ gloriabatur; salvo deniq; & syllogismo, per quem se scire existimabat, interire principium illud non necessarium: hoc posito, non poterit ille dici amisisse scientiam, quia nec ipse interiit, nec res, quam scire se existimabat, neque oblitus est syllogismi, quem scientificum putabat, quibus tamen solis modis amitti scientia potest: nihilominus nec scire dici poterit, quandoquidē principium, ex quo se scire putabat, non amplius est in rerum naturâ. Hoc enim, quod non est, nemo scire potest; quoniam impossibile est, ut id, quod non est, causa sit, propter quam aliquid est. Ergo nec antea scivit, cum se per medium non necessarium scire putabat, quod erat ostendendum. Posito itaq; quod scientia versetur circa necessaria, necessarium omnino est, ut principia demonstrationis non quocumq; modo, sed necessario vera sint: & quidem ita, ut non solum necessariam connexionē, quæ in rebus deprehenditur, significant; sed & immutabilem intellectus cognitionem repræsentent. Cujus ratio manifesta est ex ante dictis. Nisi enim talia sint, opinionem quidem generare poterunt, scientiam non item, quoniam hominem in cognoscendo immobilem reddere non possunt.

III. Atque hoc ipso rursus demonstratio differt initio à *Dialecticis syllogismis*. *Ἐνδοξα* enim, ex quibus illi concludunt, quæ talia, sunt *πολλὰ καὶ μέγα*, sive talia quæ videntur sive omnibus, sive plurimis, sive sapientibus. At quæ videntur, quatenus videntur, necessaria non sunt, aut saltem non necessaria esse putantur. Quæ enim necessaria habentur, non dicuntur videri, sed certo sciri

τὸ sci 1. Post: 33. Differt etiā ab enthymematibus ex verisimilibus procedentibus, quippe quæ & ipsa sunt *ὑποζήτιστα*. Sed & ab *enthymematibus* istis, quæ nectuntur ex *signis*. Nam etsi inter illa quædam ijs, quorum sunt signa, semper cōexistent, adeoq; cum illis necessariam connexionem habeant, unde & *τεκμήρια καὶ ἀναγκάστα* dicuntur 1. Rhet. c. 2; ipsa tamen si absolute spectentur, non necessaria, sed contingentia sunt. Ita ex signo necessario ducta sunt ista enthymemata. *Febrim habet. E. agrotat: Cordi inflatum est vulnus. E. morietur: Peperit. E. cum viro concubuit.* In singulis tamen antecedens absolute consideratum necessarium non est, sed contingens. Igitur nec verisimilia, nec signa accommodata sunt generandæ scientiæ, sicut & expresse Philosophus ait 1. Rhet. c. 2: *Et illa quidem non faciunt aliquem circa ullum genus prudentem* sive scientem. Fidem quidem facere possunt: scientiam progignere non item. Quæ duo discrete distingvit & Plato in Gorgia, inter cetera & ex eo capite, quod *scientia semper vera sit, fidem autem & veram & falsam esse contingat*. Quamquam & aliis modis differant. Accidit enim aliquando, ut fides sit infallibilis, qualis est, quæ immediate nititur divino testimonio; nihilominus ne illa quidem est scientia, quod evidens hæc sit cognitio, fides non item. Unde & Simplicius Comment. in Enchirid. Epicteti c. 39: *Audisse, ait, ex DEO immortalem esse animam, fidem quidem firmam parit, uti par est, aſt non rei scientiam.* Sed hujus ratio ex paulo post dicendis magis constabit.

IV. Differt quoq; Syllogismus demonstrativus hoc ipso, quod ducitur ex necessarijs, à Syllogismo *deliberativo*, qui est opus *διανοίας* deliberantis & consultantis, quam *λογιστικὴν* Aristoteles, hædie Practicam vocant. Diximus enim suprâ, quod intellectus ita se habeat ad animum, ut oculus ad corpus. Ut ergo

73

go corpus geminum in capite habet oculum, dextrum & sinistrum: Sic animus humanus gemino instructus est intellectu, Theoretico, quo res divinas & cætera, quæ hominis δύναμις & arbitrium, excedunt, contemplatur: & deliberativo, qui τῆς ἀνθρώπου, hoc est, arbitrio hominis subiecta perspicit. Utriusque intellectus datur Syllogismus aliquis. Illius Syllogismus absolute sic dictus; huius Syllogismus deliberativus, cujus altera quidem propositio universalis est, altera autem singularis. Talis est hic in arte *Medica: Cholera laboranti præbendum est rebarbarum. Socrates laborat cholera, E. ei præbendum est rebarbarum.* Vide 7. Ethic. c. 4. & lib. de an. motu c. 7. Satis verò manifestum est, tales Syllogismos non semper constare ex falsis. Alias enim nulla deliberatio recta foret; sed ut intellectus Theoretici datur aliquod verum, ex quo Syllogismus, qui illius opus est, concludit, sic etiam datur aliquod verum intellectus deliberativi, 6. Ethic. c. 2, ex quo Syllogismus deliberativus, quo ars & prudentia, velut habitus intellectus deliberativi, utuntur, infert. Inde uterque habitus dicitur cum *verâ ratione*, 6. Ethic. c. 3. id est, ratiocinatione vel deliberatione. λογίζεσθαι enim & βεβηκεσθαι *idem* hic sunt, 6. Ethic. c. 1. E contrario datur etiam aliquod falsum in ijs, in quibus occupatus est intellectus deliberativus, ex quo ἀρεχία & imprudentia (non quæ simpliciter, sed κατὰ διάθεσιν tales dicuntur) concludunt. Ab his igitur Syllogismis quidem, quibus imprudentia & inertia utuntur, demonstratio eo ipso discriminatur, quod hæc constat ex veris, illi autem ex falsis colligunt; ab illis verò, quibus ars & prudentia utuntur, per hoc quidē non differt, cū & illi ex vero sui generis concludant, differt autē per istud, quod hæc ex necessario veris concludat, illi autem ex ἐνδεχομένως veris, si non utroque,

altero tamen. Quod vel ex eo manifestum est, quia conclusio in talibus Syllogismis contingens est, ceu patet vel ex exemplo allato. *Conclusio autem contingens ex utraq; necessaria inferri non potest*, 1 Post. c. 6. §. 8.

V. Cæterum ut distinctius appareat, quomodo propositiones apodicticas oporteat esse necessarias, attendendum est ad gradus necessitatis, quorum tres numerantur lib. 1 Post. c. 4. Primus est, *ἡ ἀπὸ πάντων*. Secundus, *ἡ ἀπὸ αὐτῶν*. Tertius, *ἡ ἀπὸ ὅλων*. qui singuli nunc pluribus describendi sunt. *Propositio ἡ ἀπὸ πάντων* igitur hoc loco est, *quæ habet universalitatem subiecti & universalitatem temporis*, id est, *in quâ prædicatū de omni subiecto omni tempore verè enuntiatur*. E.g. Hæc propositio: O homo est animal, est *ἡ ἀπὸ πάντων*. De omni enim homine & semper verum est, quod sit animal. Item hæc: O temperantia est virtus. De omni enim temperantiâ & semper verum est, quod sit virtus. Esse autem hanc propositionem *ἡ ἀπὸ πάντων* patet ex hoc signo. Quoties enim adversarius proponit thesīm aliquam ad disputandum eamq; vult esse *ἡ ἀπὸ πάντων*, solemus eniti, ut duplici ratione aut *ἐν δόξῃ*, opposcentes, ejusmodi thesīm labefactemus, vel quia prædicatū de aliquo, quod ambitu subiecti continetur, enunciari non possit, vel quia prædicatū aliquando non inest subiecto, aut ijs, quæ sub subiecto continentur. E. g. Propositionem illam Erasistrati, O plethora sive plenitudo corporis fit multâ vasorum per sanguinem repletionē, seu distentionē, non esse *ἡ ἀπὸ πάντων* inde ostendimus, quia prædicatū non inest omnibus ijs, quæ plethoræ ambitu continentur. Vera enim solū est propositio ista de plethorâ, quam Medici vocant ad vasa, in quâ humores adeo exuberant, ut venas quaquā versum insint ac distendant. Falsa autem est de plethora, quæ ad vires appellatur, in qua nequam tument vasa aut sanguinis copia distenduntur, sed rantū plus

plus humoris continent, quàm ut à viribus corporis & naturâ regi gubernariq; possit. Ita & hæc propositio : O. depositū est reddendū, non est *κατὰ πάντες*, quia prædicatū interdū rectè tribuitur subiecto, interdum non: ob circumstantiam enim aliquā contingere potest, ut depositum minimè sit aliquo tempore reddendum, e. g. furioso gladius depositus reddendus non est tempore furoris. Excluduntur itaq; à propositionibus *κατὰ πάντες* non solum singulares propositiones, quarum subiecta sunt singularia, neq; admittunt *προσδιορισμὸν*, omnis. Non enim dicimus, Omnis Socrates : Prior. 27, & particulares: verū & omnes propositiones, quæ non perpetuò veræ sunt, sed exceptionem aut limitationem aliquam admittunt. Quod enim omnitempore ita se non habet, quomodo perpetuum dici poterit aut necessarium? Tales sunt ferè omnes Ictorum regulæ, de quibus intelligitur illud Icti: Omnis in iure definitio sive regula, periculosa est. E. gr. Definitiones sive regulæ juris sunt, Omnia in vecta & illata in domum conductam censeri esse obligata domino domus propensionibus currentibus. Item, quemq; possessuam domum ad cælum usque ædificare. Et si enim hæ propositiones subiecto additum habeant signum universale, tamen non sunt *κατὰ πάντες*, quia varias limitationes admittunt, de quibus Ictorum scripta consulenda sunt.

VI. Τὸ κατὰ αὐτὸ *quatuor dicitur modis*. Nam (1.) *per se dicuntur*, ὅσα ὑπάρχουσιν ἐν τῷ ὡς ἐστίν, *quacumq; insunt in eo, quod quid est, sive quæ subiecto insunt* ὁσιωδῶς, *essentialiter sive ita, ut ad definitionem ejus, quæ est λόγος τοῦ ὡς ἐστίν* 2. Post: 10. *pertineant*. Dux enim requiruntur ad hunc modum per se conditiones. UNA est, ut *prædicatum insit reverà subiecto*: ALTERA, ut *prædicatū insit* ἐν τῷ ὡς ἐστίν, *essentialiter, ita, ut sine eo subiectum definiri non possit*. Hoc modo de homine per se dicitur, quod sit animal; de morbo, quod sit δυνάμει, vel habitus

præter naturam; de demonstratione, quod sit Syllogismus. Cuncta enim hæc prædicata subjectis istis insunt ἀλλήδ' & essentialiter. Ita & figuræ per se inest linea, lineæ punctum, numero unitas. Linea enim in definitione figuræ, punctum in definitione lineæ, unitas in definitione numeri ponitur. In univ-
 versum per se hoc modo insunt omnia, quæ συναγόμεναι dicuntur de subjectis, ut genera & generum genera. Ea enim omnia prædicantur de subjectis ἐν τῷ ἢ ἐστίν. Insunt præterea hoc modo per se subjectis differentia omnes, non συγκαταληπτὴν solum, sed & generales, ut homini sensus, quæ est differentia animalis, cuius species homo est. Ipsa porro definitio hoc modo inest & omnia prædicata, quæ exprimunt materiam & formam sive partes rei essentielles. Unde prædicatio καὶ δ' αὐτὸ ἐστίν, homo constat ex corpore & animâ rationali. Genus enim & differentia his partibus *proportionem respondent*, juxta Porphyrium c. 3. §. 17. Quidam ad hunc τῶν καὶ δ' αὐτὸ modum redu-
 cunt & prædicationes identicas, in quibus idem de seipso prædicatur, ut homo est homo &c. Verum malè. Neutra enim conditio primi modi dicendi per se illis convenit. Nam prædicatum reverà non inest subjecto, cum ab eo reipsâ distinctum non sit: neque essentiam subjecti constituit, cum prorsus idem sit cum subjecto. Quod ad essentiam constituendam pertinet, sive, quod idem est, τὸ ἢ ἐστίν ingreditur, notius sit oportet subjecto, quod definitur. γνώσεως namq; ἐν ἐκείνῃ omnis definitio affertur, 6. Topic. 4. At tale quid non spectatur in prædicationibus identicis. Idem enim ponitur loco prædicati & subjecti. Idem autem se ipso notius esse nequit. Unde hujusmodi prædicationes sunt ὑπὲρ περιστροφῆς, pistilli quædam circumvolutiones & inanes repetitiones, quæ nullum prorsus habent in disciplinis usum, quoniam mens avida cognitionis per eas planè nihil discit.

VII. Deinde *per se inesse* dicuntur, quæ ita *subjectiva* insunt, ut *vicissim subjecta* in eorum definitione insint. Unde duo itidem requiruntur ad hunc καὶ αὐτὸ modum, (1.) ut *pradicatum reverà insit subjecto*, (2.) ut *subjectum assumatur in essentiali definitione pradicati*. Hoc modo tonitru per se inest nubi. Est namq; proprium ejus accidens, quod reverà inest, & in cujus definitione nubes ponitur; Est enim tonitru sonus in nube. Eodem modo numero inest par & impar, lineæ rectum & curvum; naso simum & aduncum, balbum lingvæ, claudum pedi, febris cordi, ira sanguini, apoplexia cerebro &c. quia rectum sine lineâ, par sine numero, simum sine naso, balbum sine lingvâ, claudum sine pede &c. definiri non potest. Ad summam ad hunc τῶν καὶ αὐτὸ modum pertinent omnia *accidentia propria* sive ἰδία πᾶσι de ἷς enunciata, quorum sunt πᾶσι, quæ Græcè ἐπὶ τοῖς appellan-
tur, quorumq; causæ investigantur. Ea enim sine subjectis suis primis, quæ πρῶτα πᾶσι καὶ δευτέρῃ Græcis dicuntur, defini-
ri non possunt. Sic ira definitur, quod sit ζέως ἀματὸς περὶ καρ-
δὸς, ebullitio sanguinis circa cor; Simitas, quod sit cavitas que-
dam nasi &c. Aliorum πᾶσι eadem est ratio, quorum varia sunt capita generalia, ad quæ reduci possunt. Atque cum ex
essentiâ subjecti fluant, primo omnium *alia sunt πᾶσι materia*,
alia formæ. *Formæ*, ut potētia ridendi in homine. *Materia*, ut
rubigo in ferro, attractio ferri in magnete, non quod talia solū
sequantur materiam, nihil enim per se inest materiæ nu-
dæ, nisi fortè privatio; quia potissimum ab illa sed nascuntur.
Utraq; πᾶσι rursus variè accipi possunt. *Sunt enim alia po-
tentiæ & vires rerum*, quæ in 9 Met. c. 2. rursus dividuntur in
activas, ποιητικῆς, qualis est δύναμις urendi in igne & loquen-
di in homine: & *passivas*, παθητικῆς, qualis est potentia recipi-
endi sonum in aure, potentia recipiendi species visibiles in oculo.

Io &c: alia sunt ἐνέργειαι sive operationes, quomodo καὶ πᾶσι
 est moveri in orbem; sublunarium, actu interire. Quamquam
 discrimen aliàs sit inter ἐνέργειας. Quædam enim sequuntur δύνα-
 μεις: alia autē sunt perfectiones rerum ab ipsa forma immediatē
 fluentes, imò ipsa forma, ut Averroës loquitur, operantes, quæ
 si de toto subjecto dicuntur, rationem habent accidentis, quia
 impediri possunt; si verò ad πρῶτον δεικνόν. sunt ejus perfectio-
 nes essentielles. Qualis ἐνέργεια est visio in respectu ad oculum.
 Quamquam enim animali accidat videre hīc & nunc, oculi ta-
 men accidens non est videre simpliciter, sed perfectio & essen-
 tia ejus. Unde hujusmodi energiae pertinent ad primum mo-
 dum per se.

VIII. Tertiò alia πᾶσι sunt διαδιόδοι, seu dispositiones,
 numerus, ordo, situs, forma ac figura rerum non acciden-
 tales, sed essentiam sequentes aut à forma originem trahentes,
 sive in rebus ipsis hæreāt, sive extrinsecus superveniant, de quibus
 Alexander lib. de Fato ait: αἱ ἑστῆσθαι τῶν ὄντων διαφορὰς τὰς
 τῶν φύσεων αὐτῶν διαφορὰς δεικνύσιν, Diversa rerum forma non
 patent sensibus, sed elucescunt ex variâ & differenti rerum
 facie externa ac dispositione. Quales sunt dispositiones, cum
 dico: Astra sunt circularis figuræ, cælum est orbiculare, ma-
 nus est scissa in digitos, mundus est unus, homo est carnosior
 in suris & foemoribus, pulmo est laxus, quadrupedia habent to-
 rosum corpus, homo erectam habet staturam & latos ungues,
 corpus naturale est in loco. Quartò ad propria πᾶσι revocan-
 tur & privationes, Græcis στερήσεις, sicut animalis πᾶσι est dor-
 mire, viventis mori. Quò reduci possunt & ἀδυναμίας sive im-
 potentia ad aliquid faciendum aut etiam patiendum. Ut in
 cœlo est ἀδυναμία sive impotentia ad corruptionem, quia con-
 trarium non habet, aut talem materiam, quæ δύναμιν habeat
 ἀντικειμένη; si modò hæc reverà ἀδυναμία est dicenda. Sunt
 enim nonnulla vocabula, quæ privationem notant, res autem

ipsa est positiva. Ita apud Græcos ἀιδιον privativa vox est, res autem significata, æternitas scilicet, privatio non est. Quis enim melius diceret privationem deterioris? Qua de re videndus est Ammonius in c. 10. lib. Catēg. Deniq; dantur adhuc alia παθῶν συμπτώματα. Græcis dicta, quæ rebus accidunt *per violentiam*, ut explicat Alexander in Meteorolog: quomodo maris παθῶν est reciprocari, terræ tremere. Fō pertinent & φαινόμενα illa in aëre, ut sunt trajectiones, cometæ, draco volans, halo idque genus alia, de quibus Galenus ait, ἐνταῦθα εἰς ἕδειμیان χρεῖαν γίνεσθαι, ἀλλ' ἑτέροις ἐξ ἀνάγκης ἐπεσθαι, καὶ ἕδὲ μόρια εἶναι, ἀλλὰ ὡς συμπτώματα, *quadam fieri nullius usus gratia, sed sequi quadam alia necessario, non ut partes, sed ut quadam coincidentia*, lib. 5 de usu partium c. 3.

IX. Hæc igitur omnia pertinent ad secundum modum per se. Cujus prima conditio adhuc notanda est adversus eos, qui dicunt *propositionem per se primi modi inversam fieri propositionem secundi modi per se*. E. gr. Propositio hæc, homo est animal rationale, est primi modi per se: animal rationale enim constituit essentiam hominis. Eam inversam hoc modo, rationale est homo, illi dicunt esse secundi modi. Verum falluntur hoc ipso. Ad id enim, ut aliquid insit per se secundo modo, requiritur, ut reverà insit, adeoq; secundum naturalē prædicationem subiecto attribuat. In hac enim id prædicatur, quod alteri extra mentis cogitationem in ipsâ rerum naturâ inest, & id subiectum est, quod alteri extra animum subicitur. Ut cum in primo modo genus ex differentiâ attribuitur subiecto, in secundo autem proprium παθῶν prædicatur de suo subiecto, in quo secundum naturam inest; ut, homo est docilis. Sicut enim homo extra cogitationem animæ est subiectum docilitatis & docilitas reverà inest homini: ita quoq; maximè χαρα φύσιν in propositione docile de homine prædicari dicitur.

At

At homo non inest rationali, sed rationale potius inest homi-
ni. Ideò hæc propositio, rationale est homo, non est propo-
sitiō per se, ut ea in Analyticis spectatur. Est enim prædicatio
παρὰ φύσιν, cujus rationem Analyticus sive scientificus doctor
non habet, quippe qui æmulus est naturæ rerum, nec voces
spectat, sed rerum naturam, adeò, ut quicquid illi non congruit,
ab ejus instituto planè sit alienum.

X. Porro duobus his prioribus καὶ ἀπὸ modis opponi-
tur unus duntaxat modus κατὰ συμβεβηκός, videlicet, quando
accidens commune dicitur de subjecto, quod ita inest subjecto,
ut neque ipsum pertineat ad definitionem subjecti, neq;
subjectum ingrediatur definitionem illius. Quales prædi-
cationes sunt, *animal est album*, *animal est Musicum*. Nam
neq; album pertinet ad definitionem animalis, neq; animal ad
definitionem albi. Eadem & Musici ratio est & aliorum ejusdē
sortis. Perinde autem est, qualecunque sit illud accidens, sive se-
parabile, sive inseparabile, dummodo reverà commune sit &
nō propriū; propriū enim quod est, ex naturā ipsius rei fluit, ade-
oq; nō per accidens sed, per se inest. Verba Philoponi sunt: οἱ μὲν
τοῖον, ὅσα τῶν ἀχωρίστων συμβεβηκόντων ὀρισμένως ὑπάρχει μίᾳ καὶ τῇ
αὐτῇ φύσιν, καὶ ἡδεμία ἄλλη, ταῦτα καὶ αὐτὰ ὑπάρχει ἐν ἐκείνοις. ὅσα
δὲ μὴ ὀρισμένως τινὶ φύσιν ὑπάρχει, ἀλλὰ δύναται καὶ πλείοσιν ὑπάρ-
χειν, ταῦτα καὶ ἀχώριστα ἢ, ὅς λέγεται καὶ αὐτὰ τοῖς ὑποκειμένοις ὑπάρ-
χιν, Dico igitur, quod quæcunq; inseparabilium accidentium
definitæ insunt uni & eidem naturæ, & nulli aliæ, hæc per se
insunt illis. Quæcunq; autem non definitæ insunt alicui na-
turæ, sed possunt pluribus inesse, hæc quamvis inseparabilia
sint, non dicuntur per se subjectis inesse. Et hæc ad secundum
modum per se.

XI. Tertius modus τῶν καὶ αὐτὸ quis sit, variant Interpre-
tes. Aristotelis verba enim, quibus istum modum exprimit, sunt
quadantenus obscura. Per se, inquit lib. 1 Post. c. 4. §. 3.

porro appello, quod non dicitur de ullo alio subiecto, ut ambulans cum aliud quidpiam sit, ambulans est, & album. Substantia vero & quaecumque hoc aliquid significant, non aliud quiddam sunt, quam id quod sunt. Quae igitur de subiecto non dicuntur, per se, quae vero de subiecto dicuntur, sive in subiecto sunt, puta anima, accidentia voco. Ex quibus verbis illud quidem satis apparet, modum hunc τὸ καὶ αὐτὸ non esse predicandi, sed essendi, amplificandi & exornandi solum gratia, ut Themistius in comm. ait, allatum. Omne enim per se, denotans modum praedicandi, affirmari potest de enunciatione aliquâ & non de realiquâ in se. E. gr. haec enunciationes, Temperantia est virtus, virtus est habitus laudabilis, dicuntur esse per se, illa quidem primi, haec verò secundi modi. At per se tertij modi non dicitur de enunciatione, sed de rebus in se. Per illa enim, quae non dicuntur de ullo alio subiecto, certè non propositiones intelliguntur, sed res ipsae, nempe substantiae, exq; in se & absolute spectatae. Quales autem substantiae hic sint intelligendae, num prima solum, an etiam secunda, non consentiunt autores.

XII. Themistius Euphrates, Graecus Aristotelis Paraphrastes, qui temporibus Juliani apostatae claruit, à quo, Suida testis, constitutus Praefectus est Constantinopolis, de primis solum intelligit, quando in explanatione istius loci tertium καὶ αὐτὸ modum, quem tamen ipse in quartâ sede collocat, his verbis describit: λέγεται δὲ καὶ τέταρτον τὸ τίς ἢ τίς τῶν καὶ αὐτὸ, καὶ τὸ ἐπὶ κατηγορεῖσθαι, ἀλλ' ἀπλῶς οὐ καὶ διὰ τοῦ ἐπὶ, καὶ διὰ τοῦ αὐτοῦ. τοιαῦτα γὰρ τὰ ἀπομακρυνόμενα τῆς ὁσίας, Est verò & quartus aliquis modus ejus, quod per se dicitur, non quidem in his, quae de alio predicantur, sed simpliciter in his, quae neq; per aliud sunt, neq; in alio: atq; haec individua substantiae sunt. Haec ille. Et videtur hae sententia confirmari posse ex text. 33. 1. Post. ubi Philosophus astruit, ad hunc modum substantiam pertinere καὶ ὅσα τοῦδε σὺ μόνον

μολύβει. Solæ enim substantiæ PRIMÆ propriè loquendo significant *τόδε τι*. SECUNDÆ autem, siquidem, ut essentiam significant aut aliquid ejus, spectatur, *τὸ ἐν τῷδε τῷ* notant, unde & *ἐν τῷδε τῷ* de substantiis singularibus prædicari dicuntur: sin autem ut universale quid, *ποῖόν τι* potius vel *τοιοῦτό τι*, aut similitudinem secundum essentiam, secundum quam inter se communicant substantiæ primæ. Qua de re Aristoteles legendus est in libr. Categ. c. 5. 3. Met. 6. 1. 7. c. 13. & 1. Soph. Elench. c. 22. §. 17.

XIII. Alijs tamen ad tertium modum etiam substantiæ secundæ reducendæ esse videntur, quoniam ijs quoq; convenit descriptio *τῷ ἑαυτοῦ* secundum tertium hunc modum. Dicebantur enim per se esse, *quæ non dicuntur de ullo alio subiecto.* At id non minus verum est de substantiis secundis, quàm de substantiis primis. Quamvis enim illæ de his prædicentur, nō tamen prædicantur de ijs tanquàm de alio subiecto, sed tanquàm de subiecto proprio. Substantiæ primæ enim non sunt aliud quid à substantiis secundis, hoc est, speciebus & generibus suis, sed illud ipsum quoddam, quod sunt substantiæ secundæ. E. g. Socrates non est aliud ab animali & homine, sed est ipsum quoddam animal & ipse quidam homo, libr. 1. Post. c. 22. §. 7. Non negamus quidem & *ἐκείνους* loquendo solas substantias primas *τόδε τι* significare. *Τόδε* enim materiam & subiectum significat, sicut exponit Ammonius in Comm. ad libr. Categ. c. 5. ex Platonis Timæo, & est nota ostensionis, siue ejus, quod quasi digito monstrari potest, ut Alexander libr. 7. Met. & Simpl. in 2. de An. volunt. Tamen determinatum & definitum quid notat. Inde *τόδε τι* & *ἐκείνους* significat subiectum determinatum, nempe per formam. Ea enim facit, ut materia, quæ in se erat *ἀόριστος*, audiat *ἰσχυρόμενον* & determinatum quid. Hujusmodi autem determinatum subiectum est ipsum compositum ex materia & forma, hoc est, ipsa substantia prima seu individua. Certe

83
 tum nihilominus est, apud Aristotelem non raro etiam de sub-
 stantijs secundis dici, quod τὸδεῖν notent; quia & ipsæ in ratio-
 ne sua materiam aliquam involvunt, non talem quidem, quæ
 digitis monstrari possit, talem interim, quæ comprehensibilis
 sit ratione. Unde Themistius initio παραφρᾶς. in 2. de An. τὸδεῖν
 duplex facit, aliud τῇ αἰσθησὶ, aliud τῷ λόγῳ. Loca, in quibus τὸδεῖν
 apud Philosophum etiam de substantijs secundis effertur, repe-
 riuntur inter cætera lib. 7. Met. c. 1, ubi ὅτιαν ἀπλῶς sive in gene-
 re & τὸδεῖν pro iisdem habet, lib. 1. de An. c. 1. & 7. 1. de Gen.
 & Corr. c. 3. &c.

XIV. Per se igitur tertio modo dicuntur omnes ὁτίαν,
 sive primæ illæ sint, sive secundæ. Quibus Philosophus oppo-
 ni dicit, quæ sunt δι' αἰσθῆ: perinde ut prioribus duobus modis
 opponebatur id, quod est per accidens. Hæc autem sunt ac-
 cidentia, quæ separatim esse non habent, sed in alio, nempe in
 substantia, à quâ εἶναι simpliciter habent, sicut substantia ab ipsis
 tale vel tale esse. Unde esse dicuntur, quia sunt ἐντίς, sive qua-
 litates, sive quantitates, sive σχέσεις &c. 7. Met. 1. Et de alio in-
 super prædicantur subiecto, quod non est illud ipsum quoddam,
 quod eorum significatur nomine, sed aliud. Ita de homine
 dicitur album. Non enim homo est ipsum quoddam album,
 sed homini accidit esse a' bñ, nihil conferens ad essentiam ejus.
 Conf. 1. Post. c. 22. & 4. Met. 4. Id quod non minus ve-
 rum est de accidentibus singularibus, quàm universalibus. Quis
 enim Socratē idem esse dixerit, quod ipsum quoddam album?
 aut non esse aliud, quàm ipsum quoddam album, sicut rectè di-
 citur non esse aliud quid, quàm ipse quidam homo, aut ipsum
 quoddam animal? Pone Socratē esse nigrum, non desinet
 utiquē esse Socrates; at desinet esse Socrates, si non sit ampli-
 us a' iquis homo, aut aliquod animal. Vid. imprimis lib. 1.
 Post. c. 22. §. 7.

XV. Differt autem accidens, quod tertio τὸν καὶ αὐτὸν τρόπον do opponitur, non parum ab accidente, quod opponitur primo & secundo modo. Illud enim nihil prohibet, quod minus, in se spectatum, sit in substantiæ categoria. Nam & rubigo hæc ratione est accidens ligni, cui fortè est aspersa, & pulvis corporis humani, & tamen ista, in se considerata, sunt substantiæ. Quamvis enim antequam avellantur, sint in substantiâ aliâ, possunt tamen esse aut separatim existere sine istis substantijs. Accidens autem, quod tertio modo per se opponitur, non est per se in Categoriâ substantiæ, sed per accidens solum aut ἀναγκαῖως. Quâ ratione & differentiæ substantiarum substantijs accensentur, etiamsi alioqui ex omnibus peti possint categorijs. Deinde accidens illud παρὰ τὸν καὶ κατηγοριῶν, sive eorum, quæ sunt in predicamentis, & quidem non solum eorum, quæ sunt in categoriâ substantiæ, sed & eorum, quæ in reliquis sunt categorijs, perinde ut genus, proprium, & definitio. Ita enim non obscure ipse docet Aristoteles lib. 1. Topic. c. 9 §. 1, quando ista omnia differentias vocat, quæ sunt in modis τὸν καὶ κατηγοριῶν. Per inductionem insuper constat, quod non de substantijs solis aliqua dicantur ut accidentia, sed & de ijs, quæ sunt in categoriâ quantitatis, qualitatis, actionis &c. E. g. Virtutis accidens est, contemni: adulationis, magni æstimari: ambulationis, fieri in Musæo: circuli, pulchrum esse &c. Posterioris autem generis accidens non est per se παρὰ τὸν καὶ κατηγοριῶν. Effet enim idem παρὰ τὸν sui ipsius. Inesse insuper accidens illud dicebatur subiecto ἄλλῳ, deq; eo verum est, quod vulgò dici solet, *accidentis esse nihil aliud esse, quàm inesse*, quod esse non possit sine eo, in quo est, hoc est, non possit ab eo existere separatum. Nam quod ab alio sic potest separari, ut, pereunte eo, ipsum nihilominus maneat superstes, id τὸ ἐξ ἑαυτοῦ est, & hoc ipso jam substantia, quæ accidenti opponitur. Jam autem quod per naturam suam

suam non potest nisi inesse, id subjectum esse nequit ejus, quod inest. Id quidem fieri potest, ut unum accidentium talium causa sit, ob quam alterum inest subjecto, verum subjectum illud, quod utrumque istorum recipit, non accidens est, sed substantia. Sic ob siccitatem durities est in subjecto, verum durities non inest ipsi siccitati, sed eidem cum siccitate substantie. Unde disertè Aristoteles lib. 4 Met. c. 4: *Accidentis*, inquit, *non est accidens*, videlicet sumpto utrinque accidente in posteriori sensu. Scholastici distinctionis ergo posterius illud vocare solent accidens prædicamentale, prius autem illud prædicabile, non quasi & illud non prædicetur (*κατηγορίαι* enim seu prædicamenta sunt *modi prædicandi*, quæ de re vid. lib. 1 Prior. c. 37:), sed quod affirmetur promiscuè de omnibus, quæ sunt in categoriis, sive substantiæ, sive reliquorum. Prædicamentale autem accidens affirmatur solum de substantiis: *κατηγορίαι* enim seu prædicamenta propriè nihil aliud sunt, quàm *σχηµατὰ τῶ κατηγορητέου*, sive modi prædicandi de substantiâ singulari, utpote de quâ non omnia eodem modo prædicantur, sed diversis. Scilicet quot sunt modi quærendi de eâ, tot sunt & modi respondendi de illâ, & quot respondendi, tot & affirmandi sive prædicandi de eadem. Jam autem modi quærendi & respondendi generales de substantiâ singulari sunt decem. Scilicet de Socrate, exempli causa, quæritur, *quid*, *quantus*, *qualis* fuerit, *quomodo* se habuerit ad *Sophroniscum*, *quid egerit*, *quid passus* fuerit, *quando* vixerit, *ubi* docuerit, & quæ sit, quoque *habitus*. Et respondetur ad quæstionem *quid* fuerit? quod fuerit *homo* vel *animal*; *quantus* fuerit? quod *ires* fuerit *ulnas longus*; *qualis* fuerit? quod fuerit *Philosophus*; *quomodo* se habuerit ad *Sophroniscum*? ut *filius* ad *patrem*; *quid egerit*? quod *docuerit* alios *Philosophiam*, præcipuè *eam*, quæ ad *mores* spectat; *quid passus* fuerit? quod *ciccu-*

ambiberit; quando vixerit? Olympiade 95; ubi docuerit? in Lyceo. Quo situ? sedens; quo habitu? togatus. Tot ergo etiam sunt modi, quibus aliquid de substantiâ singulari prædicari potest. Nihil quicquam enim de illâ dici potest, quod non ad aliquem horum modorum queat revocari. Iste, inquit Martianus Capella lib. 4 de Dialect. parte 1 circa finem, sunt decem prædicationes, ex quibus aliquid necessario singulariter enunciamus. Nam quicquid omnino dixerimus, quod aliquid significet, nondum tamen intelligi potest, an verum, an falsum sit, unum est ex his decem. Quia autem prædicationes illæ de substantiâ sunt, inde fit, ut Aristoteles eas non ποσότητα, ἔξιν vocet, sed τι, ποσόν, ποσόν, ἕξιν, seu videre est ex lib. Categ. 4. 7 Metaph. 1 & c. quia scilicet non in abstracto, ut in Scholis loquimur, fit prædicatio, sed in concreto. Nec enim Socrates est ipsa humana natura, sed homo: nec sapientia, sed sapiens: nec toga, sed togatus, & sic deinceps. Quæ autem affirmantur de ijs, quæ in ipsis sunt categoriis, prædicabilia sive κατηγορηµένων veniunt appellatione, ut sunt genus, proprium & c. nec non accidens, quod primo & secundo opponitur τῷ κατὰ αὐτὸ modis.

XVI. *Quartus per se modus usurpatur pro eo, quod est δι' αὐτό, propter ipsum, sive ob ipsum, quando proprius effectus conjungitur cum propria causa, propter quam contingit, efficiente aut finali. Tales prædicationes per se sunt, interpositio diametralis terræ inter Solem & Lunam est eclipsis Lunæ. Extinctio halitus calidi & siccus in nube est tonitruum. Dissolutio continuitatis in parte actu sentiente est dolor. Ita enim loquimur in scientiis, licet minus ἰδίως. Proprie namque loquendo causa non dicitur de effectu, nec effectus de causa. Enunciari quidem possunt de se invicem, verum non in casu recto, sed obliquo. Ita diametralis interpositio terræ inter Solem & Lunam*

nam non est eclipsis, sed efficit eclipsin. Extinctio halitus calidi & sicci in nube non est tonitru, sed efficit tonitru. Fames non est ipse sensus suctus, sed efficitur ab illa. Verum homines docti, qui scientias profitentur, non astringunt se superstitiosè loquendi formulis, quæ potius propter tyrones, quæ viros eruditos, sunt excogitata, ut velut compedes quædam essent, quibus rudes equos docemus certum ingressum. Porro huic prædicationi per se opponitur *modus ille per accidens*, in quo *causa* attribuitur *effectus improprius*, sive per accidens ac fortuitus, qui propter causam istam non contingit, sed tantum cum ea iunctus est vel in eodem tempore, vel in eodem loco &c. Ut si quis Petrum scribentem, vel aliud quid agentem, lethaliter vulneret, isque ex accepto vulnere exemplo moriatur, tum lethaliter vulneratus quidem moritur per se (ideò enim moritur, quia inflictum ipsi lethale vulnus) scribens autem vel aliud quid agens per accidens. Non enim ideò, quia scripsit; moritur, sed accidit scribentem vulnerari, accidit scribentem mori. Pariter per accidens fit, ut ambulans inveniat thesaurum; per accidens quoque fit, ut aliquo in balneo se lavante fulguret, &c. Obtinet autem hic modus in utroque causarum efficientium genere, quorum alterum est *natura*, alterum *mens humana*. Utrumque per se aliquid facit, utrumque facit & per accidens quæpiam. *Natura* per se efficit, quod primò spectat, vel quod primò quærit, aut quasi intendit. Verum huic interdum conjunctum est aliquid non ex directâ naturæ intentione: & hoc *ἡ γὰρ οὐμβιβχὸς* facere dicitur. E. g. Natura in generatione animalium spectat conservationem speciei, ad quam per se facit generatio. At accidit, ut, cum aliquid generatur, corrumpatur aliud. E. g. Cum ex semine fit arbor, generatur arbor, & corrumpitur semen; cum ex ovo fit pullus, generatur pullus, interit ovum. Numquid ergo & natura per se

corrumpit quidpiam? Minimè vero. Corruptionem enim non intendit, sed ea accidit ob materiæ conditionem. *Mens humana* eodem modo, dum operatur, aliquid directè intendit, cuius gratiâ operatur, idque facere dicitur per se. At huic adveniunt interdum nonnulla, quæ mens non intendit. Ea igitur inesse dicuntur per accidens. E. g. Sutor calceum facit ad muniendum seu regendum pedem; hunc enim finem intendit. Inde decalceo dicitur per se, quod muniat pedem. At si quis calceo aquam hauriat, hoc jam calceo dicitur competere per accidens. Sutor enim calceum efficiens huic non intendit usui calceum destinare.

XVII. Hi sunt quatuor τῶν καὶ αὐτὸ ὑπάρχειν modi. Eos qui inter se comparant accuratius aliquanto, καὶ αὐτὸ nihil aliud significare iudicant, quàm ὁμοιότης τῶν ὁρῶν συμπλοκήν, *essentialem terminorum in propositionibus connexionem*, & quidem talem σχέσιν sive habitudinem inter subjectum & prædicatum, ut alterum sit *causa*, alterum *effectus*. In primo enim modo ajunt prædicatum significare unam ex internis causis, quæ constituunt essentiam subjecti, velut effectus. Ubi tamen discrimen aliquod annotant inter genera substantiarum *compositorum & accidentium* substantijs oppositorum, nec non *formarum substantialium*. *Compositorum* enim genera materiâ fermè significare dicunt aut *formam generalem*, quæ tamen respectu differentiarum ultimarum & specificarum se habeat, ut materia. *Accidentium* autem, ut & *formarum substantialium* genera exprimere causam formalem. E. g. Animal, quod genus est, si speciei, homini scil. tribuatur, significat quidem generalem hominis formam, sed respectu animæ rationalis est velut ὕλη, sive materia. At sonus, qui accidentis genus est, verbî causa tonitru, formam significat, sicut differentia, in nube, materiam. Nubes enim subjectum est tonitru: subjectum autem

autem cum affectione, cuius subiectum est, comparatum rationem habet materiae, 8 Met. 4. In altero modo prædicationis *καὶ δ' αὐτὸ πρᾶδικατὺν* semper effectus est, subiectum autem, de quo effectus ille dicitur, habet rationem materiae. Ut, nubes tonat, pes est claudus, aut recta incedit, lingua est balba, vel expedita &c. Rectè enim intelligendum est, quod suprà num. 3. diximus, balbum per se inesse lingvæ & claudum pedi, nempe cum suo opposito per disjunctionem prolato. Sunt namq; duo genera *accidentium propriorum*, sicut Aristoteles docet 1 Post. c. 4. 5. 7. Quædam *simplicia* sunt, quædam *opposita*. *Simplicia* sunt, quæ per se sola insunt subiectis, ut aptitudo ad ridendum, item disciplinæ capacitas homini, & gravitas corpori mixto. *Opposita* autem, quæ constant ex duobus membris oppositis, disiunctim consideratis, ut sunt rectum & inflexum in respectu ad lineam, par & impar in respectu ad numerum. Hæc per disiunctivam conjunctionem copulata per se insunt subiectis suis in secundo modo. Habent enim rationem contradictionis; ideoq; necessario alterum ex iis subiecto suo inest. E. g. O. linea aut recta est aut inflexa, O. numerus aut par est aut impar, item O. perfectum animal aut mas est aut foemina, & sic in cæteris.

XIII. In tertio modo per se, etsi prædicatum & subiectum *re ipsa distincta* non sint, latet tamen in eo quoq; aliqua *causa consideratio*. Subiectum enim per se subsistere nihil aliud est, quàm non habere extra se causam suam *ὑπάρξεις*, sed ipsū per se suæ *ὑπάρξεις* causam esse; quemadmodum accidentia per se non subsistere nihil aliud est, quàm ea sibi non satis esse *πρὸς ὑπάρξιν*, neq; causas esse suæ *ὑπάρξεις*, sed extra se habere causam. Subsistunt enim per substantiam ipsis subiectam, à qua *τὸ εἶναι simpliciter* habent, sicut hæc ab iis esse tale vel tale v. g. esse coloratum, tricubitum aut quadricubitum &c. Unde

& entia dicuntur nō per se, sed quia sunt entis sive qvātitates, sive qualitates, sive *σχέσεις*, sive actiones, sive passionēs & c, pro-
ut jam suprà monitum ex 7 Met. 1. Igitur qui dicit substantiā
per se esse, simul dicit & *ὑπαρξιν* & causam *ὑπόρρεως*, quā ad for-
malē causam referri potest, quia forma & essentiā rei constituit,
& est causa, ut res sit. Deniq; in *quarto* modo per se, contineri
causam & effectum, manifestum est ex definitione ejus modi.
Exponebatur enim *καθ' αὐτὸ* per di *αὐτὸ*, *propter* ipsum. Tò *δια* le
autem ad causam pertinet, 2 Phys. 7. 2 Post. c. 1. 1. 5. 1. Sumi-
tur tamen hic non de causā quavis, sed solū de causā externā,
id est, efficiente & sine.

XIX. Modos per se sequitur tertius gradus necessitatis,
τὸ καθόλου πρῶτον sive primum universale. Quod Aristoteles
bifariam describit lib. 1 Post. c. 4. Primo *universale*, inquit §.
9, *voco quod & de omni subiecto dicitur, & per se, & quā*
ipsum est. Quibus verbis tria ad τὸ καθόλου requirit, 1. ut de sub-
iecto *universali* & *universaliter* sumpto & quidē *omni tem-*
pore dicatur. 2. ut *per se* insit eidem subiecto. 3. ut ei insit
ἢ *αὐτὸ*, *quatenus ipsum*, hoc est, per intimam ac propri-
am naturam & essentiam subiecti, vel immediate & non
per intervenientem causam aliquam superiorem, pluri-
bus communem. Particula enim ista reduplicationis, ἢ, qua-
tenus, vel quā, apud Aristotelem sapissimè solet exprimere
causam proximam & adequatam, propter quam prædicatum
inest subiecto. Unde & quatuor apud ipsum sunt reduplicatio-
nis modi, quoniam quatuor sunt causarum genera. PRIMUS
formalis causæ respondet, isq; nobilissimus est. E. gr. Homo
λογίζεσθαι, quā homo. SECUNDUS respondet causæ *materiali*,
quando *πρῶτον δεκλινόν* sive primum subiectum recipiens ad-
jicitur. Ut, paries est albus, quā superficiem. TERTIUS est
causæ *efficientis*. E. gr. Callias moritur, quā lethaliter vul-
necatus

neratus est. **QUARTUS** habet *finalem* causam. E. gr. Quâ ex-
 asurus pecuniam creditor venit. Notat itaq; hîc etiam par-
 ticula, ἢ, primò & immediatè prædicatum inesse ei, quod πρῶτον
 καὶ δῶλγ audit, id est, non propter causam superiorem; aut
 etiam inesse ei secundum propriam naturam, nec communem
 ei cum alijs, adeoque ἀντιστρέφει sive *reciprocè*. Quomodo
 coloratum inest mixto ex lucido & opaco, mobile substantiæ
 naturali, aptitudo ad discendum homini. Coloratum enim
 mixto ex lucido & opaco inest, quâ tali, i. e. per propriam ejus
 naturam nec ulli alij rei competit, nisi sit rationis istius parti-
 ceps. Et mobile hoc modo inest corpori, vel substantiæ, na-
 turali. Quamquam enim & homo & equus sint mobiles, non
 tamen mobiles sunt, quatenus is homo est & hic equus; sed
 uterque mobilis est, quatenus sunt substantiæ naturales. Et li-
 cet iris sit colorata, itemq; & halo, non tamen tales sunt, qua-
 tenus ista iris & hic halo est, sed quatenus ex lucido & opaco
 sunt mixta.

XV. Altera descriptio non multum abit à priori. Re-
 ipsa enim cum illâ eadem est, verbis tamen discrepat aliquan-
 tū. *Universale*, inquit Phil: dicitur, *quando de quovis & primo*
demonstratur, §. 12. Quibus verbis ad τὸ καὶ δῶλγ duo requi-
 runtur 1. ut prædicatum ἐπὶ τῷ ὑποκείμενῳ, de *quolibet* dicatur,
 i. e. ut dicatur κατὰ παντός. 2. ut dicatur de *primo* subjecto.
 Subjectū autem *primum* dicitur dupliciter. Vel quia non da-
 tur subjectum, cui *priori* insit prædicatum: vel quia inter sub-
 jectum & prædicatum non datur causa, propter quam
 prædicatum insit illi subjecto. E. g. Corpori mixto inest
 aptitudo ad putrescendum tanquam subjecto primo, quia non
 datur subjectum, cui priori hæc affectio insit, aut tribui possit.
 Etsi enim plurima corpora per naturam apta sint putrescere, ta-
 men vis ejusmodi putrescendi ijs velut primis non inest, sed in-
 terventu prioris alicujus subjecti, nimirum corporis mixti, sub

eius ambitu illa & quàm plurima alia comprehenduntur. Carnes enim, quâ carnes, primò obnoxie putredini non sunt, sed quatenus corpora mixta sunt: atq; ita nò per se *πρώτως*, sed *δευτέρως* & per aliud. In posteriore autè significatione τὸ πρῶτον inest rationale, homini, & putridum ei, quod ex contrarijs est constat principijs, quia non datur alia causa, propter quam predicata hæc suis insint subiectis. Ex quo simul apparet, unde enunciatio aliqua *καθόλου πρώτη* dicatur, num à predicato, an à subiecto, nempe potissimum à subiecto, ut tamen *σχέσει* illud habet ad prædicatum. Sunt enim subiectum & prædicatum correlata, quorum utriusq; essentia posita est in mutuo respectu sive relatione.

XXI. Pertinent autem ad prædicationes *καθόλου* propositiones *primi & secundi modi per se reciproce*. Nam in ijs prædicatum, quod per se inest, inest etiam subiecto, ἡ ἀπὸ. Et de ijs verba Aristotelis intelligenda sunt, quibus ait *idem esse per se* & quatenus ipsum. Nempe hæc pertinent initio propositiones istæ, in quibus *definitio* affirmatur de *definito*. Ut, O. corpus naturale continet in se principium motus & quietis. Hoc enim non per se solum inest corpori naturali, sed & quatenus est corpus naturale. Eodem modo constare ex principijs contrarijs inest corpori mixto &c. Deinde referuntur hæc enunciationes, in quibus *propria accidentia*, sive propria *πάθη*, quæ per se insunt secundo modo, attribuntur *suis πρώτοις δευτεροῖς*, *primis subiectis*, sive illa *simplicia* sint, ut: O. corpus coloratum, quatenus coloratum, aspectabile est, O. corpus simplex, quatenus simplex, unico simplici motu secundum naturam cietur; sive *contrarijs constent*, ut: O. animal, quatenus animal, aut vigilat aut dormit: O. numerus, quatenus numerus, aut par est aut impar. Sed & ex hæc spectant enunciationes, in quibus *proprij effectus causis suis primis*, quas conjunctas

junctas Galenus vocat, tribuuntur. Ut, quicquid habet ani-
 mam vegetativam, nutritur. Est enim anima vegetativa cau-
 sa prima & continens nutritionis, saltem in genere causæ effi-
 cientis. Deniq; & is τῶν χροῦ αὐτῶν modus huc pertinet, quem
 Themistius tertium facit, & his verbis proponit: Τρίτῳ τῶν
 χροῦ αὐτῶν ὑπαρχόντων τρόπῳ, διττῶν συμβεβηκότων ἐστίν, ἕταν μὴ αλ-
 λους πρώτοις ὑπαρχῇ. εἶον τῇ ἐπιφανείᾳ τὸ κεχρωσμένον. *Tertius modus co-*
rum, quæ per se insunt, pertinet ad accidentia, quæ ita sub-
jectis suis insunt, ut non alijs prius, quomodo superficiet color.
 Meminit illius modi & Aristoteles lib: 5. Met. 18. cum ait:
alia modo τὸ χροῦ dicitur, in τῷ πρώτῳ πέρυξιν γινέσθαι, in quo pri-
mo fieri aptum est, ut color in superficie. Excluduntur autem
 hinc & propositiones primi modi χροῦ αὐτῶν, quæ non sunt re-
 ciprocæ, ut cum genus, licet προσεχὲς sive proximum, attribuitur
 speciei, ut: O. homo est animal, O. virtus moralis est habitus.
 Quæquam enim à nonnullis ejusmodi quoq; propositiones
 cum reduplicatione subjecti efferri solcant, ut homo, *quatenus*
homo, est animal: tamen non rectè ita efferuntur. Re-
 duplicationis namq; ἢ, *quatenus*, semper *æqualitatem termina-*
tum propositionis significat, & propterea mutuam reciproca-
 tionem. Inde si ista propositio vera esset, homo, *quatenus* ho-
 mo, est animal, sequi necesse esset, solum hominem esse animal.
 Præterea significat illa *eandem* esse rationē, per quam sit & sub-
 jectum & prædicatum propositionis. E. g. in hac propositi-
 one: O. homo, quæ homo, est disciplinæ capax, particula re-
 duplicationis, quæ, significat eandem esse rationem, quæ & ho-
 mo sit, & disciplinæ capax. Ut enim per formam suam ho-
 mo est homo, ita per eandem formam quæ tamen causa sit
 efficiens hujus effectus, homo est disciplinæ capax. At homo
 non per eandem causam, per quam est homo, est etiam ani-
 mal. Animal enim est per sensum; homo autem per ratio-

nem. Falsa ergò est hæc propositio : Homo, quatenus homo, est animal. Porro excluduntur etiam à propositionibus καθόλου propositiones, in quibus *differentie* attribuuntur speciei, non *generales* solum, sed & *specificæ*. Quæq; enim ex his prædicatur de pluribus specie differentibus, juxta Aristotelis & Porphyrij sententiam, sicut alibi demonstravimus. Tertio excluduntur & illæ propositiones, in quibus *propria generum*, sive remotorum, sive primorum, attribuuntur speciebus, sive illa sint simplicia, sive contrariis consent. Ut, O. homo potest dolere : id enim per se & primo inest non homini, sed animali. O. homo nutritur : nutritio namq; per se & primo inest non homini, sed corpori animato. O. homo vigilat aut dormit : insunt enim & hæc primo animali. Item O. homo vel est masculus vel foemina : insunt enim καθύπερθε hæc primo & per se animali perfecto. Denique excluduntur propositiones, in quibus *causa remota* jungitur effectui. De quibus in seqq. plura.

CAPVT. VI.

De Subjecto Demonstrationis, quod καθόλου esse oportet; & de modis à καθόλου aberrandi.

I. Vidimus quot sint necessitatis gradus. Nunc videndum est, quinam ex illis in demonstrationibus habeant locum. Id ut èd clarius reddatur, observandum ante omnia est, quod tria sint in omni demonstratione & scientiâ; nempe primo καθύπερθε sive *affectio propria*, quæ de aliquo demonstratur, quod & ζητούμενον sive *quæsitum* vocari solet. Secundò γένος ὑποκειμένου, *subjectum genus*, cujus καθύπερθε sive affectiones manifestat de-

demonstratio. VIII. Met. c. 4 sub finem ὅτι πρῶτον πάσῃον dicitur; item πρῶτον δεικνὺν primum subjectum, quod primò πρῶτον recipit, 7. Phys. 4. Et deniq; *Principium*, ex quo affectio demonstratur, V. lib. 1. Post. c. 7. §. 2. c. 10. §. 5. Quod igitur ad subjectum sive γένος ὑποκείμενον, ut de eo primò dicamus, attinet, id oportere universale sive primum esse juxta definitionem universalis cap. anteced. allatam, vel ex descriptione ejus, modò ex Aristotele adductâ, apparet. Ideò enim πρῶτον δεικνὺν & πρῶτον πάσῃον dicitur, quia primò affectionem recipit. Patet etiam ex natura scientiæ & demonstrationis. Demonstratio namq; constabat ex causis proximis & adæqvatis. Causa autem adæqvata jungenda est in scientiis cū subjecto proximo & immediato. Alias enim si jungatur subjectis δευτέροις, quæ sub primis continentur, cumulabuntur demonstrationes & multa inutiliter repetentur. Ut si quis in Physicis sensum habere non cum animali, cui πρῶτος καὶ καὶ αὐτὸ inest, sed cum eqvo, ave, pisce & reliquis animalis speciebus jungat, & per illud de singulis seorsim, quod appetitum habeant, demonstraret. Id igitur ne eveniat, πρῶτον δεικνὺν in singulis diligentissimè est quærendum.

II. Varijs autem contingere potest modis, ut ab universali primo aberretur, sicut docet ex parte & Aristoteles lib. 1. Post. c. 5. Primò si aliquid de *speciebus* vel *singularibus* demonstramus, nescientes illa singularia habere *universalem naturam*, de qua, cum affectio ei πρῶτος insit, demonstrari debebat. E. g. Demonstrantur πρῶτον de Sole, Luna, cælo, mundo, terrâ, quæ sunt, ut Philoponus ait in 1. Post. c. 5, μοναδικῶς ὑφιστηκότα, *unica in rerum natura*. De his, inquam, demonstrantur quædam affectiones. V. g. Solem moveri per orbem, terram se habere instar centri in orbe, Lunam deliquium pati, mundum esse ingentium &c. Si quis hæc tanquam de singularibus demonstraret, v.

c. de hoc singulari Sole, Luna &c. is aberrat à πρῶτον δεικνύσθαι. Quamquam enim singularia hæc numero sint, includunt tamen universalem naturam sic, ut verè illud παρὰ demonstratum esset, etiamsi mille Soles essent, totidemq; Lunæ & terræ. Inde ut Anatomicus aliquis, cum Socratis corpus dissecat, non considerat Socratis corpus, sed hominis: ita qui Lunæ aut Solis naturam intuetur, non intueri illam debet ut individuum, sed accipere debet ut naturam quandam communem, adeoque κατὰ conclusionem necesse. Ex quo & Aristoteles dicit, lib. 1. de Cælo c. 10. t. 9, aliud esse τὸ ἓνα αὐτῶ ὕψος; aliud τῷδε τὸ ὕψος εἶναι.

III. Secundò ex ijs, quæ de subiectis aliquibus dicuntur, non omnia communem aliquam habent naturam & rationem distinctam supra species aut singularia, de quibus dicuntur, positam, sed rectè à in res significatas feruntur. Nonnulla tamen ex ijs primò speciem quandam unam (si species appellare licet, quæ talia habent subiecta: gradus fortè rectius cum Græcis vocaveris) menti proponunt, ad quam ἐπεξῆς & ordine quodam reliquæ referuntur, & ab ea dependent. Unde πρὸς ἐν vel ἀπὸ ἐνὸς nominantur: ἢ ἀπὸ ἐνὸς ἀπὸ ποικίλης λεγὸς αἰτίας, à causâ efficiente; τὰ πρὸς ἐν autem ἀπὸ τέλους, à fine, ut rectè monet Ammonius in lib: Categ: c. 1. Talia sunt ens, sanum, unum, ἀπὸδῆς, σοφισμὸς, & id genus alia. Ex quibus quædam propè accedunt ad synonymia, in quibus nempe species omnes formaliter tales sunt, quales esse dicuntur, v. gr. anima nutrens & sentiens. In his enim quamvis ordo sit & altera alteram priorem agnoscat, quod in veris speciebus non fit, omnes tamen suâ naturâ & intrinsecus, non externâ tantum denominatione animæ sunt. Hujus generis apud Aristotelem est quoq; figura, item numerus & similia. Quædam autem cum veris homonymis affinitatem magnam habent, quorum videlicet pri-

num tantum significatum, *formaliter & intrinsecus* est tale; reliqua dicuntur solum talia *externa* quadam *appellatione*, & *relatione certâ* ad illud *primum*, ut ens, sanum, medicum &c. Jam de talibus cum demonstrandum aliquid est, accidit non raro, ut in assignando *πρώτῳ δεκτικῷ* non parum erretur. Quia enim in his commune aliquid datur, & quidem non nomen solum, sed & aliquid ad λόγον spectans, ideo multi decipiuntur, ut existiment habere talia communem aliquam naturam, de qua affectiones, pluribus speciebus communes, demonstrant, velut de *πρώτῳ ὑποκείμενῳ*, cum tamen unum illud commune multiplex sit, h. e. in singulis gradibus aliter atq; aliter se habeat; affectiones etiam istæ omnibus speciebus non æquè insint, sed uni primariò, cæteris *δευτέρως* & consequenter. Ita Scholastici entis affectionem dicunt esse unum, quod de ente in latitudine sua accepto, prout Deo & iis, quæ à Deo sunt, substantiæ & accidentibus, commune est, velut *πρώτῳ ὑποκείμενῳ* demonstrant, quia cuncta hæc unum quid esse vident & communem aliquam rationem entis sibi fingunt, quæ his omnibus insit, cum tamen ens de iis non dicatur secundum unam rationem, sed *ἁπλοῦς*, lib. Soph. c. 7. neq; cuncta hæc æquè sint unum. Deus enim unum quid est, ut unitas, quia est indivisibilis: substantiæ autem materiales & compositæ ut linea, quia sunt quidē indivisum quid, sed tamen dividi possunt. Quid igitur in his erit *πρώτον δεκτικόν* affectionis communis? Valet hic trita illa regula: *Primum analogatum stat pro omnibus analogis* De eo, quod primum est in istis, demonstranda est affectio. huic enim *πρώτως* inest, reliquis secundariò, uni magis, alteri minus, prout ab isto longius aut minus longè absunt. Certe quæ de substantia proprietates efferuntur, maximè elucent in substantia *κρείως* ita dicta, primâ scilicet; velut significare *τὸδε ἔ* & similes.

Et in Politicis attributa servorum prius & magis conveniunt eis, quos natura, quàm quos fortuna servos fecit. Eadem in Metaphysicis & entis est ratio taliumq; aliorum.

IV. Hoc probè observandum est, ne cum multis operam & oleum perdamus in quærendo communi aliquo objecto, ubi commune objectum non datur, sed *πρῶτον δεικνόν* affectionis est id; quod in genere aliquo primum est, neq; unam communem cum aliis sub isto genere contentis obtinet naturam. Illi enim per se, & quatenus tale est, affectio ista inest; cæteris, quatenus illud participant, aut ad ipsum referuntur. Ita multi sollicitè indagant, quodnam *πρῶτον δεικνόν* visus sit, & omnia visibilia sub se comprehendat. At frustra hoc. Non enim omnia æquè primò sunt visibilia; sed aliquid per se & primò; cætera autem *δεύτερας*, quatenus huius rationem participant. Nempe primò visibile lumen est: colores autem *δεύτερας*, quatenus participant lumen. Ex varia enim commixtione perspicui & opaci in corporibus terminatis oritur lucula quædam; magis clara aut umbrosa; prout plus perspicui aut opaci, vel plus luminis aut umbræ in ea permixtione fuerit. Et hanc luculam vocamus colorem. Unde quod nihil omninò lucis incorporatum habet, propriè coloratum non est, nec propriè videtur, velut tenebræ. Quamvis enim videri interdum dicantur, sit tamen hoc non *ιδίως*, propriè, sed in improprio modo loquendi. Nempe anima dicitur eas videre, quia oculis apertis experitur se nihil videre, sicut egregiè Augustinus c. 31. contra Epist. Fundam. scribit: *Tenebræ nihil sunt aliud, quàm lucis absentia, quæ oculis non videndo discernuntur, sicut silentium auribus non audiendo. Non quia tenebræ sunt aliquid, sed quia lux non est.*

V. Tertio aberramus à primò *ἡρώδης*, quando id, quod est

99

est *unius* alicujus *speciei proprium*, referimus ad *plura*. Ita enim proprium $\pi\alpha\delta\theta$ non refertur ad $\pi\rho\acute{o}\tau\omicron\nu\ \delta\epsilon\kappa\tau\iota\kappa\acute{o}\nu$. Ut si quis generatim motus instrumenta musculos faciat, ille aberrat. Sunt enim muscoli instrumenta quidem alicujus motus, voluntarii scilicet, sed non omnis motus absolute. Ita Athenus febribus adscribit $\pi\alpha\delta\theta$ putredinem. At non omnes febres sunt putridæ. Inde n. & Medicis febres dividuntur in Ephemeræ, putridas & hecticas. Corporis porro affectionem propriam aliqui ajunt esse $\tau\acute{\alpha}\ \epsilon\iota\sigma\iota\gamma$ in loco, cum tamen non omnia corpora sint in loco, velut ea, quæ circulo feruntur, cælestes videlicet orbis. Quatenus enim in eodem semper manent, immobilia quasi existunt & non sunt in loco. quoniam locus separabilis est, 4. Phys. t. 17. & 30. Orbis autem unus ab altero, cui adjacet, nunquam separatur, sed eo modo immobiles permanent. Quatenus autem motus ipsis competit secundum partes, neque hoc modo in loco sunt, sed in toto. Certè ut Aristoteles locum definit, non competit ille nisi gravibus & levibus, & tandem iis, quæ motu totius feruntur: cælestibus autem, quæ tantum motu partium moventur, ejus ratio non competit, nisi secundum analogiam. Unde & Alexander alicubi ait: *Quamvis in omni loco sit corpus, non omne tamen corpus est in loco.*

VI. Quattò interdum accidit, ut genus aliquod habeat $\pi\alpha\delta\theta$, ejusq; primum aliquod $\delta\epsilon\kappa\tau\iota\kappa\acute{o}\nu$ sit, at *nomen non habeat*, quod imponit aliquibus, ut existiment nullam ei esse communem naturam, ideoque de *speciebus singulis* demonstrant, sed hoc ipso aberrant à $\pi\rho\acute{o}\tau\omicron\nu\ \kappa\epsilon\gamma\theta\omicron\lambda\gamma$. Ita, si quis putet animalia terrestria sola respirare, nempe quæ ex iis perfecta sunt, deq; iis $\pi\alpha\delta\theta$ illud demonstret, is aberrat à $\pi\rho\acute{o}\tau\omicron\nu\ \kappa\epsilon\gamma\theta\omicron\lambda\gamma$. Datur enim aliud prius universale subjectum, cui affectio ista inest, quod ad plura animalia se extendit, quam ad ea, quæ ex terre-

aëribus sunt perfecta. Nempe & belux marinæ respirant, &
 ranæ, quæ tamen sub terrestribus animalibus non continentur.
 Similiter si quis de aëre demonstraret per spicuum & putet hunc
 esse *πρῶτον δεκτικόν* istius *παύσης*, is errat. Convenit enim hæc
 affectio aquæ etiam, cœlo, vitro, succino, crystallo & alijs,
 quæ communem aliquam naturam habent, sed *ἀνένυμον*, ejus
 ratione ipsis *παύση* hoc competit. Sunt qui coloris *πρῶτον*
δεκτικόν dicant esse sulphur, sal autem saporis. Araberranthi iti-
 dem à vero *ἡγεθῆς*. Nam & ijs color inest, quæ tamen ra-
 tionem sulphuris non participant. Non dicam modò & cæ-
 lestibus corporibus videri inesse colores. Mercurij namq; lux
 rubicunda, Martis flammæa apparet. Id solum nunc dico.
 Cum Sal & sulphur Chymica operatione extracta sunt, & quã-
 tũ fieri potest, unum ab altero separatũ est, color tñ. adhuc in
 sale, perinde atqve in sulphure & reliquis mixtis observatur.
 Quomodo ergò sulphur illud ipsum est, cui per se & primò
 color inest? Dicunt quidem, sal extractum non ab omni par-
 te sulphuris aliorumq; admixtione prorsus esse purum. At hæc
 aperta est contradictio, dicere, extractum ac separatum à sale
 sulphur esse, & tamen in eodem sale post extractionem & se-
 cretionem adhucdum inesse. Hæc quoque ratione separatio
 Chymica, cui tamen isti multum tribuunt in pervestigando *πρῶ-
 τῳ δεκτικῳ*, inefficacissima esset ad ostendendum, quid cuiq; pri-
 mò & quam ob causam insit, quoniam tam post, quàm ante
 separationem incertum manet, utrum ob sulphuris naturam, an
 propriam, an elementorum, an alterius cujuscumq; sal separa-
 tum & cæteræ res colore decorentur. Denique cum maxi-
 ma sulphuris pars à sale separata sit, jamque in ejusmodi sale
 sal prævaleat & abundet, minimumq; admisti sulphuris conti-
 neat, parum coloris ei inesset, neq; totum coloratum appareret,
 si sulphur esset *πρῶτον δεκτικόν* coloris, reliqua autem ob partici-
 patio-

pationem ejus colorata essent. Non minus & illi hîc in assignando πρώτῳ καὶ δόλῳ labiprehenduntur, qui caloris primum subjectum ignem esse dicunt. Quamquam enim caloris maximi cum summa levitate conjuncti πρώτον δεκτικόν ignis sit, non tamen idèd in universum omnis caloris subjectum primum est, cum & ea naturâ suâ calida sint, quæ æcreæ sunt fortis, ut oleum & mel 4. Meteor. 7.

VII. Cæterùm cum multa sæpè occurrant genera, quæ nominibus careant, de quo defectu & Aristoteles queritur 8. Topic c. 2. §. 2, cogitur is, qui scientiâ proficetur, aliquândo nomina nova fingere, sicut fecisse videmus Aristotelem ipsum in libb de partibus animalium, itemque Galenū. Qui cum videret multa sibi demonstranda esse, quæ communia essent vulnere & ulcere, ut haberet καὶ δόλῳ ἀποδφκλόν, solutionem continui finxit & omnia ista communia παδῃ de hoc universali demonstravit. Alias cum nomina rebus imposita sunt, doctor nō facile alia nova excogitare debet (nisi fortè aliqua nimis proluxa aut minus convenientia sint,) sed vocabula consveta retinere, res verò eruditè distingvere & testari homonymiam, quodq; vulgus indiscretè accipit, ostendere quomodo discerni debebat, ut post Aristotelem rursūm passim monet Galenus, velut 1. Method. 9. lib. de diffic. respit c. 2 & c. Unde idem reprehendit Prodicum, ut ἀναπφδόμενον ἀπὸ τῆς θαυμαστῆς ἐτυμολογίας, quod *plegma* maluerit *calidissimum humorem* vocare, quam solenni nomine, 2. de diff. febr. 6. Et Cicero lib. 4. de finibus reprehendit Stoicos, quod *bona* non bona, sed *producta*, *proposita*, *præcipua*, *mala* verò *rejectanea*; *expetere*, *legere*; *summere*, *optare*; *fugere*, *secernere* appellarint. Imò neque tum facile scientificus doctor, cum nomina rebus imposita non sunt, nova fingere debet, sed in eo casu potius circumspicere,

annon usitata aliqua sint, quæ ad artis sensum detorquere aut rebus propositis propter cognationem quandam possit accommodare. Quod fecisse Aristotelem in voce *δρα*, *προδρασεως*, *συλλογισμῶ*, *ἀνέκδοτης*, *ψευδογραφηματῶ*, *ἀποδείξεως*, *διασηματῶ*, *ἐπαγωγῆς*, *προβληματῶ* & sexcentis alijs notissimum est. Quod si autem talia vocabula haberi non possint, sed nova omnino fingenda sint, tum sequentia probe attendenda sunt Analytico Doctore. Initio, ne à *patrio* & *communi* sermone nomina sint aliena, sed vestigia *veteris lingue* referant, v. c. ut vocabula in Græcâ lingvâ ficta Græcâ lingvæ indolem sapiant, in Latinâ Latinæ, & sic deinceps. Deinde ut *brevia* sint. Et tandem, ut *perspicua* & *accommodata*. Perspicuitas enim in nominum usu quasi norma spectanda est, ut recte iterum docent Aristoteles 2 Ethic. 7. Galenus lib. 1. de Meth. c. 5. lib. 2. c. 1. lib. de morbi temporibus c. 5. lib. 2. de diff. puls. 2. itemq; Greg. Naz. Orat. 39. in sancta lumina. Deniq; nominibus novis, quæ doctor aliquis finxit, *constanter* uti debet, nec transponere eorum usum, sed perpetuo per omnem disputationem observare, quo & quæ dicit facilius intelligat discens, & redargutiones omnes referat ad aliquid clarum. Quod & ipsum monet Galenus 1 Meth. doc. 8. Vid. idem & in 1. de Sympt. diff. c. 11. Sed hæc *ὡς δὲ παρόδω*.

VIII. Quintò aliquando accidit, ut genus quidem *ἀνώνυμον* non sit, & tamen quis de eo non demonstret, sed de *omnibus speciebus istius generis*, existimans sufficere, si demonstrarit *κατὰ παντός*. E. gr. Si quis doceat speciatim de singulis virtutibus, iustitiâ, temperantiâ, liberalitate & reliquis, quod in medio versentur, & putet, se demonstrasse *καθόλου* de virtute. Talis similiter aberrat à vero *καθόλου*. Non sufficit enim ad demonstrationem *καθόλου*, ut quis ostendat, quod *πάντι* omnibus speciebus

speciebus insit, cum faciat nos cognoscere *ἡγά ἅδ*, secundum speciem, ut loquitur Aristoteles 1 Post. c. 5. § 5. id est, secundum formam & naturam universalem. Hæc enim est cuiusque rei species, 2. Phys. c. 3. § Met. 2. At ille, qui *ἡγά* *παρὰ* solum demonstrat, non cognoscit secundum formam, sed solum secundum numerum, v.g. novit iustitiam consistere in medio, similiter & temperantiam, & liberalitatem, verum non novit, quod ea affectio his insit, quatenus sunt virtutes: perinde ac si quis cognoscat decem boves, non quia decem sunt, sed seorsum & sigillatim numerando unumquemque bovem. Dices fortè. At ipse Aristoteles sæpe de genere aliquod *παρὰ* demonstrare volens demonstrat de speciebus. Veluti in prioribus Analyticis docet, omnia animalia, carentia bile esse, congenera, eundo per species. Et homo, inquit, & equus, & mulus carent bile & sunt longeva. Ergo omnia animalia, carentia bile sunt longeva, 2 Prior. c. 23. Et in 8. Phys. disputans contra eos, qui omnia in perpetuo motu esse dicebant, sic procedit: Si hoc verum est, aut motu alterationis semper movebuntur, aut argumentationis vel diminutionis, aut denique motu locali. postea docet nullo horum motuum genere res semper moveri, atque deinde concludit universale. Verum hæc demonstratio non est ostendens quomodo aut quatenus *παρὰ* insit subjecto, sed inductio, quia individuum & specierum collectione *τὰ ὅλη* generis ostenditur, hoc est, quod affectio toti generi insit aut non insit, quo facto demum ostenditur *διὸ*, quodque hæc affectio insit speciei propter genus, non generi propter species, sed quatenus ipsum. Hanc doctrinam neglectam Plinius de plurimis diversim eadem dixit, cum conjunctim de genere docere debuisset. Sexto nonnunquam contingit, ut predicatum sive *παρὰ* aliquod insit rebus, quatenus alia aliqua

aliquā *affectione* præditæ sunt, & tum isti *affectioni* potius illud
 παρὰ tribuendum est, ejusq; causa demonstratione inquiren-
 da, quàm *subjecto*, cui id accidit. Quod si id non fiat, non re-
 ctè assignatum est καὶ δόλγ. Ita e. g. non rectè quæritur, cur bo-
 ves, cervi, capri & arietes non habeant in superiori maxillâ
 dentes. Nam prædicatum istud sequitur affectionem hanc,
cornutum esse, quemadmodum & alterum illud, *quatuor habe-
 re ventres*, quibus affectionibus omnia dicta animalia gau-
 dent. Quæstio ergo sic potius informanda: Quare anima-
 lia *cornuta* careant *superioribus* dentibus & *quatuor* habeant
ventres? tunc enim appositè respondebitur ob *materia defe-
 ctum*, quæ in cornuum generatione absumpta sit, superiores
 dentes generari non potuisse: ob *horum* verò, *dentium, defe-
 ctum*, quia cibus in ore non benè potest concoqui, tribuisse
 illis animalibus naturam plures ventres, quorum ope congestio
 absolvatur, 2 Hist. 13. 3. Part. 14.

IX. Septimò sæpè fit, ut *commune* illud, cui πρώτως inest
 affectio, neq; *genus* sit, neq; *affectio*, sed ἀνάλογόν ἢ. Quod si
 tum παρὰ demonstretur non de eo, quod *commune* est ana-
 logis, sed de *ipsis analogis* seorsum, καὶ δόλγ denuò non rectè
 est assignatum. E. gr. *partes molles* sustinere, ne concidant,
 non competit solum *ossibus* in animalibus ossatis, sed & iis, quæ
 ossibus in alijs animalium generibus ἀνάλογα sunt, velut *sepia* in
 pisce marino, qui vocatur sepia, & *spina* in alijs piscibus ha-
 bentibus spinas. Quod si igitur quis affectionem hanc sigilla-
 tim demonstrat de ossibus, sigillatim rursus de spinis, & iterum
 sigillatim de sepiis, is aberrat à πρώτῳ καὶ δόλγ & nugæ vendit.
 Hæc enim vera est ταυτολογία, de qua videnda sunt, quæ habet
 Aristoteles 1. de Part. animal. 1. Fingendum itaq; hic est *com-
 mune analogum*, aut si non occurrat vocabulum aliquod ac-
 commo-

commodatum, circumscribendum est. Veluti, quicquid os est in animali, aut ossi analogum, id partes molles sustentat. Conf. 2 Post. c. 14. Deniq; octavò aliquando est aliquid in *parte*, quod est etiam in *toto*, sed *alio* appellatur nomine. Quod si jam quis hîc utriusq; diversas particulares afferat causas & affectionem communem non demonstret de subiecto utrisq; comuni, is similiter aberrat à primo universali. E. gr. Quod in oculis est *strabismus*, id in *toto corpore* est *convulsio*: quod si jam diversam afferas causam strabismi, diversam convulsioni, & non potius communem affectionem de subiecto communi demonstres, aberras. Ita quod in ore est *oscitatio*, id in *toto corpore* est *pandiculatio*: si diversam affers causam, aberras itidem ab apodictico universali.

X. Cum igitur tot modis à *καθόλου πρῶτον* aberretur, non immeritò quæritur, cujus ergò ductu cujuslibet affectionis subiectum primum sive *πρῶτον δεκτικόν*, ut Græci vocant, venari possimus? Eius gratiâ notâda est hæc régula: Si *videris affectione aliquâ aliquibus subiectis inesse, cupiasq; scire, cui ea primò insit, separa cogitatione singula, ex quibus subiecta composita sunt: quod si, aliquò separato, simul cadat affectio, & quidè primò, intelligas illud esse primū affectionis subiectum*. V. gr. *Gravitas* est affectio, quæ inest homini: cuperem nosse, quodnam in homine primum sit subiectum hujus affectionis. Inest ne homini, quâ homo? Non; sublato enim homine non statim tollitur affectio illa: nam & equus est gravis, & leo. Inestne ergò primò, quâ animali? Non. Multa enim gravia sunt, quæ sub genere animalium non continentur, ut lapis, ebcenus. Inestne ergò ei, ut corpus? Hòc sublato tollitur quidem gravitas, sed non primò. Non enim *αντιστήτως* corpori inest gravitas, cum & levia dentur corpora, velut ignis. Quod nam igitur tandem erit *πρῶτον δεκτικόν*? Corpus aqueum & terreum.

O

His

His enim sublati, primò tollitur gravitas. Unde hæc erit propositio *καθόλου*: O. corpus terrenum aut aqueum est grave. Ita *sensus* inest homini. Quod est ejus in homine *πρῶτον δεκτικόν*? Num ratio? Non, quia ratione sublata non tollitur sensus; sed anima, quia statim sublato animali tolluntur etiam ex homine sensus, & quidem primò. Obtinet hoc etiam in ijs, quæ dicuntur *πρὸς μίαν τὴν φύσιν*, vel *κατὰ πρότερον καὶ ὕστερον*. E. gr. *unitas* inest omnibus entibus. Quæritur, cui velut *πρῶτω δεκτικῷ*? Resp. Illi, quo primo sublato tollitur unitas. Hoc autem Deus est, qui per se unus est, reliquæ autem *κατὰ μέθεξιν*, quatenus ad Deum velut ad unum communem finem referuntur & ab eo velut à prima quidditate pendent. Cum igitur de talibus quid demonstratur, nomine ejus, de quo fit demonstratio, intelligendum est id, quod *κατ' ἐξοχὴν*, sive *ἀπλῶς* tale est, sicut & Galenus ait: *simpliciter aliquid prolatum, significat præstantissimum in genere*. Hæc ille.

CAPVT. VII.

De Quaestione, An conclusiones omnes demonstrationis scientificæ debeant esse

κατὰ παντός?

I. Subjectum demonstrationis *πρῶτον* esse debere, capite proximè præcedenti fuit demonstratum. Jam autem ad subjectum *πρῶτον* requirebatur non solum hoc, ut prædicatum ipsi primò insit, sed & ut *ἐπὶ τῷ ὑποκείμενῳ*, i. e. de quolibet, sive de omni dicatur. Conclusiones itaq; scientificæ erunt *κατὰ παντός*. Quod vel inde etiam manifestum sit, quia scientia erat cognitio rerum necessariorum. At primus necessitatis gradus erat *κατὰ παντός*. Nihilominus non videtur id omninò verum esse.

Quot

Quot enim in scientijs demonstrantur conclusiones, quæ, ut dicunt Græci, non habent ἀπὸ τοῦ ὅτι, h. e. non de omni veræ sunt: E. gr. Nascitur homo, ut docent Physici, *decimo mense lunari*, aut nono Græcorum: At non est hoc verum ὑπὸ πάντων. Numquid ergò condemnanda hæc propositio? Docent iidem, *octomestrem fetum non esse vitalem, hominem esse animal quinquæ digitorum, æstate calere, brumâ frigus esse, Euripum in Eubæâ duodecim horarum spatio septies fluere & refluere.* Similes propositiones quàm plures in Physicis occurrunt. Plures in Physiognomicis, quales sunt illæ apud Hippocratem lib. 2. de morbis popularibus: *Quicumque rufi, naso acuto, oculis parvis, mali. Quicumque fulvi, simi, oculis magnis, boni. Qui caput magnum & oculos parvos habent, iracundi sunt. Quorum pectora bilem generant, balbi, furiosi & calvi sunt. Qui plures dentes habent, longa vita sunt.* His similes sunt Politicæ istæ: *Senes sunt avari, juvenes libidinosi. Deposita sunt reddenda. Pupillus sine consensu tutoris non obligatur.* Item Medicæ illæ: *Uterum gerentibus non est sanguis mittendus. Neque etiam pueris ante annum decimum quartum, & id genus aliarum, quæ omnes universaliter veræ non sunt, sed exceptiones suas patiuntur.* Idè ad conclusiones demonstrationum non videtur esse necessarium, ut sint ὑπὸ πάντων, hoc est, veræ de omni subiecto. Quod si v. hoc, quomodo ergò scientia, cujus productrix est demonstratio, suprâ definita fuit cognitio rerum necessariarum?

II. Nempe ex c. II repetendum est, quod in quaque re definiendum sit *primum & perfectissimum*, idque pro mensura cæterorum, quæ ab eo longius aut minus longè recedunt, constituendum. Quod observasse optimos quosque doctores, Philosophos & Medicos, notissimum est. Fecit id Galenus

in optimâ corporis constitutione, fecit idem in definiendis morbis, ut apoplexiâ, epilepsiâ &c. Fecit idem Plato in informandâ suâ Republicâ, Dial. 5. de Republ. Fecit Aristoteles in Dialectico, Cicero in Oratore adumbrando. Fecerunt summi pictores in eximiâ pulchritudine depingendâ. Quod si quid aliquantum absit à primo illo rectissimo & perfectissimo, id non statim pro distorto & pravo habendum, nomineq; ejus rei privandum. Ita Oratores fuere elari & præstantes, quanquam fortassis nullus unquam fuerit, qui Oratorem æquarit, quem nobis Cicero descripsit. Sunt, & fuerunt, & erunt multæ formosissimæ virgines, etiâsi nulla unquam fortassis, quæ ideam Zeuxis referre possit. Ita Medici, cum de vini naturâ disputant, præponunt notas vini omnium optimi & generosissimi, sumptas ab odore, colore, sapore & similibus. Neque tamen quisquam idè reliqua vina, quæ notas illas tenuiores & obscuriores habent, aut etiam quibusdam planè carent, vina esse negaverit. Idem de scientiâ judicandum est. Quæ omnibus numeris perfecta & absoluta est, ea in necessarijs conclusionibus occupata est, eaque eè id, quod primû & perfectissimum est in scientiarum genere, definitur. At non continuò scientiæ nomen amittit disciplina aliqua, si in ea non omnia simpliciter necessaria sunt, sed nonnulla etiam contingentia, modò non sint contingentia indefinita, sed in plurimis ita se habeant. *Contingens* enim non unius modi est, sed duplex ferè, aliud *definitum*, aliud *indefinitum*. Quorum illud quidem dicitur, quod natura aptum est ita fieri, & plerumq; ita fit, non tamen simpliciter necessariò. Qualia contingentia sunt, *hominem in senectute tane scere, sub caniculâ ardorem, sub brumâ frigus esse*, & id genus alia. Hoc autem, *contingens*, inquam, *indefinitum* duplex est, ut docent Aristoteles in 1 Prior.

13. & Plutarchus in libro de fato: Alterum ἐν ἰσχύϊ, quod æqualiter affectum est ad opposita, hoc est, quod æπὲ, & ita & secus, fieri potest, quomodo contingit *Socratem ire in forum*: alterum ἐν ἐλαφρόν, quod rarò evenit & fortuitò, ut aliquo ambulante fieri terra motum, fodientem agrum invenire thesaurum, & similia. Circa hæc & ista, id est, circa utrumq; genus eorum, quæ contingentia indefinita dicuntur, nulla versatur scientia. Cujus rationem reddit Aristoteles lib. 1. Prior. c. 13. §. 7. cum ait: *Scientia & syllogismus demonstrativus non est eorum, quæ sunt indefinita, quia medium est ἀτακτόν, inordinatum*, id est, incertum & inconstans. Ex medio autem, quod incertum & inconstans est, quomodo nasci potest scientia? At eorum, quæ ut plurimum sunt contingentia, nihil prohibet dari scientiam. Medium enim certum & definitum est, licet ipsa aliquando contingat aliter se habere. Quod in *naturalibus* accidit ob *materiam*, quæ contingentia causa est, aut πᾶσι aliqua, quibus materia, dum ex ea aliquid fit, afficitur. Alias κατὰ φύσιν sive *secundum naturam* eodem modo se habent. E. g. homo secundum naturam in utrâq; manu quinque habet digitos, non plures, nec pauciores: at παρὰ φύσιν accidit nonnunquam, ut sex etiam vel quatuor solum habeat, ob abundantiam scilicet materiae aut defectum. Atque hæc & causa est, cur Aristoteles propria non simpliciter efferenda esse dicat, sed cum συνηχῇ, κατὰ φύσιν, aut simili aliâ, §. Topic. cap. 5.

III. Ex quibus simul intelligitur, verissimum esse illud, quod apud Aristotelem passim legitur, *scientiam esse aut ejus, quod semper, aut quod ut plurimum est*, velut lib. 1. Post. c. 30. lib. 2. c. 12. 1. Prior. c. 27. lib. 6. Met. c. 2 & 3 de Partibus Anim. c. 2. Quâ in re sibi & alios doctissimos viros habet consentientes,

velut Galenum lib. 4. Comment: in librum Hippocratis de rat. vict. in morbis acutis, ubi ita loquitur: *Omnis doctrina* (doctrina autem & scientia reipsa idem sunt, & non nisi τὸ λόγος, ratione sive definitione differunt) *ex universalibus recipit incrementum. Quasi perpetua fuerint, primam habent dignitatem & utilitatem*, τὴν α' ἐξ ἡ δυνάμει τε καὶ χρείαν: *si verò magna ex parte, ὡς τὸ πολὺ, secundam, τὴν β'.* *quod si anceps quippiam vel rarum fuerit, ἀμφίδρονον, ἢ σπανιον, id ad doctrinam inutile censendum est.* Consentit & Averroës inter Arabes Philosophos facillè præstantissimus, qui *duplex* in scientiis ait esse *verū* Alterū, *cui opponatur falsum, quod impossibile sit ita se habere.* Et hoc ἀπλῶς, simpliciter, est necessariū. Quomodo verum est hominem esse animal: oppositum namq; ejus, homo non est animal, impossibile est ita se habere. Alterum, cui opponatur falsum, *quod non impossibile sit ita se habere.* Et hoc vocatur ἐνδεχόμενον ὡς ἐπὶ τὸ πολὺ. Quomodo verum est æstate calere: oppositum enim ejus, æstate non calere, aut æstate frigus esse, ita falsum est, ut tamen nihil obstat, quò minus aliquandò etiam verum sit, si non κατὰ, tamen παρὰ φύσιν.

IV. Intelligitur etiam ex his, quantoperè errant ij, qui nihil ferre volunt in artibus, quod aliqua ex parte falsum sit, sed propositionibus κατὰ πάντας tanquam *rectissimā regulā & mensurā*, ut vocant, *veritatis omnem artificialem materiam circumscribunt*, id est, ad eas omnia præcepta ac regulas artium (ita autem vocant omnes disciplinas) exigunt & quicquid ab ijs saltem ex minutissimā aliquā parte abit, rejiciunt, Inter quos primas tenet Ramus lib. 2 Dial. suæ c. 2 & lib. 2. Scholarum Dial. c. 1. At quomodo ἀκριβεια talis in omnibus disciplinis obtinere potest? In nonnullis quidem potest, velut in Mathematicis, in Geometria, inquam, & Arithmetica. Ibi enim

enim res considerantur ut *concavum*, sicut loqui solet Aristoteles, id est, abstrahuntur ab omni materiâ, quæ varietatis & mutationis causa est. Quamquam enim ea, quæ Mathematici expendunt, semper sint in materiâ aliquâ, (neque enim quantitates per se existere possunt) tamen non sunt in ullâ limitatâ sive determinatâ materiâ, sed possunt in diversis materijs, etiam toto genere differentibus, reperiri. Veluti linea, superficies & id genus alia, non in sublunaribus solum, ære, lapide, argento, auro, sed & in celo & coelestibus corporibus conspiciuntur. Ideo possunt separari à materiâ sensibili *cogitatione & mente*, etiamsi in rerum naturâ sine eâ non reperiantur. Hoc autem modo considerat ea Mathematicus. Neq; enim circulum aureum, argenteum, lapideum &c. contemplatur, sed circulum *ἐξ ἀπορίστων*, abstractum ab omni materiâ sensibili. Qua de re videndus est Arist. 7 Met. 10. & 2. Phys. 2. At naturalis Philosophia *ἐκ προδοσέως* materiæ res suas subjectas contemplatur ut *simum*, quod quidem & ipsum est concavum quoddam; verum non simpliciter, sed in certâ aliquâ & determinatâ materiâ, videlicet in naso. Formæ enim, quas considerat, non possunt reperiri, nisi in certâ materiâ, quod non quævis materia habilis sit ad suscipiendam quamvis formam, juxta illud: *Non quodvis recipit quodvis, sed quicquid recipitur, recipitur in disposito*, 4. de Coelo. t. 22. 2. de An. t. 24. Confer. 2. Phys. 2. Inde autem fit, ut ibi vigeat Aristotelicum illud alterum: *Semper se ita res habet, nisi quid impediat*. E. g. ex ovo semper fit perfectus pullus, nisi vitium aliquod sit in materiâ, aut etiam efficientis vires ab aliquo ex accidenti frangantur, quò minus materiam ita elaborare possit, ut inde perfectum aliquid nascatur, quem scopum natura semper habet præfixum. Ea enim semper appetit, quod *melius* est, id est,

est, in omnibus rem optimi generis aut speciei, 2. Gener. & Corrupt. t. 59.

V. In alijs disciplinis alia causa est, cur non omnia usquequaq; sibi respondeant, videlicet quia *singularia*, quorum universale considerat scientia, aut à *voluntate hominum* pendent; aut *multis* circumscripta sunt *circumstantijs*, ut non facile possit aliquod commune constitui, quod non incurrat aliquam difficultatem. E. gr: Grammatica versatur circa nomina. At hæc non *φύσει* constant, ut apud Agellium existimat Nigidius lib. 10, c. 4. & jam olim statuisse videtur Hippocrates, qui ideo nomina in libro de Arte vocat *φύσει & νομοθεήματα*; sed *θεσιν*, sicut Aristoteles loquitur lib. de Interp. c. 4. §. 4. sive, *κατὰ συνθήκην*, ex hominum instituto. Hinc fit, ut multæ sint regulæ in Grammatica, quæ non sint *κατὰ πάντες*, id est, sine omni exceptione veræ. E. gr. Regula Syntaxeos prima est: *Adjectivum & substantivum eodem genere, numero & casu coherent.* At hæc ab omni exceptione libera non est. Nam ista apud Livium: *Duo millia crucibus affixi dicuntur*, non coherent eodem genere. Ista autem apud Horatium: *Quis non malarum, quas amor curas habet, hæc inter obliviscitur*, non coherent eodem casu. Deniq; ista apud Ovidium, *pars volucres facta*, nec non illa apud Sallustium in Jugurth: *Magna pars vulnerati sunt*, non coherent eodem numero. Vid: inter alios Johannes Despauterius Ninivita lib. 8. Grammaticæ suæ in princip: Idē aut simile quid videmus in alijs scientijs cum effectivis, tū practicis, evenire. V. c. in Juris scientiâ, in scientiâ Medicâ & similibus alijs, quæ sunt de artibus præcipue conjecturalibus, in quibus circumstantiæ, quæ Phil. Grecis τὰ ἐν κύκλῳ, Oratoribus περιέσσης dicuntur, sæpe rem variant. Unde Ictidicunt, *omnem definitionem*, id est, regulam in jure

in iure esse periculosam. Et in ipsis aphorismis Hippocratis, qui ferè pro oraculis habentur, satis est, etiam Galeni iudicio, si veri sint *ut plurimum*. Res ipsa enim testatur, multos ex iis universè veros non esse, sed opus habere circumcisionibus & limitationibus. E. gr. Libri 5. aphorismus 42. est: *Mulier, si marem concepit, benè colorata est; si vero feminam, male colorata est*. Causam assignat Philotheus in Comm: ἐπὶ δὲ τὰ ἀρρενα, ὡς ἐπὶ τὸ πλεον δερμότερα ἔσιν, *quoniam mares ut plurimum calidi sunt* (calidiores sanè foeminæ, etiam matre) *fœmina autem sunt frigidiores*. At hoc, sicut rectè idem Philotheus docet, & Galenus quoq; in Comm. observat, *plerumq;* solum verum est, quoniam invenire est mulieres viragines & mares effœminatos: & non solum foetus ex semine calidior matrem calefacere potest, sed & alia multa, velut calidior victus ratio, & alia ejusdem aut similis conditionis.

VI. Sed quid sentiendum de iis, qui disciplinas practicas & effectivas ex eo capite scientias esse negant, omnesque demonstrationes ab iis remonent, quod circa contingentia ἐπὶ τῶν versentur, hoc est, talia, quæ *equaliter* ad opposita affecta sunt, ab arbitrio hominis pendent? Nempe arripiunt hi illud Galeni: *Quod γένεσις ὑποκείμενον est in contemplativis, id finis est in activis & effectivis disciplinis*. Ut n. ibi omnia ad subjectum genus referuntur, eoq; quasi mensurantur: Ita hîc omnia ad finem reducuntur, eoq; velut primo κριτήριον dijudicantur. Unde Galenus in libro, qui Ars tuendæ sanitatis ad Thrasybulum inscribitur c. 29. finem vocat *χρόνον τε καὶ κριτήριον πάντων τῶν κατὰ τὰς τέχνας*, *regulam & indicem omnium, quæ in artibus continentur*. Jam verò finis, qui intenditur in artibus sive disciplinis, est in potestate artificis, E. gr. finis artis Musicæ est benè & secundum numerum canere; at hoc in Musici est potestate.

Finis artis Medicæ, est *sanitatem conservare in sanis & redintegrare in aegris*, ut docet & Hippocrates in Prac. text. VI. at hoc itidem in potestate est Medici, qui potest sanare & non sanare. Et hinc omnino videtur & Aristoteles disciplinas practicas & effectivas vocasse *potentias rationales*, videlicet quod sint *oppositorum*, 9. Met. 2. Quod si autem finis, qui, ut diximus, in activis & effectivis respondet generi *ὑποκειμένου* scientiarum contemplativarum, est in potestate hominis, adeoq; numerandus inter contingentia *ἐν τοῖς ἀνθρώποις*, *æqualiter*; quomodo istæ disciplinæ scientiæ dici poterunt, aut quomodo *ἀποδείξεις* in ijs locum habebunt, cum objectum demonstrationis debeat esse necessarium? Hæc illi.

VII. Verum multis modis hi à tramite veritatis aberrant. Longè aliter enim necessarium definiunt, atq; in scientijs est definiendum. Nempe volunt illi *res ipsas*, quæ in scientijs considerantur & τὰ γὰρ ὑποκείμενα dicuntur, *in se* oportere esse *necessarias*. *Necessarias* autem eas res vocant, quæ ipsæ *per se semper sunt & nunquam fiunt*, aut si *fiant*, non tamen à *voluntate nostra* pendent, sed à *naturâ* per *certas causas* operante. *Contingentes* autem vocant, quæ tum *esse*, tum *non esse arbitratu nostro* possunt, sive *quas facere vel non facere in arbitrio nostro est positum*, ut loquitur Zabarella lib. 1. de Naturâ Logices c. 2. Verum quis ante ipsos hoc modo contingentia definivit? Sanè si ea definitio legitima est, tum nulla dabuntur contingentia *in naturâ*, sed omnia erunt necessaria. Quid ergo ea tandem referemus, quæ *casui* in Philosophiâ naturali adscribuntur, qualia sunt æstate frigus esse, brumâ calere, hominem cum sex digitis in quaq; manu, cum gemino capite nasci & similia? Numquid & ea ad necessaria reducenda erunt? Itâ omnino oportebit heri, si vera sunt, quæ

Zabarella dicit. Non pendent enim talia ab arbitratu hominis, sed à naturâ, per certas causas operante, quippe quæ adstricta est in suis operationibus ad materiam, neque ex quavis materiâ quodvis facere potest, sed tale opus inde facit, quale inde fieri ipsa permittit. Si ergo materia ita disposita sit, ut formam perfecti operis suscipere possit, res, quam ex materiâ istâ natura facit, perfecta est; sin minus, imperfecta. Quod si nimis deficiat aut abundet, monstrum inde nascitur, ex necessitate sanè materiæ, licet non ex necessitate formæ. Sed hanc ipsam ob causam talia simpliciter necessaria non sunt, sed potius ἀπλῶς ἐνδεχόμενα *simpliciter contingentia*, & per consequens in scientiâ naturali non considerantur nisi per accidens, aut quatenus in genere ostenditur, quid sit monstrum. Etenim quis ἀπλῶς necessarium dixerit & non contingens potius, si quis ex utero matris novos aliquos secum in corpore afferat? Et tamen hi oriuntur ex necessitate materiæ. Vide 2. Phys. c. ult. Quod in scientiis necessarium est, id dicitur κατὰ πάντας, *de omni* (hic enim primus erat in scientiis necessitatis gradus); aut certe de plurimis. Attalia πᾶσι tantum abest ut omnibus insint, ut vix paucissimis, & interdum solum uni. Unde prorsus per accidens evenire dicuntur, 2 Phys. 7.

VIII. Deinde falsum est, quod res, quæ in scientiis considerantur, uti in se spectantur, debeant esse necessaria. Dictum quidem ante, quod γένεσις ὑποκείμενον in scientiis, quæ πάντα ἐκτὸς in se habent, sit πρῶτον καὶ δόλη, adeoque necessarium (tertius enim hic erat necessitatis gradus): verum non simpliciter spectatum, sed relatum ad πᾶσι suum proprium, quod ipsi per se & primo, adeoque necessario inest. Aliàs enim necessitas & contingentia propriè loquendo locum habent non in rebus seorsim spectatis, sed in enumerationibus. Non enim e. gr.

ἀποβῆς loquendo terminus hic, *Deus*, necessarius est, sed *esse* Deum est necessarium, quæ est enuntiatio secundi adiecti, & *Deum esse unum, immensum, omnipotentem &c.* quæ sunt enunciationes tertij adiecti. Patet hoc ex definitione necessarii, quam omnium consensus approbat. *Necessarium* enim est, *quod non potest aliter se habere*. Hic sane exprimi oportet, quomodo se habeat, quod necessarium dicitur. Hoc autem exprimit non *ipsum subjectum* sive *res*, de quâ dicitur, quod non possit aliter se habere, sed *prædicatum*. Oratio autem constans prædicato & subjecto est enuntiatio. Unde nuppiam, quod sciam, Aristoteles dicit, *objectum* in scientiis debere esse *necessarium*, sed *universale* hoc esse debere ait, necessariam autem oportere esse *conclusionem demonstrationis*, siquidem scientia omnibus numeris perfecta esse debeat, h. e. æternæ veritatis, 1, Post. c. 8. §. 1. Attales conclusiones quam plurimas dari in scientiis practicis & effectivis negari non potest. E. gr. Scientia effectiva est Analytica. Considerat enim ea scientiam non simpliciter, sed quatenus efficienda est, sive in aliquo producenda. Unde & Aristoteles finem eius ait esse *scientiam ἀποδείκνυν*, id est, per ἀπόδεικνυ *seu demonstrationem* in aliquo generandam, 1 Prior. c. 1. §. 1. At in eâ quot dantur conclusiones necessariæ? E. gr. hæ omnes: *Propositio universalis affirmativa τὸ ἀπ᾿ αὐτῆς convertitur simpliciter, Propositio universalis negativa contingens convertitur particulariter, Ex utraq; negativa in nulla figura syllogisticè determinata aliqua conclusio & vera infertur*, & centum aliæ, sunt simpliciter necessariæ, quia prædicatum illarum ita inest subjecto, ut non possit non inesse, sicut ex inmotis principiis lib. 1. de Syllogismo per integrum librum dedimus demonstratum.

IX. Falsum porro est, quod *finis*, qui in practicis & effectivis

divis scientijs consideratur, ut in ijs consideratur, pendeat *ab hominis arbitrio*, ita ut arbitrato ejus fieri & non fieri possit. Ea enim quæ *sunt*, sunt *singularia*. *Universalia* autem propriè & per se loquendo non *sunt*, non *generantur*, neque *corrumpuntur*, ideoq; ab arbitrio hominum non pendent. Nemo enim domum struit in *universali*, sed hanc domum; & qui Syllogismum facit, singularem facit, quemadmodum & qui hominem generat, non nisi hominem generat singularem. Docet id disertè etiam Aristoteles 7. Met. 15: *Eorum*, inquit, *quæ ita substantia sunt, ut cum materia simul accipiat ratio*, id est, quæ composita sunt ex materia & forma, quæ λόγος dicitur Aristoteli passim, sive singularium substantiarum, *est corruptio & generatio*. λόγος autem *ipsius* sive formæ universalis *non est corruptio, nec generatio*. *Non enim fit domui esse, sed huic domui*: non forma fit simpliciter, sed forma in materia, sicut cum paries dealbatur, non albedo fit, sed albedo inducitur solum parieti & per hoc fit paries albus. Confer. 7. Met. c. 10. Et sanè si domus in *universali* generaretur, in sensus ipsa incurreret. Circa ea enim, Zabarella auctore, versatur ποίσις sive effectio, quæ in sensus cadunt externos. Id verò admodum absurdum est, cum *universalia* non *sensu*, sed *intellectu solo* percipiantur, cuius *proprium* sunt *objectum*, 7. Met. 15. Quod si jam finem spectemus, quem considerant scientiæ activæ & effectivæ, quisq; novit considerari cum in istis non in *singulari*, sed in *universali*. E. gr. Scientia Medica non considerat sanitatem, quatenus ea in Socrate conservanda aut ipsi restituenda est, sed in *universali*, quæ restituenda tali morbo v. c. pthisi aut apoplexiâ laboranti; & quatenus conservanda in ijs, qui talem vel talem complexionem habent, v. c. cholericam aut melancholicam, aut phlegmaticam &c. Quod si au-

tem ideo sanitatis & similium sub practicas aut effectivas disciplinas eadentium rerum non est scientia, quia eae in singulari spectatae ab arbitrio hominum pendent, tum nec vitri, nec circuli, nec trianguli, nec acetii, nec ignis, nec vocis aut cantus dabitur scientia, cum cuncta haec & similia in singulari pendeant ab hominis arbitrio, ut ab eo produci possint & non produci. At cuncta haec in scientiis propriè sic dictis considerari, nemo facile in dubium vocaverit. Cur ergo cetera ista, quae eandem cum his subeunt sortem, à scientiarum consortio arcerentur? Probè observandum, quod Zabarella ipse fatetur lib. 1. de nat. Log. c. 2. *res naturales, quatenus singulares sunt, non semper esse, ideoque quia tales nec considerari ab ulla scientia: quatenus autem ad universalitatem rediguntur, eatenus necessarias & sempiternas esse & sub objectum scientiae cadere.* Quidni verò idem dici possit de virtute, republica, Syllogismo, domo aliisque similibus: esse ea quidem corruptibilia, quatenus in singulari spectantur; necessaria autem, quatenus ad universalitatis statum transferuntur? Causa enim diversitatis apparet nulla.

X. Dicit fortè Zabarella, res illas à natura generari necessario: *Syllogismum verò, domum, & alia similia ab homine pro arbitrio construi.* Verum ad hoc jam responsum est antè. Pendeant talia ab arbitrio hominis in singulari, non pendent tamen ab arbitrio eius in universali. Deinde rectè explicandum est, quod dicitur, *naturam agnere res necessario.* Quomodo verò id intelligendum sit, ex 2. Phys. discere possumus. Dicit ibi Philosophus, naturam agere finis gratiâ. Opera enim eius sunt opera intelligentiae & quidem *suprema*: absurdum autem est existimare, intelligentiam istam sine fine agere. Quando ergo efficiens aliquod naturale, men

I. Ad propositionem $\chi\epsilon\delta\acute{o}\lambda\gamma$ requiri inter alia & hoc, ut prædicatum in ea $\chi\epsilon\delta'$ autò siue per se insit subjecto, diximus supra c. V. §. 13. Cum igitur conclusiones demonstrationum $\chi\epsilon\delta\acute{o}\lambda\gamma$ sint, absq; dubio in ijs quoq; termino $\chi\epsilon\delta'$ autò coherbunt. Quod etiam alias satis perspicue ex hætenus dictis colligi potest. Ostendimus enim, demonstrationem & scientiam versari circa necessaria, aut minimum circa contingentia ut plurimum. Iam autem quæ per accidens insunt, neutro modo se habent, id est, neq; $\acute{\alpha}\nu\alpha\gamma\chi\eta\sigma\iota\varsigma$, *necessariò*, neq; $\acute{\omega}\varsigma \epsilon\pi\iota \tau\acute{o} \pi\omicron\lambda\omicron$, *plerumq;* insunt, sed *rard*, sicut Aristoteles ait: *Quodcumq; non semper, neq; ut plurimum est, hoc dicimus accidens esse, utpote si sub cane tempestas & frigus factum fuerit, hoc dicimus accidisse, non si aestus aut calor, quoniam hoc quidem semper aut plurimum contingit, illud verò non*, 6. Met. 2. Unde & ibidem docet, quod entis per accidens nulla sit scientia, neq; activa, neq; effectiva, neq; speculativa. E. g. Geometra non considerat, sitne triangulus ligneus aut sensibilis diversus ab habente duos rectos, ut loquitur Aristoteles, id est, ut exponit Alexander, *Mathematico*. Et qui ædificat domum, non efficit ea, quæ domui per accidens conveniunt, v. gr. ut Socrati sit insalubris, Platoni salubris, Cajo jucunda, Sejo ingrata &c. Ideo nec qui scientiam de domo conscribit, ullam eorum habet rationem. Rationem addit Philosophus, quia hæc sunt *infinita* ideoq; incerta, neque idcirco, quatenus talia, ullam habent causam certam ac definitam. Potest enim per accidens svavitatem facere non coquus tantum, sed & faber, artor, sutor & alij infiniti. Est entis per accidens etiam causa per accidens. Hæc autem materia est, quæ accidentia infinita recipere apta est, v. c. ut unus idemq; sit coquus, albus, Medius, Musicus, Citharædus, Physicus, Geometra &c. Ex quo

quo etiam fit, ut non perpetuò Medicus sanet, etiamsi is per se semper sanet, sed aliquando & Musicus, Geometra, &c. si ars Musica, Geometrica &c. cum Medicâ in eodem subjecto concurrant. Quod si Medicina abstracta esset, & separata agere posset, nullum reciperet accidens, quia sine materia esset: ex materia autem omnia accidentia proveniunt. Inde in isto casu nunquam fieret sanatio à causa per accidens, sed omnis ejus casus esset per se. Neque enim aliud sanaret quàm Medicina, quæ etiam nihil aliud posset, nisi sanare.

II. Quapropter perspicuum jam est, per se prædicatum oportere inesse subjecto in cujusvis demonstrationis conclusione. In quo autem *τῶν* per se modo, nondum apparet. Paret autem faciliè, quod *non in primo*. Quæ enim eo modo per se insunt, pertinent ad rationem formalem sive definitionem subjecti. Jam autem ea, quæ ita se habent, & *ὑποκείμενα*, sine medio, insunt. Neq; enim medium aliquod seu causa est, propter quam homo sit animal, justitia virtus, civitas societas, sed hæc omnia *immediatè* suis subjectis insunt. Perspicuum etiam est, quod *non in tertio*. Hic enim non est modus prædicandi, sed essendi. Deniq; faciliè etiam liquet, quod non *in quarto*. In eo namq; aut causa dicitur de effectu, aut effectus de causâ. At neutrum fieri potest in conclusione demonstrationis. Demonstratio enim *affert* causam effectus altius vel *πρὸς*, quod de subjecto in conclusione prædicatur, adeoq; non conclusionem, sed præmissas demonstrationis solum causa ingreditur, inque ijs medij locum obtinet. Ut taceam, juxta quosdam quartum per se modum non in unicâ situm esse propositione, sed in effectus illatione ex causa, ut cum dicimus, Athenienses in maximas incidisse calamitates, quo Sicilia bellum intulerint. Quomodo is in illis causis, quæ de-

Q

mon.

monstrationi conveniunt, idem esset cum ipsa demonstratione. Quam & causam esse aijunt, cur dicatur ab Aristotele non ingredi demonstrationem modus hic $\chi\gamma\delta'$ αὐτὸ, quoniam demonstratio demonstrationem non ingreditur, quod nos suo loco relinquimus. Supereft igitur, ut dicamus, conclusiones demonstrationum esse in *secundo modo* τῷ $\chi\gamma\delta'$ αὐτὸ, in quo subiectum est in definitione prædicati. Cujus modi varia esse genera, jam supra visum nobis e. V. §. 3. & 4.

III. Cæterum non conclusio solum demonstrationis, sed & *premissa*, seu *principia*, ex quibus illa infertur, debent esse *per se*. Præmissæ enim continent *causam conclusionis*. Quomodo autem id, quod per accidens est, potest esse causa ejus, quod per se est? Sanè quod per accidens inest, illud neque necessario, neque ὡς ἐπὶ τὸ πολὺ, sed rarò inest, ut dictum n. 1. Hoc autem quod rarò inest, quis dixerit causam esse ejus, quod necessario, aut ut plurimum inest? Neq; enim ex non necessarijs necessarium, neque ex contingentibus rarò contingens ut plurimum inferri potest, nisi fortè solius formæ aut dispositionis ratione, ita ut præmissæ contineant quidem causam τὸ συμπεράσματι, *conclusionis*, sed non τὸ πρᾶγματι, *rei*, quam tamen demonstratio comprehendit. Scilicet, ut ex falsis nonnunquam verum infertur ratione dispositionis & formæ: ita ejusdem formæ ratione ex non necessarijs præmissis potest necessaria inferri consuetudo. Sed ut illa illatio non est scientifica, ita nec hæc. Vide lib. 2 Prior. c. 2. & lib. 1 Post. c. 6.

IV. Cum igitur jam constet, etiam præmissas demonstrationum esse per se, quæritur porro non nimmeridò, in quo ergò illæ sint τῷ $\chi\gamma\delta'$ αὐτὸ modo? Huic quæstioni ut satisfaciat, distinguunt communiter inter demonstrationum genera secundum distinctam & diversam affectionum demonstranda-

rum rationem. Ex his enim alia *externa* sunt, alia *interna*. *Internas* dicunt, quæ ab *intimis subjecti principijs* manant, inque *eodem* cum affectione demonstranda subjecto insunt, ut docilitas in homine, quæ à ratione propria & formali hominis causa proficiscitur & profluit, inque eodem semper cum ratione est subjecto. Ita mutabilitas inest corporibus sublunaribus propter materiam ipsorum subinde ad novas formas propensam. Et successiva illuminatio in orbem inest Lunæ immediate per essentiale eius attributum, ob figuram sphericam; propensio ad iram ob siccitatem & calorem cordis &c. *Externas* autem vocant, quæ ob *externam* aliquam causam subjecto accidunt, quemadmodum eclipsis accidit Lunæ, ob interjectionem terræ inter Solem & Lunam; putredo corpori mixto ob calorem ambientem; lapsus folijs ob congelationem humoris ab interno frigore ambiente facta. Ubi obiter & hoc observandum, Zabarellam ad causam externam requirere, ut disjuncta sit loco à subjecto accidentis, sicut color ambientis non est in eodem subjecto, in quo est putredo: nec interpositio terræ inter Solem & Lunam in eo subjecto, in quo est eclipsis, cujus interpositio illa causa est. Verum hoc alijs non arridet; nec immerito forsàn. Causæ enim omnium morborum continentes etsi in eodem sint subjecto, in quo morbi hærent, & eâ ratione dici aliquo modo possint causæ internæ, si comparentur cum ijs causis, quæ extra corpus animalis sunt positæ, atq; à Medicis *proxiis* dicuntur, Analyticè tamen potius externæ, quàm internæ causæ sunt dicendæ, quia nec partes essentielles sunt subjecti, nec partium essentialium aliquam, materiam aut formam necessariò consequuntur. E. gr. concretio succi sive humoris alimentarij intractu seminis & foliorum cum ramis in eodem

quidem est subiecto, in quo fit lapsus foliorum i. e. arbore latifolia, ut dicit Philosophus 2 Post. 16; Analyticè tamen nequaquam causa interna dici potest, quia nec pars essentialis est latifoliae arboris, neque illarum partium aliquam necessariò sequitur, uti quidem rotunda figura necessariò consequitur ætheream naturam, quæ Lunæ cæterisque stellis per se inest, sed ei potius præter naturam inest, quàm secundum naturam. Sicut & in alijs similibus videre est. E. gr. nimia caloris intemperies, quæ efficit in corde febrim, non inest cordi secundum, sed præter naturam, ut & ipsa febris, illius intemperiei effectus: & venenata qualitas ac mordax, quam Medici statuunt causam epilepsias, non inest secundum naturam cerebro, sed præter naturam, sicut & ipsa epilepsia. Vocant itaq; hi omnem causam *externam*, quæ *natura subiecti non convenit*, siue sit loco distincta à subiecto, siue eidem subiecto insit, sed *παρά φύσιν*. *Internam* autem dicunt *omnem eam causam*, quæ vel est ipsum subiecti *principium*, siue forma ac materia illius; vel saltem aliqui *secundum naturam* inest subiecto & ab *interno* subiecti illius *principio* manat, cuiusmodi causa, si possit in aliam resolvi & ipsa, in formam subiecti postremò resolvitur, non in aliquam aliam externam causam. Inter has causas porro tale discrimen esse dicunt, quod illæ, quæ sunt prioris generis, *per se* suis *πρώτοις δυνάμεσι*, *primis subiectis*, insint, adeò ut eorum affirmatio sequatur affirmationem subiectorum, & negatio negationem. Posito namq; homine ponitur disciplinae capacitas, & vicissim: ablato item homine tollitur aptitudo ad disciplinam, & vice versa. Posterioris autem generis affectiones non *semper* coherere ajunt cum subiectis suis, ideoq; *πολλὰκις γινόμενα* dicunt, h. e. eiusmodi, quæ *sapè* fiunt, verum non semper actu reperiuntur in subiectis, quibus accidunt. Neq; enim semper ecli-

eclipsis est in Luna, neq; epilepsia in cerebro, neq; semper decidunt folia arborum, sed autumnī tempestate.

V. Deinde observant & discrimen aliquod inter affectiones demonstrabiles *prioris* generis, hoc est, eas, quæ à causa *internâ* pendent, quod tamen ex descriptione causæ internæ fermè jam patet. Alia namq; ἀπὸ τῆς καὶ προτερῆς, *immediatè* & *proximè*, à natura subjecti fluunt, cui perpetuo ac indissolubili nexu coherent & per eandem quoq; causam demonstrantur. Alia verò non ab ipsâ subjecti natura *immediatè*, sed ab alijs accidentibus, aut passionibus, naturam subjecti necessariò consequentibus, proficiscuntur, & per easdem etiam demonstrantur, velut causam suam simpliciter proximam. E. gr. Proximè & immediatè à natura hominis fluit docilitas: nulla enim causa datur propinquior ac magis huic effectui conjuncta, quàm anima rationalis. Motus mixtus in animalibus proximè oritur à formâ animalis, anima sensitivâ, ut quæ conjuncta est cum alijs naturis eam disponentibus & quasi inclinantibus ad diversos motus per corpus exercendum. Laus deniq; proximè oritur à forma virtutis. Mediocritas enim ex se est laudabilis. At præditum esse vi alimentorū concoctrice animato corpori inest ob nutritionem, quæ non est forma corporis animalis, sed propria quædam ejus *ἐνέργεια*, simul tamen causa ejus finalis & principium demonstrationis ejus, quæ omni corpori animato inest, vis alimentorum concoctricis.

VI. His ita fundamenti loco positis, dicunt in ijs demonstrationibus, in quibus affectio demonstratur *interna proximè à natura subjecti fluens*, majorem propositionem semper esse in *secundo τῶν καὶ αὐτὸ modo*: *minorem* autē in *primo*. E. g. in hac demonstratione: O. animal rationale est natura docile, O. homo est animal rationale. E. major propositio est in *secundo modo*

Q 3

per

per se. Docile enim esse est propria affectio animalis rationalis proximè ex ejus essentiâ fluens, quod & ponitur in definitione docilitatis. At minor est in primo modo. Animal rationale enim est definitio hominis. In ijs autem demonstrationibus, in quibus affectio *interna* demonstratur per *affectiorem* aliam, naturam subjecti necessario consequentem, *utramq;* præmissarum pertinere dicunt ad *secundum modum* per se. E. g. in hac demonstratione: Quicquid est figurâ rotundâ sive sphericâ præditum, per incrementum paulatim illustratur. Luna est prædita figurâ sphericâ. E. Luna per incrementum illustratur, utraq; propositio est in secundo modo per se. Per incrementum enim paulatim illustrari est affectio quædam propria figuræ sphericæ: neque enim alij corpori convenit, veluti plano, quod radijs luminosis oppositum uno statim momento universum illustratur. Ad essentiam autem Lunæ figura spherica similiter, si illis credimus, non pertinet, sed ex eâ potius sequitur necessario & immediate veluti affectio quædam.

VII. Porro quod ad affectiones *externas* attinet, id est, eas, quæ non semper, sed tunc solum in subjectis reperiuntur, cum earum causæ *continentes ac conjunctæ* extant, ut earum quoq; demonstrationes ad præscriptas propositionum *regulæ* revocent illi, vehementer se torquent. E. gr. Demonstrationem eclipsæ de Lunâ ita formant: Quod prohibetur, radijs solaribus à terrâ interpositâ, id obscuratur. Luna prohibetur radijs à terrâ objectâ. Luna igitur patitur eclipsin. Alij ferè eodem modo formant verbis solum immutatis, re autem eadem manente, nempe ita: Quodcunq; radijs solaribus, à quibus alioquin solet illustrari, destituitur propter interpositum densi corporis globum, id eclipsin patitur. Luna destituitur

stituitur radijs solaribus, propter interpositum densi corporis globum. E. Luna patitur eclipsin. Hinc porro *maiores* propositionem collocant in *secundo* modo *per se*, quia causa efficiens externa ponitur loco subjecti & de eâ effertur prædicatum, estque ea continens causa, quæ in perfectâ definitione effectus assumitur, ut suo loco dicemus: indeque participat unam & quidem præcipuam secundi modi per se conditionem. *Minorem* similiter referunt ad *secundum* modum τὸν 2^{ον} αὐτὸ, quia terræ diametralis interpositio prædicatur de Luna tanquam proprium accidens Lunæ. Deniq; & *conclusionem* reducunt ad eundem τὸν αὐτὸ modum, quoniam πᾶσι in ea tribuitur subjecto. Hæc illi.

VIII. Jam non negamus quidem, posse affectiones demonstrationum suo modo dividi in externas & internas, ita ut externæ dicantur, quæ ob externam aliquam causam subjecto accidunt: internæ autem, quæ ab intimis subjecti principiis emanant, existimamus tamen eam *demonstrationem*, in qua affectiones *externæ* ita demonstrantur, ut in causa externa *sistatur, non esse perfectam*. Quæritur enim adhuc, quæ ratio sit, quod causa aliqua externa in hoc aut illo subjecto talis πᾶσι causa sit, in alijs non item. V. c. qui fiat, ut terrâ diametraliter inter Solem & Lunam positâ Luna lumine privetur, & stellis fixis non eveniat idem. Etiam si enim terra eousque umbram spargere posset, ut stellas fixas contingeret, eclipsin tamen ea non paterentur. Ecquid hæc causæ subest? Nihil aliud sanè respondere possumus, quàm pro diversâ Lunæ & reliquorum astrorum naturâ id fieri. Ideoq; eclipses Lunæ causa non solum externa est, sed propria insuper naturâ Lunæ, quæ intimum ejus est principium, in quod proinde ἀνάλυσιν sive resolutionem fieri oportet, ut perfectâ & omnibus numeris absol-

soluta sit demonstratio, quæ scientiam gignat perfectam. Hoc non obscure docet ipse Aristoteles in 2. Post. 8. Postquam enim dixisset, accidere eclipsin Lunæ ob interjectionem terræ, addit: *Si verò hujus alia sit ratio media, ex reliquis erit rationibus*, significans, si Lunam à terra objecta lumine prohiberi non sit immediatum principium, ut certè non est, sed ab alijs rationibus & causis pendeat, ad illas tanquam ad fontem & originem esse referendam demonstrationem. Eæ autem causæ internæ sunt, ad essentiam & naturam Lunæ pertinentes. Petuntur enim à qualitate & intervallo Lunæ, velut quod Luna careat proprio lumine, & *omne* lumē, quo splendet, accipiat à Sole, quod propinqua sit terræ & minoris quantitatis, ita ut tota in ejus umbram incidere possit, quæ cuncta in demonstratione accuratè ponenda sunt. Quamquam necessarium non sit, ut ad præscriptas propositionum & syllogismorum formulas demonstrationem eam reducat docens, sed sufficit, si seorsim causæ proximæ hujusmodi affectionum investigentur, & harum aliæ, usq; dum ad immediatum principium, idque intrinsicum perveniatur. E. gr. Quærit docens principio, propter quid Luna patiatur eclipsin? & responder, propter diametralem interpositionem globi terreni inter Solem & Lunam. Quærit porro, propter quid diametraliter interponatur globus terræ inter Solem & Lunam, cum id alijs astris non eveniat? responder, quia Luna est propinqua terræ & minoris quantitatis, quàm terra. Pergit, at si stellæ fixæ essent propiores terræ & minoris quantitatis, quàm terra, non tamen paterentur eclipsin, quæ ergò sit, ut Lunæ ita affectæ hoc accidat? Responder: Istæ stellæ proprium habent lumen, Luna non item, sed omne lumen, quò nobis, in terra constitutis, splendet, acceptum refert Soli. Hæc perfecta est affectionis
ejus

eius demonstratio, & quidem Syllogistica virtute. Facile enim revocari potest ad Syllogismos formaliter concludentes juxta regulas, quas dedimus Sect. 3. lib: 1 de Syllogismo, ubi de Syllogismorum egimus resolutione. Demonstrantem autem ijs uti necesse non est. Sunt enim figuræ Syllogisticæ propter tyrones, tanquam compedes quædam, quibus, ut de alijs istiusmodi supra diximus, rudes equos docemus ingressum, à viris doctis autem eas amovemus, quemadmodum etiam, qui natæ jam sciunt, non amplius cortice utuntur. Neque difficile est vel ex dictis etiam intelligere, in quo modo dicendi per se sint futuræ propositiones demonstrationum, si ad formales Syllogismos eas revocemus. Nempe *major* propositio semper erit in *secundo* modo per se, minor autem in demonstratione *perfecta*, quæ affectiones *internæ* demonstrantur de *πρώτης ύποκειμένης*, in *primo* modo. In demonstrationibus autem cæteris, in quibus affectio *externa* demonstratur de subiecto, *primus* quidem Syllogismus, qui externam causam affert, constabit ex propositionibus, quarum *utraq;* sit in *secundo* modo per se: sed minor non erit *directa* sive *immediata*, cum causam agnoscat, propter quam prædicatum insit subiecto. Ea ergò novâ demonstratione indigebit, donec ad aliquam perveniatur, quæ & ipsa minore constet in primo dicendi per se modo.

CAPVT IX.

comprehendens

CONSECTARIA NONNULLA

superioris doctrinæ:

De metabasi *της ἀνω γένεως*: Subalternatione: & de sede demonstrationum.

R

I. Prin-

I. Principia demonstrationis debere esse ex illis, quæ rei insunt per se, ita ut inter principia & conclusionem nexus sit necessarius & essentialis, hætenus & demonstratum est & explicatum. Hinc autem Aristoteles porro infert, non esse faciendam *μετάβασιν ἐκ αὐτοῦ γένους, transitum in aliud genus*. Cum enim principia in demonstratione perfecta sint prædicata essentialia subiecti, & affectiones fluant ab ipsâ subiecti essentia, omnia sunt ejusdem generis: atq; adeo peccatur, si extraneum aliquod assumatur, quod non sit generis ejusdem. *ὅτι ἐν τῷ αὐτῷ γένει μετὰ τὸν αὐτὸν δέξαι, ἐκ γὰρ τοῦ αὐτοῦ γένους ἀνάγκη τὰ ἀποδιδόναι, sunt verba Aristotelis lib: 1. Post: c. 7. §. 1 & 5, Non licet ex alio genere in aliud migrantem demonstrare, quoniam ex eodem genere necesse est & extrema & media esse.* Quæ verba quoniam obscura sunt, paucis veniunt illustranda. Dicere enim quis posset: Si omnia demonstrationis membra esse debent ex eodem genere, & *subiectum* demonstrationis est *substantia*, tum & *affectio* erit substantiæ, quæ demonstratur, & *principia* erunt substantiæ, per quæ affectio de subiecto demonstratur. Quomodo igitur stabit, quod dicit Philosophus, demonstrationem solum *accidentium* esse, non *substantiarum*? Ubi per accidentia affectiones illum intelligere extra controversiam est collocatum. Verum sciendum est, quod nomen, *genus*, apud Aristotelem non eodem modo dicatur. Aliquando enim genus ipsi idem est, quod *Categoria*, velut §. Met. c. 2 §. quando ait, *diversa genera esse, quæ secundum diversam figuram prædicationis entis*, καὶ τὸ ἐπεὶ ὁ χαρακτὴρ τῆς κατηγορίας ὅτι, dicuntur. Quædam enim entium quid est significant, quædam autem quale quid, quædā aliud quiddā. Deinde autem genus Philosopho idem est, quod *genus subiectum*, quale est superficies respectu planarum figurarum, & corpus

com-

comparatione solidarum, item coloris & aliorum accidentiū,
 ut ex eodem loco apparet. De quo genere intelligendum est
 & illud ex 10. Met. ult: *Corruptibile & incorruptibile differunt
 genere*, quod de genere in priori significatione accipi non po-
 test. Caelum enim & coelestia corpora, quæ incorruptibilia
 sunt, cum corporibus sublunaribus ad idem σχῆμα τῆς γενήσε-
 ως, pertinent, nempe ad substantiam sive γενήσεως τῆς, ut vocat
 Philosophus 1. Topic. 9, & 7. Met. 1. Quadrat autē ad genus
 in posteriori sensu. *Aliarum enim affectionum subiectum sunt
 substantia incorruptibiles, aliarum corruptibiles.* Et hoc eo-
 dem sensu accipienda sunt verba illa Aristotelis: *Ex eodem
 genere necesse est & extrema & media esse.* Id quod apparet
 partim ex eo, quod Aristoteles §. 2. genus, de quo ibi loquitur,
 non vocat simpliciter genus, sed ὑποκείμενον, cum genus in pri-
 ore significatione, quæ tale, non subiiciatur: partim etiam ex
 exemplo, quod subiungit. Ait enim, ὅς δὲ τὸ γένος ἔσται,
 ὁσπὲρ ἀριθμητικὸς καὶ γεωμετρικός. *Tale igitur hic intelligitur ge-
 nus, in quo differant Arithmetica & Geometria.* At non diffe-
 runt hæ scientiæ ratione generis in primâ significatione
 (utraq; enim qualitas est): sed ratione generis in secundâ
 significatione. Addo, quod Aristoteles non dicat extrema
 & media debere esse *in eodem genere*, ut loqui solet, quando
 de nonnullis, ad idem genus in priori significatione pertinenti-
 bus, verba facit: sed ait, ea esse debere *ex eodem genere*, sive
 ex eodem genere fluere & ducere ortum. Inter quæ duo non
 est exiguum discrimen. Omnia enim *pradicamenta* fluunt
 ex aliquo genere *substantia*, veluti longitudines & cæteræ
 quantitates ex genere corporis: calidum & frigidum, grave &
 leve, humidum & siccum ex genere corporis corruptibilis,
 & sic deinceps: & tamen in diversis illa generibus continentur

secundum figuras prædicationum. Ad summam, quæcunq; per se subjecto alicui insunt, ea ex eodem genere esse dicuntur. Vel enim ipsa insunt in ratione subjectorum, vel subjecta in ratione ipsorum. Quæ verò per accidens, non sunt ex genere eodem. Si enim fluere ex eo genere, cui accidere dicuntur, determinatâ haberent causam, per quam demonstrarentur aut definirentur. At neutro modo se habet, quæ accidunt: essent enim per se in primo, aut secundo modo. Cum ergò *extrema*, i. e. *πᾶσι*, demonstranda, & *media*, principia demonstrationum, quæ medium in demonstratione terminum constituunt, per se cohæreant, ut demonstratum est in præced. capite, manifestum est ea esse ex eodem genere, atq; adeò demonstranti non licere ex uno genere transitum facere in aliud sive genus diversum.

II. Cæterum cum in omni scientiâ sint tria hæc, *subjectum*, *principia* & *affectiones*, sicut dictum est in præcedentibus, *tribus* quoq; modis contingere potest, ut fiat *μετὰ τὸ αὐτὸ εἶδος*. Nempe primò id accidit, cum quis *passionem extraneam de subjecto aliquo demonstrat*. V. g. Si Geometra velit docere, lineam esse albam, visibilem aut pulchram. Et si enim linea sit subjectum Geometriæ, affectiones tamen istæ, album, visibile, pulchrum, non sunt Geometriæ, sed alterius scientiæ. Secundò id evenit, cum quis scientiam aliquam profitens docere, quidpiam vult de *subjecto alterius scientiæ*. V. g. Si Ictus ex principiis sui Juris velit docere, qui partus sint vitales, aut non vitales. Tertiò id fit, quando conclusio alicujus scientiæ probatur per *medium sive principium alterius scientiæ*. Ut si quis conclusionem Physicam demonstret ex principiis Ethicis, aut è contrario conclusionem Ethicam ex principiis Physicis; qualis erat probatio illa Platonis, quâ nitebatur ostendere in Politicis, in eadem opera incumbere debere

debere viros & mulieres, comparatione aliorum animalium. Canis foemina, inquebat, æquè venatur ac mas, & foeminae aves, aliaq; bestiae, fortissimè pugnant pro foetibus suis, non minus ac mares, imò fortius quàm mares. Decet ergò foeminas quoq; inter homines eadem obire munia, quæ obirent mares, veluti in militiam proficisci &c. At rectè respondet Aristoteles, hoc nihil aliud esse, quàm facere transitum ex genere in genus. Quid enim homini, animali civili & domestico, commune cum brutis animalibus, ad quæ nullum rei domesticæ studium spectat? *Absurdum est*, ait Philosophus 2. Polit. 5, *factà cum bestiis comparatione probare, eadem studia sequi, eademq; munera obire mulieres atq; viros oportere, cum ad bestias nullum rei domesticæ studium pertineat.* Hæc ille. Tales etiam sunt probationes, quibus ante aliquod tempus nonnulli impugnare conati sunt Philosophicas enunciationes. E. gr. quod Philosophus dicit, O. gravè tendere deorsum, improbarunt ex eo, quod ferrum in sacris aliquando natasse legatur. Quod idem dicit, O. ignem in certâ materia spectatum urere, negarunt ex eo, quod ignis tres illos pueros apud Danielem non combusserit. At hoc ineptissimum est disputandi genus, in quo semper fit transitus in aliud genus. Philosophicæ enim regulæ & conclusiones manent in *suo principio*, id est, naturâ sive naturali lumine, ad quod omnes, velut ad primum *ἄρτιον*, exiguntur. Quando ergò Philosophus dicit: O. gravè tendit deorsum, principium suum respicit, & subintelligit, *naturâ suâ* aut *per naturam*, non autem negat Deum hunc naturæ cursum posse suo modo mutare, sed hoc alij, qui superiorem scientiam proficetur, considerandum relinquit. Talis deniq; erat & probatio Empedoclis atq; Euripidis, statueritium, amicitiam consistere in dissimilitudine, quod ex contra-

rijs omnia entia Physica generentur, quodq; terra arefacta expetat imbrem & aër pragnans imbre effundi in terram affectet 3. Ethic. c. 1.

III. Porro, quæ sint affectiones *propria*, quæ *extranea*, ut cognoscatur, in Theoreticis attendendum est ad rationem propriam *subjecti*, quod in scientiâ ejusmodi consideratur. Hoc enim primum in disciplinis istis est *κερηγειον*. In *subjecto* autem duo sunt spectanda, alterum est *materiale*, ut vocant, nempe *res ipsa*, quæ in scientia consideratur, alterum *formale* sive *modus considerandi*. Unum enim *subjectum* varias admittit considerationes, & pro diversâ consideratione diversarum quoq; scientiarum fit *subjectum*. E. gr. *Corpus naturale* una res est, sed pro diversis considerandi modis diversarum *subjectum* est scientiarum. Cum enim consideratur ut *mobile*, est *Physica* *subjectum* & habet pro eâ consideratione certas suas affectiones; prout *corpus* autem est, *subjectum* fit *Geometrie* &c. Pariter & *Deus* ad diversas pertinet scientias pro consideratione diversa. In *Theologia* enim revelatâ consideratur ut *fontis* & *origo salutis humana*; In *Metaphysica* ut *prima rerum omnium forma* sive ut primum quid est: In *Physicis* ut *primum movens*. Hæ *exterior* dant illi diversas affectiones, quæ in diversis quoq; scientijs demonstrantur. Sic porro de *affectibus* agit *Physicus*, agit *Medicus*, agit *Ethicus*, agit *Rhetor*, omnes aliter atque aliter. *Physicus* agit de illis, ut sunt *motus* quidam cujusdam substantiæ *mobili*, animalis. *Medicus*, quâ *imprimunt* corpori aliquid, quam impressionem tollere laborat, cujus exemplum habemus in curatione amatoriâ Galeni. *Ethicus*, quatenus *regendi* aut ad mediocritatem redigendi, ne exsuperent & in vires erumpant. *Rhetor*, quatenus *ciendi* aut *sedandi*. Simili modo se res habet in alijs. Quando

do jam affectio aliqua demonstranda est in scientiâ contemplativa de subiecto aliquo, & dignoscere quis vult, an etiam jure ibi demonstretur, spectandum est *formale subiecti*, sive modus considerandi, quo in scientia ista tractatur subiectum, & videndum, an ei hoc modo spectato affectio per se insit. Quod si non insit & tamen affectionem istam ibi quis demonstraret, facit *μὴ ἀδύνατον εἶναι ἀπὸ τοῦ γένους*. Habet enim una res sæpe plures affectiones, quæ tamen omnes in unâ scientiâ considerandæ non sunt, sed ea solum, quæ est scientiæ illius, hoc est ejus, quod in illa scientia formale est, sive modi considerandi propria. E. gr. Deo tribuitur, quod sit causa mundi, verum non efficiens propriè dicta, qualis est ea, quæ agit per motum & definitur 2. Phys. 3, sed formalis. Tribuitur eidem, quod Christum Redemptorem miserit, quod nos in baptismo per aquam & Spiritum regeneret &c. Hæc si quis in unâ scientia v. c. Physica consideret, is scientiarum limites transgressus est & crimine *μὴ ἀδύνατος* constrictus tenetur. Nam posteriora ista duo Deo non conveniunt, quatenus ipse est primum movens, sed quatenus est causa salutis nostræ: ita autem Deum considerare non est Physici, sed Theologi, & quidem ejus, qui Theologiam proficitur revelatam.

IV. In activis autem & effectivis disciplinis, ut cognoscatur, quæ affectiones in singulis rectè demonstrantur, attendendum est ad *finem*. Hic enim id est in practicis & effectivis, quod subiectum genus in contemplativis, ut ex Galeno jam ante quoq; observavimus cap: præcedente n: VI. Sed & Aristoteles idem de disciplinis practicis docet cum alibi, tum 1, Ethic. 7 & 8. lib. 7. c. 9, & 1. Eud. 8. Ad finem ergò respiciendum ante omnia in talibus disciplinis, quando de affectione, alieni istarum propria, rectè volumus judicare. Si enim

subj

subjecto, de quo in tali scientia affectio aliqua demonstratur, non insit, quatenus illud refertur ad finem scientiæ, & nihilominus quis eam ibi demonstraret, reus est vitij istius, quod μεταβάσις dicitur. E. gr. De plantis & herbis agit non Physicus solum, sed & Medicus, verum Medicus non aliter, nisi quatenus plantæ & herbæ aliquæ medicinam faciunt v. c. rhabbarum considerat, quatenus purgandæ cholæræ inservit; absynthium, quatenus putres & vitiosos humores absumit & c. Talium ergo solum qualitatum is, qui scientiam de arte Medicâ proficitur, rationem habere debet, per quas ejusmodi aut similem effectum producere possunt istæ plantæ aut herbæ. Quod si his contentus non sit, sed præterea & alias affectiones consideret, quæ effectis istiusmodi producendis planè non inserviunt, facit μεταβάσιν εἰς ἄλλο γένος, id est, *transitum in aliud genus*. Veluti, si prolixè de altitudine & proceritate, de crassitudine & tenuitate, aliisque differentiis plantarum differat, quarum multas Theophrastus 1. Hist. Plantarum recenset.

V. His ita observatis, facilè quis μεταβάσιν εἰς ἄλλο γένος cavere poterit, quantum quidem ad *duos priores* ejus modos attinet, quos semper in vitio esse extra controversiam positum est. De *tertio* autem, an & is semper vitiosus sit, adhuc sub judicis est. Sæpe enim accidit, ut *conclusio* alicujus scientiæ per *principia alterius* scientiæ doceatur. Velut conclusiones Opticæ, imò & Medicæ, demonstrantur interdum ex principiis Geometricis. V. c. Cur orbicularia vulnera tardius sanentur, Medicus ostendit ex ratione vel naturâ circuli. Est enim omnium figurarum maxima & capacissima, ut docet Geometra. Hinc autem fit, ut cum vulnus est orbiculare, partes difficilius coëant, proindeque vulnus tardius sanetur, lib. 1. Post. c. 13. §. 19. Quocirca quod de μεταβάσεως tertio genere dixi-

diximus id tum demum obtinet, quando diversarum scientiarum subjecta prorsus nullâ inter se communione sunt copulata. Quando autem inter subjecta talia est aliqua communio, sic, ut inter diversa illa subjecta sit maxima similitudo, aut ἀναλογία, vel subjectum unius sit quodammodo idem cum subjecto alterius, nihil prohibet transitum fieri, & superioris scientiæ principia inferioris conclusionibus adaptari. Atque id quidem hæcenus omnium approbat consensus. Latini istas scientias, in quibus ex ejusmodi principiis demonstrationes ducuntur, vocant *subalternas*. Quæ autem subalternationis sit ratio, in eo non parum dissentiunt Autores. Unde eâ de re nobis hic aliquid est dicendum.

VI. Primum igitur id tenendum, subalternationis vocabulum h. l. esse *metaphoricum* & quidem traductum ex doctrinâ *universalium*, in quâ, quæ inter proximum & summum genus interjiciuntur, Philosophis dicuntur γένη ὑπάλληλα, sive *subalterna*, quasi quorum unum sit positum sub altero. E. gr. lapis & corpus sunt genera ὑπάλληλα inter substantiam & adamantem. Sic enim ascendo ad substantiam: Adamas est lapis, lapis est corpus, corpus est substantia. Dicuntur autem hæc ὑπάλληλα, quia ordine quodam unum sub altero collocatur, sic ut quod respectu inferioris genusest, respectu superioris sit species. Vid. Porphy. in Isag. c. 2. Hinc ergo translata est vox subalternationis ad *scientias*, in quibus inferior scientia collocatur sub superiori, quia habent *subjectum quodammodo idem* & *affectiones quodammodo easdem*. Unde illud quoque fit, ut superior scientia sit velut domina inferioris, & vim ei suppeditet ac robur. Quia verò subalternatio est relatio sive σχέσις, erit inter duo, adeoque habebit relatum & correlatum, *superiorem & inferiorem* scientiam, quorum *superior* dicitur

subalternans, inferior subalternata. Sed quæ scientiæ hanc subalternationem habeat, & quibus notis subalternatio dignosci possit, magna inter Philosophos varietas est sententiarum.

VII. Quidam subalternationem tunc esse censent, cum duæ scientiæ *eandem rem subjectam* considerant, sed *scopo diverso*, altera eo fine, ut *sciatur tantum*, atque hanc *subalternantem* esse: altera isto fine, ut in cognitione non acquiescatur, sed potius cognitio illa ad *actionem* vel *opus* dirigatur, atque hanc *subalternatam* dicunt. E. gr. Physicus considerat sensum, motum, vitam, mortem, respirationem, sanitatem, morbum, somnum, vigiliam &c. qvo scopò? ut sciat ista. Eadem verò ista & Medicus expendit, aut non ut sciat solum, sed ut hanc scientiam ad operationem secundum illam convertat. Verùm si ita res comparata esset cum subalternatione, tum ea solum esset inter scientias contemplativas & activas, aut contemplativas & effectivas, non autem inter duas contemplativas, quod tamen falsum est. Nam Geometria & Optica, Arithmetica & Musica sunt disciplinæ subalternæ, & tamen nulla ex his activa est aut effectiva, sed omnes contemplativæ. Ad Mathematicas enim pertinent, quæ quod contemplativæ sint, docet etiam Philosophus 6. Met. 1: nec non Ptolemæus in principio Almagesti.

VIII. Alijs subalternatio est, cum *superior* scientia rem considerat *ἐξ ἀπορρήτων* i. e. *sine omni materia sensibili*, sic ut solam formam rei contempletur, *inferior* autem *ἐξ προδήτων*, ut est *in materia sensibili*. Quale quid videmus in Mathematicis disciplinis. Earum enim aliquæ subjectum suum abstrahunt ab omni materia, reliquæ autem in materiâ expendant, quod & ipsum Physica facit. Ita Arithmetica confide-

siderat numerum abstractum, Musica sonorum. Geometria considerat magnitudinem & corpus, Physica corpus in materia, i. e. corpus naturale. Geometria considerat lineam extra materiam, Optica autem considerat quidem & ipsa lineam, sed in certâ materiâ, radijs videlicet visivis. Jam quidem dubium non est, has scientias, quæ in materiâ rem considerant, rectè dici subalternatas; illas autem, quæ sine materiâ, subalternantes, verùm, si scientiarum tractationes & rem ipsam examinemus accuratius, videtur longius se extendere terminus subalternationis, quàm illi quidem arbitrantur. Sanè Aristoteles lib. 1 Post: c. 13 §. 14 *Astrologicam nauticam* subalternatam esse ait *Astrologia Mathematica*; & *Musica* ἡ γὰρ τῆς ἀκοῆς, quam vulgò Practicam vocamus, quæq;, ut Philoponus scribit, *solo sensu quod concordet aut discordet, discernit, Musica Mathematica, qua ratione harmoniam judicat, non sensu*, ut iterum Philoponus in Comm: attamen in his ratio illa non deprehenditur subalternationis.

IX. Omnium optimè ex cit. lib: 1 Post: c. 13 §. 13. & seqq. & c. 9. §. 4, quid de subalternatione sentiendum sit, cognoscipoteest. Nempe ex ijs, quæ illic proponit Philosophus, apparet, ad subalternationem propriè dictam has præcipuè requiri conditiones. Initio genus προκειμενον debet *quodammodo esse idem*. *Quodammodo* inquam. In inferioribus enim scientiis ut plurimum subjectum solet esse restrictius & aliquo modo limitatum, siue addi solet qualitas aliqua, quæ additio tamen non fit *ad modum considerandi*, sed solum *ad rem ipsam*, quæ consideratur. Modus considerandi enim, si essentialis ejus species, in scientiis subalternantibus & subalternatis est idem. E. gr. in Arithmetica res considerata est numerus simpliciter: in Musica numerus limitatus & ad certam mate-

riam contractus, videlicet numerus sonorum, modus autem considerandi est idem. Consideratur enim in Musica sonus, non ut sonus est, sed ut in sono est numerus. Ita in Geometria res considerata est linea. Eadē verò est quoq; res considerata in Optica, sed restricta ad visum. Considerat enim non quamlibet lineam, sed lineam visibilem aut radiosam: modus autem considerandi idem est. Considerat namq; Opticus lineam istam sub ratione lineæ. Clarè hoc docet Aristoteles & lib: 13. (alijs est undecimus) Met. c. 3. dicens *Mathematicas quasdam scientias, velut Opticam, Musicam & similes considerare magnitudines sensibiles, de q; ijs offerre rationes & demonstrationes, verum non prout sensibiles, sed prout tales sunt.* Deinde in inferioribus scientijs, h. e. in scientijs subalternatis, non fit progressus ad primam causam: in scientijs autem superioribus sive subalternantibus primò cognoscuntur prima causæ. Unde illæ scientiæ docent solummodò, quod sit, hæ autem rō diōl. quoq;, sive cūr sit, lib. 1 Post. c. 9. §. 4. & c. 13. §. 15. Quod tamen non ita intelligendum est, quasi planè in scientijs inferioribus non demonstratur rō diōl.: sed idè hoc dicitur, quia media, per quæ in inferiori scientia demonstratur, propter quid est, sunt accepta ex superiori scientia, quæ vim, robur & certitudinem tribuit principijs inferioris scientiæ. Ita Musica habet sua principia, ex quibus demonstrat rō diōl. Sed si quis quærat, unde principia Musica firmitatē habeant suam, jam recurrendum est ad Arithmeticam, tanquam dominam Musiciæ sive subalternantem scientiam. Ea enim ex prioribus causis confirmat, quæ sine demonstratione assumit Musica, inque ijs causis ita hæret, ut sæpe ignoret quod sit, sive effectum, non quod causa haud monstret effectum, sed vel quia non attendit, vel quia effectum comitantur quædam pas-

particularia, quæ ipse universalibus intentus negligit. Id enim sæpe, ait 1 Post. 13. §. 15 Philosophus, accidit ut, *qui universalia contemplantur, particularia ignorent, quia non animadvertunt.* V. gr. Scit quispiam hoc universale, nullam mulam parere, fortè autem videt mulam utero tumentè, & existimat esse prægnantem, oblitus sui universalis, quod omnis mula sit sterilis. Vide & 1 Post. c. 1. §. 5. 2 Prior. c. 21 §. 7. Idem ergò accidit aliquando superiori scientiæ, seu ei, qui hujus gnarus est. V. c. Scit Mathematicus solarium oportere esse tale, ejusq; causas accuratè cognoscit, sed facere ipse nescit.

X. Porro quod de scientijs subalternantibus & subalternatis propriè acceptis modò dictum est, idem cernitur in illis quoq; scientijs, quæ, licet sibi invicem subalternatæ non sint per omnia, ut dictæ istæ num. IX, in *certis* tamen quibusdam *quæstionibus* sibi mutuas operas præstant & principia sua sibi commodant, non secus, ac si in illis sibi essent subalternatæ. Hoc modo se habent Geometria & Medicina. Illa enim cum hæc, ut vidimus num. V, principia sua communicat, eum quæritur, quare vulnera orbicularia difficilius curentur, quàm quæ aliam habent figuram? Hujus enim quæstionis principia dat Geometra, quia scil. anguli nimis à se invicem sunt remoti, ita ut coire non possint, ut diximus num: cit. Pariter & Medicinæ operam præstat Astrologia in doctrinâ de diebus Criticis. Vocantur ita à Medicis decretorij sive judiciales dies, quod in ijs judiciû de morbis fieri possit, quodq; illis ferè diebus vel ad salutem, vel ad mortem maxima accadat mutatio, ut sunt 7, 14, 21, 27. Hoc ita se habere novit Medicus: at causam supeditat Astrologus. Causam enim hanc communiter esse putant, quia Luna, quæ nobis proxima est, & motu celerrima,

fere septimo quoq; die in contrarium signum ejus naturæ, unde egressa est, progreditur & inde Criticos producit dies: at hoc perfectè cognitum habet Astronomus solus. Ad similem modum Physicæ, cum versatur in doctrina de iride, halone &c. auxiliares manus præbet Optica, & sic in cæteris. Post. 13. §. 16. Hæc alia tamen nondum constituunt subalternationem propriè dictam, qualem antè descripsimus, sed sunt tantum particularia subsidia, quæ una scientia alteri præbet.

XI. Ex his, quæ subalternationis sit ratio, constare potest. Ubi tamen adhuc est notandum discrimen, quod vulgò constituunt inter scientias *subalternatas* & *subordinatas*. Ut enim *subalternata* scientiæ dicuntur ratione *principiorum* & *objecti*: Ita scientiæ *subordinata* dicuntur ratione *finis*, si nempe finis unius scientiæ sit ordinatus ad finem alterius. Ita enim ferè fit, ut cum finem aliquem assecuti sumus, cum ipsum porrò dirigamus ad alium, illumq; rursus ad alium, & sic deinceps, ita ut assiduè prior finis quasi gradus quidam sit ad posteriorem assequendum. E. c. Fodit aliquis terram eo fine, ut ferrum ex visceribus ejus eruat, at ferrum non expetitur nisi propter aliquem usum. Traditur ergo erutum fabro, qui igne illud emollit, imponit incudi, malleo tundit, limat, acuit, donec ex eo conficiat aliquid v. g. scalpellum. Scalpellus igitur hic totius illius operæ fabrilis finis est. At ipse quoq; refertur aliò, nempe ad usum chirurgi, qui eo utitur ad incidendam venam. Rursus & venæ sectio aliò tendit, nempe ad sanguinem aut minuendum, si redundet; aut detrahendum, si sit vitiosus. Sanguinis missio porrò ad morbum aut vitandum, aut tollendum, aut levandum. Morbi vitatio, levatio, depulsio sunt illæ quidem optandæ per se, sed tamen aliò quoq; referuntur, nempe ne impediuntur actiones, quæ & ipsæ alio

alio pertinent. Aut enim ad gloriam, aut honestatem, aut voluptatem sunt directæ: omnia autem ultimò cō tendunt, ut homo sit beatus. Atq; hinc principio fit, ut artium una sit ratione finis alteri subordinata, v. c. artes instrumentales artibus utentibus, hæ autem arti Architectonicæ, 1 Ethic. c. 1. Ita freni factoria subordinatur equestri, equestris militari, militaris arti ducis bellici, quæ Architectonica est inter has omnes. Porro omnes artes subordinatæ sunt prudentiæ civili, dum omnes tendunt ad finem ejus, qui est *εὐδαιμονία*. Unde etiam hæc imperat omnibus artibus, etiam præstantissimis, inter quas est Rhetorica & c. 1 Ethic. c. 2. (1.) Prudentia autem est subordinata sapientiæ, cujus velut attrienſis quidam, ut Aristoteles vocat 1 M. M. c. ult, est & prodromus. *Attrienſis* quidem, quoniam ut ille, omnia domi gubernans, otium domino parat alijsq; præſcribit, quid cuius præſtandum ſit, ne dominus rerum domesticarum curâ impeditus à Reipublicæ administratione & procuratione abſtrahatur: Sic & prudentia imperando artibus, ut præparentea, quæ ad vitam ſunt neceſſaria, & affectus cohibendo ac moderando illud præſtat, ut ſapiens ſine impedimento poſſit munere ſuo fungi, h. e. Deum ſine perturbatione contemplari & venerari, qui quidem eſt finis ejus. Vid. & 7 Eud. c. ult. *Prodromus* autem, quoniam ipſa eſt, quæ de rebus homini bonis deliberans, nobis nunciat, aliam eſſe poſt ſe virginem formoſiſſimam, id eſt, ſapientiam, quam ſummo animi ardore amplecti debemus, utq; illi nos dedamus, cohortatur.

XII. Quod autem in artibus & prudentia obtinet, idem obtinet & in ſcientiis de prudentia & artibus, quarum illæ *practica*, hæ *effectiva* dicuntur. Nempe ex ſcientijs effectivis una

una alteri est subordinata ratione finis. v. c. scientiæ de artibus instrumentalibus scientiis de artibus utentibus, hæ autem scientiæ, quæ de Architectonica aliquâ est arte. Omnes autem scientiæ effectivæ subordinatæ sunt scientiæ Politicæ, quæ ea propter & Architectonica dicitur inter omnes practicas, hac voce latè acceptâ, ut scientias effectivas quoq; sub se complectitur. 1 Ethic. 1. (2). Similis subordinatio spectatur & inter scientias *Theoreticas*. Quarum tres sunt species, Mathematica, Physica & Metaphysica sive Theologia 6. Met. 1. Ex quibus Mathematicæ scientiæ subordinatæ sunt Physicæ, Physica autem Theologiæ sive Philosophiæ primæ, quæ ita dicitur, quod prima & honoratissima sit inter omnes scientias. Est enim *intellectus primorū principiorum & scientia rerum naturæ honoratissimarum*. 6 Ethic. c. 7. Ex quo porro sequitur, huic esse subordinatas omnes scientias, quæ & inde dicitur ἀρχαῖται, 1. Met. 2. & *regina ac domina* omnium scientiarum, 1 Post. c. 9. quia omnium illarum fines ad finem hujus velut ad centrum aliquod tendunt. Finis enim ejus est cognitio & contemplatio Dei. Deus autem, ut rerum omnium principium est, ita & finis est omnium, h. e. ut omnia ab ipso fluunt, ita & omnia ad ipsum referuntur. Qua de re egregiè scribit Simplicius in Enchiridium Epicteti: φύσις μὲν οὐκ ἀνθρώποι μόνον, ἀλλὰ καὶ τὰ ἄλογα ζῷα, καὶ τὰ φύτα, καὶ λίθοι, καὶ πάντα ἀπλῶς τὰ ὄντα, κατὰ τὴν ἐαυτοῦ δύναμιν ἔχαστον ἐπέσραπται πρὸς τὸν θεόν. *Naturâ quidem non homines solum, sed & animantes rationis expertes, & planta, & lapides, ac uno verbo omnia quæ sunt, pro suis quodq; viribus ad Deum conversa sunt.* Ut autem cunctæ res ad Deum velut ad finem referuntur: Sic & cognitio reliquarum omnium refertur ad cognitionem Dei. Unde non malè Philosophiæ finem Tyrius dicit esse *cognitionem Dei*, differt. 1. Quæ & Aristotelis doctrina est. Ita enim ex
ejus

eius mente Ammonius in præfat. in lib. Categor. τὸ τέλος φιλο-
σοφίας ἐστὶ, γινῶσκειν τὴν πάντων ἀρχὴν, τὴν τῶν πάντων δημιουργοῦν αἰτίαν,
τὴν δὲ καὶ ὡσαύτως ἐκτελεῖν, *Finis Philosophia est, ut rerum
omnium principium, causam omnium opificem, sempiternam
& in eodem statu permanentem cognoscamus.*

XIII. Quamvis autem subordinatæ Theologiæ sint sci-
entia omnes, subalternatæ tamen ei *κρυπτός* dici non possunt.
Considerat quidem ea principia, quibus nititur universa Philo-
sophia, primas hypothèses, primas definitiones, prima axio-
mata, eaq; partim illustrat, partim, quoad ejus fieri potest, con-
firmat. Verum idē nondum scientiæ omnes subalternatæ
ei dici possunt, quod & *objectum* ejus diversum sit, & *prin-
cipia* sint alia. Omnis enim scientia ex proprijs demonstrat,
non ex communibus, ut ostendimus suprā. At ista principia
respectu cæterarum scientiarum omnium communia sunt, li-
cet propria sint entis, quā ens est, 4. Met. c. 1. Nec accidenta-
les sunt differentiæ, quibus cæteræ scientiæ à Philosophiā primā
distingvuntur, ut omnes quodammodo eadem scientia cum
ipsa dici possint, sicut de subalternante & subalternata scientiā
Philosophus docet, quod sint quodammodo eadem scientia,
quoniam idem genus & elementa eadem ac demonstrationes
easdem habent, diversæ autem solum sint ratione accidenta-
lis differentiæ, quam subalternata addit subjecto, ut vidimus.
Præterea ex num. IX. jam constat, scientiam subalternatā de-
monstrare ὅτι ἐστὶ, subalternantem autem διότι ἐστὶ. Quanquam
enim & illa nonnunquam declaret propter quid, non tamen
resolvit demonstrationem usq; ad primas & immediatas cau-
sas, sed hoc est proprium subalternantis. At id h. l. non
obtinet. Neque enim reliquæ scientiæ primas causas pro-
prias à Metaphysica petunt, aut ipsi afferendas relinquunt, sed
ipsæ eas assignant. Sicut de Physica testatur Aristoteles lib.

1. Phys. c. 1. dicens, *Physici esse agere de causis omnium rerum naturalium, maxime primis, quod tunc arbitremur scire unumquodq; cum primas causas & prima principia usq; ad elementa cognoverimus.* Et res per inductionem constat. Ita quæritur, cur terra motu suo naturali petat infimum locum mundi? Physicus reddit causam hanc, quia est corpus gravissimum: at hâc causâ priorem aliam, quæ propria sit, reddere neq; Physicus novit, neq; Metaphysicus. Item, si quæratûr à Physico, cur terra obtineat figuram rotundam & partes ejus conglobentur in orbem? respondebit, quia omnes partes terræ propter insitam æqualem vim gravitatis contendunt appropinquare centro, tanquam loco suo naturali; at hoc non possunt æque omnes consequi, nisi æqualiter se invicem premendo & tundendo efficiant figuram rotundam. Taceo, quod scientia subalternans ordine doctrinæ præcedere debeat alias scientias, quæ ipsi subalternatæ sunt. Ex antecedente enim eorum, quæ in istâ scientiâ traduntur, cognitione pendet scientia exacta eorum, quæ in subalternatis proponuntur. At Metaphysica uti naturâ omnium est prima: ita ultima est ordine doctrinæ. Nam & difficilissima omnium est, & præsupponit aliarum notitiam scientiarum. Et tantum de subalternatione.

XIV. Ex doctrinâ autem hâc, quæ de subalternatione est, nascitur porro alia, eaque non minus nobilis disputatio de *sede demonstrationum.* Si enim aliquando accadat, ut *subjectum* sit unius scientiæ, *principium* autem alterius, quæritur, quo demonstratio talis pertineat, num ad eam scientiam, quæ principia subministrat, an ad illam, cujus est subjectum. E. gr. Aristoteles lib. 2. Ethic. ad Nicom. c. 1. quæstionem proponit de virtute morali, quonam pacto paretur, naturâne, an doctrinâ, vel, an consuetudine. Et principio probat, quod non

non paretur naturâ. Idq; probat pluribus rationibus, inter quas & hæc est: *Qua naturâ, inquit, constant, nunquam aliter, atq; sunt, assuescunt.* Ita quia ignis naturâ fertur ad cælestem oram, nunquam eum, ut deorsum feratur, assuefacies. Terra è contrario quia suo pte nutu inferiorem locum petit, hinc, etiam si millies illam sursum jacias, nihilominus priorem semper propensionem retinebit. At *hominis natura ita ad virtutes morales perspicuè se habet, ut illas suscipere pariter & non suscipere queat.* Ergò *virtutes non insunt à natura.* In hac demonstratione subjectum sunt virtutes morales, quæ pertinent ad Ethicam: principium autem est Physicum. Quæ enim naturâ constant, ad Physicam spectant. Quæritur igitur, qualis hæc sit demonstratio, num Physica, an Ethica dicenda?

XV. Averroës existimat dijudicandam esse demonstrationem ex medio. *Omne enim robur, inquit, petitur à medio, sive principio, sic, ut, si principium sit necessarium, tota demonstratio dicatur necessaria.* Ad summam, prout se habet medium, ita etiam se habet conclusio. Verùm alii aliter sentiunt, nempe iudicium, qualis sit demonstratio, faciendum esse non ex medio, sed ex genere subjecto; non ex principio, sed ex conclusione. Rationes ipsorum, ut summam eas complectamur, sunt sequentes. Primò in omni syllogismo, adeoque etiam in demonstratione, præmissæ sunt instar materia, conclusio autem est instar formæ 2 Phys. 3. 5 Met. 2. Est enim ea finis, propter quem fit syllogismus, ut Alexander quoq; in Topicis docet. Finis verò & forma coincidere solent. Jam autem formâ unumquodq; dijudicatur. Forma enim dat esse rebus. Quod verò dat esse, dat etiam denominationem & quæcunq; rationes sequuntur. Si ergò conclusio est forma & finis demonstrationis, ab ea sanè dijudicatio demonstrationis, non à principijs

petenda erit. Deinde, si iudicium à medio aut principiis peti deberet, omnis doctrina de *subalternatione* caderet. Omnes enim scientiarum subalternatarum demonstrationes referrentur ad superiorem, à qua sumptum est medium. Tota præterea Metaphysica tolleretur scientia, quippe in quâ plurimæ demonstrationes nituntur medijs, ex alijs scientijs desumptis. E.gr. quando Aristoteles in Metaphysicis docet, esse aliquot puros actus, & tot esse numero, quot ille assignat, principia allaturus nunc divertit ad Astrologiam, indeque accersit principia, nunc ad doctrinam de anima. Item de primo motore differens, passim in subsidium vocat Physicam, indeq; principia depromit. Porro, 9 Met.c. 2. docet Philosophus omnes scientias esse *δυνάμεις*: *δυνάμεις* autem distinguuntur suis *objectis*, in quæ feruntur & à quibus excitantur. Ita *δυνάμεις* audiendi, videndi, olfaciendi distinguuntur objectis: unam enim ex his excitat sonus, alteram color vel lumen, tertiam odor, & sic deinceps. Objecta autem in conclusione cernuntur, non in medio. Ex illo ergo iudicium de sede demonstrationum ferendum. Ulterius, quando Aristoteles veteres reprehendit quod scientias confuderint, non tam eos reprehendit ratione *mediorum*, quàm ratione *subjectorum* sive *problematum*, quod multa problemata, Mathematica v. gr. & Metaphysica, in aliam scientiam, velut Physicam, intulerint & res Physicas non physicè considerarint, sed tanquam si essent Mathematicæ. E.gr. materia, quæ est subjectum Physicæ, vocabant dualitatem, formam unitatem, & sic subjectum Physicæ eo habebant loco, quo ea, quæ in Arithmetica proponuntur. Deniq; si praxin Philosophi spectemus, videmus cum sæpe demonstrationes habere in certis scientijs, inque ijs medijs uti alienis, neq; tamen demonstrationem eò reducit, unde medium sumpsit, sed habet pro ejus scientiæ demonstratione, in quam medium transla-

translatum est. E. gr. in 10 Ethic. 4. probat *voluptatem non esse motum*. Motus enim, inquit, omnis fit *in tempore*, neq; in partibus temporis perfectus est. Tum enim perfectus est, cum finem obrinuit, ejus gratia est, ut ædificatio perfecta dicitur, quando domus, extracta est, quam extruere intendebat ædificans. Et generatio animalis perfecta, quando animal genitum est. In partibus autem temporis omnes actiones, quæ sunt partes totius motus, sunt imperfectæ & diversæ specie à tota & inter se. Ita in ædificatione lapidum compositio diversa est à columnæ positione, & hæc ab ipsa templi ædificatione. Id quod & in alijs motibus videmus. At voluptas non fit in tempore, sed tota, quando fit, perfecta est. Non est igitur motus. Hic sanè demonstrationis medium ex Physica petiitum est, & tamen Aristoteles hanc demonstrationem non pro Physicâ, sed pro Ethicâ habet, mensurans illam objecto, quod ad Ethicam spectat. Ita in 1 Phys. à notioribus Physicum inchoare debere ait, idq; demonstrat per medium Analiticum, quia omnis scientia fit ex antegressâ cognitione, & tamen demonstratio est Physica.

XVI. Excipiunt illi, qui Averroëm ducem sequuntur, Aristotelem tamen disertè docere in 1 Rhet. 4. *Rhetorem*, cum mediò utitur *Physicò*, fieri *Physicum*, cum *Ethicò*, *Ethicum*; ideoq; monere illum, ut à proprijs abstineat, & communibus utatur, ne ab officio suo desciscat. Quod si verò idèò Rhetor fit Physicus, quia utitur mediò aut principiò Physico, patet utique, demonstrationem Physicam idèò talem dici, non propter genus subjectum, sed propter medium. Verùm hoc parùm stringit, quoniam longè alia ratio est *Rhetorica*, quàm *scientiarum*. Nempe scientiæ habent sua propria objecta & juxta ista proprias affectiones & propria principia. Velut Arithmetica pro objecto habet numerum, Geometria ma-

gnitudinem, Physica substantiam mobilem &c. Rhetorica autem, ut & Dialectica, non versatur circa *definitum* aliquod genus, sed circa *res omnes* 1. Rhet. 2. 4. Met 2. Inde necessario medijs distinguuntur, ut scientiæ quidem utantur principijs propriis: hæ facultates autem communibus. Cum enim genus proprium non habeant, nec argumenta propria habebunt. Itaq; si utantur argumentis proprijs, definiunt esse quod sunt.

XVII. Patet ex his, firmioribus niti fundamentis eam sententiam, quæ demonstrationem, num Physica scil. v. gr. sit, an Ethica, dijudicandam esse non ex medio *simpliciter*, sed ex *conclusionē*. Dico *simpliciter*. Nam quod alij dicunt, dijudicationem esse faciendam ex *medio*, quatenus *unitum* est cum *extremis*, id non multum abire a posteriori sententiâ, quia ratio ista unionis ut recte intelligatur, ad formale extremorum est attendendum. Ceterum cum conclusionis *dua* sint partes & quandoq; accidat, ut *subiectum* quidem *hujus*, *prædicatum* autem *alterius* sit scientiæ. e. gr. cum dico, *voluptas est motus*, subiectum hic, *voluptas*, est considerationis Ethicæ, prædicatum autem, *motus*, Physicæ, adhuc quaeritur, qui attendendus sit terminus, ut iudicium de sede problematis fiat, num illud petendum sit ex *subiecto*, an ex *prædicato*? Veluti quaeritur, quò referenda sit dicta propositio, Voluptas est motus, num ad eam scientiam, ad quam subiectum, voluptas, pertinet, an ad eam, ad quam prædicatū, motus, adeoq; num Ethicum sit problema hoc, an Physicum? Ut ad hanc quaestionem sufficienter respondeamus, attendendum est ante omnia ad *officium* scientiarum, quod *duplex* est, *primarium* unum, *secundarium* alterum. *Primarium* est hoc, proponere genus suum *ἡ προτάμενον*, atque ejus naturam & essentiam aperire, docere etiam, quæ affectiones per se subiecto insint & ita illud
sequan-

sequantur, ut aliter fieri non possit, idque propter talem vel talem subjecti essentiam. *Secundarium* est, à subjecto suo removere ea, quæ falso illi & per errorem tribuuntur. Eò igitur omnia in scientijs tendunt, ut in notitiam subjecti deveniamus, eorumque, quæ ei insunt. Inde verisimile est iudicium problematis non ad prædicatum pertinere, sed ad subjectum. Ex eo enim fluunt omnia & deducuntur, quæ in scientijs considerantur.

XVIII. Possumus id, quod modò diximus, exemplo illustrare. Spectemus Ethicam Aristotelis. Ejus subjectum est *beatitudo*. Jam attendamus, quomodo eam ibi consideret Philosophus? Ita nempe. Ante omnia *essentiam* ejus docet ex illis, quæ in sensus incurrunt, aut communiter conceduntur, veluti summum bonum debere esse *perfectissimum*, debere *sibi sufficere*, debere esse *firmum & constans*, sic ut difficulter, imò vix auferri possit. Quibus ita ex communi opinione positis progreditur & quærit, quodnam bonorum genus tale sit, cui hæc dotes competant felicitati tributæ. Hic rursus confugit ad hominum opiniones. Alij, inquit, sunt, qui putant *ideas* esse tale bonum, alij *honorem & famam*, alij *opes*, alij *habitum virtutis*, denique bruti quidam homines *voluptatem*. Hic igitur Aristoteles tandem interponit iudiciū & falsas opiniones ex officio removet, ita ut singulas ex naturâ & ratione felicitatis refellat & refutet. Postcà aliam indagat, eamque *causalem* magis, definitionem felicitatis, quam tandem ita effert: *Summum bonum est operatio animæ rationalis secundum virtutem perfectam in vitâ perfectâ*. Hanc quoad singulas partes explicat, inque eum finem, quæ sit ratio *virtutis* cum in genere, tum in specie quarum vis virtutum, temperantiæ, iustitiæ, liberalitatis &c declarat Denique &, quæ *perfecta vita* sit, exponit, ostendens, quod talem vitam vivere non liceat extra *societatem* & quidem

dem *civilem*: quod ad eam *amicitia* sit necessaria: quod *comitem* habeat *voluptatem*, ideoq; quæ *amicitia*, quæ *voluptas* sit ratio, inquit: ita autem de singulis his differit, ut ad felicitatem Prædicam sive civilem respectum habent, aut ad naturam ejus faciunt declarandam. Quæstiones autem eò non pertinentes averruncat, & alij *πραγματεία* reservat. Judicium ergò problematum, quæ in Ethicâ pertractat, à subjecto manifestè petit. Quod & in alijs facit, quæstiones aut problemata Physica vocans, quorum subjecta Physicæ considerationis sunt, etiã si prædicata ad aliam quandam scientiam propriè pertineant. E. gr. *ἐντελέχεια* est terminus Metaphysicus ab Aristotele invētus & omnibus formis accommodatus, imò omni actui. Inde enim 5. & 9, Met. ens dividit in ens *δυναμὶς* & *ἐντελέχεια*, id est, in ens *potentiâ* & *actu*. At verò quærit Aristoteles in Physicis, *an motus sit ἐντελέχεια?* & in libris de anima, *an anima sit ἐντελέχεια?* Quod si iudicium problematis ex prædicato faciendum esset, tum hæc quæstiones non in Physicis, sed Metaphysicis exponi debuissent. Neglectum autem hoc evincit, Philosophum pro certo habuisse, quod iudicium problematis, num Physicum an Metaphysicum sit, ex subjecto sit petendum.

XIX. Dices fortè, *interdum* quidem ita se rem habere, sed hoc *non esse universale*, vel ex sententiâ ipsius Aristotelis. In Physicis enim, nempe in libris de ortu & interitu, tractat quæstionem illam, *an idea sint rerum generatrices?* Et tamen subjectum non ad Physicum, sed Metaphysicum pertinet forum. Plato enim ideas suas pro primo habebat rerum omnium principio, ideoq; & passim ab Aristotele in Metaphysicis impugnantur. Prædicatum autem Physicum est. Quis enim negaverit generationem ad Physicam pertinere? Ex prædicato ergò hîc disputationem illam Physicam fecit. Verum, qui
ita

ita obijciunt, eos fallit σχῆμα τῆς λέξεως, *figura dictionis*. Nam quod illi pro subiecto habent, reverâ ad prædicatum pertinet, subiectum autem est omisſum. Nempe hæc, ſi exactius conſideremus mentem Philoſophi, quæſtio eſt, *poſſitne corpus aliquod naturale generari beneficio idearum*, ut ſentiebat Plato? Hoc enim Ariſtotelei in libris de ortu propoſitum eſt docere, quomodo res naturales generentur. Id autem dum facit, falſam Platonis opinionem removet, qui cenſebat generationem fieri μετέξει τῶν ιδεῶν. At hæc quæſtio verè Phyſica eſt. Videntur illi, qui hanc objectionem in medium afferunt, exiſtimare, id propoſitionis ſubiectum eſſe, quod primo loco ponitur, prædicatum, quod ſecundo. At decipiuntur. Id eſt *prædicatum, quod affirmatur aut negatur de aliquo: ſubiectum autem, de quo affirmatur aut negatur aliquid*, i Prior. I, ſive priori, ſive poſteriori ponantur loco. Ita in hac propoſitione: *Ardua, quæ pulchra*, pulchrum ſubiectum eſt, arduum autem prædicatum, etiamſi illud priori, hoc poſteriori loco collocetur. Non enim de arduo affirmatur, quod ſit pulchrum, ſed de pulchro, quod ſit arduum. Jam autem ex intentione Ariſtotelis in libb. de ortu non de ideis affirmatur aut negatur aliquid, ſed, fieri per ideas, negatur de corpore naturali. Non igitur ideas ſubiecti vicem ſuſtinent, ſed corpus naturale.

XX. Sed habent & aliud, quod regerant. Ut in alijs, inquiunt, à *potiori* fit denominatio: ita & in problematibus dijudicandis potioris eſt habenda ratio. At *potior* pars *problematis* eſt *prædicatum*, quia hoc habet rationē formæ, ſubiectū materiæ. Forma autē præſtat materiæ. Verùm, hoc eſt, inferre ex eo, quod ſecundum quid tale eſt, ad id, quod tale eſt ſimpliciter & abſolutè. Certum eſt formam eſſe præſtantiorem materiâ, verùm non ἀπλῶς & omnimodè: ſed ſecundum quid.

Aliàs enim certâ quadam ratione etiam de materiâ, quod sit præstantior formâ, dici potest, quoniam per materiam res habet τὸ εἶναι, sive *subsistere*. Unde & materia in VII. & VIII. Metaph. dicitur πρῶτον ὑποκείμενον, id est, *primum subjectum*. Quin hæc causa est, cur veteres Philosophi solam materiam pro substantiâ habuerint, formas autem omnes accidentia esse crediderint, quorum errorem refutat Philosophus 1 & 7. Met. Formæ autem non tam dant τὸ εἶναι & subsistere rei, quàm esse hoc, aut esse tale vel tale, quid v. gr. esse aquam aut ignē, aurū vel argentum &c. Unde Aristoteles in 6. Topic. materiam omit- ti non vult in definitione, quia nempe significat τὴν ὁσίαν, id est, *substantiam*, differentia verò formâ in materiâ velut resi- dentem notat. Sic igitur & hoc respectu iudicium démon- strationis à subjecto petendum est, cui πρῶτον inest tanquam *primo & proprio subjecto*, in quo suum esse veluti habet. In- terim non negamus, aliquando subjectum & prædicatum con- clusionis eam inter se habere propinquitatem, ut sive ab hoc, siue ab illo iudicium fiat, nihil peccetur. Sunt enim quædam enunciationes ejus indolis, ut se non habeant præter naturam, etiamsi invertantur. Quales sunt propositiones illæ, quas *ὑπερθετικές* sive relativas vocant. E. gr. *An Clerici Magistratui Politico subjecti sint*, quæstio est. Hic & subjectum sequi potes, & tractare hanc quæstionem in Theologiâ, ubi de Cle- ricis eorumq; privilegijs; & prædicatum, ac tractare quæstio- nem in Politicis. Ita enim comparata est hæc quæstio, ut pari passu ambulent subjectum & prædicatum. In alijs autem semper iudicium sedis problematis à subjecto petendum est, non materialiter tamen, sed formaliter spectato. Formale enim semper attendi debere ex antecedentibus liquet.

XXI. Deniq; cum incidant problemata interdum, quæ ejusdem quidem scientiæ sunt, sed ad diversa illius capita per-
tinent

tinent, quid hîc faciendum sit, adhuc quæritur? An tractanda
 ea illo capite, ad quod subjectum pertinet, an isto, ad quod *pre-*
dicatum spectat? V. c. Quæstio est: *An miles possit fieri cu-*
rator aut tutor? Hæc quæstio, quoad subjectum, pertinet
 ad titulum de *re militari*, ratione prædicati autem ad titulum
 de *tutoribus*. Ubi igitur hæc quæstio tractari debet? Viden-
 tur huiusmodi quæstiones similes esse superioribus, quas rela-
 tivas diximus. Itaq; & de ijs utrobique rectè agitur, si ve perin-
 de erit, utrum hîc, an illic tractentur. Tale quid videmus &
 in Logicis ab Aristotele factum. Nam in Topicis docet, quo-
 modo differat Syllogismus Dialecticus ab Analytico & Sophi-
 stico. Rursus in Analyticis distinguit Syllogismum à Dialecti-
 co & Sophistico. Deniq; in Sophisticis iterum Sophisti-
 cum ab Analytico & Dialectico secernit. Simile quid notare
 licet apud Galenum, velut in doctrina de saporibus. Cum
 enim de amaro agit, monstrat differentias & separat amarum
 ab acido & austero. Rursus ubi de acido agit, separat aci-
 dum ab amaro & austero. Iterum ubi de austero, separat id & ab
 amaro & ab acido. Et tamen id citra crimen *ταυτολογίας*. Et
 hæc de sede demonstrationum, ex quibus potissima nos re-
 centioribus quibusdam, ijsq; celeberrimis Philosophis, præ-
 fertim Altorphinis, debere, lubentes fatemur.

CAPVT X.

Quò illustratur secunda principiorum demonstratio-
nis conditio, quæ hoc requirebat, ut
sint immediata.

I. Hactenus sufficienter, ut putamus, declarata est prima
 principiorum demonstrationis proprietas, quæ requirebat, ut

sint vera & necessaria. Consequens est, ut secundam quoq;
 illustremus, quæ hoc exigebat, ut sint *immediata & prima. Tres*
 autem sunt *immediata & indemonstrabilia* principia, ut dixi-
 mus c. 4. § 1: nempe *axiomata, definitiones & hypotheses.* In-
 de quæstio nascitur, celebris quidem, sed non parum intricata,
 num *singula* hæc ingrediantur demonstrationem, an *aliqua*
 solum ex ijs. Videtur enim passim innuere Philosophus,
 quod omnis demonstrationis principium sit definitio. *Omnis*
demonstrationis principium est τὸ τί ἐστι, ait lib. 1. de anima
 c. 1. at λόγος τὸ τί ἐστι est *definitio* 2. Post. c. 10. §. 1. Et in
 7 Met. c. 17. τὸ τί ἦν εἶναι ait causam esse, seu *propter quid.* Ad
 hanc affert demonstratio: istius autem λόγος rursus est defi-
 nitio. Quid enim ea aliud, quàm oratio explicans τὸ τί ἦν εἶναι
 rei, 1 Topic. c. 5. §. 2. Axiomata autem non sunt definitio-
 nes, nec theses. Istis enim axiomata & nos contradistinximus
 & contradistingit ijs etiam Aristoteles 1. Post. 2. & 10. Præ-
 terea non pauci sunt, qui axiomata cum primis à classe principi-
 orum eliminare conentur, rationibus, ut existimant, non pa-
 rum prægnantibus moti. Ajunt enim principia demonstra-
 tionis non cognitionis solum, sed & rei esse principia. In co-
 namq; distinguuntur principia Syllogismi, quæ talis, & demon-
 strationis, quod istius principia sint solū principia συμπερίσματα
 τῶν: at hujus principia sint simul principia τῶν πραγμάτων, i. e.
 non solum conclusionis principia, sed & rei, quæ conclusionem
 demonstratur. *Axiomata* autem, pergunt, non sunt *princi-
 pia rei*, quod non solum expresse ponere ajunt Eustratium in
 6. Ethic. Comm. 1; sed & Alexandrum & Themistium insinu-
 aret in procem. Phys. quando dicant per ea, quæ nobis qui-
 dem sunt *priora & notiora*, naturæ autem *posteriora & igno-
 riora*, similes huic propositiones intelligi, *necesse & aut*
unum esse principium aut plura, quod axioma esse evidentis-
 simum

simum est. At causæ τῶν πραγμάτων naturā sunt priores & notiores. Addunt, omnes necessarias ac demonstrationi accommodatas propositiones esse *per se* aut primo, aut secundo modo, quod patet exemplis. In huiusmodi enim propositionibus: Impossibile est idem simul esse & non esse, quod libet est vel non est, quæ sunt æqualia &c: neq; subiectū est de essentiā prædicati, neq; prædicatū de essentiā subiecti. Nam, ut in ultimo exemplo persistamus, duæ lineæ per se ipsæ & sunt, & concipi possunt æquales, quamvis non cogitemus, sintne uni tertiæ æquales. Ex his igitur se evicisse putant, quod axiomata non sint principia demonstrationum. Nihilominus tamē Aristoteles ijs etiam ista accenset. Velut 1. Post. 7. §. 2. tria esse dicit *in omni demonstratione, re subiectā, de qua quid demonstratur; affectiōnem, quæ demonstratur, & axiomata, ex quibus demonstratur.* Quod repetit 1. Post. c. 10. §. 3. ubi in primis vocabulū, πρῶται, notetur. Ait enim disertē, quod τῶν ἀξιωματικῶν πρῶται demonstration fiat, quasi ea sint πρῶται καὶ κυρίας demonstrationis principia, quæ omne concilient demonstrationibus robur. Consentit Philoponus Comm. ad illum locum disertē scribens, *maiorē propositionem demonstrationis semper axioma quoddam esse debere.* Et quid plura proferamus? In Mathematicis nonnē perspicuē utimur axiomatibus in demonstrationibus constituendis. Vel inviti igitur concedamus oportet, axiomata non rarō ingredi demonstrationem.

II. Hæc non exigua sunt dubia, quibus satisfaciendum est, antequam pedem hinc proferamus. Initio observandum est, quod nec axiomatis, nec definitionis vox eodem modo accipiat, sed quandoq; *proprie*, quandoq; *communiter*. De voce axiomatis videndus est Proclus lib. 2. Comment in Euclid. ubi docet, axiomata, proprie accepta, esse *enunciationes maxime generales, ita claras & perspicuas, ut eas è domo nobiscum afferamus, à præceptore non expectemus.* Sic enim ille:

ὅταν καὶ τῶ μανθάνοντι γνώριμον ἢ καὶ κατ' αὐτὸ πῶς παρὰ λαμβανόμενον εἰς ἀρχὴς λαβῇ, ἀξίωμα τὸ τοῖτον εἶναι. Eiusmodi enuntiatio-
 ones sunt primæ istæ: *Impossibile est idem simul esse & non
 esse; Quodlibet est vel non est;* quibus si non solis, ut
 Apollinarius censuit, certè paucis alijs descriptio illa, quæ
 & Aristotelis est 1. Post. cap. 2. & 10, convenit. At ali-
 quando axiomatis vox latius accipitur, ut *omnia principia*,
 etiam theses & definitiones liceat ἀξιώματα appellare. Sanè
 aliquando ἀξίωμα etiam apud Aristotelem tam latè accipitur, ut
 omnem enunciationem, tam *probabilem*, quàm *necessariam*,
 complectatur, ut 8. Top. c. 1. & 2. 2., Prior. c. 26. ubi ἀξιῶν
 idem valet, quod προτείνεσθαι. Confer 1. Prior. 35. & 8. Phys. c.
 1. §. 15. In specie autem passim nomen hoc primis demon-
 strationum principijs, cujuscunq; sint generis, accommodat,
 velut in locis §. 1. citatis. Aristotelem autem imitantur inter-
 pretes. Velut Themistius, qui in 1. Post. 16. ait, *axiomata
 esse demonstrationis principia; & constari eorum complexu,
 quæ sunt per se.* Sic etiam Simplicius, qui 1. Phys. Comm.
 50. nonnullas *hypotheses & materia definitionem* ἀξιώματα
 vocat. Nec in alio sensu Philoponus suprà dicebat, *majo-
 rem propositionem demonstrationis semper esse ἀξίωμα*, cum
 tamen illa sæpissimè sit definitio. Idem Philoponus Comm:
 63. in 1. Post. tria inducit axiomatum genera, etiam, prout
 axiomata ab alijs principiorum generibus distinguuntur. Alia
 sunt *omnibus* scientijs communia, ut illa duo, quæ suprà me-
 moravimus: alia *aliquibus*, ut illud: Omne agens agit pro-
 pter finem, commune est Physicæ & Practicæ Philosophiæ.
 Alia *unius* scientiæ tantum propria sunt, ut Physiologiæ illud
 proprium est: Ex nihilo nihil fit. Ex quibus illa quidem, quæ
 primi sunt generis, sunt primariò & simpliciter sic dicta axio-
 mata. Ea enim nemo discit à præceptore, sed è domo se-
 cum

cum affert. Hæc autem quæ postremi, imò & medij sunt generis, nonnunquam & à præceptore accipiuntur. Unde non sunt ἀπλῶς ἀξιωματά, sed aliquâ ex parte & respectu habito ad has vel istas conclusiões, quæ sine principijs illis percipi non possunt.

III. Porro quod de axiomatibus diximus, idem & definitionis nomini usu venit. Nam & illud non ἀπλῶς dicitur, sed nunc communiter, nunc ἰδίως sive propriè. *Propriè* significat orationem, explicantem perfectè vim & naturam rei. *Communiter* autem definitio dicitur omne id, quod certum ac definitum est, sive nullis dubitationibus implicatum, quodque definit & terminat cognitionem alicujus rei. Quo sensu etiamnū ICrī voce utuntur, cum ajunt: *Omnis definitio in jure est periculosa*, id est, difficile est constituere in jure aliquod certum, indubium & universale principium, quod nullam patiat exceptionem. In hac generali notione omne demonstrationis principium definitio dici potest, quia omne principium definit & terminat cognitionem illius rei, cujus est principium. Ita vox sumitur 2. Post. 3. §. 10, ubi ita scribit Philosophus: *Principia demonstrationum sunt definitiones, quorum non esse demonstrationes antea probatum fuit. Aut enim principia erunt definitiones indemonstrabiles*, quasi idem sonent illa duo *primum, principium, & definitio*, & unum alterum explicet, sicuti illum locum quoq; interpretatur Eustratius. Eodem sensu accipitur etiam vox *definitionis* 1. Post. c. 3. §. 4. quando *principium sciendi*, i. e. habitum illum, quo principia cognoscimus, quem alias *νῦν* sive *intelligentiam* 6. Ethic. 6. nominat Philosophus, id esse ait, *quo ὅρως definitiones*, i. e. omnia demonstrationis principia cognoscimus. Maluit autem ὅρως, quàm ἀρχὰς nominare. Plus enim ponderis habet ὅρως, terminus cognitionis, quàm principium. Neq; enim
omne

omne principium cognitionis est etiam rei principium, velut in Syllogismis Dialecticis: at *cognitionis* ὁπρ *etiam est* ὁπρ *rei*, 3. Metaph. 17; Quare omnibus principiis demonstrationis maxime convenit nomen termini ac definitionis.

IV. Caterum & primo modo accepta definitio non est uniusmodi, quin potius duo sunt genera definitionum illarum rerum, quæ subjecto ut πρῶτον, sive affectiones, insunt. Unum ostendit, quid sit, assignando *genus & differentiam*: alterum *causam, cur sit*, exponit. Prior illa definitio vocatur γένεσις, *essentialis*; posterior autem αἰτιώσις, *causalis*. E. gr. definitiones *essentiales* sunt: Eclipsis Lunæ est privatio luminis Lunæ. Tonitru est ingens sonus & boatus in nube. Risus est sonus in gutture hominis formatus præter voluntatem citra ullam constitutionem corporis. Ira est appetitus vindictæ. Iris est circulus discolor Soli oppositus. At *causales* sunt sequentes: Eclipsis Lunæ est diametralis interpositio terræ inter Solem & Lunam. Tonitru est eruptio ignis ex nube. Iris est refractione radiorum in nube roridâ ad interpositum visum. Risus est commotio diaphragmatis ex titillatione aut cogitatione rei alicujus admirabilis, &c. Ira est fervor sanguinis circa cor, 1. de Anima c. 1. Quod si utraqve definitio *essentialis & causalis* coniungantur, fit inde una perfecta & omnibus numeris absoluta definitio. Qualis est hæc eclipseos Lunæ: Eclipsis Lunæ est privatio luminis Lunæ ob diametralem interpositionem terræ inter Solem & Lunam. Et hæc tonitru: Tonitru est sonus ingens in nube ob eruptionem ignis ex nube &c.

V. His ita observatis, ut de definitione prius dicamus, facile patet *primi generis* definitiones non esse principia demonstrationis. Idem enim per omnia sunt definitio istius generis & definitum, nisi quod definitio aliquantò distinctius & explicata.

plicatius eandem rem proponat, quam definitum confusius & implicitè magis exprimit. Unde & Simplicius definitum ait rem exprimere κατὰ μονοφδές, definitionem autem καὶ τὸ πολυμερές. Quoad rem autem talis definitio & definitum idem sunt. Unde & *ysdem numero* accensentur 1. Topic. 7. §. 6. Et 6. Top. 7. §. 2 dicitur: τὰ αὐτὸν εἶναι τὸ καὶ τὸν λόγον ἀποδοδέν τῷ πράγματι. Ex tali ergò definitione affectio de subiecto demonstrari non potest, quod probatio inde ducta reverà nihil aliud sit, quàm petitio τὸ ἐν ἀρχῇ: sed talis definitio est potius illud ipsum, quod demonstratur. Perinde enim est quærere causam, cur Luna patiatur eclipsin, & cur Luna lumine privetur. Item perinde est, quærere causam, cur tonitru existat in nube, & propter quid ingens sonus & boatus in nube oriatur. Quà de causâ & Aristoteles talem definitionem diserè vocat τῆς ἀποδείξεως συμπέρασμα, *conclusionem demonstrationis*, 2. Post. 10. & 1. Post. c. 8. *Tertij* generis definitio autem ab ipsâ *demonstratione* non nisi διὰ sive *positione* differt, sicut infra videbimus. Relinquitur ergò, ut ex solum definitiones sint demonstrationum principia, quæ ad *secundum* genus pertinent, & αἰτιώδεις, *causales*, appellantur, quæ & expressè cc: ll: ab Aristotele ἀρχαὶ τῶν ἀποδείξεων vocantur.

VI. Cum autem in problemate demonstrando non solum *predicatum* sit sive affectio, quæ demonstratur, sed & *subiectum*, de quo sit demonstratio, controversia oritur non exigua, annon hujus potius definitio sit dicenda principium demonstrationis, quam ipsius affectionis? Ita sanè existimant quàm plures. At videtur dissentire Aristoteles. Passim enim hic innuit, quod *medium* in demonstratione sit *definitio passionis*. Velut 2. Post. c. 8. §. 11. ubi hæc habet verba: Cum autem manifestum est, τὸ α τῷ γ ἵνα: quærere cur sit, nihil aliud est, quàm quærere quid sit τὸ β, utrum oppositio terra, an

*conversio Luna, an ignis extinctio; hac autem est definitio
 alterius extremi, ut in his exemplis, τὸ α.* Ipsum autem α pro
 majori termino, qui prædicatum est problematis, positum esse
 certissimum est & positum in confesso. Præterea in eodem li-
 bro c. 17. quærens, num contingat, non eandem causam esse in
 omnibus, sed aliam & aliam? concludit, quod, si per se de-
 monstratum sit & non per signum, vel per accidens, non possit
 pluribus propria causa accommodari. Cujus quidem hanc
 subjicit rationem: Nam medium est definitio extremi, id est,
 majoris termini, ut paulò post ipse explicat, dicens §. 6: *Medi-
 um autem est definitio τὸ πρώτῳ ἄκρῳ, i. e. primi extremi, id
 est, majoris.* Hoc enim vocat primum, ut patet ex c. 4. 1.
 Prior. §. 2. 6. 7. &c. Et jure quidem videtur ita statui, quo-
 niam in demonstratione probatur, majorē terminum inesse mi-
 nori, unde & causa, ob quam insit terminus, videlicet passio,
 subjecto, semper est assignanda. Hæc enim in definitione
 ipsius passionis, causali scilicet, comprehenditur. Nihilomi-
 nus cum passionēs omnes, si propriæ sint & demonstrabiles,
 fluant à naturâ subjecti, quæ definitione ejus exprimitur (hæc
 enim est λόγος τῆς ἁπλῆς) dubium non est, quia ex natura sub-
 jecti causa quoque fluat, per quam constituatur passio in subje-
 cto. Quæ enim causa est, cur interpositâ terrâ inter Solem &
 Lунā hæc eclipsin patiatur, stellistamen fixis, si propriores essent
 terræ, eaq; minores, idem non contingeret? Ad naturam sa-
 nè Lunæ hîc recurrendum est, & dicendum, ideo id fieri, quia
 stellæ fixæ proprium habent lumen, Luna non item, sed omne
 lumen suum mutuatur à Sole, sicut jam supra diximus c. 8. §.
 8. & consentit Averroës in Epitome asserens, non posse demon-
 strari eclipsin, nisi sciamus, Lunam splendore Solis collucere,
 quod ad naturam Lunæ maximè pertinet. Ita quæ causa est,
 cur risu excitetur in homine re aliquâ admirabili percepra, &
 tamen

tamen id non eveniat brutis, etiam si eandem rem percipiant? Respondendum utique est, idè id fieri, quod bruta destituantur ratione, adeoque rem admirabilem quidem percipiant, verum non quatenus est admirabilis. Ad id enim ut quis rem aliquam, ut talem, percipiat, ratio necessario requiritur. Eà autem homo instructus est, & quidem ita, ut ad essentiam ejus pertineat & naturam. Quamvis verò aliquid, quod ad definitionem subjecti pertinet, assumatur ad constituendam causam, sive medium ἀποδείξεως, tamen id non assignatur, ut propria & perfecta definitio subjecti, sed quatenus pertinet ad ipsam causalem definitionem prædicati.

VII. Hinc autem porro apparet, quàm vani sint, qui Aristotelem passim reprehendunt, quasi in Physicis, alijsq; scientijs, non accuratas & exquisitas adduxerit definitiones, eò quod non legitimum in ijs sit *genus*, neque *differentia* tales, quales ab ipso metrequiruntur in VI. Topicorum. Cum enim eo fine definitiones afferuntur in scientijs, ut ex ijs aliquid demonstretur, non sunt afferendæ definitiones *essentiales*, quæ ex genere conflatae sunt & differentiis complementibus rem definitam (ex ijs enim nihil quicquam demonstratur, ut ostendimus §. 5.) : sed *causales* afferendæ sunt definitiones, in quibus generis non habetur ratio, sed causæ propriæ, ut patet ex exemplis §. 4. allatis. Hoc autem Aristoteles semper accuratè observavit in suis scriptis. Cum enim solum eo fine πᾶσι aliquid definit, ut cætera melius intelligantur, *essentialem* affert definitionem, quæ exponat, quid sit πᾶσι illud, aut quæ sit ejus ratio aut essentia. Imò interdum etiam solum ἐπονομαστικῶς quadam utitur, à proprietatibus istius πᾶσι depromptâ. At cum eo fine aliquid definit, ut ex definitione ista quicquam demonstret, non *essentialem* amplius, sed *causalem* definitionem

adducit. Ita colorem aliter definit in 2. de Anima 7. aliter in lib. de sensu & sens. c. 3. Ibi quidem hoc modo: *Color est κοινὸν τὸ καὶ ἐνέργειαν διαφανῆς*, h. e. *motivus ejus, quod est actu pellucidum*: quæ, si genus ejus, qualitas, addatur, essentialis est, exprimens essentiam coloris, sicut & statim significat Aristoteles ipse, subjungens, καὶ τὰ ἐστὶν αὐτῷ ἡ φύσις, *Et hæc est ejus natura*. Propositum enim ibi erat Aristoteli, solum exponere objectum visus, & quæ ejus sit natura. At hic, ubi demonstrationis ergo colorem definivit, causalem definitionem producit, videlicet hanc: *Color est diaphani in corpore terminato extremitas*. Ubi per *diaphanum terminatum* intelligit tale corpus, cujus perspicuitas non est tanta, ut visum transmittat, sed opacitate admixtâ ita se restringit ac terminat, ut visui transitus non pateat. Ita enim aërem & alia, per quæ species visibilis & visus transit, διαφανὰ ἀόριστα, *interminata* vocat. Talis igitur diaphani, quod *terminatum* est, extremitatem, colorem dicit Aristoteles. Ex varia enim commixtione diaphani & opaci in corporibus terminatis resultat lucula quædam, magis clara aut umbrosa (prout plus diaphani aut opaci in ea permixtione fuerit) quam vocamus colorem. Resultat autem in *extremitate*. Hinc *extremitatem* definit Philosophus. Non quod propriè ipsa sit extremitas (id enim apertè negat, cum addit: *Color est in corporis extremitate, non ipsa corporis extremitas*) sed quod in causalibus definitionibus non habeatur ratio istorum loquendi modorum, quorum aliàs rationem habet Dialecticus vitiligator. Scientifico nempe sat est in definitione causam exprimere, ex quâ progreditur demonstratio, aliorum, quæ ad propositum suum non faciunt, rationem nullam habens. Idem attendit Philosophus in definitione soni, quando cum definit ἀέρος πλῆξιν, *aëris ictû*,
2. de

2. de anima 8. nempe & ea causalis est, cum sonus formaliter ictus non sit aut motus aëris, sed qualitas tertiae speciei ex ictu & motu configentium corporum resultans. Unde à Ptolemæo non vocatur *πλῆξις*, sed *πᾶσι δ' αἰετ' πλῆσσομένης*, *passio aëris icti*. Malleus enim v. gr. icit campanam, ictu rumpitur medius aër, rupturâ exilit sonus. Quâ de causa & Aristoteles *tria* ad generationem soni requiri dicit, *duo* inter se *configentia*, & *tertium*, quod eorum *compositione* in medio *frangitur*. Quamquam unum corpus, si liquidum sit & flexile, trium vicem subire possit, ut cum aër ad aërem, ventus ad ventum impetu alliditur magno. Sed hæc *ὡς ἐν παρόδῳ*.

VIII. Sed quid de axiomatibus dicemus? Quod ad axiomata *proprijsimè* sic dicta attinet, qualia sunt, Impossibile est idem simul esse & non esse, Quodlibet est vel non est, Totum est majus qualibet sua parte &c. quatenus ea *in se* spectantur, *demonstrationem non ingrediuntur*. Etsi enim verissima suâ naturâ sint & certissima, tamen non sunt propria. Demonstratio autem non ex veris solum constat, sed & ex proprijs. Referuntur tamen ad principia demonstrationum duplici de causa. Primò, quia *demonstrationum veritas ad extremum fundatur in illorum veritate*. Sit exemplum. Sensus docet Lunam delinquere. Hoc *πᾶσι δ'*, eclipsis, demonstrandum est de Luna per causam, quæ est interpositio terræ inter Solem & Lunam. Quando ergò quæro, cur delinquat Luna? Resp. quia inter eam & Solem interponitur terra. Quæro iterum: Quare interpositio illa hunc generat effectû? Resp: quia Luna non nisi mutuatitium à Sole lumen habet, quod eripit ei terra, quando diametraliter inter ipsam & Solem interponitur. Quæro rursus: Sed cur terra ita interposita Lunæ eripit lumen? Resp: quia majus corpus est terra, quàm Luna: corpus

pus majus autē obscurare potest minus, si interponatur inter hoc
 ipsum & aliud corpus, à quo hoc omne suū lumen mutuatur.
 Alias non esset majus, atque sic esset majus & non esset majus,
 quod est impossibile. Hic tota series demonstrationum fun-
 datur in hoc axioma: Impossibile est idem simul esse &
 non esse. Idem in alijs quoque fit. Qua de causa & *primum*
 hoc dicitur *principium*, in quod omnes demonstrationes redu-
 cuntur, ita ut nulla posset fieri demonstratio, nisi hoc principi-
 um concederetur, ut Averroës docet in 5. Met. 3. Secundo,
 quia possunt ad cujusvis demonstrationis propriam materiam
 restringi & ex communibus propria fieri, & tum fiunt actu, ut
 ita loquamur, principia, atque demonstrationem ingrediun-
 tur. Unde Themistius in 1. Post. 11: Τοῖς κοινοῖς ἀξιωμασιν, αἰτ,
 ἔχως κοινοῖς χρῆσθαι εἰς τὰς ἀποδείξεις, ἀλλὰ προσαρμοσθῆναι τῷ πο-
 κήμεναις φύσει καὶ ὁμοιωτέρα ποιῆσαι, συλλέγεσθαι εἰς τὸ γένος, ὅπερ
 ἔστι βεβλόμενα ἀποδείξαι, *Communibus axiomatibus non ut com-
 munibus utendum est in demonstrationibus, sed accommodan-
 da naturis subjectis & propria ex ijs facienda, contrahendo ea
 ad proprium genus, de quo demonstrare volumus.* E. g. illud
 principium, Totum est majus qualibet sua parte, fit proprium in
 Geometria, cum restringitur ad subjectum Geometriæ, h. m.
 Tota magnitudo, vel tota linea, vel tota superficies, est major
 quavis sua parte. Idem principium fit proprium in Arithme-
 tica, si ad numerum: In Physica, si ad corpus naturale tradu-
 catur, & sic deinceps. Primum tamen axioma, cujus ante
 fecimus mentionem, licet restringatur ad certum subjectum,
 in demonstratione tamen collocari non potest, nisi conclu-
 sionem ipsam ingrediatur & contradictio majori extremo ad-
 datur h. m.: Homo est animal, & non est non animal. Callias
 est homo, Ergo Callias est animal & non est non animal. Al-
 terum

rerum autem principium axiomaticum: Quodlibet est vel non est, potest ingredi demonstrationem, si ad certam materiam traducatur. E. g. Diameter aut est commensurabilis costæ, aut incommensurabilis. Sed non est commensurabilis. Costa enim respondet numero pari, diameter impari. Inde si diameter esset commensurabilis costæ, numerus par esset commensurabilis impari, quod est absurdum. Ergo incommensurabilis. Lege 1. Post. c. 11. Inde passim non ex definitionibus solum, sed & ex axiomatibus constare demonstrationes asserunt Philosophi, velut Philoponus Comm. 2. in 1. Post: *Inscientijs* ait, *proprie priore loco ponuntur axiomata & definitiones*, quod ex his demonstrationes fiant. Et comm. 6: *Nihil est prius definitionibus & axiomatibus, ex quibus est omnis demonstratio, neq. possumus quiescere, nisi aut ad axiomata, aut ad definitiones perveniamus.*

IX. Sed dices: Principia debent naturâ suâ esse notiora. Sunt enim ita perspicua & clara, ut & discens ea domo secum afferat, nec à præceptore expectet. Unde Aristoteles quoq; hoc axioma, *Necesse est unum esse principium, aut plura*, & similia, nobis notioribus adnumeratur 1. Phys. 1. Quod si autem axiomata nobis notiora sunt, utiq; naturâ suâ erunt ignotiora, & consequenter non erunt principia demonstrationum. Hæc enim erant naturâ notiora c. 4. §. 8. Verùm falsum est quod supponitur, id quod nobis est notius, statim esse ignotius suâ naturâ. Nihil enim prohibet, idem esse notius & naturâ suâ, & nobis, pro diversa scil. ratione aut consideratione. Quod indicat etiam Philosophus 6. Topic. c. 4. §. 3. dicens: *Prius est semper notius naturâ posteriore, ut punctum lineæ, linea superficie, hæc solido. Nobis autem aliquando accidit opposito modo.* Ubi notanda est vox, *aliquando*, quæ pro-

propositionem reddit *particularem*. Postea §. 4. & 5. ait, *melius esse, ut quis tentet definire per priora, quoniam hoc magis sit ad scientiam accommodatum: Sed quia non omnes capere possunt ista priora, fortasse quandoq; necessarium esse, per nota ipsis, extruere definitiones.* Tales autem definitiones, ait, non docere quid sit esse ipsi definito, ἵνα μὴ τυγχάνῃ ταυτὸν ἡμῖν τε γνωριμώτερον ὢν καὶ ἀπλῶς γνωριμώτερον, *nisi accidat idem & nobis & simpliciter esse notius.* Ἀπλῶς autem ibi idem notat, quod *naturā*, sicut & alibi vocabulum usurpatur, velut 1. Ethic. 1. & 7. Met. 4. Quo posteriore loco itidem id ipsum, quod modò diximus, innuit, cum inquit, *singulis nota esse saepe parum nota simpliciter.* Cur enim, *sape*, ait, si nunquam ea, quæ nobis nota, sunt quoq; simpliciter nota? Et quid ad hoc dicemus? De *universali* dicit Aristoteles, quod sit *naturā notius* 1. Phys. c. 1. Hoc multi de universali in eadem significatione accepto intelligunt. Id si verum est, utiq; ex sententiā Aristotelis idem & naturā, & nobis notius dici poterit, sed diverso respectu. Nempe *nobis* quidem, quatenus *confusā*: naturā verò, quatenus *distinctā* cognitione illud intelligimus. Ubiq; enim id quod confusum est, nobis est notius, quàm distinctum, sive apprehensio fiat *sensu*, sive *intellectu*. Nam, quod ad *sensum* attinet, tota alicujus facies nobis prius indistinctè occurrit, quàm oculus, aut nares, aut reliquæ faciei partes. *Intellectus* autem similiter palmam, aut arborem, aut animal prius concipit, quàm brassicam, aut cupressum, vel elephantem. Facilius enim est de quodam animali animal enuntiare indistinctè, quàm hujusmodi animal determinatè. Ratio hæc est, quoniam *unitatem prius cognoscimus*, quàm *multitudinem*. Unum enim mensura est multitudinis. Ipsa autem mensura notissima est in genere unoquoq;. Cum igitur & totum & confusum unitatem significet, quæ multitudinem sive distin-

distinctione m& partes continet, prius illa, quàm hæc, cognosci oportet. Ex quo & universalium *ea* prius mente concipimus, quæ *omnibus* conveniunt, quàm quæ *quibusdam*, ut ens & unum prius, quàm corpus & animal, id quod patet exemplo puerorum, qui conceptum matris putant esse conceptum mulierum omnium, & conceptum patris esse conceptum omnium virorum, donec intellectus perspicacior per ætatem redditus invenerit distinctionem. Universale igitur, ut ad propositum revertamur, quatenus *confuse* & tanquã commune quid consideratur, nobis notius est, quatenus autem *distincte*, &, ut pars substantiæ speciei, naturâ est notius. Unde & *genera*, quatenus *essentiam* significant, dicuntur *priora* speciebus naturâ lib. Categor. c. 13: quatenus autem *naturam universalem* denotant, *posteriora*, quia essentia naturæ universalis, quatenus est talis, in eo consistit, ut de pluribus dicatur. Unde *animal universale aut nihil est, aut aliquid posterius*, l. 1. de Anima text. 8. Nihil igitur prohibet, esse idem & naturâ notius & nobis. Quod præter Aristotelem & Alexandrum in 6. Top. 4. docet quoq; Averroës in 7. Met. qui & affert exēplū ex 2. Post: *si essemus supra Lunā, inquit, & videremus terrā inter ipsam & Solē interponi, eclipsis tunc & nobis & simpliciter sive naturâ nota esset. Nam & sensibus ipsam perciperemus, & causam simul cognosceremus.* Quod in alijs autem obtinet, cur non & in *axiomatibus* obtineret? Nempe & ea quæ, quandoq; sunt notiora & nobis, & *secundum naturam*. Nobis quidem, quia *citra demonstrationem ullam* nobis sunt *manifesta*, aut per solam cognitionem terminorum, ex quibus constant, ut, totū esse maius suâ parte; *secundum naturam* verò, quoniam sunt *prima, immediata & indemonstrabilia*, ex quibus ceteræ propositiones scientificæ oriuntur, pendent ac demonstrantur. Unde &

Averroës citato loco in *Mathematicis quasdam demonstrationes dari*, ait, *quæ simul procedant à notioribus naturâ & nobis.*

X. Porro dices, esto, sint axiomata non nobis solum, sed & naturâ suâ priora, non continent tamen causas τὸ πρόμα-
τθ, sed solum τὸ συμπέρδματθ, sive sunt principia solum
cognitionis, non etiam rei. Verum ita inter Syllogismos Dia-
lecticos & eos, qui ex axiomatibus concludunt, nihil esset discrimi-
nis. Ita quidem sensisse non paucos indicat Averroës in Epit:
cap. de demonstratione, cum dicit, *demonstrationes ex com-
munibus effatis ferè Dialecticas solere appellari.* At aberrant
hi à januâ. Syllogismi enim Dialectici δόξαν solum, sive *opini-
onem*, generant in animo hominis, quæ in cognoscendo cum
mutabilem & nutantem reddit, quod mirum non est, quia ta-
les Syllogismi constant ex propositionibus ἐν δόξαις. Ἐν δόξαις
autem non ex *re* æstimatur, sed ex *auditoribus*, eorumq; *opi-
nionibus*, quas de talibus rebus animo comprehensas habent, ut
aliquoties jam monitum à nobis. Unde & sæpè fit, ut quæ-
dam ἐν δόξαις quidem sint, sed interim *falsa*, 8. Top. 12. §. 9. At
axiomata certa & indubiæ prorsus sunt veritatis. Unde &
nomen habent. Ἀξιόν enim idem est, quod *dignum*. Quo
sensu vox hæc accipitur & in proverbio illo Græcis usitato:
Ἀξία ἢ κύων τὸ βρώματθ, *dignus est canis isto cibo*, quod usur-
patur ἐπὶ τῶν κατ' ἀξίαν ἔνθ τυγχάνοντων, ut Suidas habet in Le-
xico, *de iis, quibus aliquid ex ipsorum merito contingit.* Cui
oppositum est alterum istud adagium iisdem frequentatum:
Ἀξία ἢ κύων τὸ θρόνθ, *dignus est canis sede*, quod adhibetur ἐπὶ
τῶν παρ' ἀξίαν ἔνθ τυγχάνοντων, in eos, qui *præter meritum*
quid nanciscuntur, ut observat Diogenianus Centuriâ 2 adag:
78. Sumitur quoq; ita in tertiâ istâ parœmiâ, quæ iisdem est
in usu:

in usu: ἄξιον τὸ πάντος, *dignus est re quavis*, quod usurpant ἐπὶ τῶν σφοδρα τιμίων, *de is qui quovis honore sunt digni*, teste Zenobio Centur: 2. proverb: 2, Diogeniano Cent: 1. Proverb: 91. Michaële Apostolio Centur: 3. Proverb: 69. Terentius ἄξιον τὸ πάντος vocat *hominem quantiuis pretij*: cui opponitur ἄξιον ὕδατος, hoc est, *nullius pretij*. Τοῖς μὲν δοκεῖσιν μηδενὸς τίμιοι, τοῖς δ' ἄξιοι τὸ πάντος, ait Plato in Sophistâ, *illi quidem nullius pretij, hi quovis digni aestimantur*. Inde ergὸ ἀξιώματα d' ἔτα sunt propositiones, quæ omnium consensu dignæ sunt, ut sine probatione credantur, quod ex se sive suapte naturâ fidem mereantur. Stoici quidem ἀξιώματα appellacione enunciationem nonnunquam *omnem tam probabilem*, quàm *necessariam* indigetarunt, ceu constat ex definitione ejus, quam ex Stoicorum sententiâ in Zenone adducit Laërtius. Sic enim illa habet: Ἀξίωμα δὲ ἔστιν ὃ ἔστιν ἀληθὲς ἢ ψεῦδός, ἢ πρᾶγμα αὐτοτελὲς, ἀποφαντὸν ὅσον ἐφ' ἑαυτῷ, *Axioma illud est, quod vel verum est, vel falsum; si veres perfecta, quæ quantum in ipsâ est, enuntiari potest*. Sed & A. Gellius lib. 16. Noct: Attic. c. 8, & Sextus Empiricus lib: 2. Pyrrh: Hypot. c. 11. ex Stoicorū mente ἀξίωμα definiunt λεκτὸν αὐτοτελὲς ἀποφαντὸν ὅσον ἐφ' ἑαυτῷ, *dictum per se absolutum, enuntiabile, quantum ex semetipso*. Proclus quoq; lib: 2. Comm: in Euclidem Stoicos ἀξίωμα ait vocare πᾶσαν ἀπόφασιν ἀπλὴν, *omnem simplicem enuntiationē*. Et Ammonius in præfat: ad lib: de Interpretatione ait: Τὸν δὲ ἀποφαντικὸν λόγον ἀξίωμα καλεῖσι οἱ Στωικοί, *orationem enuntiativam axiomastoi appellant*. Sed & ipse Aristoteles nonnunquam eodem sensu vocem adhibuisse invenitur. Veluti lib: 8. Topic: c. 1 §. 11: *Confert autem non accipere continua τὰ ἀξιώματα, pronuntiata sive propositiones, ex quibus constant syllogismi*. Ubi nomine ἀξιώματα quacunq; pronuntiata in-

telliguntur, quibus utitur Dialecticus, quemadmodum observavit & Alexander. Et subsequente c. 3. §. 8: Cum difficili-
us sit πρὸς τὸ ἀξιωμα καὶ τὴν πρότασιν, in axioma & propositio-
nem, disputare, quam in questionem propositam, dubitaverit
aliquis, num huiusmodi ponenda sit, nec ne. Ad quæ verba
 Alexander iterum observat, Aristotelem dixisse ἀξιωμα καὶ πρό-
 τασιν, quod unum ibi sint idemq;. In Analyticis tamen huic
 Philolopho ἀξιώματα semper principia certa sunt, quæ à quo-
 vis facile, sine admonitore etiam, admittuntur, dicta ἀξιώματα,
 siue dignitates, quod maximè digna sunt, ut ait Themistius,
 quibus potissimum fides habeatur, & quæ principem obtineant
 locum: vel, ut Proclus docet lib: 3. Comment. ad Euclidem,
 quod omnes ita se habere existiment, atq; de ipsis dubitet nemo.
 Stoicis vocabantur προλήψεις, quasi diceres *presumptiones*,
 quod animam sui naturæ & certitudine præoccupent quasi.
 Ita sanè hanc vocem usurpat Arrianus in Dissert: Epicteti lib:
 1. c. 2. 2, quando προλήψεις ita describit: προλήψεις κοινὰ πᾶσιν ἀνθρώ-
 πους εἰσι, καὶ πρόληψις. προλήψις ἡ μάχεται, *Presumptiones communes*
omnibus sunt hominibus, & presumptio presumptioni non re-
pugnat. Talemq; προλήψιν ait esse hanc, *Quod bonum est,*
idem expetendum esse, & quavis ratione persequendum. Quæ-
 vis Simplicius in Enchiridion Epicteti testetur, etiam Stoicos
 nonnunquam ἀξιώματα & vocabulo usos esse pro evidenti prin-
 cipio & vero secundum communes notiones. Sic enim ille
 c. 58: ἤτοι ἡμέρα ἐστίν, ἢ νύξ ἐστίν, ὥς ἀξιωμα ἡλίστιν, ὥς ἐπαργῶς καὶ
 ἡλιόλας ἐννοίας ἀληθὲς παραλαμβάνειν. Ταῦτα γὰρ ἀξιώματα ἐκ-
 ἔνν διὰ Στωικῶν, *Aut dies est, aut nox, axiomatis loco, tanquam*
evidens & secundum communes notiones verum adhibetur.
Ea etiam axiomata vocabant Stoici Talis ergò cum axioma-
 tum sit conditio, non reddunt sanè illa hominem opinantem
 de ijs, quæ ex illis deducuntur, aut fluctuantem & dubitantem,
 sed

sed *περὶ τὸν* in cognoscendo καὶ ἀμείωτον. Talis autem cognitio scientia est, ad minimum ὅλη. Erunt igitur & axiomata omnino demonstrationis principia, si non cuiusvis, ejus tamen saltem, quā ostenditur, quod παρὰ aliquod insit subjecto. Verum & hoc durum est, asserere, omnes demonstrationes ex axiomatibus petitas esse solum demonstrationes ὅλη. Non enim sunt ab *effectus*, à quibus peruntur demonstrationes ὅλη, 1. Post. 13. Et sane dantur effata sive axiomata, in quibus imago quædam habetur ipsius definitionis, & attributum videtur esse causa subjecti, veluti illud: *Omne agens propter finem agit*. Finis enim est quodammodo causa agentis, quæ sua bonitate excitat illud ad agendum. Quod fortasse & Thomas spectavit in 1. Post. Scet. 5, quando *effata* dixit *contineri primo dicendi per se*. Interim non negamus, esse nonnulla axiomata, quæ non tam sint principia demonstrationum, quàm occasio potius illa investigandi. E. g. illud axioma, quod Aristoteles in Physicis utitur: *Neceesse est, aut unum esse principium, aut plura*, non attulit, ut aliquid demonstraret per illud, sed occasionem potius inde sumit ad genuina principia rerum naturalium indaganda. Et hæc de secundâ principiorum demonstrationis conditione.

CAPUT XI.

Quo illustratur tertia principiorum demonstrationis conditio, quæ hoc requirebat, ut sint notiora.

I. Tertia principiorum ἀποδείξεως cognitio requirebat hoc, ut principia sint γνωριώτερα, i. e. *notiora conclusionem*. Ita enim communiter vertunt, γνωριώτερον quidem *notius*, γνωριώτερον autem

autem *notiora*, quos nos quoque; in præcedentibus secuti sumus. Quamvis rectius γνωριμώτερα, *clariora* verteremus. Nihil enim prohibet, suapte natura γνωριμώτερα esse, quæ nemini nota sunt. Et præterea talia nomina, q̄valia sunt ἔνδοιμῳ, πόλεμῳ, ἀλώσιμῳ, & similia, non ἐνεργείας, sed ἐπιτηδεύοντες τινός, *idoneitatis* alicujus, σημαντικῶν, sive indices, sunt. Inde & Græci interpretes γνωριμώτερα exponunt σαφέτερα, καὶ ῥᾶον ἂν τις καταλάβοι, *clariora* & *quæ facilius quis crediderit*. Porro, cum γνωριμώτερα sint duplicis generis (quædam enim sunt *clariora nobis*, quædam autem *naturæ* suæ) ostendimus supra c. II. n. 9. quod *principia demonstrationis* debeant esse *naturæ clariora*, ubi & simul ex Aristotele declaravimus, quæ sint *clariora nobis*, & quæ *clariora naturæ*. Ita enim illud, φύσις, exponendum est, *naturæ*, inquam, non, ut alij loquuntur, *naturæ*. Natura namque non est facultas cognoscens. Nempe singularia, quæ sensibus propinquiora sunt, diximus esse nobis γνωριμώτερα, universalia autem naturæ. Ita enim disertè docet Aristoteles I. Post. c. 2. ut ut oppositum docere videatur in I. Phys. c. 1. Sed jam antè c. X. n. 9. ostendimus, quomodo ista duo loca, posito, quod universale in utroque; eandem significationem habeat, sint concilianda. Posito hoc, inquam. Nam alias, si rem ipsam & mentem Aristotelis paulò penitus spectemus, deprehendemus, aliter eum vocem universalis in Physicis, aliter in Posterioribus accepisse. Quod cum non parum ad declarandam tertiam hanc principiorum ἀποδείξεως conditionem faciat, paucis nobis hæc est explicandum.

II. In *Physicis* ergò Philosophus *universalia* vocat illa *prima intellecta, confusa*, quæque; sensibus idè esse dicuntur propinquiora, quod in plurimis sub sensum cadentibus deprehendantur, adeoque; tantò facilius sese intellectui nostroingere possunt.

repossint, sicut ideò & ratio animalis notior est, quàm ratio cameli, aut elephantis, quod in pluribus ratio animalisprehendatur, quàm ratio cameli, aut elephantis, adeoq; tantò facilius per inductionem ex singularibus, sive sensibilibus, concludi possit. Quod de talibus ibi loquatur Philosophus, id ex verbis ipsius evidentissimum est. *Ea, inquit, sunt nobis primum perspicua & manifesta, quæ sunt magis confusa, deinde ijs, qui hac dividunt, ex ipsis elementa & principia innotescunt. Idcirco ab universalibus ad singularia progredi oportet. Totum enim secundum sensum notius est. Universale autem est totum quiddam, quoniam universale multa tanquam partes comprehendit* §. 2. & 3. In Posterioribus autem *Analyticis universale* accipitur in peculiari & demonstrationi propriâ significatione, pro eo nimirum, quod *proprium* alicui est generi, & cum eo reciprocatur. Ut uno dicam verbo, est *propositio* ἀντιστοχῆ, sive constans ex ijs, quæ sunt ἀντιστοχα, modo ea vox sumatur in eadem significatione, quæ 2. Priorum 22. 1. Poster. 3. 1. Topic. 5. sumitur, pro ijs videlicet, quæ inter se sunt paria, hoc est, simul convertuntur, ita ut unum altero latius non pateat, ut sunt definitio & definitum, subiectum & propria. πᾶσι. Aliàs n. aliter accipitur. Veluti cū lib. 1. Rhet. c. 1. *Rhetorica* dicitur esse ἀντιστοχῆ *Dialectica*, respondere ei secundum proportionem. Quod enim *Dialectica* est in Scholis, id *Rhetorica* est in foro. *Tyrannus* quoq; hâc ratione dicitur ἀντιστοχῆ τῇ βασιλείᾳ lib. 4. Polit. c. 10. & *Musica Gymnastica* apud Platonem in lib. 7. de Republ. *Poëtica* deniq; τῇ ζωγραφίᾳ apud Plutarchum in Comment. de audiendis Poëtis. Per *singulare* autem in *Posterioribus* id intelligit Philosophus, quod communius est & latius, seu nō reciprocatur cum alio: quod ipsum in *Physicis* *universale* vocavit, in *Analyticis* autem vocat *singulare*,

gulare, quia propinquius est sensui, qui apprehendit singularia. Necessitate adactus usus est in Posterioribus tali significatione universalis. Cum enim ageret de apodicticâ propositione, quæ est *καθόλου*, debebat quoque hæc significatione & non illâ Physicâ uti. Sicut enim hoc universale ex terminis propriis constat: ita propositio *καθόλου* ex iisdem constituitur & firmam efficit demonstrationem.

III. Ex eo autem, quod notiora esse debeant & clariora principia quàm conclusiones, apparet, quam inanes scientiæ sint illi, qui in assignandis rerum causis ad occultas qualitates confugiunt, ad quarum cognitionem nos non pervenire posse arbitrantur. Quis enim, inquit, causam dederit, *quare magnes attrahat ferrum*, aut unde fiat attractio ista? A materia esse nequit, quia hæc passivū, non activum principium est. à forma itaque erit. Si hoc, vel proveniet ab illa *mediate*, vel *immediate*. Non *immediate*, quia nulla substantia naturalis est immediatum actionum talium principium. Ergò *mediate* & quidem *mediate* aliquâ *qualitate*. Quod si à *qualitate* manat iste effectus, vel à *manifesta* qualitate fluit, vel ab *occulta*. Non à *manifesta*, quia nec per caliditatem, nec per frigiditatem, nec per humiditatem, cæteraq; huius generis mirus ille fit effectus. Res enim aliæ qualitatibus istis præditæ magnetem non trahunt. Ergò dantur qualitates occultæ. Ita quæ ratio, *cur venenum necet hominem*? Ad occultas & hæc, ajunt, confugiendum est qualitates. Ex manifestis enim causis nec hoc deduxerit quisquam. Addunt videri id ipsum Galenum agnovisse, vel ut 3. Meth. 6, cum ita scribit: *Eorum, quæ tota substantia sunt adversa, methodus non est, sed omnia sunt per experientiam inventa*. Nec non 9. Simpl. 6, ubi hæc leguntur verba: *Nunc sanè sermo nobis esto de illis, quæ secundum*

dum effectrices agunt qualitates, in quibus est abutendi ratio ac methodus. Siquidem, ut ostendimus, facultates proprietatum, quæ totius substantia rationi insunt, à methodo ac ratione aliena sunt & per solam noscuntur experientiam. Nam cur hic lapis tacto vulnere, unde sanguis prorumpit, cursum ejus reprimat ac sistat, haud novimus. Hæc ille. Atq; hinc, concludunt, merito scripsisse Scaligerum Exerc. 2. 18. §. 8: *Ad manifestas omnia deducere qualitates, summa impudentia est. Id quod Alexander & multi frustra conati sunt, & temerè instituerunt. Ac saltem in venenis exempla nostra decuit conquirere. Eorum namque multa diversas habent à elementorum qualitatibus proprietates, quæ omnino latent animos temperatos, illudunt curiosis.* Hactenus & ille.

IV. Nos etsi non negamus, dari aliquas respectu nostri occultas qualitates: (quis enim particularia quævis effecta, & operationes singulas earumq; causas novit cognitasq; habet?) ad qualitates tamen istas, velut ad asylum aliquod, in assignandis rerum causis arbitramur haud esse confugiendum. Quid enim ex occultis alteri demonstrabitur, cum demonstratio omnis sit ex notioribus & clarioribus, quæ licet naturâ suâ sint clariora, sunt tamen simul clara & nota etiam nobis, si non omnibus, sapientibus tamen, ut dictum est c. IV. §. 9? Igitur ad causas occultas non oportet confugere eum, qui demonstrat aut docet, (hoc enim non est docere, cum docere sit causas, manifestas scilicet & evidentes, assignare 1. Met. 2.); sed tamdiu inquirere & naturam rei subjæctæ perscrutare, donec ad qualitates manifestas perveniat, ex quibus $\pi\alpha\delta\theta$ propositum clarè & perspicuè deducatur. Aliàs satius est ignorantiam suam confiteri abjecto omni ejus velamine, quàm multum de scientia loqui, & fucum hominibus facere, atq; simul prodere

Z

negli-

negligentiam suam. Nam, ut optimè Plato lib: 7 de Republica: ὡς ἀρχὴ μὲν ὃ μὴ οἶδε, τελευτὴ δὲ καὶ τὰ μετὰ, ἐξ ὧ μὴ οἶδε συμ-
πλέκται, τίς μηχανὴ τὴν τοιαύτην ὁμολογεῖται ποτὲ ἐπιστήμην γενέσθαι,
Vbi principium quidem ponitur id, quod est ignotum, finis au-
tem & media ex ignoto tracta invicem connectuntur, collectā
inde assertionem quonam pacto scientiam vocemus? Atque
hinc & meritò Galenus 2. Præfag. ex pulsu c. 5. in eorum nu-
mero, qui nihil docent, censet non eos solùm, qui in demon-
strando ad nomina quædam ignota, quorum ipsimet signifi-
cationem exprimere nesciunt, confugiunt, sed & eos, qui ad
proprietaem, quæ exprimi nequeat, velut asylum aliquod, se re-
cipiunt. Verba ejus digna sunt, quæ hîc legantur: διὰ τοῦτο, inquit,
ἐπὶ τῶν μηδὲν διδασκόντων ὁ ἱερὰ πρὸς ἐνίων μὲν εἰς ιδιότῃα καταφευγόν-
των ἀρρήτων, ἐνίων δὲ λεγόντων μὲν ὀνόματα, μητὲ δ' αὖ σημαίνει φυλατ-
τόντων, μηδ' ὁ βυλόντων σημαίνει ἐρμηνεύόντων, h. e. *Eorum, qui ni-*
hil docent, duplex est institutum: alterum eorū, qui ad propri-
etate, quæ exprimi nequeat, confugiunt: alterum eorū qui pro-
ferunt quædam nomina, nec tamen, quæ significant, observant,
nec quam illis significandam tribuunt, interpretantur. Ob-
servationem quoq; merentur, quæ hæc de re leguntur apud
Plutarchum 2. Sympos. quæst. 7. Mentionem ibi facit Chæri-
moniani Tralliani, cumq; retulisse scribit, vidisse se, cum ma-
re Siculum navigaret, piscem, quem Græci *Echeneidem*, La-
tini *remoram* appellant, & admiratum fuisse ejus vim, quod na-
vigationi non exiguam tarditatem moramq; injecisset, donec
tandem à Proretâ captus fuerit, exteriori parti navis adhæ-
rens. Addit non defuisse, qui Chærimonianum riserint, ut qui
fabulosum & incredibile figmentum pro reipsâ accepisset. Ali-
os autem dicit fuisse, qui ἀνὴρ παδείας jactarint & multa hujus ge-
neris commemorarint, velut, *quod elephas furens, conspecto*
ariete

ariete, insaniâ solvatur; quod vipera sistatur, si sagi termitæ admoto contingatur; quod taurus agrestis, ficui alligatus, quiescat; quod succinū omnia levia ad se trahat ocimo dempto, & ijs quæ oleo sunt imbuta; quod magnes, allio inunctus, ferrū nō trahat, atque hos quidem exillimasse istorum & similium causas assignare, esse difficile, imò fortè etiam impossibile. Verum quid ad hæc Plutarchus? Εγὼ δὲ τὸ το μὲν ἴφην ἀπόδοσιν εἶναι τῆς ἐρωτήσεως μάλλον ἢ τῆς αἰτίας ἀπόδοσιν, Ego verò dico, hoc subterfugium potius aut vitiationem esse disquisitionis, quàm causa redditionem. Sanè aliquanto, imò etiam multò difficilius est, horum causam exponere quàm aliorum, sed tamen non est impossibile omnino.

V. Tentarunt id multi in ijs, quæ pro adstruendis qualitatibus occultis suprâ Num. 3. allata sunt, exemplis, sed uni magis feliciter successit negotium, quàm alij. Et quidem quod attractionem ferri attinet, ejus causam putarunt aliqui esse animam, velut Thales, teste Aristotele 1. de anima c. 2, falsâ scilicet nixi hypothesi, quasi magnes sit animatus, cum tamen vitæ & vitæ operationes, veluti nutrire, crescere, generare, prout in viventibus propriè sunt, in eo non conspiciantur. Epicurus causam in atomorum quædam, à ferro pariter & magnete profluentium, nescio quàm conjicit circumpulsionem. Nempe dicit, atomos seu exigua aliqua corpuscula à lapide & ferro defluere, eaque inter se figuris convenire, ita ut facile sese amplectantur. Hac igitur inter se concreta, ait, resilire in medium ac ferrum unâ trahere, sicut refert Galenus lib. 1. Nat. facult. c. 14. Qui & satis egregiè hanc sententiam refutat. Vix enim intelligi potest, quomodo illa corpuscula, quæ à magnete, resiliunt, cum aliis similibus ferri corpusculis complicantur & deinde per eum, qui tamen nusquam apparet,

complexum, tam gravem substantiam attrahant. *Quod si exiguum mihi, ait Galenus, magnetem in domo quapiam pendere intelligas: deinde hunc undique multa exigua ferri corpuscula tangere, atq; hac rursus alia, & illa itidem alia, atq; ita ulterius procedatur: omnia profectò ferrea corpuscula iis, quæ à lapide defluunt, corpusculus impleri debebunt, fereq; digeretur exiguus ille lapillus, dum in effluvia resolvitur.* Nec est, quod dicant, effluvia illa admodum parva intelligi oportere: ita ut minimorum horum corporum, quæ feruntur in aëre, aliqua decies millesima pars sint. *Quis enim tam gravia ferri pondera per tam exigua suspendi dicere auderet?* Præterea quomodo magnes effluvia illa æqua facilitate & transitu momentaneo per solidissima & durissima corpora in ferrum trajiceret? nam & sub mensis lapideus positus ferrum allicit & convertit, & objectu æneorum, ligneorū solidorumq; corporum, vitreorum, marmoreorum vasorum & pixidum vis ejus impediri nequit, sed instar luminis quæquæ versum vim ex se educit in corpus conveniens in quo qualitatē directè aut indirectè sibi repugnantem non invenit, uti lumen per vitra, crystallos & alia solida diffunditur, modò opacitas lumini adversa non adsit. Plutarchus in *Quæstionibus Platonibus* quæst. VI. num. 1. & 2. comparat attractionem magneticam cum attractione ea, quæ succinum paleas attrahit: & existimat magnetem halitus emittere graves, quibus continens aer impulsus, eum, qui ante se est, tradat, qui porro in orbem agitur ac ad vacuum tum revertens locum ut unà trahat ferrum. Et cum quæri posset, cur ergò non lapidem quoq; aut lignum aërad Herculeum lapidem promoveat, aut aurum quoq; vel argentum, sed solum ferrum? respondet, *ferrum neq; adeò rarum esse ut lignum; neq; adeò solidum omnino, ut aurum vel lapis:*
sed

sed meatus quosdam habere & transitus, atq; asperitates, quæ ob inæqualitatem aëri proportionem respondeant, quibus efficiatur, ut non elabatur aër, sed sedibus quibusdam receptus & à ferro moderatè reluctatè comprehensus, cum in id lapidem re-vertens incidisset, unà secum rapiat ac proferat. Hæc ille. Verùm eadem difficultate premi videtur hæc, quâ altera illa, quæ Epicuri erat, sententia. Neq; enim apparet, quomodo magnes halitus tantâ facilitate & velocitate per durissima corpora in ferrum effundere possit. De electro quidem certum est, quod halitum aliquem aut spiritum emittat, ejusq; beneficio paleas & id genus alia attrahat: at ista attractio, vel minimo etiam interjecto obstaculo, velut chartâ, impeditur, cum nullis talibus impediatur magnetis actio. Quo accedit, quod electrum ne ad motas quidem paleas trahat nisi affricum & calore velut animatum sit, quale quid non deprehenditur rursus in magnete.

VI. Ut, quid nobis videatur, clarum fiat, observandum ante omnia est ex Alexandro II. *Quæstionum naturalium c. XXIII.* quod varij sint attractionis modi. *Primò, quædam, tum mota ante fuerint, aliam movent, eaq; vi secum trahunt & sic deinceps.* Hoc modo electrum trahit paleas. Inde enim ei halitus aliquis aut spiritus, qui attritione superficiei, reclusis meatibus, emittitur, & secum trahit aërem vicinum, hic iterum vicinum, hic proximorum corporum levissima & siccissima obtenuitatem & imbellicitatem, ut loquitur Plut. loc. cit. Eodem modo cucurbitulæ attrahunt sanguinem. At non sic ferrum trahit magnes. Immobilis enim est, nec tangit ferrum, sed nec medium aërem aut aquam trahit (traheret enim prius ad se, quæ in his feruntur leviora) sed solum ferrum per hæc ad se trahit. Quod nemini mirum videri debet. Multa enim

sunt, quæ per medium aliquod moventur aut alterantur, ita tamen ut non moveatur ipsum medium. *Non enim quodvis à quovis pati aptum est, aptum tamē esse potest, ut ipso, ceu medio, impatibili licet, agens utatur,* sicut & Alexander docet Comment. 17. in 1. Meteor. Ita Sol per vas vitreum, aquâ frigidâ plenum, trajiciens radios, incendit & perurit paleas, neq; necesse est prius incendi & comburi vitrum, aut aquam, & sic incendium ad paleas transire. Ita & Sol calefacit aërem sublunarem, & tamen interpositæ sphaeræ inferiorum planetarum non calefiunt. Torpedo, piscis marinus, manui piscatoris stuporem inducit, etiamsi eam non tangat, nisi mediante reti aut peticâ, quæ tamen nemo stupefieri facile dixerit. Lippi quoq; eorum tantum oculos inficiunt, qui ipsos aspiciunt, cæteris in eodem conclavi, licet vicinioribus, salvis. Et vetulæ aspectu infantes fascinant, sed sine infectione medij. Ita ergo & magnes ad se trahit ferrum per medium aërem, non attractio prius aëre aut aquâ. Quod si vis quædam trahendi ferrum & aëri intermedio communicaretur, aëris iste intermedius per illam vim ferrum attractum sibi detineret, nec illud dimitteret ulterius ad ipsum magnetem. *Deinde, attrahit & matrix semen, & vena ac membra nutrimentum.* Sed neque sic magnes ferrum attrahit. Etenim horum quæcunq; trahunt, eò, quod per aërem & humidum prius medium trahunt, per accidens id faciunt. *Porro, & Sol videtur trahere aquâ.* Quod quidem propriè loquendo verum non est. Si enim Sol traheret aquas, vapores non per se rectâ ascenderent, sed versus Solem declinarent, quod tamen experientiæ contrariatur. Etiam si enim Sol supra Zenith nostrum non versetur, sed sive in ortu, sive in occasu sit constitutus, tamen semper videmus vapores, nisi ventus impediat, rectâ lineâ sursum ferri. Tacemus,

cemus, quod nocte serena quoque vapores ascendant, ex quibus
 v. c. ros gignitur, cum tamen Sol supra horizontem nostrum
 tum non versetur, adeoque radios rectos ob interpositam ter-
 ram nequeat vibrare. Nihilominus ita communiter loqui
 solemus, quod Sol trahat aquas, non perse, sed per accidens
 rursus, quia aqua mutatur calore Solis in vapores, & tum fer-
 tur suâ sponte ad locum sibi naturalem, qui est sursum, ubi &
 Solest. Verum neque ita magnes trahit ferrum: non enim
 mutat illud, quando ad se trahit. *Tandem, & animal trahit*
nutrimentum, & omne concupiscibile & appetibile hoc pacto
facit id, quod medium est inter ipsum & appetens, sibi simile.
 Non enim alimentum fit intermedium, nec hoc trahitur: sed
 intermedium, quod movetur ab appetibili, speciem præbet ei,
 quod movetur, ultra ut sit in visione. Aër n. intermedium, mo-
 tus à colore, speciem ejus præbet oculo. Ita, inquit Alexan-
 der, & ferrum fertur ad lapidem Herculeum, non trahentem
 ipsum vi ad se, sed hujus naturali desiderio. Magnes enim
 totus quasi ferri matrix est & lapis quasi ferreus aut ferrum la-
 pideum, venæque ferri ac magnetis subterraneæ communes
 sunt, indeque in omnibus profundioribus ferri venis ferreæ ma-
 gnes, majorque terræ orbis portio fibris magneticis est intertexta.
 δοκεῖ ἡ λίθος σιδηρεὺς εἶναι ἐκικμασμένη, μὲν τοι ἤδη ἦτοι ὑπὸ χρόνῳ
 ἢ ὑπὸ λυγρῆς αἰτίας, αἰτ Alexander, videtur magnes esse
 terra, ex qua ferrum foditur, aridus jam vel à tempore, vel
 aliâ aliquâ causâ. Jam autem addit, ὃ μόνον τὰ αἰσθητὰ ἔχον-
 τα καὶ τὰ ἐμφυτὰ ἐφίεται τὸ κατὰ φύσιν αὐτοῖς, ἀλλ' ἔτι πολλὰ καὶ
 τῶν ἀψύχων ἔχει, non solum ea, quæ sensum habent, & anima-
 ta desiderant ea, quæ naturalia ipsis sunt, sed & inanimatorum
 multa hoc pacto se habent. Inde gravia deorsum, levia sursum
 feruntur, ad ea videlicet loca, quæ ipsorum naturæ conservan-
 da

dæ quàm maximè sunt accommodata. Inde & pleræq; arbores, cum transferuntur, si idem servetur cœli *situs*, longè melius proveniunt, quàm si facies commutetur, ut experimento agricolæ didicerunt. Non absimilem propensionem videmus in plantis plerisque. Si enim casu incurventur, suis cacuminibus assurgunt, ut medium aspiciant cœlum: si prohibeantur ab alterius umbrâ, flectuntur ad alteram partem, quâ non prohibentur aspicere cœlum. In quibusdam herbis etiam videmus tantam huiusmodi vim, ut ad Solem spontè convertantur, quod in Heliotropio & alijs multis est manifestum. Quod autem in situ obtinet, ut scil. unumquodq; quantum potest, cum situm quærat, in quo magis conservetur, idem & in alijs similibus locum habet. Nempe conjungi unumquodq; per naturam cum altero amat, aut secundum naturam ad illud se inclinat, cui si junctum sit, melius se habet. Hinc *similia faciliè in complexu cœunt, dissimilia non item*. E.g. aquæ aquosis faciliè junguntur, non item aqua & oleum. Item calidum innatum trahit potabilem substantiam ex elementis, crassitiem autem relinquit, ut flamma oleum, non aliena. Singulæ partes familiarem sibi substantiam ex alimento trahunt, hæ quidem crassiorem, istæ verò tenuiorem, unde sympathiæ & antipathiæ colliguntur. Rhabarbarum flavam bilem trahit, helleborus niger atram, inter quæ conspicitur similitudo quædam. Scorpionis corpus ejusdem venenum trahit. Et sic in alijs. Quid igitur mirum, si & magnes ferrum trahat, non alia, aut potius ferrum innatâ quadam propensione & inclinatione ad magnetem ruat & avidè se conformet, cum familiaris non solum ferro magnes sit, sed & matrix quasi ejus, ut dictum, & præterea illud ad formatum vigorem revocet & disponat. Unde & si accesserit quidpiam magneti, quod naturæ ferri sit adversum, cessat

fat hoc ad illum se inclinare, veluti si magnes alio sit illitus, quâ de re inter alios videatur etiam Proclus Diadochus Paraph. in 1. Ptolemæi desiderum affectionibus c. 3, nec non Plutarchus lib: 2 Sympof. quæst. 7.

VII. Hinc autem simul facile apparet, quid respondendum sit ad rationē, antè pro occultâ in magnete qvalitate allatam. Nempe causa, cur magnes attrahat ferrum, omninò est etiam in *materia* quærenda. Ideò ille trahit ferrum, quod affinitatem quandam habeant in materiâ, quâ facilè uniuntur, non ob similitudinem secundum formam. Proprietates enim specificæ soli conveniunt. At magnes non solum ferrum trahit, sed & magnetis ramenta. Idem aliquando facit ipsum ferrum absque magnetis infectione; scilicet tunc adipiscitur vim trahendi, cum aliud ferrum scalpendo collisum virtutem similem magneti contrahit, ut patet in scalpellis, quibus fabri armamenta cælant. Non negamus interim, actum illum, quo ferrum tendit ad magnetem, non parum promoveri posse à qvalitate quadâ activâ, si ea sit in ipso magnete, vilicet caliditate. Eâ enim si sit imbutus, eò facilius trahere potest ferrum, præsuppositâ jam in ferro propensione materiæ, quæ in similitudine consistit. Humiditate è contrario constat non parum minui vim magnetis. Nempe simile quid magneti hic evenit, quod evenire videmus electo. Ut n. hoc, quo magis per attritionē calefactum est, eo magis trahit: Sic & magnes post concussionē, calefactus quippe, efficacius trahit, & sensui patent ejus corpuscula egredientia, quæ instar lanuginis illi adhærent. Quod autem dicebatur, à materiâ causam attractionis ferri peti non posse, eò quod hæc passivum, non activum principium sit, ad id dicimus, certum quidem esse, quod materiæ non tribuatur propriè actio, sed passio: quamvis &

pati aliquando agere dicamus, ut cum gravitatem & levitatem dicimus movere sursum & deorsum, cum potius gravitas & levitas sint principia patiendi, 8. Phys. t. 3 2: nihilominus negari non potest ad assignandam causam istius *πᾶσιν* omnibus numeris absolutam, ad materiam quoq; & quidem *πῶτος* ferè esse hic respiciendum. Secundum propensionem enim materiæ ob similitudinem vel dissimilitudinem effectivæ qualitates agunt vel non agunt, aut facilius agunt, vel difficilius. Neq; enim quodvis agit in quodvis, neque quodlibet patitur à quolibet; sed actus eorum, quæ agendi vim habent, recipiuntur in disposito, 1. Phys. t. 43. 4 de Cælo t. 22. 2. de Animat. 14. Inde in omnibus effectioibus propriè dicti duo principia sunt necessaria, unum agendi, alterum patiendi. Sed tamen aliquando fit, ut tota actio tribuatur principio patiendi, ut in motibus naturalibus: aliquando principio activo, ut in artificialibus & violentis. Sæpe enim impetus naturalis plus confert, quàm agens, aliquando è converso. Et quælo, si ab inquisitione causæ attractionis magneticæ prorsus sequestranda est materia, cur ergò magnes solum ferrum & ramenta magnetistrahit, aurum & argentum, lignum & similia non item? Causam nunquam assignaveris, nisi ad dispositionem materiæ diversam in ferro & reliquis istis confugeris. Et hæc de causa magneticæ attractionis.

VIII. Ad venena porro quod attinet, arbitramur nec illa per qualitates *occultas*, sed *excessu primarum* qualitatum necesse. Cum enim principia omnium generabilium & corruptibilium sint quatuor primæ qualitates, *calor, frigus, humiditas, siccitas*, ab iisdem pendere omnē actionē & passionem necesse est, 4. Meteor. c. 1. Cum igitur venena corruptionem inducant calido nativo, & tandem propriæ animalium temperiei, necesse est illa per qualitates primas agere, hancq; non parum
supera-

superare, sed multum. Alias enim non corrumpere, sed solum alterarent. At huiusmodi ponitur *quartus* gradus, tanquam *extremus*, *frigidorum* quidem, cum *extinguitur*; *calidorum* autem, cum *urit*, s. Simpl. c. ult. Idem porro patet & inductione. Nam si temperamenta cuiusque deleterii, cum frigidis, tum calidis, perquiramus: omnia in quarto gradu, siue frigidorum, siue calidorum, à veteribus constituta esse reperiemus. Deleteria enim *frigida* ponuntur opium, mandragora, cicuta, hyoscyamus, quorum frigiditas in extremo est: ideoque & obstupefaciunt. *Calida* autem cantharides, aconitum, argentum vivum, auripigmentum & alia multa, quorum omnium caliditas in extremo ponitur: ideoque putrefaciunt. Quæ autem interimant solâ siccitate, aut humiditate, non inveniuntur, quoniam hæ qualitates non accedunt ad quartum gradum sine auxilio activarum. Quæ enim extremè exsiccant, etiam extremè calida sunt: humiditas autem medijs magis congruit, quàm extremis, ut patet in & elementis. Ignis enim & terra gravium leviumque extrema sunt, sed utraq; sicca: aer & aqua humida, sed eadem media. Quod si aqua vehementer refrigeretur, congelascit & sicca redditur: aer si uratur, ignis fit. Vid. Galenus s. Simpl. ult. Genera igitur deleteriorum duo solum sunt, alia quidem *calida*, alia verò *frigida*, utraq; in quarto gradu.

IX. Nec est, quod dicat quis, etiam piper in quarto gradu calidum esse & siccum, itemque allium, neque tamen venenis annumerari, sicut auripigmentum & argentum vivum. Ex Galeno enim s. Simpl. 19. constat, *alterationes* alias esse à *calido*, *frigido* *humido*, *sicco*: alias à *totâ substantiâ*. Per totam autem substantiam intelligit non solum *formam*, sed simul & *materiâ*, quæ & ipsa aut familiaris est, aut inimica. Accipitur verò hîc forma pro temperamento proprio ex calido

& frigido, humido & sicco. Nam essentia omnium effectricum factum sunt primæ qualitates, ex quibus omnia constant. Et Aristoteles 4. Meteor. 1. *actiones & passionēs omnes docet esse opera primarum qualitatum; organicarum autem naturam esse animam.* Per materiam autem intelligendæ sunt conditiones materiales, ut crassum, tenue, grave, leve, materia metallica, aut plantarum, aut animalium, unde facilitas provenit aut difficultas ad agendum vel patiendum. Mirum autem hoc nemini videri debet, quod ad substantiam quoque referatur materia. In eo namq; jam supra diximus differre res naturales à rebus Mathematicis, quod formæ Mathematicæ sint abstractæ ab omni materiâ sensibili, quemadmodum forma circuli ab ære, argento, auro, ligno &c; formæ autem sint in certâ & determinatâ materiâ, ex quâ cum formâ junctâ demum integra rei naturalis essentia composita est, quâ Aristoteles vocat τὸ τί ἦν εἶναι. Ex his igitur, quæ inter se contraria sunt, quædam *totius substantiis* inter se contraria sunt, id est, non *qualitates* solum habent contrarias, sed & *materiam* inimicam: quædam autem *qualitatibus* quidem distant, sed *materiam* tamen habent *familiarem*. Ex quibus hæc facillè in se mutuò converti possunt, illa non item. Sicut in elementis facilis est conversio eorum, quæ symbolum habent, ut sunt ær & ignis, item ær & aqua: at in ijs, quæ symbolum non habent, non est transitus, aut admodum difficilis. Quod autem in elementis est symbolum, id in corpore humano sunt materiæ conditiones. Inde si hæ conditiones materiæ in aliquo corpore familiares sunt corpori nostro, facillè ea convertitur in substantiam corporis nostri, ut videmus in succo plantarum, velut hordei, tritici, præsertim si adhibita præparatione in farinam confundatur & elixetur, aut in panes assetur. At si tales in aliquo corpore conditiones non sint, aut
 pror-

prorsus non convertitur in corpus nostrum, aut admodum difficulter, velut si materia admodum terrestris sit & gravis, qualis metallica esse solet. Jam *piper* & *allium*, licet temperamentum habeant maxime contrarium, materiam tamen habent familiarem, levem ac tenuem, & sic facile convertibilem. Unde eorum fervor extinguitur. At auripigmentum & argentum vivum non solum temperamentum habent maxime contrarium, sed & eorum materia maxime gravis & metallica converti nequit à calore nostro. Ideò non extinguitur eorum fervor. nam instar ferri igniti corpori incumbunt, totà contrariā substantiā. Inde Galenus Comm. 6. in 6. Hippocr: de Morbis epidemijs sive vulgaribus c. 3. *quatuor* dicit esse *materias*, quæ aut convenient cum corpore nostro, aut aliena sint. Quædam n. conveniunt non formā, sed materiā solum. Veluti medicamenta purgantia conveniunt cum humoribus, quos trahunt, non formā quidem (quæ enim similitudo substantiæ in temperamento hellebori & atræ bilis, colocynthidis & pituitæ?) sed tamen materia, quæ facillimè convertitur in humores, quos trahunt illa ob affinitatem. Trahunt igitur nō temperamento calido, sed similitudine propriæ substantiæ proprios humores. Quo differunt ab attrahentibus caliditate tenuium partium, ut sunt propolis & fimi genera. Secundò quædam conveniunt cum corpore nostro & formā, seu temperamento, & materiā, ut alimenta. Ea enim & dulcedinem habent, quæ non recedit à mediocri temperamento, & materia eorum facile convertitur. Non enim gravis est, nec valde dura aut terrestris juxta illud: *Quod nutrit leve est, cujusmodi est dulce: salsum autem & amarum propter gravitatem relinquitur*, lib. de sens. c. 4. Tertiò quædam ex toto aliena sunt & temperamento & materiā, ut venena. Eorum enim temperamentum maxime recedit à temperato, quoniam corrumpunt excessu

primarum qualitarum. *Cor enim, ut est apud Galenum 3. Simpl. 18. non deficit à suo motu sine maximâ intemperie aut primariò, aut secundariò, per secundas qualitates, ut valde relaxatum aut constrictum.* Materia verò eorum omninò immutabilis est à calore nostro, ut sunt metallica & ijs affinia. Denique nonnulla *conveniunt* cum corpore *temperamenti medicritate*, sed *differunt* ab eo quadantenus *materia*, & potius quod ad ipsam attinet, *conveniunt* cum venenis, quod in utrisq; materia sit inalterabilis. Agunt autem in venenum, aut attrahendo ob similitudinem substantiæ, aut qualitatibus contrariis alterando. Reliqua medicamenta, solis qualitatibus agentia, materiam habent neque familiarem, ut alimenta, neq; omninò alienam, ut venena. Ideò mutantur quidem à corpore nostro non in substantiam, sed secundum qualitates: interim corpus alterant pro eodem temperamento, secundum primas qualitates, aut secundas, à quibus sequitur aliquando sanatio, aliquando interitus. Quod igitur venena necent, id fit quidem excessu primarum qualitarum, sed cum materiâ tali. Et hinc Galenus dicit, ideò venena necare, quod *agant secundû substantiam totam*. Observavit hæc Andreas Cæsalpinus, Medicus Romanus, vir apprimè doctus, in Speculo Artis Medicæ Hippocratico lib. 3. c. 2.

X. Excipiet quis primò, si secundum totam substantiam agerent venena, tum corpus non alteraretur à venenis, sed statim interiret. Omnis enim substantiæ mutatio aut *procreatio* est, aut *corruptio* (qualitatis autem est alteratio). *Procreationi* verò hic locus non est. Interiret ergò corpus, simul ac patitur à veneno. Verum hoc esset, si essentia esset, velut *unitas*, quæ in indivisibili est posita: & non potius, sicut *numerus*, ut determinat Aristoteles in 8. Met. 3. Ut enim numerus, v. g. ternarius,

narius, includit tres unitates, & duas præsupponit, antequam tertia accedat, quæ complementum dat, ut fiat ternarius, ita quidem ut eo ipso momento, quo accedit tertia ista unitas, fiat ternarius, etiam si partes quædam ejus ante extiterint, antequam fieret ternarius: ita & essentia rerum naturalium, præcipue animatarum sive organicarum, varia includunt & præsupponunt, veluti anima sensitiva animam vegetativam & corpus tali modo dispositum: anima vegetativa itidem corpus debite præparatum: & hoc varias alterationes ejus materiæ, ex quâ corpus tale fieri debeat, adeo ut essentia in generatione non adsit subito, sed materia longo tempore alteretur, donec forma recipiendæ fiat idonea, quæ ipsa receptio similiter fit in momento. Quemadmodum autem in generatione, sic & in corruptione sunt gradus quidam, qui ipsi tamen non sunt corruptiones strictè loquendo, sed alterationes. Agunt itaque venena quidem secundum totam substantiam, verum non ideo statim totam substantiam simul & semel invadunt, ut ea statim pereat, sed paulatim alterant, donec tandem interitus sequatur. Ita enim pereunt substantiæ naturales, ut alterationes antecedant. V. c. Vinum vapescit primum, antequam acetum inde fiat. Et in febribus eor semper incalescit magis & magis, usque dum calor sit in illis, h. e. habeat locum, qui interimit, calorem.

XI. Excipiet secundò alius, cur ergò Galenus facultates secundum totam substantiam occultas dicit, quæ habentur per solam experientiam, non per rationem? At ipse Galenus s. Simplic. inter reliquias facultates etiam de alexipharmacis & venenis & tandem de ijs, quæ secundum totam substantiam agunt, rationes perquirat. Imò in eo ipso libro c. 2. non obscure indicat eum demum Medici veri nomen sustinere, qui talium rationem novit. *Quivis ex plebe, ait, & plerique*

idiotarum remedia secundum primas qualitates agentia inveniunt, at secundum reliquas nullus ex iis remedium peruestigandum sumit: tanquam unumquodq; eorum majus jam sit, quam procaptus hominis plebei ac scientiam requirat venerabiliorem: eam scientiam nuncupant Medicinam, & qui eam exercet Medicum. Lib. 3. Simpl. 18. usque ad 24. testatur, varias rationes venenorum esse, quibus interimant. Nec temerè, ut Empirici, sed exactâ ratione theriacam venenis oppositam ab Andromacho Cretense Neroni compositam. Multaq; quæ hominem perimunt, remedio esse, sic certo modo castigentur, ut vipera & carnes &c. lib. de Theriacâ c. 3. Quin imò in 5. Simpl. c. 18. disertè docet, non obscuram esse alterationem, quæ sit per totius substantiæ facultatem, saltem ijs, qui cognita haberet, quæ à se demonstrata essent in Comm. de nat. facultatis & libris de temperamentis.

XII. Cur ergò occultas, inquires, 9. Simpl. dicit facultates secundum substantiam totam? Idèò omninò, ut videtur, quia difficilis earum est ratio. Unde & ἀναίολόγητα nonnullis dicuntur, quæ ita se habent. Ἀναίολογότητον enim est ex α privativo & αἰολογέσθαι, quod est, causam reddi. Ea verò, quæ ab α privativo incipiunt, solent non rarò duplici gaudere significatione & nunc δύσῳρμαιν, nunc difficultatem solū denotare. Veluti ἀδύνατον dicitur cum id, quod nō potest ita se habere, velut idem simul esse & non esse; tum id, quod difficile est lib. 1. de coelo c. 12. t. 111. & lib. 11. (13) Met. c. 11. Ἀπείρον quoq; dicitur tam id, quod perirāsi nullo modo potest, quā id, quod potest quidē, sed vix aut agere, lib. 3. Phys. c. 6. t. 34. Pariter ergò & ἀναίολογῆσθαι dicitur partim id, cuius ratio prorsus reddi non potest, veluti cur ignis sit calidus, aqua frigida, aer humidus: partim id, cuius difficile est causam assignare. Et hoc sensu vocem usurpavit etiam Dioscorides in præfat. libri de venenatis

ris animalibus, cum ait: χαλεπὴ αἰσθητικὴ καὶ ἀπὸ τῶν τοξόων
 ζώων, καὶ θανασιμῶν φαρμάκων συμβαίνοντα, *Vocantur affectus,*
qui à virulentis animalibus venenis q̄, contrahuntur caci, id
est, abditi, quorum causa non facile potest investigari. Quam-
 vis enim hoc difficile sit, non tamen impossibile est omnino.
 Nempe colligitur ratione in venenis excessum esse alicujus
 qualitatis agentis, (alioquin non corrumpere) & materiam
 quandam contineri, quæ vinci nequeat à calore nostro. Ex
 quibus sumi possunt indicationes morborum. Verùm facili-
 us est invenire excessum qualitatis activæ, quàm materiæ condi-
 tiones, in quibus similitudines & dissimilitudines consistunt.
 Hæ n. minus patent, quod solâ ferè experientiâ cognita habeā-
 tur. Ita jaspis viridis tactu vulneris sanguinē sistit, qui actus sine
 dubio potissimum provenit à facultate repulsoriâ & astringente
 propter frigiditatem. Ast non omnia repellentia & astring-
 entia id efficiunt, sed ea, quæ συμπαθεῖαν habent cum sanguine,
 qualis est in jaspide viridi, cui guttæ sunt sanguineæ, qualis co-
 lor etiam in lachrymâ est, quæ sanguis draconis dicitur, nec
 nō in hæmatite lapide, quibus & ipsis vis sistendi sanguinē inest.
 Sed in quo consistat συμπαθεῖα illa, quæ nihil aliud est, quàm fa-
 miliaritas materiæ, difficile est determinare. Idem obtinet &
 in aliis medicamentis, quorum quædam unam particulam ma-
 gis respiciunt, quàm alteram, ob eam, quàm antè tetigimus,
 familiaritatem. In omnibus enim, ut aliquid etiam ex Aristo-
 tele addamus, ad dilucidationem eorum, quæ hætenus dicta
 sunt, in omnibus, inquam, *quæ agunt & patiuntur, duo sunt,*
contrarietas & similitudo. Istius ratione facultas agens dici-
 tur, quæ in primis qualitatibus consistit: hæc autem provenit
 à materiâ, quæ patitur, & facit, ut quædam à quibusdam,
 patiantur, quædam nō: aut quædam facilius, quædam difficili-
 us. Nempe in quibus *major* est similitudo, ea facilius patiun-

tur: *difficilius*, in quibus similitudo *minor* est. Sic pingvia facillimè ab igne comburuntur, aqua difficulter: & olcorum genera cum resinâ facillè miscentur & invicem patiuntur, liquores aquei autem cum generibus gummi. Contrà autem nec resina cum liquoribus aqueis, nec gummi cum oleis misceri queunt, nisi summâ cum difficultate. Quæ omnia accidunt ob conditiones materiæ, v. c. levitatem, gravitatem, crassitatem, tenuitatem & similes. Ob has n. aqua cum terrâ convenit, aër cum igne, crassa cum crassis, tenuia cum tenuibus, &c. Ob eandem itaque rationem quædam medicamenta hanc corporis partem magis afficiunt, quædam alteram, ob similitudinem scil. vel familiaritatem, quæ ipsis invicem intercedit. Unde quædam cordialia, quædam hepatica, quædam cephalica appellantur, prout has partes magis afficere apta sunt. In quo autem similitudo illa consistat, id difficile est explicatu, ideoque occultum esse dicitur, verum non simpliciter, sed ijs, quibus natura rerum non satis perspecta est. Rationes porro talis similitudinis sæpè dari non possunt. *Neg. enim omnium rationes quærendæ sunt:* sed sunt nonnulla, quæ per solam experientiam manifestantur, velut ignem urere & nivem esse albam. Ideoque talia, ut Galenus rectè dicebat, *sub methodo propriè non cadunt.* *methodus* enim, ut infra dicemus, vim demonstrandi habet: demonstrare autè est rationes sive causas rerum assignare. Deniq; non diffitemur, Galenum 9. Simpl. 6. agnoscere quædam Medicinæ arcana, quæ per solam observationem inventa sint, quorum rationem *nondum constare* asserit, imò fortè *nec planè inveniri posse.* Verum inter ea, si non omnia, plurima tamen ex Magiâ desumpta sunt, ut sculptura draconis in Iaspide viridi & huic gemina, quæ si Galeno omninò occulta fuerunt, mirum non est, cum operâ dæmonis fiant.

XIII. Illustrari possunt, quæ hæcenus adduximus, etiam ex ipso Alexandro Aphrodisco. Non enim istam superciliosus fuit, ut causas se omnium rerum, etiam illarum, quarum reverâ sunt causæ, perspexisse se existimarit, uti quidem Scaliger ei tribuisse videtur, quin potius rotundè fatetur, esse aliqua, quorum rationem & ipsum, & alios, cæteroqvi satis perspicaces, fugerint. Ne id abs re scripsisse videamur, confirmat hoc satis luculenter locus iste ex libello ejus de fato: Ἀδελὰ, inquit illic, τὰ ἀλφα ἀνθρώπινῳ λογισμῷ ἐκείνων μάλλον, ἢ καὶ ἄλλας ἀνελπαθείας γίνεσθαι πεπίστευται, ἀγνοούμενης τῆς αἰτίας, δι' ἣν γίνεται. Οἷα περὶ αὐτὰ τὴν ἑλπεύσαν προσέληται, ὅδε μίαν εὐλογον καὶ πιθανὴν αἰτίαν τῶν αὐτῶν ποιεῖν ἔχοντα. Ἐτι δὲ ἐπαοιδῶν, καὶ ἕνεσ τοιαῦτα μαγικῶν, τῶν γὰρ ὁμολογεῖται μὲν ὑπὸ πάντων ἀδελῶν εἶναι ἢ αἰτία, διὸ καὶ ἀναλόγητα λέγουσιν αὐτὰ, *Illorum humano intellectui occulta causa dicuntur, quæ per naturales quasdam disidentias fieri credita sunt, causâ ignotâ, propter quam fiunt. Cujusmodi credita sunt amuleta quædam, quæ nullam rationabilem aut probabilem causam habent, cur tales effectus producant. Sic & incantationes & aliquæ hujusmodi magicæ operationes. Harum enim causam haud manifestam esse, videlicet nobis, omnes agnoscunt, ideoq; eas ponunt in eorum classe, quorum rationes dari aut cause explicari haud queunt. Prolixius eadem de re disserit in præfat. libri primi Problematum. Ait enim quas-
stionum naturalium rationem in quibusdam esse certam atq; ab omni ambiguitate & dissensione abjunctam. Quis enim, pergit, modò mentis sit compos, quærat, quam ob causam natura pennas voluerum generi sit largita? Patet enim omnibus eas primùm fovendi gratiâ, perinde atq; amiculum, generi isti animantium esse concessas; deinde etiam ornatus gratiâ, eâdem videlicet ratione, quâ pilis natura ingenio teguntur, quæ ingressu utuntur animantes, & qua cortice serpentes quæq; fœva-*

mis, aut testis, bestia incola aquarum. Item, quis querit, cur natura alijs animantibus cornua dederit, alijs ungues acutos, aut rostra, aut tale quid? Constat enim naturam his ipsis veluti quibusdam hastis nativis bestias istas munivisse, quo se defendere ab iis possint, quæ invherent detrimentum. Constat item fructuum ac seminum genera, quæ ad ortum vitamque succedendi perpetuam natura molita est, tunicis aut aliquibus corpusculis humidis, aridisve, aut corio vestiri, ut secura tum à frigore, tum ab aestu, tum etiam ab animantium injuriis præserventur. Hæc & similia, subdit, tam certa quæ discutienda in medium affert, mente procul dubio vacat. At qui ambigit, an calor igni sit insitus, hic tangendi sensu orbatu degit. Qui querit, utrum natura & ratio provida rebus oriundis occidendisquæ consultet decernatquæ ordinem, motum, positum, speciem, colorem, cetera generis ejusdem, hic porro criminis teterrimi reus est gravis simusquæ, obnoxius pænis. Hinc progreditur ad aliud quæstionum genus, quarum rationem ait esse inexplicabilem, modumquæ penitus humani ingenij excedere, Deoque duntaxat immortalis esse cognitum, quæ rerum omnium parens est & auctor, perinde ut in artificiliabus operis solertissimi cujusdam ratione artifex quidem, qui extruxit illud, integre tenet, ceteri vero, qui artus istius sunt ignari, rationem nullam reddere queunt, sed tantummodo rem inspectant & demirantur. Et talia quidem dicit esse inter alia & ista: Cur nonnulli cum mutuum marmorum attritum, sectionemve, aut ferri stridorem, limarumve sentiunt, dentibus obtorpescent? Unde fiat, ut leo gallum tantum extimescat? Cur gallina, edito ovo, festuca aliquæ se & ovum lustret? Cur torpedo piscis torporem per funiculum nostro invehat corpori, trigla autem obtenta vitium à torpedine accitum tollat? Hujusmodi, addit, permulta alia licet enumerare, quæ nosci tantum experimento potuerunt: unde apud Medicos ab-

dita

dicta illa delitescentesq; causa his in rebus habentur, quarum nulla ratio reddi poterit. Fatur ergo & Alexander satis apertè, dari res quasdam, quarum causæ nobis non sint cognitæ: verùm ad eas in docendo se non recipit, sed potius, perinde ut Galenus, ignorantiam suam hîc fatetur, atq; non posse eas à nobis comprehendî scientiâ affirmat, adeoq; nec sub doctrinam cadere, indeq; nec quæstiones de ijs esse movendas. Quod patet ex ijs, quæ mox subjungit, ubi apertè ea, quæ sub doctrinam cadunt, ab istis distingvit, dum ait: *Quærenda igitur illa sunt, quæ locum obtinent medium, hoc est, nec ex se perspicua sunt, nec tam occulta, ut percipi à nemine possint, sed quæ quamvis difficilia sint & obscura, explicari tamen lucemq; recipere rationum & doctrinæ hominis atq; ingenio possint,* id est, scientiâ comprehendî, quæ aut doctrinâ, aut inventionem comparatur. Atque hinc & rectius causæ istæ ignotæ, quàm occultæ dicuntur. In se enim satis sunt manifestæ & perspicuæ, ceterum nos fugiunt, quorum mentis oculi etiam in rebus clarissimis, & naturâ suâ evidentissimis caligant.

XIV. Ita patet, qualitates occultas, ad quas in assignandis rerum causis aliqui confugere solent, nihil aliud esse, quàm ignorantie portum. Quod & illi se recipiunt, qui cum caloris & frigoris in aëre causas assignare volunt, ad occultas coeli influentias, ut vocant, confugiunt, cum sufficienter ista ex causis manifestis queant deduci. Negari enim nullo pacto potest, quod motus, præsertim si celer sit & cum reverberatione conjunctus, vim habeat calefaciendi, *παρεντρεβόμενους τὸ θερμὸν*, ut loquitur Philosophus lib. 2 de coelo c. 7. f. 42, quod *aër per motum fricetur* ab ijs, quæ moventur, sive, ut est, in 1 Meteor. 3, *disgregetur & dissipetur.* Dum enim vi motus disgregatur & attenuatur, evanescit paulatim humiditas & remanet ca-

luiditas, istam autem excipit siccitas ob partium tenuitatem. Patet id exemplo sagittarum, quæ arcu, omnibus nervis intento, emissæ aërem tam intense calefaciunt, ut vel ipsum plumbum hinc, quod est in ipsis, liquecat. Sed & ligna videmus motu accendi in tornionum officinis, in quibus ad motu ligni querni rotundatis orbes inuruntur, opere aliquoties versato. Pariter & attritu cinguli in aridis truncis excitatur ignis; nec minus ferrum, dum atteritur, incalescit; & lapides ignescunt, in quibus cultri acuuntur ob crebrum attritum. Denique & ex chalybe, si silex ei fortiter admoveatur, per attritum elicitur ignis. Non minus verò & experientia testatur, lumen haud parum conferre ad calorem in aëre excitandum, si sit in corpore circummagitato. Quamvis enim illud per se non atterat, est tamen velut præparatio & medium quoddam, quo disponitur aër ad motum, qui atterit, recipiendum. Cujus ratio est in promptu. Naturali namque appetitu corpus διδρανον, sive perspicuum, præsentiam corporis exposcit luminosi, quod à lumine perficiatur; perinde ut materia desiderat formam, seu suam perfectionem. Ex quo & ab Aristotele lumen definitur actus perspicui, quâ ratione perspicuum est lib: 2 de anima c. 7, id est, forma, quæ in corpore perspicuum recipitur, secundum ipsam perspicuitatem, seu virtutem luminis susceptivam. Hinc autem porro fit, ut motu corpore luminoso lumen diversimodè suscipiatur. *Illuminatio enim non fit, nisi per lineam rectam*, ut ostendit Vitellio lib: 2 Perspectivæ Theor: 1. Et loquitur res ipsa. Per rimulam enim incidentes radii luminosi directe ad oculum deferri conspiciuntur, ipsique etiam umbrarum termini ubique recti deprehenduntur. Ex quo etiam fit, ut cum sonus pleraque corpora penetrat, lumen idem non præstet. Ille enim obliquos poros pertransit seu per gyros quosdam expanditur; hoc autem pertransi-

re, nisi rectos, haud potest. Moto ergò corpore luminoso aspectus fit alius atq; alius: hujusmodi autem mutatio principium est attritionis & caloris. Cum enim perspicuum apertionem quandam & dilatationem in susceptione luminis patiatur, atque hanc ad motionem corporis luminosi successivè secundum alias atque alias lineas, quid consequi aliud potest, quàm ut corpus perspicuū minutatim atteratur, tantoq; magis, quanto velocius corpus luminosum moventur? Apparet id in oculo. Unde enim ad aspectum corporis lucidi variè moti oculus multò magis afficitur, quàm si in eodem id maneat situ & loco? Sanè non aliundè, quàm quod luminis motu attenuantur humores, qui sunt in oculo. Motus enim, qui attenuandi vim habet, hanc vim suam in oculum mediante lumine, seu vehiculo, diffundit.

XV. Calefacit ergò coelum ea quidem, quæ ipsi propinquissima sunt, quale *ignis* est, corpus illud *levissimum, tenuissimum, calidum & siccum*, quod est coelo contiguū, atq; ignis dicitur non propriè, sed κατὰ ἀναλογίαν 1. Meteor. 3 & 4. indeq; lib. 2. de Gener. & corr. c. 4. non tam πῶρ quàm πυρῶδες vocandus esse judicatur, perinde ut id, quod in animalibus carni ἀλόγον est, σαρκῶδες dicitur lib. 3. Hist.: Animal: c. 6; & pars quædam aëris motu, etiam sine lumine communicato, inferiorem autem hunc aërem motu, mediante lumine recepto, quo inferiorem hanc plagam astra quodammodò tangunt. Quod confirmat experientia quotidiana. Videmus enim inferiora corpora Solis luce calefieri: atque animalia, cum calorem affectant, ea, quæ Sol illustrat, quærere loca; cum autem calorem fugiunt, fugere lumen Solis atq; secedere ad umbras. Et unde fit, ut Sol in meridie magis calefaciat, quàm in ortu, aut occasu? Et in æstate magis, quàm in hyeme? Et in Zona torrida

dâ magis, quàm in temperata? nisi quia lumen illic est intensius, quod fit ex *reflexione radiorum*. Cum enim lumen à corpore luminoso rectâ procedens incurrit in corpus opacum, impeditur transitus ejus ad partes posteriores, indeque reflectitur, id est, ad partes medij aëris, in quibus jam fuerat productum per motum directum, retrocedit, non quidem ita, ut eadem pars luminis, quæ corpori opaco fuerat allapsa, ab eodem recedat, sicut pila eadem ad parietem projecta ab eodem rediteademvi, quâ motu directo in terminum suum processerat (hoc enim naturæ luminis est adversum, cum non corpus sit aut substantia, sed accidens): sed quia ratione corporis opaci, à quo impediabatur, ne ultra progrediretur, in ceterioribus partibus medij aëris intenditur. Hoc autem dum fit, necessarium est, ut aër, quippe fortius lumen recipiens, tenuius atteratur, atque sic calor in eo intendatur. Videmus id manifestè in speculis, quorum adminiculo Archimedes *triremes* hostium acce disse legitur, *constitutus illis è regione, ita ut repercussi radij solares in materiam triremium ad concipiendum ignem idoneam impingerent*, teste Galeno lib: 3. de temperam. c. 2, ubi & narrat in *Mysia, Asia parte, conflagrasse domum ex radiis Solis astivis incidentibus in resinam, qua porta adium illita fuerunt*. Sed & de Proclo, insigni Mathematico, memorat Zonaras, in vitâ Anastasij Imperatoris, quod *suspensis aeneis speculis è Constantinopolitano muro ignem radius accensum instar fulminis in adversam hostium classem emisit, classemq; & classiarios combusserit*. Non in Sole autem solum, sed & in Lunâ cernere licet ejusmodi vim quandam, quæ efficiat calorem. Ideò enim noctes plenilunii sunt tepidiores, quia tunc Luna *ut uberius ex se lumen fundit, ita & subjectis corporibus plus luminis imperit*, observante etiam Aristotele lib: 4. de partibus animalium c. 5. Sed & animalia exan-

sanguis & frigidioris naturæ, ut ostreas, conchylia & echinos, per id tempus pingviora seu pleniora esse videmus, quod minus lædantur à frigore, robur accipiente calore ipsorum à lumine Lunæ intensiori. Experientia insuper testatur, *Lunæ* lumen adollescens vim insitam rebus genitalem adjuvare atque *conceptibus utilem esse* fecunditatem in *feminâ* pariter & *mare promovendo*, quod & Hippocrates observavit in lib: de oſtimeſtri partu. Cui adſtipulatur etiam Ariſtoteles. Inde enim is *Lunam ait velut alterum eſſe Solem, conducereq; ad omnes generationes & perfectiones* lib. 4 de Gener. Animal: c. 10.

XVI. Quemadmodum autem motus & luminis tam Solis, quam Lunæ, aliorumq; cæleſtium corporum, præſentia in inferioribus his calorem affert: ſic quies & abſentia luminis, ſive tenebræ, frigus progignunt. Quamvis enim cælum nunquā abſolutè quieſcat, quieſcit tamen nonnunquam his inferioribus mundi partibus, quando motus ejus ad eas mediante lumine non deſertur. Id ergò cum fit, ceſſat pedetentim calor, & frigus ſuccedit. Inde ſanè fit, ut media æris regio frigidiſſor ſit reliquis, quod motus cœli neq; ob diſtantiā eò perveniat per contactum immediatum, ceu pervenit ad ſphærâ ignis, neque per reflexionem luminis, quæ ad illum locum itidē non pertingit. Non eſt tamen & ipſa ſine omni calore. Si enim ſummè frigida eſſet, non circummoverentur ibi tamdiu nubes, ſed ſtatim in pluvias reſolverentur: multò minus herbæ illic arboresq; nascerentur & viverent, quod tamen fieri videmus in ſupremis montium cacuminibus, quæ mediam æris regionem contingunt, lib: 1. Meteor. c. 3. Id autem ex eo provenit, quod non ſine omni ſit & iſta regio communicatione motus cæleſtis. Pertranſeunt enim & illam radij ætheræ lucis, ſi non reflexi, directi tamen. Sed hanc ipſam ob cauſam, quod

illi non gementur istis, est calor, qui ibi est exiguus, si cum inferiore hoc comparetur. Ob similem causam hyems frigidior longè est æstate, quia æstate radij Solis, ad perpendicularum magis accedentes, magis retorquētur. Noctes quoq; sunt frigidiores ob absentia luminis. Sed & menstrua mulieribus secundū naturam eadē de causa fluunt, mensibus decrefcentibus. *Tempus enim hoc mensis*, inquit Aristoteles lib: 2. de Gener. Animal c. 2, *est frigidius & humidius propter Lunæ decrementum defectionemq;* Sol namq;, pergit, ut per totum annum hyemem atq; æstatem facit: ita id per mensem Luna agit. Quod ita fit non accessu discessuq; Luna, sed alterum incrementi luce, alterū decrefcente. Neq; hic quēquā movere debet, quod absentia luminis privatio sit, à quā nō videatur oriri posse qualitas positiva, qualē frigus esse multis probat etiā Plutarchus lib: de primo frigido c. 2. & seqq. Non n. absurdum, quin potius necessarium est, alterum contrariorum causam habere privativā, cum omnis contrarietas sit privatio, lib. 10. Met. c. 4. utut non vice versā omnis privatio sit contrarietas. Est namq; privatio duplex, altera absolutè sic dicta, quæ est nuda absentia formæ, quā rationē λόγος est privatio (est enim nuda absentia rationis): altera cum dispositione subjecti, qualis privatio est vitium. Consistit enim in excessu aut defectu, quorum uterque ^{σέπην} designat: non tamen inest immediatè animo, sed mediante dispositione seu qualitate. Quò respiciens Philosophus lib: 5. Met. c. 12. privationem dicit esse ^{ἐξ η̄ν} πῶς, quodammodò habitum. Et lib: 2. Phys: text: 15, 32. & 52. privationem dicit esse ^{ἀδ} & sive formam quādam. Imò lib: 3. Phys: text. 5 formam & privationem ponit etiam in predicamento substantiæ. In qualitate autem nigrum sit esse privationem albi: & in quantitate imperfectum perfecti. Nempe, ut ad istum locum scribit Jo-

hannus

hannes Philoponus, cognomento Grammaticus, *ἐρμηνεύει* καὶ τὸ χεῖρον τῶν ἀντιθέμενων, ἃς δὲ τὸ κρείττον, *privationem vocat deterius inter contraria, formam verò id, quod præstantius & nobilius est inter illa.* Utut verò huiusmodi privatio positivum quid includat, non tamen necessarium est, ut causam habeat merè positivam, sed sufficit, imò necessarium est, ut causa eius & ipsa sit privativa, non quidem *simpliciter*, sed *quodammodo*, perinde, ut ipsemet effectus. Jam *quies* non est omnimoda privatio, sed forma quædam motu acquisita, quemadmodū motus est forma fiens lib: 4 Phys. text: 53. & 54. *Tenebræ* quoque, si accuratius rem scrutemur, non videntur esse simplex seu nuda privatio, sed ἃς δὲ seu species corporum operantium, ut lumen lucidorum. Quod colligere licet ex umbrâ, quæ si in aliquod corpus incidat, repræsentat figuram suam corporis in eo. Tenebræ autem ab umbris non videntur differre, nisi secundum magis & minus. Nisi enim aer umbræ a lumine proximo aliquâ ex parte illuminaretur, ex vi umbræ totus foret tenebrosus. Unde Aristoteles lib: 10. Met. c. 2. tenebras ait esse *privationem lucis ad eum modum, quo nigrum est privatio albi.* Et Ammonius ad lib: Categ. caput decimum, ubi de privativè oppositis disputat, inter alia *privationem non ens esse ait, si simpliciter per habitus absentiam efficitur*, ut ἄσπορον: Εἰπὼν δὲ, pergit, εὐρίθειν στερησθὲν ἐνὶ καίμενον ὄνομα ὡς ἡ ἀπυσία τῆς θφωσὶς τόφλωσις ὀνομάζεται, ἢ ἡ τῆ φωτὸς ἀπυσία σκότος, ὃ τῆς ἀπυσίας τῆς ἔξωτος κατηγορεῖται τὸ τοῖστον ὄνομα, ἀλλὰ τῆ πάλης τῆ παρὰ τὸ δεικνύον γινόμενης, ἢ ἄλλως ἐνὸς ἐπισυμβεβηκότος τῇ ἀπυσίᾳ τῆς ἔξωτος, ὥσπερ τὸ σκότος παρὰ τὸ σκιαζόν εἴρηται, ἢ δὲ σκιά ἐπιπρόδωσις ἐστὶ φῶς, ἢ τις ἐν τῷ ἀέρι, ἢ ἀπλῶς ἐν τῷ διαφανὲ συμβαίνει, *Si cui autem privationi nomen esse impositum comperiat, ut absentia aspectus dicitur cæcitas, & luminis absentia tenebra, tale nomen non dicitur de habitus absentia,*

sed de affectione, quæ in subiecto gignitur, aut de aliquo alio, quod absentia superveniat habitus ipsius. Ut *οκόν*, tenebræ à *σύν* dicitur, hoc est, inumbrare. Umbra enim est luminis impedimentum, quæ sanè vel in aëre, vel absolute in pellucido accidit. Non privant ergò quies cœli & tenebræ, quæ remoto lumine ejus subsequuntur, inferiora hæc corpora omni formâ, cum & ipsa non sint simpliciter non entia, sed entia quædam, & formæ, licet non eximie operantes. Nempe ita se habent, ut ignis remissus, qui non coquit quidem carnes in tantum, ut ad perfectionem illæ perveniant, nec tamen omninò nullam qualitatem eis imprimit, sed coctioni contrariam, quæ dicitur cruditas, non illa, quam habebant, priusquam in illas ageret ignis, sed aliam Medicis notam & usitatam, quibus crudum dicitur, quod non est satis excoctum. Causa autem cur quies cœli & absentia luminis ejus præcipuè frigus efficiat, calore expulso, & non aliam qualitatem, hæc est, quia materia jam determinata est ad genus utriusq; ; perinde ut sapidum privatione dulcedinis non album sit, nisi fortè per accidens, sed amarum, aut acidum, quia subiectum jam determinatum est ad saporum genus, quam determinationem non accipit deum ab illo, qui ex dulci facit amarum aut acidum, sed habebat jam antè aliunde acceptam. Antequam enim efficiens illud ageret in subiectum, jam sapidum erat. Minuit quoq; adhuc calorem aëris hujus inferioris *motus Planetarum ab occasu in ortum*. Qui enim calorem mediante lumine in eo progignit, maximè motus est primi mobilis, qui est ab ortu in occasum, quippe qui celeritissus est & summè velox. Jam autem cum duo in eodem corpore sunt motus in partem oppositâ, tum sanè, quanto velocior alter fuerit, tantò magis detrahatur alterius velocitati. Unde si æquales essent ambo, nullus appareret

reret motus: in eodem enim statu semper esset ipsum mobile. At cum superat alter, necessarium est motum dominantem tantò apparere remissiore, quantò maiora alter ille motus capit incrementa. Cum ergò coelum velocissimo motu in occasum feratur, planetae autem in eodem per proprium motum contranitantur, fieri non potest, quin quò velocior est in primo orbe motus, eò magis retardetur eorum motus in occasum: & contrà quo velocior horum in proprio orbe motus est, eò magis motus primi orbis retardetur. Omnis autem retardatio motus privatio quædã est, si non ex toto, ex parte tamen. Quanta igitur est retardatio primi orbis, tantum & caloris inferioribus his detrahatur. Ex quo fit, ut Luna non adeò calefaciat ac Sol. Luna enim velocissimè fertur in suo circulo, ut tardissimè Saturnus; Sol autem medio se habet modo, quod patet ex iis, quæ lib. 2. de coelo t. 38 docentur. Ibi enim *superiora* dicuntur *tardius ferri*, *inferiora velocius*, motu scilicet *contrario* atq; *ἡγλαῖ δὲ τὸν κύκλον* uniuscujusq;. Jam autem Luna planetarum infimus est, ut Saturnus supremus; Sol verò medius est. Maximè ergò calefacit, quia & plenius reliquis habet lumen, & neque perinde procul est, ut Saturnus, qui ob distantiam minorem in inferioribus his partibus vim habet, neq; tam velociter in proprio orbe movetur, ac Luna.

XVII. Ita ergò ex motu & lumine coeli satis deduci possunt primæ istæ qualitates, ut ad occultas influentias recurrere planè non sit necessum. Quâ in re præcunte nobis rursum habemus & Philosophum nostrum. Sic enim ille lib. 2. de coelo t. 42: *Calor autem ab illis (stellis) & ustio (ῥῆς enim, quod ustionem significat, omninò ibi legendum videtur, non ῥῆς, quod lumen designat) idè fit, quia aër ab illarum motione fricatur. Motus enim & ligna, & lapides, & ferrum*
Cc 3 ignire

ignire solet. Magis igitur consentaneum est rationi, id quod propinquius est igni. Propinquior verò est aer. Quale fit & in sagittis. Haec namque adeo igniuntur, ut ipsum plumbum, quod est in ipsis, liquecat. Atque cum ipsis hoc fiat, circumdans etiam ipsas aer hoc idem patiatur necesse est. Haec igitur adeo calefiunt, quia in aere feruntur, qui quidem ob istam motionem fit ignis. Superiorum autem corporum unumquodque fertur in sphaera, ut ipsa quidem non igniantur; sed aer, cum subobeunt corpora sphaera sit; ob illius motionem necessario calefiat, & maxime hac, in qua Sol est infixus. Quocirca cum propius accedit, ac oritur, & super nos est, fit & calor. Et lib. 1. Meteor: c. 3: Videmus motum posse aerem segregare, atque incendere in tantum, ut saepius & quia motu cidentur, liquefieri videantur. Ut igitur calor gignatur atque aestus, Solis latitudo duntaxat satis est efficere. nam & celerem esse latitudinem, nec longius abesse oportet. Stellarum igitur (fixarum) latitudo celeris est, sed abijuncta procul: Luna verò deorsum quidem est, pigra tamen (quod intelligendum est de motu eius ab ortu in occasum). At saltem latitudini utraque haec competunt abunde. Sed nec abs re fuerit Philoponum hic audivisse ex comm: 69 in lib: 2. Aristotelis de anima. Sic enim ille isto loco scribit: Et potius eligenda suppositio Aristotelis, quae & quae cernuntur, *ἢ ὅτι*, servat, & absurda declinat. Unde ergo in aere calor fit, si quidem Sol non calidus, radij autem corpus non sunt? Si enim corpus non sunt, attritus non est; si autem attritus non est, quomodo aer calefcet? Quod enim attritus sic calefaciat, ut ignitum etiam reddat, si frequentior sit, ex rei evidentia clarum est. Ex lignis certe & lapidibus, & ferro soliso accenditur ignis: quin & in igniariis, nisi sic radium addid, quod accendere volumus, adaptaverimus, ut non obtu-

sum

sum angulum radiorum refraëtio efficiat, sed sic acutum, ut duplicatum ferè in unam lineam rectam desinat, & sua densitate aërem, qui interceptus est, atterat, accensio fieri potest, & id sensibiliter videmus. Quare ab ijs quidem, qui radios corpus statuunt, quæ manifeste cernuntur, colliguntur. At non idem ab ijs, qui operationes. Quomodo enim calefaceret ejus, quod non est calidum, operatio? Quomodo autem attritus fiat ab incorporeo? Ad hæc ergo dico, quod quemadmodum ab animâ, quæ non est calida, vivificativa quædam operatio fit in corpore, quæ, innatum calidum excitans, animal vivificat: postquàm autem recesserit anima, statim quoque, calidum innatum extinguuntur: sic & vivificativam quandam operationem ex Sole esse dico in aëre, eamque, quod insitum est in aëre, calidum moventem ipsum calefacere. Et sicut animosa seu irascibilis animæ facultas, etsi non sit calida, postquam tamen fuerit commota, qui circa cor est, sanguinem calefacit, similiterque & ira calefacit, quamvis sit incorporea animæ operatio: sic & Solem satis est probabile, quamvis non sit calidus, vivificativa sua operatione, quæ lux est, eam, quæ in aëre est, caliditatem, excitentem ipsum, excalefacere.

XII. Ad extremum & illi demonstrationum vim non parum labefactant, qui dicunt, differentias rerum *relativas* sive *specificas* esse occultas. Existimant hi differentiam specificam esse, quæ generi junctæ speciem constituit, ita ut cum specie convertatur. E.g. rationale dicunt esse differentiam specificam hominis, quoniam animali junctum hominem constituit, ita ut cum eo reciprocetur. O. enim homo est animal rationale: & O. animal rationale est homo. Tales autem differentias cum in alijs rebus non inveniunt, concludunt hanc solam nobis cognitam esse, reliquas autem nos latere. Verùm hæc sententia idem omnem scientiam dirimit. Scire enim est rem

rem per demonstrationem cognoscere. Demonstrationis autem potissimum principium est definitio, nempe τὸ πᾶσι, quæ tamen tandem resolvitur in definitionem generis subjecti, ut vidimus c. 10. §. 6. & quidem non in genus, sed in ipsam differentiam. Quod si jam hæc occulta est, nullam habebimus definitionem subjecti generis, adeoque nec demonstrationem: denique nec scientiam, quippe quæ per demonstrationem paratur. Porro nec docere, nec discere amplius poterimus. Ex ipsdem enim ἀποδείξεις & μαθήσεσσι ac διδασκαλίᾳ constant, cum docere sit causas rerum assignare, adeoque demonstrare, 1. Met. 1. Ea autem, ex quibus ἀποδείξεις constat, non sunt occulta, sed γνωριμώτερα. Unde & Aristoteles de omni doctrinâ & disciplinâ ait, quod nascatur ex antecedente cognitione. πᾶσα διδασκαλία καὶ μάθησις διανοητικὴ ἐκ προσύπαρχουσας γίνεται γνώσεως, 1. Post. 2. §. 1. 6. Topic. 4. §. 2. 1. Met. 7. Denique, si differentia specificæ rerum sunt occultæ, cur ergo Aristoteles tantâ industriâ nos docuit venari τὸ τί ἐστι, assumendo τὰς τελωτικὰς διαφορὰς, differentias perfectrices, 2, Post. c. 13? Sanè hoc labore, inani quippe, superfedere potuisset.

XIX. Ad fundamentum ipsorum quod spectat, nempe, quod differentia specifica omnis cum genere iuncta speciem absolvere, cumque eâ converti debeat, id planè lubricum est. Proprij & definitionis est converti cum subjecto & definito suo: non differentia, quæ perinde, ut genus, de pluribus specie differentibus dicitur (unde & γενική dicitur 1. Topic. c. 4. §. 2.) illud quidem in quid est, hæc autem in quale quid est. Ita sanè docet Porphyrius in Isagog. c. 3. §. 17. c. 12. §. 4. §. c. 13. §. 3. Nam, quod nonnulli ajunt, Porphyrium istis locis, imprimis c. 3. loqui non de differentiis specificis, sed genericis, definitionem generis ingredientibus, id omni prorsus caret fundamen-

damento, ut patet ex antecedentibus nempe §§. 14. 15. 16, ubi expresse ait, quod *eadem* differentiæ aliquo modo sint *constitutiva*, aliquo *divisiva*, nempe *divisiva* in respectu ad *genus*, *constitutiva* in respectu ad *speciem*. Ideo enim addit, harum quidem, quæ ita se habent, usum esse maximum in *divisionibus* (generum) & in *definitionibus* (specierum. Confer hic §. 10.); non etiam differentiarum ex accidente inseparabilem. Hæc postquam dixisset, statim subjungit: *Definientes autem quidam istas differentias*, quarum paulò antè fecerat mentionem, quarumq; usum esse dixerat maximum in definitionibus & divisionibus *ajunt esse*. Ex exemplo etiam, quod subjungit definitioni, patet, ipsi sermonem esse de differentiis *speciem constituentibus*. Rationale enim ad cujus generis pertinet definitionem?

XX. A Porphyrio non dissentit Aristoteles. Nam in 6. Topic. 6. §. 13. aperte docet, *differentiam* de pluribus dici quàm *speciem*, quod sapè fieri non posset, si convertibilis ea esset cum specie. Loqui autem eum de *differentiâ specificâ* planum est, quia de definitione isto loco tractat, quæ *περί τας* comprehendit speciebus, 7. Met. 4. In 2. quoq; Post. c. 13, ubi modum investigandæ definitionis ostendit, docet, in *definitione* ex ijs, quæ rei definiendæ semper insunt, sumenda esse talia, *quorum singula* latius pateant sub genere definiti, *omnia verò simul accepta & generi juncta* non pateant latius: *talìa enim simul sumpta* essentiam rei declarare. Porro 6. Topic. c. 4. differentias, quæ in definitione assumuntur, ait, debere *naturâ esse priores & notiores definito*. At notiora & priora naturâ ita definit ibidem §. 5. Aristoteles, ut aperte indicet ea *latiora* esse ijs, quibus naturâ priora esse dicuntur. Ea enim dicit esse *priora naturâ, quæ sublata secum auferunt reliqua, sed non vice-versa*. quomodo ea etiam definit lib. Categ. c. 12: *Sicuti*

genus, inquit, est prius naturâ speciebus. Sublato enim animali, tollitur & homo, at non sublato homine etiam animal aufertur.

XXI. Non aliter sentiant interpretes Græci. Alexander Aphrodisæus in 1. Prior. c. 27: Et definitiones, ait, consequuntur ea, quorum sunt definitiones & propria. Sed hæc quidem sola illa consequuntur, *μόνοις αὐτοῖς ἐπέκεινται*, (id est, ita sequuntur, ut cum ijs reciprocentur, & positis illis ponantur, sublatis tollantur) ut animal rationale, mortale, & risibile hominem. Ideo & aequalia, *ἴσα* sunt ipsis: & non solum hæc illa, sed & illa hæc consequuntur. Convertuntur namque, quæ aequaliter dicuntur. Caterum & genera quòq; ac DIFFERENTIAE ista consequuntur, verum non sola, ut hominem animal & bipes, *ἐπεκεῖνται δ' αὐτοῖς, καὶ τὰ γενή, καὶ αἱ διαφοραί, τὰ ὅλα καὶ μόνους, τὸ ζῶον ἀνθρώπου καὶ τὸ δίπεν*. Boethius Dialogo 2. in Porphyrium à Victorino translatus: Differentia namque, ait, & proprium differunt inter se, quod DIFFERENTIA de pluribus speciebus predicatur, proprium verò de UNA. Namq; differentia, quæ est mortalis, predicatur de homine, de bove, de equo & ceteris animantibus. At verò risibile de solâ tantum specie hominis predicatur. Simplicius Comm. in libro Categ. c. 3: Differentiarum quædam, inquit, sunt genericæ, quædam specificæ. Genericarum rursus quædam constitutivæ, quædam divisivæ. Quarum illa de omni (de omnibus speciebus sub genere contentis) dicuntur, hæc autem seorsim quidæ de eodem non dicuntur, dicuntur tamen, si simul accipiantur, i. e. sub disjunctione offerantur. O. n. animal est vel terrestre, vel aquaticum, vel *ἀναποσειζόν*. Specificæ verò differentia sunt, quæ speciem constituunt & sola, quarum quæque separat ac distinguit species contra unamquamq; specierum, quæ contradividitur, sed non simul omnes. Ut ergo species plures se habent ad unum genus

genus, ita & PLURES DIFFERENTIAE AD UNAM SPECIEM
 CONSTITUENDAM concurrunt, ὥς περ εἶδη πλείονα πρὸς ἓν γένος,
 ἔτι καὶ πολλαὶ διαφοραὶ πρὸς ἓν εἶδος συντελεῖσιν. Hæc ibi Simplici-
 us. Qui & Iamblichium eodem loco citat, cuius hanc de dif-
 ferentiâ fuisse, ait, sententiam, fieri posse, ut, differentiæ non-
 nullæ Actu ipso de pluribus speciebus non prædicentur, inte-
 rim tamen eas NATURA suâ hanc indolem habere, ut possint
 de pluribus prædicari. Verba ejus hæc sunt: *Iamblichius in-
 quit: Etiam si quædam differentia de pluribus speciebus non
 dicantur, tamen ita se habent, ut quantum est in ipsis, de
 pluribus prædicari possint*, ἔτι καὶ ἔχουσαι καὶ αὐταὶ, ὥς ἐπὶ ὅσον ἐπ' ἐαυ-
 τῶν κατὰ πλείονων ἂν ῥηθῆναι. *Propria verò pergit, magis est diffe-
 rentia & natura materiali cognatio, quæ de una specie in parte
 dicitur. Nihilominus quamvis ita disposita sit, vim tamen
 habet secundum suam rationem, κατὰ τὴν ἐαυτῆς λόγον, pluri-
 bus seipsam impertiri speciebus. Quod si verò alius quidam
 rerum eventus extensionem in multitudinem recipientium
 non sinit hoc fieri, certè nihil impedimenti est hoc, quin ipsa
 differentia quoad suam rationem pluribus sese insinuet & ac-
 commodet.* Hactenus ille. Nempe iuxta Iamblichium, si
 darentur differentiæ quædam, quæ de unâ tantum diceren-
 tur specie, similis earum foret ratio, ac specierum, quas mono-
 dicas vocant. Quarum in naturâ unum solum extat indivi-
 duum, ipsæ tamen in se & sua naturâ tales sunt, ut possint prædi-
 cari de pluribus numero differentibus. Unde & Aristoteles
 in 1. de Coelo c. 10. distinguit inter *cælum simpliciter & hoc
 cælum.*

XXII. Sed consideremus, quæso, definitiones aliquas
 à probantissimis Autoribus allatas (quas aut non esse definitio-
 nes essentielles necesse est, aut genere constare & differentiis.
 Hæc enim juncta essentiam rei definitæ complent) & porro

speciemus, annon differentia, in ijs allata, semper de pluribus specie differentibus enuncientur. *Ternarium* Euclides definit, quod sit *numerus impar primus*. At & numerus impar & numerus primus dicuntur de pluribus specie differentibus. Ille quidem de ternario, quinario, septenario &c. hic autem de binario, ternario. Idem lib. 1. Element. *triangulum* definit *figuram planam, angularem primam*. At singula, in hac definitione expressa, differentia rursus de pluribus specie differentibus dicuntur. Velut esse figuram planam & primam, competit non triangulo solum, sed & circulo; esse autem angularem, triangulo & quadrato. *Prudentiam* Aristoteles definit *habitu cum vera ratione activum*, 6. Ethic. 5. At in ea differentia itidem eodem modo se habent. Neque enim prudentia solum est habitus cum vera ratione, sed & ars, 6. Ethic. c. 4. & non prudentia solum est habitus activus, sed & imprudentia, quæ $\chi\epsilon\lambda\alpha\ \delta\iota\delta\epsilon\sigma\tau\iota$ opponitur prudentia & cum ratione quidem est, verum falsa. Qui his contentus non est, consideret & definitiones alias apud Aristotelem occurrentes, velut *nominis* ex l. de Inter. 2. *verbi*, ibidem c. 3. *orationis*, c. 4. *universalis*, c. 7. *propositionis*, 1. Prior. 1. § 8. *sylogismi*, 2. 8. *virtutis*, 2. Ethic. 5. & quasque alias. In omnibus enim, si $\gamma\omicron\iota\omega\delta\epsilon\iota\varsigma$ & accuratè posita sunt, tale quid deprehendet,

XXIII. *Dices*, ita quidem se rem habere in *accidentibus*, in *substantiis* non item. Longè aliam enim harum atque accidentium esse rationem. Non aliam esse negamus, *ipsarum substantiarum*, aliam *accidentium* rationem. At non idè aliam rationem habent *differentia* in genere substantiarum, aliam in genere accidentium. Nisi dicere fortè velimus, *generis* quoque, *proprij* & *accidentis*, quæ similiter $\pi\alpha\delta\eta$ sunt substantiarum & accidentium, & per omnes Categorias se diffundunt, æquè ut differentia, adèò ut hinc & $\pi\alpha\delta\eta\ \tau\omega\upsilon\ \chi\epsilon\lambda\iota\gamma\omicron\rho\iota\omega\upsilon$ dicantur 1. Top.

9. 4. Met. 2, aliam esse rationem in substantiâ, aliam in acci-
dentibus. Quod tamen falsum est. Non enim aliam ratio-
nem habet genus, quando de virtute dicitur; aliam, quando de
animali, sed ambo genus dicuntur, quia prædicantur de pluribus
specie differentibus in quid est, illa quidem de temperantiâ, iu-
stitiâ, liberalitate: hoc autem de equo, leone, tauro &c. Sed
ne in bivio relinquamur, videamus quoq;, quomodo optimi
& probatissimi autores dividere soleant substantias, aut quas
ipsis differentias assignent. Eadem n. differentia, ut dicitur, quæ ge-
nus aliquod dividunt, & definitionem specierum ingrediuntur.
Primæ inter substantias mobiles sunt *elementa*. Horum diffe-
rentiæ, quatenus sunt *partes mundi*, juxta Aristotelem sunt
gravitas & levitas: quatenus autem *prima* sunt inter substan-
tias *generabiles & corruptibiles*, *calidum & frigidum, humidum &
siccum*. His enim fit omnis mixtio & generatio, cujus causa
sunt elementa. Vid. 2. de An. c. 2 & 3, de Coelo c. 11. At
hæc singula de pluribus specie differentibus dici quis negarit?
Elementa sequuntur *mixta imperfecta*, quæ suas differentias habent
juxta Aristotelem à *materia* hac vel illa: ejus *paucitate vel
multitudine*: *raritate vel densitate*: hoc vel illo *situ & cæ-
teris*, quæ in Meteorologicis quàm diligentissimè exposita
sunt, cum quibus conferri possunt, quæ dicuntur, 1. Part. Anim:
4. Hæc a. rursus communia esse pluribus speciebus facile quivis
animadvertit. Succedunt *mixta perfecta*. Ex his *similaria*
sunt nonnulla. Et hæc juxta Aristotelem differunt affectioni-
bus, secundum quas aliquid aut *agere* aut *pati* possunt, quod fit,
quia sunt v. g. dura aut mollia; liquabilia aut illiquabilia; usti-
lia aut inustilia; coagulabilia, ductilia, fragilia, scissilia & aliis
hujusmodi affectionibus prædita secundum varias elementorū
mixtiones & alterationes. Quò præter 4. Meteor. c. 8. per-
tinet aureus de differentiis locus, qui est 8. Met. 2, ubi quædā

constitui dicuntur τοῖς τὸν αἰσθητικὸν πᾶσι, *sensibilium passionibus*, v. c. *duritie, mollitie, densitate, raritate, humiditate, siccitate*. An verò quispiam hæc pluribus speciebus communia esse dubitabit? Deinde ex mixtis perfectis alia sunt *dusimilaria*, veluti plantæ & animalia. Ex quibus hæc, ut de plantarum differentiis nunc non dicā, de quibus videndus est Theophrastus in libb. de Hist. plantarum, constituuntur *ultimus illis & summus actionibus*, quas edunt, id est, sui propagatione, sensu & motu, earumq; instrumentorum, quibus ista exequuntur, organicis diathesibus, quas accuratè Aristoteles in 1. Hist. animal. monstrat: ubi varias animalium differentias affert, quas tamen ferme omnes ad quatuor capita reducere licet. Quædam sumuntur à *vite genere*, cujus ratione quædam per naturam apta sunt, ut vivant *seq.* moveant in *terrâ*, & ibi victum quærant, quædam in *aquâ*: ex quibus illa dicuntur *terrestria*, hæc *aquasila*. Quædam petuntur à *membris* ac partibus, quorum respectu quædam sunt *quadrupedia*, quædam *bipedia*: quædam *sanguinea*, quædam *exsanguia*. Aliæ desumuntur à *morbis*. Quædam enim per naturam *solitariam* vitam agunt, quædam *gregatilem*, quædam *civilem*, quæ non tantum vivunt cum socijs ac sui similibus, sed ad unum finem obtinendum mutuas operas præstant. Nonnullæ deniq; depromuntur ab *actionibus* seu *operationibus naturalibus*, quarum intuitu quædam sunt *vivipara*, quædam *ovipara* &c. At & hæc omnes differentie ita comparatæ sunt, ut de pluribus specie differentiis dicantur, velut terrestre de homine, equo, leone, camelo &c. aquatile de murenâ, lucio, lampretâ, barbâ &c.

XXIV. Non fugit nos, quid excipiant ad hæc dissentientes à nobis. Nempe dicunt tales differentias, quales modò allatae sunt, non esse *veras* ac *genuinas*. E. g. calidum, frigidum, humidum, siccum non esse *veras* differentias elementorum:

forum; neque terrestre, aquatile &c. animalium, sed solum
vicarius in locum differentiarum specificarum cum speciebus
 suis recipicarum substitutas. Has enim omnes præter illam
 unicam, hominis, *λογικόν*, esse occultas. Ideoq; cogi nos, ut
 in definitionibus alijs differentijs utamur; ne prorsus inconsi-
 deratas res reliquamus. Verum hoc nihil aliud est, quàm, petere
τὸ ἐν ὁρίῳ. Id enim in quaestione est, an differentia specificæ, si
 scorsim cū genere accipiantur, sint convertibiles cum speciebus
 suis. Et quid quæso, terrestre & aquatile sunt, si non sunt
 differentiae genuinæ specierum animalis? Prædicatur sanè non
 æqui vocè aut improprie animal terrestre de cane, nec de lucio
 animal aquatile; sed propriissime. Ad prædicabilia igitur re-
 ferenda erunt. Quid ergo sunt? Suntne genera? *Ἄρα* hoc.
 Genus enim prædicatur de speciebus subjectis *ἐν τῷ τί ἐστιν*, h.
 e. ita ut species sit illud ipsum aliquid, quod est genus. E. gr.
 homo est ipsum quoddam animal. Vid. 1. Post. c. 21. At
 lucius non est ipsum aquatile, sive, ut aliàs loqui solet Aristote-
 les, non *ὅτι ἐκείνόν τι, illud ipsum quoddam, quod est aquatile*,
 sed *ὅτι ἐκείνόν τι, aliquid tale*. Non igitur genus lucij & ca-
 nis sunt aquatile & terrestre. Sed nec species. Ea enim præ-
 dicatur non nisi de pluribus numero differentibus, & quidem
ἐν τῷ τί ἐστι: at aquatile & terrestre prædicantur de pluribus eti-
 am specie differentibus, & præterea non in quid, sed in qua-
 le quid. Adhæc cum canis quoque & lucius sint species, si
 terrestre & aquatile de his ut species dicerentur, speciei esset
 species, & sic in infinitum. Quid ergo sunt? Suntne propria,
 aut accidentia? At proprium soli inest & *ἀπὸ τοῦ ἰσχυροτέρους*,
 id est, *reciprocè* prædicatur. Terrestre autem non *reciprocatur*,
 seu non *convertitur* cum cane, aut non huic soli inest.
 Equus enim non est canis, & tamen animal terrestre. Neq;
 aquatile cum lucio reciprocatur. Delphinus enim lucius non
 est,

est, imò ne piscis quidem, & tamen animal aquatile. Acci-
 dentia autem similiter dici non possunt. Quod enim ut acci-
 dens inest, id ἐνδεχόμενος inest, ut patet ex definitione acciden-
 tis 7. Topic. c. 3. §. 1 v, id est, ita ut possit etiam non inesse.
 Quis autem adeò ineptus sit, ut hoc vivendi genus, quale in
 aquatilibus spectatur, ipsi tali modo inesse dicat? Cur enim pi-
 sces in aquâ victum suum quærunt solum & non etiam in ter-
 râ? & cur extra aquam extracti in terram non diu vivunt? Ni-
 hil ergò aliud restat, quàm ut dicamus, terrestre & aquatile
 esse talium animalium differentias: aut asserendum, ista impro-
 prie & equivocè de lucio & cane enunciari.

XXV. Ad *elementa* quod attinet, non videmus simi-
 liter, quâ ratione illi audeant negare, eorum *differentias* esse
 qualitates illas, quarum supra fecimus mentionem. Si enim illæ non
 sunt elementorum differentia, quæ ergò tandem erunt eo-
 rum differentia genuina? Dicunt illi, differentias expri-
 mere formam: formas elementorum autem nos latere. Non
 dicemus modo, falsum esse, quod sola differentia formam ex-
 primat. Exprimeret enim ea integram essentiam, cum for-
 ma idem sit quod λόγος τοῦ τί ἐστιν, 2. Phys. 3. 5. Met. 2.
 At integram essentiam non exprimit differentia, sed definitio,
 quæ est oratio explicans τὸ τί ἐστιν, id est, *essentiam rei*. 1. Top.
 3. §. 2. Ad definitionem autem non solum differentia, sed &
 genus pertinet, 6. Topic. 3. Id solum nunc dicimus, nos non
 videre causam, cur statuendum sit, formas elementorum esse
 occultas? Forma enim est propter operationes. Unde Ari-
 stoteles in 9. Met. 8. actum *secundum* sive *operationem*, ait, esse
finem τῆς δυνάμεως, sive *actus primi*, sub quo & forma contine-
 tur. *Finis*, ait, est *operatio*, *cujus gratiâ potentia accipitur*.
 Non enim, pergit, ut *potentiam videndi habeant animalia, vi-*
dent, sed ut videant, videndi facultatem habent: quemadmo-
dum

*dum & edificandi facultatem homines habent, ut adificent, non
 contrà, & speculandi potentiam, ut speculentur. Inde quæ-
 admodum doctores, cum discipulum operantem exhibent, do-
 cendi finem faciunt: sic & natura rem perfectè produxisse cen-
 setur, si illa suæ naturæ convenienter agat. Unumquodq; enim
 tum maximè est id, quod est, cum operatur congruenter suæ
 naturæ. E. gr. Is qui jam actu contemplatur, propriè & re-
 verà sciens est, 2. An. 5. & animal tum demum perfectum
 animal est, cum primum contingit id sentire 5. Gen. An. 1.
 Unde & Simplicius Comm. in 2. de An: *Imperfectum est,
 quod potentia est. In actu enim perfectio consistit, & per-
 fectè est substantia, quæ secundum naturam suam operatur.*
 Quemadmodum autem forma est propter operationem: ita
 & cognoscitur ex operationibus 2. de An. c. 4. Jam verò in ele-
 mentis nulla conspicitur operatio, quæ non ex manifestis illis
 qualitatibus deduci queat. Quæ enim sunt elementorum ope-
 rationes nisi hæ, calefacere, frigefacere, humectare, siccare,
 congregare homogenea, segregare heterogenea, quatenus
 scilicet spectantur ut *principia generationis & corruptionis?*
 Sin autem ut partes mundi considerentur, energiz ipsorum
 sunt ferri sursum aut deorsum &c. At hæ omnes operatio-
 nes deduci possunt ex qualitatibus istis elementorum manife-
 stis, calore, frigore, siccitate, humiditate, gravitate, levitate,
 raritate, densitate. Quod si alia quædam esset operatio, quæ
 ex istis qualitatibus derivari non posset, proderet utique se
 Operatio enim seu actus secundus si rem ipsam spectes, nihil
 aliud est quàm ipsa forma, in actu scil. spectata. Unde The-
 mistius & Averroës formam dividunt in *quiescentem & ope-
 rantem.* Et prior ὁψις, *visionem*, non solum ὁρατὶ oculi vo-
 cat, sed & ὁδὸς καὶ μορφήν, *speciem & formam.* Oculus, in-
 quit, quando jam factus est oculus, actum habet visionem:*

qui actus à forma nihil differt. Hoc enim est esse oculi, videre sic. Quiniplex Aristoteles 4. de Cœlo t. 25. perspicue docet, formam gravium leviumq; esse, cum possunt operari secundum suam naturam, non ea potentia, quæ se jungitur ab actu, sed ea, quæ copulatur cum actu: Cum, inquit, generatur grave & leve, statim illud deorsum, hoc sursum fertur, nisi scilicet aliquid impediatur externum. Interim enim nihil impedire potest, quia actus primus, quantum in ipso est, statim fertur in secundum, quin est cum eo re idem. Sed quia secundus actus quandoq; sine externis concurrentibus exerceri non potest, idcirco externi adminiculi defectus impedimento esse potest, quo minus actus primus ad perfectionem suam perveniat, quod erat ultro futurum, remotis impedimentis externis. V. c. Si genitum grave detineatur, non sequitur actus secundus, videlicet ferri deorsum, non quod causa primaria deficiat (ea enim jam fecit, quod debuit, nempe generavit grave); sed quia externum adest impedimentum, quod quicumq; removeret, is dicitur per accidens esse causa motus deorsum. Si ergo in elementis esset forma quædam distincta à qualitatibus primis, necessarium sanè foret & actum aliquem dari ab operationibus istarum qualitatum diversum. At nullus actus talis deprehenditur in elementis. Dicendum ergo erit esse ibi formam sine actu. Sed hoc esset otiosa ponere & frustranea. Natura autem nihil facit frustra, adeoque nec talem formam. Et unde illis tandem constat, esse ibi talem formam, si operationes latent, cum ex his solis formæ cognoscantur? Hoc, inquit, inde nobis constat, quod formam ibi esse oporteat, quæ reciprocetur cum ijs, quorum est ista forma, quam nil aliud exprimere potest, quàm differentia specifica. Jam autem qualitates primæ non reciprocantur cum elementis. Neque enim solus ignis est calidus, sed & aer:

aër: neque hic solus humidus est, sed & aqua &c. Verùm hinc iterum petunt τὸ ἐν ἀρχῇ. Nos enim negamus, formam substantialem esse unicam differentiam, quin potius illam aggregatū esse dicimus ex genere & multis differentiis, quæ omnia complectitur definitio. E. gr. Ignis formam non esse calorem, etsi sit ὁμοῦδες ἔ, essenziale quidpiam ignis, aut pertinens ad formam, sed elementum siccum & calidissimum, quæ est definitio ignis. Unde definitio quidem convertibilis est cum definito suo, differentia non item.

XXVI. Regerunt: *Rationale* tamen est differentia specifica hominis: at hæc generi, animali juncta, cum homine convertitur. Omnis enim homo est animal rationale & omne animal rationale est homo. Ut autem una differentia se habet: ita & reliquæ se habere oportet. At in alijs rebus nobis tales differentia non occurrunt. Statuendum ergo est, eas ibi quidem inveniri, sed nos latere. Quid audimus? Ergo nō solum, rationale, est differentia specifica nobis nota? Ita omnino, inquit illi. At quæremus nos ulterius: Unde itaque ergo ipsis innotuit, τὸ λογικόν, sive rationale, esse veram & genuinam differentiam, scutalem, qualem τελειωτικὴν sive specificam vocamus? Id sanè aliunde scire non possunt, quam ex differentia specifica definitione. Quemadmodum enim ex *definitione generis* discimus, *animal* esse *genus* hominis, avis & piscis, quoniam ea omnia, quæ in definitione generis ponuntur, exactè ad animal, ad prædicta ista relatum, quadrat. dicitur namque de omnibus istis, ut specie differentibus, ἐν τῷ τὶ ἐστὶ: Ita ex *definitione differentia* specifica demum intelligimus, hoc vel istud esse differentiam. Jam dicant nobis, quodnam medium sit inserviens notificandæ definitioni? Nonne illud est inductio? Ita sanè docet Aristoteles 2. Post. 13. & nos perspi-

cne ostendemus suo loco. At quid inductio? Εἰς ὅδ' ἔστιν, in-
 quit Aristoteles, ἀπὸ τῶν καὶ ἕκαστα ἐπὶ τὸ καὶ δόλος, *Inductio est*
progressio à singularibus ad universale, 1. Topic. 12. §. 4. A
 singularibus, inquit, non à singulari. Eo enim ipso inductio
 ab exemplo distinguitur, quod hoc progrediatur à parte ad
 partem, h. e. ab uno singulari ad alterum. E. g. Malum esse,
 Athenienses bellum inferre Thebanis, finitimis quippe, inde
 colligitur, quod Thebanis male negotium successerit, quum
 bellum cum Phocensibus sibi finitimis commiserunt. At in-
 ductio progreditur ad universale, & quidem non ab uno sin-
 gulari, (singulare hinc dicitur non solum individuum, sed & id,
 quod minus universale est, quomodo & species καὶ ἕκαστα dici
 possunt, si conferantur cum generibus, quod fit & alibi, velut 1.
 Part. an. c. 2. & 12. Met. c. 1:) sed à pluribus, imò omnibus,
 sicut disertè ait Aristoteles: Επαγωγὴ γίνεται διὰ πάντων, *Indu-*
ctio nascitur ex omnibus, nempe καὶ δὲ καὶ, 2. Prior. c. 23. §. 5.
 Confer. 8. Topic. c. 2. & 1. Rhet. c. 2. Igitur ut quæ sit ratio
 & natura differentiarum specificarum, innotescat, necesse est, ut quis co-
 gnita habeat plura καὶ δὲ καὶ, de quibus differentia specifica
 enunciatur. At illi dicunt cuncta ista, quibus convenit ratio
 specificarum differentiarum, occulta esse, præter solam istam hominis,
 τὸ λογικόν, sive rationale. Unde ergò cognoscunt, hanc esse
 differentiam specificam, cum id, ut dictum, non nisi ex defini-
 tione differentiarum specificarum cognoscere queant, hæc autem
 manifesta reddi non possit, nisi per inductionem multorum
 τῶν καὶ ἕκαστα, de quibus, quod ipsos lateant, apertè ipsimet pro-
 fitentur? Cur non potius vestigijs veterum insistant & differentias
 specificas vocant, quas ita vocavit Aristoteles, re per inducti-
 onem tot singularium manifestatâ, quas ex parte considera-
 vimus supra.

XXVII. Sed quid si ostendere possimus ex alijs fundamentis, τὸ λογικόν, sive *rationalē*, vix haberi posse pro genuina & legitima hominis differentia, inprimis si hominem spectemus sub genere animalis positum, ut quidem hominem considerant illi. In Phylisicis enim, ubi hoc pacto sub considerationem homo venit, ita eum definiunt, dicentes: *Homo est animal rationale*. Sanè id ostendimus alibi fuisse. Sed & hinc repetendum est, quoniā definitio illa multorum in scientijs errorum fomentum est, qui in præsentī nobis manifestandi sunt, ne curioso veritatis scrutatori, quando in ipsis scientijs versatur, obex aliquis ponatur, aut animus eius ab indagandis rerum causis deterreatur. Unde & veniam, ut speramus, merebimur, si ut præcedens, ita & hoc negotium aliquantò etiam fusius pertractaverimus, atque præsens πραγματεία requirit. Primò igitur Aristoteles docet 6. Topic. c. 6, omnem differentiam propriè dictam debere differentiam quandam habere *oppositam positivam*. Cujus ratio quoq; in promptu est. *Differentia* enim *genus dividentes*, quæ & ipsæ speciem constituunt, debent esse *simul naturâ*, lib. Categ. c. 10. Positivum autem & privativum non sunt simul naturâ, sed illud hoc naturâ est prius. Præterea differentia ingreditur rei essentiam, imò specialiorē ejus partem dicit, quàm genus. Essentia autem rei positiva non potest esse privatio, indeq; nec differentia rei positiva; particulam quippe essentiae ejus exprimens, potest esse privativa, sicut nec negativa. Qua de re vidēda quoq;, quæ Aristoteles egregiè disputat lib. 1. Part. An. 3. Quod si itaque rationale legitima differentia animalis est, habebit utique & ipsum differentiam aliquam oppositam positivam. At quænam illa? Nos sanè non videmus, quid sub genere animalis, siquidem rationale ad illud pertinet, quâ de re postea, aliud opponi possit,

ἄλογον. At hoc privativum est. Quid enim ἄλογον aliud est, quàm id, quod caret, aut privatū est, ratione? Ut traceamus, Aristotelē disertè docere in istiusmodi exemplis præpositam particulam α significare privationem, sive negationem rei de subiecto aut capaci, aut incapaci. 5. Met. 22. Quomodo ergo hoc erit differentia animalis? Quomodo ad constitutionem facere poterit alicujus speciei animalis? Quod si verò ἄλογον non est generatīa animalis differentia, utique nec λογικόν, quod illi opponitur, erit legitima differentia ejus. Opposita enim ei differentia esset positivum quid: sicut vegetativum & sensitivum sunt positivum quid, quæ τῷ λογικῷ sub genere animæ tanquàm legitimæ differentiæ, animam dividentes, opponuntur, 2. End, 1. 1. M. M. 5,

XXVIII. Dices fortè, non omnia, quæ privationes significare videntur, esse etiam proprie dictas privationes. Sæpe enim accidere ob defectum vocabulorum, ut vox aliqua sit privativa, significatum tamen ejus sit positivum. Fatemur ita esse. Idemq; docet & Ammonius in lib. Categ. 10. his verbis: *Circa privationes & hoc observandum est. In quibusdam & nomen & res sunt aliquid privativum, velut in eo, quod insensibile est. In quibusdam res solum est privativum quid, non verò nomen, velut cum dicimus, surdum, aut mutum, vel claudum. In quibusdam deniq; nomen quidem privativum est, non autem res, quæ per nomen istud significatur. Velut αἰδρεν* pud Græcos vox privativa est, sed res per nomen istud adumbrata aut significata, est positivum quid. Denotat enim id, quod ab æterno fuit & erit in æternum. Sic ἀκίνητον, immobile, significat substantiam maxime perfectam, quæ neque moveri, neq; generari, neq; corrumpi possit, sed sit horum omnium principium, cum tamen vox sit περιεχέ. Verū cum

cum talibus res ita comparata est, ut licet vox sit privativa, in locum tamen ejus substitui possit vox positiva isti æquivalens, aut ad minimum oratio, quæ nomen istud explicet, quotiescunq; necessitas id exigit. Jam dicant nobis illi, quæ sit res ista positiva, quam irrationale significet: exponant eam nobis, sive per vocabulum aliquod rem positivam immediate & perspicue exprimens, sive per orationem id limatius persequentem. At non possunt. Non magis namque positivum quid irrationale notat, quàm cœcitas, aut vacuum, aut similia. Ne tamen nihil respondisse videantur, dicent forte, *irrationale* idem significare, quod *brutum*, & hanc esse differentiam positivam, quæ opponatur sub genere animalis rationali. Sed edisserant nobis, quæsumus, quid indigerent appellatione bruti. Propriè quidem hoc vocabulum quid notet, ex Plinio discere possumus. Huic enim bruta dicuntur ea animalia, quibus cor durum riget: quibus opponuntur animalia audacia, quibus cor calidum parvum & molle est, lib. 11. Hist. naturalis c. 37. Vel etiam brutum dicitur, quod tardum, stolidum, & sine sensu est. A quo Bruti cognomen: qui se stolidum simulavit. Brutum, inquit Nonius Marcellus de proprietate sermonis c. 2. num. 75, dicitur hebes & obtusum. Lucr. lib. III: An contracta suis è partibus obrubescat Pat. Harmiona: Et obnoxium esse aut brutum aut elingvem putes. Isidorus Hispalensis lib. 10. Originum: Brutus quasi obrutus, quia sensu caret. Est enim sine ratione sine prudentiâ. Vnde & ille Iunius Brutus ex se-rore Tarquinij Superbi genitus, cum eundem casum timeret, in quem frater inciderat, qui ob divitias & prudentiam ab avunculo fuerat occisus, utilem temporis simulavit stultitiam. Vnde etiam Brutus est cognominatus, dum vocaretur Iunius. Carolus Sigonius ex Dionysio in libro de Nominibus Romanorum:

Brut-

Brutus stultum significat, ut ait Dionysius. Itaq; L. Iunius, qui reges eiecit, factus ad imitationem stultitiae, Bruti quoq; haud abnuvit cognomen. Hæc illi. At neutra significatio huc quadrat. Neque enim omnibus animalibus, quæ illi bruta vocant, cor durum riget: neq; omnibus hominibus cor parvum & calidum à naturâ concessum est, alias nulli essent timidi. Et quot sunt homines tardi, stupidi, stolidi & sine prudentia, quibus tamen omnibus brutum ab istis opponitur? Quid ergò tandem erit brutum? Non possunt aliter se expedire, nisi dicendo, id, quod ratione caret. Quod si fiat, habemus hic quidem nomen positivum: res significata tamen reverâ est privatio. Differentiæ autem omnes propriè dictæ, quæ scilicet rerum positivarum sunt differentiæ, debent significare rem positivam. Non enim hic tam ad nomina, quam ad rem significatam habetur respectus. Quomodo ergò brutum erit animalis differentiæ in posteriori hac significatione? Tacemus, ab istis autoribus brutum poni, ut speciem animalis, homini oppositam, quam porro & generis loco ponunt, cum animal aliquod irrationale definiunt, velut equum aut bovem. At *species non est differentia generis. 6. Topic. 6. neq; differentia ullius rei genus est 1. Topic. 15.*

XXIX. Sed pergamus. Docet enim porro Aristoteles 6. Topic. 6, quod *differentia, genus aliquod dividens, non possit esse alterius generis differentia, nisi vel unum contineatur sub altero, vel utrumq; sub eodem.* Quod etiam secundum priorrem partem docet lib. Categ. c. 3, unde regula illa desumpta est: *Differentiæ generum non subalternorum sunt diversa.* Subalternorum enim sive eorum, quorum unum ponitur sub altero, easdē differentiās esse posse dubitat nemo. Sic avium aliæ herbam comedunt, aliæ carnes: At eadē sunt differentiæ animalis. Ita habitus intellectus & opinio possunt habere eandem

easdem differentias, quales sunt verum & falsum: hæc enim continentur sub illo tanquam sub genere, 6. Ethic. 3. 2. Post. ult. Quin & eorum, quorum unum quidem sub altero non continetur, ambo tamen sub eodem continentur. Ita herba & frutex, animal terrestre & volatile easdem possunt habere differentias, quia continentur sub eodem genere, illa quidem sub genere plantæ, hæc autem sub genere animalis. Item animalis pedestris differentia est bipes: at eadem differentia est quoq; animalis volatilis. In utroque enim genere bipes & multipes reperitur. At in ijs, quæ neutro modo se habent, non sunt eadem differentia, nempe eadem τὸ λόγῳ, sive juxta eandem definitionem. Alioqui enim & diversorum generum aliquo modo possunt eadem esse differentia, velut animalis & vasis differentia communes sunt, habere pedes & πύξ. Nam & vas aliud pedes habet, ut lectus, mensa tripes: aliud non habet, veluti cantharus &c. Verum pes animalis & lecticæ non sunt eadem ratione & definitione sive specie, ut loqui solet Philosophus: sed ὁ μανύμως & κατὰ μέταφοραν, vel κατ' ἀναλογίαν, quâ de re vide 5. Met. 15. Jam RATIONALE est differentia animæ, ut patet ex lib. 2. Polit. c. 5. & 1. Ethic. c. ult, ubi Aristot. *anima humane partem* aliam dicit esse *rationalem*, aliam *irrationalem*: & ad vulgus usque notum est, *animam* aliam esse *vegetativam*, aliam *sensitivam*, aliam *rationalem*. Ratione quoque idem evidenter demonstrari potest. Docet enim Aristoteles 6. Topic. 6. §. 5, *quod ad primum differentia debeat accommodari*. Quod si jam rationale est, quod ratiocinari potest, ratiocinatio autem πρώτως ad animam pertinet, utique ad hanc differentia hæc erit accommodanda. Quædam enim anima tantum nutrire potest, quædam & nutrire & sentire: quædam ambo potest, & præterea etiam ratiocinari. Humanæ autem pars alia nutrire, alia sentire, alia

rationari. Unde rationale primò competet parti animæ humanæ, propter partem illam autem toti, & propter totam animæ simpliciter. Ex quo manifestum est, quod rationale sit differentia, quâ differt anima ab animâ & pars una animæ humanæ à reliquis. Neque verò id mirum alicui videri debet, quod eadem differentia animæ & partium sint animæ humanæ. Nam in numeris & figuris idem contingit. Eadem sunt differentia trianguli & quadranguli, quæ sunt partium pentagoni, quod potentia est triangulum & quadrangulum, quemadmodum quinarium est potentia binarius & ternarius. Quia itaque anima humana, quæ una est actu, ut pentagonus, potentia tres *dividitur* est, mirum non est, si eadem sint differentia animæ & partium animæ humanæ. Verum anima humana sumi debet, ut pentagonus, cum superimposito uni lateri hexagono. Ita enim erunt eadem differentia partium talis figure compositæ, quæ sunt trianguli, quadranguli & hexagoni. Manifestum ergo est, quod animæ differentia sit rationale. Jam verò eadem statuitur & differentia esse animalis, & quidem non in alio, sed eodem sensu. Neque enim alio sensu homo rationalis juxta illos dicitur, quâ anima, sed ambo idè hoc nomine gaudet, quia prædita sunt virtute ratiocinandi. Animal autem & anima duo sunt diversa genera, quorum neutrum continetur sub altero, nec utrumque continetur sub eodem. Non poterit ergo vera ac genuina differentia animalis statui rationale.

XXX. Dicent forte, animam non esse genus, eo quod species ejus se habeant *εφεξής*. Una enim includitur alteri, & una præsupponit alteram. Veluti anima rationalis includit & præsupponit sensitivam, & hæc includit ac præsupponit vegetativam. Sed hoc modo *numerus* quoque & *figura* non essent genera. Nam & ea habent species *εφεξής*, sive deinceps, positas,

tas, ita ut prima sit in secundâ, secunda in tertiâ, & hæc præsupponit istam, ista autem illam & sic deinceps. Unde & figuræ animam comparat Aristoteles lib. 2. de An. c. 2. Alij dicent, animal & animam esse in eodem genere, sc. substantiæ. Sed hæc quoq; exceptio nulla est. Substantia namq; non est genus univocum animæ & animalis, sed dicitur de illis πολλὰ ὅσως. Animal enim est substantia, quatenus substantia significat ὑφισταμένον καὶ αὐτὸ: at anima dicitur substantia, quia est pars essentialis substantiæ, Vid. 5. Met. 8. vel animal est substantia, ut compositum, anima ut actus sive forma, 8. Met. 1. 7. Met. 3. quæ denominatio univoca non est. Pars enim & totum, cuius illa pars est, non sunt synonyma, 6. Topic. 13. §. 15. quatenus scilicet hæc pars, illud totum est. Tacemus, quod substantiâ sit nullius rei genus absolute loquendo. Dicitur quidem genus, sicut & aliæ categoriæ, sed non sunt absolute sic dicta genera, quia non dicuntur τί ἐστίν, quid sit, sed modum prædicandi de substantiâ singulari designant, ut ostensum jam antè c. v. §. 15. Quâ de causâ & σχήματα dicuntur τῶν κατηγοριῶν 7. Met. 1. item πρόποι τῶν κατηγοριῶν 6. Met. 3. Quin & ideo tot dicuntur esse κατηγορίαι, quot sunt modi κατηγορεῖσθαι 1. Prior. 47. Dicuntur ergo Categoriæ quidem genera, verum non sunt ἁπλῶς sic dicta genera, sed cum addito genera prædicandi, id est, ut Aristotelem explicare vidimus, σχήματα & πρόποι, figuræ & modi prædicandi. Sicut & quatuor causarum genera dicimus, non quod causæ sint genera rerum, sed quod quatuor sint modi, quibus aliquid alterius causa dicitur. In Categoris quidem sunt genera, quâ de causâ etiam genus διαφερόντων κατηγοριῶν dicitur, 1. Topic. 9. §. 1. ipsæ tamen categoriæ non sunt genera, nisi πρὸς τῆς συνδύσεως, cum addito, ut dictum. Perinde, ut in apothecis ipsi tituli aut pixides non sunt medica-

menta, sed hæc in & sub illis continetur. Unde & Plotinus distinge-
 re distinguit inter κατηγορίαν & genus 6. Ennead. lib. 1. qui li-
 ber lectu dignissimus est. Perspicue enim in eo demonstra-
 tur, Categorias non esse genera. Sed hæc diducere non est
 præsentis instituti. Id solum dicimus in præsentī: Si animal
 & anima possunt habere easdem differentias univocas propte-
 rea, quia sunt in genere substantiæ, tum cælum quoq; & lapis
 habere poterunt easdem differentias, quia itidem sunt in gene-
 re substantiæ. Imò omnia genera poterunt habere easdem dif-
 ferentias, quia omnia sunt sub genere entis. Nam sicut ens,
 sic & substantia est ἐκ τῶν πολλῶν λεγόμενων. Vid. 5. Met. c.
 7. & 8.

XXXI. Uterius 1. Part. An. c. 3. docet Aristoteles,
*quod differentia continuum nexum habere debeant cum genere
 & indissolubilem.* Quanquam enim ad essentiam generis
 non pertineant, & hætenus accidentia dicantur, per se tamen
 insunt, ut colligitur cum ex alijs locis, tum & ex 5. Met. 30.
 Ita par & impar per se cohærent cum numero: & terrestre ac
 aquatile cum animali, in quæ idè rectè dividitur animal, at nō
 in album & nigrum. Hæc enim κατὰ συμβεβηκός, sive per acci-
 dens prorsus animali insunt. Jam quæritur, qualē connexionem
 rationale cum animali habeat, num per se cum ipso cohære-
 at, an solum per accidens? Ut hoc clarum fiat, ad diversa
 ejus significata est attendendū. Aliquando enim rationale illud
 dicitur, *quod colligere potest unum ex alio.* Quomodo ratio-
 nale quidem cohæret cum animali, & quidem per se; verūm
 h. m. non solus homo est rationalis, sed & alia aliqua anima-
 lia, quæ bruta vocant, à quibus tamen omnibus hominem per
 hanc differentiam, rationale, distingvi dicunt. Animalia enim
 non sunt unius generis, sed, quemadmodum liquet ex 1. Met.

c. 1. quædam ex illis ita comparata sunt, ut in ijs solum locum habeat *apprehensio sensus*, quæ tum demum nascitur in ipsis, cum objectum præsens est, & tam diu durat, quamdiu hoc præsens est. Qualia animalia sunt ostrea, conchylia, & ad summam omnia, quæ in mari adnascuntur scopulis, quæq; de loco in locum arbitrariè semovere non possunt. Hæc enim cum alimentorum causâ progredi nequeant, non opus quoq; habent visu, nec olfactu, nec auditu, ad persequendum alimentum, multo minus memoriâ, sed sufficit illis tactus & gustus alimenti præsentis. Alia porro sunt animalia, *quæ præter sensum habent & memoriâ, carent tamen auditu, sensu disciplinæ*. In quibus, inquit Aristoteles, jam reperitur prudentia quædam, non absolute sic dicta, sed *ὡς τὰ μέλα ποταμῶν*. Talia sunt apes, formicæ &c. Denique dantur & talia animalia, *quæ memoriâ habent, & sensum auditus*: & hæc informari & prudentiora fieri possunt, ut canes, elephantii, psittaci &c. Jam de his, quin & de secundi generis animalibus non immerito dubitatur, annon unum ex alio colligere queant. Cur enim natura memoriâ, *quæ præteritorum est* lib. de mem. & reminif. c. 1. ijs tribuit, nisi ut prospiciant sibi de futuris, eaq; prosequantur, quæ jucunda; & ea fugiant, quæ molesta esse meminerunt. Hoc autem fieri non potest sine aliqua collectione, saltem unius singularis ex altero. Non vacat jam id exemplis illustrare & fusius probare. Qui vult legat Plutarchum in libro de solertia animalium, & altero, quo id unice agit, ut demonstret bruta ratione uti. Iungat & Porphyrium lib. 3. de abstinentiâ ab esu animalium, & dilucide satis atq; operose id demonstratum ibi inveniet. Sed præter hanc est & alia vocis, *rationalis*, significatio, quâ rationale idem est, quod præditum esse facultate intelligendi & *delibe-*

randi, quomodo Aristoteles vocabulum hoc usurpare solet. Inde enim λογίζεσθαι καὶ βυλεῖσθαι, *rationari & consultare seu deliberare idem* vocat 6. Ethic. c. 1. Et hoc sensu certum est, quod bruta non sint animalia ratione utentia. Quod enim facultate deliberandi præditi non est, id non solum colligere singulare ex singulari memoriæ inscripto, sed & ex universali per experientiam collecto quid inferre aptum natum est. Qui enim intelligit, universale intelligit, quod huius per se sit intellectus, *singularium* autem non nisi per accidens, *quatenus sub universali continentur*, 3. de An. 6. Jam autem qui deliberat, λογισμῷ utitur constante duabus propositionibus, quarum altera est universalis, per experientiam collecta, cuius objectum est intellectus: altera singularis, quam manifestat sive sensus, sive ars, sive prudentia, ut videre est lib. de animal. motu c. 7. & lib. 7. Ethic. c. 3. (4.) At in bruta non cadit experientia, sed in solum hominem, 1. Met. c. 1. nec universale illa apprehendere possunt, sed tantum singulare. Unde & 3. de An. c. 10. t. 48. Philosophus ait: ἐν τοῖς ἀνθρώποις ζῷοις ἔστι νοῦσις, ἔστι δὲ λογισμὸς ἐστίν, ἀλλὰ φαντασία, *In aliis animalibus præter hominem, neque intellectus est* (qui est cognitio universalium), *neque logismus, sed phantasia.* Hoc igitur sensu solus quidem homo animal rationale est: sed hoc modo rationale per se non cohæret cum animali, sicut differentia cum genere cohæreere debent. Neque enim ut sentiendo & movendo animal victum quærit sive in terrâ, ut terrestria, sive in aquâ, ut aquatilia, sive in utroque, ut ἀμφωλεπίζοντα. sic & sentiendo intelligit intellectus, aut deliberat διανοία, licet præsupponant sensum. Ex sensu enim *memoria, ex memoria experientia, ex multis experientiis in unum collectis exsurgit universale, quod apprehendit intellectus, ex quo aliquid concludit* διανοία, 1. Met. c. 1, Post. c. ult. Unde &

& illud natum est: *Nihil est intellectu, quod non ante fuerit in sensu*, sive per se primò, sive per partes suas, sive per effecta, sive per aliquid simile, sive per opposita, sive per fundamentum. Per se ergò ad modum differentie cum animali τὸ λογικὸν non coheret. Ut taceamus, animal per naturam esse corruptibile quid: id autem, quod intelligit, esse incorruptibile, quin & id, quod deliberandi vi instructum est, si non ex Aristotelis sententia (apud hunc enim διαλογικὸς corruptibilis est) tamen ex eorum, cum quibus nobis res est, opinione. Quomodo autem incorruptibile corruptibilis rei differentia esse potest, *cum hæc toto differant genere?* 10. Met. ult.

XXXII. Tandem Aristoteles in 1. Part. An. c. 3. & hoc inculcat, *quod in rebus naturalibus differentia formam quidem significat, verum non simpliciter, sed in materiâ*. Cujus & ratio est posita in apico. Facit enim differentia differre speciem aliquam totam ab aliâ, non partem solum ejus. Veluti terrestre hominem ab aquatilibus animalibus totum differre facit, non secundum animam solum, sed & corpus. Facultas enim, quâ homo se movet in terrâ, ad quærendum victum, organica est. Tales autem facultates à corpore pendent, ut in esse, sic & in operari, uti loquuntur. At ea divisio, quâ animal dividitur in rationale & irrationale, non facit animalia differre à se invicem secundum totum. Neque enim homo per rationale ab equo & alijs brutis distinguitur per corpus & animam simul, sed solum secundum partem aliquam aut facultatem animæ. Unde & Aristoteles rursum 1. M. M. c. 5. & 2. Eud. 1. animæ hanc divisionem competere ex communi consensu probat.

XXXIII. Sed instabit quis, Aristotelem tamen expressè asserere, quod differentia significet formam, 7. Met. c. 9.

At

At decipit talē σχῆμα ἡσ λείψος. Non dicit Aristoteles, differentiā significare formā, sed hoc solū, quod differentiā sit *velut forma* sive ei similis, nempe *secundū analogiā*. Genus se habet, inquit, *ut materia, differentia ut forma*. Quemadmodū enim materia ex se nullam habet formam, apta tamen est ad omnes formas suscipiendas. E. g. Cera neq; cylindri, neq; pyramidis, neque conī, neq; glōbi, neq; cubi aut similium figuram in & per se habet, apta tamen est ad recipiendas has omnes: & ligna, domesticis instrumentis materiam subministrantia, formā omni privata sunt: nam neq; sedilis formam habent, neque abaci, neq; alterius istius generis ullius, possunt tamen has omnes admittere formas: Sic & genus nullam earum differentiarum, quibus dividitur, per se includit, aptum tamen est suscipere has omnes. Et sicut forma materiam, quæ in se indifferens est, determinat, ut inde fiat hoc tale v. gr. ignis aut aqua, vel aliud: Ita & differentia genus, quod ex se indifferens est ad plura, restringit ac determinat ad certam aliquam speciem v. gr. hominis aut equi. Quod si ex eo, quod Aristoteles dicit, *differentiam esse velut formam*, inferre liceret, differentiam significare formam: ex eo quoq; quod idem ait, *genus esse velut materiam*, inferri posset, genus significare materiam. Quod tamen perspicuè falsum est. Animal enim non materiam solum significat, sed & formam, sc: animam sensitivam in tali corpore, videlicet certis organis instructo. Quin existimant nonnulli, aliquando contingere, ut *genus* significet *formam*, *differentia* autem *materiam*, velut in definitione formarum & accidentium, quæ de re, quid sentiendum sit, suo loco dicemus. Deinde notum est, quod *forma* vocabulum sit ambiguum. Aliquando enim significat integrum τὸ τί ἦν εἶναι, sive *integram essentiam rei*, velut 2. Phys. 3. 5. Met. 2. Cujus pars in sub-

in substantiis naturalibus est & materia, licet non quævis, sed determinata, docente Aristotele 7. Met. c. 10. & 11; sicut ad essentiam hominis pertinent caro & ossa. Hanc formam autem non significat aut exprimit differentia, sed tota definitio. Alio potè modo *forma* dicitur, *nobilissima pars essentie*, ad quam reliquæ partes habent se quodammodo *δυναμὶς* & velut materia ad actum, qualis in plantis est anima vegetativa, in animalibus autem sensitiva. Sed nec talem formam significat differentia. Si enim ab animâ differentia petendæ essent, tum omnes plantæ essent eiusdem individua speciei, & animalia solum tactum habentia & reliqua ratione carentia in multitudinem specierum non distinguerentur. Non enim plantæ differunt per animæ differentiam; quia non aliâ præter vegetativam habent; hoc autem omnibus commune est. Similiter tactum habentia aut omnes sensus non differunt per differentiam animæ sensitivæ. In omnibus enim eadem ejus est ratio. Si igitur *illud, cujus differentia aliquid non differt, idem est*, 4. Phys. t. ult. animæ autem differentia plantæ non differunt inter se, eadem utique anima erit in omnibus plantis, atque sic specie convenient omnes: eademq; & ratio animalium erit.

XXXIV. Quis ex his non intelligit, τὸ λογικὸν pro genuinâ animalis differentia, quæ illud dividat, & certam aliquam speciem animalis per se constituat, haberi non posse? Quomodo ergo illi hanc pro regulâ & cynosurâ habent, ad quam omnes differentia propriè dictæ sint exigendæ? Pertinet tamē, inquit, τὸ λογικὸν ad essentiam hominis. Ita est. Verum idcō non est differentia hominis, quatenus is est sub genere animalis, aut certa quædam species animalis. Varia enim sunt in homine, veluti in quo quasi compendio quodam penè omnia reperiuntur, quæ in toto universo. Unde & μικρόκοσμος, *parvus*

mundus vocatur. Ex quo diversimodè considerari potest. Pro diverso autem respectu alia atque alia sunt, quæ ad *εἶναι* ejus referuntur. Illud enim *εἶναι*, quod exquiritur definiendo, jam pridem monuimus, vel solius respectus variatione, mutari posse. Ut enim drachma, si detur nauclero, *ναῦλον* dicitur; si portitori, *τέλῳ*; si doctori, *διδάκτρον*; si medico, *σώτρον*: ita ejus quoque *εἶναι*, *ὁρισμῶ* explicandū, pro alia *σχέσιν*, aliud atq; aliud exoritur. Cujus enim *τῆς νομῆς δηλοῦν* est, ejus & *ὁρισμὸς* sive definitio & contrā. Homo igitur considerari potest *partim* ut *mixtum aliquid*, atque ita essentiam ejus ingrediuntur qualitates primæ calidum, frigidum, humidum, siccum: ex horum enim ratione fit mixtum; *partim*, ut *vivens vegetativum*, atq; ita essentiam ejus ingreditur anima vegetativa; *partim* ut *animal*, atque ita definitur vivens sensitivum; *partim* ut *rationalis animal*, & tum definitur per genus & differentias, animal per se dividens & homini per se competentes, h. e. tales differentias, quæ determinant animal secundum sensum & motum. His enim animal à reliquis viventibus differt, i. de An. c. 2. Tales verò differentiæ sunt *terrestre, pedestre &c.* Unde Aristoteles definit hominem animal *πεζόν, δίπουν* *pedestre, bipes*. Porro considerari quoque potest homo, ut *præditus est libero arbitrio & capax beatitudinis practicæ*, quod ipsi jam non, ut est sub genere animalis, competit, sed ut superius quid animali, seu, quæ homo est. Et hoc modo ad rationem ejus *λόγῳ* pertinet, quatenus hæc vox significat facultatem consultandi seu deliberandi. Ideò enim liberum arbitrium habet homo, quia vim habet deliberandi. Unde & liberum arbitrium definitur *appetitus deliberativus* 3. Ethic. 5. Deniq; considerari etiam potest, ut est *divinius quid eo, per quod homo est*, & particeps *vite divinæ*, id est, *contemplativa*. Quo respectu in ratione seu

285

ne seu definitione ejus intellectus ponitur, qui simplici intuitu rerū quidditates & essentias apprehendit & *divinissimus* est *eorum, quæ sunt in homine*, ut Aristoteles ait 10. Ethic. 8. atque interdum quidem, ubi *ἐπεὶ βίαι* sequitur, ille ab ipso quoque à λογῶν distingvitur: aliquando tamen & ejus nomine ipsi venit. Pertinet igitur ratio quidem ad essentiam hominis, verū non ut spectatur is in genere animalis. Non enim dicit illa speciale esse animalis, propterea quod connexionem per se cum essentia & natura animalis non habeat, sed prærogativam solum exhibet hominis præ reliquis speciebus animalis.

XXXV. Lubricum ergo prorsus, ut dicere incipiebamus num. 13, fundamentum est, quo nituntur ij, qui militant pro differentiis occultis. Id enim ex hæcenus dictis satis superque liquere arbitramur. Quamvis & alijs idē rationibus everti possit. Ex quibus hæc vice unicam solum adhuc adducemus. Dicunt illi, differentiam specificam, si generi jungatur, absolvere definitionem speciei. Jam notum est discrimen, quod inter cætera differentia intercedit etiam cū accidente. *Accidens enim sine addito genere subjecti dicitur de subjecto suo*. E. gr. Non dico, homo est animal album, doctum, Musicum: sed homo est albus, doctus, Musicus. At *differentia de specie enunciat aut debet enunciari cum genere*. E. gr. Non dicendum est, homo est terrestris, sed homo est animal terrestre: neq; de Metaphysicâ dicendum est, quod sit contemplativa, sed quod sit scientia aut habitus contemplativus, quod ipsum de proprio quoque docet Aristoteles, 5. Topic. 3. §. 7. Ratio est in promptu, quia differentia non significant *ποιότητα* simpliciter, quemadmodum accidentia, sed circa essentias, 5. Met. 14. Ex quo & *non in quælibet simpliciter, sed in quælibet quid prædicari dicuntur*. Quod si verò ita se res habet,

differentia autem specifica generi juncta, etiamsi unica fuerit, integram definitionem absolvit, tum inter κατηγορίαι *definitionis & differentie* nihil erit discriminis, quod an in Philosophorum scholis hactenus sit auditum viderint illi. Sed satis etiam de tertiâ principiorum ἀποδείξεως conditione.

CAPUT XII.

Quo προπαρασκευῇ fit ad declarandam ultimam principiorum demonstrationis conditionem, quæ requirebat, ut demonstratio constet ex causis.

I. Unica adhuc restat conditio principiorum demonstrationis, quæ exigebat, ut demonstratio constet ex causis. Eam ut expeditam reddamus, ante omnia ad numerum causarum attendendum est, ut sciamus, ex quibus causis liceat demonstrare, num ex omnibus, an solū ex quibusdam. Aristoteles igitur quatuor dicit esse genera causarum lib. 2. Post. c. 11. *formam, materiam, efficiens & finem.* Quæ singula breviter sunt explicanda, quantū ad præsentem tractationem conducit. Forma igitur est τὸ τί ἦν εἶναι, ipsa rei essentia, quæ definitione exprimitur, sicuti & alibi passim definitur. In 5. Gen. An. 1. appellatur hæc causa αἰτία τῶ λόγῳ, quæ verba vulgò reddunt causam nominis: at non commode satis. Λόγος enim non solum nomen aut orationem significat, sed & *rationem*, id est, & esse cuiusq; & secundum esse illud denominari. Nomina namq;, utut non φῶς, sed θερμὸν consent, nihilominus, si rectè imposita sunt, rationem ac naturam rei sequi ac imitari debent; cum nomen sit, quasi *novimen*, ut ait Festus, *quod novitiam*

titiam faciat, sive notitiam rei subjectæ insinuet. Vel, ut Ili-
 dorus Hitalensis lib. 1. Origin: c. 6, quasi *notamen, quod no-*
bis vocabulo suo res notas efficiat: nisi enim, addit, nomen scie-
ris, rerum cognitio perit. Unde & Diodorus apud Thucydidem
 lib: 3 dicit: Οἱ λόγοι διδάσκαλοι τῶν πραγμάτων γίνονται, *Verba*
rerum magistri sunt. Cui adstipulatur & Plato in Cratylo,
 cum scribit: Διδάσκειν δύναμιν ἔχει. ὥστε ἐπιδάσκει τὰ ὀνόματα ἐπι-
 σταί, ἐπίστασθαι καὶ τὰ πράγματα, *Habent nomina vim res docen-*
di, ut qui nomina rerum rite novit, res quoque ipsas perspicuas
habeat. Nec dissentit ab his Aristoteles. Inde enim in Rhe-
 toricis nomina dicit esse μῖμνήματα, *imitamenta rerum.* Et sub-
 dit: φύσις ὀνομάτων ἕδὲν ἐστίν, ἀλλ' ὅταν γίνῃται σύμβολον, *Natura*
nominum nihil est, sed tum esse accipit nomen, quando fit sym-
bolum, nempe rei. Deniq; & Orator ex Philosophorum sen-
 su: *Nomina, ait, sunt quasi nota rerum.* Quæ etiam causa
 est, cur Plato l. c. impositionem nominum competere dicat
viris sapientibus, qui exactum de naturâ rerum iudicium fer-
 re possunt: Non ergò forma causa nominis solius est, sed &
 rei, & quidem primò ac principaliter. Unde & Aristoteles ejus
 loco, quod formam c. l. dicit αἶλον τὸ λόγος, alibi eam vocat
 αἶλον τὸ εἶναι; Item λόγον τὸ τί ἦν εἶναι, veluti lib: 2 Phys. c. 3. &
 5 Met. c. 2. Λόγος enim nonnunquam idem, quod habitudine
 designat. Quo sensu & Mathematici hanc vocem adhibere
 consueverunt. Sic enim Euclides λόγον definit lib. 5. Elemen-
 torum: Λόγος ἐστὶ δύο μεγεθῶν ὁμογενῶν ἢ πρὸς ἀλ-
 ληλα ποιά σχέσις, *Λόγος est duarum magnitudinum ejusdem ge-*
neris, quatenus ad quantitatem pertinent, mutua quodam ha-
bitudo. Ita ergò & forma non simpliciter τὸ τί ἦν εἶναι dicitur,
 sed λόγος seu habitudo τὸ ἓν εἶναι. Formæ enim ratio con-
 sistit in σχέσει ad subjectum. Quod nemini mirum videri de-
 bet.

bet. Pleraq; enim formæ naturales in se & suâ naturâ sunt accidentia; formæ autem rationem demùm accipiunt ex *habitudine* ad subjectum, quando ita comparata sunt, ut hoc ipso beneficio finem à naturâ ipsi præstitutum & perfectionem suam consequatur, id est, munus suum debite exsequatur. *Opere* enim *determinatur unumquodq;* 4 Meteor. ut. veluti animal sensu, oculus visione, auris auditione & sic deinceps. Nempe res ita se habet cum formis, ac si quis plures unitates dispersas in unum collectas animo complectatur. Dispersæ enim nihil aliud sunt, quam unitates, collectæ autem eadem sunt numerus, quippe qui nihil aliud est, quam τὸ ἐκ μονάδων συγχέμενον πλῆθος, definiente ita ipso Euclide lib: 7. Elem: definit: 2, *multitudo ex unitatibus collecta*. Et tamen unitatibus illis, dum coeunt, & numerus fiunt, nihil accedit, præterquam habitudo quædam nova. Comparata quoq; simili modo res est cum toto. Hoc enim itidem nihil aliud est, quam σχέσις aliqua sive habitudo certa, quæ oritur ex paribus collectis seu simul sumptis. Quam ob causam & forma *totum* dicitur ac *terminus* lib. 2. Phys. t. 3 1. Aliquando tamen forma etiam apud Aristotelem non significat integrum ἓναι rei, sed nobiliorem solum ejus partem, quæ terminat quasi esse compositi atque ultimum ei punctum addit, quomodo dicimus animam esse formam, materiam verò organicum corpus.

II. Materia 2. Phys. 3. definitur *ex quo insito* sive actu, sive potentia *aliquid sit*, ut ex ferro serra, ex argento phiala, ex vocalibus & consonantibus syllaba, ex terra terrea &c. At in Post. Anal. l. c. describitur ex necessitate cum conditione: *Materia, inquit, est, quæ consequitur alijs positus quibusdā*, id est, quā necesse est esse positus quibusdā. Materia n. & forma hunc inter se habent nexum, ut posita formā necesse sit poni materiam,

am, contrā positā materiā non necesse sit poni formam. Ratio est, quia forma non potest subsistere, nisi in subiectā materiā: materia autem manere potest in suā potentiā. Unde & materia definitur 7. Met. 3. *quod neq. substantia sit, neq. quantum &c. sed omnia hæc durant sive potentiā.* Ut enim cera nō habet certam aliquam formam, quæ ei tribuat determinationem (Neque enim cylindrus est, neq. conus, neq. cubus: potest tamen hæc omnia fieri): Sic & materia nihil est certi, per naturam tamen suam apta est recipere formas omnes. Ipsa itaque positā non statim ponitur forma: sed formā positā necessariō ponitur materia. Et hinc fortassis materia à nonnullis dicta fuit *causa sine qua non.* Inter quos est & Clemens Alexandrinus in 8. Stromatum. Sic enim ille isto loco: *Quatuor modis dicitur causa, efficiens ut statuarius: & materia, ut æs; & forma, ut character; & finis, ut honor gymnasiarchæ.* Et subdit: *Τὸν δὲ ἔκ τινος λόγον ὁ χαλκὸς ἀπὲρ πρὸς τὸ γενέσθαι τὸν ἀνδριάντα; Eorum ergo sine quibus non rationem æs tenet, ad hoc, ut fiat statua.* At paulō antè æs dixerat materiam statuæ. Hodie tamen aliter accipitur causa sine qua non. Nempe id dicitur causa sine qua non, quod respectu certi effectus non est quidem propriè causa, ita tamen ad eum se habet, ut is sequi non possit, nisi istud ponatur. E. g. remotio valvarum non est causa illuminationis conclavis; interim conclave illuminari non potest, nisi removeantur valvæ. Quamquam hæc significatio non hodie primum sit indita causæ sine qua non, sed in eadem terminus jam à Galeno sit usurpatus, ut patet ex libro ejus de sympt. differentiis c. 1. Postquam enim ibi exposuisset, quid causa sit & quæ ejus genera his verbis: *Quæ autem ex suā natura ei, quod sit, partem aliquam generationis confert, causa ipsius dicitur.* Porro hujus multa sunt gene-

*genera. Nam & materia & utilitas & scopus & instrumentū
& unde motus initium. Singula enim horum ei, quod fit, ali-
quid perfectionis conferunt; descriptionem causæ sine qua
noni subjungit hanc: τὰ δ' ἑδὲν μὲν εἰσφερόμενα, μὴ χωρίζομενα δὲ
τῶν εἰσφερομένων τὸν ὅν ἔκ ἀνευ λόγον ἔπεται, Quia verò nihil con-
ferunt, sed tamen ab ijs, quæ conferunt, sejungi non possunt,
hæc eorum, sine quibus non rationem obtinent. Ita causa sine
qua non ex ejus sententia lib. 3. de Methodo medendi, est
remotio puris necessaria ad sanandum ulcus. Pariter &, agens
propinquum vel vicinum esse, non est causa mutationis ab il-
lo in hoc factæ, aut formæ, quæ in eo producitur, sine illa
tamen vicinitate non fit mutatio ista.*

III. Porro efficiens causa est, unde est principium motus.
Materia enim per se immobilis est; ideoque quando forma ad
materiam accedere, aut ex ejus potestate educi debet, oportet
materiam ab alio moveri: movetur autem ab efficiente,
sic ut ipsum etiam efficiens moveatur. Quò ipsum secernitur
à fine, qui etiam movet, sed immobilis permanens ipse. Un-
de & Aristoteles inter motum efficientis & finis ita distingvit,
ut efficientis motum dicat *Physicum*, quoniam actionem non
sine transmutatione producit, sed ita, ut, dum movet, movea-
tur & ipsum: motum finis autem, ait, non esse *Physicum*, sed
metaphoricum. Non enim aliquam ex se producit actio-
nem, sed solum movet suâ amabilitate & bonitate: adeoq;
mover quidem, sed non movetur. Circa efficiens autem
observandum & hoc est, quod Philosophus illud solum in re-
bus agnoscat, *cum fiunt*, non cum jam actus sunt. Quod qui-
dem in doctrina de demonstratione non parum habet mo-
menti. Colligitur verò id ex definitione efficientis. Defini-
ebatur namq; illud, *unde principium motus*. at hic res fluens
est;

est; cessante ergo motu cessabit & actio causæ efficientis. Sed & Aristoteles idem expressè docet in 7. Met. c. ult. dicens: *Efficiens solum quæritur, cum res fit, aut corrumpitur.* Et 1. Met. 2. efficiēs versari dicit *περὶ γενέσεως καὶ ἀφαιρέσεως καὶ περὶ μεταβολῆς.* Indeque & Themistius: *Materia, inquit, resbus est causa, ut fieri possint; efficiens ut fiant, forma ut sint.* Averroës quoque idem voluisse videtur, cum *inventionem*, ait, *esse cum inventore.*

IV. *Finis* quid sit, jam fermè patet ex dictis. Aristoteles eum definit, τὸ ἐνέχον, *id cuius gratia*, 2. Phys. 3. Alij id, *quod primò movet efficiens ad agendum.* At quomodo, quæres, movere potest ad agendum, cum nondum sit præsens? An partim est præsens, partim non est, idque diversimodè pro diversâ ratione efficientium? *Duplex enim est efficiens. Aliud naturâ, aliud ratione & consilio.* Et hoc quidem iterum est duplex. Vel enim agit ὁρισμένως, *definitè*: vel opus habet ad motionem *solerti aliqua consideratione.* Unde & artes, quippe quæ habitus sunt μετὰ τῷ λόγῳ, *cum ratione*, à veteribus statuuntur duplices. Aliæ ὁρισμέναι, *definitæ*, quarum finem artifex, si adsit idonea materia, nec desunt instrumenta, perpetuò & sine frustratione, quando secundum artem operatur, consequitur, qualis est ars futoria, Sartoria, textoria & aliæ Mechanicæ. Aliæ ὑποθετικαὶ καὶ ἀόριστοι, *conjecturales & indefinitæ*, quarum sine artifex, etiamsi rectissime officium suum præster, excidere potest. Quales artes sunt Medicina, ars militaris, Rhetorica, Dialectica. Vid. Alex. in 1. Topic. c. 3. & 2. Nat. quæst. quæst. 16. Etsi enim Medicus nihil corū prætermittat, quæ ad restituendam ægroto valetudinem conducant, fit tamen non rarò, ut æger moriatur, aut vi morbi victus, aut naturæ debitò perfectio. Quod igitur ad *postremi* ge-

neris agentia attinet, in his finis partim præsens est, partim absens. Præsens in materiâ sive objecto, non quidem ex toto, sed tamen ex parte. Medicus, quando adit ægrotum, reperit adhuc in illo aliquam particulam sanitatis: aliàs cadaver esset, non æger. Hanc sanitatem reliquam Medicus intuetur, ut præsentem, & ejus perficiendæ atque integrandæ gratiâ omnia adhibet. At in artibus *definitis* aliter se res habet. Neque enim in hoc ligno pars mensæ est, qua parte motus faber lignarius progrediatur ad effectiorem totius. Est tamen & hic quoad antea præsens finis, licet non in objecto aut materiâ, tamen in artificis mente. Habet enim is in animo suo ideam aut figuram mensæ, & præterea perspectum usum ejus ac bonitatem, quæ præcognita bonitas excitat illum ad agendum, sic, ut formam internam, sive in animo conceptam, aut ei similem materiâ externâ, quàm eo fine varijs modis disponit atque elaborat, producat. In *naturalibus* autem agentibus res ita est explicanda. Videmus in rebus naturalibus, ut jam sæpè monuimus, non quodvis ex quovis fieri, sed id demum ex quoque fieri, quod natura cujusque permittit. E. gr. Ex semine bubulo bos fit, non caper; ex semine nasturtij nasturnum, non lactuca. Est igitur in naturalibus *ὁρμή* sive instinctus quidam naturalis ad id, quod fieri debet. Atque illa *ὁρμή*, sive ille instinctus, est aliquid præsens, quo mota natura progreditur agendo & facit ex eo, quod modò potentia nasturnum est, nasturnum actu, & sic deinceps. Adest igitur semper finis, antequam plenè sit obtentus, non quidem *απλῶς*, sive *simpliciter*, *καθ' αὐτὴν* tamen sive *secundum quid*, nō. vel *parte* à quâ sui, vel *inclinatione* & appetitu, vel denique *imaginatione*. Inde autem porro efficiens, ut id quærat quod abest, nec prius cesset, quàm finem totum sibi faciat præsentem.

V. Observandum verò hîc quoq; est discrimen illud, quo finis apud Aristotelem distinguitur in finem ὅ & ὃ, *cujus & cui*, 2. Anim. text. 35 & 37. Ex quibus finis *cujus* est, *cujus efficiendi aut acquirendi gratiâ aliquid fit*. Finis autem *cui* ad *cujus usum & commodum destinatur res efficienda aut comparanda*. E. g. Medici finis est sanitas: hujusenim aut conservandæ in sanis, aut redintegrandæ in ægris causâ agit Medicus, quicquid agit. Unde Hippocrates, Præc. text. VI. *ἔν δ' ἐξ ἡ ποσειτων μὲν ἐπιστάτην, ἔνεκεν ὑγιείης: ὑγιαίνοντων δὲ προηλθὲν ἔνεκεν ἀνοσίης, Oportet ægris præesse salutis causa: sanos autem curare, ut nō ægrotent*. Et hi quidē, quorum sanitatem aut conservare, aut redintegrare intendit Medicus, sunt finis ipsius cui. Ita & Architecti finis cuius, est domus, quæ imbres & æstus arceat: finis cui autē is, in cuius usum & commodum domum extruit Architectus. Cæterum & finis cui h. e. illud, in cuius usum & commodum cedit res comparata, non movet, nisi ut subit rationem cuius gratiâ. Domum enim Architectus ædificat mihi h. e. mei usus gratiâ. Quare ratio præcipua finis est ὅ ἕνεκα, *cujus gratiâ*, quâ & Aristoteles expressit in definitione. Imò divisio ista finis in finem ὅ & ὃ, non est, nisi in duas rationes, quæ junctæ demum unum totū & integrum finem, Scholastici adæquatū vocant, absolvunt. Qui enim curat ægrum, non proponit sibi præcise sanitatem efficere, quippe quæ est universale quidpiam, cuius non est actio, 7. Met. 8: nec hominem solum pro scopo habet, sed hominem quempiam sanum reddere, aut sanitatem ei restituere vel cerè conservare in ipso intendit.

VI. Hæc sunt quatuor genera causarum, quæ Aristoteles agnoscit. Quæ alij, ut velut in *οχηματι* aliquo ea preponant, certis characteribus distingvunt, & veluti ab invicem separant, nempe his, ὅ, καὶ ὃ, ὁθεν, καὶ ὅ ἕνεκα vel etiam *διὰ τὸ*. Et illud

quidem, ἐξ ᾧ, sive *ex quo* aliquid est, vocant *materiam*. Id autem, *secundum quod*, sive rationem secundum quam, vocant *formam*. Porro illud, ὅθεν, sc. ἡ κίνησις, unde *motus*, aut principium motus, dicunt *efficiens*. Deniq; τὸ ᾧ ἐνέργεια sive *cujus gratiā*, καὶ διὰ ἧ, *propter quid*, ajunt esse *finem*. Et sanè ipse Aristoteles aliquando his aut similibus notis causas separare solet. Interim & hoc constat, sæpè cum ab ipso, tum ab alijs characteres hos aliter atque aliter usurpari, & nunc omnibus, nunc diversis tribui causis quod in communi vitā quoq; sapius fieri videmus. Ita vocula, *ex*, quæ materiæ aptatur, sæpè ita generaliter accipitur, ut & causæ *finali* tribuatur, veluti, cum dicitur: Ex ista puellā hæc digladiatio orta est h. e. propter istam. Sed & *ex formā* non rarò constare dicitur res; utiturq; hoc modo loquendi etiam Porphyrius in Isag. c. 3 §. 17, cum ait: τῶν γὰρ πραγμάτων ἐξ ὧν καὶ εἰδὲς συνεστῶτων. *Efficienti* quoq; accommodatur, cum ex Patre filius dicitur genitus. Pariter & principium, unde motus non solum *efficienti*, sed & *fini*, quin & principio aut facultati *patiendi* tribui solet, velut principium unde motus sursum, levitati, motus deorsum autem gravitati. Levitas autem & gravitas principia patiendi sunt & ad materiæ pertinent dispositionem, ceu jam antè quoq; dictum. Ab ipso etiam Philosopho ad *omne* causarum genus transfertur in de descriptione *principij*, quæ occurrit lib. 5 Met. c. 1. Air enim *principium* esse *primum*, ὅθεν, unde est, fit aut cognoscitur. Deniq; τὸ διὰ ἧ, iidem omnibus causis attribuitur, adeò ut ex diversis modis respondendi ad quæstionem διὰ ἧ Philosophus lib. 2. Phys. c. 7. colligat numerum causarum. Ideoq; satius est characteribus his relictis ad prædictas causarum attendere descriptiones.

VII. Caterum nonnulli his quatuor causarum generibus

bus non contenti, addunt ijs adhuc alia duo, nempe genus *instrumentorum & idearum*, quæ & ipsa causis annumeranda esse inde probant, quia per hæc quoq; aptè respondetur ad quæstionem *διδ. l.* Cum enim quæritur, quare mensa hæc sit levis? aptè respondetur per instrumentalem causam, quia dolabrâ vel ascia est expolita. Cum autem quæritur, cur pictor hic pinxerit imaginem Pompeij? respondetur, quia ejus & non alius ideam conceperit in mente. Verùm observandum hic est, causas posse dupliciter considerari, videlicet *προηγμένως* sive *primariò*, & *ἀναγωγικώς* sive *reductivè*. *Primariò* sunt tantum quatuor illa genera causæ antè recensita. Unde & Galenus in definitione causæ particulam quandam adjecit, quâ doceret, eam solùm *ἀπλώς* causam esse, quæ *primariò* ad effectum aliquem concurrat. Ita enim eam describit: *Causa est, quæ suapte natura, ei, quod fit, partem aliquam generationis confert.* Undè perspicuè colligitur, instrumenta *πρωτώς* non esse causas. Neq; enim suapte vi agunt, sed mota ab efficiente principali. E. gr. Serra non secatur, nisi moveatur à fabro aut alio: neque penna scribit, nisi moveatur à scribâ. Si igitur instrumenta sunt causæ, reductivè causæ dicendæ erunt. Inde autem nova oritur quæstio, ad quod genus causæ illa sint reducenda? Aliqui ad finalem causam reducunt. Proque sententia sua citant ipsum Aristotelem. Ita enim ille: *Causa porro dicitur etiam ut finis, hoc autem est cujus gratia, ut deambulandi sanitas. Cur enim deambulat? dicimus, ut bene valeat, & cum sic diximus, putamus nos causam reddidisse. Et quæcunq; igitur alio movente interjecta finis gratia sunt, ut sanitatis gratia fit extenuatio vel purgatio, vel pharmaca, vel instrumenta: hæc enim omnia finis gratia: differunt autem inter se, quod alia sint opera, alia instrumenta.* Hæc ille

2. Phys. c. 3. Quæ ipsa idem reperit 5. Met. 2. Averroës' autem illa ita exponit, quasi eorum, quæ ad finem reducuntur, duplex in ijs Philosophus constituerit genus, *opera* scil. & *instrumenta*. Verùm quivis facile, si ad seriem verborum attendat, intelligit, hanc expositionem à mente Aristotelis esse alienam. Reddens enim rationem ejus, quod de his asseruerat, ita inquit: *Omnia enim hac finis gratia sunt.* Quibus verbis apertè significat, ipsa non esse fines, sed effectus potius, quorum finis sit causa. Nam ægrotus eligit instrumenta Medical quidem, sed propter finem.

VIII. Alij instrumenta referunt ad *causã efficientem*. Inter quos Simplicius dicit esse & Alexandrum. Ait enim hunc eorum omnium, quorum Aristoteles fecerat mentionem, nempe ἔργων & ὀργάνων, qualia sunt φάρμακα καὶ σμήλα, *medicamenta & scalpelli*, sanitatem v. c. statuere esse αἰτιὸν τελικόν, id est, *causam finalem*: hæc verò sanitati esse προηγουμένη αἰτία, *causas efficientes*. Verùm hoc non arridet Simplicio, qui mavult organa dicere media, quàm efficientes causas. Rationem addit, quia in definitione causæ efficientis ponitur τὸ πρῶτον. Ita enim describitur: *Efficiens est, unde πρῶτον primum principium motus est.* At tale quid de instrumento dici non potest. Quin per hanc ipsam vocem, πρῶτον, ab instrumento causa efficiens distinguitur. Quod & Themistius annotat, dicens in Comm: πρῶτον δὲ εἶπον, ὅτι καὶ τὰ ὄργανα δοκεῖ κινήσεως αἰτία γίνεσθαι ἀλλ' οὐ πρῶτα. Verùm inde nihl aliud sequitur nisi hoc, organa non esse efficientes causas πρῶτας καὶ κυρίας sic dictas. Essent n. primum motus principium. Id autè inde non sequitur, ea causas nō esse tales δευτέρας & ἀναγωγικάς. Videtur tamē alicubi Aristoteles organa reduxisse ad *materiam*. Velut in lib. de Spiritu c. 9, c. im ait: ἡ φύσις τοῦ πυρὸς ὡς ὕλη καὶ ὄργανον χρῆται, *natura igne (animali scil. sive calore innato) utitur & ut materia,*

riâ, & ut instrumento. Item in 2. de An. c. 1, ubi hæc habet verba: ὄργανα δὲ καὶ τὰ τῶν ψυχῶν μέρη, *Instrumenta verò & partes plantarum.* Confer c. 4. Sed & alibi apud eundem elementa dicuntur *instrumenta cali ad facienda mixtilia.* eadem tamen sunt materia mixtorum. Ad quæ loca fortè & Simplicius respexit l. c. cum ait: δύναται δὲ καὶ ὀλίγα ὅργανα ταῦτα (ὄργανα) λέγεσθαι, *Possunt verò & causa materialis ista (instrumenta) dici.* Atque hinc alij distinguunt inter *instrumenta rationis*, quibus ars & prudentia utuntur: & inter *instrumenta naturæ.* Illa reducenda esse ajūt ad causâ efficiëntē, quia interviunt efficiënti artifici, quin & quantum ad artem, agunt in materiam, quò ipse Aristoteles respiciens *instrumentum* in activũ & effectivũ dividit, & *ministros* quoq; *instrumenta* appellat, 1. Polit. 4. In rebus *naturalibus* autem instrumenta potius ad *materiam* referenda esse existimant, quoniam ibi etiam evadunt partes rei: hæ autem ad materiâ spectant.

IX. Jam non negamus quidem, esse nonnulla, quæ & organorum & materiæ simul habeant rationem, dubitare tamen fortassis aliqui non immeritò posset, num idè organa aliqua sint ad genus causæ materialis reducenda. Omnis enim materiæ dispositio ad aliud quiddam est potius ratio promptè suscipiendi formam quandam, quàm organum. Hoc namq; usum & utens præsupponit: uti autem non est potentiæ passivæ, sed activæ, sive agentis, organo utentis ad agendum, quòd organum movet, hoc autem motum iterum materiâ, in quam exercetur actio, quippe quæ non est principium τὸ κινῆν, sed τὸ κινῆσθαι. Et licet calor naturalis sit organum multarum actionum, quemadmodum & partes corporis (per manum n. quæ pars corporis est, tangimus: per oculus videmus: per pedes ambulamus &c.) tamen hoc fit non respectu corporis, cujus hæ

hæ partes sunt, sed respectu animæ tanquam formæ operantis
& primæ rationis agendi: à qua mota ista movent sequentia,
atque sificationem subeunt agentium, non materiæ. Unde
Johannes Philoponus præfat. in 1. Prior: ὁ γὰρ ὁ ἐστὶ μέντοι ἡ
χείρ, τὰς ἐστὶ καὶ ὄργανον, ἀλλὰ πρὸς ἄλλο καὶ ἄλλο. μέντοι μὲν γὰρ
τὸ σῶμα ὡς σῶμα ὄργανον δὲ τῆς ψυχῆς, *Non ejusdem
manus & pars est, & instrumentum, sed corporis quidem, quæ
corpus, pars est, anima vero instrumentum.* Nihilominus, si
rem consideremus pressius, non absurdum est dicere, idem in
naturalibus esse, & instrumentum, & materiam, etiam in respec-
tu ad idem. Nam etiam si anima non solum sit τὸ ὅτι ἐν ἑαυτῇ καὶ
ὡς ἡ ἰσότης τῶν ἐμψύχων σωμάτων, *finis & essentia corporum vi-
ventium*, sed & τὸ ὅθεν ἡ κίνησις ἀδύνη, id, unde motus profici-
scitur, ut Aristoteles ait 2. de An. 4. t. 36. tamen motus & ope-
rationes propriæ non tribuntur animæ, sed toti composito.
Melius est, inquit idem 1. de An. c. 5. t. 64. non dicere
animam misereri, vel discere, vel ratiocinari, sed hominem
animâ. Dicere enim animam discere, irasci &c. perinde est
ac si quis dicat animam texere aut edificare, quod absurdum
esse Philosophus putat. Idem repetit 1. 66. Compositorum
autem animatorum cum materia, tum organa sunt partes, quæ
ad constitutionem corporis organici, quæ talis, faciunt, licet pro
diversâ ratione. E. gr. Oculus est & materia & organum
animalis. Materia quidem, quatenus est pars ejus, ex qua con-
stat. *Partes autem sunt materia, compositio, ut forma* 2.
Phys. c. 3. Organum autem, quatenus per illud videt. Et hinc
partes animatorum atq; organa junguntur loco suprâ citato ex
2. Part. 1. *Eadem pars*, ait Boëthius præfat. lib. 1 in Porphy. r.
à se translaturum, *eadem quoddam ponitur instrumentum, si ad
partem corporis animum reducamus, quibus & fit aliquid, ut
his*

his quasi quibusdam instrumentis utamur, & in toto tamen corpore partium obtineat locum. Manus enim ad tractandum, oculi ad videndum ceteraq; corporis partes proprium quoddam videntur officium habere. Quod tamen si ad totius corporis utilitatem referatur, instrumenta quaedam corporis esse deprehenduntur, quae etiam partes esse nullus abnuerit. Causa autem discriminis, cur in artificialibus organa solum ad efficiens reducantur, in naturalibus autem etiam ad materiam, non operosum est indagare. In illis enim organa separata sunt à causa efficiente principali, ut calamus à scriptore, flagellum ab aurigâ, radius à textore. At in naturalibus ea adnata sunt. Unde & M. Antoninus Imperator lib. X. num. 35. ait organa corporis esse velut dolabrâ, in eo tamē ab ea differre, quod ista sint adnata, hæc à causa primò agente sit divisa. Verba ejus sunt: Μηδέποτε συμπεριφευλάξω τὸ περιεχόμενον ἀγγεῖδες, καὶ τὰ ὄργανα ταῦτα τὰ περιπεπλασμένα. ὅμοια γὰρ ἐστὶ σχεπάρτω, μόνον δὲ διαφέρουσα καὶ ὁλοῦ προορυῖν ἐστίν. ἐπεὶ τοι ὃ μᾶλλον ἐ γὰρ τῶν ὀφελός ἐστι τῶν μορίων, χάρις τῆς κινήσεως, καὶ ἰσχῆος αὐτὰ ἀγίας, ἢ τῆς καρδίᾳ τῇ ὑφαντρίᾳ, καὶ τῷ χαλαρῷ τῷ χαφονί, καὶ τῷ μαστρίῳ τῷ ἰνιοχῷ. *Non circumjectum tibi vas vel adhaerentia illi instrumenta tibi negotium facestant. Similia enim illa sunt dolabra, eò tantum differentia, quod adnata. Sine causâ interim internâ, quæ ea movet & cohibet, haud majori sunt usui, quàm texitricis radius, calamus scriptoris & flagellum auriga.* Et Tertullianus lib. de resurrect. c. 16. carnē live corpus hominis à reliquis istis instrumentis eo differre ait, quod ista aliunde in usus veniant, extranea omninò materiâ à substantiâ hominis. caro autem ab exordio uteri consata, conformata, congenita animæ, etiam in omni operatione illi misceatur.

X. Est tamen & alia aliqua adhuc dubitandi ratio, cur instrumenta, saltem nonnulla, non videantur referri posse ad causam efficientem. E. gr. Incus fabri instrumentum est, &

tamē causa efficiens dici nequit, quod nō moveat, sed solū moveatur. Sed fortē distingvendum est inter *instrumentum* & *causam instrumentalem*. Esse enim inter ea aliquod discrimen, vel hinc apparet. Ad id, ut aliquid instrumentum dicatur, sufficit actus primus sive ἐπιδότης, quamvis actui secundo non sit conjunctus. Unde & Aristoteles, de instrumentis præcipuē loquens, non τὰ ποίευστα, sed τὰ δυνάμενα ποιεῖν τὸ αὐτῶν ἔργον, ἀλλῶς ἕκαστα εἶναι ait 4. Met. c. ult, *non ea solū, quæ præstant actui, sed & quæ apta sunt præstare munus atq; officium, ad quod sunt destinata, revera esse*. Ex quo serra de pariete pendens & culter vaginæ inclusus erunt utique instrumenta, cum sint apta, sive ut Aristoteles loquitur, δυνάμενα ποιεῖν τὸ αὐτῶν ἔργον. At causa instrumentalis dici non possunt. Nihil n. causa efficiens dicimeretur, nisi tum, *quando ipso actu operatur*, ut causa literarū, quæ ducūtur, dicitur scriba, quādo scribit; causa picturæ, quæ paratur, pictor, cū pingit &c. Unde & Scholasticis actio vel effectio, quanquā barbare, dicitur *causalitas efficiētis*, quia per hoc aliquid propriē est efficiens, quod efficit aut agi. De cætero autē & in eo differre videntur instrumentum & causa instrumentalis, quod *instrumentum* dicitur & de ijs, quæ *nullā agendi vim* habent, etiam tum quando ab artifice adhibentur, aut alia quadam causa efficiente principali. Neque enim in artibus solū istiusmodi instrumenta dantur, ut sunt incus, mortarium, subula & similia, sed & in ijs, quæ ad πρᾶξις pertinet (dantur enim, præter instrumenta ποιητικὰ, & πρᾶξις lib. 1. Polit. c. 4.) talia occurrere videntur, velut, in *oeconomicis*, mensa, triclinium, olla & similia alia. Habent tamen & ista, quando in usu spectantur, rationem causæ cujusdam, non quidem efficiētis, sed ejus, quæ dicitur, sine qua nō. Quæ ut impropriē solū causa est: sic & instrumenta ista sunt qui-

quidem & ipsa quodāmodo instrumenta, verū non propriè, sed impropiè, aut saltem secundariò & minus principaliter.

XI. Deniq;, quod ad *ideam* attinet, est ea nihil aliud, quam *exemplar aliquod representans futurum opus vel operationem, ad quod agens respicit, cum operatur aut efficit quippiam*. Unde & causa hæc *παράδειγμα* sive *exemplaris* Platonice dicitur, à quibus hoc causæ genus potissimum est introductum. Conspicuum illud est in artibus. Cum enim Architectus quid, v. c. domū, ædificare vult, delineat primū id in animo suo & juxta delineationem istam, velut exemplar aliquod, similem quandam figuram in materiam inducere laborat. Verū Aristoteles causam exemplarem non separat ab alijs causarum generibus, sed ad prædicta causarum genera refert, & quidem partim ad *formam*, partim ad causam *efficientem*. Cum enim *duplex* sit efficiens, unum quod agit *sine cognitione*, quod vocatur agens *naturale* (neque enim ignis, cum ignem generat, facit id interventu cognitionis: neq; cum homo hominem generat. Quanquā enim hic in animo suo conceptum proles habere possit, is tamen non dirigit generationis actum, quod vel inde manifestum est, quia sive mente concipiat aliquid, sive non, generatio per se ipsā procedit: & tamen si pulchrā imaginem fingat, accidit tamen foetum deformem nasci): alterum autem, quod agit *cognoscendo & intelligendo*, ut cum homo secundum artem aut prudentiam operatur; sicut prius illud in se habet formam naturalem, per quam producit effectum & ejus similem illum facit: sic posterius hoc habet in se formam intelligibilem ejus rei, quam effecturus est, & contendit itidem, quoad ejus fieri potest, facere opus suum simile illi formæ, quam animo comprehensam tenet. Ita Medicus quan-

do post plenam indaginē eorum, quæ scitu sunt opus, secū rumi-
nat & præspeculatur, quemadmodum possit in hoc homine,
veluti Socrate aut Calliâ, sanitatem facere, efformat & concipi-
pit in animo suæ faciendæ sanitatis speciem sive imaginem, tan-
quam πρώτην ὑπόστασιν s. primā substantiam, ad quā, velut ad exem-
plar, operationes suas dirigendo, conquistis prius jis, quæ ullo
modo ullaque occasione apta aut necessaria sibi ad operandū
putat, ultra semper promouet & superfluis quibusque ablatis,
appositis necessarijs tandem efficit aut generat sanitatem in So-
crate aut Calliâ, quem curandum suscepit. Hæc species siqui-
dem referatur ad *efficientem*, Medicum, est formā ejus. Est
enim ipsa ars, quam ideo & Aristoteles dicit ἀρχὴν καὶ τὸ εἶδος
τῆς γινόμενης, ἀλλ' ἐν ἑτέρω, 2. de Gen. Anim. c. 1. *principium &
formam ejus, quod efficitur, sed in alio.* Et 7. Met. 7. *ab arte
fieri* scribit, *quorum species in anima est.* In respectu autem
ad id, *quod efficitur*, habet rationem efficientis. Distincte
enim posteriori h. l. ait Philosophus, *domum materialem effi-
ci à domo, quæ est in mente artificis, & sanitatem, quæ fit
à Medico in corpore, proficisci à sanitate, quæ est λόγος in ani-
ma Medici & substantia & τὸ τί ἦν εἶναι absq. materia.* Scili-
cet ut in naturalibus calor v. c. qui est in igne, est effici-
ens caloris in aquā, sed ignis forma: sic & domus intelligibi-
lis, quæ est in mente Architecti, & nihil aliud est, quàm idea
domus, est principium efficiens ipsius domus sensibilis, sed for-
ma Architecti. Est enim ratio, secundum quam agit. Et hanc
ob causam absq. dubio Aristoteles *causam formalem ipsam ap-
pellat rationem atq. exemplar.* 2. Phys. text. 28. Quamquam
alii adhuc alias ejus rei afferant causas, de quibus videndi sunt
Alexander, Themistius & Philoponus ad 5 Met. 2 & 2
Phys. 3, aliiqne.

CAPUT XIII.

*Quo declaratur ultima conditio principiorum
demonstrationis.*

1. His præsuppositis, videndum nunc porro est, an omnia quatuor causarum genera ingrediantur demonstrationem? Et, num ad perfectam demonstrationem conficiendam requiratur concursus omnium causarum, vel an sufficiat una? Denique, num idem effectus ex pluribus causis possit demonstrari? Quo ad primum ergo dicimus, quod omnino ex omnibus causarum generibus procedere demonstratio possit. Id quod satis manifestum est vel per inductionem. Et primò quidē demonstratio ex forma est, cum quæritur, cur cælum & elementa tantum uno simplici motu moveantur, cælum quidē motu circulari, elementa verò motu recto, ignis quidem & aer secundum lineam rectam sursum, aqua & terra a deorsum? & respondetur, quia sunt simplicia corpora ex alijs corporibus non conflata, atq; adeò in se formam simplicem habent cum alijs formis nō conjunctam, sicut mixtorum corporum formæ plerumq; cum alijs naturis conjunctæ sunt, velut animalis. Quamvis enim illud, quæ tale, unam principalem formam, animam sensitivam, habeat, ea tamen conjuncta est cum diversis naturis, quales sunt elementorum formæ, quæ formam principalem inclinant atq; disponunt ad diversos motus. Talis etiam demonstratio est, cum quæritur cur mixta, quæ mixta, sint obnoxia putredini? Et respondetur, quia habent vim insitam contrariorum principiorum continuo inter se confluentium. Ad demonstrationes porro ex forma reducere solent & illas demonstrationes, in quibus per universale tanquam causam ostenditur, cur ea, quæ

insunt universali isti universaliter, competant ijs, de quibus illud essentialiter enunciatur. Veluti cum animal dicitur esse causa, cur ea, quæ insunt animali universaliter, v. c. habere appetitum & similia, illis tribuantur, de quibus animal essentialiter dicitur, velut camelo, monocerot, dromedario & similibus alijs. Verum tales demonstrationes non sunt *ἀπὸ τοῦ* sic dictæ demonstrationes, non solum quia non sunt de genere *πρῶτης*, sed etiā, quia, si accuratè rem consideremus, nō afferunt causam, cur *πρὸς* veluti hic, habere appetitum, subjecto, camelo & reliquis, insit. Ex eo enim, quod camelus est animal, probatur quidem, quod habeat appetitum, at non cur habeat, quod quidem hic à fine petendum est. Idem enim & camelus & reliqua animalia in universum habent appetitum boni, ut se conservent in vitā: quanquam & à forma peti possit, sive definitione animalis, quæ est vivens sensitivum & causa, à qua manat appetitus. Neque enim appeteret animal, nisi sentiret: & idem appetit, quia id, quod appetit, sentit esse sibi bonum. V. 2. Post. 18. 2. E. vd. 6.

II. Deinde est & ex *materia* demonstratio. Veluti quando quæritur, cur ossa sint dura? & respondetur, quia terreæ sunt sortis. Cur ferra ærugine absumi possit? & respondetur, quia constat ex ferro, quod ærugini est obnoxium. Cur sublunaria corpora omnia corruptioni sunt obnoxia? & causa dicitur *δύναμις ἀλλοφθορέως*, i. e. *potentia contradictionis*, seu insita primæ materiæ, ex quâ illa corpora constant, inclinatio ac propensio ad novam formam. Est & ex *materia* demonstratio, cum quæritur, cur semen sit album? & respondetur, *quia multum spiritus continet*. Cum enim spiritus humidis corporibus permiscetur, & spissiora illa redduntur & albedinem contrahunt, veluti quando *oleum* cum *aquâ* admiscetur.

sectur. Sed & in *spuma* ac *nive* simile quid apparet, adveniente etiam Aristotele lib. 2. de Gener. Anim. c. 2. Ex *materia* quoque demonstratio est, quando causa, ob quam pingve per summa aquæ fluitet, itidem in *spiritum* rejicitur, qui aëris, in corpore pingvi contenti, tenuissima pars est, atque in aquâ, ceu corpore graviore, se effert, quam causam itidem reddit Aristoteles cum loco proximè citato, tum lib. 3. de Partibus Animal. c. 9. Sed & ex *materia* procedit demonstratio, quando causa, cur arbores aliquæ nullum ferendi, siue *φύλας*, genus admittant, *ἢ ἀπὸ παραπλάσθ*, *ἢ ἀπὸ ἀνέμων*, neque per *avulsionem* fruticis plantæ adnascentis ex ejus imo trunco, neque per insertionem *surculi*, in *siccitate* & *simplicitate* earum collo catur. Quæ enim *simplicia* exeunt, carent eo, quod avelli queat. Siccum autem nimis quod est, *germinare non potest*, cum omne id, quod germinat, aliquem habeat humorem, quem & servare illud oportet, si debeat germinare, quod quidem à natura siccis negatum est, quæ cum dempta sunt ex arbore, quam primum disflantur & evaporant, simulq; omnem calorem sibi innatum amittunt, ut differit hæc de re Theophrastus lib. 1. de causis plantarum c. 1. Hæ ergo omnes sunt ex *materia* demonstrationes.

III. Ulterius est etiam ex *efficiente* causâ demonstratio. Ut, cum quaeritur, cur mixta putrescant? & respondetur, quia calor naturalis corrumpitur à calore externo ambientis corporis. Cur animal habeat famem? & respondetur, quia habet sensum inanitionis & suctionis in orificio ventriculi. Cur animal somno afficiatur? & respondetur, quia spiritus detinētur & ab operando prohibentur à vaporibus, ex ventriculo in caput ascendentibus, quibus opplentur radices nervorum, per quos spiritus animales ad externorum sensuum domicilia effundendi erant.

erant. Inde enim fit, ut sensus ligentur, nec possint in actiones suas incumbere lib. de somno & vigil. c. 3, 2. Part. An. c. 7. Item, quæ causa sit calculi renum? & respondetur, quod intemperies aliqua calida sive hepatis illa sit, sive renum, sive totius sanguinis venosi & arteriosi, sive etiam horum omnium urentes humores, qui ad loca frigidiora aut minus calida perveniunt. Inde enim fit, ut materia ista terrena, certo modo usta, neque calido solvatur, neque frigido, etiam cum humiditate conjunctis, quia neutro per se solo constitit. Cuius rei documentum vel hoc est, quod in vesicis naturâ frigidis & ex sanguibus, & ad alias etiam membranas, itemque ad ossa calculi maximè nasci soleant. Demonstratio quoque ex efficiente est, cum quæritur, quæ causa sit epilepsie, sive oppressio- nis istius & mentis & sensoriorum, quæ tanta est, ut concidant repente & spuma exeat per os? & respondetur, quod ea sit repletio vasorum spiritus anima is, quæ sit nunc ab humoribus frigidis & crassis pituosis vel melancholicis: nunc à calidis & mordentibus: nunc per consensum propter evaporatio- nem aliundè. Sed & ex efficiente demonstratio est, quando causa, cur animalia aliqua *animal*, alia autem *ovum* tantum pariant, in calorem majorem aut minorem rejicitur. *Ea enim*, inquit Aristoteles rursus lib. 2 de Generat. Animal. c. 1. *pari- unt animal, quæ natura perfectiore sunt, & principium sin- cerius, καὶ ἀσπιότεραν ἀρχὴν, obtinent. Perfectiora autem sunt τὰ θερμότερα τῶν φύσιν, quæ natura constant calidiore.* Pariter & ex efficiente petita est demonstratio, cum causa terræ mo- tus dicitur esse spiritus aliquis subterraneus, sive exhalationes concavitatebus terræ inclusæ. Cum enim illæ exitum quærunt, sed non reperiunt, vi tandem summâ erumpunt atque hoc ipso terram commovent & quatunt. Unde & quoniam terra pulsus per-

vertunditur aut dehiscit, evolant mox halitus aliqui, nonnunquam pestilentes, ignes etiam interdum ac cineres. Tandem & ex *efficiente* desumpta est demonstratio, cum tonitru dicitur nasci ex spiritu seu exhalatione intra nubem accensâ & subito celerrimo impetu rarefactâ. Ab hac enim nubes dirumpitur, unde sonus provenit ingens, quemadmodum & ingens sonus excitatur, cum pulvis pyrius inflammatus & rarefactus tormenti tubo erumpit: item, cum vesica flatu distenta rumpitur compressione violentâ. Quâ de re iterum videri potest Aristoteles lib. 2 Meteor. c. 8. (15) & lib. 3 c. 1.

IV. Deniq; & ex *sine* demonstratio est. Velut, cum quaeritur, cur cuivis parti viventi tributa sit facultas retentrix attractorû alimentorum? & respondetur, quia in unaquaque parte fieri debet concretio & alimentorum attractorum transmutatio, commutatio autem nulla in momento fieri potest. Item cum quaeritur, cur serra ex ferro constet? & respondetur, ut possit secare lignum. Cur animal habet appetitum boni? & respondetur, ut se in vitâ tueatur. Aristoteles in 2 Post. c. 11 sequentia demonstrationis ex causa finali affert exempla. Primum est: quare ambulat? Ut sanus sit. Alterum: Quare domum ædificat? ut tueatur & conservet suppellectilem. Tertium: Quare deambulamus post coenam? ut cibus non fluctuet ad orificium stomachi, sed descendat ad fundum & concoquatur. Ex *sine* etiam proficiscitur demonstratio, cum quaeritur, cur homo sit erectæ staturæ? & respondetur, ut coelum valeat intueri, juxta illud Philonis Judæi ex lib. de plantatione Nœ: τῶν ἄλλων τὰς ὀφθαλμοὺς περιήγαγε, κατὰ χεῖρας δὲ νένευκε πρὸς χεῖρας. ἀνθρώπῳ δὲ ἑμπάλιν ἀνέσθαι, ἵνα τὸν οὐρανὸν καταβλέποι, Caterorum animalium ora deorsum flexis Deum, quapropter ad terram prona sunt. Hominem contra erectis, ut salum spectet. Quam rationem & alij reddunt, veluti Xeno-

phon lib. 1 Memor: Socratis, Ovidius lib. 1 Metamorph: Silius Italicus lib: 15, Clemens Alexandrinus lib: 4 Stromatum, Basilus Magnus homil: 11 in Hexaëmerō & Gregorius Nyssenus lib. de hominis Opificio c. 8. Aristoteles autem adhuc aliam dat, itidem à fine desumptam. *Solus homo*, inquit lib. 4 de Partibus Animal. c. 10, *animalium omnium erectus est, quia officium ejus, cum naturam habeat atq; substantiam divinam, est intelligere ac sapere, τὸ νοεῖν καὶ φρονεῖν, quod non facile esset, si vasta corporis moles assideret: pondus enim tardiores reddit mentem & sensum communem.* Non minus & demonstratio ex fine est, cum disquiritur, quâ de causâ natura viventibus, quæ perfecta sunt in suo genere, indiderit facultatem generandi? atque responderetur, id ideo factum, ut *amulantia, quoad licet, Dei aternitatem, naturam suam servarent in specie, cum conservare eam nequeant in individuo*, quam causam iterum affert Philosophus lib. 2 de Animâ t. 34 & 35 & 2 de Gen. Anim. c. 1 qua in re & ad stipulantem sibi habuit Magistrum suum Platonem. Is enim ex hoc capite in Convivio foetificationem & generationem ait esse *πρᾶγμα θέν καὶ ἀθάνατον ἐν θυγῶν ζώον, opus divinum & immortale in vivente mortali.* Demonstrationes plures hujus generis, qui volet, evolvere potest libros Aristotelis de partibus & generat. animal. Galeni item libros de usu partium, in quibus tales ferè innumerabiles deprehendet. Nulla enim est particula in toto corpore humano, quæ non propter certum usum atque energiam, tanquam propter finem, condita sit, certèq; ob istum finem magnitudine, situ & conformatione sive figurâ à naturâ dotata. Unde cū queritur, cur manus hujusmodi longitudine, hujusmodi sitû, hujusmodi figurâ pedita sit? cur digiti certis consistat articulis? cur oculi, nares, aures hujusmodi magnitudinē, numerum, hujus-

huiusmodi cum ceteris partibus habeant connexionem? non commodius quam per causam finalem responderi potest, sive partium istarum omnium usum & officium. Ducitur autem demonstratio non solum ex *sine cuius*, sed & ex *sine cui*. Ita enim per finem, cui responderetur, cum quaeritur, propter quid agricola segetes seminet? & reponitur, ut ipsi suppetat victus. At per finem, cuius, cum quaeritur, propter quid ex projecto in terram semine herba primum enascatur, deinde in calamus exsurgat, postea aristam edat, quæ tandem flores emittat? & responderetur, ut granum perficiatur.

VI. Observanda autem hîc adhuc sunt nonnulla. Et primò quidem, quod causæ apud autores non ubique eodem modo proponantur. Neque enim semper *singulis vocabulis* efferuntur, sed interdum est *oratione*, adeoque *pluribus verbis*. Quæ diversitas notanda est, ut cum posterius contingit, opera detur, quo pluralitas vocabulorum reducatur ad unam aliquam vocem, quam tamen claram & perspicuam esse oportet. Quod si non liceat, ad minimum tamen obscura in oratione occurrentia vocabula in clariora mutanda sunt & natura rei diligenter consideranda. Sic enim causæ ratio se aperiet & quid in demonstratione valeat, innotescet. Deinde, quod alia ratio sit *efferendi* causas, cum demonstratio procedit per causam *efficientem*, alia, cum per causam *finalem*. *Efficienti* n. causæ apponitur nota temporis *præteriti*, aut certe *præsentis*: at *fini* adjicitur nota temporis *futuri*. Finis namque ultimus est, quod ex actione resultat, juxta illud: *Finis est primum in intentione & ultimum in executione*. Apparet id liquidò per inductionem. Quando enim quæro, quare est domus? si respondendum sit per causam efficientem, respondebitur, quia fuit Architectus, qui extruxit eam. At si per causam finalem

respondendum sit, dicetur, ut deinceps res alicujus in tuto collocetur ipseque ab injuriâ aëris sit immunis. Ratio hujus discriminis est in promptu. Finis enim, quamdiu finis rationem habet, nondum adest, cum sit id, cujus obtinendi gratiâ sunt aut fiunt reliqua. Causam autem efficientem propriè non obtinent res, quatenus sunt, sed quatenus fiunt, ceu ostensum à nobis supra c. XII n. 3. Jam fieri præcedit esse. Cum ergo ijs, quæ sunt, aptatur causa efficiens, non potest ea aliter illis, quàm in præterito accommodari. Sed nec illud, tertio loco, sicco pede prætereundum est, quod reciproce ex *causa finalis* demonstrari possit *efficientis* necessaria, una post alteram, usque ad primam: & ex causa *efficiente* rursus causâ *finalis* una post alteram usque ad postremam. E. gr. Cur siue cuius gratiâ, vel propter quem finem animal habet sensum boni vel mali? Resp. ut appetat id, quod sibi bonum est, & fugiat id, quod sibi malum est. Porro, cujus gratiâ animal habet appetitum? Resp. ut secundum illum se moveat & operetur. Rursus: Cur verò movet se secundum appetitum? Resp. ut se in vitâ conservet, cujus non amplius datur alia causa. Id enim per se bonum est animali, adeoque jam ultimus finis & prima causa, propter quam sunt cætera. Vice versâ autem ita progredi licet ad causam efficientem primam. Cur, aut, per quam causam animal se in vitâ conservat? Resp. per motum ad id, quod sibi bonum est, & fugam ab eo, quod sibi malum est. Porro, per quam causam movet se ad bonum? Resp. per appetitum. Rursus: Propter quam causam appetit? Resp. propter sensum. Cur sentit? Resp. huius non datur alia causa, sed hoc jam inest animali per se, quatenus est animal, *αἰσθητός* sive immediate. Ideoque prima causa efficiens est, propter quam sunt cætera. Ratio huius *αἰσθητικῆς* est, *quia causa finalis & efficiens sibi mutuo sunt*

causa, ut docet Aristoteles lib. 2. Post. c. 11, 2 Phys. 3, 5. Met. 2. E.g. deambulat quis sanitatis causâ, & sic sanitas est causâ finalis deambulationis. At huius illè ipse, qui deambulat, per hoc, quod deambulat, causâ efficiens est. Pariter respiratio est causâ efficiens conservationis caloris vitalis in animalibus pulmones habentibus. At hæc ipsa conservatio vicissim respirationis causâ est, non tamen efficiens, sed finalis. Huius enim gratiâ respiratio à naturâ animalibus perfectis est concessa.

VI. Observationem tamen circa id, quod postremo loco dictum est, meretur & hoc, quod finis, quando ad causam efficientem tanquam ad causam refertur, non habeat rationem finis, sed effectus. Ut enim finis rationem habet, est naturâ prior efficiente, & movet illud ad agendum. Id autem, quod naturâ altero prius est, ad hoc tanquam causam referri nequit, cum *causa* semper sit prior naturâ eo, cuius est *causa*, 1 Post. c. 2. Ut autem effectus rationem habet, est posterior efficiente, tempore scil. vel ordine naturæ generantis. Alii adhuc aliam observationem huic addunt. Scilicet ajunt distingvendum esse ex unâ parte inter causam *efficientem primariam* & *secundariam*; ex alterâ autem inter *finem*, qui propriissimè dicitur, atq; *causam finalem*. Hinc subdunt, regulam illam ex Aristotele adductâ, *finis & efficiens sibi mutuo sunt causa*, veram esse de causâ efficiente *secundariâ*, quam & causam finalem mutuo sibi causas esse posse dicunt, non etiam causam efficientem primariam. Etsi enim hæc agat propter finem; tamen non habere causam finalem. Quod porro declarare nituntur per inductionem. Ita finis, inquiunt, artis Medicæ tanquam primariæ causæ efficientis est sanitas, (tota enim illa directâ est ad conservandum corpus humanum) at non est etiam causâ finalis illius artis, sed tantum remedium, quæ & ipsa

causa efficiens, sed secundaria, sunt respectu sanitatis, cuius conservandæ, aut restituendæ, gratiâ illa exhibentur. Pariter & idem demonstratio est causa efficiens scientiæ, non tamen primaria, & scientia est illius effectus. Eadem tamen est etiam causa demonstrationis, nō finalis, propter quā demonstratio alicujus propriæ affectionis quæritur: sed demonstratoris & artis demonstrandi scientia finis est, non etiam causa finalis. Hæc illi. Quæ nos exactius consideranda suo loco relinquimus, ad secundam quæstionem decidendam interea progredientes.

VII. Quærebatur ergo secundo loco, *an idem effectus ex pluribus causis possit demonstrari?* Ut huic quæstioni satisfiat, ante omnia observanda hic veni~~ter~~^{rum} illa distinctio, quam tradit Aristoteles 2. Post. 1. 1. Nemp̃e ex iis, quæ sunt, inquit, alia sunt *naturalia*, quæ causam habent naturam: alia *ἀπὸ διαβολῆς*, à mente seu intellectu proficiuntur, qualia sunt artefacta: alia denique *fortuita* sunt, quæ à fortunâ sunt, aut casu. *Naturalia* rursus sūt duplicia. Alia sunt *ὄντα*, seu *γεγονότα καὶ συνεσῶτα*, quæ existunt omnibus suis numeris absoluta, ut cœlum, animalia, plantæ. Hæc n. *ὄντα* vocat Philosophus, sicut & Philoponus observat Comment 2, ad istum locū, cū ait: *ὄντα λέγεται τὰ καὶ ἀποκλειῖαν συνεσῶτα ἤγουν, ὅντα μὲν ὑφεστῆσιν ἅμα*, *Esse dicit, quæ secundum integritatem consistunt, vel quarum partes subsistunt simul, ut homo, lapis, lignum.* Alia autem ex naturalibus sunt *γινόμενα*, quæ in fieri sunt, non autem plenè existunt, sed ita sunt comparata, ut vel eorum pars jam existat, pars nondum, qualia sunt, *quæ adhuc generantur: vel nunquam simul existant*, sed partem quandam habeāt jam præteritam, partem præsentem, partem deniq; adhuc futuram, qualia sunt, quorum esse in tractu aliquo consistit, velut tonitru, dies &c.

Neq;

*Nec enim partes dici (sunt & hæc Philoponi) simul omnes
constant, sed quantum sunt, tantum fluunt, 200v γινώσκου ἡ πο-
τε γοῖν, & simul in complemento totius dici nulla pars ipsius
manet. Sed nec ea, quæ ab intellectu proficiuntur, eodem
modo se habent. Sunt enim quædam ex illis, quæ nunquam
sunt, nec fieri possunt casu, velut domus & statua, quæ sem-
per ab arte sunt, casu autem nunquam extiterunt, nec extant
unquam. Quædam autem ita sunt ab intellectu, ut possint
etiam à casu promanare. Veluti sanitas inducitur non so-
lùm ab arte Medicæ, sed & aliquando à casu. Exemplo sit
Phæreus Jason, quem casu, videlicet ictu ab hoste in eorum
porus parte, quæ interiore & insanabili vomica laborabat, illato,
sanitatem recuperasse memorat Cicero lib. 3 de Naturâ Deor-
um. Nec aliter illa apud Ausonium, quæ*

*Toxica Zelotypo dedit uxor moecha marito
Nec satis ad mortem credidit esse datum,
Miscuit argenti letalia pondera vivi
Cogeret ut celerem vis geminata necem,*

marito saluti fuit. Hydrargirum enim viam sibi ac veneno
per inferiorem alyum fecit, cum eoq; dejectum est. Navis
quoq; non semper servatur ob artem & peritiam nautæ, sed &
nonnunquam fortuito vel casu.

VIII. Ex his, ut ab artificialibus incipiamus, ea, quæ
prioris generis sunt, ex solo fine docemus, non etiam ex mate-
riâ. Neque enim si ligna adsint & lapides & camenta, ideo
jam sit domus. Sed nec ex efficiente causa. Ea enim ipse in-
tellectus est, qui agit finis ergò, quo non compente & cognito
expirat omnis scientia. Illa autem, quæ posterioris sunt generis,
quatenus casu sunt, nullam planè habent causam, per quam
demonstrari possint, quoniam infinitæ tales causæ esse possunt.
Infinita autem pertransiri non possunt. Post. 3. Unde &

for-

fortuitorū Aristoteles etiā alibi *nullam* ait esse *scientiam*, veluti
 inventionis thesauri, aliorumq; talium 1 Post. 30. *Natu-*
ralia verò tam ea, quæ sunt, quàm ea, quæ fiunt, diversas habe-
 re possunt causas, ex quibus demonstrentur. Constant enim il-
 la, ut est in 2 Phys. 7. t. 30, partim *formā*, quæ, ut traditur ibidem
 & 5 Gen. *Anim.* 1 & *finis* rationem habere solet; partim *ma-*
teriā, quæ & ipsa necessitatē rebus inferre solet, & quidem ni-
 si necessitatem formæ & finis habeat conjunctam, violentiæ.
 Nam, ut Aristoteles denuò observat lib: 2 Post: c. 11 §. 10
necessitas est duplex. Una *κατὰ φύσιν καὶ τὴν ὁρμήν*, *secundum*
naturam & appetitum, seu inclinationem naturalem; altera
παρὰ τὴν ὁρμήν. *præter appetitum*, quam inde & βίαν sive *vio-*
lentiā appellat. *Illa* provenit à *formā*. Veluti, cum lapis fer-
 tur deorsum. Id enim naturæ lapidis, seu rei gravis, est con-
 forme, & actus formam sequens. *Hæc* a. pedissequa est *materia*.
 Ad hanc enim, seu sæpius jam monitum, natura in operatio-
 nibus suis est astricta. Ex quo fit, ut licet *ea semper intendat*
optimum 2 de Gen. & Corr. 1. 59, non semper tamen sco-
 pum, quem primò intendit, assequatur, sed ab eo nonnun-
 quam resilire atque ex materiā id facere cogatur, quod illa ex
 se fieri permittit. Unde monstra nascuntur, aliæq; *παρεξέ-*
σσι sive excursus & digressiones naturæ, quæ hinc non *κατὰ*,
 sed *παρὰ φύσιν*, id est, *non juxta, sed præter naturam* compara-
 tæ dicuntur. Evenit tamen quandoq; ut eadem insint *simul ex*
necessitate materia & finis, & consequenter ex utraq; causā de-
 monstratio peti queat. Exemplo sint *flores*. Hi sanè sunt
 partim propter finem, ut propagetur species: partim ex mate-
 riæ necessitatē oriuntur. Exsurgunt enim ex spiritibus & qui-
 dem tenuibus, ex inferioribus plantæ partibus elatis, qui tantis-
 pertegunt semen, donec natura sibi alia paret tegumenta.
 Unde & Theophrastus lib: 7. Hist: Plant. § 4: *ὅσα δὲ ἀνέβη ἢ βλα-*
σάιν

τῶν αἰολῶν ἔντα τοῖς ἄλλοις δόξεν εἶναι τῇ μὲν φύσιν ἔχειν τὴν αἰτίαν,
 τῇ δὲ συμπτωματοειδῆ, *Qua florent aut germinant certo anni
 tempore, partim naturalem habent causam, partim sympto-
 maticam sive coincidentem.* Sed & lactis exemplo idem
 possumus illustrare. Si enim quærat, propter quod illud fiat?
 Responderi potest initio per causam *materialem*, quæ est suc-
 cus alimentorum à ventriculo ad mammas per ductum chyli-
 ferum delatus, quem Hippocrates lib. de nat. puer. dicit esse
*pinguissimū ex cibis & potibus, quod à ventriculo expressum
 profiliat in omentum & carnem, indeq. feratur ad mammas.*
 Alibi, videlicet lib. de morbis mulier: sect. 3 eundem vocat
dulcissimum humorem ex cibis & potibus. Quanquam præ-
 ter dulcissimam illam chyli portionem etiam sanguis con-
 currat ad lactis generationem. Quod & ipsum non ignora-
 vit Hippocrates. Sic enim ille lib. de glandulis: *Et alimen-
 tum, quod in se trahunt, in lac permutant*, videlicet suc-
 cum istum prædictum à cibis & potibus expressum: *& ab u-
 tero accedit ad mammas, quod post partum cessurum est in ali-
 mentum*, quod ipsum sanguis est ab utero ad mammas missus.
 Pro quo, ut materiâ lactis, facit & locus ille Gellij ex lib. 12.
 Noct. Attic. c. 1: *Cum à spiritu multo & calore exalbit,*
idem sanguis est in uberibus, qui in utero fuit. Deinde re-
 sponderi potest & per causam *finalem*. Idè enim lac pro-
 ducit natura, ut eo tenera animalia in lucem primum edita,
 cum cibos solidiores concoquere nondum valeant, alan-
 tur, nutrimento quippe simillimo illi, quo utebantur, cum in
 utero adhuc essent conclusa. Quam causam inter alios Plu-
 tarch. his verbis expresse lib. de educat. liberorum: *Ipsa
 natura docet, mulieribus lactandam atq. alendam esse suam
 prolem: idè enim cuius animal parienti alimentum lactis
 suppeditavit: planeq. sapiens est providentia, quæ gemina*
mulie-

mulieribus ubera dedit, ut eisi gemellos parerent, uterq; haberet alimentii sui fontem. Ulterius si causas duritiei dentium quis indaget, ex quibus $\pi\alpha\theta\epsilon$ illud demonstret, deveniet itidem cum ad materiam (sunt enim osseæ substantiæ dentes) tum ad finem. $\epsilon\rho\gamma$ -venim sive *munus* eorum est $\tau\omicron$ $\delta\iota\epsilon\lambda\epsilon\iota\nu$ $\kappa\alpha\iota$ $\delta\alpha\kappa\epsilon\iota\nu$, *mordere & secare*, ut traditur lib: 4. de Partibus animal: c: 11, quorum neutrum sine justâ duritie præstare posset. Sed & tonitru, si aliquibus credimus, utramq; agnoscit causam, ex quâ demonstrari queat. Fit enim sonus ille ex mente Anaxagoræ *extinctione flamma in humore nubis*, ad eum modum, quo ferrum candens in aquâ ferrariorum stridet, quæ materialis causa est, eo fine, ceu Pythagoræ iurant, *ut terreantur gigantes in tartaro, ne quid ultra contra Jovem moliantur*, teste Aristotele lib: 2 post: c: 11 §. 8, & Philopono in Comm.

IX. De aliquibus tamen etiam naturalibus rebus dubitari posset, an plures causas habeant, ex quibus aliquid de ipsis demonstretur, & in specie materiam & finem. Multa enim videntur constare naturâ, & tamen non habere finem. Sic *eclipsis* Lunæ causam quidem habet efficientem, (diametralem scilicet interpositionem terræ inter Solem & Lunam,) materia tamen ejus alia non est, præter Lunam, quæ patitur. Finis autem hîc nullus est, 8 Met 4. *Pluvia* quoq; fit ascendentibus vaporibus in mediam aëris regionem, ibidemq; condensatis & iterum descendentibus, ad eundem modum, quo in animali catharri exsurgunt, 2 Part: An: 7, adeoq; ex necessitate materiæ: finem autem per se habere non videtur. Quid enim confert pluvia, si cadat super mare, super scopulos, super tectum? Quid si in agros fertiles cadat, habet quidem usum aliquem, verum id fit $\kappa\alpha\tau\alpha$ $\sigma\upsilon\mu\beta\epsilon\chi\eta\delta\epsilon\varsigma$, sive ex accidenti. Nec sufficit dicere, quod faciat

faciat illa ad conservationem partium totius universi. Hic enim non est finis proprius, sed communis, ideoque ineptus ad conficiendam demonstrationem, quæ ex proprijs emergit. Pertinet huc omnia ista *πῶς*, quæ suprà C. V. n. IX, ex Alexandro dixim9 *συμπλωτική*. Ut enim terra tremat, mare reciprocetur, ær cometā ferat aut halonē, vel caprā saltātem, id omne provenit ex conditione materiæ; quemadmodum & ex conditione ejusdem evenit, ut Sol induret lutum & liqvesciat ceram, ignis fuliginem creet & cineres: pes imprimat vestigium nivi &c. Non abs re tamen & hæc fortassis dici possent habere finem, si non spectata, ut *δύναμις*, tamen ut *γένεσις*. Tendit enim generatio ipsorum ad certum aliquem finem, qui est ipsa forma per generationem introducenda. Sic quamvis pluvia jam producta finem per se fortè non habeat, habet tamen generatio ejus finem, nempe formam hujus meteor. Sed nec negari potest, naturam non raro etiam ejusmodi rebus, quæ ex necessitate materiæ fiunt, jam genitis, quoad ejus fieri potest, uti ad proprium aliquem finem. Illustravimus id jam suprà c. l. n. 15 exemplo *sanguinis menstrui*, qui juxta Aristotelem fit ex necessitate materiæ & tamen finem habet, ut ostensum ibi ex 2 Gen: An: 4. Eadem verò est & *bilis* ratio. Nam & hæc fit ex necessitate materiæ, quando ex massâ sangvineâ secernitur in vesiculam fellis humor aliquis ad flavedinem & amaritudinem dispositus: & tamen natura eâ utitur etiam ad certum finem, ad stimulandum scilicet intestina & promovendam distributionem alimenti ac deorsum tendenda excrementa primæ concoctionis, quæ *glebis*, *lapillis* & *silvestribus seminibus* comparat Galenus lib: 4 de usu part: c: 1. Sed & *melancholia* ex materiæ nascitur necessitate, cum ex massâ sangvineâ in lienem secernitur humor dispositus ad nigredinem & acor-

rem : nihilominus & eâ quoq; natura utitur ad finem, ad co-
gendum ventriculum in se ipsum, ut acceptos cibos ample-
ctatur, retineatq; usq; dum perfectè sint cocti, quin & ap-
petentiam excitandam. Plura talia diligens Lector facili ne-
gotio inveniet apud Aristotelem pariter & Galenum.

X. Non minus verò ea, quæ naturâ constant, præter
materiam et finem, non rarò & efficientem causam agno-
scunt, ex quâ possint demonstrari, quando ut rō γενόμενα
considerantur. *Quicquid enim fit, fit ab aliquo, ex aliquo,*
& *aliquid* lib: 7. Met. 7. Ex quibus primum illud, à quo,
est efficiens: alterum ex quo, materia; tertium au-
tem, aliquid, dicitur secundum formam, quam diximus co-
incidere cum fine. Ita si *fulminis* causâ sit assignanda, ad
materiam & causam efficientem necessariò est deveniendû,
quarum *illa* est exhalatio è terrâ in nubes sublata, inde enim
fit, ut non solum circa montes ignivomos frequentè finè sint
fulmina, sed & noctes illæ præ reliquis fulminales esse sole-
ant, quæ dies fervens multosq; halitus expirans præcescit;
hæc autem est calor adausus per contrarii frigoris ambi-
entis repugnantiam & consuetum cum calore in mediâ æ-
ris regione. Quâ de re videndus est Aristoteles lib: 3 Mete-
or: c: 1. Gaudet etiam utrâq; hæc causâ *irru*, cuius *materia*
est nubes rorida, concava & rotunda formâ dissectâ per me-
dium pilæ, Soli è regione opposita, cuius aliæ partes, ut Se-
neca ait lib: 1, Quæst: natural: c: 3. sunt humidiores, aliæ sub-
missiores, quædam crassiores, quàm ut lumen Solis transi-
tant, aliæ imbecilliores ob tenuitatem, quàm ut excludant.
Quæ inæqualitas facit alternationem quandam & variam
mixturem lucis & umbræ, unde oritur ista in arcu hoc
colorum varietas. *Efficiens* autem est lux Solis è regione
oppositi nubi rorida & concava, in quam incidens illa &

varia

varia radiorum reflexione & refractione mixta cum umbris
 efficit illam ipsam colorum in iride pulchritudinem. Cujus
 simile quid advertitur in vitro aqua pleno, quod Soli obijci-
 tur. Inde enim similis colorum varietas in proximum pari-
 etem deferitur: sed & per orbis vitreos densiores ejusmo-
 di species diffunduntur. Quin & in aqua remis in guttas di-
 spersa, quod observavit etiam Aristoteles lib. 3. Meteor:
 c: 4. nec non, si quis occipite obverso Soli aquam in ra-
 dios ante se exspuat. Quid spectant & ista Seneca ex lo-
 co citato: *Idem videbis accidere, si quando volueris obser-
 vare fullonem: cum os aqua implevit, & vestimenta ariditu-
 lis vel, ut alii legunt, tendiculis diducta leviter aspergit, ap-
 paret varios eductos colores in illo aere asperso, quales in arcu
 fulgere solent.* Denique & Vitellio lib: 10 Perspectivæ
 Theor: 67. in precipitio quodam aquarum circa Viterbium
 apud balneum, quod dictum fuerit Scopuli, perpetuam iri-
 dem certo ad Solem aspectu in aspergine aqua in altum sali-
 entis videri affirmat. Sed & halonum five coronæ ambiens
 vel Solem, vel Lunam, vel aliam stellam lucidiorem eadem
 sunt causæ. Exurgit enim illa in nube rara & uniformi æqua-
 lisq; concretionis directe sub ipso astro, quod cingit in or-
 bem, consistente, quæ materia ejus est, ex refractione lumi-
 nis astri, quod fulgore suo nubem istam ferit magnaq; ex
 parte eam illustrat, ita ut in medio ipsum astrum conspiciat-
 ur & circumcirca corona illud ambiens, ejus simile quid
 nonnunquam accidit in circuitu luminis candelarum, ubi in
 aere grosso corona apparet ut plurimum flante Euro. Quæ
 de re Vitellio rursum consuli potest lib: 10 Perspect: Theo-
 rem: 68. Idem cernere est & in alijs meteoris. Nam &
 reliqua has duas causas, materiam scilicet & efficientem, a-
 gnoscent, ad quas ei, qui scientias de illis traditurus est, est

attendendum. Veluti glaciæ materia est aqua, efficiens frigiditas. Ignis fatui materia est halitus pingvis è terrâ asurgens: efficiens vel antiperistasis nocturni frigoris, quæ exhalationem comprimit atq; in angustum cogit, ut partes mutuo contactu se calefaciant atq; una alteram accendat; vel saltus exhalationis. Cum enim partes eius aliæ sint tenuiores, aliæ crassiores, illæ quidem sursum contendunt, hæ autem contra nituntur, ex quo fit, ut se mutuo confricent atq; attenuent & sic ad formam ignis disponant ad eum modum, quo levi attritu lintei mundi è molli capillo scintillæ eliciuntur, aut si quæ sunt aliæ his similes causæ. *Metalla* quoque & lapides iisdem circumscripta sunt causis. *Metalla* enim nihil aliud sunt, quam vapores cum quâdam exhalatione à frigore congelati. *Lapides* autem sunt terra partim à calido, partim à frigido condensata. Unde & Aristoteles lib: 1. Meteor: c: 2: *Accidentium*, inquit, *circa ipsum*, mundum hunc inferiorem, ignem & terram & congenia his, *ut in materia specie eorum, quæ sunt, causas oportet putare. Quod enim subicitur & patitur, hoc modo appellamus. Quod autem sic causa est, ut unde motus principium, ad eorum vim, quæ semper moventur, est referendum.* Quibus verbis eorum, quæ in Meteorologia tractantur, ut sunt meteora & metallica, aperte duas esse causas testatur. Quod & repetit subsequente cap: 3. his verbis: *Corpus, quod supra conversioni subest, velut materia quâdam existens; quæ potentia est calida & frigida, & sicca, & humida, & quacumq; alia hæc sequuntur passionem, fit talis ac est à motu & immobilitate, cujus causam principiumq; diximus ante.* Deniq; antiquiores Philosophi omnia naturalia, etiam animalia & plantas, hoc modo considerarunt, annotante & hoc ipsa Aristotele lib: 1. de Partib: Anim: c: 1. Cum enim nul-

lana

lam haberent rationem finis, cuius gratia natura agit, non poterat eos non latere & ratio explicans ipsum quid est, s. forma: indeq; solam materiam putabant esse substantiam, reliqua autem omnia accidentia, cum tamen forma s. ipsū quid est magis sit substantia, quam materia, cum per illam unum per se sint, quæ illius gratiā gignuntur, ita quidem, ut ea deperditā & unitas illa desinat, perinde ut domus diruta non amplius unumquid est, sed plura, lapides scilicet & ligna. Sed hæc ὡς ἐν παρόδῳ. Interea constat ex his satis abundē, eundem effectum etiam ex pluribus causis posse doceri.

XI. Sed quomodo hoc, inquit quis, congruit cum eo, quod in definitione scientiæ suprā dictum fuit, nempe scire esse, ὅταν τινι αἰτίαν γινώσκωμεν, *quando causam cognoscimus?* Cur *causam* dicit, non *causas*, si ex pluribus causis unum effectum demonstrare licet, cum demonstratio nihil aliud sit quam *Syllogismus ἐπιστημονικός*, hoc est, *scientiam progignens* 1. Post. 2. An id ideo factum est, quod ex causis istis simul sumptis coalescat unus aliquis medius terminus, qui unius causæ vicem sustineat & quidem *efficientis*, aut fortè etiam *finalis*, siquidem referatur ad *maiores* terminum, aut πᾶς illud, quod de subiecto demonstratur? Id sanè non pauci existimant, perhibentes medium terminum primariæ demonstrationis semper esse causam externam. Neq; sine ratione. *Materiam* enim ea, quæ demonstrantur, non habent propriè loquendo, sed subiectum, quod tamen *materia κατ' ἀνάλογίαν respondet*, ut colligitur ex 8. Met. 6. Subiectū autem est minus extremum, de quo ipsa πᾶς demonstrantur. *Forma* porrò horum est *definitio essentialis*, quæ, ut suo loco videbimus, est *maius extremum* s. illud ipsum, quod demonstratur. Perinde enim est s. demonstrares, Lunam eclipsin pati, s. Lunam privari lumine. Reliquum ergo est, ut causæ

causæ, ex quibus tanquam ex medio demonstratio ducitur, sint causæ externæ. Quod fortè & Aristoteles indicare voluit, dicens, ὅτι ἡ ἀρχή, quod per definitionem causalem τῶν πρῶτων expeditur, esse in nonnullis *cujus gratiâ*, velut in domo & lecto; in nonnullis autem id, quod primum movet 7. Met. 17. in quam sententiam & Eustratius 6. Ethic c. 1. *definitiones* quidem vocat *cognitionis principia*, finem autem & efficiensem causas *essentia*. *Definitio* enim cum nihil aliud sit, quâ *essentia explicata*, ut benè Alexander ad 7. Met. 1. Comm. 7. quomodo causa esse potest *essentia*, quæ certe ab effectu diversa est, docente & Aristotele 2. de An. t. 471. Causa autem efficiens & finis extra *essentiam* sunt, ac proinde illius vera causa appellari possunt. Quod ergò ad majus extremum *s. affectionem*, quæ demonstratur, attinet, ejus medium, per quod demonstratur, semper est causa externa: quæ tamen simul est causa interna *subjecti*. Et aliquando quidem *materia*. Veluti, cum quaeritur, cur ea, quæ sub Luna sunt, interitus sint obnoxia? & respondetur, quoniam constant ex materia prima, quæ æqualem propensionem habet ad formas contrarias, hæc eorum, quæ sub Luna sunt, causa est in genere *materiæ*; at aptitudinis ad interitum causa efficiens, Aliquando vero *forma*. Ut cum dicimus, hominem esse docilem, idè quod rationis est compos. Ratio enim docilitatis quidem efficiens est, hominis autem forma. Interdum autem evenit, ut plures *subjecti causa* fiant una *affectionis causa efficiens*, præsertim materia & finis. Sic acuties dentium tum ex osse interiore, quæ dentium *materia* est; tum ex usu ad incidendos cibos, qui *finis*, infertur. Nonnunquam causa efficiens majoris extremi quoque coalescit ex aliqua causa *subjecti* & quâpiam re externa. Sic eclipsis Luna pendet cum à natura Luna, quæ est opaca & mi-

nor terrâ, ita ut ab illâ possit obscurari; tum ab *interpositi-
one terre*, quæ ratione Lunæ est aliquid externum. Quoti-
escunq; autem hoc contingit, ut causa efficiens majoris ex-
tremi coalescat ex pluribus rebus, omnes in medio extare
debent, & junctæ unius causæ vim obtinent. Quod si ali-
qua aliquando omittitur, idcirco omittitur, quoniam evi-
dens est. Uti interrogati, cur homo à cœna ambulet? respon-
demus, ut sanitatem conserve, omittentes, quod sit animal,
quæquàm & hoc in causa sit, ut ambulemus, quoniam id
patet. Hinc igitur Aristoteles ait, scire esse rem *per cau-
sam*, non *per causas* cognoscere. Quò accedit, quod plu-
res istæ causæ, ex quibus demonstratio ducitur, ordinem ali-
quem inter se habere soleant certâq; serie esse connexæ, ut
una in alteram referatur, nempe posterior in priorem, & hæc
iterum in priorem usq; in primam. Neq; enim omnes
causæ æquè primæ sunt, sed sæpè una reducitur ad alteram
ceu priorem. Veluti *materia* ad *finem* in iis, quæ utro-
que gaudent. Ita enim finis osium, qui est fulcire car-
nem, naturâ prior est materiâ illorum atq; causa, propter
quam ossa terræ sunt sortis, quæ est ipsa materia illo-
rum. V. 2. Phys. 7. Sed & *efficiens* refertur ad *finem* in
iis, quæ utrumq; agnoscunt. Est enim finis illud ipsum,
propter quod illud agit, velut labor suscipitur ab aliquo
ob firmam corporis constitutionem, quæ laboris finis est,
2. Phys. 3 & 5. Met. 2.

XII. Et hæc etiam ad secundam quæstionem. Cui
ἀντίρροπον est illa, *an sicut unū problema ex pluribus causis pro-
bari potest, sic & ordine inverso plura problemata per unam
eandemq; causam demonstrari queant?* Ut hæc quæstio de-
cidatur, observandum rursus ex Aristotele lib. 2. post. c. 15,
quod problemata non sint unius generis. Alia enim sunt

M m

diver.

diversa, hoc est, ita comparata, ut & partes eorum & media sint alia atq; alia. E. gr. duo diversa sunt problemata: An motus cœli sit naturalis, & an voluptas sit summum bonum. Nam & partes s. extrema horum problematum, & media penitus sunt diversa. *Alia sunt eadem*, hoc est, partibus quidem differunt, sed media non habent diversa. Et hæc rursus tripliciter eadem sunt. *Alia* quidem sunt *eadem specie*, id est, habent idem medium specie. Veluti, si quæritur, cur hyeme ventriculi melius cibum concoquant? Cur dormientes crebrius respirent? item, cur putrei atq; cellæ hyeme sint calidiores? Horum trium problematum est idem medium specie, nempe *ἡ ἀσπίσις*, h. e. *ambiens frigus*, quod horum omnium corporum calorem congregat & ut intra maneat, nec exeat, efficit. *Alia sunt eadem genere*, h. e. demonstrantur per medium idem genere, quanquam problemata ista speciem postea mediis diversam accipiant. E. gr. si quæritur, cur fiat Echo? cur imagines in speculis cernantur? cur fiat iris? Sunt tria problemata, omnia tamen hæc medium idem genere habent, nempe *ἀνάκλασις*, h. est *refractionem* s. *repercussionem*: quæ refractione tamen specie in singulis problematibus differt. Nam Echo fit repercussione vocis: specula repræsentant imagines ob repercussionem radiorum visus: iris in aëre splendescit repercussione radiorum Solis. Deniq; alia problemata sunt eadem *ἡ συνεχὴς τῶν μέσων*, *coherentia mediorum* aut subalternatione, quando videlicet unum medium est sub altero, & una causa sub altera, ut cum quæritur, cur Nilus Ægypti fluvius decrescente mense exundet? Causa assertur, quia mensis decrescens sit hybernior. Singulis enim mensibus Lunaribus Luna facit æstatem & hyemem, ut Aristot. habet in libb. de Part. Animal.

XIII. Cæterum ex eo, quod dicebatur ante, posse eandem quæstionem ex pluribus etiam causis demonstrari, tertia insuper nascitur quæstio, *an ad perfectam demonstrationem & scientiam requirantur omnes causæ, ita, ut nihil per scientiam cognoscamus, nisi omnia causarum genera cognoscamus.* Ubi facile quivis intelligit, quod de iis solum quæstio hæc instituta sit, *quæ habent omnes causas.* Pater autem jam ex dictis, quod non omnia agnoscant singula genera causarum. Multa enim sunt ex necessitate materiæ, quorum tamen usus proprius non est. Unde talia materiam quidem habent, quin & formam agnoscent & efficiens, verum non habent finem proprium. Mathematica autem non solum finem non habent, sed neque materiam, imò nec efficiens, quoniam *sunt sine motu*, 1. Met. 7. 2. Met. 2. 1. Part. 1. Alia finem quidem habent & usum, sed destituuntur aliâ quâdâ causâ. Veluti coelestia corpora habent finem, verum non habent efficiens ex sententia Aristotelis: imò totum universum juxta ejusdem Philosophi placita efficiente destitutum est. Non enim exepit per motum (causa efficiens a. est, unde est motus principium, ut vidimus ex e. 3. 2. Phys.) sed pender à Deo in esse, tanquam à causâ formali. Deum enim primam formam esse docet, quam cætera entia consequantur, sicut interdum formam quædam consequi solent, aut quam participando omnia ista in esse sint constituta. Quâ de causâ principium in immobilibus est, quid est. In iis autem, quæ sunt, jam plura habentur principia, quorum unum est, *unde motus*, 2. Gen. & Corr. 6. 2. Met. c. 1. Porro alia carent formâ, velut accidentia. Sunt enim ipsæ formæ, licet non propriè dictæ, aliquales tamen. Formæ autem non datur forma, sicut *qualitatis non datur qualitas*, 4. Met. 4. In naturalibus autem propriè dictis, *non* est,

est, ijs, quæ per naturam generabilia sunt & corruptibilia, multantur, quæ habent omnes causas, & materiam, & formam & principium, unde motus, & finem; veluti sunt animata & partes eorum. Sed an *ideas* quoque agnosceant, de eo non exigua inter Aristotelem & Platonem est disputatio. Hic enim in naturalibus quoque ideas agnovit: at Aristoteles ubique eas exterminatum ivit. Neque immerito. Cujus causam nosse cum & nostra hic intersit, erit nobis hæc res aliquantò curatius expendenda, antequam ad decisionem questionis propositæ devolvamur.

XIV. Atque initio quidem non negamus, posse etiam naturam dici suo modo agere secundum exemplar, quia scilicet simile efficit secundum formam tam exactè, ac si imitatione illius egisset, vel, ut Philoponus loquitur ad 2. Phys. 3. ἐπειδὴ οἱ πρὸς παραδείγμα ποιοῦντες, ὡρισμένα ποιοῦσι, μήτε ὑπερπίπλοντες, μήτε ἐνδεέστερον τῷ παραδείγματι ἐργαζόμενοι τὸ ἀποτέλεσμα, καὶ τὰ ὑπὲρ φύσεως δὲ γινόμενα ὡρισμένα εἰσι, quoniam ut illi, „ qvi juxta exemplar faciunt, definita faciunt, & neque transi- „ lientes exemplar, neque ab eo deficientes opus construunt: „ ita & similiter ea, quæ a natura fiunt, sunt definita. Propriè nihilominus dici non potest ad exemplar respicere natura, cum operatur, quemadmodum ad illud respicit artifex, cum quid molitur. Non exiguum namque est discrimen inter ea, quæ naturâ & arte constant. Scilicet, ut observat Philosophus 2. Phys. 1, quæ naturâ constant, habent in se principium motus & quietis, alia secundum locum, alia secundum accretionem & diminutionem, alia secundum variationem s. alterationem. Lectica verò & vestimentum, & si quod aliud ejusmodi genus est, quæ singulis his appetitionibus significatur, & quatenus ab arte fiunt, nullū mutationis impetū insitū habet, sed quatenus lapidea vel terrea, vel his mixta, id est, ut verbo dicamus quatenus corpora natu-

ralia. Quemadmodum autem discrimen occurrit inter corpora naturalia & artificialia respectu τῆς κινήσεως: ita & d. scri-
men inter illa spectatur ratione τῆς κινήσεως, sive inter agentia se-
cundum naturam & artem. Hæc enim ex domo, quæ si-
ne materiâ est & in mente solâ reperitur, domum facit in
materiâ. Natura autem hominem ex homine facit, utrisq;
in materiâ existentibus 7. Met. 8. Opera enim natu-
ræ sunt opera intelligentiæ, & quidem supremæ, cuius vir-
tus non limitata aut circumscripta est, sed immensa. Inde
postquam semel natura impetum quasi ab illâ accepit, hoc
est, virtutem quandam ingenitam, exserit se illa sine inter-
missione pro conditione uniuscujusq; speciei, quod in arte-
factis non contingit. Unde & fit, ut artis opera non sint
continua, sed interrupta. Quamvis & in artibus nunquam
finis obtineatur, nisi & in materiâ aliquid fuerit quod ad eum
producendum, seu principium, unde motus, concurrat. Sa-
nitas enim, quæ est concepta in animo Medici, nunquam
efficiet sanitatem in ægro, nisi in materiâ quid fuerit, quod
eam inducat, veluti calor, qui aut pars sit sanitatis, aut aliquo
modo *sanitatis rationem includat* 7. Met. 8: quo agente, sa-
nitas sequeretur, etiam si haud esset in artificis intellectu. Sic
enim aliquando casu sanitas restitui solet. Architectus quo-
que per eam, quam in mente suâ formavit, ideam domus, do-
mum non producet, nisi præsto sit, qui juxta exemplar il-
lud agat atq; operi admoveat manum.

XV. Nulla ergo est causa, cur in naturalibus statuantur idæ.
Induxit quidē Plato illas eo fine, ut ortum rerū harū sensibili-
um eò melius doceret, verū potest is sufficienter explicari, etiā
si nullæ ponantur idæ. Nempe duæ sunt illius causæ, teste
experientiâ pariter & ratione, communis & propria. Illa cœ-
lum est, quod appetitu naturali, quo in Deum, seu ultimum

finem fertur, quam rapidissimè movetur atq; ita agitatū vim suam in inferiora hæc diffundit, mediante ipso motu & lumine, unde calor provenit, qui principiū est generationis, quemadmodum frigus è contrario corruptionis. Ex quo & Sol, cujus virtus quam maximè in sublunarem hanc oram se diffundit, Pateris Pater, ac terra mater dici solet, ex quorum conjunctione factus sit *iegōs γαμϞ*, id est, *sacra nuptia*, quæ verè celebrentur. Sic enim ille canit:

*Vere tument terra & genitalia semina poscunt:
Tum Pater omnipotens fecundis imbribus æther
Conjugis in gremium læta descendit, & omneis
Magnus alit magno commistus corpore fetus.*

Hæc ergò universalis ortus sensibilibus causa est. Speciales verò causæ ejus sunt materia & forma. Ex quibus hæc suapte natura expetitur, tam ab *efficiente*, quam à *materia*. Ab *efficiente* quidem, quia forma suapte nata est communicabilis. Ex quo fit, ut quod eam habet, in alterum quoque eam diffundere conetur. A *materia* autem, quia perfectio est potentia, quæ materiae est propria, quippe quæ *nihil est actu, sed omnia duntaxat f. potentia* 7. Met. 1. Unde & 1. Physic. 81 appetere illa dicitur *formam, ut semina marem & turpe pulchritudinem*. Estque hic ipse amor ille, quem Venerem inspirare rebus omnia loca pariter concelebrantem rursum fingunt Poëtæ, de quo post Euripidem in Hippolyto Lucetius ad Venerem conversus lib: 1 de rerum natura:

Omnibus incutiens blandum per pectora amorem

Efficis, ut cupide generatim secla propagent.

Inde ergò fit, ut ignis ignem, planta plantam, animal animal propaget per eam, quam habet formam. Imò inde fit, ut
forma

forma, finis & efficiens reipsa sint eadē, discrepent autem solum numero & ratione. Ab his autem principijs cum cunctarum rerum generatio sufficienter etiam sine subsidio idearum præstetur, quorsum istæ invehuntur?

XVI. Et ubi quæso tandem sunt istæ ideæ, ad quarum similitudinem sensibilia hæc generantur. Numquid in Deo? Ita quidem sensisse Platonem putat Atticus apud Eusebium lib: 16 Præpar. Evangel. nec non Alcinous lib: de doctrinâ Platonis c. 9. Seneca item Epist: 63. & Diogenes Laërtius in vitâ Platonis, deniq; & Plutarchus lib: 1. de placitis Philosophorum. Verum non congruit id cum aliis Platonis pronunciatis. Non statuit enim is omnium rerum ideæ, veluti *non eorum, quæ arte fiunt*, non clypei, non lyre: sed *nec eorum, quæ præter naturam comparata sunt*, ut sunt febris ac billis non naturalis; quin nec τῶν κατὰ μέτρον live τῶν κατὰ ἔκτασιν, id est, *singularium*, ut Socratis & Aristidis; deniq; nec *vilium & abjectarum rerum*, velut sordium, festuæ; imò nec τῶν πρὸς τὴν, ut majoris & excedentis, cœu rursus testatur de eo Alcinous l: c. Et colligitur ex parte etiam ex ipsis Dialogis Platonis, præcipuè Parmenide, ubi *nimis ridiculum* fore affirmat, si quis pilorum, luti, macularum aliarumq; *talium ignobilium & vilissimarum rerum speciem separatam* ponat. Ast in Deo Plato non minus harum, quàm aliarum rerum notiones posuit, quemadmodum & regi ab ipso cuncta non magna solum, sed & minima docuit cum alibi, tum lib: 10 de legibus: confirmatq; idem de eo & Nemestius lib: de naturâ hominis c: 44. Adhuc eorum, quorum ideæ posuit, putavit esse ideæ distinctas ab invicem & separatas, Nempe ut Architectus aliam speciem seu ideam sequitur, cum domum; aliam, cum theatrum; aliam cum templum extruit, quin & in erigendo pariete aliud spectat, quàm cum

tectum

rectum superponit: Sic ille à primâ causâ unumquodq; juxta proprium exemplum formari est arbitratus. Patet id ex Dialogo 6 de Republ. ubi hæc ejus habentur verba: Καὶ αὐτὸ δὴ κελόν κ' αὐτὸ ἀγαθόν καὶ ἔτιω περί πᾶσι, ἅ τότε ὡς πολλὰ ἐτίθεμεν, πάλιν αὖ κατ' ἰδέαν μίαν ἐκάστω, ὡς μίας ἑκάς τιθέντες ὁ ἐστὶν ἕκαστον προσαγορεύομεν, *Atqui & ipsum pulchrum, & ipsum bonum inducimus, ac similiter in omnibus, quæ ut plura ponebamus, unum rursus secundum ideam unam CUIUS QVE tanquam una sit & quod unumquodq; est, appellamus*, id est, id quod verè est. Ideam enim putavit uniuscujusq; esse verè id, quod esse dicitur, reliqua autem *μοιώματα* solum esse s. simulacra illarum. In Parmenide quoq; vocat ideam γένος τι ἐκάστω καὶ ὁσὶν αὐτὴν κατ' αὐτὴν, *cujusq; per se genus & ipsam secundum se cuiusq; essentiam*. Sed & Apuleius rursus l. c. *singularum specierum*, quarum scilicet dantur ideæ, *singulas imagines* ait *in exemplaribus* s. ideis ex sententiâ Platonis inveniri. Ast hoc in Deum iterum non quadrat. Quamvis enim ille omnia exquisitissimè cognoscat & intelligat, non intelligit tamen illa recipiendo species rerum singularium secundum propriam uniuscujusq; rationem, perinde ut Architectus seorsim secundum propriam rationem domum, seorsim verò theatrum, seorsim templum itidem secundum proprias rationes & species concipit. Hoc namq; præ se fert multitudinem. Deus autem undiquaq; unus & simplex est, nihil duplex, nihil coagmentatū habens; neq; ex potētia cōstat, ut constaret, si recipiendo species singulorum intelligeret. Tacemus, quod hæc ratione non perfectissima & jucundissima foret ejus ἐνέργεια, qualem esse etiam Aristoteles docet 12. Met., q̄ quin laboriosa porius, huiusmodi enim ideæ non ipsarum gratiâ sunt, sed operis ergò. Deniq; & vilior esset Dei cognitio, si per modum ejusmodi specierum fieret. Moveretur enim ab intelligibili ad intelligendum. Jam autem

rem id, quod movet, quā movet, est honorabilius, & præterea finis semper est præstantior iis, quæ sunt propter finem. Ast absit, ut præstantius quid sit Deo, quem ipse Aristoteles optimum definit 12 Met. 8, Aliā ergo ratione Deus novit omnia, & quidem longè eminentiori: Nempe cum intellectus ejus sit longè perfectissimus & ab omni materiā sejunctus, dum seipsum intelligit, ut primum quid est & actum simplicissimum, cujus participatione reliqua omnia sunt id, quod sunt, cæteros quoque adus omnes ab ipso provenientes, sed non parum ab ipso declinantes, notione suā complectitur, perinde ut is, qui *rectum* cognoscit, cognoscit & *obliquum* 1. de Animā t. 85. & qui album cognoscit, cognoscit & nigrum, ceu albedinis privationem. *Ratio enim eadem manifestat & habitum* s. formam & *oppositam privationem*, licet illius ista sit per se, hujus per accidens 9. Met. 2. Unde & solus Deus per se primò est intelligibilis, tanquam *αὐτὸ ὄν* & bonorum omnium optimum, cujus per se est intellectio, 12. Met. t. 39; reliqua autem omnia ab ipso descendunt, præsertim quæ materiam habent, non sunt per se intelligibilia, sed quatenus eo gaudent, quod ab ipso primo & optimo est derivatum. Ex quo etiam fit, ut nos ipsi post intellectionem ejus, quod maximè intelligibile est, facilius reliqua intelligamus. Quemadmodum enim ratio finis perfectè cogniti rationem continet omnium, quæ finis gratiæ habentur: Sic & Deus, qui finis est omnium rerum atque hanc ipsā de causā optimi rationem habet, ratio est omnium cæterorum. Sicut autem se habent notiones sive intellectiones rerum: ita & comparatum est cum rebus ipsis. Ex intellectu enim Dei totum hoc universum prodit, sicut ex mente Ducis ordo exercitus 12. Met. 10. Ordo autem exercitus in mente Ducis nihil aliud est, quàm Dux

ipse, formaliter, sive, quâ dux consideratus. *Ars enim ipsa est forma illa sine materiâ, quæ est in mente artificis,* per quam est artifex id, quod esse dicitur 7. Met. 7. Ad eundem modum ordo in mente Dei, à quo prodiit ordo in rebus universi, est ipse Deus sive divinus intellectus, ut aded, dum Deus ordinem illum intelligit, non aliquid extra se intelligat, sed omnia in seipso: in se, inquam, videt ordinem totius universi, qui ab ipso est. Et ut, duce unico actu imperante pugnam, & centuriones & uniuscujusq; classis præfati parent, ac unusquisq; exequitur, quod ad ipsum spectat: Ita & cuncta inferiora diriguntur ad ordinem in mente divinâ aded, ut ipsum se ipso intelligente ut primum quid est rerum omnium & cætera intelligant, eoq; appetente se cum summum bonum cæterorum singula suum finem appetant, eo a. movente cætera moveant & moveantur, seu in proprium opus exeant, unumquodq; pro suâ naturâ, unde fit, ut homo hominem generet, planta plantam, equus equum. Auctor libri de Mundo c: 6. hanc rem adhuc alio simili declarat: *Quemadmodum, inquit, in choro fit, ut auspicienti Præsuli aut Præcentori accinat omnis chorus è viris feminisq; compositus, qui diversis vocibus gravibus & acutis concentum attemperant: ita intelligente, appetente & movente Deo omnia faciunt, quod suum est & in unum conspirant ordinem.* Quod enim in navi nauta, in curru auriga, in choro Præcentor, in civitate lex, in exercitu dux est: id Deus est in mundo. Moventur autem quædam à Deo immediate, ut coelum: quædam autem mediante cælo. Quæ igitur hominis, equi, plantæ aliorumq; talium producendorum vis in primo illo principio continetur, non est verus homo, verus equus, vera planta; sed causa solum, unde talia verè proficiuntur, causis secundis omnibus vim obedi-

undi,

undi, quæcunq; naturæ ipsarum congruunt, à primâ illa suscipientibus, simili quodam modo, quo in molis ex eodem primæ rotæ motu fit, ut serra lignum secet, paxillus pinsat, lapis molaris ad ferrum acuendum circumvolvatur aliâq; alios motus perficiant, quamvis in primo illo nulla reperitur rationum distinctio, secundum quam singuli horum motuum perficiantur. Cognoscit itaq; Deus quidem omnia, ast non in ideis separatis & sejunctis, sed in seipso ceu primo quid est & principio omnium entium, quemadmodum & in seipso cæterarum omnium esse comprehendit, perinde ut in Solis luce ceu primo lucido id omne, quod luminis particeps est, est comprehensum, ast non secundum distinctam & propriam cujusq; rationem, sed ut in eo, quod fons est omnis luminis, ad eò, ut ejus participatione lucida sint reliqua cuncta. Vid: Dionysius Arcopagita lib: de divinis nominibus c. 7.

XVI. Hæc cum expendunt alij, concedunt Platonem ideas non in Deo, sed mente aliquâ, à Deo distinctâ, collocasse. Nam & Plato ipse lib: 10. de Republ. Deum ceu *effectorem idearum* introducit. Quod si autem effectus aut opus Dei ideæ sunt, quomodo in Deo ipso potuerunt ex mente Platonis collocari, cum Deus sit simplicissimum etiam ex sententiâ Platonis. Sed quæ mens illa à Deo sejuncta, in quâ sunt separatæ & distinctæ rerum ideæ, & quo sine in eâ ejusmodi ideæ ponuntur? Ceu necessaria, inquit Plato, ad rerum sensibilium generationem? At unde novit ille hujusmodi ideas ad hunc finem esse necessarias, cum ostensum satis sit etiam sine illis posse actum rerum dictarum explicari? Quis insuper intuetur ideas istas, ut ad earum similitudinem res cæteræ figurentur? Numquid Deus, quem ipse Plato in Timæo Patrem vocat totius universi? At

quid opus est illum huiusmodi ideas sequi, cum eadem operâ, quâ ideas in mente prædicta condidit, possit formas his similes in ipsa materiâ excitare? Ut a. natura non amat superflua, sic nec autor eius, Deus. Deinde hâc ratione Deus non intuendo seipsum, seu primum quid est ac principium rerum omnium, res à se se junctas produceret, sed habito respectu ad ideas, quod maiorem adhuc in ipso importaret imperfectionem, quam si ideas in ipso met ponerentur. Perfectior enim sine dubio artifex est, qui exemplar internum secutus affabrè opus conficit, quam qui respicere cogitur ad externum. Unde & *Phidiam* Cicero in *Bruto* laudat, quod *Jovis aut Minervæ formam facturum non contemplatus fuerit, è quo similitudinem duceret, sed quod in ipsius mente infederit species, quam contuens ad similitudinem illius artem direxerit manumq.* Quod si autem non Deus, sed mens potius illa, in quâ sunt ideas, illas intuetur atq; ad similitudinem ipsarum res sensibiles producit, tum illa ipsa mens, non autem Deus fuerit opifex totius huius universi, quod tamen adversus ipsum est *Platonem*, qui apertè in *Timæo* Deum vocat autorem rerum ipsumq; ait hoc universum constituisse. Deniq; hâc ratione resolutio entium non tam in substantiam, quam in ipsa potius exemplaria fiet. Utur enim *Plato* senserit, ideas esse ipsam *νοητά* Mentis, in qua ideas collocavit, non tamen apparet, quomodo illæ *νοητά* dici queant rerum harum sensibilibum, cum sint extra illas? Quomodo enim *νοητά* alicujus dici posset id, quod est extra illud, cum *νοητά* sit ipsum *τὸ τί ἦεναι*? Præterea quamvis exemplar respectu artificis habeat rationem formæ, respectu operis tamen, ut supra jam ostensum, habet rationem efficientis. Unde & ars, quæ est *τὸ ἐκείνου* in mente artificis 2. Gen: An: 1. habitus vocatur effectivum 6. Ethic. 4. Ita ideas *Platonis* multis undi-

undiquaq; sunt implicatae difficultatibus, ut non abs re monuerit ipse alios, quo caverent sibi, *ne ab ipso de ideis*, & in specie *de idéa* boni verba faciente deciperentur lib: 6. de Republ. Aristoteles quoq; hinc meritò eas *τερείσματα* vocavit, lib: 1. Post: c. 22 §. 8, id est, ut vocem hanc Hesychius exponit, *ὡδὸς ἀπατηλαί, τὰ τῆς κιθάρας κρηματα, καὶ τῶν τεκτίγων ἄσματα, cantiones fallaces, cithara fidium pulsationes, & cicadarum cantus.* Quibus gemina habet & Suidas in Lexico, nec non Philoponus in comm: ad I: cit. Ridet quoq; eas Lucianus in Icaromenippo, ubi se à *pristinâ*, quâ laborasset, *in scitiâ* dicit haud esse liberatum, quin potius *in majores dubitationes conjectum per Philosophos* ἀρχαί τε νῆες, καὶ τέλη, καὶ ἀτόμους, καὶ κενὰ, καὶ ὕλας, καὶ ἰδέας καὶ τὰ τοιαῦτα καταχέοντες, *principia nescio quæ ac fines, tum insecabilia, vacuâ sylvas, ideâs, atq; id genus alia offundentes.* Et in Philopseude: *Non magnum erat talia discernere, cui etiam ipse apparet idea, quas vestra familia parens ostendit Plato,* ἀμαυρόν τιθεῖσθαι, *rem videlicet spectatu tenuem atq; evanidâ,* *quantum ad nos homines lusciosos,* τὴν ἀμβλύωπλοντας.

XVII. Non est ergò, quod nos morentur ideæ, quando de assequendâ rerum scientiâ causisq; earum hoc sine indagandis solliciti sumus. Ad reliquas autem causas, quibus res reverâ gaudent, tantò sollicitius est attendendum, ne quid nos eorû fugiat, quæ ad accuratam rerum cognitionem requiruntur. Num autem ad eam consideratio omnium, quas res aliqua habet, causarum sit necessaria, id erat tertium, quod suprà querebamus. Ita autem de eo habendum. Aliquando accidit, ut omnes quatuor causæ *notabiliter* concurrant ad constitutionem rei, sic, ut si una omittatur, aliquid rei desideretur. Id cum contingit, omnes causæ afferendæ sunt. Quod Galenus præstitit in definitione istâ, quæ pul-

sum definiuit actionem peculiarem primò cordis, deinde arteriarum, quæ distentione & contractione moveantur à facultate vitali, quò calor innatus mediocritas conservetur & gignantur in cerebro spiritus animales. Medici enim est ista omnia diligenter considerare, ut si pars aliqua corporis laesa sit, à quibus causis læsio fiat, plenè cognoscat. Quod si verò rei essentia *non ita ab omnibus* causis pendeat, possunt illæ omitti & sine iacturâ ignorari, sine imperfectione etiam nostræ cognitionis, à quibus res cognoscenda primò nō pendet. Sic apud Aristotelem, cum efficiens sit causa rerum solum dum fiunt, ut ostendimus antè, in rebus factis causa efficiens ignorari potest. Veluti domus est res facta; de ea itaq; perfectam cognitionē habere possū, etiam si ignorē, à quo domus extructa sit. Sic formas immateriales sine efficiēte non solum cognosco, sed sine materia quoq; , quāquam in materiā esse possint. Quæ & ipsa fortè causa est, cur Aristoteles in definitione scientiæ dicat *causam*, non *causas*, quia ad perfectam cognitionem sufficit nosse eam causam, à qua primò res pendent. Illa autem una est in unoquoq; genere. E. g. Hæc res pendet primò ab *efficiente*, ut ea, quæ fiunt, quatenus fiunt; alia primò à *conservante*, quæ & ipsa ad efficiens reducitur: quædam primò à *formâ*, ut res pleræq; ; forma enim dat esse rei; quædam etiam primò à *materia* v. g. quare res generabiles sint corruptibiles: sunt enim ex materia corruptibili; quædam deniq; primò à *sine*, ut tractationes Ethicæ & omnia instrumenta.

XIIX. Sed hinc nova rursus oritur quæstio, nempe num ad perfectam rerum scientiam requiratur cognitio causarum catenata, sic ut ab una causa ad alteram usq; ad simpliciter primam fiat progressus? Ad quā iam supra c: IV. §. 3. est responsum, ubi diximus, perfectam rei scientiam

tiam duplicem esse, videlicet perfectam ἀπλῶς s. *simpliciter* & *in certo genere* atq; ad hanc quidem satis esse, si usq; ad primam aut summam in subiecto isto genere causam perveniat. V. g. si in Physica scientiâ res naturales ad primâ materiam & primum efficiens, quod est cœlum, revocentur. Ad scientiam autem absolutè perfectam omninò requiri concatenatam causarum cognitionē, ut quis ordinem & seriem causarum intelligat usq; ad primam, in qua finiatur cognitio illa. Unde simpliciter perfectè neq; hominem, neq; leonem, neq; ullum aliud ens quis cognoscere potest, nisi Deum quoq; cognoscat. Quæ & causa est, cur Theologia, quâ Metaphysicam vulgò vocamus, Aristoteli dicatur φιλοσοφία πρώτη, σοφία ἀπλῶς, ἐπιστήμη ἀρχικαὶ ἀρχή: item domina & regina omnium cæterarum scientiarum & principiorum, quæ in illis habentur, confirmatrix, non tam propterea, quod illa principia Syllogismo probet (nam sæpe per se ipsa notissima sunt) quàm quod primas causas aperiat, a quibus omnia pendent. Non enim probat e. g. naturam esse principium motus & quietis, sed confirmat & fulcit, quem in existendi gradum natura, motus, quies in hac universitate obtineant: quomodo per definitionem cuiusq; rei essentia & vis benè exprimitur, nos docens. Unde & 6. Met. c. 1. dicitur, *sapientiam considerare ipsum, quod est esse rei*. Et in Proœmio librorum de Animâ commendatur illa tanquâ reliquarum scientiarum certissima, quod *principiorum principium*, id est, mentem habeat & intelligentiam. Sed & pertinent huc illa Peryctionis Pythagorei ex lib: de sapientia apud Stobæum serm: 1, qui est de Virtute: Ἀδὲ σοφία περὶ πάντων τὰ γένη τῶν ὄντων. Τὰς γὰρ τῶν ὄντων ἀπάντων ἀρχὰς ἀνευρίσκει. - Ὅστις ὢν ἀναλῦσαι οἷός ἐστι πάντα γένη ὑπὸ μίαν, καὶ τῶν αὐτῶν ἀρχάν, καὶ πάλιν ἐκ ταύτας συνθεῖναι καὶ ἀριθμᾶσθαι, ὅτι δοκεῖ καὶ σοφώτατος εἶναι, καὶ ἀληθέστατος. ἔτι δὲ καὶ καλὰ σκοπιὰν ἀνευρηκέναι, ἐφ' ᾧ δυνατός ἐστιται,

τα, τὸν τε Θεὸν κατ' ὅψιν, καὶ πάντα τὰ ἐν σοφίᾳ τετραχέει, τὰ ἐκεί-
νη κατὰ κεχωρισμένα, *Sapientia versatur circa omnia genera*
entium. Omnium enim principia indagar. Quis autem
potis est resolvere omnia genera in unum idemq. principium
iterumq. ex eo componere & enumerare, hic ut sapientissi-
mus & verissimus esse videtur: quin & pulchram specu-
lam invenisse, in quâ poterit & Deū contemplari. & omnia,
quæ in eadem serie sunt & ordine, ab ipso sejuncta: Quæ
verba refert & Iamblichus in Parænesi c. 4. Non ta-
men etiam ad hanc scientiam, quæ est primæ formæ &
quidditatis cognitio, consequendam omninò necessarium
est, ut quis omnium rerum causas secundas habeat perspe-
ctas. Sanè si ea, quæ sunt, omnia haberent ordinem inter
se, ut unum post aliud esset, donec ad primum & unum per-
veniretur, necesse esset prius omnia intelligere, quàm pri-
mum esset inventum. At non eo modo ordo est in rebus,
ut invicem dispositæ sunt, sed omnia ad unum quippiã ten-
dunt, 12. Met. t. 52. Unde quorundam contemplatio suf-
ficit ad primi inventionem. Habet enim singularum re-
rum intellectio ad primam causam se ut lineæ ex centro
ad ipsum centrum, quo exemplo Aristoteles in sensu utitur
2. de An. t. 149.

C A P U T XIV.

De nonnullis ad uberiores conditionis ultimæ principiorum
demonstrationis pertinentibus explica-
tionem.

§. I.

QUæ circa ultimam conditionem principiorum demon-
stra-

strationis observanda sunt, maximam consideravimus partem. Restat, ut dhuc spectemus, qualis inter causas, ex quibus constat demonstratio, & propria $\pi\alpha\delta\eta$, quorum est demonstratio, sit connexio, & primò quidem ratione temporis. Nam & hoc usum habet in doctrinâ de demonstratione non contemnendum. Initio ergò observandum est ex 2. Phys. tex 31. quod causæ sint duplices, alix *actu*, alix *potentiâ*. Ex quibus illæ effectum actu inferunt, e. g. si actu interponitur terra inter Solē & Lunā, actu fit eclipsis. Hæ autem inferunt effectū nō actu, sed solum potestate, e. g. Luna potest pati eclipsin, quia inter eam & Solem, à quo lumen suum mutuò accipit Luna, terra potest interponi. Quamquam in nonnullis, veluti in iis, quæ simpliciter necessaria adeoq; æterna sunt, *posse esse* & *esse* coincidunt, observante ipso met Aristotele lib. 3. Phys. t. 31. quum ait: τὸ ἐνδέχεται τὸ εἶναι ὅτι διαφέρει ἐν τοῖς αἰδίοις, *Posse & esse in sempiternis nihil differunt*. Cui geminus etiam apud Galenum occurrit locus, nempe lib. 3. de simpl. medic. facult. c. 24. Verba Galeni hæc sunt: τῶν ἀποδείξεων αἱ μὲν ὡς ἐξ ἀνάγκης ὑπάρχει τὸ δὲ τῶν δὲ παραίτητον, αἱ δὲ ὡς ὑπάρχει ἐνδέχεται. Τῶν δὲ αὐτῶν μεταπίπτει τινες εἰς τὸ ἐξ ἀνάγκης ὑπάρχειν, ὅταν ἀναγκαστὸς ἀρχαῖς ἐπὶ οὐκ αἰσθητοῖς, *Demonstrationum alia, quod ex necessitate hoc illi insit, concludunt: alia quod inesse possibile sit. Harum tamen ipsarum quædam in id, quod ex necessitate inest, recidunt, quando videlicet ex necessariis principis consequuntur*. Deinde ex 11. Met. 3. sciendum, quod in iis quoq; quæ actu sunt, causæ non eodem se habeant modo. Aliæ enim *simul* sunt cum suis effectibus, velut formæ cum illis, quorum sunt formæ, & Sol cum lumine ex ipso prodeunte: alix autem *non sunt simul* cum suis effectibus, sed hi cum istis per continuationē quandam conjunguntur ita, ut continuatio sit diversarum temporis

ris circumstantiarum. De illis, quid sentiendum sit, satis plannum est. Si enim causæ illæ simul sunt cum effectibus, cum his utiq; semper ejusdem erunt temporis, ut si effectus sit præsens, causâ quoq; afferatur præsens; si præteritus, causâ præterita; si deniq; futurus effectus, causâ quoq; futura. E. g. si quærat, quare hoc vel isto tempore defecerit Sol, & alio Luna, non debeo afferre causam in futuro aut præsentis tempore, sed in præterito, quia interposita fuit Luna aut terra. Si verò de futurâ eclipsi quærit, in futuro quoq; afferenda est causâ, interponenda videlicet Luna aut terra. Præsentis a. eclipsios & causam præsentem afferre oportet. Item si quærat, cur glacies fiat, cur facta sit, cur futura sit? R. sp. quia aqua frigore concrevit, aut concrevit, aut concretura sit. Atq; hinc, quod & Aristoteles concludit 2. Post. 12, valet quoq; in his *reciproca* demonstratio, sic, ut ex effectu colligatur causâ & vicissim. V. g. glacies facta est. Ergo aqua naturali frigore concrevit. Et vicissim: Aqua naturali frigore concrevit. Ergo glacies facta est.

II. De posterioris autem generis causis, quæ cum effectibus simul non sunt, quid statuendum sit, videtur obscurius aliquantò. Docet tamē & hoc Aristoteles loco citato. Nēpe ait in his concludendum esse *à posteriori ad prius*, sive ab effectu ad causâ, non contra à causâ ad effectum. E. g. Architectus est causâ efficiens, domus effectus, ita tamen ut hæc non simul sint. Inde concludere quidem possum h. m: Hic est domus, E. hic architectus operatus fuit. At non, Architectus adest, Ergo & domus. Probat autem hanc suâ sententiâ Philosophus initio experientiâ ipsâ. Ito, inquit, per artium *opera* & videbis semper ab operibus ad artificem te progredi posse. At ab artifice, adeoq; ab efficiente, ad effectum, s. opus non item. Neq; enim si Policletus est, etiam statuâ facit.

facit. Pariter verò & in naturalibus: Si peperit, concubuit: at non si concubuit, statim peperit. Ratio est, quia in rerum generatione nihil fit *simul* & unico momento, sed *ordine* quodam, sic ut in omni generatione aliquid jam factum sit, aliquid fiat. Non fugit quidem nos esse, qui existiment, generationem & corruptionem ut & alterationes quasdam, velut illuminationem & alias fieri in instanti, & hoc ipso à motibus propriè dictis distingui, qui in tempore fiant: atq; ita etiam Aristotelem sensisse. Verum non assequuntur illi Aristotelis mentem. Is enim aperte 6. Phys. t. 3. docet *omnem mutationem* (est autem & generatio mutatio) *fieri in tempore*. Et probari insuper id potest in specie de generatione per rationem manifestam, desumptam ex definitione illius. Est enim illa *mutatio à non esse ad esse*. Ponatur ergò aliquid ex A mutari in B, ut ex non ente in ens, aut ex non homine in hominem: id cum factum est, tum non amplius, quod mutatum est, est in A, sed in B. est n. jam homo. Si igitur in instanti hæc mutatio fit, ut nullum cadat tempus intermedium, aut simul erit in A & B, id est, in eodem instanti erit & non erit: aut continua erunt instantia, quod universaliter de omnibus indivisibilibus impossibile esse ostenditur. 6. Phys. t. 2. Ex his igitur rectè inferitur, etiam eius, quod gignitur, aliquid prius genitum esse: adeòq; in tempore fieri etiam generationem omnem. Quæ de re vide etiam 9. Met. c. 8. Cum igitur rerum generatio & in universum omnis mutatio fiat in tempore, ita quidem ut pars ejus, quod mutatur, sit facta, quædam fiat, pater, non licere ita colligere, esse effectum, quia sit aut fuerit causa.

III. Dices fortè, *facta* & ea, quæ *sunt*, inter se esse *continua*, etiam in his, quæ simul non essent à, sed successionē procedunt, adeòq; esse & ipsa, quicquid alij contrà dicant, simul, ideò quod sint in eodem continuo tempore. Verùm respondet Aristoteles, *falsum* esse, quod ea, quæ facta sunt,

cum ne quidē inter illa, quæ *facta* sunt, sit continuïtas ulla. Facta enim dicuntur termini generationis, quia, quæ facta sunt, jam assecuta sunt aliquam formam: forma autem omnes sunt termini, unde & vulgatum illud: *Formarū est res determinare*. Ita cor genitum est factum aliquod: hoc autem generari dicitur, quando forma cordis accedit, quæ est terminus generationis cordis. Eodem modo se res habet & in alijs. Scamnū productum est factum quid: dicitur a productum tum, quando forma accessit. Jam verò inter terminos nulla est continuïtas. Ita *puncta* in lineâ sūt termini lib. Categ. c. 3, punctū a. unum in lineâ non est continuum alteri, cum punctum sit *αδιαμετρον καὶ ἀτομον, indivisibile quiddam*. Queniam modum v. puncta sūt termini lineæ: ita facta sunt termini generationis. Inter hæc ergo non erit continuïtas. Quod si autem inter facta non est continuïtas, quæ tamen *ὁμογενῆ* sive ejusdem generis esse videntur, multo minus inter ea, quæ fiunt & facta sunt, erit continuïtas. Individuum enim divido non cohæret. Veluti punctum non cohæret cum lineâ. Posito namq; quodam puncto, non ponitur pars lineæ, tam immediata puncto illi, quin ponatur alia minor versus illud punctum. Quare cum causâ præcedat effectū, generatio, quippe effectus, neq; continua esse potest, neq; contigua causæ, sed necesse est medium tempus intercipi & ita *ἐπεξῆς* deinceps se habere. De quibus qui plura volet, evolvet lib. 6. Phys. ubi totum hoc negotium ex professo declaratur.

IV. Hæc verò cum ita se habeant, non immeritò quaeritur, quid faciendum sit in talibus, ut immediatus in iis sit propositionum nexus. Ad hanc quaestionem itidem responderet Aristoteles loc cit. Dicit, sumendum esse talem *medium terminum*, qui ita se habeat ad *majus* & *minus extremum*, ut *τὸ νῦν* s. momentum præsentis temporis.

Ut

Ut enim illud finis est præteriti temporis & principium futuri 4. Phys. 3: sic & in demonstrationibus huiusmodi rerum assumendum est mediū loco id, quod finis sit maioris & principium minoris extremitatis. Tale quid autem est *effectus recentior*. Hic enim est finis præteritæ generationis & principium futuræ. E. g. sint tres termini, a, b, c, & a quidem sit major extremitas, lapides; b, mediū terminus, fundamentum; c, minor, domus. Ex his mediū terminus, paries, est quodammodo finis generationis fundamenti, quæ est major extremitas, principium autem domus, quæ minor est. Connexio autem demonstrationis ita se habet: Si paries est factus, fundamentum est factum. Si domus est facta, paries est factus. Ergo si domus est facta, fundamentum est factum. Eodem modo se res habet in alijs ejusmodi generationibus se invicem consequentibus, in quibus plures sunt effectus. Semper n. ille effectus, qui recentior est & ad instans tempus proprius accedit, pro medio est accipiendus. Ita in generatione animalis effectus plures eveniunt. Primum enim sit conceptus, deinde sit embryo, tandem demum animal perfectum. Quæritur hinc, quis effectus mediū loco sit sumendus? Resp. is, qui recentior est & ad instans tempus propius accedit, hoc est, qui sequitur proximè id, quod factū primū ē. qualis hinc est embryo. Sic igitur ordine fiet collectio: Si embryo factus est, factus est conceptus. Si animal factum est, factus est embryo. Ergo si animal factum est, factus est conceptus. Agit autem Arist. & alibi hac de re, veluti 2. Phys. 9. & 3. An. 10. t. 49. 2. Gen. ult.

V. Posset tamen adversus hæc quoque dubium moveri. Quæri namque posset, quomodo isti effectus possint dici immediati, cum semper inter eos aliquod interveniat tempus. Neque enim fundamento posito statim paries ponitur: neque parietibus positis statim tectum, atque sic nec domus

mus, sed ad minimum aliquod temporis spatium intercedit. Verum interstitium istud temporis non obstat, quo minus immediate cohaereant res, quæ sunt aut generantur. Habent enim ista se *δεῖν* s. *deinceps*. Ad ea autem, quæ h. m. se habent, saltem hoc requiritur, ut inter ea nihil ejusdem generis sit interjectum. Diversi autem generis aliquid interjectum non prohibet, quo minus hoc illi *δεῖν* esse, aut immediate illud sequi dicatur. E. g. linea dicitur esse *δεῖν* alteri lineæ, si inter eas non sit alia linea, vel alia lineæ interjectæ. Sic tria dicuntur *δεῖν* s. immediate sequi duo: quia nullus est numerus interjectus inter duo & tria. Et domus dicitur *δεῖν* sequi domum, si non est alia domus interjecta. At si inter domum & domum sit interjecta arbor, aut inter militem & militem lapis, hoc non obstat, quo minus hæc dicantur *δεῖν*, s. Phys. c. 5. (3) t. 2 5. Jam verò ita se res habet cum rebus istis, quæ secundum partes sunt aut generantur. Quamvis aliquid inter generationes partium interjiciatur, tamen id non ejusdem est rationis: & licet sistatur in tempore, non sistitur tamen in ordine eorum, quæ sunt. Hoc primum est, quod circa doctrinam de causis, ex quibus demonstrationes constant, adhuc erat considerandum.

VI. Deinde, cum sint aliqua, quæ in circulum generantur, sic ut ab uno principio ad idem fiat regresus, merito quaeritur, quomodo & in iis se habeat demonstratio. Videtur enim in his *κυκλόδειξιν* s. circularis demonstratio admitenda esse. At hanc damnat Aristoteles 1. Post. 3. Verum facile, nos hic possumus expedire. Non enim simpliciter Aristoteles ibi *κυκλόδειξιν* repudiat, sed tum demum, si quis eam accommodet omnibus rebus. Quod faciebat Empedocles & qui cum sequebantur, statuentes omnia in circulum fieri & corrumpi, indeq; omnia etiam prima principia

κύκλῳ καὶ ἐξ ἀλλήλων, circulo & ex se mutuo sciri ac
 demonstrari posse contendebant. Ea enim est cir-
 cularis demonstratio, in qua per medium extrema, &
 per extrema rursus medium demonstratur, ita ut in eo, à quo
 factum est initium, etiam desinat demonstratio. Scilicet ut
 in circulo idem punctum & principium & medium & finis
 est circuli: Ita in circulari demonstratione quod fuit causa,
 fit effectus, quodque fuit effectus, fit causa. Talem igitur
 demonstrationem isti in omnibus concedebant. At refu-
 rat hoc Aristoteles, & quidem rectè. Interim non negat
 in aliquibus rebus talem demonstrationem habere locum.
 Imò concedere hoc fuit coactus. *Demonstratio* enim sequi-
 tur *naturam rei*. Jam in rerum naturâ datur circularis ge-
 neratio, s. dantur res, quæ generantur in circulum & ex se in-
 vicem. Idèο πᾶσιν quoque in talibus rectè in circulum de-
 monstrabitur. Dari autem tales res, quales diximus, per in-
 ductionem manifestum est. Ex 1. Meteor. c. 10. exemplum
 tale afferri potest. Pluviâ cadente humectatur terra, hume-
 ctatâ terrâ generantur vapores, qui postea virtute Solis
 ad superiorem aëris partem attolluntur, atque elati isthuc fri-
 giditate aëris condensantur & fiunt nubes hæ. Porro calore
 Solis resolvuntur & convertuntur in aquâ, aqua a. factæ nu-
 bes decidunt & fiunt pluvix, quæ deciduæ humectant ter-
 rā. Atque sic reciproca est hæc generatio. Δείξω itaque, s. ostensio
 ejus in talem quæque, circulum ambulet necesse est, in quo
 id, quod prius erat causa & docebat aliquem effectum, mox
 mutata ratione fiat effectus & doceatur per effectum, tanquā
 per causam, sicut in proposito exemplo, vapores à terra e-
 lati erant effectus pluviarum & tamen rursus diversâ consi-
 deratione vapores illi elati & in superiori aëris regione al-
 terati causa rursus sunt pluviarum. Non sit tamen recipro-
 ca

catio hæc ex eodem in idem numero, sed in idem specie. Non enim eadem numero pluvia, quæ nunc terram humectat, vapores ac nubes generat eadem numero cum iis, quæ ipsam generarunt. Sed nec omnibus in specie consideratilis demonstratio accomodari potest, sicut nec generatio talis. Non enim, inquit Aristoteles 2. Gen. & Corr. c. 14 (11) *si per circulum generantur pluvia & nubes: nam si nubes est, pluat etiam oportet: & si pluit, nubem quoque fore convenit: ita & homines & animalia inter se redeunt remeantque, ita, ut idem rursum oriatur. Neque enim si pater sit, te fore: sed illum, si tu sis, fuisse necesse est. Hac autem generatio in rectum proficisci videtur.* Hæc ille.

VII. Denique cum causæ sint media demonstrationum, media demonstrationum autem cum extremis necessitudo coherere debeant juxta c. 4. quæritur ulterius, *an omnes ista causa habeant eandem necessitatem.* Ad quam quætionem iterum respondet Arist. 2. Post. 12. Præmittit autem divisionem τῶν ἀποδεικτικῶν. Quæcunque demonstrantur vel sunt αἰ καὶ δόλγ, *semper & perpetuè universalia: vel sunt ὡς ἐπὶ τὸ πλεον, καὶ δόλγ, universalia ut plurimum.* Illa quæ αἰ καὶ δόλγ sunt, bifariam rursus distinguuntur. Vel enim *semper* eodem modo *sunt* & existunt, ut semper omnis homo est animal, & omne per naturam generabile est naturā suā caducum. Vel *semper* eodem modo *fiunt*, ut semper sole existente in primo gradu arietis & libræ sit æquinoctium: semper interpositā terrā inter Solem & Lunam sit eclipsis. Universalia autem ὡς ἐπὶ τὸ πλεον, *ut plurimum* quidem eodem modo sunt aut fiunt, interdum tamen variant, quia vel à materiā, vel ab aliā aliquā causā impediuntur. Ita homo ut plurimum nascitur 5. digitis, aliquando tamen materiæ copia in causa est, ut adjiciatur sextus. Ut plurimum maribus

ribus, cum ad virile ætatem pervenerunt, barba crescit, utriusque autem sexus homines in senectute canescunt; aliquando tamen secus accidit. His positis respondet Philosophus, *qualia ἀπόδεικτα sunt, talia quoque, esse capienda media*. Nempe, si ἀπόδεικτα æterna sunt, h. e. semper eodem modo se habent, medium quoque; tale erit. E. g. ἀπόδεικτον αἰεὶ καὶ δόλγῃ est: Omne per naturam generabile est per naturam corruptibile, hoc si demonstratur, medium quoque; tale fuerit, quale est in hoc syllogismo: Quicquid constat ex contrariis, est corruptibile. O. generabile constat ex contrariis: ratione enim primarum qualitatuum caloris, frigoris &c. fit omnis generatio. E. Quod si verò ἀπόδεικτα solum sint ὡς ἐπὶ τὸ πολὺ καὶ δόλγῃ, tum medium quoque; eiusdem generis erit, contingens, inquam, ut plurimum, nō αἰεὶ καὶ δόλγῃ. Est conclusio talis, mares esse barbatos, medium autem ejusmodi in hoc syllogismo: In quibus magna oritur calidæ exhalationis copia, illis barba circa genas oritur. In maribus magna oritur copia exhalationis calidæ. Hoc ἐπὶ τὸ πολὺ verum est, perinde ut conclusio. Hoc discrimen mediorum semper observari debet. Si enim secus esset, ex necessariis præmissis aliquando concluderetur quæstio contingens, & vicissim ex medijs contingentibus quæstio necessaria, quod impossibile est. Contingeret enim hoc pacto contingens esse necessarium, quia ex necessariis est conclusum: & necessarium esse contingens, quia ex contingentibus c. deductū, quorum utrumque; per absurdum est. Atque; hinc Philosophus & alibi, videlicet 3. de Cœlo 7, rerum æternarum ait æterna, *caducorum autem s. corruptibilium caduca, sensibilibus sensibilia esse principia*. Habet enim quæque; res sua propria media & συγγενή.

VIII. Interea cum demonstratio, ἀπὸ τοῦ καὶ κυρίως sic dicta,

dicta, constet ex necessarijs, faciliè hinc colligitur, quod eorum solum, quæ semper eodem modo se habent, aut eodem modo sunt vel fiunt, sint demonstrationes primariæ ac principales. Reliquorum autem, quæ saltem ὡς ἐπὶ τὸ πολὺ, ut plurimum, ita eveniunt, erunt quidem itidem demonstrationes, verùm non primariò & absolute ita dictæ, aut demonstrationes primæ, sed secundæ solum mensuræ, ut disputat Aristoteles 6. Met. c. 2. Ita res naturales penè omnes sunt ὡς ἐπὶ τὸ πολὺ, non autem ἀπλῶς ἐξ ἀνάγκης. e. g. ut plurimum sub brumâ frigus est, ut plurimum æstate calefcit &c. indeq; demonstrationes, quæ fiunt in naturalibus, non sunt potissimæ demonstrationes. Unde & in 1. Part. An. 1. dicit Philosophus *modum demonstrandi* aliud esse in *naturali doctrinâ & scientiis speculativis*; vocans scientias speculativas Mathematicam & Metaphysicam, quæ principia habent necessaria & necessariò concludentia. Quin & Plato idè vocasse videtur scientiam naturalem conjecturalem scientiâ, non demonstrativam. De nonnullis tamè rebus etiam naturalibus fieri possunt ἀναγκῶς sic dictæ demonstrationes, ut de passionibus corporis coelestis, quæ fiunt ex æternis principijs & semper eodè modo se habentibus. Item de passionibus elementorum, quæ eis accidunt secundum speciem, quia elementorum quoq; ratio secundum speciem æterna est, & aliorum nonnullorum, quæ ex causis perpetuò veris deduci possunt. Velut corpori naturali inesse motum demonstrator propriè per naturam. Corpus sublimare posse interire per δύναμιν ἀσβεστέωσιν in materia prima; idem actu interire per mixtionem ex qualitatibus contrarijs perpetuò pugnantibus; & sic deinceps.

CAPUT XV.

continens

*Confectaria nonnulla doctrinæ de demonstratione: nec non
aliqua de altero scientiæ r̃g dīcti consequendæ me-
dio, videlicet de inventione.*

§. I.

Satis, ut putamus, ex his constat, quæ sit ratio demon-
strationis r̃g dīcti, seu propriè & absolutè sic dictæ. Ex
quò & in promptu est alia haud pauca, quæ de demonstra-
tione quæri solent, enodare. Veluti colligitur hinc primò,
quod non tantum affirmativæ dentur demonstrationes, sed
& *negative*. Non enim solum assignari possunt causæ,
cur res sit, sed & cur non sit. Veluti, cur pisces non re-
spirent. Destituuntur enim organis respirationis atq; cali-
dum ipsorum sufficienter etiam absq; illâ refrigerari potest,
qui alioqui finis est respirationis, quâ de re Aristoteles vi-
dendus est lib: de Respiratione. Pariter & causa assigna-
ri potest, cur continuum ex indivisibilibus haud constet.
Tangerent enim illa se mutuo, aut non. Si non, vacuum
inter ista intercederet, quod respuit natura. Si tangerent,
unum illaberetur alteri ac penetraret illud, neq; extensus
aliquid cum eo faceret, quàm sine eodem. Quomodo er-
gò inde continuum constaret? Porro & causa dari po-
test, cur semen non sit animatum? Anima enim est actus
corporis organici 2. de An: 1. In semine autem nulla
organa apparent. Item, cur lumen non sit corpus. Non
enim per se incurreret in sensus, cum nulla substantia per se
feriat

feriat sensû, adeòq; nec corpus, sed per accidens solum, quatenus scilicet substantia aliqua tincta sive imbuta est aliquo accidente, veluti colore, odore, sapore &c. 2 de Animâ 6. Deniq; ut ex Philosophiâ etiam Practicâ exemplum adducamus, dari & causa potest, cur virtus moralis non insit naturâ. Quæ enim naturaliter insunt, nunquam aliter, atq; sunt, assvescunt. Veluti cum ignis naturâ superiorem locum perat, nunquam assvescitur potest, ut suapte sponte deorsum feratur. Et cum terra naturâ ad inferiorem locum tendat, nunquam assvescitur potest, ut ad superiorem oram contendat, etiamsi vei millies sursum jaciatur. At hominis natura ad virtutes morales manifestè ita se habet, ut suscipere pariter illas & non suscipere queat. Quò accedit, quod in iis, quæ naturâ insunt, facultates semper sint priores operationibus congruentibus facultatibus istis. Non enim eò, quod sæpè vidimus & audivimus, videndi & audiendi facultatem consecuti sumus, sed istas facultates à naturâ adipiscentes ipsis utimur, illarumq; munia citra ullam institutionem commodissimè obimus. At virtutes consequimur exercendo ea, quæ illis sunt consentanea. Suum enim cuique iteratis vicibus tribuendo nulliq; injuriam inferendo, iustitiam; periculis nos crebrò exponendo, eaq; juxta rationis tenorem propulsando, fortitudinem; libidinem coërcendo ac sobriè vivendo, temperantiam nobis comparamus, & sic deinceps. Quæ de re, qui volet, Aristotelem evolvere potest lib: 2. Ethic: c: 1. Apud Euclidem quoq; demonstrationes aliquæ negativæ occurrunt. Veluti theorema negativum est, quod reperitur lib: 1. Element: propo: septimâ: *In eadem rectâ eisdem duabus rectis aliæ duæ æquales non concurrunt altera alteri in aliud & aliud punctum, ad easdem partes, easdem extremitates cum ipsis primis rectis habentes.*

II. Deinde & hoc infertur ex dictis, quod in demonstrationibus haud inveniat locum *progressus in infinitum*. Cum enim in syllogismo, cujuscunq; ille sit conditionis, tantum *tres* sint termini, videlicet major, seu prädicatum conclusionis, deinde minor, sive conclusionis subiectum, & tandem medius terminus, sive principium, ex quo conclusio probatur, consequens est, ut, si progressus in infinitum daretur, ille locum haberet ad minimum ratione unius istorum terminorum. Ast nullius horum ratione is obtinere potest. Nam, ut ὅσων πρότερον faciamus, *medium* terminum demonstrationis hactenus ostendimus esse causam. In causis autem non dari progressum in infinitum manifestum est per inductionem, & docet Aristoteles quoq; lib: 2. Met: 2. Probavimus quoq; antè demonstrationem vim suam omnem habere ex principiis immediatis. Ast immediatum et primum idem erant. Et sanè, si ratione mediorum in infinitum progredi liceret, tum subiectum & prädicatum conclusionis nunquam possent connecti. nexus enim horum non fit nisi per medium. At infinita pertransiri non possunt 1. de coelo c. 5. t. 25. adeoq; nec per illa aliqua possunt connecti. Neq; est, quod dicatur, posse plura, imò & infinita esse, quæ cum extremis cohæreant, atq; probationi de se mutuo interviant, veluti nihil impedire, quo minus per infinita media ostendatur, voluptatem esse bonam. Quamvis enim innumera esse queant, ex quibus prädicatum aliquod de subiecto quomodocunq; probetur, demonstrationis tamen vim hujusmodi probationes è vestigio non habent, utpote quæ ἀπερὶστατον animum reddit in cognoscendo, quod per infinita media præstari non potest, quæ fluctuantem potius reddunt animū, ut ambigatis, quodnam ex illis negotium conficere sit putandum. Dubitatio autem ubi est, ibi

non est *βεβαιότης* sive firmitas assensus, quam demonstratio affert. Sed nec continuum hūc nobis obijci debet, cuius extrema quidem sint terminata, media autem infinita. Nam, ut benè Themistius in Paraph: lib: 1. post capite 37. & Philoponus comm: 87 in 1. Post. in continuo non existunt actu media infinita, sed potentia solum. Veluti quamvis linea divisibilis sit potentia in infinitū, actu tamen ea una est. In demonstrationibus autem necesse est singula media sumi actu. Sunt enim disjuncta sicut numeri: numeri verò infiniti pertransiri non possunt, quod actu eos sumi necesse sit, quando per eos numerando itur, cum sint discreti. Unde rursum Philoponus: *Si terminata sunt extrema, infinita autem numero sunt media, nihil aliud accidit quam dicere numerum aliquem terminatum secundum minimum terminatumque secundum maximum habere medios maximi & minimi numeros infinitos, quod est impossibile.* Sed nec *subjecti* aut *pradicati* ratione currere potest demonstratio in infinitum. Pervenitur enim tandem in eā ad subjectum primum, cui primò & principaliter inest affectio demonstranda, quod *πρῶτον καθόλου* supra diximus & ex professo declaravimus c. 5. & 6. Estque illud quidem sapius & accedens. Quem enim latet, quod etiam accidentibus non raro insint aliqua per se, quæ demonstrari de illis possint? quā ratione sanè *ἀσυμμετρία* inest diametro, si cum costā sive latere conferatur, & alia talia, de quibus in libris Elementorum legendus est Euclides. Ast inter hæc sunt etiam aliqua, quæ accidenti alicui primò insunt, seu subjecto demonstrationis. Demonstrationis, inquam, non *ὁμαλῆς*. Accidentium enim esse cum sit inesse, præsupponunt illa semper subjectum aliquod, cui insunt, quod est *τὸδε τι* sive substantia. Prædicata autem conclusionum demonstrationis per se insunt aut

aut per se coherent cum subjecto earundem. Hæc autem infinita esse non possunt. Fluunt enim ex essentia subiecti. Ea autem respicit infinitatem, utpote cuius λόγος ὁ ἰ. ratio est definitio, quæ non esset definitio, nisi terminaret, ex quo apud Græcos etiam nomen obtinuit, ut ὅρος sive terminus nuncupetur. At quomodo terminabit quod infinitum est, cum termino careat infinitum? Uti verò infinitatem respicit ipsa rei essentia, ita & illa eam non admittunt, quæ ex essentia manant. Quomodo enim infinitum esse posset id, quod ortum trahit ex re definita certisq; limitibus circumscripta? Convertitur insuper prædicatum conclusionis in demonstratione cum subjecto suo, siquidem illud primū sit. At quæ reciproca sunt, multo minus esse possunt infinita, cum non excedant ambitum suum, veluti habere appetitum sensitivum extra animal, quod subjectum huius παθητός est, non invenitur. infinitum autem omnes terminos excedit.

III. Obrinet autem hoc in demonstrationibus non solum affirmativis, sed & negativis. Dantur enim non solum propositiones affirmativæ immediatæ, sed & negativæ, quæquam pauciores sint affirmativis. Nempe illæ propositiones negativæ sunt immediatæ, quorum extrema ita sunt comparata, ut neutrum sit sub aliquo toto sive universali. Si enim aut ambo, aut alterutrum saltem, sive subjectum, sive prædicatum, sit sub aliquo universali, propositio inde nascitur non nisi mediata. E. gr. hæc, nulla anima est numerus, mediata est. Est enim & subjectum ejus & prædicatum sub aliquo genere, cum anima sit substantia, numerus quantitas: substantia autem quantitas non est, nec quantitas substantia. Sed neq; hæc, nullus numerus est substantia, immediata est. Subjectum enim ejus continetur sub aliquo

qvo universali, videlicet quantitate. Deniq; nec illa, nulla substantia est linea. Prædicatum enim ejus continetur sub universali, substantiâ. Hæc autem, nulla substantia est quantitas, est immediata, qvoniam nec subjectum ejus, nec prædicatum comprehenditur sub aliquo universali. Unde Themistius in 1. Post. c: 31: Αἱ τὰς εἰσὶν, ὧν ἑδτέρου τῶν ὄρων ἄλλῃ τις ὅλῃ κατηγορεῖται, *Hæ propositiones negativæ immediatæ sunt, de quorum extremorum nullo alijs qvis universaliter affirmatur.* Quibus geminâ habet etiam Philoponus comm: 67. in 1. Post. Cum ergò in demonstratione negativâ aliqua mediata propositio occurrit, resolvenda ea est tandiu, donec ad ejusmodi immediatam perveniatur. Si autem illa quidem immediata sit, sed altera, affirmativa scilicet, mediata, opera danda est, ut ea ad immediatâ redigatur. Negativa autem aliqua conclusio probari non potest, quin in subsidium vocetur propositio aliqua affirmans, cum nihil sequatur ex solis negantibus pronuntiatis. Veluti si causa afferenda sit, cur vacuum non sit res naturalis, eaq; hæc esse dicatur, qvòd modum non inferat vacuum, carens quippe omni resistantiâ, tollensq; celeritatem & tarditatem. Præsupponitur enim hoc ipso, rem naturalem omnem habere modum, itemq; id omne, qvòd modum infert ex naturalibus, esse capax resistantiæ atqve celeritatem admittere & tarditatem, quæ utiq; posita sunt in affirmatione. Si ergò in affirmationibus aliquando sistitur, in negationibus quoq; idem necessum est obtinere. Cæterùm facile est à mediatis propositionibus affirmativis pervenire ad primas & immediatas. In his enim, si demonstrandæ sint, necessarium est medium sumi, qvòd de minore extremo affirmetur & de qvo vicissim affirmetur extremum. Tale autem medium nunquam est extra majus extremum.

Cum

Cum tali ergo si ascendatur ad id, de quo prius dicatur majus extremum, fieri non potest, quin tandem ad ejusmodi subjectum perveniatur, cui primò insit extremum majus, adeoq; ad principium, quod sit unum, id est, individuum & immediatum. Sicut enim mediata propositio actu quidem una est, potentiâ verò plures: ita immediata & actu & potentiâ est una. Nempe, ut quodvis compositum principio aliquo simplici gaudet, in quod tandem resolvitur, & quo aliud simplicius haud datur, veluti ponderibus ejusmodi principium uncia est, cantionibus diesis vel semitonium, magnitudinibus punctum, numeris unitas, aliis aliud: ita & propositio mediata, quæ ex illis omnibus, in quas resolvipoteat, suo quodam modo composita est, principium suum habet, quod est immediatum. Ut rem exemplo illustremus, sit causa afferenda, cur cor sit principium nervorū: eaq; hæc sit, quia nervi instrumentum sunt motus animalis, qui est à corde. Quod si syllogismus inde formetur, is ita se habebit: Quicquid est principium instrumentorum motus animalis, id principium est nervorum. Cor est principium motus animalis. Ergo cor est principium nervorum. Hic medius terminus, principium motus animalis, affirmatur de minore, corde, de ipso autem affirmatur majus extremum, principium nervorum. Est autem major quidem propositio in hoc syllogismo immediata, quia ipsi nervi instrumentū sunt motus animalis & quidē immediatū: minor a. e. mediata, ideòq; resolvenda, donec ad principium immediatum perveniatur. Potest a. probari hoc prosyllogismo: Quicquid est principium motus animalis, est & principium instrumentorū motus animalis. Cor est principium motus animalis, E. & principium est instrumentorum hujusce motus. Ex his & major & minor est mediata. Potest autem minor ex eo confirmari, quia in corde est appetitus sensitivus, hic autem

est principium, unde motus est animalis, quod sequatur sensum, qui id, ad quod appetitus movet, sub ratione congrui & convenientis, adeoque; iucundi, apprehendit, quæ apprehensio per se & primo excitat appetitum ad sui prosecutionem. Major verò inde demonstratur, quia motus animalis non potest perfici sine instrumentis, cum sit actus facultatis organicæ: unde autem principium motus alicujus est ab organo pendentis, illud est & principium ipsius organi quoad intimam radicem: alioqui enim posset saltem à principio illo immediatè perfici sine organo, atque; adeo penderet ab organo & non penderet, quod est impossibile. Hæc ergo propositio: Unde est & principium motus naturalis ab organo pendentis, illud est principium ipsius organi, est immediata. In eo namque; differunt instrumenta naturalia ab artificialibus, quod hæc sint separata à principio suo, illa verò conjuncta, ceu jam supra quoque; c. XII. num. IX. monitum fuit. Veluti dolabra est sejuncta ab æculario: malleus à fabro: acus à Sartore, & sic deinceps. At ventriculus non est separatus à facultate coctrice ciborum, nec oculus à facultate videndi, nec auris à facultate audiendi.

IV. Non difficile quoque; est vel ex his, quæ paulò antè dicta sunt, intelligere, quænam demonstrationum prædictarum sit præferenda, num *affirmativa*, an *negativa*. *Affirmativa* n. suâ qualitate contenta est, atque; ad conclusionem efficiendam aliâ non indiget propositione, quàm affirmativâ. *Negativa* autem præter propositionem negantem semper eget & affirmante, cum ex utraq; negante, ut dictum, nihil sequatur. Jam autem quæ contenta seipsis sunt, meliora sunt iis, quæ seipsis contenta non sunt, lib: 10. Ethic. c. 7. Præstantius quoque;, quod à paucioribus pendet, eo est, quod pendet à pluribus. Denotat enim hoc imperfectionē.

Et

Et citius ad scientiam rei, qui demonstrationis finis est, pervenitur per pauciora, quod pauca facilius mens comprehendat, quàm multa. Ut taceam, actum illum *διανοητικόν*, quo per pauciora ad conclusionem pervenitur, propius accedere ad actum *τὸ ὄν* sive intellectus, qui pro objecto habet principia, unde demonstratio vim habet omnē. Hic enim immediate illud apprehēdit. Immediatæ a cognitioni propior est cognitio *διανοητική*, quæ per pauciora media procedit, ut benè observat Philoponus Comm: 1. 12. in 1. Post. At à pluribus pendet demonstratio negativa si non numero (habēt n. ambæ demonstrationes pares terminos) specie tamē, quā differūt propositio affirmativa & negativa. Nititur quoq; demonstratio affirmativa melioribus principiis. Affirmantia enim principia non solum notiora sunt negatibus, quod negatio per affirmationē, ut privatio per habitum cognoscatur: sed & naturæ ordine priora. Prius enim est esse, quàm non esse. Jam autem affirmatio significat esse, negatio non esse. Diserit hanc de re fusè Aristoteles lib. 1. Post: c. 23. Paucis autem ea comprehendit in Paraphrasi sua cap. 41 Themistius, cuius verba adscribere placet. Sunt autem illa: *ὅτι ἡ καταφατικὴ τῆς ἀποφατικῆς βελτίων, δῆλον, ἡ μὲν γὰρ ὡς δέχεται ἀποφάσεις, ἡ δὲ, διὰ μόνης ἀποφάσεως ὅσα, ὡς συμπεραίνεται, ἢ προτέρα καταφάσις τῆς ἀποφάσεως, καὶ ἀπλυστέρα.* Quod affirmativa demonstratio præstat negativa, hinc manifestū est. Nō indiget n. negatione, negativa a demonstratio sola negatione non constat, quod ex solis negationibus nihil efficiatur. Prior quoq; est affirmatio negatione & magis simplex. Atq; hinc & conclusiones in scientiis maximā ex parte affirmativæ sunt. Quod & de conclusionibus Geometricis & Arithmeticis observat Proclus in Comm: ad propos: septimam lib: 1. Elementorum Euclidis. Verba ejus hæc sunt: *τὰ πολλὰ καταφάσεις εἰσὶν αἱ προτάσεις τῶν τε γεωμετρικῶν, καὶ τῶν ἀριθμητικῶν θεωρημάτων.* ἄτιον δὲ, ὥς φησιν

Ἀριστοτέλης, ὅτι τὸ καθόλου καταφατικόν, ταῖς ἐπισήμαις ἐπὶ μάλιστα προσή-
 κον, ὡς αὐταρκτέστερον καὶ μηδὲν τῆς ἀντιφάσεως προσδεόμενον. τὸ δὲ καθό-
 λον ἀποφατικόν δέεται καὶ τῆς καταφάσεως. ἐκ γὰρ τῶν ἀποφατικῶν μό-
 νον ὅτε ἀποδείξεις ἔστιν, ὅτε συλλογισμὸς ὕδαίς. καὶ διὰ τούτο αἱ ἀποδεικτι-
 καὶ τῶν ἐπισημῶν τὰ μὲν πλεῖστα καταφατικά· δεικνύουσι, πάντως δὲ χρῶν-
 ται καὶ τοῖς ἀποφατικοῖς συμπεράσμασι, *Pleraq; theorematum,*
tām Geometricorum, quām Arithmeticorum, sunt propositi-
ones affirmantes. Causa est, ut inquit Aristoteles, quod
universale affirmans scientiis maxime convenit, tanquam
magis idoneum & non indigens negatione. At universā-
le negans etiam affirmatione indiget. ex negantibus enim
tantum neq; demonstratio, neq; syllogismus aliquis constat:
ac propterea demonstrantes scientia plurima affirmantia
ostendunt, raro autem negantibus conclusionibus utuntur.

V. Cum autem affirmativa demonstratio præstantior sit
 negativā, præstat quoq; *ostensiva* demonstratio demonstra-
 tioni *ad impossibile ducenti*. Vocamus autem *ostensivam*
 demonstrationem, in quā quæstio proposita idoneo sumpto
 medio directè concluditur. Veluti si probandum sit, foe-
 minam non esse monstrum, & adducatur ratio hæc, quia foe-
 minæ generatio necessaria est in iis, quæ sexu sunt distincta,
 & quidem propter finem, ut species illorum servetur, hinc
 in promptu statim est conclusionem istam inferre hoc mo-
 do: Cujus generatio necessaria est ob finem, illud monstrum
 non est. Cum enim hoc ex necessitate materiæ sola pro-
 veniat, indeq; præter naturam comparatum sit, finem non
 habet. At foeminæ generatio est necessaria ob finem.
 Ergo foemina non est monstrum. Demonstrationem au-
 tem ducentem ad impossibile appellamus eam, in quā non
 directè id, quod intendimus, concluditur, sed oppositum ejus,
 quod concludi debet, assumitur, indeq; juncta illi propo-
 sitione apertè vera, falsum a liqvo manifestè elicitur, unde
 por-

porro veritas elucescit ejus, quod concludere institimus. Exempli gratia, sit mihi per impossibile demonstrandum, quod non recte dicatur, lineam superare sive quantitate excedere punctum. Id fieri posset hac ratione: Si enim poneretur superare illud dicto sensu, tunc punctum quantum esset, & consequenter, cum omne quantum divisibile sit, partes haberet. At hoc est impossibile, cum punctum sit, cujus pars nulla est juxta definit: 1. lib: 1. Element: Euclid: Huic ergo demonstrationi præferendam esse dicimus ostensivam, idq; ex similibus causis, ex quibus affirmativam anteferendam esse dicebamus negativæ. Nam & demonstratio ostensiva simplicior est ducente ad impossibile & suâ conditione contenta, quippe constans ex propositionibus simpliciter enuntiantibus, quas categoricas vulgò vocant, cum altera mixta sit ex propositionibus categoricis & hypotheticis. Præterea cum illa id, quod ab initio propositum erat, rectè concludat: hæc contrarium ejus assumit, eoq; infirmato demum ad quæstionem propositam revertitur, adeoq; eò comineat per ambages. Quorū utrumq; rursus Themistius annotat in Paraph: 1. Post: c. 42 his verbis: ἀμείνων δὲ ἢ ἀπόδειξις ἢ δεικτικὴ τῆς εἰς τὸ ἀδύνατον ἀπαγωγῆς. ἡ μὲν γὰρ ὁ προτιθέμεν ἐξ ἀρχῆς, τὸτο καὶ συλλογίζεται, ἡ δὲ, τὴ ταυτίον ὃ βέλεται. ἀνελῆσα δὲ ὁ συνεπέρανεν, ἐπαινεῖσιν ἐπὶ τὸ προκείμενον ἐξ ἀρχῆς. καὶ ἡ μὲν ἀπλῆ κατηγορικὴ γὰρ μόνον. ἡ δὲ, μικτὴ καὶ γὰρ ὑποθέσει προσχρηταί, *Potior quoq; demonstratio est ea, quæ ostensiva s. assertoria dicitur, quæ ducens ad impossibile vocatur. Illa enim, quod initio proposuerat, hoc & concludit. Hac verò contrarium ejus, quod vult. Tollens verò quod conclusit, revertitur ad id, quod propositum erat à principio. Deinde illa simplex, categorica quippe solum: hac verò mixta, præter categoricā enim propositionem indiget & hypothesis. Ulterius, propositio, ex quā in demonstratione ostensiva est quæstio con-*

cludenda, ipsâ conclusionem notior est & prior. In ducente vero ad impossibile prius notum est, conclusionem esse falsam, quàm veritas nobis constat quæstionis demonstrandæ. Ad summam, illa progreditur à notioribus & prioribus atq; ex præmissarum veritate veritatem ostendit conclusionis. Hæc verò inverso procedit ordine, atq; ex falsitate conclusionis falsitatem subinfert præmissarum, ex quibus falsa conclusio est confecta. Nec est, quod dicatur, etiam indirectâ demonstrationem ex falsâ conclusione, tanquam ex antecedente, ostendere falsitatem propositionis partis adversæ, tanquam consequens: antecedens autem omne consequenti prius esse, adeoq; & demonstrationem indirectam seu ducentem ad impossibile ex prioribus inferre. Sunt enim illa, ex quibus demonstratio hæc colligit, priora solum ratione ordinis: aut illa, ex quibus demonstratio directa sive ostensiva infert, sunt priora etiam τῇ φύσει sive naturâ. Ut taceam, demonstrationem indirectam contradictorium eius, quod concludere volebat, assumptum, tanquam verum supponere, cum non solum ignotum sit, sed & falsum. Demonstratio directa autem ex utrâq; præmissâ verâ & certâ concludit.

VI. Ulterius & in promptu est ex dictis concludere, quod demonstratio *universalis* sit præstantior *particulari*. Vocamus autem demonstrationem *universalem* eam, quæ affectionem ostendit de universo suo subjecto, nempe de illo, cui primo inest, cuiusmodi illa est, quâ v. c. ostenditur triangulum habere tres angulos duobus rectis æquales. *Particularem* autem, quâ ostenditur prædicarum non de toto suo subjecto, sed de eius parte solum, sive ea sit universale quid, sive singulare, veluti si ostendatur æquilaterum habere tres angulos æquales duobus rectis. Est enim species pars respectu generis lib. 5. Met. c. 25. quemadmodum vicissim singu-

ſingularē ſive individuum pars eſt ſpeciei. Jam oſtendimus
 quidem ſuo loco, quod demonſtratio primò & propriè ſic
 dicta affectionem oſtendat de ſubjecto univerſali, cui primò
 ineſt. Verùm id non obſtat, quo minus & iſti ſyllogiſmi,
 in quibus ex immotis principiis & cauſis affectio de parte
 univerſalis ſubjecti demonſtratur, demonſtrationes dicantur
 ſi non primæ, ſecundæ tamen menſuræ. Quamvis enim
 ſcientia, cujus gratiâ demonſtratio eſt, propriè & per ſe non
 ſit niſi univerſalium, quâdantenus tamen eam nihil prohibet
 eſſe vel ipſorum etiam ſingularium, quatenus ſcilicet
 illa rationem univerſalis iſtius, cujus per ſe eſt ſcientia, par-
 ticipant, aut ſub eo continentur. Alioqui Arithmeticus de-
 monſtrans hunc vel iſtum numerum eſſe parem aut impar-
 em, non ſcientiam haberet, ſed ſolùm opinionem. Nec
 Geometra hunc vel iſtum circulum habere omnes lineas
 à centro ad circumferentiam æquales certò ſciret, neq; trian-
 gulum hoc haberetres angulos duobus rectis æquales. De-
 niq; fruſtrâ in omnibus diſciplinis præcepta univerſalia tra-
 derentur, ſi nunquam ex illis certa in ſingulis veritas deduci
 poſſet. Nam & ipſas ſcientias contemplativas jam ſuprà
 c. II. n. IV, à nobis eo ſine acquiri diximus, ut cum aliquid
 eorum, quæ ſcientiâ in univerſali complexi ſumus, in ſingu-
 lari occurrat, nobis in promptu ſit ejus cauſam aſſignare.
 Neq; obſtat hiſ, quod ſcientia non ſit caducorum, ſed eorum,
 quæ ſemper, aut ut plurimum ita ſe habent; neq; ſingulari-
 um, ſed univerſalium ſolùm ſint definitiones, quæ principia
 ſunt demonſtrationum. Inde enim nihil aliud ſequitur, quàm
 quod ſingularia, quatenus ſingularia ſunt, non ſciantur, nec
 demonſtrentur, quod & nos ultro largimur, id tamen non
 impedit, quo minus aliquid de iis demonſtretur, quatenus
 ſub hoc vel illo univerſali comprehenduntur. Unde & A-
 riſtoteles lib. 1. Poſt. c. 3 §. 1. demonſtrationem & ſcienti-
 am

am per se quidem & simpliciter non ait esse rerum caducarum, concedit tamen eorum esse utramq; πῶς ὅσπερ κατὰ συμβεβηκός, *quodammodo & quasi per accidens*. Scilicet ut substantia aliqua non per se videtur, videtur tamen per accidens, veluti oculus non videt pomum, sed pomi colorem, magnitudinem & figuram, videt tamen pomum per accidens, quatenus subiacet colori, magnitudini & figuræ, quæ per se ab oculo videntur: Ita & de individuo, quæ individuum est, per se & absolute nihil demonstrari potest, est enim illud, quæ tale, corruptibile; sed quatenus illi accidit, ut universæ alicujus naturæ particeps sit, veluti Petrus hominis, multa de ipso & sciri possunt & demonstrari. Sunt enim illa perpetuæ veritatis, etiam in singularibus, quamdiu illa sunt sive existunt. Veluti quamdiu Petrus homo est, tamdiu ei insunt, quæ ad naturam hominis spectant, atq; ex illa necessario & per se sequuntur. Et quamdiu triquana hæc febris fuit, est & erit, rigorem, sudores, sitim & alia, quæ de tertianâ in universali demonstrantur, habuit, habet, & habebit. Ex quo & Themistius in Paraphrasi loci Aristotelei paulo antè citati: Εἰκό δὲ φανερόν, ὡς ἐπεὶ αἰδίων, εἶναι δὲ τὸ συμπέρασμα ἐν ταῖς ἀποδείξεσιν, ὅθεν δὲ ἀποδείξεις ἔσαι τῶν φθαρτῶν, ὅδε ἐπισήμη ἀπλῶς ἀλλ' ὅτως, ὅτι καθολὴ αὐτῇ ἐστὶ. πῶς γὰρ ἂν γένοιτο αἰδίων ἐπὶ τὸ συναγόμενον, ἐν ᾧ τὸ φθαρτὸν ὑποκείμενον περιέχεται. ὃ μὴτε αἰὲ τὸ κατηγορούμενον ὑπάρχει, μὴτε ἀπλῶς. ἀλλὰ ποτὲ καὶ πῶς. οἷον τῷ Σωκράτει, τὸ ζῶον εἶναι, νῦν γὰρ, καὶ ὅτι Σωκράτης, ἀλλ' ὅτι ἄνθρωπος, *Illud vero manifestum est, quod si conclusio demonstrationis perpetua esse debet, nulla demonstratio futura sit caducarum rerum, neq; simpliciter scientia, sed ita, quatenus sub universali est. Quomodo enim æternum sit id, quod colligitur, in quo subiectum caducum habetur, cui neq; semper predicatum inest, neq; simpliciter, sed aliquando & quodammodo. Verbi causa, Socrati inest, ut animal sit, sed nunc; nec quia Socrates est, sed quia homo.* Et Johannes Philoponus Comm: 37. in 1.
 Poster

Poster: scribit: Bene dicit (Aristoteles) non per accidens, sed quasi per accidens. Ejus enim, quod Socrates animal, demonstratio non est, propterea quod Socrates obnoxius est interitui. Quodammodo verò per accidens dicitur ejus esse demonstratio, quod in quo propriè est demonstratio, hoc non est Socrates. Animatum, inquam, & sensitivum, quod per se & primò, verum non per accidens hoc inest Socrati, sed aliquando. Non enim propriè per accidens Socrates animal est, sed quandantenus per accidens, propterea quod demonstratio in alio est propriè, de quo immediate animal predicatur, ut de sensitivo, per illud autem donec fuerit Socrates, dicitur demonstrari, quod est animal. Quod autem non semper est, quodammodo per accidens erit.

VII. Jam primo intuitu videri quidem posset demonstratio particularis præferenda esse universali. Initio enim illa demonstratio videtur esse nobilior, quæ certiorẽ gignit scientiam, quod singula, ut est in 1. Polit. 2, definiuntur suo opere, adeoquæ id, quod opus suum melius perficit, præferendū omninò sit ei, quod minus peragit illud, quomodo verbi grat. cum cultri opus sit scindere, ille culter, qui rectius scindit, sinè dubio præferendus est isti cultro, qui minus rectè exequitur opus istud. At opus demonstrationis est parere scientiam. Ea ergò demonstratio, quæ magis parit scientiam, aut firmiorem scientiam progignit, omninò erit anteferenda. Jam autem firmiorem scientiam efficere videtur demonstratio particularis. Firmius enim id scimus, quod per se scimus, quàm quod alio medio novimus: quomodo firmior procul dubio est, quæ penes nos est principiorum notitia, quàm conclusionum. Sunt enim illa per se nota, cum conclusiones istorum beneficio innotescant. Atqui particularis demonstratio, in quâ affectio aliqua de re sin-

gulari concluditur, facit nos scire aliquid per se; universalis autem per aliud. Quia enim calor præter naturam hunc & istum, & illum ac cæteros omnes febris correptos affligit, ob id verum est dicere, omnem febrem calore præter naturam affligere, adeoq; huic quidem febris id convenit per se, universo autem febris generi per aliud, videlicet per hanc & illam. Pariter Coriscum esse Musicum, per ipsummet Coriscum scio, quem canere secundum leges Musicas audio, Isosceles autem habere tria æqualia crura, non per se scio, sed per hoc & istud & reliqua triangula æquilatera particularia. Deinde omnis demonstratio, quæ versatur circa τὰ ὄντα, id est, ea, quæ reverà sunt, certior & nobilior ea est, quæ occupatur in non entibus. Illius enim, quod in rerum naturâ existit, propriè est scientia, non ejus, cujus ideam tantum & exemplar mente concipimus. At particularis demonstratio versatur in iis, quæ reverà sunt, cum universalis occupari videatur in non entibus seu iis, quæ opinione tantum sive animi conceptu existunt. Particularia enim verè sunt & sub sensus cadunt, hoc est, percipiuntur visu, gustu, tactu aliove sensu. Universalis autem nil esse videntur nisi figmenta nostri intellectus, quæ ille separat à singularibus. Ex quo ipse Philosophus lib: 1. de Animâ c. 1. scripsisse videtur, *universale aut nihil esse, aut posterius.* Deniq; & hoc extra dubitationis aleam positum est, quod dignior ac nobilior sit demonstratio, quæ minus in errorem inducit, quàm ea, per quam facilius est labi. Error enim scientiæ è diametro adversatur. Jam autem id melius est, quod minus contrarii habet admixtum, quàm id, quod plus illius habet admixtum. Atqui minus in errorem inducit demonstratio ea, quæ singulis accommodatur, quàm quæ tribuitur rei universæ. Hæc enim de re abstractâ & solâ mentis cogita-

gitatione concepta demonstrat, non aliter, ac si illud esset quidpiam præter singularia, ex quorum similitudine tale esse cognoscitur universale. At quomodo non facilius erraret, qui ob similitudinem aliquid asserit, quam qui ob id, quod oculis usurpat, sive manifestè intuetur.

II. Verum, si curatius paulò rem scrutemur, facillè, quam debilia sint argumenta hæc omnia, comperiemus. Principiò falsum est, quod affectiones, quæ demonstrari possunt, per se singularibus insint, universali autem per aliud, videlicet per singularia. Affectiones enim istæ huic aut illi peculiares non sunt, sed ex æquo omnibus insunt, quia à tali prodeunt formâ, indeq; si de suo proprio subiecto, cui per se conveniunt, debeant demonstrari, de totò genere sunt demonstranda. Hoc enim per se & primò formæ istius particeps est, singulare verò, non quia singulare est, illa gaudet, sed quatenus sub toto isto continetur. Veluti, si calor præternaturalis de suo proprio & primo subiecto ostendendus sit, non de tertianâ ostendi debet, sed de febris in communi: non enim calor præternaturalis huic competit, quia tertiana est, sed quia febris est. Pariter, si calidum innatum de subiecto suo proprio & primo demonstrandum sit, non præcisè cor pro subiecto ejus ponendum est, sed aut cor, aut analogum ejus. Nam & exsangvia animalia calore innato prædita sunt, cor tamen propriè non habent, sed ἀλόγον solum cordis. Deinde falsum & hoc est, quod universalis sint non entia. Quamvis enim haud sint extra singularia, non tamen idcirco statim nihil sunt, sed sunt reverà aliquid in ipsis singularibus, nempe illud ipsum, in quo singularia conveniunt, unum existentia τῷ λόγῳ s. ratione & definitione, & consequenter essentiâ, cujus definitio index est. Unde & magis est universale, quam ipsum singulare.

Natura enim una, in multis *συνωνύμας* existens, semper eodem modo se habet, nulliq; obnoxia est mutationi, cum singularia mutationi semper obnoxia deprehendantur. Unde bene rursum Themistius in Paraphr. 1. Post. c. 40: καὶ οὐτὸ τῶ καὶ θόλος γίνεται ἢ ἀπόδειξις, ὅτι γὰρ οὐκ ἔστιν ἄλλο καὶ ἐστὶν. ὅδε φωνὴ μόνον, ἀλλ' ὑπόστασις. ὅ, χωρὶς ἡ μὲν ὡς περὶ τὰ συμβεβηκότα ἐναργῶς δὲ ἐμφανιζομένη τοῖς πράγμασιν. *Etiā de universali tanquam de eo, quod sit, demonstratio necitur. Neq; enim homonymum universale est, neq; vox solum, sed res existens, non separabilis quidem, quemadmodum nec accidentia separabilia sunt, conspicua interim manifestè in ipsis rebus. Neq; contrarium ex eo evincitur, quod Aristoteles universale aut nihil esse scribit, aut posterius. Potest enim universale duobus modis considerari. Primò, ut significat essentiam, aut aliquid eius, atq; ita prius est naturæ singularibus, quæ & ab illo habent, ut demonstrari quid de iis queat. Non enim ex sua natura id habent, sed ab universali generis vel speciei formā, cum quatenus singularia, nihil perpetuum obtineant sive æternū. Deinde, ut est universale, sive ut denotat similitudinem essentialē plurium inter se. Est enim, quā universale, unum in multis. 1. post. 11. §. 1. & hāc ratione posterius est singularibus. Unde & hactenus accidere dicitur Socrati τῷ ἀνθρώπῳ εἶναι, 1. Met. 1. Non enim ad essentiam Socratis pertinet, quod ei similis in essentiā sit Plato aut Aristides, sed hoc reverā ei accidit. Dicitur quoq; hinc universale non τὸδε τι significare, sed τοῖον δὲ τι, vel πρὸς τι, vel πῶς, vel ejusmodi quippiam lib. Sophist. c. 22. §. 17. Deniq; falsum & hoc est, quod pronior sit lapsus in errorem per demonstrationem universalem. Non enim hic error est, si quis universale consideret, neglectis singularibus, sive abstrahat intellectus à singularibus communem naturam in iisdem re-*

lucen

lucentem, cum ea id ex se habeat, ut intelligi possit sine proprietatibus singularibus, non quod ita nuda existat in rebus, sed quod accidentia & proprietates singulares ad rationem ejus seu definitionem non spectent. Definitio namq; animalis, vivens sensitivum, competit animali, quia animal est, demptis accidentibus, non quod revera animal existat sine accidentibus, sed quia ea definitione animalis non comprehenduntur: perinde ut materia non quidem est unquam sine forma determinata, potest tamen sine illa considerari, quod forma haud pertinent ad rationem ejus. Sed nec adeo facilis est circa summptionem ipsius universalis lapsus, dummodo quis recte advertat. Natura enim ejus perspicue in singularibus relucet. Quodsi autem quis omnino circa illud erret, id non materia, quam tractat, imputare debet, sed sibi ipsi, praesertim, si universale putet esse quiddam per se separatum, quod simile videatur singulari, cum illud seorsim intelligitur & separatè sumptum. Nimis enim clarum est, posse aliqua seorsim considerari, etiamsi non existant seorsim. Argumento sunt vel ipsa etiam accidentia, candor, calor, quadratum, & id genus alia, quae seorsim sumpta in abstracto, ut loquuntur, considerantur, nusquam tamen sine substantia per se reperiuntur.

IX. Qven admodum verò ex his constat, falsas & inanes esse rationes, quae pro demonstrationis particularis militant prerogativa: ita una vel hinc quoq; jam ex parte patet, quod omnino demonstrationi particulari praefenda sit *universalis*. Eam enim demonstrationem anteponeendam esse, per quam scimus praedicatum per se tribui subjecto, vel ipsum fateri coguntur dissentientes. Jam autem hoc per universalem consequimur demonstrationem, quippe in qua affectio tribuitur subjecto, cui & per se & pri-

mò inest. In particulari verò demonstratione affectio non tribuitur subjecto, cui per se & primò inest, sed ei, cui inest per & propter universale. Deinde & hoc dicitur ratio, quod nobilior censenda sit demonstratio illa, quæ versatur circa id, quod magis est, quàm ea, quæ occupata est in eo, quod minus participat rationem entis. At magis sunt universalis, quàm particularia, cum illa sint incorruptibilia, hæc verò mutationi subiaceant & corruptioni. Præterea universalis demonstratio melius causam docet, quàm particularis. Forma enim subjecti primi aut definitio ejus, quam affert demonstratio universalis, causa est proprietatis ab ipsa formâ manantis, non res individua aut singularis. Ita causa rigoris in febre non est tertiana hæc, quæ Socrates vexatur, sed natura tertianæ absolutè. Adhæc causa, quam pandit demonstratio universalis, est ultima, atq; , ut loquitur Aristoteles, *πῆρας* sive *τοῦ τελευτῆ*, quo plenè satisfiat quærenti, cum in singulari demonstratione adhuc causa alia quærenti supersit. Veluti cum quæritur, cur hic vel ille eat ad mercatutam, & responderetur, ut accipiat pecuniam, nondum plenè satisfactum est quærenti. Quæret enim ille porro, quare accipiat pecuniam? ad quod si responderetur, ut satisfaciat creditoribus? ne sic quidem quiescit, sed quæret amplius, quare velit satisfacere creditoribus? ad quam interrogationem si ei reponatur, ne cuiquam injuriam faciat, sed justitiam exerceat, quæ requirit, ut suum cuiq; tribuatur, cessabit quidem quærendo, at hæc causa jam est universalis. Pariter si quærat, quare externi anguli in hac figura tribus rectis sint æquales? & respondeatur, quia est isosceles, desiderabit is, qui quæstionem illam projecit in medium, adhuc cognoscere, quare isosceli hoc *πῆρας* competat? & si responderetur, quia est triangulum, quæret adhuc, quare triangulo illud

Iud conveniat? nempe quia illud figura est rectilinea, quod
 si $\pi\alpha\lambda\lambda\omicron$ illud non habeat amplius, propter quod insit, tunc
 ad primā quidē causam jam erit perventū, quæ maximè sci-
 refaciat; at ea rursus est universalis. Porro, cum infinita
 penè sint singularia, universalis finita magis sunt & determina-
 ta. At quò quid magis naturam infiniti attingit, eò minus
 scitur, cum infiniti nulla possit haberi scientia. Simplex
 quoque magis natura rei universalis est, quàm singularis, quæ
 magis est composita. Magis autem scientiā comprehen-
 di potest, quod simplex est, quàm quod coagmentatum.
 Adhæc pleniorē & uberiorē demonstratio universalis
 affert scientiam, quod per eam habeatur cognitio & ipsius
 universalis, & aliorum, quæ sub illo continentur. Qui
 enim novit universale, novit virtute omnia particularia; at
 non contrā, qui novit particulare, novit etiam universale.
 E. gr. qui novit omne animal sentire, novit etiam homi-
 nem, leonem, taurum, sentire; et qui novit febrem omnem
 calore præter naturam vexare, novit etiam tertianam, quar-
 tanam, ephemeram, aliasque omnes hoc modo vexare, sed
 non contrā. At sine dubio præstantior est illa demonstra-
 tio, quæ plurimum affert cognitionem, quàm quæ pauciorum.
 Quemadmodum & illa nobilior est, quæ primorum prin-
 cipiorum certitudinem propius attingit, quod & ipsum ma-
 gis usu venit demonstrationi universali, quàm ei, quæ par-
 ticulare infert. Quæ enim universæ rei docendæ accom-
 modatur demonstratio, ea universaliora adhibet principia,
 quæ propius ad primā scientiæ illius, quæ demonstrationem
 talem affert, axiomata accedit. Demonstratio autem par-
 ticularis ipsummet universale demonstratum pro principio
 usurpat. Ita quod huic tertianæ rigor insit, ex eo ostendi-
 tur, quia $\pi\alpha\lambda\lambda\omicron$ hoc omni tertianæ inest, hoc autem ex re-
 motiori

motiori & universaliori principio est probandum, quod primis & immediatis propinquius existat. Ex quo una & hoc liquet, quod demonstratio universalis ex perfectioribus constet magisq; se sit contenta. Particularis autem indiget ipsâ universali, ut plenè & perfectè ipsum particulare cognoscatur. Id verò præstantius esse, quod scipso magis contentum est, jam antè monebamus. Deniq; demonstratio universalis ducem sequitur intellectum. Eo enim apprehenditur ipsum universale, Particularis autem demonstratio sequitur sensum. Ut enim universalia intellectu, ita singularia sensu percipiuntur. Certius autem sua naturâ & dignius, quod intellectu percipitur, eo est, quod percipitur sensu. Cum enim ab omni materiâ & corruptione sit abstractum, perpetuò permanet, eandemq; servat naturam. Sic multis rationibus evinci potest, demonstrationem universalem longè præstantiorem esse particulari. Excerpsimus autem etiam has ex ipso Aristotele, qui legendus est l. 1. Post: c. 24. per totum.

X. Ad extremum etiam hoc ex dictis non obscurum est, *quânâ figura syllogistica* sit maximè accommodata ad demonstrationem. Nempe est ea ipsa *prima* figura. Cum enim causæ magis sint affirmativæ, indeq; & theorematum, quæ demonstrantur, pleraq; sint affirmativa; ea quidem, quæ hoc sese modo habent, in secundâ figurâ concludi non possunt, cum nihil in eâ affirmativum inferatur. In tertiâ autem concluditur quidem, sed conclusiones omnes in istâ figurâ sunt particulares, causæ verò per se sunt universalium. Ex quo & Mathematicæ disciplinæ, Geometria, Arithmetica, Optica, Astrologia & aliæ, quæ certissimo demonstrandi genere utuntur, à causis progredientes, hæc ferè solâ figurâ utuntur. Accedit, quod mediata propositiones ad immediatâ

diatas reduci nequeant per aliam figuram, quàm per primam. Conclusiones enim universales affirmativæ non nisi per hanc solam possunt probari, quod in secundâ solum negativæ, in tertiâ autem solum particulares inferantur conclusiones. Ad demonstrandam verò conclusionem universalem negativâ opus est propositione affirmativâ, quod ex duabus negativis nihil monstratur: illa autem, ut modò dicebamus, non potest demonstrari nisi per primam figuram. Adhuc ostensum est lib: 1. Prior: c: 1. quod syllogismi secundæ & tertiæ figuræ, utut consequentiam necessariam habeant & ipsi, evidentiâ tamen ejus careant, indeq; primæ adminiculo egeant, ut perficiantur. Ad illam enim omnes reducuntur, ut evidentiâ consequentiæ appareat. Ipsa autem prima figura est perfecta & nec istorum indiget auxilio, nec aliorum. Fas verò omninò videtur, ut perfectissimo syllogismorum generi, quæ est demonstratio, etiam perfectissima figura vendicetur. Videatur iterum Aristoteles lib: 1. Post: c: 14.

XI. Cæterum ex his, quæ de demonstratione τὸ διότι, seu uno medio, per quod scientiam cur sit cap: III n: 2 comparari diximus, allata sunt, non difficile etiam est de ratione alterius medii, quod ibidem n: 1. inventionem esse dicebamus, judicare. Nempe, ut ejus adminiculo scientiam quis sibi acquirat, necessarium est, ut proprio labore investiget principia ita comparata, ac comparata esse oportere ostendimus, principia demonstrationis. Ea enim si habeat perspecta, atq; debite connectere norit cum conclusionibus, quæ inde deducuntur, hoc ipso jam obtinuerit scientiam, quæ aliter acquiri non potest, quàm per λόγον constantem ex veris, primis, immediatis, notioribus, prioribus & causis tam rei, quàm conclusionis. Qui λόγος vocatur demonstratio, si proponatur ab altero erudiente: ἐπιστημονικὸς α. solum, si ve ad

scientiā accommodari dicitur, si propria industria cōficiatur. Hæc n. duo nō differunt nisi λόγῳ solum, sive *ratione*, perinde ut ipsa scientia & διδασκαλία. Nempe idem habitus, quatenus est cognitio rei per causas, vocatur scientia: quatenus autem per doctrinam seu institutionem alteri traditur appellatur διδασκαλία, quemadmodum vicissim & μάθησις, quatenus discendo ab alio hauritur. Quod, quantum ad posteriora duo observat & Philoponus in Commento ad 1. Post: c: 1 ita scribens: ἡ μὲν τοι διδασκαλία καὶ ἡ μάθησις τῷ μὲν ὑποκειμένῳ ταῦτά ἐστι. τῇ δὲ σχέσει μόνον διαφέρουσιν. ὥσπερ γὰρ ἡ ὁδὸς ἀθηγηθὲν εἰς θήβας, καὶ ἡ ἀπὸ θηβῶν εἰς ἀθήνας, τῇ μὲν σχέσει διαφέρουσιν, τῷ δὲ ὑποκειμένῳ αὐτὰ ἐστίν, ὅτι καὶ ἐπὶ τῆς μάθησεως, καὶ τῆς διδασκαλίας, ἀπὸ μὲν γὰρ τῆς διδασκαλίας πρὸς τὸν μαθητὴν ὡς ἐνέργεια νοημένη, διδασκαλία προσαγορεύεται. ἀπὸ δὲ τῆς μάθησεως ὡς παθητικῆς περὶ αὐτὸν γινόμενον, μάθησις. *Doctrina & disciplina subjecto quidem idem sunt differuntq. tantum habitudine. Quemadmodum enim via ab Athenis ad Thebas, & à Thebis ad Athenas habitudine differunt, subjecto verò eadem sunt: sic & doctrina & disciplina.* Actio enim à Præceptore in discipulum procedens doctrina appellatur: à discipulo autem seu passio quædam incorecepta, disciplina vocatur. Habet se syllogismus ἐπιστημονικός, quatenus est in mente scientis, proprio Marte ab illo formatus, ut embryo jam perfectus quidem, sed latens adhuc in utero matris: quatenus autem se diffundit ex animo scientis, interveniente ministerio lingvæ seu sermonis, in animum discantis, ut infans jam in lucem editus. Hic enim ab embryone jam perfecto sine dubio non aliter differt, quàm λόγῳ seu ratione, adeò ut hinc nonnunquam etiam probatissimis scriptoribus illius adhuc veniat appellatione. Apud Homerum enim Odysf: 10. ἔμβρυον dicitur προβέβηκεν, sive de foetu, qui à paucis diebus prodit ex utero. Sic enim ille: ἔξομεν δὲ ἡμελγεν ὅτε καὶ μηκάδας ἄγας, πάντα κατὰ μοῖραν, καὶ ὕπ' ἔμβρυον ἦκεν ἐκείνη, *sedens autem mulsit oves & balantes capras, omnia ut decebat, & factum singulis submisit.*

CAPUT XVI.

continens

*Confectaria de scientia activâ & effectivâ, nec non
de discrimine illarum & prudentiæ
ac artis.*

§. I.

O Stendimus suprà c. 2. §. 3 ex definitione scientiæ, quod hujus nomine jure meritòq; veniant etiam disciplinæ practicæ & effectivæ. Idem verò etiam ex iis, quæ de demonstratione hactenus disputata sunt, satis evidenter probari potest. Dabium enim non est, quin habitus ejusmodi, qui demonstrationibus fultus est propriè dictis, sit & scientia propriè dicta, quod hanc demonstratio progignat, ad eò ut Aristoteles hinc scire, videlicet propriissimè acceptū, 1. Post: c. 2. §. 4 nihil aliud esse dicat, quàm δι' ἀποδείξεως εἰδέναι, *per demonstrationem cognoscere*: et lib: 6. Ethic: c. 3. scientiam definiat εἶναι ἀποδεικτικὴν, *habitus demonstrativum*. Ubi & addit scientia proprium esse, doceri posse. Docere enim propriè nihil aliud est, quàm causam assignare, sicuti & lib: 1: Met: c. 2 idem Philosophus observat, dicens: *Qui singulorum causas, videlicet proprias & adæquatas, afferunt, illi docere dicuntur*. At causas rei proprias assignare est demonstrare: hoc autem scientiam communicare. Unde & Plato in Menone: τὸτε, inquit, παντὶ δῆλον, ὅτι ἢ δὲν ἄλλο διδάσκειται ἀνθρώπῳ, ἢ ἐπιστήμην, *Hoc cuius manifestum est, quod homo nihil, prater scientiam doceri possit*. Signum scientis quoq; hinc Aristoteles esse dicit posse docere lib: 1. Metaph: c. 1.

Et lib: Sophist: Elench: c: 2 §. 2 λόγος διδασκαλικός vocat eos, qui ex propriis cuiusq; scientia principis concludunt. Deniq; lib: 1. Rhet: c: 1 λόγον διδασκαλικόν dicite λόγον κατὰ τὴν ἐπισήμην, orationem aptam ad scientiam progignendam. Jam autem etiam activa & effectiva disciplina docentur. Consideratur namq; & in illis res per causas proprias & adequatas, sive, quod idem est, demonstrant & illæ res sibi propositas ex veris & primis seu immediatis, naturâ prioribus ac notioribus & causis conclusionis. Obtenent quoq; non minus in illis ac aliis scientiis axiomata, definitiones & hypotheses, quæ non alio prærequiruntur aut præsupponuntur sine, quàm ut ex iis propriæ affectiones de subjectis suis demonstrantur. Veluti in Philosophiâ morali dantur axiomata, qualia sunt, omnem actionem & proaresin esse propter certum aliquem finem, quem tanquam bonum suum expetant; summum bonum esse perfectum, sibi ipsi sufficiens, propter se appeti & non propter aliud; nec non ista juris præcepta, suum cuiq; esse tribuendum, neminem ledendum esse, honeste item esse vivendum. Dantur item definitiones, veluti virtutis, felicitatis, voluptatis, amicitia & aliorum talium, quæ non minus æternæ sunt veritatis, ac definitiones hominis, equi, lapidis cæterorumq; quæ in Philosophiâ naturali afferuntur. Dantur deniq; & hypotheses, veluti, cuiusvis finem esse bonum illud, quod per se appetit; item, dari ultimum actionum humanarum finem &c. Non minus & in Analytica, quæ est effectiva scientia, cum finis ejus sit scientia ἀποδεικτική lib: 1 Prior: c: 1 §. 1 sive per demonstrationem producenda, triplex illud principiorum genus occurrit. Occurrunt axiomata quæ jam supra enumeravimus c. IV. §. 1. Occurrunt definitiones, velut syllogismi, propositionis, termini, conversionis, syllogismi perfecti & imperfecti, figura, propositi-

*sitionis & ἀπαγωγῆς, item necessaria & contingentis, scientia, demonstrationis &c. Occurrunt tandem & hypotheses, veluti, dari syllogismum, ex veris non nisi verum sequi &c. Quæ cuncta non alio fine ibi afferuntur, quam ut ex iis quidpiam demonstraretur, quod per se in sit subjecto. Verbi causa, ex definitione syllogismi perfecti Analytica demonstrat solos syllogismos primæ figuræ esse perfectos, reliquos omnes imperfectos. Ex definitione propositionis ostendit, propositionem hypotheticam non esse propositionem absolute sic dictam, quia non affirmat simpliciter aliquid de aliquo, nec negat. Similiter Ethicus ex definitione virtutis multa de eâ probat. Veluti ex eo, quod sit habitus in mediocritate consistens & ratione recta, qualis prudentis est, definitus, ostendit, eam esse habitum laudabilem &c. Deniq; & in Medicinâ eandem methodum observandam esse docet Galenus libi i. de methodo medendi c. 4. Ait enim tractandam eam simili methodo, qua utuntur Mathematici. Nempe *auspicandum esse à primo aliquo, de quo inter omnes conveniat, quod simile sit primis istis axiomatibus Mathematicis: Quæ eidem sunt æqualia, sunt & æqualia inter se, & si æqualibus æqualia adjiciantur, tota fiunt æqualia: hinc autem transeundū esse ad alia, verò cavendum, ne principia sumantur controversa sed prima potius ac indemonstrabiles propositiones, qua faciant ex se fidem. Qui enim secus agunt, legislatorum ritu sancire potius, quam demonstrare quid esse dicendos.**

II. In primis autem multa in activis & effectivis disciplinis ex fine demonstrantur. Jam enim ante diximus finem in illis esse primum principium & velut canonem ac normam & κριτήριον illarum. Quod & de activis scientiis clare

docet Aristoteles lib. 7 Ethic: c. p. scribens: Ἐν ταῖς πράξεσι τὸ
 ἔτεκα ἀρχή. ὡς περ ἐν τοῖς μαθηματικοῖς αἰτιοθεσεις, *In actionibus id,*
cujus gratia est, principium est, quemadmodum in Mathe-
maticis hypotheses. De utrisq; autem idem tradit lib: 1. Eud:
 8 his verbis: *Finem inferioribus causam esse ostendit ratio.*
 Ορασάμενοι γὰρ τὸ τέλος τὰλλα δεικνύουσιν, ὅτι καὶ αὐτῶν ἀγαθόν. αἴ-
 τιον γὰρ τὸ ἔτεκα, *Definientes enim finem alia demonstramus,*
quod unumquodq; eorum bonum. Causa enim ejus est, id cu-
jus gratia. E. gr. quoniam sanitas bonum est, etiam ea
 bona sunt, quæ ad illam conferunt. *Inde, addit nulla scien-*
tia activa, nec effectiva, monstrat finem, quò dirigit cuncta,
esse bonum. V. gr. Medicus non demonstrat sanitatem es-
 se bonam, sed, si id faciat, est Sophista. Ratio illius non
 alia est, nisi hæc, quia nullius scientiæ principium demonstra-
 tur. Finem autem, quem intendunt activæ & effectivæ sci-
 entiæ, esse bonum quid, principium est in illis. Deniq; de
 effectivis sigillatim idem Philosophus lib: 2 Eud: c: 11 hæc
 habet verba: ὡς περ τῶν θεωρητικῶν αἰτιοθεσεις ἀρχαί, ἴτω καὶ τῶν
 ποιητικῶν τὸ τέλος ἀρχή καὶ αἰτιοθεσεις, *Quemadmodum in contem-*
plativis hypotheses principiorū obtinent locum: ita in effecti-
vis finis principium est & hypothesis. Hic enim, ut suprà
 cap: 7 n: 6 ex Galeni Arte tuendæ sanitatis ad Thrasybulum
 c: 29 diximus, κανὼν ἐστὶ καὶ κριτήριον τῶν πάντων τῶν κατὰ τὰς
 τέχνας, *mensura est ac regula eorum omnium, quæ sunt cir-*
ca artes. Quibus gemina sunt, quæ idem habet lib: 1 me-
 thodi medendi c: 7: Ἐν ταῖς μεθόδῳ τινὶ συνιστάμεναις τέχναις ἀρχή
 τῆς συστάσεως ἢ τῆς τέλεως ἐστὶν ἐννοία, *In iis artibus, quæ methodo tra-*
duntur, principium est cognitio finis. Ex ratione itaq; finis,
 seu primo principio, multa in scientiis etiam effectivis de-
 monstrantur. Veluti in Dialecticâ, quod syllogismus Dia-
 lecticus constare debeat ex propositionibus ἐνδεξοῖς, proba-
 tur

tur inde, quia hæ solæ aptæ sunt ad reliquendam opinionem
 ὑπολογιστέαν penes animum ejus, qui λόγος δέσμευται. *Talis autem
 opinio finis Dialectica est* Topic: c: 11 §: 9 & c: 14 §: 7.
 Similiter in Analyticis, quod demonstratio constare debeat
 ex veris, primis & c. ex ratione scientiæ, quæ finis est Analy-
 ticæ, deducitur, ceu visum nobis ante. In Medicina quoq;
 ex ratione finis, qui est sanitas, multa deducuntur & demon-
 strantur, ceu apud Galenum & alios est videre.

III. Sed cur ergo Galenus, inquit, Medico suo
 σοχασμὸν relinquit ac facultatem Medicam ipsam inde passim
 σοχαστικὴν sive conjecturalem vocat, si ea scientia est? σοχασ-
 μὸς enim s. conjectura est de iis, quæ incerta sunt, ac in utramq;
 partem disceptari possunt. *Conjectura omnis*, inquit Cice-
 ro lib: 2. de divinatio. n: 33, *ingeniis hominum in multas ac
 diversas, aut etiam contrarias partes sæpè diducitur. Ut
 enim in causis judicialibus alia est conjectura accusatoris,
 alia defensoris & tamen utriusq; credibilis: Sic in omnibus
 iis rebus, quæ conjecturâ investigari solent, anceps reperit-
 ur ratio.* At talia non sunt, quæ sub scientiam cadunt. Ea
 enim certa ac definita erant, & vel simpliciter necessaria,
 vel contingentia plerumq;. Quod si autem Medicina, quæ
 inter facultates effectivas potissima videtur, scientia non est,
 utiq; nec scientiæ erunt reliquæ facultates effectivæ. Verum
 initio non valet consequentia hæc. Non enim omnes fa-
 cultates effectivæ conjecturâ utuntur, quod non omnes ar-
 tes s. ἱερωτικὴν, sed quædam ὑπολογιστέαν s. definitæ, quibus &
 finis definitus est, & ordo ad propositum spectans. De qui-
 bus proinde & illud Aristotelis obtinet, quo *artem non con-
 sultare* scribit 2. Physic: 86. *Neq; enim faber lignarius, sunt
 verba Themistii ex Paraph: ad illū locum, consultat, utrum
 prius secandum sit, aut dolandum; nec Grammaticus, quem*
 admo:

admodum literarum elementa scribenda sint, hoc est, α αὐτὸς, nec verò cum Cleonē scribit, cogitat, quam primam, quam secundam literam collocet; adificator etiam non consultat, utrum jacienda primò fundamenta sint, an parietes construendi, vel an tectum apponendum. Eodem modo textor, lapidida, reliquiq; similes artifices suo officio funguntur, nullus consultat, sed habet sibi quisq; suum certum finitumq; opus, nec ordinem ad finem propositum pertinentem ignorat. Videri potest de discrimine prædictarum artium etiam Alexander ad 1 Topic: 3 & 2 Qq. natural. quæst: 16, nec non Eustratius ad 3 Ethic: 5. Saltem igitur de his, quæ sub definitas artes cadunt, nihil prohibebit dari scientiam, nisi quid aliud remoretur. Deinde σοχαζέσθαι non semper significat idem, quod *conjectare* seu *conjecturam* facere de iis, quæ incerta sunt, sed σοχαζέειν quandoq; etiā is dicitur, qui sedulò intentus est in scopū, quem sibi præfixit, eaq; etiā, quæ futura sunt, prospicit ac curat, ne vel bona elabatur, vel in mala incidat incautus. σοχαζέσθαι enim propriè est *scopum petere*, per translationem autem significat, *animi intentionem ad propositum suum dirigere*, velut apud Aristotelem 5. Met: ubi obsoniorum artificem ait esse ἡδονῆς σοχαζόμενον, id est, *in id totum è intentum*, ut cum omnibus suis obsoniis serviat voluptati. Eodem sensu vocem usurpat & lib: 1 Polit: c. 1, cum ait: πάντες ἀγαθὸν τινὸς σοχαζόντες, *omnes societates bonum aliquod, veluti scopum quendam propositum habent, ad quem tendunt*. Philo quoq; in eadem significatione μη σοχαζόμενος ὀνομάτων εὐπρεπείας, ἀλλὰ τὰληθῆς vocat eum, *qui animi intentionem ad indagandam rerum veritatem potius confert, quàm ad nominum appellationem decoremq;*. Hoc igitur sensu & Galenus Medicum dicit esse oportere σοχαζικόν, hoc est, *intentum omnibus modis ad scopum, quem sibi habet præfixum, ut & subtilius consideret præsentia & accuratius*

prævideat futura, quidq; in utrisq; aut boni aut mali insit, circumspiciat, ne à scopo, ad quem collineat, declinet aut excidat sine suo. Hoc autem consequitur non qualicunque σοχασμῷ, qui etiam in quosvis ex plebe cadat, sed tali, qui nitatur præteritis vel ab ipso, vel ab aliis in arte Medicâ excellentibus antè observatis. Unde & conjiciendo, si perfectus Medicus sit, non facilè à scopo aberrat, imò si ab eo abluat, sit illud non vitio ipsius Medicæ artis, sed aut ægri culpâ, qui ad præscriptum Medici res suas non componit, aut accidentium quorundam ita comparatorum, ut prævidere ea ac subolfacere ne peritissimus quidē Medicus ullo modo possit. *Quærat quis*, inquit Cornelius Aurelius Celsus lib. 2 cap. 6, *si certa futura mortis indicia sunt, quomodo interdum deserti à Medicis convalescant, quosdamq; fama prodiderit in ipsis funeribus revixisse?* Respondet dupliciter. Et primò quidem ait id non Medicinæ, sed imperito Medico esse imputandum. *Sapè*, inquit, *in vicino quædam nota posita non bonos, sed imperitos Medicos decipiunt.* Quod Asclepiades funeri obvius intellexit quendam vivere, qui efferebatur sentiens, ne protinus crimen artis esset, si quod professoris sit. Deinde, ut moderatius quid subjiceret, concedit, Medicinam esse *conjecturalem artem*, rationem tamen *conjecturæ* dicit non talem esse, qualis sit in vulgo, sed talem, ut cum sapius responderit, aliquando tamen fallat nos. Et mox addit: Si quid itaq; vix in millesimo corpore aliquando decipit, id notam non habet, cum per innumerabiles homines respondeat. Idq; non in his tantum, quæ pestifera sunt, dico: sed in his quoq;, quæ salutaria sunt. Si quidem etiam spes interdum frustratur & moritur aliquis, de quo Medicus securus primò fuit. Quæq; medendi causa reperta sunt, nonnunquam in pejus aliquid convertunt. Ne-

*que id evitare humana imbecillitas in tantâ varietate corporum potest. Sed est tamen Medicina finis, quæ multò sapi-
 pius, per q̃, multò plures agros prodest. Deniq; & hoc ob-
 servandum est, quod cum σοχασμὸς Medico suo Galenus tri-
 buit, de Medico ei sermo sit in praxi constituto, aut in cu-
 randis his vel illis singularibus hominib; occupato. Huic n.
 σοχασμὸς non rarò opus est, ob singulares, qui sæpè accidunt,
 casus, tum ratione loci & temporis, tum ratione affectionum
 & συμπτωμάτων, tum ratione ἰδιοσυγκρασίας, id est, naturæ cujus-
 que peculiare proprietates & conditiones, quas vocant, in-
 dividuantes. Sunt enim, ait iterum Celsus lib: 2. de re Me-
 dicâ c: 2. quædam proprietates hominum, sine quarum no-
 titiâ non facile quidquam in futurum presagiri potest, aut
 quicquam certi statui de remediis. Proprietates namq; il-
 læ faciunt, ut non eadem omnibus etiam in similibus casibus
 opitulentur, sicut idem ex usu observat in Præfat. lib: 1. At
 quatenus Medicina consideratur, ut disciplina aliqua, non ver-
 satur in singularib; casibus, cū per se nulla disciplina, siue con-
 templativa illa sit, siue activa, siue effectiva, per se singularia
 expendat, sed universale. Neq; enim Medicus in docendo
 occupatus ostendit, quomodo Socrates sit curandus, sed
 quomodo phthisicus, apoplecticus &c. quemadmodum nec
 qui Orotariam proficitur, docet, quomodo huic aut isti ci-
 vi quid persuadendum sit, sed quomodo civi in genere, aut
 in specie civi in tali vel tali Republicâ degenti. Etiam si igi-
 tur Medicus conjecturâ aliquando, exercens artem suam, u-
 tatur, non tamen idcirco ipsa scientia Medica conjecturalis
 dicenda est, quæ in setota, vel ipso etiam Hippocrate teste,
 constans est & firma. Sic enim ille lib: de loc: in homi-
 ne: Βέβαιον, inquit, ἱατρικὴ πᾶσα καὶ φαίνεται τῶν σοφισμάτων τὰ καλλί-
 στα ἐν αὐτῇ συγκείμενα εἰσὶν εὐχέλεια τύχης δοῦναι, ἢ γὰρ τύχῃ αὐτοκρατεῖ καὶ
 ὕκ*

ἐκ ἀπέρου, *Firma est tota Medicina, ejusq; perceptiones, ex
 quibus constat pulcherrima minimè fortuna indigere. For-
 tuna enim sui juris est, nec patitur se regi.* Ita ille de Me-
 dicina, quatenus ea præceptis constat, sive disciplina aliqua
 est. Aliàs enim quatenus in exercitio consistit, quod singu-
 laribus circumstantiis definitum ac circumscriptum est, con-
 cedit alio loco Hippocrates certitudinem exactam omni-
 busq; numeris absolutam in eà haut habere locum, veluti
 in eo, quantum sit huic vel isti ægro præbendum. *Nihil
 enim æquè exercitationem Medicam conjecturalem facit,
 quàm cujuslibet remedii quantitas, quod & Galenus con-
 firmat l. de cur. rat. per sanguinis misce: 12, cui tamen ali-
 bi & affectuum rationem addit. Quod si reverà, sunt ver-
 ba Hippocratis lib: de prisca Medicinâ, quemadmodum exi-
 stimant, quæ quidem sunt valentiora, laderent, quæ verò
 imbecilliora tum agros, tum sanos juvarent & nutrent,
 res facili negotio conficeretur. Longè enim tutius ageretur,
 si res ad imbecillum deducatur. At nunc non levius peccatur,
 neq; minus leditur, si quis pauciora & infra modum assu-
 mat. Fames enim plurimum potest in hominum naturâ tum
 ad sanitatem & imbecillitatem, tum ad mortem inferendam.
 Multa verò alia mala & varia quidem ex plenitudine ori-
 untur, neq; verò minus gravia ex inanitione, ut proinde
 in his maxima insit varietas, & magna diligentia requira-
 tur. Δεῖ γὰρ ὡς τὸν τοῦ σώματος, Modum enim quâdam con-
 jectura colligere, id est, sagaciter indagare oportet. Modum
 autem neq; pondus, neq; ullum alium numerum, ad quem i-
 sta referas, ut exactè cognoscas, non ullum alium invenias,
 quàm corporis sensum. Quocirca istud ad eò exactè cogno-
 scere, ut leviter in utramq; partem pecces, operosius est.
 Quamquam equidem vehementer hunc Medicum lauda-*

rim, qui parum peccat. τὸ δὲ ἀκριβὲς ὀλιγάκις ἐπικατείδειν, Exacta autem certitudo raro cernitur. Non quasi in arte sit defectus, sed quod perfectionis consummata Medici raro inveniuntur. Sed & legi hic omnino merentur verba Galeni ex lib. de optimâ sectâ ad Thrasybulum c. 4: Πεπληγμέναι οὖν τὴν τέχνην σοχαστικὴν εἶναι λέγοντες, διότι σοχαστικά ἐχέει τὰ θεωρήματα. ὅ γὰρ ἀπὸ τῶν θεωρημάτων σοχαστικὴ λέγεται, ἔσκει γὰρ ταῦτα, ἀλλ' ἀπὸ τῆς πράξεως καὶ τῆς τῶν ἰατρουόντων ἐνέργειας. αὕτη γὰρ ἀσάτον ἔχουσα τὴν ἐπιτυχίαν, σοχαστικὴν τὴν τέχνην ποιεῖ, ἐπεὶ τὰ θεωρήματα ἀπασῶν τῶν τεχνῶν, ὁμοίως βεβαία τε εἰσὶ καὶ ἐσκότα. παρὰ δὲ τὸ μὴ βεβαίως εἶναι τῶν τεχνῶν ἀπασῶν τὰς ἐπιτυχίας, σοχαστικαὶ τινὲς τῶν τεχνῶν εἶναι λέγονται, ὅσοι ἀσάτον ἔχουσιν, ὡς ἔφην τὴν ἐπιτυχίαν. Errant illi, qui ideò (Medicinam) artem conjecturalem dicunt, quod conjecturalibus praeceptis contineatur: non enim a praeceptis conjectatrix denominatur, quæ perpetua sunt, sed ab actione & medentium opera. Hac enim incertum eventum habens conjectricem artem reddit: nam omnium artium praecepta æquè firma sunt & constantia. Verùm quoniam non omnium artium finis semper attingitur, ideò fit, ut ipsarum nonnullæ conjectrices appellentur, quæ incertum & ancipitem, ut dixi, eventum habent.

IV. Occupatur in actione certis circumstantiis definitâ ipsa ars, veluti in actione medendi ars Medica; praecepta autem tradit scientia, quæ est de arte, quas multi existimant non differre nisi τῷ λόγῳ, ratione & definitione, τῷ πράγματι autem sive reipsâ idem esse. Unum enim eundemq; habitum, quatenus docetur & certis veluti praeceptis includitur, scientiam vocari: quatenus autem ostendit, quomodo hæc vel illa in singulari sint efficienda, ut finis in hoc vel illo subjecto obtineatur, esse artem. Ita sanè Johannes Baptistæ Montanus cap. 1. Explicet in prim. libr. Canonis Avi-

Avicennæ: *Ars*, inquit, *dupliciter considerari potest*. Uno modo, ut versatur circa materiam & subjectum extrinsecū, circa quod operatur; altero ut versatur circa universalia & rationem faciendi. *Isto modo ars est, hoc scientia*. Nec aliud putant esse discrimen inter prudentiam & scientiam practicam. Quod vel ipsum etiam Aristotelem sensisse colligunt ex verbis istis 6 Ethic 8: ἐστὶ δὲ ἡ πολιτικὴ καὶ ἡ πρόνοιας ἡ αὐτὴ μὲν ἐστὶ τὸ μέντοι εἶναι, ὃ τὸ αὐτὸ αὐτῶς, hoc est, interprete Dionysio Lambino *Civilis scientia & prudentia sunt ille quidem idem habitus, sed natura, quæ sunt, tamen & essentia non est eis eadem*. Jam non negamus quidem convenire in non paucis scientiam effectivam & artem, nec non prudentiam & practicam scientiam. Nam primò sunt hæ facultates omnes habitus intellectus & quidem tales, quibus intellectus noster semper affirmando vel negando verum dicit 6 Ethic 3. Quamvis enim in scientiis activis & effectivis nō omnia sint absolutè necessaria, sed quædam solum contingentia ὥς ἐστὶ τὸ πολλὸν, ut in his falli quis possit, si pro necessariis ea habeat; non tamen ea isto loco habet sciens, qui probè novit ea non nisi plerumq; vera esse, de cætero autem admittere suas limitationes & exceptiones, nec pro aliis ea venditat, nisi pro talibus. Rursus quamvis ars & prudentia quæq; interdū falli videantur (sæpè enim quæ artificiosissimè aut prudentissimè excogitata sunt, pessimè cadunt) tamen id non fit vitio artis aut prudentiæ, sed culpa potius est in rebus, in quibus illæ sunt occupatæ, quæ incertæ sunt, variæq; subeunt mutationes. Quod si autem non in rebus, sed in ipso illo, qui artifex aut prudens habetur, culpa hæreat, argumentum id est, quod non sit is, qui esse putatur, aut saltem, quod modò prudenter aut ex arte non egerit. Qui enim à scopo aberrat, quatenus aberrat, prudens non est, nec artifex.

Unde & Plato lib: 1 de Rep. *arti* nulli *πονηρίαν* vel *ἀμαρτίαν* inesse docet. Deinde & in eo conveniunt isti habitus, quod sint habitus non *ῥᾱ* mentis, quæ simplici intuitu objectum suum apprehendit, ut visus colorem & auditus sonum, 3. de An: 6.; sed *διανοίας*, quæ ab uno comprehenso progreditur ad aliud, veluti à causis ad effecta, à fine ad media. Sunt enim omnes habitus cum ratione, indeq; omnes utuntur syllogismo. Quo ipso distinguuntur ab intelligentiâ, quæ est habitus mentis in principiis occupatus, quæ rationem non agnoscunt, cur ita se habeant, sed per se fidem merentur. Vide lib: 2. Post: c: ult §. 8. & 6. Ethic: 8. Porro, cum ratio sit universalis, quod colligitur ex multis particularibus, inde fit, ut omnes illi habitus in se spectati, non ratione operationis, sive, ut in Scholis loquimur, in actu *primo*, non in actu *secundo*, cum primis certis circumstantiis limitato, pro objecto habeant & ipsi universale. Neq; enim qui arte Medicâ pollet, solum hunc & istum podagricum aut phthisicum curare novit, sed omnestalibus aut etiam alius generis morbis laborantes. Unde & Aristoteles hoc ipso artem ab experientiâ distingvit, quod hæc *singularium* sit, illa *universalium* lib: 1 Met: c: 1. Et Plutarchus lib: de fato ob eandem causam artem legi comparat, quod ut lex per se est universalium, singularium non nisi per accidens, quatenus in illis inclusa sunt: sic & ars universalium sit primò & per se, consequenter autem etiam illorum, quæ subistis continentur; idq; declarat exemplo *Gymnastica* & *Medicina*. Non alia verò est & prudentiæ ratio. Neq; enim qui verè & simpliciter prudens est, novit solum hanc aut istam, sed omnem rem publicam administrare, sive Aristocratica illa sit, sive Democratica, sive alius formæ. Uterius in specie scientia effectiva & ars in eo conveniunt, quod ambæ versentur circa

τὰ ποιητὰ, scientia verò activa & prudentia in eo, quod am-
 bx occupatæ sint circa *τὰ πρακτὰ*, ex quibus hæc bona sunt
 homini simpliciter, veluti appetitum obedire ac servire ratio-
 ni rectæ & quidem in specietali, qualis est ratio prudentis, illa
 autem bona sunt huic aut illi, veluti Medico, Musico, Archi-
 tecto, pictori, statuario &c. Sed et in *fine* conveniunt ac *scop-*
o. Artes enim omnes, non minus verò & prudentia, præter
 finē certū, habent & scopum aliquē certū sibi præfixum, quò
 finis ipsarū n̄ est directus, quod de artibus quidem est ma-
 nifestum. Est namq; ars omnis talis finis gratiā, qui sit *utis*
ad ulteriorem finem in vitā humanā, ceu observat etiam
 Eustratius ad lib: 1. Ethic: c: 1. Ita cum artes aliæ sint *instru-*
mentaria, aliæ *utentes*, aliæ *Architectonica instrumentaria-*
rum quidem fines semper directæ sunt ad finem artis alicujus
utentis, *utentium* autem finis semper subordinatus est fini
 artis cuiusdam *Architectonica*, hic autem fini *prudentia*. Fa-
 cile verò idem etiam de prudentiā ostendi potest. Non enim
 finis huius absolute ultimus est, sed subordinatus fini sapien-
 tiæ Vid. lib: 2. Physic: 2 lib: 1. Ethic: c: 1 & lib: 6 c: ult. E.
 gr. finis frenifactoriæ, quæ ars aliqua instrumentalis est, est
 frenum, quod confert ad regimen equi, qui finis est artis e-
 questris unius ex artibus utentibus, hic porro finis subordi-
 natus est fini actus ducis bellici, quæ una est ex Architectoni-
 cis. Huius autem finis tendit ad finem prudentiæ, qui tan-
 dem directus est ad sapientiæ ipsius finem. Jam hic ulterior
 finis, quò tendit ars aliqua, nec non prudentia cum suo fine,
 scopus est utriusq;. Hunc ipsum enim finem intuetur cum
 artifex, tum prudens, in operando & præscribendo aliis, eoq;
 determinat proprium suum finem, cuius haberetur aut nulla,
 aut non tanta ratio, nisi ad istum assequendum haberet *mo-*
mentum. Ideò merito *scopus* appellatur ductā *metaphorā*
 à *finis*

à signo illo, quod sagittarii intuentur, quando arcum expellere volunt, huc arcum & sagittam collimantes. Aristoteles finem hunc ὅρον appellat 6 Ethic: c: ult, quia terminat & limites figit fini artis aut prudentiæ ad hunc contentendentis, quo neq; plus, neq; minus habeat atq; oportet. Σκοπὸν autem disertè eundem vocat eodem 6 Ethic: c: 1. Jam scopus hic pariter & finis proprius idem sunt in scientiis effectivis & artibus, nec non in prudentiâ & scientiâ practica: E. gr: artis & scientiæ frenifactoriæ finis est frenum efficiendum, scopus verò flexio & moderamen ævi: prudentiæ autem & scientiæ civilis finis est felicitas humana, scopus verò contemplatio & veneratio Dei, qui finis est sapientiæ ipsius 7. Eud: 15. Deniq; quod speciatim artes & scientias effectivas attinget, etiam in hoc conveniunt, quod ambæ sint *facultates rationales* 9. Met: 2. Snt enim ambæ contrariorum, non solum, quia versantur circa contraria, quo pacto omnes scientiæ contrariorum sunt, quoniam omnes cum ratione sunt conjunctæ, quæ & rem manifestat & privationem ejus, illam quidem per se, hanc autem per accidens: privatio autem prima est inter contraria, quippe quæ reducuntur tandem ad privativè opposita 10 Met: 4; sed &, quia contraria efficere possunt. Per Architectonicam enim & ædificari potest & dissolvi sive destrui domus; Per Medicinam & secari & sanari vena; per Rhetoricam & persvaderi bonum & disvaderi; per Dialecticam idem problema & astrui & destrui; per Citharisticam & aptè ludi & malè impelli fides. Possunt autem hæc non solum qui artibus, sed & qui scientiis effectivis sunt instructi. Quo ipso ambæ jam differunt à *prudentiâ*, quippe à quâ contrariæ actiones, bonæ & malæ, proficisci nō possunt; imò quā antenus etiam à seipsis, quatenus scilicet considerantur non ut scientiæ, aut *δυνάμεις*, sed ut *habitus*, hoc est,

est, quatenus referuntur non ad ea, quæ sciri aut effici possunt, sed ad ipsum scientem aut artificem, seu quatenus sunt qualitates quædam acquisitæ firmiter animis illorum inhaerentes. Hoc enim modo haud efficiunt contraria. Nempe, ut bona valetudo in corpore non efficit ea, quæ malam valetudinem comitari solent: ita & scientia non efficit in animo scientis ea, quæ ignorantia & inscitia conjuncta sunt, veluti impotentiam docendi, inconstantiam opinionum &c: sed ea tantum, quæ ipsi convenientia sunt, hoc est, habilem reddit ad docendum, firmumq; ac stabile de iis, quæ cognoscuntur, iudicium efficit, ita ut semper de iisdem eadem & dicantur & sentiantur. Parratio est & artis. Unde merito Aristoteles lib: 3 Ethic: c. 1 facultatem ab habitu eo differre scribit, quod illa sit contrariorum, hic non item.

V. Quamvis verò in his convenient habitus isti, tamen de cætero magnum inter illos est discrimen. Λόγος enim, cum quo ars efficit, prudentia autem agit, sive illa quomodo efficiendum, hæc autem quomodo agendum quidpiam sit, præscribunt, est deliberatio, aut saltem medius terminus syllogismi deliberativi. Ex 6 Ethicorum namq; c. 1 iam supra notavimus, quod λογίζεσθαι καὶ βεβηκέναι aliquando idem sint. Ex Analyticis autem constat, quod λόγος passim etiã pro medio termino in syllogismo adhibeatur, quemadmodum & in specie causa προεχής, quæ est medius terminus demonstrationis, tam Aristoteli, quam Platoni λόγος vocatur, observante etiam Simplicio ad 3 de Animâ c: 5. Cum tali ergò ratione, quæ medium sit syllogismi deliberativi, semper agit aut quomodo agendum sit, præscribit prudentia; & rursum efficit aut quomodo quid efficiendum sit, præscribit ars. Quamvis enim non semper artifex deliberet actu, cum, quid efficiendum, aggreditur, diriguntur

Uu tamen

tamen omnes ejus operationes à perfecto ac pleno judicio rationis, qvale aliàs finitâ deliberatione formari solet. Quod autem non semper de illis, quæ obtinendi finis ergo agit, actu deliberet, id inde fit, quia jam tum, ex antecedente quippe experientia, quæ secuta est, aut etiam antegressâ judicium ex deliberatione, siue propria, ipsius artificis, siue aliorum, à quibus quasi per manus accepit, relictum, novit & quasi in parato habet, quod maximè accommodatum sit ad comparandum finem. De eo igitur cum jam undiqvâq; certus sit, haud opus habet, ut de illo deliberet. actio tamen ejus nihilominus cum ratione est, & quidem tali, qualis deliberantium esse solet. Agit enim cum eâ ipsâ ratione, quâ induciti alii, qui primi artem aliquam invenerunt præviâ consultatione, egerunt & negotium suum rectè atq; egregiè perfecerrunt, quod deinceps & ab aliis, eandem rationem & intelligentibus & sequentibus, similiter præstitum fuit. Ex quo etiam unâ, ut obiter id moneamus, apparet, quid causæ sub sit, cur ars non dicatur habitus *SECUNDUM veram rationem* effectivus, sed *Cum ratione* 6 Eth. 4. *Secundum veram rationem* enim etiâ illi dicuntur efficere, qui non deliberant ipsi, aut rationem, quâ rectè post deliberationem judicantes uti solent, norunt, sed tantùm illorum, quibus ratio ista perspecta est, præscriptum sequuntur, velut operarii; quos tamen nemo, nisi abusivè fortè, artifices dixerit: perinde, ut nec virtuosos illos dicimus, qui iusta quidem agunt & decentia, verùm non cum ratione ejusmodi, qualis viri prudentis est, sed tantùm secundum eam, siue juxta præscriptum prudentis. Nemo enim propriè virtuosus est, nisi & prudens sit ac rationem, cum quâ ille agit, animo teneat comprehensam. Ex quo Aristoteles lib: 6 Ethic: c: ult: *Non ille, inquit, habitus virtus est, qui solum est secundum rectam ra-*
tio-

tionem, sed qui simul est cum recta ratione: recta autem ratio de talibus prudentia est. Quia contingere potest, ut quis opinionem quoque habeat similem aut eandem cum ratione artificis, & juxta eam opus aliquod conficiat, nec tamen artifex dici mereatur, quod opinio ejus non sit experientia fulcita & roborata. Aliud enim opinio vera est, aliud recta ratio. Quod quomodo in activis obtineat, ostendit Philosophus 3 Polit: 4 dicens, quod prudentia, quæ est habitus activus cum verâ ratione, sit propria & necessaria imperantis virtus; obtemperantem autem nihil attinere esse prudentem, sed sufficere, si rectam habeat opinionem. Id quod porro exemplo artium declarat. Imperans enim, inquit, tanquam tibicen præscribit parenti, tanquam tibiæ factori, quales tibiæ parare debeat. Scilicet ipse tibicen rationem novit, cur tibiæ sic oporteat esse comparatas; factorem autem rationem earum scire id non attinet, dummodò tibiæ norit & tibiæ rectè sciat præparare. Ita ergo, vult dicere Aristoteles, & imperantem quidem in Republ. oportet esse prudentem, ut sciat cum ratione imperare, quæ sint agenda, parens verò ex bonâ opinione morem gerere tenetur. Sic igitur & ars efficit & prudentia agit cum ratione. Quod &, quantum ad artem, Photius observat in Bibl: cod: 249 his verbis: τέχνη ἐξ ἐστὶ ποιητικὴ μετὰ λόγον. τὸ δὲ μετὰ λόγον, πρόσκειται, ὅτι καὶ ὁ ἀρχὴν ποιεῖ, ἀλλ' ἔτι μετὰ λόγον, *Ars est habitus cum ratione effectivus. Additur autem hoc cum ratione, quia & aranea efficit, verum sine ratione.* At ratio, ex qua proficiscuntur præcepta, quæ dantur in scientiis activis & effectivis, non est medius terminus deliberationis, sed demonstrationis.

VI. Ut hæc res tantò clarius reddatur, repetendum hinc ex 7 Ethic: 4 & l. de Anim: motu c: 7, quales sint deliberantium rationes. Nempe in omnibus ratiocinationibus de-

liberativis, quæ nos movent ad agendū quid aut efficiendum,
 duo concurrunt genera propositionum, universales scilicet
 & singulares. Deliberatio enim omnis instituitur de rebus
 singularibus, cum universalia, quæ talia, non sint in nostrâ po-
 testate, indeq; nec agi à nobis, nec effici queant. Conclu-
 sio ergò syllogismi deliberativi, quæ determinat hoc vel
 illud esse agendum aut efficiendum, semper est singularis.
 Jam autem talis conclusio inferri non potest, nisi ex ejusmo-
 di præmissis, quarū altera ad minimū sit singularis. Ambæ in-
 terim propositiones etiam syllogismi deliberativi non pos-
 sunt esse singulares, quod ratio, ex quâ procedit ille, per se
 sit universalis. Una ergò ex illis, videlicet major, universa-
 lis sit necesse est, altera autem, minor, est singularis. Ut
 rem exemplis illustremus, si vocetur sub deliberationem
 quæstio, num expediat civitati huic, quæ libera est, bellum
 inferre, & concludatur non expedire id, ex hoc medio
 termino, quod periculosum valdè sit liberam invadere civi-
 tatem, nascetur hinc talis syllogismus: *Nulli civi-
 tati libera expedit bellum inferre. Hac civitas est libera.
 E. non expedit ei bellum inferre.* Pariter si, quis offensus
 secum deliberet, quomodo irasci debeat, & concludat, quod
 leviter saltem sibi irascendum sit, idè, quod leviter tantum
 offensus sit, talis hinc emerget syllogismus: *Quicumq; le-
 viter offensus est, illi leviter irascendum est. Ego leviter
 offensus sum. E. leviter mihi est irascendum.* Ad similem
 modum comparatus erit syllogismus, si quis præviâ delibe-
 ratione concludat, ægro huic esse præbendum rhabarbarū,
 ex hoc modo termino, quod cholera laboret. Erit enim
 hic: *Omnī laboranti cholera præbendum est rhabarbarum.
 Hic ager laborat cholera. E.* In omnibus his syllogismis
 major universalis est, minor autem singularis, æquè ac con-
 clusio.

clusio. Jam propositionum ejusmodi veritas non eodem modo exquiri potest. Singularium enim veritatem plerumq; experientia patefacit vel simpliciter sensus: nonnunquam autem etiam ars aut prudentia. Nam & hæc judicandi de singularibus vim habent, sicuti de *arte* docet etiã Aristoteles in 3 Polit: Universales autem ut plurimum scientificè ex prioribus causis demonstrari possunt. Ita, quod civitas hæc libera sit, per se constat ex iis, quæ sensuum iudicio patent. Quod autem res ardua & valdè periculosa sit, civitati liberæ bellum inferre, id demonstrari potest à causis prioribus. *Omnes enim homines*, ut Julius Cæsar ait lib: 3 de bello Gallico, *naturâ libertati student & conditionem servitutis oderunt*, quod tantò minus mirandum est, cum etiam bruta animantia, ratione destituta, carceribus aut aliis locis inclusa tristari, emissa autem ac liberè hinc inde vagantia lætari summoperè videamus. Inde autem porrò fit, ut homines pro libertate suâ non minus ac pro aris & focis pugnent & extrema potius pericula subire & gravissima quæq; tolerare potius parati sint, quàm libertate privari, cum primis, si plures, libertate eadem gaudentes, societate sint juncti & potentiâ, ut se tueantur, sufficienti instructi. Unde & Cicero Philipp: 10 & lib: 2 Epist: ad Brutum epist: 17 de civitatibus Romanis scribit, *quod mors iis semper fuerit potior servitute. Omnem enim miseram esse servitutem*. Porrò, quod quis leviter offensus sit, ex re ipsâ sensibus aut ex prudentiâ æstimatâ manifestum est; quod autem leviter offensum etiam leviter oporteat irasci, id ex causis certis rursus demonstrari potest. Omnes enim naturæ impulsu ad beatitudinem contendunt: beatus autem qui evadere vult, cum secundum virtutes vivere oportet, cum *beatitudo* nihil aliud sit, quàm *actio secundum virtutem perfectam* &

Ethic 7. Secundum virtutem autem qui vivere vult, is medium tenetur observare in affectibus & operationibus. quoniam *virtus est habitus in mediocritate consistens & ratione recta, qualis est viri prudentis, definitus* 2 Ethic; 6. Rursus, qui medium observare vult in affectibus & actionibus suis, cum oportet æqualia pro æqualibus reddere. At id non facit, qui leves offensas nimis irato accipit animo & vel nece ipsa querit vindicare. Non enim est proportio inter ista. Denique & hoc sensu dijudicatur, num hic vel ille cholera laboret, aut certe arte, si ob aliquam coincidentiam res sit ambigua & anceps. Sed quod thabarbarum conducatur cholera laboranti, id rursus demonstrari potest. Cholera enim ex bile provenit, rhabarbarum autem bilem abstergit, quia non solum aqueam & terrestri constat substantiam, quæ adstringit & viscera facit quasi *τετανα*: sed & aëream & igneam, ob quam amarum est & rarum, & insignem vim habet aperiendi & abstergendi, quæ pars cum in superficie sit, reliqua ipsum totum permeante, facile per infusionem à reliqua ista potest separari, teste Mesue Arabe apud Petrum Andream Matthiolum in lib: 3 Dioscoridis cap: 2 & Casparum Hoffmannum lib: 1 de Medicamentis officialibus c: 29 §. 11.

VII. Huiusmodi ergo syllogismis, quales num. præced. descripsimus, prudentia & ars utuntur. Scientiæ activæ autem & effectivæ exhibent eas ipsas, quas diximus, universalium, ex quibus syllogismi isti concludunt, propositionum demonstrationes ex causis prioribus & magis universalibus ductas. Unde & Plutarchus, ostendere volens discrimen inter Philosophiam, quæ scientia est veritatis, & artes, lib: de primo frigido c: 8 ita scribit: *ὅ μάλιστα δοξεῖεν αὐτοῖς ἰατροῦ καὶ γεωργῆ καὶ αὐλῆς διαφέρειν ὁ φιλόσοφος. ἐκείνοις μὲν γὰρ ἔσται τὰ ἐσχατὰ τῶν φησίω θεωρεῖσθαι, τὸ γὰρ ἐγγυτάτω τὸ πάθος ὅστις αἰὶν συγοφῆ, πικρὸν μὲν*

μέν έντασις ἡ παρὰ μάλιστα. έρυσίβης δέ, ἡλιοι πυριφλεγείς επ' ὁμβρῶ βα-
 ρύτητ'· δέ κλίσις αὐλῶν χαμσυναγωγή πρὸς ἀλλήλυσικανόν επὶ τῷ τεχνί-
 τη πρὸς τὸ οἰκεῖον έργον. τῷ δέ φυσικῷ θεωρίας ένεκα μέτιον τι τ' ἀληθές, ἡ τῶν
 έσχατῶν γινῶσις, ὅτελος έστίν, ἀλλ' ἀρχή τῆς επὶ τὰ πρῶτα καὶ ἀνωτάτω πο-
 ρείας. *In eo maxime apparet, quo Philosophus à Medico, agri-
 colâ, tibicine differat. His enim sufficit extremas causas
 cognovisse. Proximam enim causam si perspexerit, veluti
 quod febris causa sit intentio, aut illapsus humoris in alienum
 locum, rubiginis frugum ardore Solis post imbrem, gravis
 soni fistularum inclinatio inter se, satis hoc est artificis ad suum
 opus. Physicus autem, qui veritatem contemplatur, in ex-
 tremorum cognitione non acquiescit, sed hac initium ei est ad
 prima supremâq; proficiscendi.* Hinc autem porro & alia
 inter artes ac scientias effectivas, & prudentiam ac scientiam
 activam discrimina suboriuntur. Scientiæ enim utriusq;
 generis non minus ac scientiæ contemplativæ non solum
 ut habitus, sed & respectu operationum, quæ hoc loco &
 tempore aliisq; circumstantiis definiuntur, spectatæ circa u-
 niversalia versantur, quod ἐνέργεια illarum æquæ ac scientiarum
 contemplativarum non sit nisi contemplatio per causas, quæ
 idem semper cum ipsâ scientiâ habet objectum. Objectum
 autem scientiæ per se universale est, singulare autem per ac-
 cidens, quatenus sub universali continetur. At prudentia &
 ars, quamvis & ipsæ, ut habitus, sive in actu primo spectatæ,
 circa universale sint occupatæ, operationes tamen illarum
 hoc loco & tempore aliisq; περιστασις circumscriptæ in sin-
 gularibus versantur. Actus enim earum sunt πράξις aut ποιή-
 σις certo consilio susceptæ. Consilia autem seu delibera-
 tiones ut non sunt de universalibus, sed singularibus: ita &
 πράξεις & ποιήσεις ex consilio profectæ non sunt nisi singulari-
 um, non minus ac reliquæ actiones & effectiones omnes. Ita
 Medi-

Medicus hîc & nunc non sanat hominem in universali, sed in singulari, hunc vel illum, veluti Calliam aut Socratem, his præscribit medicamenta & quomodo iis uti debeant, ostendit, quo aut sanitatem, quæ fortè vacillat, retineant, aut recuperent amisam. Pariter & Analyticus doctor, cum secundum artem Analyticam operatur, non format demonstrationem in universali, sed hanc vel illam in particulari, probans ex causis suis propriis theorema hoc vel illud, & quidem nõ quomodocunq; , sed promptè & expedite. Ut enim simpliciter demonstrare aptus sit, id à scientiâ habet, ut autem facillè & expedite demonstret, id habet ab arte Analyticâ; principium siquidem τὸ εἶναι ars est: & ut in Problematicis sect: 30 probl: 8 dicitur, αὐτὸ βέλτιον, semper id, quod melius est, artis ratio spectat & facit. Non alia verò & prudentiæ est ratio. Nam & ipsa spectata in actu secundo hoc loco & tempore circumscripto occupata est v. c. in regimine non Reipublicæ in genere, sed hujus vel istius hoc tempore gubernandæ. Docet utrumq; rursus & noster Philosophus. Et de arte quidem notabilis locus est, qui occurrit i Met. 1. Ibi enim hæc leguntur verba: *Ars universalium quidem est cognitio. actiones autem & generationes omnes sunt circa singulare. Non enim hominem nisi per accidens sanat, qui medetur, sed Calliam aut Socratem, aut alium quempiam eorū, qui sic dicuntur, cui accidit εἶναι ἀνθρώπου.* Et paulò post: *θεραπευτὸν γὰρ τὸ καὶ ἕκαστον μᾶλλον.* Id, quod singulare est, magis sub curationem cadit. Cui geminus est & alter ille locus ex i Ethic: 6: Καὶ ἕκαστον ἰατρῆς, videlicet ὁ ἰατρός, singulu medetur *Medicus.* De prudentiâ autem idem lib: 6 Ethic: c: 8: *Prudentia, inquit, non est eorum tantum, quæ sunt in universali, sed oportet prudentem etiam, quæ singularia sunt, cognoscere. In agendo enim versatur.* ἡ δὲ πράξις περὶ τὰ καὶ ἕκαστα, *actio*

actio autem in iis occupata est, quæ sunt singularia. Et c: 9: τῶν καθ' ἑκάστη ἐστὶν ἡ φρόνησις, *singularium rerum est prudentia.* Rursus c: 12 (11): *Omnes hæ facultates, sententia, perspicacitas, prudentia & intelligentia extremorum sunt & singularium,* τῶν ἐσχάτων καὶ τῶν καθ' ἑκάστον. Et paucis interiectis: *Sunt autem cuncta, quæ sub actionem cadunt, τὰ πρακτά, eorum quæ singularia sunt & extremorum,* τῶν καθ' ἑκάστη καὶ τῶν ἐσχάτων. Deniq; cum scientiæ activæ & effectivæ sint propriè dictæ scientiæ, circa necessaria non minus ac scientiæ contemplativæ & ipsæ versantur, aut saltem circa contingentia ὡς ἐπιτόπου. De his enim erant scientiæ & demonstrationes, non de iis quæ sunt *indefinita*, ut visum nobis ex 1 Prior c: 13 & aliis locis supra c: VII n: 2 & 3. At circa contingentia ejusmodi, quæ indefinita sunt, versatur cum ars, tum prudentia. De iis enim deliberamus, quæ contingentia sunt ἐπ' ἰσχύς, quæ in potestate nostrâ posita sunt, ut pro arbitrio nostro æquè *feri & non fieri* possint, 3 Eth: 3 (5.) Unde & 6 Ethic 4 & 2 Phys: 5 magna dicitur esse *cognatio artis & prudentia cum fortunâ*, quoniam scilicet in *eadem rebus* versantur, rebus, inquam, haud stabilibus & incertis. Quod priori loco & insigni Agathonis sententiâ Philosophus confirmât: τρόπον τινα, inquit, περὶ τὰ αὐτὰ ἐστὶν ἡ τύχη, καὶ ἡ τέχνη, καὶ ἡ ἀρετή, καὶ ἡ ἀγαθὴ φροσύνη, τέχνη τὴν τύχην ἐπερᾷ, καὶ τύχη τὴν τέχνην, *Quodammodo circa eadem versatur ars & fortuna. sicut etiam Agatho inquit: Fortunam amat ars, artem ipsa fortuna invicem.*

IIIX. Atq; hinc etiam simul liquet, quod licet *effectivum* non minus de scientiâ aliquâ dicatur quàm de arte; & *activum* non minus de scientiâ aliquâ, quàm de prudentiâ, non tamen id eodem fiat modo. Nempe *scientia* aliqua activa aut effectiva dicitur, quia *finis* ejus est actio aut effectio. Idèò enim scientiæ activæ ea, quæ sub actionem ca-

dunt, in universali considerat eorumq; causas indagat, ut juxta cognitionem illam agatur quid in singulari, quò ipsa scientia non descendit. Et scientiæ effectivæ ea, quæ sub effectiōnem cadunt, in universali expendunt causasq; eorum investigant, ut juxta cognitionem illam fiat quidpiam in singulari, quò illa itidem se non demittit. *Arts* autem dicitur habitus *effectivus*, quia promptè & expeditè in singulis casibus indefinitis præmonstrat, quid faciendum sit, ut opus sequatur. *Prudentia* verò habitus dicitur *activus*, quia promptè in omni casu ostendit, quid & quomodo agendum sit, ut actio rectè sit comparata. Homo deniq; facit vel agit quidpiam secundum præscriptum artis aut prudentiæ, manum operi admovendo. Agere enim & facere duobus dicuntur modis. Scilicet & illi agunt, aut faciunt, qui *consilio* agentibus aut facientibus præsunt, veluti in iis, quæ ad architecturam spectant, architectus: & illi, qui consilium istorum *exequuntur*, ut operarii 7. Polit. c. 3. Priori modo agit prudentia, posteriori homo per virtutem moralem. Priori modo facit ars, posteriori itidem homo adhibendo organa corporea, veluti manum aut linguam, quorum illud fit in artibus practicis, hoc in iis, quæ ex Platone Ammonius in *Categorias λογικὰς* appellat. Sed & hoc ex dictis non difficulter colligitur, quod licet omnes hi habitus sint habitus intellectus & quidem dianoëtici, de cætero tamen sit discrimen aliquod inter intellectum istum, ad quem ars & prudentia spectant; & illum, in quo scientiæ activæ & effectivæ sedem suam habent. *Quemadmodum* enim, sunt verba Aristotelis ex 6 Ethic. c. 2 (1,) *anima rationis expers bipartita est: ita & duæ sunt animæ partes ratione prædita. Una quidem, quâ contemplamur ejusmodi res, quarum principia se aliter habere non possunt: altera autem, quâ contingentiæ, hoc est,*

est ea, quæ aliter se habere possunt. Rationē Philosophus addit: Nam ad ea, quæ genere differunt, etiam particulariū aut facultatum animi alia genere est, quæ ad eorum utrumq; seorsum accommodata est, siquidem similitudine quādam ac convenientiā cognitio eis inest, hoc est, cognationem quādam & affinitatem oportet esse facultatis animæ cum re facultati subiecta. Quod & in sensibus apparet. Ea enim quæ genere conveniunt, uno eodemq; sensu percipi videmus, reliqua non item. Sic omnes colores visu, omnes sonos auditu, omnes sapes gustu percipimus: ast quæ genere differunt, non uno eodemq; sensu apprehendimus, sed alio. Non enim idem sensus percipit colorem & odorem, aut odorem & sonum. Jam autem & necessarium ac contingens genere differunt. *Alterum enim non potest non esse, alterum autem potest non esse* 1 Prior: 13. Necessario itaq; & facultates animæ, quæ duo ista cognoscant, erunt diversæ. Vocari autem, ut Philosophus ibidem subdit, commodè potest illa quidem facultas, quæ circa *necessaria* versatur, ἐπιστημονική, altera autem, quæ circa *contingentia*, λογιστική. Ea enim solum ex contingentibus sub intellectum nostrum cadunt, quæ ab arbitrio nostro pendent, & de quibus proinde consultare & deliberare possumus; reliqua autem, ut Socratem ambulare, currere &c. sunt sensus potius, quàm intellectus objecta. *Ea animi facultas*, ait & Auctor Magnorum Moralium lib: 1 c: 33, *quæ rationem habet, in duas partes est distributa, quarum una quidem est* βουλευτική, *altera* ἐπιστημονική. *Quæ quod inter se distinguantur, ex subjectis facile cognoscere licet.* Nam quemadmodum inter se differunt colores & succus, & sonus & odor, ita & alios ipsi sensus natura accommodavit. Sonum enim auditu, succum gustu cognoscimus & colorem visu: sic & cetera quodq; exi-

fin. are oportet, quod eodem modo se habeant, quod cum alia
 sint objecta, alias quoque esse oporteat animae partes, quibus co-
 gnoscimus ea. Ita cum aliud sit intelligibile, aliud sensibile,
 utraque autem hac animam cognoscamus, alia sanè pars est, quæ
 circa sensibilia versatur, alia, quæ circa intelligibilia. Con-
 sultrix igitur pars circa sensibilia & quæ in motu sunt, versa-
 tur, & simpliciter circa ea, quæ sunt & corrumpuntur.
 Consultamus enim de iis, quæ in nostrâ potestate sunt, ut pro
 beneplacito & agere ea & non agere possimus, circa quæ con-
 siliū est & delectus agendi. Cum igitur ars quoque & pru-
 dentia in iis sint occupata, quæ sub consultationem veniunt,
 sine dubio & illa habitus sunt intellectus deliberativi, scien-
 tiæ autem, quæ de illis sunt, resident in scientifico intellectu.
 Nec est, quod dicatur, Aristotelem tamen ipsum 6 Met: 1 sci-
 entiâ activâ in πρακτικῇ, effectivam autem in διανηὰ ποιητικῇ
 collocare, quod hæc idem esse videantur cum intellectu de-
 liberativo. Posterius enim hoc petit τὸ ἐν ἀρχῇ, cum non ex
 objecto apud Philosophum hunc διανοια πρακτικὴ et ποιητικὴ δι-
 στωρικὴ distinguantur, quasi hæc versetur circa necessaria, il-
 læ autem circa contingentia, sed ex fine potius, quod illarū
 finis sit actio aut effectio, hujus autem nuda cognitio. Quod
 & Themistius advertit in Paraph: libri tertiæ de Animâ ad
 hunc modum scribens: Intellectus Theoreticus à Practico
 differt in eo, quod Theoretici finis sit inspectio sola, activi o-
 pus, hoc est, quod Theoreticus in nudare rei apprehensione vel
 cognitione acquiescat, neque quicquam aliud respici-
 at; Practicus autem ostendat, quid agendum sit aut
 eligendum. Philoponus quoque in comment: ad eundem
 librum contemplativum intellectum ab activo solo sine dif-
 ferre scribit. Etenim contemplatio, inquit, finis est veritatis
 cognitio, actio verò comprehensio boni.

IX. Ulterius & in modo acquirendi discrimen inter habitus illos spectatur. Cum enim scientiæ proprium sit doceri & disci posse, quod præter Platonem & Aristotelem, quos citavimus n: 1, et Clemens Alexandrinus confirmat lib: 2. Stromiatum scribens: *πᾶσα ἐπιστήμη διδακτὴ ἐστὶ, omnis scientia doceri potest*, inde etiam scientiæ activæ & effectivæ possunt doceri. Artem & prudentiam autem non à Præceptore discimus, sed per crebrum usum & exercitium nobis comparamus. Quamvis enim universalium istarum propositionum, ex quibus syllogismos artium & prudentiæ ex una parte constare dicebamus, sit doctrina, notitia tamen illarum haud sufficit ad artem & prudentiam, sed necessaria insuper est & notitia singularium circumstantiarum, in quibus præcipue ars & prudentia sunt occupata. Quod facile est colligere ex conditione *veræ rationis*, cum quæ illa efficit, hæc agit. *Tria* enim ad eam requiruntur. Primum quidem, *ut finis*, qui ultimum est, in quod ratio deliberantis resolvitur, *sit bonus*. Deinde *ut media*, quæ, deliberatione praviæ, adhibenda esse judicantur, sint *licita* atque *ad obtinendum finem accommodata*. Fieri enim potest, ut consultationis quidem finis sit bonus, sed tamen in iis, quæ sunt ad finem directa, error committatur, non secus ac in syllogismis conclusio quidem nonnunquam vera est, sed medium falsum 2. Eud: 2: at tunc consultatio bona non est, neque ratio, quæ ex deliberatione remanet & medium determinat, recta. Denique, cum actiones, de quibus suscipitur consultatio, sint & aliis circumstantiis seu *περὶ ἡδιστα* circumscriptæ, veluti tempore, loco, modo, objectis &c. ad veram rectamque actionem seu deliberationem & id requiritur, ut etiam hæ *circumstantiæ omnes recte* se habeant, neque in ullâ earum aberrent. Unde cum verâ ratione non agit, qui liberalitatem exercere volens,

quod in se bonum est, decernit illud aut de alienis facere, aut cum procrastinatione (*ingratum enim est beneficium, quod inter manus dantis diu hæsit*, sicut venuste alicubi scribit Seneca;) vel etiam publice, non privatim. Publice enim qui aliquid erogant in alios, aut ostentationis ergo id facere solent, aut eo fine, ut pudorem alteri incutiant ac ruborem. Non minus verò & in iis, quæ artibus sunt subiecta, ad circumstantias est attendendum. Pro harum enim varietate sæpe etiam consilia sua artifex cogitur mutare, quod in primis usu venit artibus conjecturalibus, siue indefinitis, quales sunt Imperatoria, Rhetorica, Medicina, gubernatoria & similes aliarum. Nam & Imperator, siue dux belli, modò copias explicare cogitur, modò contrahere, modò ex insidiis rem agere, & nunc simulare metum, nunc dissimulare, rursus nunc planitiem & aperta loca, nunc saltus & angustias atque aspera montium petere, prout tempus requirit. Orator quoque pro locorum, temporum, auditorum diversitate orationem suam cogitur variare; et Medicus in curando sexus, ætatis, virium, consuetudinis, temperamenti, regionis, tempestatis &c. maximam rationem habere tenetur. Gubernator denique navis non semper eundem cursum, quem coepit, tenere potest, sed interdum vela facere, sæpè etiam velificationem mutare necessitate adigitur, ut portum, quò tendit, consequatur. Unde & Plato 6. de Republ: ad gubernatoris officium pertinere scribit, *ut rationem habeat anni & temporum, & cæli, & siderum, & ventorum, & omnium denique, quæ fortuna* (τὴν, pro pro Marcellius legit τῶν, arti,) *subjacent.* Et Cicero in Epist: ad Lent: *In navigando, inquit, tempestati obsequi artis est.* Inde non facit cum recta ratione, qui in his v. c. in curando morbo aliquo eundem semper curandi modum observat, non habitam ratione loci, aut temporis, aut constitutio-

tionis corporis, cuius curationem in se suscepit. Veluti, si
 medicamenta purgantia valentissima adhibeat ad evacuan-
 dos pravos humores, nec rationem habeat *atatis* aut *sexus*
 v. g. si non consideret, quod persona decumbens sit infans,
 aut sexus muliebris, vel etiam pragnans sit, aut fluxum ha-
 beat mensium; item, si rationem non habeat *temperamen-*
ti, utpote quod ægro alvus sit admodum sicca, adeòq̃ peri-
 culum sit, ne humores, pharmacorum motu, renitente pluri-
 mum alvi siccitate, in aliquam partem corporis irruant præ-
 ter institutum; aut non observet, quales sint *humores*, quos
 educere vult, num sint cocti, an crudi, hoc est, num ad ex-
 pulsionem præparati, annon. *Crudi* enim *humores*, hoc est,
 ad exendum haud præparati, *evacuandi non sunt, nisi tur-*
geant, hoc est, de loco ad locum sine ordine & ratione mo-
 veantur, observante Hippocrate lib: 1 Aphor: 22. *Dejectio*
namq̃; istiusmodi humorum, quam rationem Galenus reddit
 lib: 4 de sanie tuendâ, *tormina & rosiones creat, animiq̃ deli-*
quia, præterquam quod nec notatu quidpiam dignum edu-
catur, quando crudi omnes succi, pigri atq̃, ad motum inepti
sunt propter crassitudinem & frigiditatem. Quò etiam fit,
ut omnes angusta via obstruantur, per quas id, quod medica-
mentum deiecit, ad alvum ferri debeat. inde nec ipsi educun-
tur, & alius simul sunt impedimento. Sed & tunc à rectâ rati-
 one deviat Medicus, si non attendat, *quantum, & quotiesq̃,*
quoties purget. Aliquândo enim si materia sit pauca & vi-
 res sint robustæ, una sufficit purgatio: at si vires sint imbecil-
 les, aut materia sit valdè multa, partienda est evacuatio, in-
 primis, si humor sit melancholicus & lentus, aut etiam à ven-
 tre longius sit disitus, sive in partibus hæreat procul ab eo-
 dem sejunctis, veluti in pectore, articulis &c. *Temporis quo-*
que & locorum, seu viarum, per quas institui debet purgatio,

rationem si neglexerit, cum verâ ratione evacuationem instituisse dici non potest. Non enim semper æqvè convenienter & tutò adhibetur purgatio, sed tutissimè in morbi declinatione, concoctâ jam materia; quanquam aliquando, teste Hippocrate lib: de affect: ante medium, *etiam in ipso paroxysmo juvet purgare*, in quartanis cum primis & similibus, in quibus materia ægrè movetur, ut jam mota facilius exturbetur, si scilicet ægri sint robustiores & tolerare valeant cum laborem paroxysmi, tum medicamenti agitationem. Per loca etiam non quævis purgatio instituenda est. Per partem enim affectâ humores in aliis partibus existentes minime sunt educendi, docente etiam Galeno lib: 13 de med: rat: c: 11 & in arte Medicâ c: 95. Atq; hinc meritiò Aristoteles lib: 6 Ethic: c: 8 (9) requirit ab artifice pariter ac prudente, *ut operam quidè dent, quo utriusq; & universalis & singularis, notitiâ sint instructi, magis tamen ait laborandum iis esse, ut posteriorem notitiam assequantur, quod ea ad agendum aptiores reddat, quàm altera illa. Non est prudentia, inquit universalium, sed oportet etiam ea, quæ singularium sunt cognoscere. Nam in agendo versatur, actio verò in singularibus cernitur. Quare oportet utramq; tenere notitiam, & universalium, & singularium, aut hanc potius: videlicet, quoniam sine eâ ratio universalis ad agendum est inepta, quoties casus aut circumstantiæ singulares negotium reddunt dubiū aut intricatum. Quam rationem reddit Eustratius in Comment: τὸ γὰρ καθόλου, inquit, καὶ ὁ λόγος πείραν μὴ ἔχων συνῆσαν αὐτῷ, ἀρχιτεκτονικαῖς διατάξει μόνον, καὶ διορίσεται, ὃ μὲν ταῖς καὶ πράξει διὰ τὴν ἀπειρίαν. συνῆσθαι δὲ αὐτῷ καὶ τῆς πείρας ἀμφω δράττει, καὶ διορίσεται, καὶ πράξει, καὶ ἔσται ἅμα ἀρχιτεκτονικός τε καὶ πρακτικός, universale namq; & ratio, cum experientiam adjunctam non habet, Architectonicè, hoc est, per imperium statuit duntaxat ac*
pra-

præfuit, agere tamen ob defectum peritiæ (singularium) non potest. Cum verò adest experientia, utrumq; potest, tam de-
ficere, quàm agere, est q; simul & architectonica & activa.
Jam autem singularium ista notitia non doctrinâ compara-
tur, sed crebrâ experientiâ & usu. Hoc ergò medio præci-
puè ars & prudentiâ acquiruntur. Nempe sæpè fabricando
juxta præscriptum rectæ rationis artem fabrilem, sæpè canen-
do ad istum modum artem Musicam, sæpè pingendo artem
pictoriam, sæpè dicendo artem Oratoriam nobis compara-
mus. Qvò spectat & proverbium illud apud Græcos: *ἔκ τῃ λέγειν τὸ λέγειν πορίζεται*, dicendo consequimur, ut dicamus, nem-
pe promptè, expedite, vel, ut uno dicamus verbo, *τεχνικῶς*, ex
arte. Et Aristoteles lib: 9 Met: c: 8 ait impossibile esse, ut edifica-
tor sit, qui nihil edificavit, aut citharædus, qui nunquam
citharam pulsavit. Qui enim discit citharizare, citharizan-
do discit illud. Non aliter verò & prudentiam adipisci-
mur, nempe & eâ potimur crebrò nos in iis, quæ ad pruden-
tiam spectant, exercendo.

X. Ex quibus unâ in promptu est colligere, quod sci-
entia effectiva & ars, itemq; scientia activa & prudentia non
semper quoq; in iisdem reperiantur. Fieri enim potest, ut quis
in iis, quæ ad prudentiam & artem pertinent, exercitatus, cum
casus aliquis singularis se offert, promptè determinet aut in
medium consulat, quid agendum aut faciendum sit, vel e-
tiam ipse agat aut faciat, utut eo non præditus sit, ingenio,
ut causas eorum, quæ consultit, primas penetrare valeat. Ita
sunt, qui causas quascunq; felicissimè perorent, in iis, quæ
ad dicendi artem spectant, exercitati, etiam si scientiam exqui-
sitam eorum, quæ huc pertinent, imbiberint nunquam. Ca-
nunt quoq; quàm plurimi optimè & cum rectâ ratione, qui-
bus tamen ea omnia, quæ ad scientiam Musicam pertinent,

haud sunt perspecta. Nec Architectus qui bonus est, statim
 eousq; notitiæ in iis, quæ Architectonicæ propria sunt, perve-
 nit, ut jam scientiam, quæ de illa est, valeat profiteri. Pariter
 multi, usu atq; experienciâ rerum civilium instructi, optimè
 administrant rempublicam, eaq; omnia exequuntur, quæ vi-
 rum prudentem decent, cætamen non pollent rerum civili-
 um scientiâ, quam Aristoteles aut alii Philosophi civiles in
 Politicis suis libris nobis traditam reliquerunt. Unde etiam
 Plinius alicubi in Epistolis: *Videomultos parvo ingenio, liter-
 ris nullis, ut bene agerent, agendo consecutos.* E contrario fi-
 eri potest, ut quis præclaram habeat rerum agendarum &
 efficiendarum scientiam, hoc est, cuncta ea, quæ isthuc per-
 tinēt, ex propriis suis principiis quàm optimè deducere ac de-
 monstrare valeat, sed ubi ad singulares casus deventum est,
 cespitet, nec quid consilii sit, norit, eò quod exercitatione &
 usu sit destitutus. Sanè inde fit, ut nonnunquam causidici a-
 liqui & rabulæ forenses, etsi legum & juris civilis sint imperi-
 ti, melius litem dirimant, quàm illi, qui cognitione & scientiâ
 juris excellunt, si illi usum rerum, ad jus pertinentium, ha-
 beant, hi autem eo destituuntur. Ex simili causâ interdum
 mulierculæ quædam, per experientiam & usum edoctæ, quæ-
 le in tali vel tali casu medicamentum ægro admotum profu-
 erit, felicius sanant, quàm ii, qui magnâ rerum Medicarum
 scientiâ pollent, quod hi singulares casus ita non observarint,
 ac illæ. Observavit tale quid rursus etiam Aristoteles lib: 1
 Met: c: 1, cum ait: *Ad agendum nil videtur experienciâ dif-
 ferre ab arte. quinimò videmus expertos magis id, quod in-
 tendunt consequi, quàm illos, qui rationem absq; experien-
 tiâ tenent. Causa est, quod experientia sit singulare, ra-
 tio universalium. Actiones autem & generationes circa
 singulare sunt occupata.* - Si quis igitur rationem absq; ex-
 per-

perientiâ teneat & universale quidem cognoscat, quod autem sub eo particulare est, ignoret, is sapenumero aberrabit in sanando: id enim magis sanabile est, quod singulare est. Et lib: 6. Ethic: c: 8 (9): Prudentia, inquit, in agendo versatur, actio verò in singularibus cernitur. Quamobrem etiam nonnulli, qui scientiam non habent, nonnullis scientibus instructiores sunt ad res peragendas & in aliis, qui experientiam habent. Si quis enim sciat, carnes leves faciles esse ad concoquendum & salubres esse, quæ verò sint leves, ignoret, non efficiet sanitatem. Sed qui sciat avium esse leves & salubres efficiet magis. Atq; hæc etiam causa est, cur ab arte & prudentiâ quispiam dicatur simplicitertalis, verbi causâ, à prudentiâ civili, quæ Græcis πολιτικὴ dicitur, πολιτικός, ab arte Medicâ Medicus, ab Oratoriâ Orator, à Poëtica Poëta, & sic deinceps: à scientiâ autem, quæ de his est, non item Neque enim is, qui scientiâ rerum Medicarum instructus est, jam Medicus est; neq; is, qui rerum ad Oratoriam spectantium causas penetravit, jam Orator est; multò minus jam Politicus aut prudens, qui rerum civilium scientiâ est imbutus. Nam & prudens nemo esse potest, nisi sit virtuosus, adeoq; absolute bonus 6 Ethic: c: ult: scientiâ autem rerum civilium etiam pessimus homo gaudere potest. Quo ipso etiam ab arte differt prudentia. Nec enim qui artifex bonus est, jam & absolute bonus est, sed bonus solum cum addito, veluti bonus Medicus, aut bonus Orator, vel pictor, aut sartor bonus &c: lib: 3 Polit: c: 4. Quin prudentia ipsamet quædâ virtus est: est enim optimus habitus intellectus deliberativi 6 Ethic: 3. 1 M. M: 35, 5 Eud: 5. neq; aberrare permittit eum, qui eâ instructus est, in agendo à recto tramite, quia virtus semper scopum rectum facit 6 Ethic: c: 13. 2 Eud: 111. 1. 5 c. 121. M. M. c: 19. Inde q; porro nec abuti licet prudentiâ, quæm-

admodum nec *virtute* in universum 1 Rhet. 1. *Ars* autem & scientiæ tam activæ, quàm effectivæ, virtutes non sunt. *Ars* enim non est *optimus* habitus intellectus deliberativi, nec scientiæ istæ intellectus scientifici, quod artem longè antecellat prudentia, scientias autem istas sapientia, quæ demum optimus est habitus scientifici intellectus 6 Ethic. 7. Et licet ex scientiâ & arte non liceat ignorare ea, quæ ipsis sunt sub-
strata, nihil tamen prohibet facere aliquid per ea, quod non rectè se habeat, cum *oppositorum* sint utraq; , cœi dictum jam antè ex lib: 9 Met: 2. Abuti quoq; iis licet ad agendum ea, quæ honestati sunt adversa, quod nulla res tam præclara sit, quin cadat in eam abusus, solâ exceptâ virtute. Quâ de re præter Aristotelem 1 Rhet: 1 & 7 Polit: 2. videri potest etiam Isocrates in Nicocle, nec non Plato in Gorgia. Fusius enim hæc persequi hujus non est loci.


XI. Cum verò tot modis ex unâ parte scientiæ effectivæ & artes; ex alterâ autem scientiæ activæ & prudentia ab invicem differant, nos sanè videre non possumus, quomodo habitus tam isti, quàm hi pro iisdem τῷ πράγματι si-
ve *re ipsa* haberi queant. Sunt potius specie à se mutuò distincti, quæmadmodum & Aristoteles 6 Ethic: c: 3 *scientiam*, *artem* & *prudentiam* ut habitus specie diversos introducit. Quæ autē specie per se distincta sunt, distincta sunt & *numero* 5 Met: 6. Per se, inquam. Alioqvi enim nihil prohibet aliqua per accidens esse unum numero, si scilicet sint in eodem subjecto, quæ tamen specie sunt distincta. Veluti sedens & Musicum in Socrate. Quomodo ipse Aristoteles 1 Phys: t: 60, id quod in generatione subjicitur, ait esse *unum numero*, *specie tamen non esse unum*. Veluti cum ex homine Musicæ ignaro fit Musicus, idem numero sunt hic homo & hic Musicæ imperitus, nec tamen idem sunt specie, quia essentia
homi-

hominis & Musicæ ignari est diversa. Neq; contrarium
 his evinci potest ex 6 Ethic c: 8. Non enim Aristoteles
 illic dicit πολιτικὴν ἐπιστήμην & φρόνησιν esse unum habitum eun-
 demq; , sed φρόνησιν & πολιτικὴν simpliciter, unde scilicet quis-
 piam, sicut antè dicebamus, vocatur Politicus absolute, qua-
 lis est, non, qui rerum civilium scientiam habet, sed qui civi-
 les res administrat. Hæc facultas & prudentia non diffe-
 runt subjecto, sive, ut Aristoteles loqui solet, τῷ πράγματι,
 sed hoc modo conveniunt, & solum τῷ λόγῳ sive ratione
 differunt, sicut ascensus aut descensus in scalâ, vel potius,
 ut justitia communis & virtus, de quibus & ipse Philosophus
 dicit, quod *idem sint re & differant ratione* 5 Ethic: 1. Ea-
 dem enim animi conformatio vocatur & virtus simplici-
 ter & justitia, non tamen eadem ratione, sed justitia quidem
 dicitur, quatenus refertur ad alios, quorum commodum
 procurat, virtus autem, quatenus est talis aliquis habitus
 sive ipsius animi perfectio quadam. Ita ergo differunt etiam
 Politica & prudentia. Eadem enim intellectus conforma-
 tio, quatenus est talis aliquis habitus, videlicet activus
 cum verâ ratione, prudentia est: quatenus autem refertur
 ad civitatem (non enim licet vitam suam *prudenter* institu-
 ere sine respectu ad domesticū & reipubl. statum 6 Ethic.
 9) vocatur Politica. *Politica & prudentia*, ait in comm:
 prædicti loci Eustratius, *idem sunt habitus, ratio autem illis
 eadem non est. Ambarum namq; opus idem est, nempe bene
 consulere & sagaciter secundum rationem, λογισμὸν, indagare,
 quodnam inter agenda homini sit optimum. Quoniam ve-
 rò prudentia in eo est occupata, quod prudens per se est
 & indagatrix est ejus, quod inter agenda est optimum. Politi-
 ca autem indagar ea, quæ optima sunt reipublica, propter hæc
 differunt inter se ratione. Est enim Politica seu civilis pru-*
 dentia

dentia indagatrix, sed eorum, quæ in communi conducunt civitati; prudentia autem non civilis, sed Ethica, propriè indagat ea, quæ cuiq; sunt optima. Quare hæc quidem civis est prudentia, illa verò Politici; quandoquidem civis quidem indagat ea, quæ in civitate sibi sunt utilia, & de se solo sollicitus cogitat, quomodo civiles virtutes sibi acquirat, quò felici rem suam agat successu, sive persuasus ab aliis prudentioribus, sive quod ipse didicerit atq; rationem cognitam habeat eorum, quæ agit & operatur, atq; hominem ad perfectionem ducunt. Politicus verò novit quidem & ipse, quomodo oporteat vitam instituere, prospicit tamen & communiter toti civitati, quomodo omnes felici & optimo potiri queant statu. At hæc non quadrat in scientiam Politicam, à quâ nemo absolutè Politicus s. civilis dicitur, sed solum cum addito, Philosopho civilis, qui quâ talis Reipublicæ huic vel illi non prospicit, sed in genere solum, quomodo tali vel tali Reipublicæ speciei, veluti Aristocratix, aut Oligarchiæ &c. prospiciendum sit, ostendit, ejusq; rei rationes monstrat. Unde & Philosophus non multò post prudentiam, de quâ locutus fuerat, discretè à scientiâ distingvit: Perspicuum est, inquit hoc ipso octavo capite sexti Ethicorum, ὅτι ἡ πρόνοια καὶ ἐπιστήμη, quod prudentia non sit scientia. Alius ergò habitus prudentia est, alius scientia activa; pariterq; alius ars, alius scientia effectiva, quæ duo itidem apertè distingvit Philosophus lib: 9 Met: c: 2, dum ait: Omnes artes & factiva scientia potentia sunt.

Sed satis de scientiâ & demonstratione

τὴ διότι.



LIBER

LIBER SECUNDUS.

Qvi est

DE

SCIENTIA QVOD SIT, AN
SIT ET QVID SIT, AC MEDI-
IS EO PERVENIENDI.

CAPUT I.

*De aliis scientiarum modis in genere & causâ, cur primò
agendum sit de scientiâ qvod sit.*

2. I.

HActenus de scientia primò
& propriissimè sic dictâ, nempe de scien-
tiâ cur sit, dictum est & medio, per qvod ad eam
pervenitur, demonstratione absolutè sic dictâ. Consequens
est, ut de aliis qvôq; scientiarum generibus nunc agamus.
Non enim unius generis est scientia, sed tot sunt modi scien-
di, quot qværendi, ut observat iterum Aristoteles lib. 2. Post:
c: 1. Et quidem rectè. Habent enim se hîc scita & qvæ-
sita, ut in doctrinâ de syllogismo problema & conclusio.
Hæc autem non solum numero paria, sed & reapse idem
sunt & differunt tantum λόγῳ sive ratione. Nam, ut Alexan-
der ait in 1. Prior: 4, ταῦτο προτιθέμενον εἰς δεῖξιν ὥς μὴ γινώριμον, πρό-
βλημα καλεῖται. δεδειγμένον δὲ συμπέρασμα, *idem quatenus proponi-
tur ad probandum tanquam nondum cognitum problema vo-
catur: quando verò jam probatum est, conclusio appellatur.*
Qvibus

Quibus gemina habet etiam Magentinus in 1 Prior: scribens:
 πρόβλημα λέγεται ὅταν τίς προβάλλῃ τῷ προσδιαλεγόμενῳ δεῖξαι ὅτι ἡ
 ψυχὴ ἀθάνατος ἐστίν. - συμπέρασμα δὲ λέγεται ὅταν συναχθῇ ἀπὸ τινος
 συλλογισμοῦ, οἷον ἡ ψυχὴ ἀεικίνητος. τὸ ἀεικίνητον ἀθάνατον. ἡ ψυχὴ ἀρα
 ἀθάνατος. *Problema dicitur, quando quis ei, cum quo sermo-
 nem miscet, ad probandum projicit aut proponit, verbi causa
 hoc, quod anima sit immortalis. - Conclusio verò vocatur,
 quando jam syllogismo aliquo est illatum. Veluti, anima est
 semper mobilis. Quod semper mobile est, immortale est. Est
 ergo anima immortalis.* Ad similem ergò modum res etiā
 am hic cum quaeritis & scitis est comparata. Nempe sunt
 & ipsa ταῦτα ὑποκειμένα, ἕτερα δὲ τῷ λόγῳ, *eadem subjecto, diver-
 sa verò ratione.* Est idem, cum adhuc dubitatur de respon-
 so, ζητούμενον, *quaesitum*, cum verò jam in promptu congru-
 um responsum est, desinit esse ζητούμενον & factum est ἐπιστητὸν,
scitum seu cognitum. E. g. Quærebat quis ex doctore suo,
 an Luna posset delinquere, hoc ζητούμενον erat, quamdiu in his
 consistebat terminis; verum quando doctor ad quaesitum
 hoc jam respondit, atq̃ue delinquere non solum Lunam
 ostendit, sed & causam ejus rei patefecit eamq̃; alter ille suf-
 ficienter percepit, non quaerit ille amplius, sed jam dicitur
 scire. Tradit hæc etiam Philoponus in 2. Post: 1 his verbis:
 ὥσπερ τὸ πρόβλημα καὶ συμπέρασμα ταῦτα μὲν εἰσι τῷ ὑποκειμένῳ, τῷ
 δὲ λόγῳ ἕτερα, ὥτα καὶ τὰ ζητούμενα καὶ τὰ γνωσκόμενα ταῦτα μὲν εἰσι τῷ
 ὑποκειμένῳ, τῷ δὲ λόγῳ ἕτερα. *Quemadmodum problema & con-
 clusio eadem quidem subjecto sunt, ratione autem diversa.*
 Ut, anima (est & hoc exemplum Philoponi ipsius) est im-
 mortalis, & problema est & conclusio. Quando enim qua-
 ritur & petimus hoc demonstrari, dicitur problema: quan-
 do autem demonstratum fuerit, dicitur conclusio: *Sic &
 qua quaeruntur & sciuntur, eadem quidem sunt subjecto,
 ratione autem diversa. Siquidem enim (pergit) ignoro, quod*
Deus

Deus sit aut centaurus, dicitur *questio*. Quæro enim, an est Dei natura, aut centauri; quando autem disco, quod est, quiesco ab huiusmodi *questione*. paulò antè enim mihi ignoratum & ob id *questitum* factum est cognitum. Et rursus transeo in aliam ignoratam *questionem*. Quæro enim quid est Deus, & quid centaurus, hoc q̄ percepto quiesco à *questione*. factum enim est mihi notum, quod quærebam. Gemina his habet etiam Eustratius in comment: ad 2 Poster.

II. Sed dicet fortè quis, videri tamen multa sciri, quæ non quærentur, & rursus multa quæri, quæ tamen sciri non possint. E. gr. Scimus *axiomata*, ut, Totum esse maius sua parte, bis duo esse quatuor &c: & tamen hæc non quærentur. Ex opposito quæri possunt *impossibilia*, veluti, annon diameter sit commensurabilis costæ, an homo volare possit? Item quæri possunt τὰ συμβεβηκότα, *fortuita*. Veluti an, si exivero in agrum, sim inventurus thesaurum. Ast hæc non cadunt sub scientiam. Qv̄i ergò τὰ ζητούμενα, & scita dici possunt æqualia esse? Verum ad id responsio est in promptu. Quando enim quæsitōrum & scitorum æqualitatem fratuimus, normam quærendi non facimus homines stolidos & mente captos, sed viros sapientes, apud quos quæstiones de ejusmodi rebus nullum inveniunt locum. *Questio* enim *finis est inventio*, docente & Cicerone lib: 4. Acad: Quæst: cum scribit: *Questio est appetitio cognitionis: questionis q̄ finis inventio*. Et Philo in lib: quod potiori deterior soleat insidiari, quætere nos ait cum in finem, ut cognoscamus, quæ nesciveramus antè. Sic enim ille: ὁ ἐρωτῶν ἢ πυνθάνομεν, περὶ ὧν ἀγνοεῖ ἐρωτᾷτε καὶ πυνθάνεσθαι, ζητῶν ἀπόκρισιν ἐξ ἧς ἐμὴ εἰδέναι γένοιται, Qui percontatur, de his, quæ ignorat, interrogat, quærens responsum, ut cognoscat, quæ nesciverat. Ast non possunt inveniri sive cognosci impossibilia, nec fortui-

ta. Nec ergò inquirat talia vir sapiens, cum naturam imitatus, nihil faciat frustra. Quam ob causam & Clemens Alexandrinus lib: 5 Stromatum quæstiones non esse deus pronunciat, quæ incerta sunt & nunquam futura manifesta. ἴσμεν, inquit, ὡς ἀρα ὄντι τὰ φανερά, ζήτειται, οἷον, εἰ ἡμέτερά ἐσιν, ἡμέτεράς ὄντες. καὶ ὅδε ποτε γεννησόμενα φανερά, ὡς τὸ, εἰ ἀπτοί εἰσὶν οἱ ἀσέρες, ἢ περὶ τοῖς. Scimus autem, quod neq; ea utiq; quarantur, quæ sunt manifesta, veluti, an sit dies, cum sit dies. Neq; ea, quæ sunt incerta, & nunquam futura sunt manifesta, ut illud, sintne stellæ pares, an impares. Sed nec capiendum est, quod de æqualitate quæstionum & scitorum dicebatur antè, καὶ ἕκαστον, ut rectè monet Eustratius ad 2 Post: 1, sed κατὰ γένος, id est, non ratione singularium quæstionum, sed secundum interrogandi conceptum: vel, ut Albertus exponit, non secundum materiam, sed secundum formam, ut hic sit sensus, non esse plures interrogandi modos vel σχήματα, quàm sunt modi sciendi, nec plures sciendi modos, quàm sunt modi interrogandi.

III. Jam verò quatuor sunt genera quæstionum. Quæritur enim primò, an aliquid sit in rerum naturâ, v. g. an sit unicornis, an sit purgatorium, an sit lapis Philosophicus. Deinde quæritur, quid sit, quid sit unicornis, quid locus, quid mortuus, quid Luna. Ulterius an alicui hoc vel illud insit, v. c. an unicornis respiret, an locus sit spatium, an Luna patiatur eclipsin. Et tandem cur insit, cur unicornis respiret, cur Luna patiatur eclipsin. Omnis enim quæstio est vel de re simplici vel de compositâ. Simplici rem voco, quæ unâ categoriâ continetur, ut sunt Deus, Luna &c. De talibus ergò duo quæritur, an sint & quid sint. Cum verò dico, Luna deficit, composita hæc res est. Nam Luna ad substantiam pertinet, deficere ad qualitatem. De talibus autem itidem duo quæritur. (1) an hæc.

hæc qualitas huic substantiæ *insit*. (2) *propter quod* hæc qualitas substantiæ *insit*. Simplicius alio modo hunc numerum manifestat. *Omnis questio*, inquit, *aut est ἀπὸ αἰτίας, aut causa* Si ἀπὸ αἰτίας, *aut simplicis est, & hæc est questio an sit, aut composita, & inde manat questio* οὐτι ἐστὶ *f. an hoc illi insit. Similiter si de causâ sit questio, aut erit simplicis, & tum queritur, quid sit: aut composita, & hinc exsurgit questio* διότι ἐστὶ *f. propter quod insit. Atq; inde quidem quæstiones aliæ dicuntur simplices, aliæ compositæ. Quamquam aliæ reverà cōpositæ sint quæstiones sciētificæ omnes, quod omnis ejusmodi quæstio sit medii f. causæ, ceu probat Aristotel: in 2 Post. c: 2. Quærit enī omnis, vel an sit aliquod mediū, vel quid sit. Veluti cum quæro, *an sit*, e.g. an sit aurum factitium, quæro, an sit aliqua causa per & propter quam aurum factitium habeat suam existentiam. Quicquid enim existit, causam suæ existentiae habeat necesse est, nisi sit ipsū primū ens & αὐτὸ ὄν. Cum quæro οὐτι ἐστὶ, an Luna patiatur eclipsin, quæro, an non sit aliqua causa, ob quam Luna deliquium patiatur. Rursus cum quæro, *quid sit* res simpliciter, quæro, quodnam sit ἀπὸ τοῦ πᾶσι κοινῶς, vel quæsit causa, propter quam res est. Cum autem quæro, *cur* hoc prædicatum, aut hoc πᾶσι κοινῶς, *insit* subjecto: e.g. cur Luna patiatur eclipsin, quæro, quid causæ sit, cur eclipsin insit Lunæ, quo cognito cessat omnis quæstio. Quod evidens sit vel solo etiam testimonio sensuum. Si enim e. c. prope Lunam constituti essemus, ac terram ut corpus densum ac solidum, Lunā majus, inter Solem & Lunam interjici videremus, ejusq; interjectu privari lumine Solis mutuatio Lunā, non quæreremus amplius, an vel cur Luna deficiat. Causam enim oculis usurparemus. Quod si idem sæpius videremus, tum intellectus noster universale constitueret atq; sic in nobis jam perfecta gigneretur scientia. Quod si ve-*

rō causā cognitā, omnis cessat quæstio, sanè huius gratiā omnis
 quæstio instituta atq̃ sic omnis quæstio erit composita. Unde
 & Aristoteles 7 Met. text. 59. dicit, *omnem quæstionē aliquā
 de aliquo quærere* etiam in iis, quæ simpliciter videntur quæ-
 ri, ut an sit & quid sit homo, aut domus. Quamvis enim in his
 lateat, aliquid de aliquo quæri, reverā tamen etiam hīc de
 materiā aliquā quidpiam quæritur. Nempe cum quæritur,
 an sit homo, sensus est, annon detur materia aliqua, cui insit
 ratio hominis. Unde & Aristoteles ibidem addit, *de sim-
 plicibus nullam esse quæstionem, nec doctrinam*. Cum enim
 in iis non sit aliud & aliud, si quæstio aliqua de iis formaretur,
 esset ea ejusdem de eodem. Nihilominus quia in quæstioni-
 bus, quod sit & cur sit, manifestum est, quæri aliquid de ali-
 quo, in reliquis autem quā antenus hoc latet, hæc quidem sim-
 plices, illæ autem compositæ dicuntur. Agnoscit verō quæ-
 tuor hæc quæstionum genera etiam Plotinus Enneadē 6 lib:
 8 c: 11 ita scribens: *ἡρώτων ἀπασαν χρὴ νομίζειν ἢ τὸ τί ἐστιν εἶναι. ἢ
 τὸ οἶον ἢ τὸ διατρί, ἢ τὸ εἶναι, Quæstionem omnem inquirere neces-
 se est, vel quid sit, vel quare, vel propter quid, vel utrum
 sit*. Quam enim Aristoteles vocat quæstionem *ὅτι ἐστὶ*, Ploti-
 nus quæstionem *quare sit*, appellat, quod eā non quærat, an
 sit res simpliciter, sed an sit talis aut ejusmodi.

IV. Sed dicat quis, esse etiam alia, quæ sub disquisitione-
 nem vocari queant, veluti *quanta* sit res, item *quando*, aut
 ubi sit, & *cum quo*. Veluti de Lunā non solum quæri potest,
 an sit & quid sit, & an deficiat, ac cur, seu propter quam cau-
 sam deficiat, sed & quantus sit ille defectus, nū scilicet totam
 extremitatem Lunæ occupet, an solum partem ejus. Item
 quando, an Kalend. Maji, & ubi, an supra totum horizon-
 tem deficiat, & cum quo, an simul cum Sole &c. Verum hæc
 quæstiones omnes sub quæstione *ὅτι ἐστὶ*, sive an aliquid alicui
 insit,

insit, perinde, ut quæstio qualis, continentur. In eo enim differunt quæstiones *Dialectica* ab *Analyticis* sive scientificis. Illæ cum ad ventilandum proponuntur, *utramq;* partem contradictionis exprimunt, veluti, siue mundus æternus, an non? lib: 1 Topic: c: 4 §. 4; hæ autem alteram tantum ponant, nempe eam, quæ vera est. Unde Philosophus lib: 1 Prior: c: 1 §. 6: *Differt*, inquit, *propositio demonstrativa à Dialecticâ: quia demonstrativa est sumptio alterius partis contradictionis: nõ enim interrogat, videlicet utramq; contradictionis partem, sed sumit unã ex iis, quã demonstrat: Dialectica autem est interrogatio contradictionis.* Antequam ergo scientificus Doctor affirmet quidpiam aut neget, ad determinatum quidpiã prius redigit quæstionẽ, veluti quæstionem quanti ad quantitatem determinatam, qualis ad qualitatem hanc vel illam, quando ad tempus, ubi ad locum limitatum, cum quo ad certum quidpiam, quod cum ipso sit sociatum, & sic deinceps. At hac ratione per ista nihil aliud quæritur, quàm an conveniat talis quantitas, locus, tempus &c. illi subjecto; quæ jam sunt quæstiones *trivies*. Ad quas etiam pertinet quæstio *quomodo* sit, cum ea rebus *compositis* accommodatur, veluti cum quæritur, num Deus cælum moveat per modum causæ efficientis, an finalis. Cum autem aptatur rebus *simplicibus*, ad quæstionem, *quid* sit, spectat. Modus enim ratio est. *Ratio* autem aut *definitio* est, aut *demonstratio* lib: 1 de Animã: 4 §; *demonstratio*, si sit ratio conclusionis, *definitio*, si sit ratio simplicis rei. Unde & Aristoteles lib: 1 de Generat: & corrupt: postquam proposuisset dicendum esse, quid sit generatio, postea text: 4 eandem quæstionem repetens pro, *quid* sit, ponit, *quomodo* sit *Dicendum*, inquit, *de generatione & corruptione, utrum sit, nec ne, & quomodo sit.* Sed & libro primo Magnorum Moralium c: 1

quaestiones has permutare videtur. Initio enim ait: *Necesse est de virtute primum dicere, τίτέ ἐστι, καὶ ἐκ τίνων γίνεται, quid sit, & ex quibus gignatur.* Hinc autem mox subdit: *ὁὐδὲν γὰρ ἴσως ὀφείλει εἶδεναι μὲν τὴν ἀρετὴν, πῶς δὲ αὖν, καὶ ἐκ τίνων μὴ ἐπαίειν, Inutile enim serè fuerit, virtutem quidem nosse, quomodo autem comparata sit & ex quibus paretur, non intelligere.* Quibus rursus subnectit: *ὁὐ γὰρ μόνον ὁ πῶς εἰδήσομεν τί ἐστὶ, σκοπεῖν δὲ αἶ, ἀλλὰ καὶ ἐκ τίνων ἐστὶ σκέψασθαι, Non enim de virtute tantum, ut sciamus, quid sit, est querendum, sed illud quoq; investigandum, quibus rationibus paretur.* Paulò post tamen quaestionem quid & quomodo sit videtur, ut quaestiones distinctas, introducere, cum ait: *Scire igitur τί ἐστὶν ἀρετὴ, quid sit virtus, necesse est, siquidem & ex quibus sit καὶ πῶς αὖν, & quomodo, scitu haud quaquam facile est ignorantì τὸ τί ἐστὶ, quod sit, quemadmodum & in scientiis.* Verùm loquitur hic Philosophus de τῷ τί ἐστὶ, quatenus illud exprimitur non definitione essentiali aut causali, sed ἐννοηματικῇ, vim & notionē nominis explicante. Nominis enim notio primum est intelligenda, antequam inquiratur, quomodo res, nomine aliquo designata, sit comparata. Sed & lib: 4 Physicorum text: 1 quaestiones has ut distinctas posuisse videtur. Scribit enim: *Similiter necesse est etiam de loco, ut infinito, Physicum nosse, an sit nec ne, καὶ πῶς ἐστὶ, καὶ τί ἐστὶ.* Verùm si quis attentius mentē Aristotelis scrutetur, facillè deprehendet, neq; hunc locum sententiæ officere nostræ. Themistius enim illud, πῶς, exponit de modo existendi, quasi innuere Aristoteles hanc particulā voluerit, indagandum esse, num locus per se sit, an in alio, id est, num substantia sit, an accidens. Sic enim ille in Paraphrasi suā: *Ἀνάγκη περὶ τόπος τὸν φυσικὸν ἐπισκεψασθαι πρῶτον μὲν εἴεσθαι. ἔπειτα πῶς ἐστὶν. πότερον ἕστια ἢ καὶ αὐτό, ἢ ἐν ἄλλῳ τὸ εἶναι ἔχει, Necesarium est Physicum considerare de loco primum,*

an sit, deinde autem quomodo sit, utrum substantia & aliquid
 per se existens, an verò esse in alio habeat. Ast id sanè per-
 tinet ad ὅτιαν sive τὸ τί ἐστι loci. Unde & Themistius, quod
 sequitur, καὶ τί ἐστι, ita cum priori commate connectit, ac si
 Aristoteles dicere voluisset: *Et id exquirendum est, quomo-
 do sit locus, num aut substantia, an ut accidens*, καὶ ὅλος τί ἐστι
 ὁ τόπος, & in universum quid sit locus. Prius enim illud
 saltem particula quædam est τὸ τί ἐστι seu quidditatis loci. Quā
 expositionem ceu germanam agnoscit etiam Philoponus.
 Eandemq; confirmat & ipsa series verborum Aristotelis.
 Postquam enim probasset, dari locum, mox ad quæstionem,
 quid sit. progreditur, nullā seorsum ab illā mentione factā
 quæstionis πῶς ἐστι. Sic namq; enarratis iis, quæ loci esse evin-
 cunt, infit: *Verum enim verò existit dubitatio, ei ἐστι, si locus
 est, τί ἐστι, quid sit, utrum moles quædam corporis, an alia quæ-
 dam natura.* Primum namq; ipsius genus est quærendum.
 Simplicius tamen in comm: dictione πῶς significari putat ea,
 quæ insint loco, quales sunt affectiones istæ: primo cōtinere id,
 cuius est locus, nec esse aliquid ejus rei, quā continet: ad-
 hæc esse æquale locato & separabile &c. Sed neq; hæc ex-
 positio nobis officit. Sic enim τὸ πῶς non accommodatur rei
 simplici, sed compositæ, & incidit in quæstionē ὅτι. An enim
 locus primò cōtineat id, cuius est locus, itemq; an sit aliquid ejus
 rei, quā continet, item an sit æqualis locato, & separabilis, hæc
 omniæ pertinent ad τὸ ὅτι, sive ut Plotinus dicebat, τὸ οἷον ἐστι.

V. Porro ex quatuor his quæstionibus quæstio, quod
 sit & an sit, etiam in Dialecticis locum habent. Nam & Ari-
 stoteles quæstionem hanc, num etiam in scientiis status ob-
 tineat, non solum Analyticè pertractat, sed & λογικῶς sive ex
 principiis ἐν δόξαις 1. Post 2 2: nec non illam, an detur infinitum
 3. Phys. t. 4o seqq. Deniq; & istam, an motus rectus per-
 petuo

petuò continuus esse possit, & Phyl. 8. t. 70. Reliquæ autem
 duæ illic haud inveniunt locum. Quod clarè docet Ale-
 xander in 4. Topic: scribens: τὸ διατρίβειν τὸ ζητήμα μὲν ἐστίν, ὃ μὲν
 διαλεκτικόν. ἐπισημονικώτερα γὰρ ἡ ζήτησις τῆς αἰτίας. Ομοίως δὲ ὃ δὲ τὸ ζη-
 τεῖν τὴν τριβὴν διαλεκτικὸν, *Propter quid est quidem quæsitum, verum
 non Dialecticum. Scientifica enim magis est quæstio cau-
 sæ. Similiter verò neq̃, quid sit quærere, ad Dialecticum
 spectat.* Rationem, cur duas has quæstiones pro Dialecti-
 cis non habeat, subjungit: ἐρώτησις ἡ διαλεκτικὴ ἀνιφάσεως ἐρώτησις
 ἐστίν, τὸ δὲ τί ἐστίν ἡ διατρίβειν ὅτε ἀνιφάσις, ὅτε ὁλως ἀποφατικὸς λόγος,
 hoc est, *Quæstio quid & propter quid non sunt problema-
 ta Dialectica, quia non sunt propositiones numero aqua-
 les.* Quod ergo non est propositio, non potest fieri, & pro-
 inde nec dici, problema Dialecticum. Sanè Aristoteles diser-
 tē quæstionem Dialecticam vocat, ad quam respondere licet,
Ita vel Non, 8. Topic: c. 2 §. 11 lib: de Int: c. 11 §. 3. Jam
 quidem ita respondere licet ad quæstionem, an sit res simpli-
 citer, item ad quæstionem, an sit talis vel talis, verum non
 ad quæstionem quid sit & cur sit. Ineptus enim esset, si quis
 ad quæstionem, quid sit eclipsis Lunæ, aut ad quæstionem,
 cur Luna eclipsin patiatur, responderet, *Ita vel Non*. Non
 negamus quidem incidere aliquando & Dialecticum in quæ-
 stionem causæ, itemq̃ in definitionem, quæ satisfacit quæ-
 stioni quid sit, verum non tractat eas, ut quæstionem causæ
 & quæstionem τί ἐστίν, sed simpliciter, ut quæstiones τί ὑπάρχειν,
 v. g. an idæ sint rerum genetrices, quærit, h. e. an generare
 ideis insit, & num hoc sit hujus rei definitio, v. g. animal pe-
 destre, bipes, hominis. Observavit hæc etiam Themistius in
 lib: 2 Post: c. 1: *Non conturbari*, inquit, *quæquam volumus,
 quod in commentationibus Topicis aliam fecerimus quæsti-
 onum partitionem.* Μόνον γὰρ ἐκεῖ τῶν διαλεκτικῶν προβλημάτων
 ἐρεῖται

ῥηθῆσαν αἱ διαφοραὶ. ἅπαντα δὲ ἐκείνα ἔστιν ἐν συνθέσει, καὶ μόνω τῷ πρό-
 πω τῆς πρώτης διαφέρει. *Illic enim solum Dialecticorum pro-*
blematum differentia afferuntur. Omnia verò illa in com-
positione consistunt, & solo propositionis modo differunt. Ver-
bi causa (ita pergit Themistius) *an quicquam de altero di-*
catur, ut genus, an ut proprium, an ut accidens, an ut definiti-
on. καὶ γὰρ ἀνὸς περὶ ὁρισμῶν ζητῶμεν διαλεκτικῶς, πρότασιν αὐτὸν ποιήσαν-
 τες, ὅτε ζητῶμεν, οἷον ἀρεσὶν ἢ ψυχῇ ἀριθμὸς ἐκαστὸν κινῶν, ὡς ἐνομίζετο γενο-
 κράτης, ὅταν διεπιστημονικῶς μετρωμεν τὸ τί ἐστίν, ὅτε πρὸς πρότασιν, ἡμῖν τὸ
 ζητήμα, *Nam de definitione more Dialectico agamus, primùm*
ex eà propositionem facimus & tum demum quarimus: Sit
ne anima numerus seipsum movens, ut putavit Xenocrates.
Quando verò scientificè quid sit indagamus, tum questio in
modum propositionis concepta non est. Tandem & de quæ-
stione propter quid subdit sequentia: Αἰ δὲ τὸ διὰ τι, ἐστὶ προβλη-
μα διαλεκτικόν. & γὰρ δίδωσιν ὁ πυνθανόμενος ἐλπίσαι τὸ ἕτερον μέρος
τῆς ἀντιφάσεως. & γὰρ ἐλέγχου χάριν πυνθάνεται. Αἰ ἐπισήμη δὲ ἐκεῖν μέ-
τεται τὴν αἰτίαν ζητημένην, Sed neq; questio quamobrem est Di-
alecticum problema. Non enim is, qui illud interrogat, optio-
nem adversario dat eligendi, quam vult contradictionis par-
tem, quod non interroget, quod quærat, coarguendi studio, sed
sciendi. Reperit hæc Eustratus in Comm. ad 2 Post. 1.

VI. Ceterùm cum quatuor sint quæstionum genera,
 quorum in scientiis habetur ratio, tot etiam erunt genera sci-
 endi. Dabitur ergò scientia an sit, quid sit, quod sit & cur
 sit. Ex quibus, quæ sit ratio scientiæ cur sit, hæcenus est
 ostensum. Restat ut nunc & de reliquis dicamus. Et primò
 quidem de scientiâ quod sit. Cum enim illa sit de eo, quòd
 compositum est, merito doctrinæ ordine reliquis præfertur,
 quæ in simplicibus sunt occupatæ, eò quod notius nobis sit,
 quod compositum est, quàm quod est simplex. Adhæc pro-
 prius ad scientiam cur sit, quæ & ipsa de re compositâ est, acce-

dit scientia quod sit, quàm cætera, quod demonstratio in
ambabus his propriè & præcipuè habeat locum. Utracumque,
paucæ esse, de quibus in scientiis quæritur, an sint. Quas ob
causas etiam ipse Aristoteles quæstionem, quod sit, reliquis
præposuisse videtur. Enumerans enim illas 2. Post: c. 1 § 1
hoc ordine eas locat: *Quæ quaruntur*, inquit, *tot numero*
sunt, quot ea, quæ scimus. *Querimus autem quatuor*, τὸ ὅτι,
τὸ διότι, εἰ ἐστὶ, τί ἐστίν, *quod sit, cur sit, an sit, & quid sit.*

C A P U T II.

De

Scientiâ quod sit & medio cognoscendi illud per syllo-
gismum seu demonstrationem

ὅτι.

I.

Quomodo τὸ ὅτι ἐστὶ cognoscatur in sensibilibus singulari-
bus, prolixâ haud indiget disquisitione. Manifestum
namq; est, quod illud in iis percipiatur sensu. Veluti quod
pomum hoc sit rubicundum aut album, visu; quod dulce sit,
gustu; quod suaveolentum, olfactu; quod glabrum, tactu;
quod percussum sonum edat obtusum, auditu dijudicatur.
Neq; locum habet in talibus syllogismus aut demonstratio.
Ἀρρώστια n. τῆς διανοίας est, velle demonstrare ea, quæ in sensus in-
currunt, 8 Phys. 3 t: 2 z. cum illa ex se sint perspicua. De-
monstrare autem quæ sunt perspicua ex obscuris, ejus est, qui
non potest dijudicare, quod est per se & quod non est per se no-
tum 2 Phys. 1 t: 7. Verùm ista modò sub quæstionē non veniūt.
Pridē n. ostendimus, quod scientia propriè & per se non sit sin-
gulariū, sed universaliū. Quomodo itaq; in his τὸ ὅτι cogno-
scatur, nobis inprimis est considerandū. Soliciti a. hic sumus nō
de qualicunq; ejus perceptione, sed ἐπιστημονικῇ, sive tali, quæ sit

ac-

accommodata ad scientiam. Alioqui enim τὸ ὅλ ἐστὶ confirmatur aliquando etiam populariter, quod fit à Rhetore per enthymemata ex verisimilibus aut signis: item ex illis, quæ consentanea sunt opinionibus sapientū, quod fit à Dialectico, cum is probationes ducit ex ratione generis, differentiae, proprii, accidentis, oppositorum, definitionis &c. quibus τὸ ὅλ tueatur. Verum nec hujusmodi probationes sunt hujus loci, sed ille solum, quæ certam nobis illius notitiam valeant ingenerare. Fieri autem hoc duobus modis potest, vel per syllogismum, vel sine syllogismo. De illo, cum syllogismis circa ostensionem quaestionis διότι ἐστὶ, sive cur sit, jam assveti simus, prius dicemus. Vocatur ergo syllogismus, quo in scientiis confirmatur τὸ ὅτι ἐστὶ itidem demonstratio, non tamen ἀπλῶς καὶ κυρίως, propriè & absolutè, quo pacto sola demonstratio τὸ διότι, cui ille inservit, demonstratio, sed cum addito, sive, ut Græci loquuntur, πρὸς τῆς συνθήκης, demonstratio τὸ ὅλ.

II. Quid verò sit demonstratio τὸ ὅτι, aut quot sint ejus species, docet Aristoteles lib. 1. Post. c: 13. Nempe primò quidem demonstratio τὸ ὅτι est, quando non ex immediatis efficitur syllogismus, id est, cum non per causam proximam, sed remotam παρὰ aliquod demonstratur. Demonstratio n. absolutè sic dicta semper πρῶτον αἰτίον, id est, primam & simpliciter causam affert. Remota autem causa prima & absolutè sic dicta causa non est, sed inter eam & rem probatā semper alia causa intercedit. Talis demonstratio est, cum causa, cur piscis habeat appetitum, dicitur esse hæc, quia sit animal. Non enim ideo primò appetitum habet, quia animal est, sed quia sensum habet boni & mali, quem immediatè sequitur appetitus. Est quoq; talis demonstratio, cum causa, cur planta non respiret, hæc esse dicitur, quia non sit animal. Non enim omne animal respirat, sed id demum, quod habet pul-

mones. Unde hoc demum, habere pulmones, erit τὸ αἴτιον, ut vocat Aristoteles loc. cit. id est, prima causa, propria & adequata. Sæpe enim etiam aliàs hoc sensu usurpatur articulus apud Aristotelem, ut primum in aliquo genere notet: quemadmodum in Ethicis τὸ ἀγαθόν ipsum summum & perfectissimum bonum. Vid. Alexander ad 1 Prior: c. 40. Ad summam semper cum ex negatione prædicati infertur quidem negatio subiecti, sed ita ut affirmatio prædicati non sit causa affirmationis subiecti, tum oritur demonstratio τῷ ὄντι. Inter causam propriam enim sive adequatam & effectum proprium, qui per illam concluditur in demonstratione τῷ διότι, semper talis est connexio, ut si negatio est causa cur res non sit, affirmatio quoque sit causa, cur res sit & contrà. E.g. Si non habere pulmones est causa non respirandi, tum habere pulmones est causa respirandi. Si causa, cur non sit eclipsis Lunæ, hæc est, quia terra non interponitur diametraliter inter Solem & Lunam, causa cur sit eclipsis Lunæ, est, quia interposita est diametraliter terra inter Solem & Lunam. Hæc ergo erit demonstratio τῷ διότι: Quicquid habet pulmones, respirat. O. animal, quod attracto aëre refrigeratur, habet pulmones. E. O. tale animal respirat. Et illa: Quicquid non habet pulmones, non respirat. Quod non potest attrahere aërem, non habet pulmones, E. non respirat. Utraque namque ex causa adequata & proxima procedit. Quod adhibita prædicta istâ regulâ intelligere est in expedito. Themistius in Paraph. lib. 1 Post: capite 30 exemplo alio adhuc negotium hoc illustrat: *Astronomus*, inquit, cum probat australes stellas occidere quàm aequilonias demergi, per id, quod aequilonia moventur minore segmento, demonstratio διότι sive quamobrem est, quia per causam rei proximam exprimitur. Quum verò eandem conclusionem confirmat per id, quod stella meridionales à septentrione plus distant, quàmquam verum ex veris conclu-

concludit, non tamen per causam propinquam & summam ostendit.

III. Deinde demonstratio τὸ ὅλ. est, quando ex immediatis quidem fit demonstratio, non tamen per causam, sed potius per aliquid notius inter ea, quæ reciprocantur, hoc est, per effectum proprium sive proximum. Hic enim cum proxima causa reciprocatur, ponuntq; illa se mutuo & tollunt. Talis demonstratio est hæc: Cujus umbra est rotunda, illud est rotundum. Umbra terræ est rotunda. E. terra est rotunda. Rotunditas enim umbræ non est causa, cur res sit rotunda, sed contra potius. Talis etiam demonstratio est, si quis planetas demonstret propè esse, διὰ τὸ μὴ σίλβειν, ut loquitur Philosophus lib. 1. Post. c. 13 §. 2. *idè quia non scintillant.* Hic enim syllogismus, sunt adhuc verba Aristotelis, non ostendit cur sit, sed quod sit. Non enim quia non scintillant, planeta propè sunt; sed quia propè sunt, non scintillant. Ubi obiter notetur usus particulæ διὰ, quod non semper ea causam notet, sed interdū qualecunq; argumentum, ex quo quid certò concludere liceat. Videntur autem huc etiam referendæ esse demonstrationes τεχνικῶδες, ut vocantur lib. 3 Rhet. cum ex signo demonstratur res signata. V. c. Huic fasces & securæ committuntur. E. Consul Romanus est. Ubi tamen distinguenda diligenter sunt τεχνικά ab aliis signis. Neque enim vulgò magis quàm hic erratur, neque aliundè plura argumenta sumuntur, quàm à signo. Certissimum est signum orientis Solis, si luceat: non autem certum signum est conceptionis, habere lac in mammis, quanquàm ut plurimum id ita eveniat, & diu quod semper id accadat, habitum sit pro indubitato. Nam apud naturæ consultos constat non tantum virginibus, sed & viris aliquando id contingere. Agit de signis Aristoteles in 1 Rhet. c. 2 & 2 Prior, 27. atq; ex iis docet, aliqua esse ne-

cessaria, Græcis τεκμήρια dicta, ab antiquâ voce τέμας, quæ
 prisca ultimum notat atq; extremum, quod ad terminum pro-
 bando deducens rem, ut nequeat refelli, aliâ probatione haud
 egere videatur. Cicero hujusmodi signa *notas proprias* vo-
 cat. Quale signum mortis vulnus est cordi inflatum. Alia
 autem non esse *necessaria*, quæ rem non necessario inferant, sed
 solum εἰκότως seu verisimiliter, quale genus signi ait esse ἀνότυ-
 μον κατὰ τὴν διαφορὰν, hoc est *carere certo ac proprio nomine*,
 quo ab aliis distingvatur. Unde & à Philopono δυνάμειον si-
 gnum vocatur. Ab alijs σημεῖον in specie ita dictum. Quâ rati-
 one gladius cruentus signum est homicidii, arteria celeriter
 mota signum febris. Ex duobus his signorum generibus pos-
 terius quidem Rhetori inservit ad facienda enthymemata,
 quia conferunt aliquid ad persuadendum. Ad scientiam au-
 tem comparandam nihil habent momenti, ad quam è contra-
 rio multum valent prioris generis signa. Tangit utrumque
 signorum genus & Quintilianus, ejus verba aliqua ex lib. 5
 Institut: Orator. c. 6 subungere placet. Sunt autem ista:
*Dividuntur signa in has primas duas species, quod eorum alia
 sunt, quæ necessaria sunt, quæ Græci vocant τεκμήρια: alia non
 necessaria, quæ σημεῖα. Priora illa sunt, quæ aliter habere se
 non possunt: quæ mihi vix pertinere ad præcepta artis (Ora-
 toriæ) videntur. Nam ubi est signum insolubile, ibi ne lis
 quidem est. Id autem accidit, cum quid aut necesse est fieri,
 factumve esse, aut certe omnino non potest fieri, vel esse factū:
 quo in causis posito, lis non est nisi facti. - Alia sunt signa non
 necessaria, quæ εἰκότα. Græci vocant: (forte legendum εἰκότα,
 quas dicas levia & vulgaria) quæ etiam si ad tollendam dubi-
 tationem sola non sufficiunt, tamen adjuncta cæteris plurimū
 valent. Sed & pertinet huc locus ille Galeni ex Comment:
 tertio in Prognostica Hippocratis c: 9: Non apud Medicos so-
 lum,*

lum. sed etiam apud Rhetores quæritur agitariq. solet, quoniam
discrepet à signo, σημεῖον, indicium, quod Græci τεκμήριον vocant:
quæstione non in verbis solum habente locum, quemadmodum
aliubi, sed etiam res ipsas attingente. Oportet enim duplicem
inveniri naturam, φύσιν, rerum, ex quibus Medici præsen-
tunt, Rhetores demonstrant aut suadent, ἀποδεικνύουσιν, ἢ πείθουσιν.
Insignitur, quæ sumuntur in demonstrationes, εἰς τὰς ἀποδεί-
ξεις, sive scientiarias, ἐπιστημονικάς, sive verisimiles, πιθανάς, dif-
ferentia una est, ἀναγκεία τε καὶ διὰ παντὸς ἔχουσα τὸ ἑτερον τῷ ἑτέ-
ρω ἐπόμενον, ἐξ ὧν ἡ πρότασις σύγκειται, necessaria & assidue ha-
bens alterum alteri subsequens, ex quibus propositio confici-
tur. Alia verò non necessario, nec assidue, διὰ παντὸς, omni-
no, sed magnâ ex parte ὡς τὸ πολὺ duntaxat. Quin etiam ex
alia differentia hac quidē ex observatione, ἐκ τῆρ ὁρῆσεως, empiri-
ca, illa verò ex rationali sequela est, ἐξ ἀκολουθίας λογικῆς, ὅπερ
ἔστιν ἐνδεξές, quod sane est demonstratio. Hæc ibi Galenus.
Qui & alio loco, videlicet lib. 2 de dogmat: Hippocratis &
Platonis: 4 Chrysippeos reprehendit, quod cordis principa-
tum asserere volentes argumentum, veluti à signo petendum,
inde desumpserint, quod manum ad pectus cum nostri ipsorum
commonstratione adducere solemus. Est enim signum hoc
non necessarium, sed fallax, cum etiam frons & nasus sole-
ant interdum ab hominibus monstrari, quibus tamen princi-
patum inter membra corporis nemo facile vindicavit. Exi-
stimamus autem signa cum effectis non esse confundenda.
Quamquam enim non negemus, effectus proprios signa esse,
ex quibus causæ dignosci possint, veluti ex vestigiis leporis,
quæ sine dubio ejus effectus sunt, cognoscitur adfuisse lepo-
rem: tamen non omnia signa sunt effectus. Nam triplicia
sunt signa, alia cum re conjuncta, velut fumus cum igne: alia,
quæ rem præteritam declarant, ut cineres relictæ, ignem fuisse:
alia

alia quoque; *rem futuram* indicant, ut vulnus in corde futuram mortem. Ex quibus quod hæc non sint effecta eorum, quorum *xp̄t̄p̄ia* sunt, satis apertum est. Sed & de reliquis nonnullis fortè idem dicendum. Ita quando gallina cantat, signum est, quod pepererit ovum: neutrum tamen alterius vel causa, vel effectus est, sed adjunctum.

IV. Caterum non rarò Philosophi utuntur demonstratione *τῆ ὕψι*, quæ posterioris est generis, etiam eâ quæ à signis est ducta. Veluti quod terra non circumducatur, sed immota stet, Aristoteles lib: 2 de cœlo c. 14 ex hoc ceu ejus rei signo demonstrat, *quod pondera, quæ sursum projiciuntur, ad perpendiculum rursus in eandem terra recidunt partem.* Quod fieri utiq; non posset, si terra intereâ circumduceretur & quidem tam velociter, ut intra 24 horarum spatium integrâ periodum circa centrum absolvat, ut & olim docuerunt aliqui, & adhuc hodiè docent. Urget eandem rationem & Ptolemæus lib. 1 Almagesti c. 7; ex recentioribus autem Tycho Brahe lib: 1 Epistolarum. Pariter quod sphaerica secundum omnes partes terra sit, ex signo hoc probat Ptolemæus lib: 1 Almagesti c. 4, *quod Solem, Lunam aliasq; stellas videamus non secundum idem in omnibus terris oriri atq; occidere, sed prius semper orientalibus, deinceps autem occidentalibus; iidemq; & eclipses, quæ eodem tempore sunt, maxime Lunares non iisdem horis sive æqualiter à meridie distantibus apud omnes conscribi inveniamus, sed semper apud Orientales observatas conscriptasq; horas posteriores illis esse, quæ ab occidentalibus sunt observata.* Parilis est conditio demonstrationum spectantium ad Physiognomiam. Petuntur enim & ipsæ à signis, quandoquidem *φυσιογνωμῶν* nihil aliud sit, quàm *φύσεις* sive naturalis inclinationis signa perferutari atque ex illis de ingenio hominis judicare, quemadmodum & A. Gellius do-

doet lib: 1 N. & Attic: c. 9, cum ait: *Id verbum* (φυσιογνω-
 μῆν) *significat mores naturasq; hominum, conjectatione qua-*
dam de oris & vultus ingenio deque totius corporis filo (line-
 amento) *atque habitu sciscitari.* Talis demonstratio est, si
 fortem quis esse aliquē probet ex eo, quod magnas habeat ex-
 tremitates & prominentias artuum. Aut longioris vitæ quē-
 piam esse colligat ex eo, quod lineas habeat in manu longas
 & profundas, atque extensas per totam manum. Signum enim
 hoc est, multum inesse corpori ejusmodi hominis humidita-
 tis naturalis, quæ vitam reddit longiorem, quod nutrimen-
 tum sit caloris innati, in quo consistit vita. V. d. Arist. in lib.
 de Physiognomiâ, nec non lib: 2 Prior: c. 27 §. 12 & seqq. Sed
 & in Medicinâ obtinent hujusmodi demonstrationes. Ex
 signis enim conjiciuntur morbi; veluti dolor lateris punctori-
 us, difficultas respirationis, tussis & febris continua pleuriti-
 dem designant. Frequentior adhuc Philosophis aliisq; sci-
 entificis Doctoribus est usus demonstrationis ab effectibus pe-
 titæ. Veluti quando cœlum ex materiâ & formâ constare ex
 motu concludunt. Motus enim actus est, cui admixta est
 potentia, quorum ille à formâ proficiscitur, hæc autem ma-
 teriam comitatur. Item, cum cor primò generari monstrant
 ex eo, quod ex se moveatur ac saliat & quidem continuo mo-
 tu dilatationis & distractionis, quæ proveniūt à spiritibus innatis
 & fonte, qui in ipso est, caloris. Quâ de re videri rursus pot-
 est & Aristoteles lib. 6. Hist: c. 3. Rursus, cum calorem
 ignis non esse diversæ rationis à calore animalium naturali pro-
 bant ex effectibus iisdem: ex quibus fit, ut juvent illi calores
 se mutuo atque opus, quod inchoat unus, perficiat alter. Ita
 calore balnei ventriculi calorem juvari testatur Aristoteles lib:
 4 Meteor: Et calore fornacum Ægypti notum est ex ovīs

pullos excludi, calore naturali seminis galli excitato atque ad-
juto ab elementari. In Belgio quoq; frigidissima Arduenna,
ubi præter Junium, Julium, Augustum, totus pænè annus hiemat,
melones igne supposito perfectissime, & tanquam Italico cœ-
lo, maturantur, ait Fromondus lib. 2 Philosophiæ Christianæ
de Anima c. 2 art. 4.

V. Et sanè habent hujusmodi demonstrationes, quæ ab
effectis & signis petuntur, usum in scientijs non contemnendū.
Initiò enim conferunt ad definitiones substantiarum aut par-
tes earum, si, quod insint, nos lateat, ostendendas. E. gr. Si
querat aliquis definitionem ζωόφρον, & in specie quidem genus
ejus. Hoc enim quæ sit, dubium est, vel utrum animal sit,
an non. At per demonstrationem τὸ ἔλ poterit id manife-
stum reddi, si scilicet sumatur attributum aliquod, quod ani-
malia perpetuò & necessariò comitatur, & ostendatur, inesse
id ipsum ζωόφρον. Hoc ipso enim demonstratum erit, quod
sit animal. Attributum illud potest esse dolor. Demons-
tratio autem est talis: Quodcumq; dolorem percipit, cum pun-
gitur, illud est sensu præditum. ζωόφρον dolorem percipit, cum
pungitur. Ergo ζωόφρον est sensu præditum, atque ideò ani-
mal, quod sensu definitur. Ita si dubitetur, sintne plantæ ani-
matæ, quod negarunt Stoici, solam naturam plantis tribuen-
tes, animam autem denegantes, confugiendum est ad pro-
prio effectus animæ aut rerum animatarum, ut sunt attractio
alimentorum, retentio, nutritio, auctio per omnes dimensio-
nes, concoctio, quæ singula cum insint plantis, argumento id
est, quod plantæ omninò sint animatæ. De hoc fructu lo-
cutus esse videtur Aristoteles in lib. 1. de An. c. 1 τὰ συμβεβηκό-
τα, ait, μήτε μὲν συμβεβηκότα πρὸς τὸ εἶδέναι τὸ τί ἐστι, id est, acci-
dentia magnam adferunt opem ad rei essentiam cognoscen-
dam; quemadmodum vicissim τὸ τί ἐστι, ut in verbis anteceden-

dentibus ibidem dicitur, id est, *essentia* alicujus subjecti confert ad explicandas *causas rerum*, quæ per se accidunt substantiis. Deinde demonstrationes *τὴ δὲ* conducunt quoq; ad venanda latentia rerum principia & causas. Cum enim ita ad rerum intelligentiam affecti simus, ut à nobis notioribus progrediamur ad ea, quæ naturâ suâ clariora, effectus autem nobis notior sit suâ causâ, & sive ipse, sive potentia saltem ejus in eodem cum illâ sit subjecto, veluti manu ducit nos pedetentim ad cognitionem causæ, quæ postea explorata & inventa rursus adhibetur ad eundem effectum, antea confuse tantum & imperfectè cognitum, hinc autem per demonstrationē *τὴ δὲ* distinctè & perfectè cognoscendum. Pertinet huc quod & Aristoteles lib. 3 de Animâ monet, scientias esse imitationes rerum. Prout igitur illæ se nobis offerunt, ita & in scientiis traduntur. At offerunt sese initio nobis plerumq; signa & effectus rerum. Hæc ergo primum apprehendimus, cumq; causas eorum ignoremus, oritur inde, teste eodem Philosopho 1 Met. 1, admiratio, quæ nos impellit, ut ab effectis & signis, nobis jam cognitis, ad causas eorum latentes progrediamur, easq; indagemus, quo nos ignorantia malo liberemus. Cognitis autem illis revertimur rursus ad id, à quo coepimus atque ex ijs cætera deducimus cuncta. Sic materiam primam reperit Aristoteles esse in corporibus naturalibus per motum & generationem: animam autem in corporibus animatis per muneris functiones, quæ in corporibus animæ expertibus non deprehenduntur. Medici quoq; sæpissimè ex morborum effectibus causas eorum indagant & venantur atq; hinc ex his illos demonstrant.

VI. Vocatur hic procedendi modus vulgò Regressus. Quem aliqui ex hac ratione impugnant, quod idem in eo per se ipsū demonstrari videatur, & idem nobis notius atque ignotius appareat. Cum enim in omni demonstratione à notioribus

ad ignotiora procedendum sit, in hoc regressu primò quidem causa videtur ignotior esse suo effectui, quia per effectum investigatur: non investigaretur autem, si aut notior, aut æquè nota esset. Deinde autem idem effectus, qui notus antea suam causam ostenderat, rursus videtur fieri ignotus, quippe cum ex sua causa regrediendo demonstrètur. Non debet autem demonstrari, quod notum est, sed quod ignotum. At videtur hoc absurdum esse, dicere, quod idem ignotum sit & notum. Quare regressus dari non posse videtur. Simili de causa Aristoteles ipse in 1. Post. c. 3. circularem demonstrationem reiicit, quæ idem videtur esse omninò cum regressu. Sed & Galenus eandem ex eodem capite repudiat lib: 2 de Temperam. c. 5: ὅτε δι' ἀλλήλων καὶ ἐξ ἀλλήλων αὐτοῖς γίνεσθαι τὰς ἀποδείξεις, ἐκ μὲν τῶν νῦν ζητούμενων, ὡς ἤδη γινώσκόμενων, ἐπὶ δὲ τῶν ἐνεργειῶν διαλέγονται, καὶ τὴν τῶν ἰδεσμάτων τε καὶ φαρμάκων ἐξουσιωστικὴν δύναμιν, ὅπως τε καὶ τῶν ἄλλων τῶν τοιούτων επισκεπτόντωνται. παλιν δὲ αὐτὰ νῦν ἐρεῖσθαι, δι' ἐκείνων ὡς ἤδη προεγνωσμένων ἀποδοξάνουσι. ἐγὼ δὲ οὐκ ἐπαίνω τὰς τοιαύτας ἀποδείξεις. ἀλλ' εἰ χρὴ τὰς αἰτίας εἰπὼν, ὅτι ἀποδείξεις εἶναι νομίζω, *Quare per mutua & ex mutuis ijs fiunt demonstrationes. Nempe ex iis, quæ nunc quærimus, seu ex iis, quæ jam sint cognita, cum de actionibus dispu- rant, & ciborum ac medicamentorum facultates investigant, de somno item atq; id genus alijs disserunt.* Rursus autem quæ nunc sunt proposita, per illa, velut prius jam nota, demon- strant. Ego verò ejusmodi demonstrationes non probo, quin, si fateri verum oportet, nec censeo eas demonstrationes.

VII. Verum primò fallum est, quod circularis fiat de- monstratio, cum ex effectui concluditur causa & ex causa effectus. In verà namq; circulari demonstratione idem ejus- dem est & causa & effectus. E. gr. vapor est & causa & effe- ctus pluviae, & pluvia similiter cum causa est, tum effectus va-
poris

poris. In regressu verò, quo ab effectu ad causam & à causâ ad effectum progredimur, non idem est & causa & effectus. Et si enim simul sint tempore causa & effectus, naturâ tamen semper causa effectu prior est, & causa quidem manet causa; atq; effectus similiter manet effectus, nisi quod effectus in demonstratione τὸ δὲ causa sit conclusionis, hoc est, inferat causam consequentiæ vi aut necessitate. Ita defectio Lunæ nunquam est causa, ut terra inter Solem & Lunam interponatur, sed semper manet effectus interpositionis istius, etiam si eam inferat syllogisticâ illatione. Aliud enim est causa τὸ συμπερασματ, aliud causa τὸ πραγματ, aliud, inquam, est *causa conclusionis*, aliud *causa rei*; ut benè distinguunt Græci interpretes ad 1. Prior. c. 1. Ita ex vestigiis, quæ lepus nivi aut arenæ impressit, rectè colligitur, adfuisse ibi leporem: numquid autem vestigia ista leporis causa sunt? Adhæc in circulari demonstratione eadem nasci ponitur scientia, nempe τὸ διότι. In hac verò commutatione causæ cum effectu vel effectus cum causâ non gignitur una scientia eademq; . Quando enim à causâ ad effectum progredimur, resultat inde in animo nostro scientia τὸ διότι; quando verò ab effectu ad causam, nascitur inde scientia solum τὸ ὅτι. Ita quando eclipsin Lunæ cognosco ex diametrali interpositione terræ inter Solem & Lunam, habeo scientiam eclipseos τὸ διότι. Causa enim, cur Luna patiatur eclipsin, est hæc ipsa interpositio. Quando verò ex eclipsi Lunæ colligo, terram Lunâ esse majorem, item Lunam proprio lumine destitui, omneq; lumen mutuari à Sole atq; inter hanc & Lunam terram diametraliter interponi posse, non cognosco hæc ex eclipsi Lunæ tanquam ex causâ. Neq; enim ut hæc ingrediuntur definitionem eclipseos Lunæ; ita hæc ingreditur etiam definitionem horum.

VIII. Deindeneq; prohibet quicquam, quo minus idem

Bbb 3

dicatur

dicatur esse notum & ignotum, dummodò diversus interve-
 niat respectus. Multa enim naturâ suâ sunt nota, sive, ut Aristot-
 eles loqui solet, *ᾧ φύσιν*, quæ tamen nobis sunt ignota. Ve-
 luti primæ rerum in causâ *τῇ φύσιν* sunt *παρὰ φύσιν* *πᾶντων*, at no-
 bis ignotæ, ita ut Aristoteles dicat, ad eas intellectum nostrum
 ita se habere, *ut oculi vespertilionum se habent ad lumen Solis*,
 2 Met. c. 1. Ita nonnulla confuse nobis cognita sunt, di-
 stinctè cognita non sunt. Quod tam in causâ, quàm in effe-
 ctus cognitione locum habet. Effectus enim tum distinctè
 cognosci dicitur, quando ut effectus cognoscitur, id est, quan-
 do non cognoscis tantum rem fieri, sed & quare fiat, quorum
 illud sæpè cognitum habemus, hoc non item. Et tum con-
 fuse effectus dicitur cognosci. Eodem modo & causam
 cognoscimus, scil. partim confuse, partim distinctè. Con-
 fuse quidem, quando causam esse scimus, sed ejus naturam nō
 penetravimus; distinctè vero, quando eam perfectè ut causam
 cognoscimus. Eo posito facilè tollitur difficultas tota. De-
 monstratio *ὅτι* enim concludit ex ijs, quæ nobis sunt notiora.
 Inter hæc namq; censetur & effectus. Demonstratio *τὸ διότι*
 autem concludit ex ijs, quæ suâ naturâ sunt notiora. In illâ
 confusa est rerum cognitio, ducitq; nos effectus ad aliqualem
 causæ cognitionem. Deinde mentis discursu intercedente
 fit comparatio causæ illius jam inventæ cum effectu, non qui-
 dē quatenus causæ, ut videlicet cognoscamus, hanc esse causam
 & illum esse effectum; sed rem hanc cum illâ conferendo, ut
 paulatim ducamur ad inveniendam naturam & conditionem
 illius rei, utque unâ inventâ conditione inveniatur & alia, do-
 nectandem perspectis & cognitis omnibus conditionibus in-
 telligatur, hanc esse illius rei causam.

IX. Tria igitur sunt necessaria in regressu. Primum
 est

est *demonstratio* *de*, quā ex effectus confusa cognitione ducimur in confusam causæ cognitionem, ut cum ex generatione, quæ, quod sit, sensu percipitur, demonstramus dari materiā primam, ut facit Aristoteles lib. 1. Phys. 8. seqq. Secundum est *media illa mentis consideratio*, quā ex causæ illius confusā cognitione ducimur in perfectam ejus notitiam. Tertium est *demonstratio potissima*, sive *de*, quā causā distinctè cognitā ad distinctam effectus cognitionem tandem devenimus. Fit autem regressus hoc modo, ut primò *major simpliciter convertatur*. Licet enim affirmans ea sit, affirmans autem solum *in parte*, ut Aristoteles docet lib. 1. Prior. c. 2, aut, ut Boëthius & alij loquuntur, *per accidens* convertatur: tamen quia proxima causa cum proximò effectū eandem habet latitudinem, facile commeant & reciprocantur. Deinde *minor*, quæ est in Syllogismo *de*, *locomoveri debet & conclusio fieri*: *conclusio* autem *minoris* locum occupat. E. gr. Lunam videmus crescere & decrescere & quidem per orbem. *Quæritur* causa Syllogismo *de*: quia enim incrementa & decrementsa hujusmodi sunt rotunda, rectè inde colligimus, corpus quoq; esse rotundum. Syllogismus *de* hic est: Cujuscunq; corporis incrementa & decrementsa secundū lucem sunt rotunda, illud corpus est illuminatum rotundum. Lunæ incrementa & decrementsa sunt ejusmodi. E. Luna illuminata est rotunda. Non enim hīc illuminatio talis causa est rotunditatis Lunæ, sed vice versā. Quare fit inde Syllogismus *de* per conversionem majoris, h. m: O. corpus illuminatum rotundum incrementa & decrementsa secundum lucem habet rotunda. Luna est corpus illuminatum rotundum. E. Lunæ incrementa & decrementsa secundum lucem sunt rotunda. At alia rursum ratio est circuli, quem Aristoteles rejicit 1. Post. 3. Hic enim tum committitur, quando hoc per illud, & illud

illud vicissim per hoc probatur apud eum, qui neutrum concedit & æquè de utroq; dubitat. V.g. si negem, & matrem & filium esse probum, circulum committes probando, matrem esse probam, quia filius dicit, & rursus filium probum, quia mater dicit. Utrumq; enim æquè mihi ignotum, utrumq; æquè incertum: probatio autem debet procedere à nobis ad ignota, vel à concessis ad ea, quæ non sunt concessa, sive nota illa sint suâ naturâ, quod fit in demonstratione τὸ διότι: sive πρὸς αὐτὸς, quod fit in demonstratione τὸ ὅτι. Quapropter circulus reuera petit τὸ ἐν ἀρχῇ, quia probat dubium per æquè dubium, idem per se ipsum, quod non fit in regressu.

X. Ex his constat, per necessariam esse in scientiis demonstrationis τὸ ὅτι, quæ posterioris generis est, cognitionem. Obtinet autem demonstratio hæc solum in ijs, quæ in serie causarum & effectuum prima sunt & immediata. Ultimi enim effectus ab alijs quidem procedunt, ab ipsis verò nihil conspicitur derivatum, indeq; nec inde possunt demonstrari. In medio autem qui positi sunt effectus, ut causas priores agnoscunt, ex quibus, cur sint, probari possunt: ita & effectus habet ex ipsis manantes, unde demonstrationes τὸ ὅτι peti queant. Causa prima verò sicut nullam priorem causam habet, per quam τὸ διότι de ipsâ queat demonstrari, ita effectus agnoscit plures, ex quibus τὸ ὅτι de eâ possit probari. Ubi tamen non minus ac in reliquis istis intermedijs semper laborandum est, ut effectus ejusmodi inveniatur, qui cum proposito quæsito reciprocetur, quod non fit, cum effectus aliquis in plures referri potest causas. Veluti si pulsus durus sit & respiratio difficilis, non statim id pleuritidem arguit, quia ab aliis etiam causis ejusmodi effectus provenire possunt. Unde in hujusmodi casu plura in unum colligenda sunt, ex quibus simul junctis unus recipit

ciprocus resultet effectus demonstrationi accommodatus. E.
gr. Si pleuritis inferenda sit, concurrere necesse est ad mini-
mum hæc quinque; dolorem punctorium, anhelitum difficilem,
tussim, febrim assiduam acutam, pulsumque frequentem & inæ-
qualem, durum atque tensum. καὶ ταῦτα πάντα ἀλλήλοισι συνφεύ-
κῃ ἐμπνοῇ ἐκμενέαι, ἀπὸ μιᾶς αἰτίας ἐμπάντα. ὁ κόσμος γὰρ τετέ-
λειωται σποράδην ἄλλα ὑπ' ἄλλης αἰτίας γίνεσθαι, καὶ τὰ πάντα ἅμα ἐπιφοι-
τήσῃ, ἣ καλεῖται πλευρίτις, ut loquitur Arctæus Cappadox de
pleuritide agens lib. 1 de causis & signis acutorum morbo-
rum c. 10, *Hæc omnia opus est inter se consonare atque conspi-
rare pendentia ab unâ causa. Quotquot enim ex his sparsim
ab alia aliâ causâ proveniunt, nisi omnia simul ingruunt, pleu-
ritis non vocatur.*

XI. Quemadmodum verò insignis demonstrationis
τὸ ὅτι ex effectū in scientis usus est, ita altera illa, quæ per cau-
sam remotam procedit, aut nullum habet usum, aut per exigu-
um valde. Apud plebeios potius obtinet, qui cum causæ
proximæ sint ignari, ut plurimum, ne planè nihil intelligere
videantur, communem afferunt & remotam. Quibus annu-
merandi sunt, qui cum interrogantur, quare hoc aut illud in
naturâ accidat, causam afferunt Dei voluntatem, aut ad po-
tentiam Dei confugiunt, cum, nescio quid, comminiscetes,
absurdi aut incommodi admonentur. Unde non immeritò
Xanthus ridebatur ab Æsopo, quod interrogatus, quid fieret, ut
ea olera, quæ plantantur, etiam si diligenter fodiatur & fovean-
tur, tardum tamen suscipiant incrementū; at quæ terra spon-
tanea fundit, etiā si nulla cura adhibeatur, celerius germinet,
responderet, id ita fieri divinâ ordinatione. Quivis enim ru-
sticus hoc respondere potuisset. Non absimiles his sunt non-
nulli Medici, qui cum causas morborum continentes redde-
re nesciant, confugiunt ad quandam malignitatem. Item

Ccc

Astro.

Astrologi, qui cum causas rerum sibi propositarum assignare nituntur, ad constellationes coeli se recipiunt. Coelum enim itidem eorum, quæ in sublunari hac regione eveniunt, causa non est nisi remota. Aristoteles de hujusmodi demonstrationibus 1 Post: 23. ait, quod sint similes hyperbolicis locutionibus, quia ex talibus constant causis, quæ reverà suâ amplitudine excedunt effectum, id est, effectus latius patet. Qualis erat & illa, cujus ille ipse meminit. Anacharsidis Philosophi Scythici δῆτις, qua interrogatus, cur in Scythiâ non essent tibi- cines, respondit id inde fieri, quod in Scythiâ non essent vites, quod & Laertius in ejus vitâ refert, nec non Plutarchus in conviv: septem sapientum; quasi causa Musicæ tibicina- riæ vinum esset, quæ causa nimis est remota. τὸ γὰρ ἐγγὺς ἦν, ἐπὶ γὰρ ὅλῃ γδὲ μέτῃ παρὰ Σκύθαις εἶναι, γδὲ οὐκ, ut habet Philoponus in Comm. Proximum enim erat dicere, idè Scythiis nullos esse tibicines, quod nullus apud eos temulentia nec vini esset locus. Ex quo & Galenus hujusmodi demonstrationes, quæ ex longius remotis petuntur, rejicit lib: 2 de Temperamentis c: 14: Ἀμαρτάνυσιν, inquit, οἱ τῶν οἰκείων μὲν ἀμελῶντες γνῶρισμάτων, ἐπὶ δὲ τὰ πόρρω μεταβάλλοντες, Errāt, qui proprii indicis negle- ctis ad ea, quæ longè sunt, convertuntur.

XI. Tandem etiam hoc notandum est, quod Themisti- us in Paraphrasi lib. 1 Post: capite 29 prædictis duobus de- monstrationis τὸ δὲ generibus addat adhuc tertium, quo effe- ctus unus per alterum demonstratur, aut signum unum per al- terum. Velut cum febris signum sit cum inæqualitas pulsus, tum intentio caloris, nō minus hæc duo se mutuò inferunt, quā febrim ipsam. Rectè enim ex inæqualitate pulsus colligitur, calorem quendam excedentem inesse ægroto; & rursus ex calore intenso rectè arguitur inæqualitas pulsus. Verba The- mistii, si quis ipsa malit, hæc sunt: Ὅσπερ ὃ πάντα τὰ αἰτιατὰ τε καὶ

αἰτιατὰ ἀντιστρέφει, ὅπως ὅδ' ἐπὶ πάντα τὰ ἀντιστρέφοντα αἰτία τε ἐστὶ καὶ αἰ-
τιατὰ. δυνατόν γάρ τ' ἐστὶ αὐτὴ πλείω σημεῖα πρὸς ἀλλήλα ἀντιστρέφειν. οἷον
τὸ πυρετὸν σημεῖον, ἥτε ἰαρχὴ τῆς ἀρτηρίας, καὶ ἡ τοιαύτη θερμότης.
δῆλον δὲ μὲν εἶναι δι' ἀλλήλων, καὶ τὰ τοιαῦτα. κατὰ δὲ ἕτερον δὲ ὁ τὸ διότι
συλλογισμός. ἀλλὰ κατ' αὐφότερα, ὁ τὸ ὅτι, *Quemadmodum nō*
omnes causa cum suis effectibus reciprocantur, ita nec omnia,
quae reciprocantur, effectus sunt & causa: quia fieri potest,
ut ejusdem causa plura sint indicia, quae invicem recurrant.
Veluti febricitantis signa sunt arteria celer pulsus & calor
intentus. Signa haec se mutuo afferunt, sed de neutro syllo-
gismus cur sit ducitur: de utroq; potius componitur syllogismus
ostendens quod sit. Verūm Averroës comm: 99 in 1 Poster:
indignum esse putat ejusmodi syllogismum demonstrationis
appellatione, quod inter medium & majus extremum non sit
nexus essentialis, qualis tamen necessarius sit in omni syllogi-
smo, qui demonstrationis nomen sibi vult vindicare. Ver-
ba ejus haec sunt: Nos invenimus Themistium posuisse de-
monstrationes, quae exhibent existentiam trium specierum,
speciem, quae concludit prius per posterius, causam per accidens,
quae admittit substantiam. Speciem verò secundam, per quam
concluditur res per causam ipsius longinquam. -- Tertiā
verò, quae monstrat posterius per posterius - quemadmodum
qui monstrat, quod agri hujus urina est concocta, quoni-
am pulsus ipsius est diversus: & hoc, quoniam diversitas
pulsus & concoctionis urinae ablatio ambae sunt res causatae à fe-
bre putredinis, & ea posteriores aequaliter. Verūm hujus-
modi syllogismi non sunt demonstrationes, nisi per accidens,
quoniam non est in ipsis ex termino majori & medio proportio
ex proportionibus essentialibus, hoc est, in quā invenitur prae-
dicatum in definitione subjecti, aut subjectum in definitione
praedicati. Et propterea dimisit ipsam Aristoteles. Et haec
quoque de demonstratione τὸ ὅτι, quatenus ea & demonstratio

τὸ διὰ in eadem obtinent scientiā. In diversis enim quomodo utraq; locum habeat, diximus jam supra c. IX §. 9 & 10.

CAPUT III.

Quomodo τὸ ὅτι ἐστὶ cognoscatur in principiis.

I.

Dictum est supra lib. I c. IV §. 4. quod omnis scientia fiat ex προγνώσις, id est, ex antecedente cognitione principiorum, quodq; de his præcognoscere oporteat & quid sint & quod sint, quod præcipue verum est de primis principiis, quæ immediata sunt & demonstrari non possunt, ut sunt axiomata v. c. Totum est majus quavis parte; ab æqualibus si æqualia demas, quæ remanent, sunt æqualia &c. Inde nova oritur quæstio, quomodo hæc & similia, cum demonstrari non possint, cognoscantur, quod sint, sive quod sint vera? Quod enim demonstrari non possint, hic extra dubitum collocamus. Quamvis non ignoremus, veterum nonnullos, inter quos fuit & Empedocles, existimasse omnia demonstrari posse, quos rectè refutat Aristoteles in 1 Post. c. 3. Si enim omnium, etiam primorum principiorum, daretur demonstratio, utiq; cum demonstratio omnis sit ex prioribus, accideret, ut quidpiam primò prius esset. Nec est, quod quis excipiat, esse talia quidem prima suâ naturâ, sed non quoad nos. Ostensum namq; jam suo loco est, quod multa axiomata nobis quoq; & non solum naturâ suâ notiora, adeoq; & priora sint, quoniam hæc pari passu ambulant, § Met. I 1. Ἡτοι πάντα ἀποδείξεως δεῖται, ait Clemens Alexandrinus lib. 8 Stromatum, ἡ καὶ τινὰ ἐξ αὐτῶν ἐστὶ πιστά. ἀλλ' εἰ μὲν τὸ πρότερον, ἐκείνης ἀποδείξεως ἀποδίδειν αἰτῶντες, οὐκ ἀπὸ τοῦ ἐκβησόμεθα, καὶ ὅπως ἀνατραπήσεται ἡ ἀπόδειξις. εἰ δὲ τὸ διὰ-

δεύρον, ταῦτα αὐτὰ τὰ ἐξ αὐτῶν πιστὰ, τῶν ἀποδείξεων ἀρχαὶ γενήσονται.
*Aut omnia demonstratione indigent, aut quædam ex se ipsis fi-
 de digna sunt. Quod si prius verum est, postulando unius-
 cuiusq; demonstrationis demonstrationem procedemus in infini-
 tum, atq; sic evertetur demonstratio. Sin posterius, ea ipsa,
 quæ ex se fide digna sunt, erunt principia demonstrationum.*

II. Existimant itaq; nonnulli, à natura nobis insitam esse
 istiusmodi principiorum cognitionem: atqve idcò etiam
 vulgò ea dici naturâ nota, quod ipsorû cognitio nobiscum sit
 nata, etiamsi non statim se prodât. Experientiam quoq; id
 confirmare. Neminem enim dicere posse, quando didicerit
 axiomata hæc, Totum est majus quavis suâ parte, Bis duo sunt
 quatuor &c: & tamē neminē tam infantem esse, quem lateat,
totum majus esse suâ parte. Inde enim fieri, ut infans si duo
 ipsi poma apponantur, uno recepto alterum itidem poscat.
 Sed & ratione suffultam esse hanc sententiam. Nisi enim na-
 turæ digito inscripta esset illa principiorum notitia, sed à
 nobis primum acquireretur, fieret utiq; hoc ex præcedente ali-
 qua cognitione. At quæ cognitio prior esse potest cognitio-
 ne principiorum, cum primum & principium sint idem?

III. Verum, cum ne termini quidem, ex quibus principia
 constant, statim cum nascimur, à nobis apprehendantur, quo-
 modo ipsa tota statim ab oitu nobis nota esse dici possunt? Pa-
 tet autem prius illud experienciâ. Neq; enim infans recens
 natus novit, quid sit bis, quid duo, quid quatuor, quid totum,
 quid pars, sed successu temporis, quid horum unumquodq; sit,
 cognoscit. Paulatim ergò & ipsa principia, quæ ex istis ter-
 minis constant, apprehendit, etiamsi exactè determinari non
 possit, quo tempore notitiam istorum principiorum fuerit na-
 ctus. Sanè si actu à principio insitam haberemus principiorû

cognitionem, non lateret id nos, præsertim cum exquisitior & certior ea sit ipsa demonstrativa scientiæ, quam nemo tenet, quin eam se tenere habeat perspectum. *Τό τε γὰρ ἐνθάδε δια-
λανθάνειν, ἀδιωκτόν. ὃ δὲ γὰρ ἀποδείξειν ἔχοντας λανθάνειν δυνατόν.
μήτοι γε δὴ γινώσκῃ, ἀποδείξεως ἀκριβεστέραν, αἶτ Themistius in 1. Po-
ster: c. 34.* *Insita principia nobis esse, nec intelligi, non potest
defendi: quia quemadmodum demonstrationem nemo tenere
potest, si tenere se ignores: ita nec scire principia, qui scire se
nesciunt, præsertim cum tantò exquisitior sit horum notitia,
quã demonstrationis.* Sed nec, si notitia eorū nobis esset inserta,
aliquando ista sciremus, aliquando non, sed semper actu co-
gnosceremus. Ita enim se habere solent illa, quæ ab initio
statim actu insunt: veluti cum cœlo naturā insitus sit motus,
ideò illud nunquam non movetur. At nunc neq; nos actu
cognovisse ab initio principia recordamur, neq; quod alii re-
cens nati cognoscant, experimur. Quod enim ab istis diceba-
tur, ex eo manifestum esse ab infantibus principium hoc, *To-
tum est majus suâ parte*, cognosci, quod appositis duobus po-
mis, uno recepto alterum quoq; petant, id exigui est momenti,
quod nō in infantibus recens natis statim id experiamur, sed in
adultioribus, qui jam utuntur sensuum iudiciò. Quanquam
ne de talibus quidem inde inferre liceat, quod actu cogno-
scant, totum esse majus suâ parte. Unde enim cognitum ipsis,
quod duo apprehendant sub ratione *totius*, unum autem sub
ratione *partis*, & non potius ideò id fieri, quod duo, quippe
amplioris bonitatis actum habentia, appetitum magis excitent,
quod sit quidem interventu alicujus cognitionis (neq; enim
ignoti cupido ulla est); verum non cognitionis intellectualis,
sed sensitivæ, quam sequitur appetitus. Quod vel inde con-
firmari potest, quia simile quid in brutis experimur. Numquid
autem & illis innata est ista principiorum notitia, ex quibus
demon-

demonstrationes conficiuntur? Numquid & istis cognita est ratio totius, ratio partis & similium? Sed esto cognitum sit infantibus, duo poma habere rationem totius, unum autem rationem partis, numquid propterea è vestigio dici poterit, quod principium hoc, Totum est majus quavis sua parte, jam distinctè cognitum habeant, nempe quod universaliter verum sit, nullamq; exceptionem patiatur? Non opinor sane: & tamen omninò necessarium est ad cognitionem principiorum, quâ talium, ut quis universalia ea esse cognoscat, quorum etiam propriè est intellectus, non singularium, circa quæ sensus per se versatur, & phantasia, non intellectus.

IV. Præterea inductione manifestum est, quod actus non nascentur cum homine, nisi vitales ad *ζωας* pertinentes. In reliquis autem natura *δύναμις* solum vel facultatem ei tribuit, quæ successu temporis suos edit actus. Quod & Aristoteles observavit in 2 Ethic. c. 1. Ita potentia ambulandi, loquendi, numerandi, olfaciendi in eo prior propriis est actibus. Quæ ergo ratio, quod in intellectu alium ordinem natura est secuta? Non negaverit etiam quis facile haud sine ratione dictum esse illud Philosophi in 3 de An. c. 5 text. 3. *quod intellectus ita se habeat ad intelligibilia, sicut sensus ad sensibilia se habet.* In quo ergo consistit ista *ἀναλογία*? Docet id Philosophus eodē loco. Nempe in eo illa sita est, quod ut sensus non habet actu in se species eorum, quæ sentit, sed solum potentiā, velut visus actu nullius coloris speciem habet, sed potentiam ad suscipiendas omnes species colorum: ita & intellectus possit quidem intelligere omnia, actu tamen speciem rerum intelligibilium nullam, adeoque nec principiorum, quæ primariò intelligibilia sunt, habeat impressam. Quâ de causâ eodem libro text. 14 intellectum nostrum comparat *tabula nuda*, quæ nihil actu habet inscriptum, potentiam tamen obtinet ad

recipi-

recipiendum, quicquid in eâ expresserit manus scribentis. Comparat & *materia* text. 17 quia & hæc actu formam aliquam non possidet, apta tamen est ad formas omnes suscipiendas, quibus ex se caret. 7 Met. 3.

V. Quod autem vulgò dicitur, principia esse *naturâ nota*, ex eo nondum sequitur, quod cognitio ipsorum nobiscum nascatur. Naturâ enim esse aut inesse non solum ea dicuntur, quæ *congenita* sunt (imò congenita quædam sunt, quæ tamen propriè non dicuntur esse naturâ, sed *præter naturam* potius, quales sunt nævi aut verrucæ, quos sæpè infantes ex utero matris secum ferunt): sed & ea, ut reliquarum significationum, cum hujus loci non sint, modò mentionem non faciamus, quorum proxima potentia nobiscum nascitur, etiam si illa non prius se exserat, donec externa quædam accesserint adminicula, quomodo loqui, numerare & similia homini naturâ inesse dici possunt. Meminit hujus significationis inter alios & Eustratius, sive Aspasius, aut quicumq; tandem autor est commentarii Græci in 2 Ethic. c. 1. Postquam enim dixerat, τὸ φύσις dici id, ὃ ἡ τελειότης ἐκ φύσεως παραγίνεται, ἢ σύμφυτον ὅσα ὡς τῷ λίθῳ βαρύτης, ἢ ὑπερὸν ἐπιγιγνώμενη, ὡς ἡ ὀδόντων βλάβησις ἢ γενέων, *cujus perfectio ex naturâ venit velita, ut ei connascatur, sicuti gravitas lapidi; vel superaccedat, ut dentium productio vel pilorum*, addit, naturâ etiam dici, τὰ πεφυκόσι μὲν ἡμῖν ἐπιγιγνώμενα, ἔξωθεν δὲ τινος προσδεόμενα τὴν τελείωσιν, *quæ in nobis naturâ dispositis successu temporis quidem proveniunt, indigent autem, ad perfectionem ut perveniant, adminiculo externo.* Atq; hoc modo & principia dicuntur naturâ nota. Potentiam enim talia cognoscendi proximam à natura habemus in sitâ, actu autem non cognoscimus ea, donec terminos, ex quibus constant, cognoverimus, atq; sensus officium fecerint suum.

VI. His moti largiuntur alii, actualem principiorum cognitionem nobiscum quidem non nasci, habitum tamen eorū nobis à naturā insitum aut innatum esse, qui, ut se exserat, indigeat adminiculo sensuum. Verū hi maioribus adhuc se implicant difficultatibus. Experientia enim testatur, eum, qui habitum intellectus obtinuit, quo principia cognoscimus, nō indigere amplius adminiculo sensuum, sed per seipsum sine eorum auxilio operari, quod & Aristoteles satis perspicuē indicat 3 de Anima c. 4 text. 8: *Intellectus cum factus est singularis, potest ἐν ἑαυτῷ διὰ αὐτῶν, per se ipsum operari.* Neq; enim alio sine potentia aliqua cognoscens habitum adipiscitur, nisi ut eo valeat uti, quando cunq; allubescit, siue objectum absens sit, siue præsens. Ita quo sine laboramus, ut habitum scientiæ Physicæ v. g. de iride, halone, cometis & similibus adipiscamur? Non alio sanè, nisi, ut actu causas horum contemplari valeamus, quando cunq; libuerit, siue præsentia illa sint, siue absentia. Unde etiam fit, ut, cum, habitu jam obtento, contemplari juxta istum habitum volumus, phantasmatis parum utamur, quin ea potius abigamus, aut aspectū mentis, quo ad ejus fieri potest, ab iis avertamus? Et annon, si intellectus ad id, ut actu cognoscat prima principia, indigeret adminiculō sensuum, immortalitas intellectus periclitaretur? Certè primum argumentum, quo hactenus demonstrari consuevit ejus immortalitas, ex speculatione depromptum est, quā intellectus se supra phantasmata elevat. Indicio namq; hoc est, quod operatio ejus sit separata, nec corporis commercio egēs. Quod autem operatur sine corpore, non interit eo corrupto. Si enim simul deficeret, non posset etiam sine corpore operari. At hoc principium evanescit, si intellectus ut actu, & quidem habitu jam obtento, quid cognoscat, sensibus eget. Non poterit enim, eō posito, intellectus à sensibus separatus quic-

quam actu cognoscere: sensus autem quod immerſi ſint corpori, aut ab eo pendeant, extra controverſiam eſt collocatum.

VII. Sed & hoc exponendum iſiſerat, quâ fieri poſſit, ut intellectui naturâ inſit habitus, antequam is ullum exercuit actum. Ut enim actus præſupponit potentias: ita habitus actus, à quibus pendent. Patet id inductione. Ita robuſtus quis ſit ex moderatis exercitationibus, iſq; non paucis, ſed multis. Neq; enim ex unâ actione ſit habitus, ſed ex multis, ita ut paulatim ſubjectum, ſive corpus, ſive appetitus &c. conformetur, quemadmodum plures è teſto cadentes guttæ ad cavandum lapidem requiruntur. Eodem modo acquiritur & virtus, v. c. fortis quis redditur ex iteratâ conſuetudine ferendi res graves, cujus ſimile & in alijs habitibus, ſcientiis v. g. & artibus omnibusprehendimus, 2 Ethic. 2. Quæ ergo ratio, quod ſecus res comparata ſit cum iſto habitu, quo principia apprehenduntur? Dicunt quidem illi, rationem eſſe in promptu. Priores enim iſtoſ habitus eſſe acquiſitos, hunc autem innatum. At quid hoc eſt, niſi petere τὸ ἐν ἀρχῇ? Hoc ipſum enim in quæſtione eſt, ideoq; probandum erat, non ſupponendum. Habitus quid ſit, ex 3 Met. c. 2 o diſcere inſacili eſt & expedito. Nempe eſt iſ *qualitas* quædam *potentia ſuperaddita*, quâ *promptum redditur ſubjectum ad opus*, nempe ut illud *expeditè, promptè & conſtanter* exerceat. Ita temperantia eſt habitus aliquis appetitus, quoniam illa præditus ſtabiliter, expeditè & promptè repudiat voluptates. Phyſica eſt habitus intellectus, quoniam illa inſtructus, firmè, expeditè & promptè res naturales contemplatur. Quod ſi jam infans habitum aliquem principiorum ſibi connatū obtineret, tum promptè, facile & expeditè intelligeret principia, cum tamen, quippe deſtitutus uſu rationis, neq; idem intelligat abſolutè. Unde

de hoc absurdum sequitur, benè posse prius esse, quàm posse *απλῶς* sive simpliciter. Idem enim hoc est, ac fidicerem, habitum saltandi infanti inesse, antequam sufficienter elaborata habeat organa pedum, & vim locomotivam ad saltationem necessariam, sive, quod in idem recidit, infantem benè & expedite atque ad numerum saltare posse, antequam pedes potest movere.

VIII. Distingvendum E. hîc omninò est inter habitum naturâ insitum, qui nullus est, & inter naturalem insitamq; potentiam ad habitum, vel etiam ad actum. Aliud n. est esse propensum ad actû, quod est potentia: aliud, potentia reddi habile promptam ad actum, quod habitus præstat. Potentia & quidem proxima cognoscendi principia nobiscum nascitur, quæ & postea se exercit citra ullam institutionem, quamprimum sensus suum facere incipiunt officium. Sunt enim principia suprà apte vi atque naturâ ad intelligendum apta, adeò, ut ad perfectam ipsorum cognitionem alterius rei cognitio non requiratur. Et propterea vocantur naturâ nota. Quamprimum ergò intellectui debite obijciuntur, is promptè ea apprehendit & penetrat: quod ita non fit in effectis. Hæc enim nunquam per se intueri potest intellectus noster, ita quidem ut perfectè ea cognoscat, nisi in causas simul introspiciat. Nempe habet se intellectus noster instar oculi, ut pridem jam est observatum. Ut enim mens est oculus animæ: Ita oculus est velut mens corporis. Jam in oculo duæ sunt facultates, una cernendi colores intercedente luce; altera lucem ipsam cernendi, solâ contortione aspectus. Eodem ergò modo & in intellectu duæ sunt facultates, altera, quâ potest effecta causis intercedentibus cognoscere; altera, quâ principia ipsa, nullius rei interventu, sed simplici quodam obtutu comprehendere valet. Verùm in eo discrimen est: Oculus dictas

suas facultates à naturâ habet integras & perfectas ideoq; adventitio habitu non indiget: In mente autē facultates istæ sunt quasi inchoatæ, perficiunturq; extrinsecus assumptis habitibus, illa quidē scientiā; hæc v. intelligētiā, quæ Græcis *ῥῆσις* appellatur.

IX. Sunt quidem nonnulli, qui existiment, ad cognoscenda principia, saltem communissima illa, & evidentissima, ut sunt in *Theoreticis* quidem: *Totum est majus suâ parte, ab æqualibus &c.* In *Practicis* autem: *Suum cuiq; est tribuendum, nemo est ladendus &c.* non opus esse habitu, quod ex se promptus sit intellectus ad cognoscenda illa, quamprimum ei obijciuntur, non secus ac visus ad percipiendum lumen, cum ei offertur. Aristotelestamē 2 Post. ult., nec nō 6 Ethic. 6 & 7. & talium principiorum habitum agnoscit. Et meritò. Dux enim causæ sunt, cur habitus potentix naturali superaddantur. Una, si homo, ubi aliquandiu in re se exercuerit, facilius & promptius eam facit, quàm antè. Quâ de causâ inventa est ars *Gymnastica* & similes. Altera, si naturalis potentia difficilè aliquid agat aut indifferenter se habeat ad bonè & malè agendum. Velut appetitus difficulter medium observat in voluptatibus gustus & tactus: superadditus ergò ei est habitus temperantiæ, ut facilè & promptè præstet, quod sibi relictus difficulter admodum agit. Idem in reliquis virtutibus, in scientiis quoq; & alijs apparet. Utraq; ratio hîc locum habet. Quamvis enim intellectus principia sine institutione & ratioeinatione, quum ei offeruntur, intelligit, facilius tamen ijs assentimur, ubi sæpe ea consideraverimus, quàm aliàs, sicut Mathematicus huic propositioni: *Si æqualia æqualibus addas, tota erunt æqualia*, facilius & promptius, quàm rusticus assentitur. Neq; illa promptitudo tantum ad apprehensionem terminorum referri potest, cum indoctus sæpè eos æquè facilè apprehendat, quàm doctus, & tamen non tam facilè percipiat propositiones ipsas.

ipsas. Deinde, quamvis naturalis facultas cognoscendi principia, præsertim maximè communia, obliterari aut extingui nequeat, potest tamen per inadvertentiam vel errorem impediri, ne in actū exeat, sicut Heraclitus & alij etiam ipsum omnium principiorum primum negare ausi sunt, contra quos disputat Aristoteles 4 Met. Plures autem inveneris, qui practica principia in dubium vocent per affectuum impulsū. Inde enim Lacedæmoniis turpe non fuit visum, furari, dummodò astu fieret, apud Agellium l. 11 c. 8. Inde Scythis cædes & homicidia placuerunt, teste Plinio lib. 6 c. 17. Inde Persis non modò cum filiabus ac sororibus, sed & matribus misceri fas fuit, teste Athenæo lib. 5. Diogene Lærtio lib. 9. in Pyrrho, Clemente Alexandrino lib. 1 Pædagogi c. 8 alijsq;. Contra errores itaq; ejusmodi habitu opus est. Quamvis namq; visus & intellectus in eo convenient, quod uterq; habeat naturalem vim ad cognoscendum objectum suum, latitudo tamen aliqua aut amplitudo est in principijs, quæ intellectus objectum sunt, adeò ut longè promptius sensus sua percipiant objecta, quàm intellectus principia sua per vim naturalem.

X. Sed unde igitur tandem acquiritur habitus principiorum? Diximus suprâ, quod omnis nostra cognitio διανοητική nascatur ἐκ προπαραλήψεως γνώσεως, ex præcedente cognitione. Id autem non minus etiam in cognitione νοητική, quæ principiorum, cum accurata sit & exquisita quædam notitia, locum habet. Ex quò necessarium est, ut facultas quædam sit in homine, cum disponens, aut aptum reddens, vel occasionem ei præbens ad principiorum scientiam comparandam. Illam verò facultatem non oportet esse præstantiorē aut perfectiorem ipso habitu principiorum. Omnis enim generatio ab imperfecto progreditur ad suam perfectionē. Quænam au-

tem est ea facultas? Prima ^{operatio} cognoscendi aut iudicandi
^{id est} in homine est sensus, quo is objecta sensibilia percipit
 & dijudicat. Verum ea facultas omnibus animalibus est
 communis. Ideoq; progrediendum & ad magis propriam
 homini vim veniendum. Quod omnium optimè fieri pote-
 rit, si repetamus divisionem animalium allatam suprà lib: 1
 c. XI. n. 31. Ex his igitur quædam præter sensus cognitionē,
 quā omnia animalia, ad minimum certè gustu & tactu, gau-
 dent, lib. de sens. & sensib. c. 1 & 2. de an. t. 63, 64, aliam non
 habent, quæ tamdiu in ipsis durat, quamdiu objectum est præ-
 sens. Talia sunt conchylia, ostrea; & ad summam, quæ sco-
 pulis in mari adnascuntur, neq; à loco ad locum progredi pos-
 sunt. Hæc enim cum alimentorum causa se de loco in locū
 movere nequeant, nec visu, nec auditu, nec olfactu opus habēt
 ad persequendum alimentum, multò minus memoriā, sed suf-
 ficit ijs tactus & gustus præsentis alimenti. *In muscu quoq; &
 vermibus*, ait Philoponus Comm: 53 in 2 Post: *non manet
 perseverantia & impressio rei sensibilis. Ex quo fit, ut mu-
 scas videamus & vermes egressos ex loco, in quo latent, hac
 & illac circuire & oberrare, ut qui ignorent redire rursus, un-
 de exierint.* At alia sunt animalia, quæ præter sensum habent
 & memoriā, quibus post actum sentiendi, sive objecto ab-
 sente, n animā remanet quoddam simulacrum sive species re-
 rum sensu perceptarum, & quidem non unius objecti solū,
 sed multorum. Hæc porro non sunt unius generis. *In qui-
 busdam enim animalibus*, pergit Philoponus, *est quidem per-
 severantia rei sensibilis, sed modica & brevis, eò quod phanta-
 siam parvam habeant in quā imprimantur sensibilia & infor-
 mentur: sicut pica & psittaci sentiunt quidem voces dicen-
 tium, modica verò harum impressio in ipsis fit, & ob hoc imi-
 tantur quidem voces hominum aut aliorum animalium, verū*

non purè. In quibusdam verò est perseverantia pura & insensibilis, eò quod habeant imaginationem puram, ut homines. Sed & quædam alia animalia, veluti apes, & columba, & asini. Illa enim sæpè numero peregrinantur à lustris & cubilibus spatio trium aut quatuor dierum. & rursus redeunt, unde exierunt. Asinus autem ambulans offensa fovea lapsus q̃ in eam semel, etiamsi post multum tempus contingat viam, quæ ad foveam ducat, ingredi, nunquam tamen, quantumvis illa repleta sit, adduci poterit, ut super eam ambulet, nisi fuerit percussus. Deniq; quædam ex illis insuper sunt & ratione prædita, per quam ea, quæ perceperunt sensu & memoria retineant, inter se comparare & eorum similitudines aut differentias in vestigare possunt, quod quidem inter omnia animalia soli hominibus à naturâ concessum est; qui & hac de causa solus experientiâ perfectâ est instructus. Ad eam namq; duo requiruntur, nempe habitus memorandi ex multis recordationibus præteritorum genitus, qui est quasi materiale experientiæ (ex quo à Galeno experientia definitur τὸ πλεονέχον καὶ κατὰ τὸ εἶδος ὡραμένον κατὰ λήψιν καὶ μνήμην, ejus quod frequenter, & eodem modo visum est, comprehensio atq; memoria, lib. de optimâ sectâ ad Thrasybulum c: 11): & collatio rerum inter se, quæ his memoriæ habitibus tenentur, quæ collatio parit universale & est opus rationis, habetq; se ad experientiam ut formale. Quorum illud etsi in brutis esse possit, quæ de re vide Tyrium dissert. 40, posterius tamen in iis locum non invenit, cum ratione sint destituta. Tres igitur sunt in homine facultates mutuam sibi operam præstantes, sensus, quem cum omnibus animalibus communem habet: memoria & phantasia (hæc enim duo non nisi ratione differunt: habet autem homo & ea licet non cum omnibus, cum aliquibus tamen animalibus communia): demum ratio ac intellectus, quod &

experientia refertur, quam *δὲναμιν* homo seu propriam sibi possidet & usurpat.

XI. Hæ facultates omnes concurrunt ad cognitionem principiorum. Progressus autem est talis. Primum ex *sensu*, quem ex ortu accepimus, nobis *memoria* ingeneratur. Tum autem *memoria* existit in nobis, cum speciem & formam sive phantasma rei sensu perceptæ phantasia cognoscit, & ut *olim perceptam*, & ut *imaginem*. Quod si plurium talium species sint in nobis, plures quoq; memoriæ existunt. Ex inter se collatæ secundum *similitudinem* gignunt *experientiam*, quæ similitudo licet revera sit ipsum universale, tamen ab experientiâ nondum distinctè apprehenditur, ut natura universalis, sed potius tanquam singulare. quid transfertur ab uno individuo ad alterum & juxta hanc instituitur collatio. Tandem a. intellectus, cum videt similitudinem illam in omnibus singularibus inveniri, aut non occurrere sibi aliquid singulare, in quo non deprehendatur, abstrahit illam similitudinem, & universale fabricatur, quod est principium aut *artis*, si sit *πειρὴ γένεσιν*: aut *scientia*, si pertineat ad τὸ ὄν, ad id, *quod est*, lib. 2 Post. c. ult. §. 12 & 1 Met. c. 1. E. gr. quod Callix laboranti choleram purgaverit rhabbarum, sensu adverto & inscribo memoriæ. Adverto idem in Socrate, Hippia, Aristotle, & singula hæc rursus inscribo memoriæ: hæc repetita & collata gignunt unam experientiam, quam animæ firmiter infixam servo, donec tandem, idem & in alijs expertus, ex multis experimentis universale hoc excerpam: O. laborans cholerâ curatur rhabbaro, quod jam principium est *artis* Medicæ. Eodem modo in *scientijs* series habet. E. gr. in Phisicis per sensum observo, quod hic & ille, item quod tertius & quartus homo assumant nutrimentum, donec per crebrâ experientiam discam, quod omnis homo assumat nutrimentum.

tum. Idem obfervo de equo, leone, mufcâ & cæteris animalibus, donec experienciâ cognofcam, omne animal affumere nutrimentum. Sed & porro de aliis idem obfervo, fcil. de hac & illâ quercu, malo, abiete &c. donec fciam, quod omnis arbor affumat nutrimentum. Præterea in herbis quoq; graminibus, frumentis & fruticibus idem deprehendo, donec cognofcam, quod omnis planta affumat nutrimentum, & tandem conferendo inter fe animal & plantam, hoc univerfale in animâ meâ relinquitur, quod O. vivens naturale affumat nutrimentum, quod jam eft principium aliquod in Phyfics, live fcientia naturali.

XII. Neq; verò hîc quærat quifpiam, quî fieri poffit, ut plura fingularia recipiantur ab animâ & memoriæ infcribantur, cum unumquodq; fit determinatæ quantitatis. Species enim ab animâ recipiuntur, non cum, fed *fine materiâ*, quemadmodum cera accipit imaginem annuli quidem ferrei aut aurei, fed fine ferro aut auro 2 de Animâ t. 121. Ex quo fit, ut species fint indivifibiles. Nam quæq; res divifibilis aut partibilis eft propter materiâ; at species iſtæ ſunt ſine materia. Quæ & cauſa eſt, quod etiam vaſtiſſimæ molis corpus totum, quantum ad externam viſibilem ſpeciem, in pupillâ adumbretur & hînc viſu percipiatur. Quemadmodum igitur punctum additum puncto & infinita puncta ſimul non efficiunt ullam magnitudinem, quia materiâ carent; Sic etiam maxima multitudo ſenſibilium in animâ nullam molem parere poteſt.

XIII. Quapropter habitus principiorum non naturâ nobis inſitus eſt, neq; tamē ex alijs habitibus prioribus & notioribus oritur, ſed ex ſenſu & experienciâ naſcitur. Quod exemplo *militari* confirmat Ariſtoteles l. c. Ut in bello, inquit, fugato exercitu aliquo, qui ex multis conſtat militibus, ſi unum

Ecc

mile

miles animum recipiat & primus consistat, huiusq; exemplū
 alius imitans idem faciat, & itidem tertius & quartus & sic de-
 inceps, tandem totus exercitus consistit & redit ad pugnam;
 ita consistente unā specie sensibili in animā, & rursus aliā, ite-
 rumq; aliā, fit tandē rationis beneficio unum universale, quod
 constat ex omnibus istis particularibus, convenientibus in illo
 universali, quod proprium objectum est intellectus nostri, ad
 quod cognoscendum per naturam ita dispositus est intellectus
 noster, ut sensus ad percipiendam speciem sensibilem sive sin-
 gularem. Atq; hinc meritō Galenus repudiat *Sophistas*, fidē
 etiā sensibus abrogantes, quod hāc ratione & fides axiomatū
 labefactetur, omnisq; consequenter pereat demonstratio.
 Ἐξ ἀδησείας, inquit lib. 2 de Medic. facult. c. 1, οἶμαι, καὶ δι' ἀδη-
 σείας πάντα τὰ τοιαῦτα τῶν ἀξιωματικῶν ἐμῶμεν, *Med qvidem*
sententiā ex sensu & per sensum omnia id genus sumuntur
axiomata, veluti ejus, solem esse splendidum, flammās subfla-
vas, & similia. Et mox: Εἰ μὲν γὰρ ἀποστήτεον ἐπὶ ταῖς ἀδησεῖσι
 ὑδεμίαν ἐχομεν ἀπάδειξιν, ὅθ' ἡμεῖς ὅν νῦν εἰρήκαμεν, ὅτε Ἐμπεδοκλῆς
 ὥδι γράφων. Ἡέλιον μὲν θερμὸν ὄραν καὶ λαμπρὸν πάντη. Εἰ δὲ ἐστὶν
 τὰ λεγόμενα ταῦτα, δῆλον ὡς πολὺ πρότερον αὐτῶν, ἢν ἀδησῇ εἶναι χρῆ πῖσιν.
Ergo si à sensibus recedendum est, nulla suppetet demonstra-
tio, neq; nobis eorum, quæ modo diximus, neq; Empedocli, cum
ait: Vndiq; splendidem Solem, calidumq; videre. Quæ si
vera sunt, perspicuum est, multò ante illa fidem sensibus ha-
bendam. Plutarchus quoq; hinc de communibus notitiis agens
 scribit non mirum esse, si illæ in controversiam vocentur à
 Stoicis, cum illi fidem derogent etiam sensibus ipsis, qui sint
 istarum fundamentum. Σοὶ μὲν εἰκός, inquit Diadumenum
 Stoicum alloquens, μὴ πάντα μέλει εἰ τι δοκῇ παρὰ τοῖς κοινὰς
 φιλοσοφῇ ἐννοίας, ὁμολογεῖντί γε καὶ τῶν ἀδησεῶν περιφρονῇ ἀφ' ὧν
 σχεδὸν αἱ πλῆσαι γεγόνασιν ἐννοίαι, τὴν τε περὶ τὰ φαινόμενα πῖσιν εἶδρα
 ἔχουσι καὶ ἀσφάλειαν, *Te qvidem apparet non admodum cura-*

re, si quis vos philosophari contra communes notitias dicas, cum fatearis te sensus etiam contemnere, à quibus ferè pleræq; notitiæ oriuntur, fundamentumq; eorum, quæ videntur, fidem habent, cui innituntur.

XIV. Dices fortè primò, at quomodo post sensum in animâ consistere potest universale, cum sensus non sit universalium, sed singularium. *Necesse enim est sentire hoc aliquid & alicubi, & nunc*, ut est in 1. Post. c. 31. §. 1. Ita oculus non videt colorem in genere, sed hunc vel illum. Respondet Aristoteles 2. Post. c. ult. §. 7. *sentiri quidem singulare, sensum tamen esse universale*, id est, ipsam facultatem non respicere singulare, ut singulare. V. g. quanquam visus actu, hoc loco & hoc tempore, non sentiat nisi hunc colorem, ipse tamen visus aut facultas videndi in se spectata non respicit hunc colorem, ut est hic color, (aliàs nullum alium percipere posset colorem) sed ut color est, id est, ut habet naturam universalem. Idcirco in mente recipiuntur objecta, non ut se habent ad actum sentiendi, sed ut ad facultatem aut sensum communiter. Actus quidem exercetur in singulari, sed receptio sequitur naturam, quæ est communis & universalis. Namq; & in ipsis sensibilibus, & singularibus speciebus, latet species universalis. Quod mirum non est, cum species sequantur indolem rerum, quarum sunt species. Igitur ut in rebus singularibus & sensibilibus continetur & latet ipsa natura & essentia universalis: ita & in phantasmatibus rerum singularium latet species aut imago naturæ universalis. E. g. Ut in Socrate & Petro continetur natura humana sub accidentibus singularibus: Sic in phantasmatibus aut speciebus Socratis & Petri latet species naturæ humanæ. In memoriâ itaq; simul cum speciebus sensibilibus particularibus stat universale, commune istis particularibus, quod in unum collectum & sub no-

tione universalis à ratione apprehensum fit principium scientiæ aut artis. Ne nunc repetamus, etiam sensum in actu, circumstantiis circumsepto, recipere primum speciem quandam confusam & indeterminatam. Prius enim illi color indistinctè occurrit, quàm hic vel ille determinatè. Quod & Algazel lib: 2 Optic: c. 19 his verbis observat: *Et significatio, quod ejus comprehendit colorem in eo, quod est color, antequam comprehendat, cujusmodi sit ratio coloris est; quia visibilia, quorum colores sunt fortes, sicut viriditas profunda, & fuscitas, & similes, quando fuerint in obscuro valde loco, non comprehenduntur à visu in illo loco, nisi quasi colores tantum; tamen sentit, quod sint colores, & non distinguit, cujusmodi sint colores in principio comprehensionis. Et quando locus non fuerit valde obscurus, & visus multum intueatur, comprehendit visus, cujusmodi sint colores: aut si lux augmentetur, & intendatur in loco illo. Declarabitur ergò existà experimentatione, quod visus comprehendit colorem in eo, quod est color, antequam comprehendat, cujusmodi sit coloris; & illud, quod comprehendit visus ex colore in principio sui perventus ad visum, est coloratio, & coloratio est quasi obscuritas, aut umbra, quando color fuerit subtilis.* Jam autem color indeterminatus, ad album & nigrum relatus, generis vicè subit, adeoque universalis obtinet rationem. Est tamen commune illud & indeterminatum, quod sensus prius percipit, non commune in se ipso, sed in individuo, id est, ferit sensum prius in singulari res magis communis, quàm ea, quæ minus est communis. Velut in pomo hoc color prius indistinctè visui occurrit, quàm flavus aut rubicundus, & corpus hoc prius videtur, quàm hoc vivum; hocque animal prius, quàm hic homo.

XV. Dices secundo, sed quomodo intelligendum est, quod Philosophus docet lib: 1 Post: c. 3, §. 4, nempe esse prius-

principium aliquod scientia, quo res ipsis, terminos cognoscamus. Videtur enim his verbis innuere, quod principia à nobis cognoscantur ex simplici terminorum apprehensione. Quod etiam experienciâ constare videtur. Simul ac enim quispiam cognoscit, quid totum, quid pars, quid majus, quid minus sit, cognoscit quoque verum esse hoc principium, quod totum sit majus suâ parte. Non videtur ergo, ad minimum non semper, necessaria esse ad cognitionem principiorum cognitio experimentalis. Ex quo & Galenus lib. de aliment. facult. c. 1 duos videtur agnovisse modos principia cognoscendi, videlicet per *sensum*, & *notionem terminorum*, ex quibus principia sunt conflata. Sic enim ille isto loco scribit : *Τῶν ἀποδείξεων ἀρχαὶ διτταὶ κατὰ γένος εἶσιν, ἢ γὰρ ἐξ ἀποδείξεως, ἢ ἐκ νόσεως ἐναργῆς ἀποδείξις τε καὶ νῆσις ἀρχεται πάντα, Duo sunt genera principiorum demonstrationis. Vel enim à sensu, vel à notione evidenti demonstratio omnis ac fides proficiscitur.* Ex lib. 1 de medicam. simplicibus facult. c. 37 : *Πάντης εὐρίσκεσθαι τε καὶ ἀποδείξεως ἀρχαὶ τὰ πρὸς ἀποδείξιν τε καὶ νόστον εἶναι ἐναργῆ, Omnis inventionis demonstrationis quoque principia sunt, quae sensui atque intellectui evidenter sunt.* Verum unde scimus, quod hoc sit totum, illud pars, nisi ex inductione, quæ nititur sensu? requireretur ergo ad minimum ad apprehensionem terminorum in principiis cognitio sensus. Sed tamen non ad hoc solū, ut terminos apprehendamus, ex quibus constat propositio, sed & ut propositioni ipsi assentiamur, ut sciamus totum esse majus qualibet sui parte. Quis enim secum ipse experitur, quod tum demum huic & similibus propositionibus plenè præbeat assensum, quando experienciâ & inductione earum veritatem cognovit. Et hoc ipsum Aristotelem quoque sibi velle satis apparet ex ijs, quæ superius ex ipso citavimus, videlicet ex 1 Prior. 30 & 2 Post. c. ult. Neque contrarium docet 1 Post. c. 3.

Illic enim non dicit principia cognosci terminorum notitiâ: sed esse habitum quendam scientiâ priorem, quo terminos, id est, *principia* cognoscimus, quem *18.* aliâs vocat 6 Ethic. c. 6 & 2 Post. ult. contra antiquos, qui putabant nihil sciri, quàm per demonstrationem, atque ita tollebant scientiam propter progressum in infinitum.

XVI. Hoc interim lubentes concedimus, quædam principia ad eò clara & evidentia esse, ut licet sensu & experientiâ discantur, tamen non tot, ut alia, indigeant experimentis. Vt hoc ipsum: Totum esse maius quavis sua parte, & illa impossibile est esse idem simul & non esse, Quodlibet est vel non est, quæque sunt id genus alia communia effata. Ratio est, quia *objectum talium est pluribus sensibus commune*. Unde multis sensibus à primâ juventute etiâ aliud agentes tali i principia discimus, ut non animadvertamus, quando ea nesciverimus, aut quando coeperimus scire. At secus se res habet in ijs, quæ *uno tantum sensu* observari possunt, ut pleraque in Physicis, multa item in Politicis, & ob id magis hæc videntur experientiâ observari, illa minus, aut minimè. Unde & Aristoteles in 6 Ethic. c. 8 dicit, quod juvenes Mathematici quidem fieri possint, Physici autem, prudentes & sapientes non item, propterea quod ad hoc experientia requiratur, ista autem per se nota & perspicua sint; non quasi Mathematica nullâ prorsus indigeant experientiâ; sed quod tam longâ experientiâ opus non habeant ac cætera ista. Verba Aristotelis, Latinitate donata, hæc sunt: *Juvenes quidem, Geometra & Mathematici sunt, & in talibus sapientes: prudens verò nemo ipsorum videtur fieri: Cujus causa est, quod rerum singularem prudentia est, quæ sunt notæ per experientiam. Juvenis verò rerum experientiam non habet. Longum enim tempus experientiam efficit. Quæ & causa est, cur Mathematicus*

neque juvenis fieri queat, sapiens verò & Physicus non queat.
Illæ enim abstractione constant; horum autem principia ab ex-
perientia sunt: & hæc non credunt juvenes, sed dicunt; illor-
um verò quod sit unumquodq; non est obscurum. Neq; ali-
 ena ab his esse videntur, quæ alibi idem Philosophus inculcat,
 quando significat, universale aliquando fieri ex pluribus singu-
 laribus, aliquando verò ex uno tantum, velut in 1 Post. c. 3 1.
 & 2 Post. c. 2. In nonnullis enim singulare unum tantum ha-
 bet vim & claritatem, ut statim intellectus, ipso cognito, intel-
 ligat ita se rem habere in omnibus. Veluti si tantum oculi va-
 lerent, quo exemplo Aristoteles priore loco utitur, ut mini-
 mos vitri meatus transmissumq; per illos lumen cernere pos-
 sent, id nobis apertissimum esset, quare luceat vitrum. Viden-
 tes enim in aliquo vitro ita se rem habere, communem notio-
 nem statim efficeremus, esse omnium eandem rationem. Ex
 quo notum est & illud inductionis genus, quo ex unâ singula-
 ri specie rectè infertur universale aut genus verum, non qui-
 dem forma ratione; sed τῇ ἀνάγκῃ sive materia necessitate.
 Qualis inductio est apud Aristotelem 2 de cælo c. 11, ubi astra
 Sphærica figura esse probat ex eo, quia unum astrum, Luna, sit
 Sphæricæ figuræ, quod demonstrat per incrementum & decre-
 mentum Luna in orbem. Concludit enim: ὅτι ἀπὸ τοῦ ἐν
 τοῖς τοῖς, δηλονότι, καὶ τὰ ἄλλα ἀνὰ τὴν σφαίρειδ᾽, Quare si hoc est
 tale, manifestum est, quod & reliqua Sphærica sint figura.
 Ita cum commune sit pluribus animalibus habere cor & in avi-
 bus observemus ipsum primò produci, meritò idem fieri intel-
 ligitur & in animalibus, quæ corde sunt instructa, cum natura in
 ejusmodi rebus soleat esse simplex & uniformis.

XVII. Ceterùm quævis principiorum cognitionem
 statuamus acquiri experientia, non tamen ideò existimamus
 experientiam esse causam illius propriè dictam, quemadmo-
 dum

dum intellectus, qui est habitualis principiorum notitia, causa est cognitionis conclusionum, quæ ex principiis deducuntur. Causæ enim per se connexæ sunt cum iis, quorum sunt causæ. Principiis autem per se non inest, manifestari experientiâ, sed per accidens cum iis cohærent, quatenus scilicet illa in ac per se spectantur. Et jam pridem monuimus, principia demonstrationum naturalium, quatenus in se spectantur, per experientiam sive sensum non fieri manifestiora, sed nobis tantum patefieri, quæ clarissima sunt lumine proprio intellectus. Neq; enim ita se habent principia atq; effecta, ut ad sui cognitionem alterius rei notitiam prærequirant, quæ ab ipsis sit diversa: sed quemadmodum per se consistunt, sic & *per se* cognoscuntur, sunt ἐξ ἐαυτῶν ἐμφανῆ καὶ γνωστά, ut habet Ocellus Lucanus de naturâ universi c. 1. modò intellectui nostro, cæcutienti quippe, rectè proponantur, quod sit per ipsam experientiam & inductionem. Quapropter ut cum oculo cæcutienti collyrijs quibusdam valetudo restituitur, non efficitur quidem, ut lux aptissima sit, quæ per se cernatur, (nam id à naturâ habet) sed oculus solùm ad eam cernendam idoneus redditur: & cum gustui malè affecto ac vinum, quod dulce est, amarum judicanti, morbus aufertur, hoc ipso non efficitur dulcedo in vino, sed tantùm impedimentum tollitur, quod impediēbat, quo minus gustus rectè judicabat: Sic istæ per sensus illationes non præstant quidem, ut principia fiant per se cognoscibilia (id enim habent ex suâ naturâ); sed menti cæcutienti atqve incitiæ morbo laboranti, quasi lumen suum restitunt morbumq; expellunt, ut jam quod per se & naturâ suâ notum est, clarè queat intueri. Quâ de causâ Græci Interpretes sensum & experientiam vocant πρόφασιν *occasionem* cognitionis principiorum, sive δύναμιν ψυχικὴν ἐπιχωρηγεῖσθαι ἡμῖν ἀφορμὰς πρὸς γνῶσιν αὐτῶν *facultatem animæ, quæ occasionem nobis præbeat*

præbeant ad illorum cognitionem, ut loquitur Philoponus in 2. Post: c. ult. Cui consentit & Eustratius, qui in comm. ad eundem locum experientiam vocat δύναμιν ἡμῶν γνώσεσθαι, ἐξ ἧς πρόφασις ἡμῶν τῶν ἀρχῶν γνώσεως γίνεται. ὃ μὲν τοῦτο αὐτὴν, ὥστε εἶναι ἡμῶν τέρπον αὐτὴν καὶ ἀρετὴν τῆς τῶν ἀρχῶν γνώσεως, facultatem quādam cognoscitivam, ex qua occasio nobis ad principiorum cognitionem acquirendam nascitur, non tamen tam perfectam & accuratam, ut de dignitate cum cognitione principiorum certare possit. Deniq; eandem ob causam quoq; Clemens Alexandrinus in 2. Stromatum, cum quatuor recensisset, in quibus verum consistit, sensum, intelligentiam, scientiam & opinionem, addit, intelligentiam quidem, quæ principiorum cognitio est, naturā primam esse; sensum autem nobis aut ad nos relatum. φῶσδ' μὲν αὖτ', πρῶτον ὁ νόος ἡμῶν δὲ καὶ πρὸς ἡμᾶς ἡ αἰσθησις. Sed & pertinet huc locus Galeni, qui occurrit lib: de optimā sectā ad Trasybulum. Ait enim sensui nota esse quidem principium τῆς εὐρίσκεσθαι τῶν θεωρημάτων, inventionis preceptorum, sed non principium ipsius artis, perinde ut leporis vestigia principia quidem sunt inveniendi leporis, ast non leporis ipsius. Verba ex parte dedimus jam supra lib: c. IV.

XIX. Atque hinc simul apparet, rectè dictum esse ab Aristotele 1. Post: c. 13 §. 12, quod de principiis disceptatio subeunda non sit Geometra, quā est Geometra, similiter q; se rem habere & in aliis scientiis. Quod & repetit lib: 1. Phys: c. 2. t. 8 his verbis: Quemadmodum Geometra non est disputare adversus eum, qui Geometra principia evertit: ita nec ei, qui de principiis Physicis agit, est disputare adversus negantem illa. Cum enim propria, cuiusq; scientiæ principia demonstrari non possint, sicut & 1. Post: c. 9 §. 4 traditur, sed experientiam acquirantur, non cadunt illa sub objectum scientiæ istius, cuius sūt principia, adeoq; nec docentur ab eo, qui illā proficitur, sed

in discēte præsūponuntur, antequam ille ad penetralia scientiæ istius admittatur. Indicantur quidem illa à docente in principio scientiæ & manifestantur inductione, verū aliud ἡδὲξαι est, *ostensio, indicatio*: aliud ἀποδίδειν, in quā doctrina propriè dicta consistit. Hæc ex prioribus procedit, adeoq; eorum propriè est, quæ à prioribus pendent. Illa autem etiam eorum, quæ prima sunt in aliquā scientiā, adeoq; prius se nihil admittunt, sed per naturam suam ita sunt comparata, ut experientiā ament inveniri. Ex quo & Aristoteles alibi μαθεῖν καὶ εὑρίσκειν, *discere & invenire* disjunctim tribuit intellectui, videlicet lib. 3 de Anima c. 4 r. 8. Ad quem locum Philoponus scribit: πάντα ἐπιστήμη ἢ μαθήσας ἢ εὐρήσας καταλαμβάνεται, *Omnis scientia vel institutione, vel inventione comparatur*, illud intelligens de scientiā ἀποδείκνυσι, quæ per syllogismū & *demonstrationem* acquiritur: hoc de scientiā ἀναποδείκτω, ut eam appellat Aristoteles 1 Post. c. 3, quæ *sine demonstratione* obtinetur & dividitur εἰς τὴν τῶν ἀμείνων προτάσεων ὑπόληψιν καὶ εἰς τὴν τῶν κοινῶν ἐννοιῶν γνῶσιν, *in notitiam immediatarum propositionum & communium notionum*, prout in h. l. iterum Philoponus observat. Et hæc causa est, cur Proclus eam scientiam, quæ principiorum est, vocet πρώτην, *primam*, alteram autem μετ' ἐκείνην, quæ sit *post illam* lib. 1 Theol. c. 26. πρώτην enim dum illam vocat, innuit, quod principia doceri non possint, cum *omnis doctrina & disciplina ex precedente fiant cognitione*, lib. 1 Post. c. 1 & quidem eā, quæ pertinet ad intellectum. Ex sensibus enim non docetur aliquid propriè, sed declaratur solum & manifestatur. Passim quoq; ex eodem capite Aristoteles dicit, principia scientiarum *non disci in scientiis, sed præsirci*. Quemadmodum illum, inquit 1 Met. 7. qui Geometriam discit, aliqua quidem præsirci contingit, quo-

quorum verò illa scientia est, & quæ docendus est, nihil præscit, ita & inceteris. Quenam autem sunt illa, quæ discens Geometriam præscit? Sine dubio *principia*, vide 1. Post. c. 1. Principia ergò non discuntur, sed præsciuntur; idque per *experientiam*, cuius proprium est cuiusq; *principia manifestare* lib. 1. Prior. c. 30 §. 3: aut *inductionem*, quæ experientiâ nititur. Hæc enim nihil aliud est, quàm ἐπαγωγή ἀπὸ τῶν καὶ ἐκείνων εἰς τὸ καθόλου, *progressus à singularibus ad universale*, 3. Topic. c. 1. Unde & inductionem vocat Philosophus συλλογισμὸν τῆς πρώτης καὶ ἀμέσως προάγειας, *sylogismum primæ & immediata propositionis*, 2. Prior. c. 23 §. 5. Deniq; ex praxi seu consuetudine ejus satis apparet, inductionem ipsum pro organo agnovisse principiorum manifestandorum. Veluti in 1. Phys. c. 2. postquam constituisset principium hoc, *eorum, quæ naturâ constant, aut omnia, aut pleraq; moveri*, addit: Δῆλον δὲ ἐκ τῆς ἐπαγωγῆς, *manifestum autem hoc est inductione*. Et in 2. Ethic. c. 1. per inductionem declarat, *nihil eorum, quæ naturâ constant, aliter assuefieri posse*.

XX. In alijs tamen scientijs nihil prohibet, quo minus etiam demonstrantur principia scientiæ alicujus. Velut principia scientiarum subalternatarum demonstrantur in scientijs superioribus, quibus illæ sunt subalternatæ. v. gr. principia scientiæ Opticæ in Geometriâ, & Musicæ in Arithmeticâ. Omnium autem scientiarum principia demonstrantur in ea, quæ omnium *prima* est, qualis est, Metaphysica seu sapientia absolute sic dicta. Quamvis enim principia cuiusq; particularis scientiæ sint prima in suo genere, non tamen sunt ἀπλῶς sive simpliciter prima, sed ut objectum illarum reducitur ad primum ens, quod ἀπλῶς, sive κυρίως καὶ μάλιστα primariò & maximè ens atque simul objectum est sapientiæ simpliciter sic dictæ: sic & principia earum revocantur ad principia hu-

jus, indeq; omne suum accipiunt robur & valorem. Nam & aliàs ad Sapientem in certo genere spectat rationem ejus nosse, cujus τὸ ὅλν solum alij habent perspectum. Veluti datur sapientia aliqua etiam circa artes. Nihil enim frequentius apud veteres est, quàm ut σοφοί, sapientes, dicantur, qui in arte aliqua maximè excellunt, quomodo *Phidias sapiens sculptor*, & *Polycletus sapiens statuarius* vocatur, teste Aristotele lib. 6 Ethic: & 3 Eudem: 7. Sed & Homerus ναυπηγὸν seu *fabrum peritum* describens Iliad: οὐ πᾶσαν ei tribuit σοφίαν. Cumq; Margitem suum in carmine ejus nominis nullius artis peritum significare vellet, ita hoc expressisse traditur:

Τὸν δὲ γὰρ ἀρ σκαπτῆρα θεοὶ θέσαν, γὰρ ἀποτῆρα
γὰρ ἄλλως τε σοφὸν πάσης δὲ ἡμάρθανε τέχνης,

*Hic neq; fossor erat, nec arator munere divum,
Nec sapiens ullâ in re aliâ.*

Hesiodus insuper cum innuere vellet se nauticæ rei prorsus ignarum esse: γὰρ ἔ, inquit, ναυλὴν σκαπτομένην. Plato quoq; in Theage sapientis gubernatoris, auriga, Medici, Musici injicit mentionem. Deniq; & Xenophon lib. 1 Memorabil: Socratis sapientiam in pangendis carminibus epicus Homero, in dithyrambo Melanippidi, in tragædia Sophocli, in statuaria Polycleto, in pictura Zeuxi tribuit. Cur autem hi & similes sapientes nuncupati? Ideo scilicet quod non solum modum operandi tenerent, sed & causas ejus reddere nossent. Ex quo & Plato in Theæteto σοφίαν γὰρ διαφέρειν τῆς ἐπιστήμης, sapientiam nihil differre à scientiâ scribit, quæ est cognitio rei per causas. Nempe qui scientiam habet, quam de artibus esse ostendimus lib. I. c. XVI, is σοφὸς circa illas appellatur. Habet enim accuratè perspectas causas eorum, quorum τὸ ὅλν tantum tenent
ar-

artifices vulgares. Exempli gratia, in fabili & adificatoriâ arte (utimur verbis Eustratii ad 6 Ethic: 7. ex translatione Joan. Bernardi Feliciani) perpendiculum est, & rubrica, & rectangulum trigonum, quod alpha seu alphadium à Græcis à litera A similitudine, amussis à Latinis nominatur. Ac perpendiculo quidem utitur adificator, id quod tantum de eo cognoscit, certum quod apud se habet, videlicet edoctus experientia, ad recta erigenda adificia id instrumentum per quod esse accommodatum; quæ autem causa sit, cur funiculus annexum plumbum demittens ad dirigendos parietes conducat, illud verò, quæ tenus scilicet artifex ejusmodi est, ignorat. Sed sapiens, subintelligit circa artem architectonicam, hujusce rei causâ redditâ, cur perpendiculi ea vis sit, principium adificatrici artis constituit, at quod ob id, ut ars ipsa quoque constituatur, est auctor. Nam quia plumbum è funiculo dependens grave corpus est, gravia autem corpora ad universi centrum tendunt ac feruntur, efficitur, ut funiculus quoque, cui annexum plumbum est, ad rectos angulos deferatur. At quod ita fit, ut adificatoria, funiculi directionem sequuta, rectos parietes extruat. De rubricâ item rationem refert sapiens. Nam cum ab utriusque ligni extremis capitibus recta porrecta fuerit, est in causa, ut deiractis supervacuis partibus, quæ obliquitatem faciebant, lignum dirigatur: recta siquidem linea id acceptum referri debet, cujus applicatione directio illa effecta est. Simili modo quoque, amussis columnis in altum erectis appositâ in causa est, ut recta collatione constituentur: propterea quod recta linea, ad rectum angulum efficiendum, ad perpendiculum ducitur. At quod ita fit, ut sapientia cum rationes & regulas unicuique arti exhibeat, ut ipsa quoque, artes sint, causa exiiterit. Quemadmodum verò ea, quæ quoquo modo & secundum quid dicitur sapientia, nempe circa artes rationes & causas affert eorum, quæ spectant ad ar-

tes atq; principium sunt illarum: ita sapientia primò & absolute sic dicta rationes affert principiorum propriorum, quæ in omnibus scientiis locum habent. Ipsa enim prima rerum omnium principia expendit, veluti primas definitiones, hypotheses, axiomata, à quibus reliqua omnia principia suâ habent firmitatem, ut si demonstrari debeant, non possit nisi ex illis ipsis demonstratio duci. In Geometria inter alia principia & hoc reperitur, quo *totum* dicitur *esse majus suâ parte*. Hoc principium Geometra ut certum præsupponit, adversus negantem autem illud probari non potest, nisi per definitionem terminorû, ex quibus illud constat, nempe majoris & totius, in subsidium una vocatis primis axiomatibus, quorum omnium considerationem sibi vendicat Philosophia prima. Nempe principiò definiendum *totum* majus, quippe quod prædicatû est in istâ propositione. Dicitur *a. majus* esse id, *quod tantû est, quâ-
tum alterum, cum quo comparatur, atq; insuper excedit illud*. Ex quo in promptu est sic concludere: Quod tantum est quantum singulæ ejus partes atq; insuper excedit illas, id majus est singulis partibus. Totum tantum est, quantum singulæ partes atq; insuper excedit illas. E. Quod si quis minorem in dubium vocet, probari ea rursus potest ex *definitione subiecti*, videlicet *totius*, quæ hæc est: *Totum est unum, quod continet plura* (nempe ipsius partes) *quæ ita continentur, ut ex iis sit unum aliquod tale*. In hac enim significatione usurpat Geometra vocabulum totius, cujus alias plures sunt significationes, ceu patet ex 3 Met: 26. Inde ergò sic inferri potest: Unum, quod continet plura, tantum est, quantum singula hæc atque insuper excedit illa. Totum est unum, quod continet plura, scilicet partes. E. Totum tantum est, quantum sunt singulæ partes, atq; de cætero & excedit seu superat illas. Quod si quis in his syllogismis, concessis præmissis

sis, neget conclusionem, sumi potest conclusionis contradi-
 ctoria, eique adjectâ alterutrâ præmissarum inferi, conclusio
 a teri præmissarum è diametro repugnans atque hinc colligi,
 aut conclusionem illatam antè veram esse, aut duo contradi-
 ctoria esse simul vera, quod impossibile est, juxta primū, quod
 in Philosophiâ primâ occurrit, axioma. Respicit huc Phi-
 losophus lib: 1 Physic: c. 2, t: 8, cum ait *principia Geometria,*
 aut alterius cujusdam scientiæ, confirmare non esse ipsius illius
scientiæ, sed ἡτοι ἑτέρας, ἢ πασῶν κοινῆς, *vel alius*, superioris
 scilicet, cui altera illa subjicitur aut subalternatur, *vel omni-*
um communis, hoc est Metaphysicæ. Quibus gemina habet
 etiam 1 Post: c. 9 §. 3. &c. 11 §. 7. Sunt nonnulla principia,
 ait Eustratius loco citato, quæ licet probatione aliquâ indige-
 ant, non necessariò tamen ab iis, qui in unaquaq; scientiâ peri-
 ti sunt, ratione nullâ comprobantur, sed perinde ac concessa su-
 muntur, eoque illis ita sumptis, quæ ad unamquamq; scien-
 tiam spectant, demonstrari consueverunt. ὁ δὲ σοφός, pergit,
 ἀκριβέστερον ὢν αὐτῶν κατὰ γνῶσιν, καὶ τῶν τῆς λόγου ἀποδιδώσειν
 εἰπε δεύσης, *At sapiens cum reliquis omnibus accuratè cogniti-*
one antecellat, horum etiam principiorum, si opus sit, assignat
rationes. Id quod non multò post exemplo declarat. Ita
 Geometra, inquit, ubi puncti, linea, superficiæ, corporis defi-
 nitiones admisit, nihil amplius de ipsis inquiri: sed ipsis quæ-
 si principii usus reliqua postea demonstrat. Tres siquidem
 distantia seu dimensiones sumit, longitudinem, latitudinem &
 profunditatem, ex quibus corpus: duas item, longitudinem
 & latitudinem, ex quibus superficies constituitur. tum unam
 tantummodò, longitudinem scilicet latitudine carentem, quæ
 est linea, cujus terminus ab utraq; parte punctus est, qui in-
 dividibilis esse definitur. Sapiens verò primum tria tantum-
 modò esse intervalla, tresq; dimensiones demonstrat, perfe-

ctam

Et atq; eam esse magnitudinem, quæ tres huiusmodi dimensiones seu distantias admittit. Deinde evidens pronunciatum in hunc modum sumis: Quod terminat aliquid, eo, quod terminatur, simplicius est: atque ideo fit ut omne, quod terminat, ab eo, quod terminatur, una dimensione deficiat. Quæ enim fieri potest, ut terminus vel rei terminata sit in dimensione æqualis, vel plures re terminatâ dimensiones habeat? Atque ita demonstrat, superficiem, quia corporis terminus est, una ab eo dimensione deficere, ut, quoniam corpus in tres porrigitur distantias, superficies duabus tantum, longitudine & latitudine constituatur. Simili modo lineam propterea, quod superficiem terminat, ab eâ unâ dimensione deficere, ut uno tantum intervallo præditam evadere eam necesse sit. At punctum cum lineæ terminus sit, quæ in unam tantum dimensionem porrigitur, omni prorsus carere intervallo, omniq; distantia. Atque ad hunc modum omnes magnitudinem, punctiq; definitiones recte sese habere ostendit. Tandem concludit Eustratius: Sicut verò in his principia haberi à sapientiâ conspiciuntur: ita in reliquis quoq; & artibus & scientiis, si quis diligenter consideret, principiorum reperiet sapientiam esse in ventricem. Atque & hæc una ex causis est, licet non potissima, quam tetigimus lib. 1 c. XIII. n. 18, ob quam illa dicitur *Philosophia prima* 1 Phys. t. 83. lib. 1 de Gen. & Corr. t. 14. lib. de Anim. motu c. 6 & 6 Met. 1. item *Philosophia absolute* 2 Phys. t. 24 1 de Animâ: 264 Met. 2 & 3 & lib. 11 (13) c. 1 & 4. Porro scientiarum omnium *ἀρχή* & *ἀρχικωτάτη* 1 Met. 2, nec non *Domina* 1 Post. 9 d. 5. Denique & capitis rationem in ijs ob eandem causam habere dicitur 6 Ethic. 7. Ad quæ verba Eustratius rursum: *Διὰ τὸ κεφαλῆς λόγον ἐν ταῖς ἐπισήμαις ἐπὶ τῇ (σοφίᾳ), ὅτι ἐπισήμη τῶν τιμιωτάτων ἐστὶ. Τιμιωτάτου δὲ αἱ ἀρχαί. εἰ γὰρ ἄλλη αὐτῶν παρὰ ταῖς ἐπισήμαις συμπεράσματος, πῶς ἔτι ἂν εἴεν τὰ ἐν ταῖς ἐπισήμαις ἀμύ-*

μὴ τὰς κεφαλὰς τοίνυν αἱ ἀρχαὶ τῶν ἐν ταῖς ἐπισήμαις θεωρημένων, κε-
 φαλή δὲ ἡ καὶ σοφία τῶν ἐπιστημῶν ἢ ταύτας χορηγεῖσα ταῖς ἐπισήμαις. ἢ
 εἰ βούλοιο τις ρητέον καὶ ὅτι τὸ κεφαλαιον ἔχουσα, ὅτι αἱ ἐπισήμαι μὴ
 εἰ οὐκ ἔχουσι τὰς ἀρχάς, ἀλλ' ἐκ τῆς σοφίας χορηγούμεναι, φησὶν αὖ τὸ
 τὴν ἐνέργειαν καὶ ἀκέραιοι. ἡ δὲ σοφία ἐπεὶ αὐτοτελής καὶ ἐξ ἑαυτῆς ἔχει
 τὰς ἀρχάς, διὰ τῆτο καὶ ἐπιστήμη λέγεται μετὰ κεφαλῆς, *Idcirco ca-*
pitis vicem in scientiis obtinet sapientia, quia scientia est re-
rum praeantissimarum. Praeantissima siquidem sunt prin-
cipia. Si enim sunt causae eorum, quae concluduntur in scienti-
is, quomodo non sunt praeantiora atq; honoratiora in illis?
Principia igitur sunt capita eorum, quae in scientiis consideran-
zur. Sapientia verò, quae scientiis principia suppeditat, me-
rito scientiarum etiam ipsa caput ducitur. Nisi forte quis eti-
am idcirco eam caput habentem scientiam vocari velit, quod cum
scientia reliqua non ex sese habeant principia, sed à sapientia
accipiant, jure illa decapitata sive capite carentes appellari
queant; sapientia autem cum integra sit & perfecta, habe-
atq; ex se principia, capitata sit, quasi habens caput, quae
principia ipsa sunt.

XXI. Deniq; non parum etiam confert ad munienda
 principia scientiarum Dialectica facultas. Quamvis enim
 Dialecticæ probationes demonstrationes non sint, utiles tamē
 sunt ad redarguendos contradicentes, cum ex iis, quæ ab ipsis
 conceduntur, sumantur, atq; quandam principiis inferant lu-
 cem. Ut enim lignum fissile, modò non transversum feriatu-
 r, facile finditur: sic & facile principiorum istorum, quæ
 suâ naturâ clara sunt, veritas in apicem producitur, si vel leve
 nis argumentum adhibeatur. Unde Aristoteles expressè inter
 alias Dialecticæ utilitates & hanc numerat, quod conducatur
 ad principia scientiarum, scilicet probanda adversus contradi-
 centes 1 Topic. c. 2 §. 6. Et Simplicius ad 1 Phys: 2, expen-
 dens verba Aristotelis, quibus pronunciat ad eum, qui Geo-

metræ aut Physicæ principia destruit, sermonem facere non
 ipsius Geometriæ esse aut Physicæ, sed alterius potius scientiæ
 hoc munus esse, aut facultatis omnium communis, subdit:
 οἷα ἐστὶν ἡ διαλεκτικὴ, *qualis est Dialectica. Hec enim est omni-*
bus scientijs communis 1 Post: 11 §.6. Habet autem hujus-
 modi usum Dialectica non solum in principiis reliquarum sci-
 entiarum, sed & ipsius scientiæ primæ sive sapientiæ. Ait enim
 discretè Aristoteles loco paulò ante ex Topicis citato, quod Dia-
 lectica utilis sit πρὸς τὰ πρῶτα τῶν περὶ ἐκείνην ἐπισήμων ἀρχῶν, *ad*
prima cuiusq; scientiæ principia. Si autem ad prima cuiusq;
 utiq; & ad prima ipsius, quippe quæ & ipsa scientia est, sapientiæ,
 nequidem exceptis *ipsis primis axiomatibus*, ut rectè ipse
 Alexander in commentario observat. Quamvis enim Dialectica
 ἐξ ἐνδόξων, sive ex *probabilibus* concludat, magis autem pro-
 babile quidpiam non sit, quàm ipsum primum est axioma,
Impossibile est idem simul esse & non esse, quippe quod ut evi-
 dentissimum est, ita & inter omnia ἐνδόξα primum, adeoq; ex
 ijs, quæ magis sint ἐνδόξα, probari haud possit, potest tamen
 confirmari elencho seu Syllogismo tali, quo adversarius, illud
 neganse, x proprio ore redarguatur & vanitatis vincatur.
 Hujusmodi enim demonstratione ipse Aristoteles satis proli-
 xè hoc principium asserit 4 Met: 4. At elenchus, qui ex com-
 munitibus & ἐνδόξοις sumitur, pertinet ad *Dialecticam*, in quâ
 idem Philosophus rationem ejus exactè descripsit. Vid: ipse
 lib: Soph. Elench: c. octavo & nono, in cuius §. 3 & 4 discretè
 ait *elenchum, qui ex communibus sumitur, nec sub ullam ar-*
tem sive scientiam cadit, ad Dialecticam spectare. Quamvis
 enim hujusmodi elenchus demonstrationis appellatione non-
 nunquam veniat, non tamen est demonstratio κυρίως sive pro-
 priè sic dicta, quoniam procedit non ἐκ τῶν ὑπαρχόντων, ex qui-
 bus concludit Syllogismus ἐπισημονικός s. ad scientiâ compara-
 tus,

tus, qui cum *demonstrativo* idem est, sed ἐκ τῶν δοκούντων, *ex*
is, quæ videntur, & quidem illi, qui redarguitur. Ex quo
 & aperte rursus Aristoteles 4 Met. 4 aliud dicit esse τὸ ἀπο-
 δέξαι, *demonstrare*, aliud ἐλεγχτικῶς ἀποδέξαι, *redarguendo de-*
monstrare. Lib: 13 autem Metaph: (11) c. 5. huiusmodi
 demonstrationem vocat ἀποδέξιν πρὸς τόνδε, *demonstrationē*
ad hunc & illum. Vulgò autem καὶ ἀντιφωνον ἀποδέξιος appel-
 latur. *Discremen* est, ait Alexander ad 4 Met. occupatus in
 ostendendo, quomodo primum istud, quod ante recitavi-
 mus, axioma probari possit, inter demonstrationem redargu-
 entem simplicemq̃. Nam qui simpliciter demonstrat, is ali-
 qua sumit, quæ priora & notiora sunt eo, quod demonstratur,
 & sic propositum conatur demonstrare. At nihil neq̃ prius,
 neq̃ notius accipi potest hoc ipso principio, ut facile intelli-
 gatur ipsum demonstrari non posse. Præterea, qui ex se sumit &
 ponit quamlibet rem id esse, quod ipse nominat, aut non esse,
 principiū, sive potius τὸ ἐν ἀρχῇ, id, quod in principio quæsitum
 est, petere videtur & quod quæritur assumere. De hoc enim
 quæstio est. Redargutio tamen, quoniam ad alterum convin-
 cendum pertinet & exijs probat, quæ adversarius ponit (est
 enim redargutio Syllogismus in contradictionē per interroga-
 tionem adigens) idcirco effici per talia potest. Huiusmodi
 enim argumentatio non colligit ex primis, neq̃ principium ex
 se sumere quisquam videri debet, si adversarius rem omnem
 id esse, quod esse dicitur, vel non esse concesserit. Huius enim
 causa is est, qui ex se nota demonstrare possit, quiq̃ hac in-
 vitus concedere cogitur, quæ si demonstrator sponte sua posuis-
 set, principium petere fuisset visus. Nam, ut Theophrastus in
 libro de affirmatione auctor est, huius sententia, ἀξιωματικὴ,
 demonstratio violenta est & præter naturam. Sed sufficiant
 hæc etiam de quæstione illa.

CAPUT IV.

De

Scientiâ An sit.

I.

Expedivimus hæcenus, quæ ad enodationem & explicationem questionum compositarum in scientiis occurrentium spectant. Restat, ut simplices quoque excutiamus, videlicet questionem *an sit & quid sit*. Et de priore quidem, ut quid sentiendum sit, constet, repetendum est ex lib. de interp. c. 7 §. 1 quod rerum alia sint universales, alia singulares: atque eusdem ex aliis locis, quod ex utrisque alia substantiarum, alia accidentium habeant rationem. Quod igitur accidentia singularia attinet, ea manifestum est, an sint, non nisi sensu posse cognosci. Illa namque ipsa per se sunt sensuum objectum. Veluti hoc dulce, hoc album, hoc calidum, hoc odoriferum, hoc sonorum &c. Quamvis enim hæc semper sint conjuncta cum subjecto aliquo sive substantia, substantia tamen ipsa per se non incurrit in sensum, sed per accidens solum, quatenus scilicet illa vestita est accidentibus ejusmodi, qualia diximus, aut similibus aliis. Unde Aristoteles lib. 2 de Animâ t. 65: *Ex accidenti, inquit, sensibile dicitur. Veluti si album sit Diari filius. Ex accidenti enim hoc sentimus, quoniam albo, quod sentimus, hoc accidit.* Statim itaque quocumque proposito singulari accidente, cujus notitia desideratur, videndum est, quoniam in genere sensibilium contineatur. Si enim sub aliqua coloris specie comprehendatur, iudex eius non potest constitui nisi visus: si sit vox aliqua aut concentus vel harmonia, aut denique alius sonus, iudicium petendum est ab auditu: si sit aliqua qualitarum tactiliū, tactus consulendus est, & sic deinceps. Neque enim talia egent demonstratione, sed sola ostension-

offensione sunt contenta. Quod si autem non sint propria uni
sensui, sed pluribus *communis*, iudicium pluribus istis est com-
mittendum, veluti figura & magnitudo visui & tactui, motus
autem omnibus. Moveri enim aliquem non solum visu &
tactu cognoscimus, sed & audimus, licet non per se, sed per
strepitum. Sed & olfactu motum, aliquarum saltem rerum,
possumus dijudicare, nempe eorum sensibilibium, quæ ad olfas-
tum spectant, veluti accessum & recessum mosci aut pomi.
Deniq; & gustus rem gustatam super linguam moveri sentit.
Non minus verò & numerū, saltem suorum sensibilibium, unus-
quisq; sensus dignoscit. Vid: Aristoteles lib. 2 de Animā c:
6 & Galenus lib: 7 de placit: Hippocratis & Platonis. Acci-
dentia autē *universalis*, an sint, cognoscuntur ex *ipsis singula-
ribus*, quæ sensibus percepimus externis. Veluti tertianam da-
ri, triangulum, quadrangulum, & id genus alia, cognoscimus
hanc ostensā tertianā, & hoc monstrato triangulo, hocq; qua-
drangulo. Ut ut enim intellectu universale separetur à suis
singularibus, re ipsā tamen ab iis separatum non est, sed reverā
iis inest, cum nihil aliud sit, quàm *unum in multis*, lib: 1 Post.
c: 11 §. 1 Potest etiam universale accidens per *inductionem*
sumi. Veluti d. ri colorem, quia datur albedo, nigredo, fla-
vedo, qui sunt colores.

II. Substantiam porro quod attinet, eam triplicem esse
constat ex 7 Met: 3, videlicet *materiam, formam & compo-
situm* ex utraq;. Ex his *composita singulares* an sint, itidem per
sensum innotescit, non quasi ipsæ illæ substantiæ per se in sen-
sus incurrant, sed quod immerse sint accidentibus, ex quibus
dignoscuntur. Veluti quod hic later, hæc vestis, illa lactu-
ca sit, cognoscimus sensu visus & tactus aut etiam gustus: his
enim accidentia percipimus, quibus substantiæ istæ sunt cir-
cumscriptæ. Pariter quod hic *Phoenix* sit, cognoscitur visu ex

eo, quod avis sit aquila magnitudine, capite honorato in ce-
 num plumis extantibus, cristatis faucibus, circa collum ful-
 gore aureo, posterâ parte purpureus, atq; cauda, in qua roseis
 pennis caruleus interscribitur nitor, quemadmodum Phœ-
 nicem describit. C. Jul. Solinus Polyhistor c. 36. Ex sin-
 gularibus autem substantiis compositis *composita universa-*
les eodem modo cognoscuntur, quo ex accidentibus singula-
 ribus accidentia universalia cognosci dicebamus. Veluti uni-
 cornu dari novimus, si aliquod unicornium in singulari vi-
 derimus. Et quod Phœnix avis detur, inde probari posset, quod
 ejusmodi avis hinc inde visa fuisse legatur. Veluti *Quintus*
Plantio & Sexto Papinio consulibus, quorum ætate Ægyptū
 Phœnix involavit. Captusq; anno octingentesimo urbis con-
 ditæ jussuq; Claudij Principis in comitio publicatum est, quod
 gestum præter censuram, quæ maneat, *Actis* etiam urbis con-
 sineri testatur Solinus l. c. Et Tacitus lib: 6 Annalium: *Ad-*
spici aliquando in Ægypto eam volucrem (Phœnicem) *non*
ambigitur. Dio Cassius insuper Tiberij tempora describens,
 ὁ ποῦν ἐκείνῳ τῷ ἔτῳ ὄφθῃ, *Visus est eo anno Phœnix.* Quod &
 M. Aurelius Victor confirmat in Cl. Tiberio scribens: *Hujus*
tempore visus est apud Ægyptum Phœnix, quem ferunt vo-
lucrem annis D ex Arabia memoratos locos advolare. Ani-
 mal porro dari novimus, si equum, bovem, avem, piscem dari
 sciamus eaque noverimus esse animalia. Sed & forma an sit
 ex sensu dijudicatur, non quidem rursus primò & per se ex se
 ipsâ, sed itidem ex accidentibus, quæ eam comitantur. Esse
 enim in hac vel illâ materiâ equi formam novimus, si videamus
 in eâ equi figuram & alia talia, quæ peculiariter sunt eqvo. *Ma-*
teria verò, quæ quidem absolute materia est, ex quâ scilicet
 omnia fiunt, & in quam ultimò omnia dissolvuntur, cum fun-
 damentum & subterniculum rerum omnium naturalium sit,
 videri

videri quidem ipsa aut alio sensu percipi non potest, quatenus rationem obtinet matrice, colligitur tamen intellectu & ipsa ex iis, quæ manifestè sensibus apparent. Cum enim *per se neq; quid, neq; tantum, neq; tale sit, neq; quicquam ceterorum, quæ predicandi generibus sunt circumscripta* 7 Met. 1. non potest comprehendi nisi analogicâ ratione. 1 Phys. 1. 69 nempe factâ comparatione cum subjecto eorum, quæ arte constant, quod actu nihil est eorum, quæ inde sunt, ita tamen comparatū est, ut inde fieri alia possint, quæ cognoscendi ratione Plato in Timæo appellat *spuriam & adulterinam*. Res a. arte factæ, ex quibus colligitur in rebus naturalibus simile aliquod necessarium esse subjectum, sensibus sine dubio patent. Atq; hinc Plutarchus lib. 3 Sympos. Quæst. 7: Δὲ τὸ διὰ τῶν λόγων μεταίναται τὸ δὲ οὐκ ἔστιν ἀπὸ τῆς ἰστορίας λαμβάνειν, *Oportet, cur unumquodq; fiat, causam, ratione investigare: an autem fiat, ex historiis est percipiendum.*

III. Ceterum ut adulterina est ea, quam paulò ante diximus materiam, an sit, cognoscendi ratio, ita nec scientifica propriè est ratio illa cognoscendi τὸ εἶναι, an sit, in substantiis reliquis, quæ ducitur ex accidentibus. Duobus enim modis, ut benè advertit Aristoteles in 2 Post. c. 7 §. 6 *an sit potest cognosci*. Primò κατὰ συμβεβηκός sive *per accidens*, quando scilicet rem ex communiter accidentibus cognoscimus. Quomodo per accidens scimus, esse homines cum scimus esse Grammaticos, aut Musicos, aut, Medicos. Item per accidens scimus esse elephantem, cum scimus esse animal magnum, tali aliquâ effigie formatum. Chrysippus quoq; hac ratione DEos esse probavit, videlicet inde, *quod visantur altaria*, quod sanè ab accidente est peti- tum, ut observavit etiam Themistius in 2 Post. c. 10. Sed & probatio ejusmodi esset, si tonitru esse inde ostenderetur, quod

quod sint aliqui attoniti ex strepitu. Deinde cognoscitur an sit etiam *ἡ αὐτὴ, per se*. Qui modus iterum duplex est, alter à priori, alter à posteriori. A priori an sit res cognoscitur, cum ea cognoscitur ex forma sua sive essentia, quæ definitione explicatur, aut etiam propriis operationibus, immediate ex essentia fluentibus. Veluti cum tonitru esse cognosco ex sono, quem audio in nubibus: hic enim est aliquid *τὸ ἐστίν*. Et hominem esse ex eo, quod sit vivens aliquid deliberandi facultate præditum. Item cum ex eo, quod advertimus aliquid in homine esse, quod moveat membra pro lubitu ad hoc & illud, animum in eo præsumimus: aut etiam elephantum esse concludimus ex propriis & essentialibus ejus operationibus. Hæc est ratio cognoscendi an sit à priori. Priora enim natura sunt essentia quæque ad illam pertinent, quàm ea, quorum sunt essentia aut partes ejus. Neque dubium hinc est, quin hic *τὸ ἐστίν* cognoscendi modus sit præstantissimus cunctorum. Ex quo Aristoteles lib. 6 Met c. 1 *ἡ αὐτὴ διζνοία*, ejusdem ratiocinii ait esse *τὸ ἐστίν ὁλον ποιεῖν καὶ ἢ ἐστίν ἰστέον*, manifestum facere an sit & quid sit, quod an sit accurate cognoscere haud possimus, nisi cognoscamus una quid sit, aut saltem partem ejus. Fieri non posse, ait ad istum locum Alexander Aphrodisæus, ut quicumque si est, ei *ἐστίν*, demonstret, ut idem quid est non ostendat, ne dubitari quidem debet. Si enim jussi ab aliquo hominem esse demonstrare, ab eo quæsierimus, num si planum fiat animal esse, concedes esse hominem? haud dubie negabit, cum ei sit in promptu dicere, equum istidem esse animal, ac proinde si demonstraretur animal esse, non protinus hominem esse demonstrari. Idem verò rogatus à nobis si ostendatur esse animal pedestre bipes, daturus ne sit, hominem esse, annuet profecto atque consentiet. Pariter & Johannes Philoponus aut quicumque; Autor est commentariorum, qui
sub

sub eius nomine circumferuntur: *Quod necessario ostensio fit est, sequatur ostensionem quid est, clarum. Si enim quis hortetur ostendere, quod est homo, ostendentes quod est animal pedestre bipes, ostendimus quod etiam est homo.* Deniq; & Themistius loco antè cit: *ὅπως ἂν ἔχομεν, inquit, παρασκευῆς πρὸς τὸ γινώσκειν τὸ εἶναι, ὅπως ἔχομεν παρασκευῆς πρὸς τὸ γινώσκειν τὸ τί ἦν εἶναι, Quantum efficacia habent res ad probandum rem esse, tantum habent ad cognoscendum etiam quid sit.*

IV. Subeunt hanc cognitionis rationem in primis substantiæ compositæ. Quamvis enim in ijs εἶναι πρᾶγμα & εἶναι πρᾶγμα, *res & essentia rei differant, quod res sit composita ex materiâ & formâ, essentia autem nihil aliud sit, quàm ipsa forma, quippe quæ est ipsum τὸ ἢ εἶναι 2 Phys. 3, 5 Met: 2, ex quo & 3 de animâ c. 5 aliud esse dicitur magnitudo, aliud τὰ μέγεθος εἶναι, sive essentia magnitudinis, aliud aqua, aliud τὸ ὕδωρ εἶναι, essentia aqua, aliud caro, aliud τὸ σὰρξ εἶναι, essentia carnis, quod illa se habeant ut finem, quod concavitate designat in certo subjecto, videlicet naso, hoc ut concavum, habet tamen res illa etiam in compositis, ut esse, ita & denominationem ab ipsa essentiâ, cum forma det esse rei. Nec enim domus, domus est per materiam, lignum & lapides, ex quibus constat, quàm communem illa habet cum aliis rebus ex ejusmodi materiâ confectis, sed per formam, quæ ipsam secernit ab alijs rebus in materiâ communicantibus cum ipsâ. In ijs autem quæ simplicia sunt & à materiâ abstracta, idem sunt res & essentia rei, veluti idem sunt anima & εἶναι ψυχῇ, esse anima 3 Met: 3. Atque pertinet huc & locus ille ex 7 Met: 6: *Est aliud equus, aliud τὸ ἢ εἶναι ἵππος, essentia equi quædam autem nihil prohibet esse ipsum τὸ ἢ εἶναι, cum substantia aliqua sit τὸ ἢ εἶναι, nempe ipsa forma. Sed & Simplicij ista ex comment: in 3 de Animâ c. 5 hâc legime-**

tentur: Εφ' ὧν τὸ εἶδος ἔστι μὲν αὐτὸ καὶ αὐτὸ ἐν, ἀλλ' ἑτέρῃ ἐστὶν
 ὁριστικόν, ἐπὶ τῶν ἑτερόν ἐστιν αὐτό. τῆς ἐξ ὁρίζομενον, καὶ τὸ εἶναι
 αὐτῷ, ὅπερ ἐστὶν ὁ ὅρος, καὶ ὃν ὁρίζεται. ἐφ' ὧν δὲ τὸ εἶδος αὐλὸν
 καὶ καὶ αὐτὸ μένον, καὶ ἔχ' ἑτέρῃ ὅρος, ἐπὶ τῶν αὐτὸν αὐτό τε
 καὶ τὸ εἶναι αὐτῷ, *In quibus species non permanet per se, sed
 aliud terminat ac definit, in his aliud est res ipsa, hoc est, de-
 finitum, aliud essentia ejus, quæ est finitio seu terminus jux-
 ta quem illud definitur. In quibus verò species materia haud
 implicita est & per se ipsam manens, & non alterius terminus,
 in his idem sunt res ipsa & essentia ejus.* Deniq; his consen-
 tit & Philoponus in 2 Post: 1 ita scribens: φαμέν ὅτι ἐπὶ μὲν τῶν
 ἀπλῶν ὁρίων, ἡ γὰρ τῶν νοητῶν τῶν ἀνευ ὕλης θεωρουμένων, ὡς ἐστὶν ὁ νῦς
 καὶ ἡ ψυχὴ ἐπὶ τῶν τῶν εἶδος, ἡ γὰρ ὁ ὁρισμός, ἢ ἄλλο τί ποτὲ ἐστὶ
 παρὰ τὸν ὁρισμόν. Ὅρισμός τ' ὁ γὰρ ἐστὶ δύναμις τῆς ψυχῆς ἀνελκυσ-
 κῆ τῶν θεῶν καὶ νοητῶν. ἔτι γὰρ ὁ ὁρισμός καὶ ὁ νῦς ταῦτα εἰσι καὶ
 εἰ ταῦτα καὶ ἐν, πῶς δυνατόν λαβεῖν μέσον ὅρον αὐτῶν, ἐπὶ δὲ τῶν σω-
 ματων, καὶ μετὰ ὕλης θεωρουμένων, οἷον ἐστὶν ὁ ἀνθρώπος, εἰ καὶ ὁ ὁρισμός
 αὐτῷ τὸ ζῶον λογικόν θηκτόν σιωπῆται τῷ ἀνθρώπῳ καὶ ἐν αὐτῷ θεω-
 ρῆται, ἀλλ' ἐν ἐστὶ δυνατόν κεχωρισμένον τῶν λαβεῖν. καὶ ὅτι κεχωρι-
 σμένον ληφθῇ, ἑτέρα τις δοκῇ παρὰ τὸν ἀνθρώπον. καὶ διὰ τῶν ἐπὶ
 τῶν τοιούτων ἐστὶ δυνατόν, μέσον ὅρον λαβεῖν τὸ αἴτιον, *Dicimus, quod
 in simplicibus substantijs intelligibilibus sive iis, quæ sine ma-
 teriâ considerantur, ut est mens & anima, in his forma vel de-
 finitio non aliud quid unquam est à definitione, ubi forsan pro
 ὁρισμόν, ὁρίζομενον legi debet, definitum. Definitio mentis est
 potentia anima susceptiva divinorū & intelligibilium, hac er-
 γὸ definitio & mens eadem sunt. Quod si autem eadem & unum,
 quomodo possibile est accipere medium terminum ipsorum? In
 corporibus autem & his, quæ cum materiâ considerantur, ut
 est homo, et si definitio ipsius, animal rationale mortale, coordi-
 nata est homini, & in ipso consideratur, tamen possibile est hanc
 separatam accipere & si quando separata sumpta sit, alia quæ-
 dam videtur ab homine, & propter hac in hujusmodi est possi-
 bile*

bile medium terminum sumi causam. In simplicibus ergò εἶναι πρόγμα & εἶναι πρόγμα, esse rem & esse rei, omninò coincidunt, adeoq; illud ex hoc sine petitione τὸ ἐν ἀρχῇ ostendi non potest. In compositis autem τὸ εἶναι ex ijs, quæ ad τὸ εἶναι sive τί ἐστὶ spectant, potest ostendi, quod sint suo modo diversa. Et licet hoc pacto idem sit τὸ ὑποκείμενον, *subjecto* aut *reipsa*, id, per quod quæstiones εἶ, & τί ἐστὶ, enodantur, τρόπος τamen τῆς σχέσεως sive *modus utendi* est diversus. In illâ enim solum τῆς ὑπαρξεως sive *existentiæ* ejus, quod ad τὸ εἶναι spectat, ratio habetur, in hac autem σχέσεως sive *habitudinis* ad rem ipsam, cum forma, quâ talis, sit λόγος sive *habitus* τὸ τί ἦν εἶναι, cum ex 2 Phys. 3 & 3 Met: 2 determinavimus supra lib. 1 c. XII §. 1. Ut taceam ὑπαρξεως sive *existentiam*, ad *essentiam*, quâ talem, relatâ quodammodò accidentis habere rationem. Nec n. idèd quid simpliciter existit, quia *essentia* est, cum τὸ εἶναι *essentia*, quâ talis, sit τὸ συγκείμενον καὶ εἶναι, *compositum & unum esse* 9 Met. c. ult. Unde & in definitionibus rerum, quæ sunt indices *essentia*, *existentiæ* nulla fit mentio, veluti in definitione hominis non ponitur, quod ipse sit, aut *essentia* ejus, eademq; ratio est & reliquorum. Atq; hinc & intellectus, quo *existentia* rei cognoscitur, diversus est ab eo, quo cognoscitur *essentia* ejus. Nempe *sensitivo intellectu*, ut loquitur Aristoteles lib: 3 de Animâ t: 10, *anima discernit calidum & frigidum & quorum ratio quædam est caro*, hoc est, quæ sunt in ratione sive definitione carnis: *alio autem vel separabili, vel ut linea inflexa se habet ad seipsam, cum extensa fuerit*, hoc est, aut intellectu reapse distincto, aut eo, qui reipsa quidem idem sit cum sensitivo, ratione tamen differat, *essentiam* carnis τὸ σαφὲς εἶναι, discernit.

IV. Expendit cuncta hæc accuratè Themistius in Paraphrasi ad locum Aristotelis, quem postremò citavimus, cujus

verba idcirco, etiam si pluscula sunt, saltem Latinitate donata,
 non abs re fuerit adscripsisse. Ita ergo illa habent: *Primum*
illud sciendum, aliud esse aquam ipsam, aliud essentiam aquae.
Aqua enim est id, quod usurpatur sensu ex materia & forma
concretum esse: forma autem ipsa aquae ratio est, per quam est
aqua, τὸ εἶδος, καὶ κατ' ὅ ἐστιν ὁδὸς, species sive forma & id, secun-
dum quod est aqua. Ἐπεὶ γὰρ ἡ κατὰ τὴν ὕλην, ἀλλὰ κατὰ τὴν
μορφήν χαρακτηρίζεται, Unumquodque enim descriptionem suam
non de materia nanciscitur, sed de forma. Nec aliter de ar-
tefactis sentiendum est. Aliud enim sunt ades, aliud esse
adibus suum, οἷον εἶναι: aliud statua, aliud esse sive essentia
statua. Ades sunt figura ipsa cum lateribus, lignis, regu-
lis, scandulis: essentia adium forma ipsa & structura talis
est, ἡ μορφή καὶ σύνθεσις ἡ τοιαύτη. Item statua est figura cum
ebore, aut ligno, aut aere: essentia statuae est forma & species
statua. Non tamen hoc perpetuum. Sunt enim res, qua-
rum essentia idē, quod ipsa res sunt. Idem enim punctus est &
puncto esse, id est, essentia puncti. Quod quidē in omnibus obri-
net simplicibus & materia carentibus, ἐφ' ὧν ὁ λόγος τὸ ἔν
εἶναι, καὶ τὸ εἶδος, κατ' ὅ ἐστι, ταυτόν ἐστιν ὅλη τῇ φύσει τὸ πρῶτον,
in quibus ratio essentia & forma, per quam sunt, idem per
omnia sunt cum universa naturā rei. Hac ita cum sint, si for-
mam materiae annexam & conjunctam scruteris, hoc est, fri-
gidum, humidum cum ipsa materia, ut aquam totam, cujus
ratio & constitutio materiae jugata aqua ipsa est: si aërem, si
terram, si carnem universam, id est, consortium materiae &
forma vestigas, sufficit solaris sensus. Et multo magis ejus co-
mes affectus, imaginatio. Si verò essentiam ipsam aut aquae,
aut carnis exploras, alia facultas animae adhibenda intenden-
da est, aut qua se alio genere formaque habeat. Nam illud ma-
gis putandum est, quemadmodū causa sunt, cur una potentia
 sit,

fit, quæ dulce à ruffo & flavo dispescat: ita necessario unam esse vim animi, quæ iudicet aliud esse res ipsas, aliud rerum essentiam, atq; ita utrumq; una cognoscat, sed quæ tamen aliter atq; aliter se habeat. Verbi gratia, ad aquam universam, quæ intellectui noscenda sit, visa & imaginationem oportet adungere, ad essentiam verò solam ejus conspectandam nullas suppetias requirit. sed ipse sibi intellectus superesse potest. Quænam admodum igitur lineam intensam & flexam dicere eadem possis, quamquam aliter hoc quam illo modo se habet: ita & intellectus potest unus & idem statui, qui concreta & composita, item qui formas & species meras percipiat. Quamobrem & a simili rebus fit, quas cognoscit, compositus, si compositas: simplex, si simplices formas, id est, à materiâ seorsum intelligit. Ita interdum linea recta, interdum arcuata confertur. Sanè Plato actiones intellectus circulis primum recto, mox circinato recurrentiq; interius comparat. Aristoteles autem linea explicata & replicata, sive porrecta & curvata. Accurvata quidem idcirco, quia cum intellectus materiam & formam junctim, id est, quod concretum & conditum est, comprehendit, tum quasi geminari & duplicari videtur accessu phantasmatum & visorum, quorum operam usumq; in una eâ desiderat functione. Hoc Themistius capite 19 Paraph. in lib. tertium de Animâ.

V. Porro à posteriori, an sit, scientifico modo cognoscitur, quando res aliqua ex proprietatibus suis, quæ sunt in secundo τὸν 28^o αὐτὸ, modo innotescit, veluti ex proprijs effectis. Quâ ratione Deum esse ostendimus per motum. Omne namq; illud, quod movetur, ab alio movetur, veluti primum à secundo, hoc à tertio, illud à quarto &c: cumq; non detur progressus in infinitum, necesse est, ut tandem perveniatur ad aliquod primum movens, quod cum reliqua moveat, non tamen ipse

moveatur ab alio, sed immobile existat. Hoc autem illud ipsum est, quod Deum appellamus. Hac ratione quoque hominem esse probatur, si id ex eo fiat medio termino, quod sit animal quoddam facultate ridendi & numerandi præditum. Hæc enim sunt propria hominis. Nec alia est probatio, si ex hinnitu equus, ex latratu canis, ex mugitu bos colligatur. Potest utrumque probationis genus tam id, quod à priori, quàm id, quod à posteriori procedit, demonstratio vocari, sicut & Themistius vocat capite nono Paraph: secundi Posteriorū, quando ita scribit: τὸ δὲ εἶναι ἄνθρωπον καὶ τὸν εἶναι ἀνθρώπον ἄλλο καὶ τὸ μὲν ὁρισμός, τὸ δὲ ἀπόδειξις. ὅτι γὰρ εἰς πρόνοιαν καὶ ὅτι θεὸς ἀποδείκνυμεν, *Aliud est scire hominem esse, aliud quid sit homo. Hujus definitio, illius demonstratio est. Deum esse & providentiam demonstramus: quid sit Deus, quid providentia, definimus.* Verum prioris generis demonstratio respondet demonstrationi cur sit. Forma enim causa est, per quam res quædam est id, quod est, cum materia per se non sit certum quid & definitum, sed potentiâ cuncta. Ex quo etiam τὸ δὲ καὶ διὰ τι passim coincidere dicuntur, quod etiam de accidentibus verum est, si τι εἴ τι exprimatur non per definitionem qualemcunque, sed causalem, de quâ dictum jam lib. 1 c. X. n. IV & plenius infra dicetur. Posterior autem demonstratio ἀντίστροφος est demonstrationi, quod sit. Quod enim hæc est in quæstionibus compositis, id illa est in quæstionibus simplicibus, indeque non demonstratio simpliciter, sed cum addito, demonstratio secundæ mensuræ, atque ex notioribus seu clarioribus non naturâ, sed nobis.

VI. Non licet autem de omnibus prædicto modo, τὸ εἶναι, demonstrare. Sunt enim aliqua etiam in his, quibus quæstio hæc applicari potest, *immediata*, quæ medium ad scientiam accommodatum nullum agnoscunt, per quod εἰ εἶναι de ijs queat confirmari. Veluti Deum esse probari quidem potest

ex motu, at motum esse probari non potest per aliud medium, sed per se notum est & solo sensu dijudicatur. *Dialecticè* tamen quò minus etiam in his, an sit, monstratur, nihil vetat, quod etià in alijs fieri potest, quæ agnoscūt & scientificum illud probandi modum. Verùm non sunt illæ rursus demonstrationes ad scientiam accommodatæ, sed probationes qualescunq; ductæ ex principiis communibus & *ἐνδοξαις*, ex quibus *opinari* quidem liceat aliqua esse, ast non firmiter *scire*. Quales etiam sunt rationes illæ, quibus probatur Deum esse ex ordine totius universi, ex conscientia hominum & id genus aliarum. Quin & ea, quæ Scotus utitur, Deum esse inde confirmans, quod liquidò constet dari dependens, indeque necesse sit, cum progressus in infinitum locum habere non possit, dari & aliquod independens, quod sit Deus. Item in causis essentialiter subordinatis non posse procedi in infinitum, deveniendum itaq; esse ad causam aliquam primam, quæ itidem sit DEUS. Ut ut namque cuncta hæc *ἐνδοξα* sint, ita tamen comparata non sunt, ut *ἀπερὶστα* quempiam reddere valeant in cognoscendo. Quid enim si concedat quispiam dari independens & causam primam, sed dicat illa non Deum esse, sed coelum à Deo distinctum? Sanè hîc nullum aliud datur effugium, nisi hoc, ut ostendatur coelum non esse Deum, quod præstari sufficienter non potest, nisi in subsidium motus advocetur. Quicquid enim movetur, dependet à priore, movente scilicet, & cum non possit procedi in infinitum, necessarium est, ut tandem perveniatur ad motorem primum immobilem, ut meritiò Averroes in 12 Met: comm: 5 scripserit: *Impossibile est declarare aliquid abstractum esse, nisi ex motu. Et omnes via, quæ putantur ducere ad primum motorem, præter viam motus, sunt insufficientes.* Ad Dialecticas porrò rationes jam ante ostendimus pertinere etiam Syllogismos *elenchicos* sive

sive καὶ ἀνθρώπων, quibus & ipsis, an sit, potest ostendi. Talis est hic: Quicquid verè dicitur de multis, illud est, Animal verè dicitur de multis. E. est. Ejusmodi syllogismi sanè in demonstrationibus ἀποδείξεις sic dictis censerì non possunt. Petunt enim revera τὸ ἐν ἀρχῇ. Si tamen quis præmissas concedat, convinci potest, ut id quoq;, quod ex præmissis istis inferitur, habeat ratum. Quo pacto αἱ ἐστὶ etiam de rebus singularibus probari potest. Veluti: De quo motus prædicatur, illud est. De hoc, quod video, motus prædicatur, videlicet quod ambulet, aut currat &c. Et hoc est. Quomodo enim, quod non est, curret aut ambulabit? 4 Met. 4. Verùm ex concessis argumentari non scientifici est Doctoris, sed disputatoris seu Dialectici proprium, cujus negotium omne est πρὸς ἕτερον, sive adversus alterum directum 3 Topic. 1 §. 1. Denique sunt aliqua, quæ etiam ex sensu, an sint, nequeant dignosci, sed ex *privatione* aut *negatione* potius cognoscuntur, quod sensibus non pateant ipsa quidem per se, innotescant tamen illis ea, quibus ista sunt opposita, ut sunt tenebræ, silentium atque id genus alia, quæ tum esse colliguntur, cum lumen, sonus & reliqua ijs opposita non sunt præsto. Unde & Themistius rursum in 3 de Animâ c. 44: Τῇ αἰδήσει τὸ μὲν λευκὸν καὶ τὸ φῶς, κατ' ἐπιβολὴν, τὸ δὲ μέλαν καὶ τὸ σκότος κατὰ σέρησιν, καὶ τῇ αἰσθῇ ἢ μὲν φωνῇ κατ' ἐπιβολὴν, ἢ σιωτῇ δὲ κατὰ σέρησιν, *Albedo & lumen sentiuntur per se ita, ut species eorum depingatur in oculo, atrum autem & tenebra secundum privationem; pariter ἡ & auditu vox per se sentitur, silentium autem per privationem.* Et Priscianus Lydus in Theophrastum de Animâ c. 11: *Oculus tenebræ & auditus silentium non tam sentit, quàm consentit, Ne ἡ innotetur figur ἡ talibus aliquando sensus. Sed ex eo, quod in his actio inhibetur in ipso conatu, sensus judicat, quod deficit ipsis.*

CAPUT V.

De

Scientiâ quid sit, & definitione, quæ est

λόγος τῆς ἐστίν, ejusq; variis

speciebus.

I.

Scientiam τῆς ἐστίν, sive an sit, excipit scientia τῆς ἐστίν, sive quid sit, quod in confesso apud omnes positum est cognosci per *definitionem*. Ideo enim ea appellatur λόγος τῆς ἐστίν, 2 Post. 10 §. 2. Definitionis autem non unum est genus: quod hîc fusius aliquanto nobis est declarandum. Ut igitur hinc ordiamur, definitio Græcis ὁρισμός, finis aut terminus, dicitur, appellatione translata à *finibus agrorum*. Ut enim hi agros definiunt & claudunt, aliosq; ab alijs secernunt: ita definitiones, quibusterum naturæ declarantur, essentias earum circumscribunt, aliasq; ab alijs distinguunt. Differunt autem ab ijs, quæ definiuntur, modo *evolutionis & involutionis*. Quod enim definitum confusè & implicite exprimit, id definitio distinctè & explicitè proponit, ut docet Arist. in 1 Phys. 1, cum scribit, id, quod *definitum* ἀδιορίστως καὶ ὡς ὅλον ἢ (συμπεχυμένως) *indefinitè* & ut *totum* significat, εἰς τὰ ἕκαστα dividere, sive distinctius explicare τὸν ὁρισμὸν sive *definitionem*. Ex quo & Simplicius: *Definitum nomen rem exprimit* κατὰ μονοθεδῆς, *definitio autem* κατὰ τὸ πολυμερές.

II. Porro in definiti evolutione *duo* attenduntur, nempe *nominis significatio*, & *res ipsa significata*. Unde & definitio generaliter accepta duplex est, alia *nominis*, alia *rei*. Illa est, quæ exprimit, *quid nomen significet* sive *expositio illa* sit simplici vocabulo, sive συνδεδυσμένη. Tales sunt definitiones, quæ ab ἐτυμολογίας, sive *ex origine* declarant *significatio-*

nem vocis. Ut Solstitium est statio Solis, triangulum est, quod
 habet tres angulos, φιλόσοφος est φιλότης σοφίας, *amator sa-*
pientia. Evangelium est lætum nuncium. Providentia est,
 per quam futurum aliquid videtur. Item, quæ notiori &
magis perspicuo vocabulo aut oratione exprimunt, quid defi-
 nitum significet. Qualis est illa 1. Topic. 58. 7: *Honestum*
est, quod decet. Fari est loqui. Condicere est promittere &c.
 Item, quæ ex *accidentibus* sive *proprietatibus* constantur, &
 id genus alia. Galenus tales definitiones vocat λόγος ἐνοη-
 ματικός, lib. 3. de differentiis pulsuum. Item λόγος ἐννοίας,
 quia solum *notionem* rei docent & verbalem quidditatem ex-
 plicant. Virtustalis definitionis est, ut omnibus nota sit, qui
 eadem lingvâ utuntur, sive ut concipiatur vocabulis evi-
 dentibus, neq; naturam rei attingat, ut idem Galenus auctor est
 lib. 4 de different: pulsuum cap: 1, ubi hæc eius leguntur
 verba: Αναγκάσιον ἐγνώσθαι δύο γένη τὰ πρῶτα τῶν ὁρισμῶν εἶναι. τὸ
 μὲν ἕτερον ἐξηγούμενον σαφῶς τὴν τῷ πράγματι ἐννοιαν, ἣν ἔχουσιν οἱ
 ὀνομαζοῦντες αὐτό, τὸ δὲ ἕτερον τὸ τὴν ψόσιαν διδάσκον. ἀρετὴ δὲ ἐκ τῶν
 πρὸ τῶν ὄρων ἰδίᾳ. τῷ μὲν τὴν ἐννοιαν ἐρμηνεύοντι ὁμολογεῖσθαι τε πᾶσι
 τοῖς ὁμοφώνοις, καὶ μὴ προσάπτειν τῆς ψόσιος τῷ πράγματι. τῷ δὲ
 τὴν ψόσιαν διδάσκοντι, ὁμολογεῖν μὲν τῷ κατὰ τὴν ἐννοιαν, ἕτερον δὲ
 ὑπάρχῃν αὐτῷ, *Scire oportet, quod definitionum duo sint gene-*
ra. *Alium, quod rei notionem explicat, quam qui ponunt,*
nomen habent. *Alium, quod docet essentiam.* *Utriusque sua*
virtus est. *Illius, quæ notionem explicat, ut omnibus sit testata,*
qui eadem utuntur lingua, & ad rei essentiam non adspicit.
Huius, quæ essentiam docet, ut ei, quæ notionem subjicit, con-
sensiat, non sit tamen eadem cum illâ. Aristoteles autem, ut
 ibidem etiam Galenus observat, prius illud definitionis genus
 vocat λόγον ὀνομαστικόν, *definitionem nominalem*, ὥς εἰ καὶ λό-
 γον ὀνόματι ἐρμηνευτικόν εἰρήκε, *ac si definitionem diceret nomen*
interpretantem. Verum vel hanc ob causam, quia solum
 nomen

nomen rei declarat hæc definitio, non ita satiat desiderium mentis nostræ, quin eâ cognita residua nobis semper sit quæstio, quid res sit. Scimus n. eâ tantum rem ex nomine, adeoque per accidens. Cujus ratio hæc est, quia, ut jam supra ex Philopono dicebamus, *nomina non naturâ constant, sed positione*, id est, hominum instituto sunt introducta. Cujus vel hoc quoque indicium est, quod variant illi pro variarum gentium lingvis & idiotismis. Quod si ea natura struxisset, utique ejusmodi nomina rebus imposuisset, quæ & esse ipsarum, & causam τὸ εἶναι nos docuissent. At nunc secus evenit. Interim negandum non est etiam ἐννοηµατικὸς λόγος aliquam habere utilitatem. Non enim intelligi potest quid rei, nisi prius intelligatur quid nominis. Et saltem aliqua nomina, à viris doctis excogitata, nos ducunt in ipsius rei intelligentiam, cujus ratio obvia est ex iis, quæ lib. 1 c. XII. §. 1 sunt annotata. Præterea accidentia, ex quibus sæpè, ut diximus, λόγοι isti constantur, quæque ἐναργῆ καὶ φανόµενα sunt, id est, evidentia vel sensui, vel menti, non parum conducunt ad cognoscendum τὸ τί ἐστι 1. de Anima c. 1. E. gr. quando cognitum est, solstitij nomen designare tempus, quo Sol à proprio motu quiescere sive stare videtur, mox ex eo, quod id ipsum perpetuò & tantum Sole maximè ab æquinoctionali remoto eveniat, quodque per maximam hanc distantiam solstitium ab omni alio tempore differat, facile colligitur πραγµατικὴ illius definitio, nempe quod sit tempus, quo Sol maximè ab æquatore distat. Atque idèò sapientissimi homines tali definitione tanquam duce in reconditarum rerum investigatione uti consueverunt. Fecit id Aristoteles in 1. Met. indagans, quid sit sapientia: In Physicis disputaturus de loco, itemque de incremento. In Ethicis etiam, acturus de beatitudine. Galenus quoque, idem observavit in quaerendâ definitione morbi, optimæ corporis constitutionis, pulsus, lassitudinis, & aliorum. Boëthius in lib: de definit. de

hoc definitionis genere sequentia proponit: *Secunda definitio dicitur* εἰρηματικὴ, quam notionem non proprio nomine, sed communi possumus dicere. In omnibus enim reliquis diffinitionibus notio rei proferitur, non substantialis explicatio declaratur; verum hac, quæ secunda est, hoc modo semper efficitur, cum proposito eo quod diffiniendum est, neq. dicto ejus genere, verbis in rei sensum ducentibus, audientem quid illud sit, de quo quæritur, explicatur. Estq. huic penè familiare res propositas per superjecta nomina diffinire, ut si dicam, homo est, quod rationali conceptione & exercitio præest animalibus cunctis, hic quidem non ipsum, quid sit, dixi, sed dicendo quid agat, quasi quodam signo in notitiam devocavi. Mox tamen ab hæc definitionis specie Boëthius distingvit illam, quæ ποιότης vocat, quod à qualitatibus sit ducta, quam nos paulò antè itidem ad definitionem εἰρηματικὴν, Græcos secuti, retulimus. Tertia, inquit, diffinitionis species est, quæ ποιότης dicitur, & dicendo quod quale sit ostendit. -- Ut homo est, ubi iustitia, ubi aq̃uitas, ubi continentia, ubi rursus malitia, versutia, ceteraq. vitia versantur, qui ingenio valet, artibus pollet, & cognitionem rerum aut quod agere debeat, diligit, aut animadversione quod inutile sit, contemnit, repudiat, rejicit. His qualitatibus expressus est homo. Non enim ullud aliud animal his moribus mentis, qualitatibus designantibus, exigit vitam. sed solum hoc animal, quod est homo, qualitatibus in mente positus & constitutus, quasi quidam vel naturalis artifex, vel vita gubernator impletur.

III. Altera definitio, quæ περὶ φύσιν dicitur, rei vim & naturam exprimit & propriè definitio vocatur. Huic definitioni non minus ac illi locus est in omnibus categoriis, ut docet Arist. in 1 Topic. c. 9. Et in substantia quidem ea verissime definitio est, quæ constat ex genere & propriis differentiis ipsius

us definiti. Quamquam non omnes substantiæ *απειροὺς* talem habeant definitionem. Neq; n. omnes sunt in Categoria substantiæ. Ita substantia movens immobilis definiri non potest. Indivisibilis enim est. Indivisibilia autem definiri non possunt. Haberent n. partes; cum definitio omnis oratio sit, suis partibus gaudens: neq; idem esset in ijs res & essentia rei Qvò accedit, quod substantia hæc, licet propriè neq; finita sit, neq; infinita, sit tamen immensa & proinde non definibilis, sed αὐτὸ ὄν, *ἴσμεν*, ὅλον ἐν ἑαυτῷ συλλαβὴν ἔχον τὸ εἶναι, οἷόν τε πλάγῳ γωνίας ἀόριστον, ut loquitur Damascenus lib. 4 Orthodoxæ fidei c. 22, *totum in seipso comprehensum habens esse, velut quoddam essentie pelagus interminatum.* Quia tamen cuiusq; substantia ab opere denominatur, τὸ intelligere sapientibus visa est esse huius substantiæ *ἡσυχία*. Hæc enim *ἡσυχία* ἀσπασία est, per se manens, & materiæ sive corpori non immersa. Quin mens humana, intuens intelligendo phantasmata à rebus materiæ immersis hausta, vendicare solet etiam huic substantiæ simplicissimæ quædam attributa propter aliquam similitudinem cū rebus aliis, pro captu hominum, velut sapientiā, iustitiam &c. Item privationes & negationes, quibus omnium rectissimè videmur nostram ignorantiam profiteri, ut cum dicimus, est ineffabilis, incomprehensibilis. Sed nec *infima substantia*, materia, quæ Aegyptiis fax dicitur omnium entium, ut est apud Smplicium 1 Phys. t. 69, quoniam actum propriè nullum habet: unde & *non ens* dicitur 1 Phys. t. 79, & apud Platonem in Sophista: à Plotino autem 2 Ennead. l. 4 c. 16, *ἡτερότης*, quasi *ἕτερον τῷ εἶναι* () propriè definiri potest, sed *negatione* aut *analogia* explicatur. *Negatione* quidem, quateñus absolute spectatur, veluti 7 Met. 1 ubi ita Philosophus: *Ματηρίαν* dico, quæ nec se, neq; quid, neque quantum, neque quæc &c. *Analogia* autem, quateñus ad formas, ad quas recipiendas *δύναμις* habet, refertur. Qualis est descriptio, quæ ex-

eat in 1 Phys. t. 69. ubi materia dicitur, *qua ita se habet ad res naturales, ut lignum se habet ad lectum &c. Caelestia quoque non definiuntur proprie, quia sempiterna & unica sunt* 7 Met. 15. τὰ μοναδικὰ δὲ, ut Ammonius ait in Categ: substant: ferè circa finem, ἥ δὲ ὅλος γένει εἶναι, ἢ εἶδός ἑνὸς ἀτομοῦ. οἷον ὁ ἥλιος. καὶ ἡ σελήνη, καὶ ὁ ἕρως δὲ ὅλος μοναδικόν ἔστιν, *Unica a. neq; generis neq; speciei cuiusdā individua sunt, velut Sol & Luna, & verò cælum quoq; ipsum prorsus unicum est.* Nihilominus proportionem quadam etiam in his mens sibi universalis adumbrat, & sic in comparatione ad inferiora aliqua etiam hæc definit.

IV. In *sublunaribus* autem ut genera & species dantur: sic & ibi tantum proprie definitio locum habet. In ijs autem præter materiā, cuius, ut diximus, proprie loquendo non datur definitio, nihil deprehendimus, quod substantiæ rationem habeat, præter compositum & formam. Ex quibus utrumq; definitur, & quidem ita, ut eadem reipsa sit definitio utriusq;. Differunt tamen juxta nonnullos, ut supra lib: 1 c. XI. n. 33 jam tetigimus, quod in definiendā *formā* materia actui: at in *compositā* substantiā actus materiæ adjungatur. Dicunt enim in *compositorum* definitionibus *genus materiā* ferè significare, *differentiam* autem *formam*; in *formarum* verò definitionibus contrarium obtinere. Perspicuum hoc esse, ajunt, ex definitione animæ ac naturæ. Illa enim exigua verborum mutatione ab ita definitionem animalis aut corporis animati; hæc in definitionem corporis naturalis. Vim autem huius rei totam in eò sitam esse perhibent, quod definitio omnis actum quendam & materiā explicet, & quod *compositarum* substantiarum esse sit aliquid alicui inesse. Jam certum quidem est, quod substantiarum *compositarum* esse significet aliquid alicui inesse. Verum an ideo *genus materiā* & *differentia formam*, imprimis apud Aristotelem, significet, dubitare aliquis non

non immeritò posset. Neq; enim apparet, quomodo hæc conciliari possint cum eo, quod paulo ante citato capite n. 32 ex Aristotele adduximus, differentias in rebus naturalibus non simpliciter formam, sed *formam in materiâ* significare. Sine dubio enim illic per res naturales substantias intelligit compositas. Quomodo autem talium differentiarum significabunt formam in materia, si verum est, quod illi dicunt, genus substantiarum compositarum materiam, differentiam verò formam significare? Præterea itidem jam supra ostensum est, quod differentiarum non dividant genus secundum partem, sed secundum totum: quia per se coherent ei; insunt, quâ tali. Hinc verò sequitur, quod & speciei insint non secundum partem, id est, non secundum materiam, neq; secundum formam solam (nisi fortè per formam intelligas integrum τὸ ὅλον αὐτῆς rei, ut ab Aristotele aliquando accipi ex superius dictis constat, quomodo illa materiam quoque comprehendit, non quidem primam illam, quæ nullius rei essentiam ingreditur, dispositam tamen & preparatam) sed secundum totum. Patet id in animalibus cum primis. Terrestre namq; , aquatile, pedestre, bipes, & id genus alia insunt animalium speciebus non secundum animam solam, neque etiam secundum corpus solum, sed secundum totum. Ut taceam, quod Aristoteles ipse monet 1 Part. 3, *nullam partem animalis esse posse sine materia, nullam tamen esse solam materiam. Neq; enim quoquo modo habens corpus, animal, nec partium ullam esse.* Sed neq; de genere dici potest, quod in compositis substantiis solum materiam designet. Hoc enim casu non posset illud simpliciter de specie affirmari. Neque enim *arca* rectè dicitur *lignum*, sed *καρβύριος* à ligno *lignea*, neq; *limen* rectè dicitur *lapis*, sed *lapideum* 9 Met. 6. At genus dicitur absolute de specie, quin ita affirmatur de eâ, ut species sit ὅτι ἐκείνῳ ἔστι, *illud ipsum quod*

quoddam, quod genus esse dicitur, velut homo ipsum quoddam animal, & iustitia ipsa quædam virtus, 1 Post. c. 22. Significabit ergo & genus aliquam *formam* in substantiis compositis, quod & per inductionem constat. Ita animal, quod est genus hominis, non significat corpus solum organicum, quod ejus materia est, sed & actum, qui definit & determinat illud, animam sensitivam. Nihil namque aliud est animal, quam vivens sensitivum, quod competit ipsi secundum animam & corpus. Non enim sentire potest, nisi animam sentiente instructus sit, neque facultatem sensitivam exercere potest nisi per corpus. V.g. non potest videre, nisi per oculos, nec audire, nisi per aures, quæ sunt partes corporis organici. Ex quo & genera vocantur *differentia quædam circa materiam*. Ut enim per differentias res differt ab ijs, quæ sunt sub eodem genere: ita per genus differt ab ijs, quæ non sunt sub eodem genere, 3 Topic. 5. Id interim certum est genus non denotare formam adeo determinatam, qualem exprimit differentia, sed actum quadantenus indeterminatum ad multa se extendentem, eaq; sub se complectentem, ad quorum unumquodq; potest ulterius, & quidem per differentias, determinari. Unde Averroës in 2 Phys. Com. 28 *definitiones* dicit componi ex *forma universali, quæ sit genus, & ex propriis, quæ sit differentia*. Jam autem id, quod indeterminatum est, ad id, à quo determinatur, habet sese velut potentia ad actum, aut velut materia ad formam. Inde rectè quidem dicitur *genus in substantiis compositis* ad alteram definitionis ipsarum partem, à quâ determinatur, differentias scilicet, habere rationem *materiae*, ita tamen ut de cætero & forma dici queat suo modo, quatenus scilicet & ipsa quadantenus materiam constituit in actu. Verum hoc ipsum etiam in formarum definitionibus locum habet. Nam & animæ sensitivæ, quæ forma ali-

qua

qua est, genus, quod est actus sive *ἐντελέχεια*, in se est indeterminatum & pluribus commune, veluti animæ vegetativæ, motui 3 *Phys. c. 1.*, & alijs quàm plurimis: determinatur autem & restringitur ad certam speciem per diversas corporis dispositiones, unde propriæ qualitates oriuntur. Hactenus igitur inter definitiones substantiarum compositarum & formarum non videtur esse singulare discrimen, quantum quidem attinet ad rationem generis & differentiarum. Utrobiq; enim genus materia, differentia autem forma rationem habet, quando inter se comparantur. Nempe ut materia est ἀόριστος, indefinitum quid, definitur autem & determinatur per formam: Ita & generis in formis substantiarum naturalium compositarum, quàm in his ipsis substantijs est indefinitum quid, ad plura se diffundens, determinatur a. per differentias ipsas, ceu superius quoq; iam fuit à nobis observatum. In eo tamen forte est discrimen, quò fortassis etiam isti respexerunt, quorum antè fecimus mentionem, quod differentia in substantijs compositis ab eo, quod in se spectatum nobiliorem actum dicit: in formis autem à partibus materiæ petantur. Quomodo ipse Aristoteles serenitatem definiens quietem in aëris multitudine, materiam quidem aërem esse dicit, actum verò & substantiam quietem. Et rursus tranquillitatē definiens maris planitiem, planitiem quidem actum, mare autem materiam vocat, 8 *Met. 2.* At id videtur etiam in nonnullis substantijs compositis obtinere, veluti in ipsis quoq; animalibus. Diximus suprâ lib. 1 c. XI §. 23 ex 1 *Hist. Anim. 1.* differentias animalium nonnunquam peti à membris & partibus corporis, quorum respectu quædam bipedia, quædam quadrupedia dicantur. Et undetandem petentur differentia plantarum? Numquid ab animâ solâ, quia formæ rationem habet? At non differunt plantæ per animæ differentiam, ut quæ

præter vegetativum, quod omnibus commune est, nil ab anima habent. Ergo à corporis dispositionibus, non exclusâ tamen prorsus animâ. Junctâ enim ipsâ, licet ex se communis sit, materiæ certo modo dispositæ, aliæ atq; aliæ oriuntur qualitates, quæ circa substantiam diversitatem aut differentiam faciunt, atque idèο διαφοράς, *differentie* dicuntur, 5 Met. 14. Fortean itaq; idèο potius differentias in definitionis formarû substantiarum materiâ significare dixerunt, quodâ materiâ sumantur, quam determinant ipsæ formæ, quæ definiuntur. V. g: Anima definitur actus corporis organici Physici. Hic differentiæ loco ponitur corpus Physicum, quæ materiæ rationem habet, si conferatur cum ipsâ animâ? Id si intendunt, non habebunt quidem facile ullum contradicentem. Verû hæc consideratio nondum hujus est loci.

V. Ad *accidentia* porro & in *specie propria* πᾶσι, de quibus hîc præcipuè solliciti sumus, quod spectat, ea, quod & ipsum jam supra indicavimus (nimirum lib. 1 c. X §. 4) *dupli-*
cem habent definitionem, aliam *essentialem*, aliam *causalem*. Ex quibus illa, *essentialis*, inquam, æqvè ac substantiarum definitio constat ex genere & differentijs. Velut cum eclipsis Lunæ definitur privatio luminis in Luna. Hæc autem, *causalis*, exprimit causam, à quâ ita affectio pendet, ut peream sit & conservetur, ut si eclipsin definias diametralem interjectionem inter Solem & Lunam. Quod si *utraq; conjungatur* & eclipsis Lunæ dicatur privatio luminis in Lunâ ob diametralem interpositionem terræ inter Solem & Lunam, nascitur inde perfectissima definitio omnibusq; numeris absoluta. Et has quidem triplicis generis definitiones dicunt communiter Aristotelem insinuasle 1 Post. 8 §. 3, quando definitionem ita dividit, ut dicat aliam esse *principium demonstrationis*: aliam *conclusionem demonstrationis*: aliam autem *ab ipsâ demon-*
stra-

stratione non differre, nisi deo, positione. Per definitionem enim eam, quàm vocat *conclusionem demonstrationis*, intelligere ipsum autumant definitionem τὸ πρῶτον *essentialem*. Privationis namq; luminis Lunæ datur utiq; aliqua causa, per quã demonstrari possit, videlicet interpositio diametralis terræ inter Solem & Lunam, ex qua cum actu ipso demonstratur privatio luminis Lunæ, fit hæc sine dubio demonstrationis conclusio. Hæc enim est *illud ipsum, quod demonstratur* lib. 1 Post. c. 7. Per definitionem autem, quæ *principium* sit *demonstrationis*, intellexisse eum putant *definitionem causalem*. Ex diametrali namq; interpositione terræ inter Solem & Lunā, tanquã ex causa efficiente, demonstratur eclipsis aut privatio luminis de Luna. Per definitionem deniq; *non nisi deo à demonstratione differentem* intelligere eum arbitrantur definitionem ex *ambabus*, modò tactis, *compositam*. Ea enim solo vorum ordine à demonstratione est distincta. Nempe definiens priore loco priorem definitionem ponit, deinde annexit posteriorem illam, causalem. At demonstrans à definitione, quæ causam explicat, progreditur atque ad alteram demonstrandam pergit. Hoc modo Aristotelem interpretatur Philoponus in 1 Post. c. 8 & 2 Post. c. 10 & Eustratius item in 2 Post. c. 10.

VI. Jam in re ipsâ quidem, quod hîc desideremus, nihil habemus. De eo tamen haud immeritò dubitamus, an in isto loco Aristoteles triplicem hanc τὸ πρῶτον definitionem indigetarit. Respondet enim iste locus per omnia alteri in 2 Post. c. 10 §. 7, ubi itidem tria, ait, definitionum esse genera, nempe *rationem τὸ τί ἐστι indemonstrabilem: syllogismum ipsius quid sit, differentem casu à demonstratione: & deniq; conclusionem demonstrationis, quid sit.* Jam quæro ab illis, sub quo-

nem, quam ipsi principium demonstrationis appellant? Eustratus, id quæri posse animadvertens, refert ad illam definitionem, quam hic Aristoteles vocat *θέσις*, *positionem* vel *orationem ipsius quid est indemonstrabilem*. Sed num ad mentem Aristotelis, quæ fuerit quispiam rursus non sine causa. Ille enim genus hoc definitionis, quod vocat *θέσις* ipsius quid est indemonstrabilem, attribuit tantum illis rebus, quæ non habent causam essentiae à se diversam, & idcirco nequeunt demonstrari. Ita namque disertè scribit hoc ipso capite §. 6: *τῶν ἀμετῶν ὁρισμὸς θέσις ἐστὶ τὸ ἢ εἶναι ἀναπόδεικτον*, *immediatorum definitio est positio indemonstrabilis ejus, quod quid est*. Præterea describens definitionem illam, quæ est *sylogismus ipsius quid est*, ait eam esse orationem demonstrantem quam obrem res sit. Verba ejus §. 3 hæc sunt: *Ἄλλο δ' εἶναι ὅρον, λόγος ὁ δηλῶν διὰ τί εἶναι*. Definitionem autem, quæ causam affert, ipsi vocant *principium demonstrationis*.

VII. Alij itaque rectius definitionem, quam Arist. in 1. Post. principium demonstrationis appellat, eandem dicunt esse cum eâ, quæ lib. 2. *positio ipsius quid est indemonstrabilis* vocatur, quæq; propriè *substantiarum* est, non affectionum, & non immeritò dicitur principium demonstrationis. Cum n. propriæ affectiones à formâ sive essentiâ subjecti fluant, hæc autem definitione subjecti exprimitur, sanè principium omnium affectionum ab ea pendeat, atq; sic demonstrationis medium rectè ab illa petetur. Quæ de re vide, quæ diximus antè lib. 1. cap. IIX §. 8 & c. X §. 6. Vocatur autem *positio quid est indemonstrabilis*, quia in quavis scientiâ *supponitur* ut *indemonstrabilis*, neque in ea medium aliquod superius agnoscit. Aliàs enim non fugit nos, omnem actum materiale, quem exprimit definitio, resolvi in actum quendam priorem à superiori scientiâ, aut eâ, quæ omnibus communis est: actus autem

autem immaterialis in alium resolvitur nullum. Hic enim solus primus est, à quo cetera pendent. Unde Philosophia prima, quæ hunc actum considerat, dicitur scientia τὴ ἐστὶ, quia speculatur illud ἡ ἐστὶ, quod simpliciter est indemonstrabile, 6 Met. c. 1. Eam porro definitionem, quæ conclusio demonstrationis dicitur, consentiunt esse definitionem τὴ πρὸς essentialē, quæ genere & differentiā constat. Eam autem, quam Philosophus appellat syllogismum ipsius quid est διὰ τοῦτο, aut, ut alij legunt, πρὸς τὸ, casu, differentem à demonstratione, censent eam esse, quæ causam affert. Quam ideo putant Philosophum dicere casu differre à demonstratione, quod illa, cum modo definitionis profertur, ferè nunquam per se sine alterâ soleat sumi. Rarò enim eclipsin definiturus dicit eam esse interjectionem terræ, sed potius esse privationem luminis ob terram interjectam. Quod & apud Aristotelem non semel deprehendere licet. Ut 2 Post. c. 2 §. 3: *In his omnibus perspicuum est idem esse quid est & διὰ τὴ ἐστὶ, cur sit. Velut quid est eclipsis, privatio luminis in Lunâ ob terrâ interpositionem. Cur est eclipsis, aut cur deficit Luna? propterea quod eam lumen destituit terrâ interpositâ.* Imprimis autem notabilis pro hac sententiâ locus est ex 2 Post. c. 10 §. 3. Ibi enim, postquam dixerat, definitionem aliam esse, quæ exponit, quid sit, aliam, quæ declarat, cur sit, quæ sine dubio eâ ipsa est definitio, quam illi causalem dicunt, addit §. 4: *Quocirca prior significat quidem, non tamen probat: posteriorem autem apparet quasi demonstrationem esse, probantem quid sit, situ differentem à demonstratione. Differt enim dicere, cur tonat? & quid est tonitru? ad illam enim quæstionem sic respondet, quia extinguitur ignis in nubibus: ad hanc autem, quid est tonitru? dicit sonus extincti ignis in nubibus. Quare eadem ratio alio atque alio modo effertur: & eo quidem*

modo est demonstratio continua: hoc autem modo est definitio. Sic & in 8 Met. 4 definitionem eī rō dīlo sive causalem vocat hanc, quā eclipsis Lunæ dicitur esse privatio luminis à terrā in medio interpositā. In quem locum ita Alexander: Definitio cum causa demonstratio est differens positione.

VIII. Ad extremum observandum & hoc est, quod Græci Interpretes, velut Philoponus & Eustratius loc. cit. illam definitionem, quæ causam affert, formalem vocent; materialem autem eam, quæ genus & differentiam. Atqui nec hoc videtur esse sententiæ Aristotelis conformæ, qui in 8 Met. 4 illam eclipsios Lunæ definitionem, quā ea dicitur esse privatio luminis in Luna, ait εἰς & sive formam significare: istam verò, quā definitur interiectio terræ, causam efficientem. Quod & evidenter ibi astruit Averroës istum locum explanans. Ita enim loquitur: *Cum quis contentus est hac definitione eclipsios, est privatio luminis in Luna, cognitio talis erit diminuta, licet teneat formam, quæ est privatio luminis. Cum autem additur, propter interjectionem terræ ipsi & Soli, tunc perficitur cognitio eclipsis. Inducitur enim definitio, quæ continet causam & agentem & formalem eclipsios. Porro, si communem sequamur explicationem, in 1 de Anima t. 16 definitionem iræ per formam dialecticam; definitionem autem per materiam, Physicam appellat. Per definitionem autem formalem vulgo intelligunt eam, quæ constat genere & differentia, per materialem autem causam. Appetitum enim vindictæ vocat ibi Aristoteles definitionem formalem: in hac autem expressa sunt genus & differentia. At materialem dicit effervescentiam sanguinis circa cor, quæ est reverà causa iræ. Formalem igitur, ut diximus, definitionem ibi intellexisse videtur Aristoteles eam, quæ ex genere constat & differentiis*

eijs, non evidenter expressâ materiâ, aut certe non propriâ materiâ, quæ quidem ut exprimatur, Physico apprimè curandum est, ut patet ex 6, 7, 8 Met. Cæteroqui, si Aristoteles in illo 16, text. 1 de An. per definitionem formalem eam indigetasset, quam principium demonstrationis alibi vocat, tunc principium demonstrationis esset Dialecticum quiddam, quod quidem absurdissimum foret.

IX. Crediderim tamen Græcos habuisse rationem, quare definitionem illam, quam Aristoteles *formalem* dicit, ipsi *materialem*, & quam ille *causalem* nuncupat, hi *formalem* appellarint. An fortè respexerunt ad *rationem substantiæ*? Ut enim in substantijs materia ex formâ optimè infertur, ita ut *forma sit inferre, materia, inferri*, quod forma, ut Eustratius habet in 2 Post. sit *αἰτία τοῦ ὄντος ὡς ὕλης, causa materiae* (διὰ τοῦτο, pergit ille, τὸ τοιοῦτον εἶδος τοιοῦτης ὕλης περιέχεται δέχεται αὐτὸν, *talis enim cum sit species, etiam materia hac apta est suscipere eam*;) ita in accidentibus aut proprijs definitio affectionis constans ex genere & differentijs est conclusio demonstrationis, & infertur ex eâ definitione, quæ causalis dicitur, atque principium est demonstrationis. Quod si jam inferre proprium est formæ, inferri autem materiæ, utique commodè causalis definitio formalis, essentialis autem materialis dicetur. Sed hæc ratio non esse sufficiens videtur. Novimus enim *materiam & formam sibi mutuò causas* esse. Nempe ut forma exornat & perficit materiam: ita vicissim materia sustinet ac sustentat formam. Et ut forma materiæ dat esse hoc v. g. ut sit ignis aut lapis, aut planta: ita materia vicissim dat formæ esse absolutè, sicut jam superiore libro observavimus c. IX n: 20. Perinde ut etiam in accidentibus & subjecto se res habet. In his enim accidentia subjecto tribuunt esse tale vel tantum &c. v. c. ab ijs subjectum habet, ut sit bicubitum,

aut

aut tricubitus, album aut nigrum &c. At hæc à subjecto habet simpliciter esse. Accidentium enim *esse est inesse* 7 Met. 1 & 1. Categ. 2. An ergò idèò potius causalis definitio formalis à Græcis dicta est, quod sicut forma determinat ac circumscribit materiam, adeò ut quis ex ijs compositum perfectè non cognoscat, nisi eam habeat perspectam: ita & causa, quæ principium demonstrationis est, definiat ac determinet $\pi\epsilon\delta\theta$, adeò, ut perfectam ejus cognitionem sibi tribuere non possit, nisi is, qui eam cognitam habet. Huc respexisse videtur Alexander Comm. in 3. Met. inquit: *Docet Philosophus formæ cognitionem potissimam esse rei cognitionem, quoniam in demonstrationibus tunc propositi demonstrationem habere nos putamus, cum causam ejus definitionemq. cognoscimus.* E. g. *Tum scimus, quid sit defectus Luna, cum dicimus terræ objectionem esse definitionem defectus.*

X. Sed cur Aristoteles è contrario definitionem causalem *materialem* appellavit in 1. de An. 1? An idèò id factum, quia ut materia *radix & fundamentum* est omnium formarū, quæ istæ nituntur atqve sustentantur: ita & causa, quæ principium est demonstrationis, fundamentum est omnis solidæ & perfectæ cognitionis, quam de proprijs affectionibus habemus? An dubium adhuc est, num Aristoteles ibi per definitionem ex materiâ constantem intellexerit causalem, ita ut materiæ vocem latius acceperit isto loco, atqve aliàs solet, nempe tam latè, ut & alias causas complectatur. Communiter sanè, ut paulo ante monitum, ita Aristotelem explicant, quasi ibi distinctionem fecerit inter definitionem *Physicam & Dialecticam*, & hanc quidem vocarit eam, quæ ex *formâ* constat, i. e. genere & differentia, *illam* autem dixerit, quæ *materiam* affert, id est, causam. Verùm non memini me apud Aristotelem in hac significatione vocabulum materiæ unquā legis-

legisse. Neque is expressè dicit, *Physicam* esse eam definitio-
nem, quæ constat ex *materia*, *Dialecticam* autem, quæ ex *for-*
ma, sed dubitat potius ibi, ex quibus definitio Physica constet.
Num Physicus passionem aliquam v. g. iram definiat per for-
mam, an per materiam, an per utrumq;. Patet id ex serie ver-
borum. Concluserat in textu anteced. 15, quod, *si anima passio-*
nes sint forma in materia, per materiam debeant definiri atque
ad Physicum spectent. Hâc autem occasione datâ, pergit de-
clarare, quæ sint definitiones naturalis Philosophi, & ex qui-
bus principijs constent. Et primo quidem loco posuit hoc,
quod diversus sit modus definiendi Dialectico & Physico. Hic
enim uti naturalibus rationibus utitur, quæ sunt ex causis veris,
propriis ac necessarijs: ita & perfectas habeat definitiones ne-
cesse est. Dialectico autem, cum per communia procedat,
satis est, si quales quales afferat definitiones. Hinc autem enum-
erat tres definiendi modos, seu tres definitionum species, quarum
una sit, quæ ex *materia*, *altera*, quæ ex *forma*, *tertia*, quæ ex
utroq; principiorum genere constet. E. gr. Si quis definiat
domum dicendo, quod domus sit constructio ex lapidibus,
lignis & cœmento, materiam assignabit. Sin ita, quod do-
mus sit constructio nos defendens ab imbribus, calore & aë-
re, formam attinget. Si ita denique, quod domus sit con-
structio ex lapidibus, lignis & cœmento, defendens nos ab
imbribus, calore & aëre, utrumq; genus causæ complectetur.
Cum itaque triplex sit definitio, dubitat porro Philosophus
in calce text. 16, quænam illarum adhibenda sit à Philoso-
pho naturali, cum definit animati corporis passiones: an ea,
quæ est per formam, an ea, quæ est per causam materiale, an
ea denique, quæ ex utrovis genere causa est constituta. In
textu autem sequenti, 17, determinat demum hanc quæstio-
nem & dicit: *Naturalis Philosophi definitionem constare ex*

utrávis causa, formali ac materiali, quod Physicus non consideret τὰ παρὰ χειρὸς μὲν, *abstracta*, qualia contemplatur Mathematicus, qui formam trianguli, circuli, quadrati & similia considerat ἢ ἀφ' αὐτοῦ, quoniam illa non sunt in certâ & determinatâ materiâ: sed παρὰ μὴ χειρὸς, *affectiones minime separabiles*, utales quæ in certâ ac determinatâ materiâ perpetuò spectentur. Quod discrimen habet & in 2. Phys. c. 2. In medio ergò 16 textu non dixit Arist. Physicum differre in hoc à Dialectico, quod *naturalis per materiam* definiat, *Dialecticus autem per formam*. Hoc, inquam, non dixit, nec dicere potuit. Si enim hoc dixisset in primis contextus verbis, frustrâ sanè in fine dubitasset, quænam ex tribus illis definitionibus ad Physicum pertineret. Perperam quoq; dixisset eam definitionem esse Physici, quæ traditur per utrumq; genus causæ. Errori occasionem præbuisse videntur verba illa contextus, quibus, postquam differenter definire Dialecticum & Physicum affirmasset, statim subdit: *Ut, quid est ira? Hic enim appetitum vindictæ definiret aut aliud hujusmodi esse doceret. Ille autem fervorem sanguinis circa cor, horum autem hic quidam assignat materiam, ille vero formam & rationem.* Scilicet retulerunt illi hæc verba ad Dialecticum & Physicum, cum potius ad *diversos modos definiendi* referre debuissent. Accipit enim in principio contextus, quod diversi sint modi definiendi Dialectici & Physici: mox diversos modos definiendi enumerat: & tandem quisnam Physici sit, exponit. Ita profectò & non aliter Philosophi sententiam explicat Themistius in Comm. ad lib. 1 de Animâ capite 9: *Diversa, inquit, ratio est, quâ definire Physicus solet, ab eâ, quâ Dialecticus. Hic enim iram definit cupiditatem vindictæ, ille autem effervescentiâ sanguinis circa cor.* ὁ δὲ διαλεκτικός μὲν τὸ εἶδος, ὁ φυσικός δὲ τὴν ὕλην, *Dialecticus quidem formam spectat,*

spectat, Physicus autem materiam. Ratio enim iracundia
 λόγος τῆς ὀργῆς, appetitus est vindicta. Sed rationem hanc
 necesse est in tali esse materiâ collocatam. Quemadmodum
 ex definiturus domum alius forma & ratione contentus domum
 ait esse custodiam & defensionem à ventis, imbribus, calori-
 bus, frigore. Alius solâ materiâ contentus, ligna, lateres, in-
 trita. Alius deniq; ambo complectens munitionem ab iis, quæ
 foris ingruunt, ex tali aut tali materiâ. De tribus his quod
 genus Physico convenit? Utrum id, in quo solius forma sit
 mentio prætermisâ & neglectâ materiâ? An id, in quo soli-
 us materia ratio habetur formâ posthabitâ? An id potius, in
 quo junctim materia & forma declarantur? Quod si postre-
 mum hoc genus Physico congruit, cui secta reliqua duo ven-
 dicari aut tribui debent? Certe definitio, in qua sola vis for-
 mæ affertur, quæ seorsum consistere, confirmationemq; & so-
 liditatem habere non potest, sola Dialecticis asciscitur. ἐπεὶ
 αὐτῷ κενολογῶν συμβαίνει πολλὰκις, ex quo illa plerumq; futilis &
 inanis habetur. Ea verò, quæ materiam tantum & affectio-
 nes ejus, quæ abjungi non possunt, τὰ ἀχώριστα πάντα τῆς ὕλης,
 nullius quidem fuerit, præterquam Physici, quippe qui circa
 omnia versetur, quæ materiam & ejus opera, ἔργα, & affe-
 ctiones, πάντα, appellant, sed cessans & manca, nisi materia
 meminerit, ὁποῖον ὅτε τῆς ὕλης. Ac formam quidem sem-
 per in definitione collocare debemus, quæ locum principem te-
 neat, ita tamen, ut à materiâ non recedamus, etiam si forma ra-
 tione possitungi. Etenim forma naturali materia semper
 opus est, cum Mathematicus sine materiâ res, quæ perira-
 ctat, veluti lineam rectam definiat, quod illa à nexibus
 materia libertores sint, quàm forma naturalis. Non aliter
 locum hunc exponit etiam Simplicius in Comm. cujus verba
 hæc sunt: Προϊπὼν διαφορῶς ὀρίεσθαι τό τε φυσικόν καὶ τὸν δι-
 αλεκτικόν ἔχουσιν αὐτῶν τῶν τῆς ζωῆς εἰδῶν καὶ παθῶν, ἐπὶ ὑποδεί-
 γμα-

γμάλθ' ἴης ὀργῆς τὸ διαφέρειν παραστήσαι διελήσας, τὸν μὲν εἶναι μόνον
τὸ εἶδος φησί, τὸν δὲ μόνον ἴης ὕλης. ὃ τὸν φυσικὸν μόνον ἴης ὕλης
λέγον: σαφέως γὰρ ἄμφω τὸν φυσικὸν παραλαμβάνειν ἐρῶ, ἀλλὰ σκο-
πὸν θέμεν τὴν διαφορὰν ἰδῆν, τῶτε φυσικῶς καὶ τῶ διαλεκτικῶς, δι-
αφ' ἡβολικώτερον, ὅσοι ἂν νομιθῆεν γίνεσθαι τῆς ὀργῆς ὅροι. Ἐν
οἷς καὶ ὁ ἐκ ἴης ὕλης παρέληπται διὰ τὸ τέλειον τῆς διευρέσεως.
*Postquam in suo textu Philosophus pramonuisset, Physicum
atque Dialecticum definire differenti modo quamlibet vita
speciem, vel passionem, differentiam ipsam per ira ipsius ex-
emplum apponere volens, hunc quidem solam formam affer-
re, tunc autem materiam tantum, non ita tamen, ut naturalis
materiam solam assumat, intelligit: manifestè enim utrumq;
vel materiam, vel formam, vel materiam simul ipsum acci-
pere inquit. Verum scopum inventiendi differentiam Diale-
ctici & Physici inquisitoris statuens, universalius paulò divi-
dit, quotnam definitiones ipsius ira viderentur fieri posse, in
quibus assumpta quoq; fuit, quæ ex materia ipsa constat, idq;
ob divisionis perfectionem. Hæc ille. Nihil itaq; cogit, ut
dicamus Aristotelem per materiam in 1 de An. c. 1 in genere
causam intellexisse, aut definitionem quamvis causalem mate-
rialem appellasse.*

CAPUT VI.

*De modo cognoscendi definitionem essentialem, &
primum, an demonstrari aut alio modo
probari possit.*

I.

Vidimus, quot sint definitionum genera, quodq; aliæ ex
illis sint *causales*, aliæ *essentiales*. Nunc videndum por-
rò, quomodo in cognitionem earum deveniamus. Et pri-
mum

mum quidem de definitionibus essentialibus dicendum, quæ
 exprimunt *ὅτι ἐστίν*, sive *quid sit*. Quæritur ergo principio, an
 definitio atque adeo *τὸ ὅτι ἐστίν* demonstrari possit, sicuti *τὸ διὰ τί*,
 nec non *τὸ ὅτι* & *ἐὰν ἐστίν* interdum ostendimus demonstrari per
 Syllogismum? Hanc quæstionem ut solidè decidamus, distin-
 guendū hīc ante omnia est inter definitiones *substantiarū* &
accidentium sive propriarum affectionum. Quod ad illas at-
 tinet, certum est illas demonstrari nullā ratione posse. Nam
 primò, quæ demonstrantur, illa cognoscuntur non ab ista ani-
 mæ nostræ facultate, quæ ab Aristotele vocatur *νῦν*, & simpli-
 ci intuitu apprehendit objectum suum: sed à *διανοίᾳ*, quæ nō
 est mens simplex, sed in se quasi reflexa, & ab uno compre-
 henso progreditur ad aliud. Qui enim demonstrat, à princi-
 pijs progreditur ad conclusiones, sive à causis ad effecta, aut
 contra ab his ad illas. At *τὸ ὅτι ἐστίν* substantiarum, quod defi-
 nitione exquiritur, non comprehenditur *διανοίᾳ*, sive non est
 objectum *διανοίας*, sed *νῦν* sive *intellectus* aut mentis, quæ rectè
 in objectum suum fertur citra compositionem & divisionem,
 non secus, atque sensus in suum objectum, v. gr. oculus in
 colorem, auditus in sonum. Docet hoc passim Aristote-
 les, velut lib. 3 de Anima c. 7 t. 26, ubi ait, *intellectum τὸ*
ὅτι ἐστίν *verum esse* *ἡ ἀλήθεια τὸ ὅτι ἐστίν*, non *ὅτι ἡ ἀλήθεια λεγόμενα*, ut ali-
 quid de aliquo, quomodo veræ sunt affirmationes & negatio-
 nes, quæ esse suum in compositione & divisione situm habent,
 sed ut *aspectus proprii objectus* est verus. Et de definitionibus
 hinc i Post. c. 10 §. 9. scribit, quod tantum *intelligi* oportet-
 at, atque ita se habeant ut *τὸ ἀντιλεγεῖν*. Deinde definitiones es-
 sentiales substantiarum immediatè cohærent cum definitis.
 Per essentiam enim & non per aliam causam sunt id, quod
 sunt: huius autem *λόγος* est definitio. At demonstratio so-
 lum eorum est, quæ medium habent. Denique ex suprà di-

Etis (I. I. c. 10 § 6) cōstat quod omnia, quæ de substantiis demonstrantur, demonstrantur *πρὸς τὸ ἐξ ἀφ' ἑαυτῶν* ex definitione affectionis causalī, quæ tamen tandem oporteat resolvi in definitionem essentialē *ὑποκειμένου* subjecti, sive substantiæ illius, cuius affectio ista propria est. Inde, si definitio substantiæ demonstraretur de substantiā, loco medij principalis sumendum esset ipsum quid est, sive ipsa definitio substantiæ, atque sic sumeretur id, quod in principio sumptum est. Petitio autem vel sumptio *τὸ ἐν ἀρχῇ* nihil probat.

II. Dices fortè, alios esse modos, quibus *τὸ ἑστίν* aut definitio essentialis substantiarum probari possit, veluti per *definitionem aliam*: aut per *proprietas*: aut per *divisionem*: aut per *definitionis definitionem*: aut per *contrarij definitionem*: aut per *inductionem* denique & *sensum*? Verum nullo horum modorum demonstrari posse definitionem docet Philosophus lib. 2 Post. c. 4, 5, 6, 7 satis prolixè. Nos paucas inde hinc lineas ducemus. Primum igitur definitio demonstrari non potest per *aliā definitionem*. Nam cum definitio sit *ἡ οὐσία τοῦ ἑστί* sive *ἡ οὐσία*, id est, essentiæ rei; essentia autem cuiusq; rei sit una, quatenus spectatur ut una, sanè unus quoq; rei, quatenus una est, non nisi una esse definitio potest. Quod si autem diversæ, afferantur, illæ *ὀνόμασι* quidem diversæ erunt, at non *νοήμασι*, id est, different quidem *νομῖν*ibus aut vocabulis, sed non *intellectu* vel *significatione*, adeoq; nec reipsā. Inde si talium definitionum una demonstraretur per alteram, rursus loco medij *τὸ ἐν ἀρχῇ*, hoc est, id quod in principio ad demonstrandum propositum est & postea sit in demonstratione conclusio, sumeretur. Talem autem sumptionem nihil probare, modo est dictum. Sed neque demonstrari potest definitio per *proprietas*, quod veteribus nonnullis fieri posse videbatur, existimantibus, per quod-

quodvis medium ἀντιστοφον sive reciprocam essentiam posse demonstrari. Sicut Zenocrates animam numerum seipsum moventem definebat, idque inde demonstrare volebat, quod vita sibi ipsi sit vita. Cui simile esset, si quis per τὸ γελαστικόν de homine animal rationale demonstrare vellet. Verum quavis hujusmodi illatio nō sit ἀπὸ τῆς ἀρχῆς, *sumptio ejus, quod in principio quasitum est*: propriè dicta tamen demonstratio nec ipsa dici potest, cum proprià naturā sint posteriora. At omnis demonstratio propriè sic dicta constat ex naturā prioribus, juxta c. 4. Præterea non probatur eā id, quod probandum erat. Simpliciter enim per talem syllogismū probatur animal rationale inesse homini: at probandum erat inesse, ut quidditatem vel definitionem. Non enim si inest, statim inest, ut definitio. Insunt enim rebus & genera, & propria, & accidentia i Top., c. 3.

III. Ulterius definitiones nec probari possunt aut demonstrari per *divisionem*, secus ac aliqui veterum existimarunt. In quorum censu etiam Platonem collocat Alexander in i Prior. c. 21. Et videtur colligi posse ex Sophistā ejus, quo Dialogo cum multas sophisticas definitiones divisione collegisset, tandem exquirat Hospes ex Theæteto, an assentiatur divisione collectæ definitioni? Respondet Theætetus, necesse se habere illi assentiri & addit rationē: τῷ γὰρ λόγῳ δὲ συνακολουθεῖν, *Rationi enim assentiri oportet*. His namq; ultimis verbis significare videtur necessariā rationē ex divisionibus colligi definitionem. Phileponus tamen conatur ab hac reprehensione Platonem vindicare. ὃ μὲν τοῦτέ, inquit, ταύτην (divisionem) ἀποδεικνύειν εἶναι λέγει (ὁ πλάτων,) *Rationem addit: Σαφὲς γὰρ διαφορὰν διαμετρικῆς καὶ ἀποδεικτικῆς. Τέτταραι γὰρ φησὶ μέθοδοι εἶναι κατὰ φιλοσοφίαν. Διαμετρικὴν, ἐριστικὴν, ἀποδεικτικὴν καὶ ἐναυτικὴν: ἵσως ἔν τις λέγας ἄλλης ἀντιτεῖλαι τὴν διαμετρικὴν ἀποδεικτικὴν*

xxv. *voulgées.* Dicit Platonem divisioni non tribuisse vim demonstrandi, eò quod quatuor fecerit methodos, divisionis scilicet, definitionis, demonstrationis, & resolutionis. Ideoque Aristotelem quando in eos inveniatur, qui τὸ ἀποδείκνυσθαι virtutem divisioni tribuerunt, aut rationem dividendi demonstrationem esse dixerunt, non Platonem, sed alios reprehendisse. Ut sit, per divisionem definitionem non esse neque posse demonstrari, manifestum est. Divisio enim nihil probat, quoniam non est syllogismus. Cujus rationem reddit Aristoteles lib. 1. Post. c. 3. 1, quia in probatione per divisionem facta, medium latius patet majore extremo. Talis enim est, ex divisione qui nascitur syllogismus: O. animal aut est rationale, aut irrationale. O. homo est animal. E. aut est rationale aut irrationale. Non irrationale. E. rationale. Hic loco medij assumitur animal, quod sanè latius patet quàm rationale. Hoc autem cum sit πᾶσι, quod in conclusione ostenditur de homine, erit majus extremum. Jam verò in nullo syllogismo, in quo universalis affirmans concluditur, medius terminus latius patet majore; sed aut æquè aut minus latè, quàm majus extremum. Debet enim ei subijci. Præterea in omni probatione, quæ sit per divisionem, petitur τὸ ἐν ἀρχῇ, sive sumitur id, quod æquè ignotum est, atque id, quod quæritur. Ut in allato exemplo sine probatione sumitur hominem non esse hætenus expertem rationis, quod æquè ignotum est, ac esse participem rationis. Porro in syllogismo conclusio sequitur necessariò ex præmissis, & multò magis in demonstratione. In divisione autem conclusio non sequitur necessariò, nisi ultrò dividendi assentiamur. Sic enim proceditur in divisione: Annon O. homo est animal? Ita. Ergò O. homo est aut rationale animal aut irrationale? Ita. Sed non est irrationale? Hic nisi alter respondeat, ultrà progredi non possum.

Ad.

Adhuc, in syllogismo propositiones solum interrogantur (quanquam id nequidem in omni syllogismo obrineat, velut in demonstratione. Docens enim seu demonstrans non interrogat, sed sumit. Dialecticus autem interrogat, ut pridem diximus ex 8 Topic. c. 1) conclusio non item, sed infertur etiam alio repugnante. ὁ γὰρ πρὸς τὸν ἔξω λόγον ὁ συλλογισμὸς, ἀλλὰ πρὸς τὸν ἔσω, *syllogismus non ad externum sermonem pertinet, sed ad eum, qui est in animo.* 1 Post. c. 10 §. 7. In divisione autem conclusio quoque interrogatur. Denique, licet ponatur divisionem vim habere demonstrandi, tamen per eam ostendi non potest, hanc orationem esse istius rei definitionem. Constituta enim definitione, per divisionem adhuc quaeritur, quamobrem haec oratio sit huius definitio. E. gr. Instrui divisionem talem: O. substantia est animata vel inanimata. Homo est substantia. E. vel est animata substantia, vel inanimata. Non inanimata, quia edit operationes, quae sunt animae v. c. sentit, generat &c. E. animata. Animata est aut sentiens, velut animal: aut non sentiens, velut planta. Homo est sentiens substantia, adeoque animal. Animal porro aut est ratione utens, aut ratione carens. Homo non est ratione carens. E. ratione utens. Hic divisione collegi, hominem esse substantiam sentientem rationalem, aut animal rationale, sed illud non evici, hominis hanc esse definitionem.

IV. Porro, nec per *definitionis definitionem*, puta eam, quae affertur 1 Topic. c. 5 §. 2, definitio potest demonstrari. Nam in omni demonstratione medium diversum est à terminis quaestionis demonstrandae. In hac verò probatione, quae per definitionem definitionis aliquam definitionem concludo, medium non est diversum. Patet id exemplo. Esto syllogismus hic: Quaecumque oratio est propria definito & in quid de ea praedicatur, illa est ejus rei definitio. Haec oratio, Ani-

Mmm

ma

mal rationale, est propria homini & in quid de homine prædicatur. Ergo est hominis definitio. In hoc syllogismo, dico, medium non est diversum ab extremis. Conclusio enim est, ergo hæc est definitio. Medius terminus est oratio propria in quid prædicabilis. Hæc autem duo non differunt. Inde qui negat animal rationale esse definitionem hominis, ille unà negat animal rationale esse orationem propriam hominis, de eo in quid est dici aptam. Talis ergo probatio rursus sumit τὸ ἐν ἀρχῇ. Quemadmodum, inquit Aristoteles in 2 Post. c. 6. ineptè faceret is, qui in confirmatione alicujus questionis vellet adhibere syllogismi definitionem (Peteretur enim statim ab eo medium, quod se haberet ad id, quod probandum est, vel ut totum ad totum, velut totum ad partem): ita non minus ineptus est, qui definitionis definitionem ad definitionis utitur confirmationem. Definitiones enim illæ technicæ non confirmant rem, sed regulæ tantum sunt, quibus de syllogismis v. g. aut definitionibus factis, rectenè an secus facta sint, potest judicari.

V. Præterea nec contrarij definitio per contrarij definitionem potest demonstrari. Ratio est, quia & sic dubium per æquè dubium probatur. Qui enim negat definitionem aliam esse definitionem, ille tacitè quoque negat contrariam orationem esse contrarij definitionem. E. gr. Sit definitio boni, bonum est individuum, quomodo Pythagoræi bonum definiebant, teste Aristotele 4 Met. 5. Hæc definitio negetur. Tu coneris eam ita probare: Si dividiū esse est definitio mali, boni definitio erit esse individuum. Sed prius est verum. E. Hæc tua probatio quid aliud, nisi manifesta esset petitio τὸ ἐν ἀρχῇ. Qui n. negat boni definitionem esse ἀδιόριστον sive individuum, ille indẽm neget mali definitionem orationem contrariam esse. Præterea medium demonstrationis non solum diversum debet

bet esse à prædicato, sed neq; vicissim per prædicatum posse demonstrari. At quando definitio allata probatur per contrarij definitionem, medium potest per prædicatum iterum demonstrari. Utenim probo malum esse dividiuum, quia bonum sit individiuum: ita bonum possum probare individiuum esse, quia malum sit dividiuum. Deniq; in omni definitione vera hæc tria reperiuntur, *genus, certus numerus differentiarum & certus ordo amborum, generis se ac differentiarum*, ut ex his unum quid sit, quo natura & essentia definiti una eademq; declaratur. Utenim unum est definitum: sic & essentia ejus una est, quam exprimit definitio, assumptis genere & certis quibusdam differentiis. Quod si jam ex contrarij definitione definitio contraria demonstrari posset, tum probaretur per eam & genus & numerus atq; ordo differentiarum. At nullum ex his fit. Non genus probatur. Aliquando n. contraria quidē sunt sub eodem genere, aliquando autē sub generibus diversis. Velut Oligarchia & Democratia sunt sub eodem genere, *πολιτεία*: at audacia & fortitudo sunt sub generibus diversis. Illa quidem sub genere vitij, hæc sub genere virtutis. Sed nec *numerus differentiarum* probatur. Accidit enim quandoq; ut uni plura opponantur, velut audaciæ fortitudo & timiditas, idq; sub diversâ ratione. Illa quidem ut id, quod in medio est positum: hæc autem, tanquam defectus. Deniq; nec *ordo differentiarum* ostendi potest per contrarij definitionem, aut quare illæ differentiæ generi junctæ unam eandemq; essentiam declarent. Quod tamen necessum esset. Hoc enim proprium est definitionis, *ut ex ejus omnibus partibus unum fiat*, lib. de Cat. c. 5 §. 3. 7 Met. 12. Illud autem patet, quia, allatâ definitione, quaeritur adhuc, cur ea, quæ in istâ definitio, ne posita sunt, faciant unum.

VL Superest ergo, ut, si demonstrari ponatur definitio,

inductione vel sensu demonstretur. At neutrum etiam ex his dici potest. Qui enim inducit, propriè non demonstrat, sed declarat solum & illustrat rem ex notioribus nobis. Quæ certè duo differunt non parum. Multa enim rem declarant, quibus tamen *τὸ βίαιον* sive *necessitas & coactio* tribui non potest, 2 Post. c. 3 §. 5. Ita similia illustrant quidem, sed non probant. Porro omnis demonstratio fit ex veris & necessarijs, adeòq; ex vi propositionis nū necessario conclusionē infert. At inductio ex talibus non concludit. Inducit enim singularia, quæ necessaria non sunt, sed *παρὰ*, quorum ut non datur demonstratio 1 Post. c. 8. sic neque ex iis concludere potest demonstratio. Præterea omnis definitio ostendit, quid res sit, inductio autem non quid sit, sed quod sit aut quod non sit. Adde quod demonstratio non indiget assensu alterius, ut fiat. *Demonstranti enim, ut & ei, qui secum veritatem inquirat, curra non est, si vera sint & nota ea, ex quibus efficitur syllogismus, nec tamen alius concedat*, ait Arist. 8 Topic. c. 1 §. 1. At inductio indiget assensu. Progreditur enim à singularibus, & quidem non quibusdam, sed omnibus, ad universale, ut dicitur 2 Post. 23. Singularia autem sunt infinita, ut adeò impossibile sit ea omnia enumerare, & consequenter universale ex iis necessario concludere. Quid igitur hîc faciendum? Ubi plura inducta sunt, petendum est, ut detur universale: quod si id alter nolit facere, invito sanè id non extorquebitur. Deniq; nec *sensu* percipitur definitio. Quicquid enim sub sensum cadet, id ex materiâ & formâ sensibili compositum sit necesse est. At ex his definitio nulla est composita, sicut & Aristoteles in 7 Met. docet, ostendens *quidditates* esse à *materiâ sensibili* remotas, ex hac ratione, quod *sensibilis materia* sit *singularium*, *quidditates* autem sint *formarum sive specierum*. VII. Reliquum ergo est, *definitionem*, atq; adeò *τὸ τί ἐστι* demon-

demonstrari non posse. Nam quod quidam dicunt, ipsam definitionem esse instrumentum, ostendens τὸ ἔστι, id planè nihil est. Si enim per *definitionem* ostenderetur quid est, fieret hoc vel *sylogismo*, vel *inductione*, quod hæc media sint, quibus omnium rerum facimus fidem, 2 Prior. 23 §. 1. 1 Topic. c. 12, lib. 1 Rhet. c. 2, 1 Post. 1. *Definitio* autem neque *sylogismus* est, neque *inductio*. Non *sylogismus*, quia nihil deducit necessariò ex positis. Non *inductio*, quia hæc tantum ostendit, quod sit, non quid sit. Quod tamen non repugnat ijs, quæ 1 Met. 1. 48 & 6 Top. 4 dicuntur, nos etiam *definitione* *discere*, atq; etiam hanc esse *instrumentum cognitionis*. Id enim idè dictum est, quoniam definitio explicat nobis totum, quod confusum est, ut distinctè cognoscamus: at idè non demonstrat propriè aut probat quippiam. Aliud enim est *probare*, aliud *declarare*, ut suprà dictum est. Deinde in omni demonstratione ostenditur *quod sit*, *quid sit* autem *præsupponitur*. Τὸ ἔστι enim principium est demonstrationis. At in definitione præsupponitur *quod sit*, & assertur ἔστι, sive *quid sit*. *Necesse enim est*, inquit Philosophus 2 Post. c. 7. §. 2, *ut qui cognoscit, quid sit homo, aut quidvis aliud, cognoscat etiam, quod sit.* Quod enim non est, nemo novit, *quid sit.* Quæstio τί σημαίνει τὸ ὄνομα, quid nomen significet accommodari quidem potest non entibus, at non quæstio quid sit. Ita quærimus quidem quid significet nomen, hirco-cervus, verum non quid sit. Hoc enim cognosci hîc non potest, cum sit ex numero eorum, quæ τὸ εἶναι simpliciter non habent, atque adè nec τὸ τί εἶναι. Definitio ergò, ut dictum, præsupponit, quod sit. Quod si autem hoc præsupponit, utique non demonstrat. Differunt etiam non parum τὸ εἶναι πράγμα, quod ostendit demonstratio, & τὸ εἶναι πράγματι. Hoc enim est ipsa rei essentia. Illud autem, sc. τὸ εἶναι, nulli-

us rei essentia est. $\tau\omicron\ \delta\upsilon$ namque genus esset, quod dici nequit 2 Post. 7 §. 2 & 3, 7 Met. 16. Hoc tamen non obstat, quod minus $\tau\omicron\ \delta\tau\iota\ \epsilon\varsigma\iota$, quod sit, per $\epsilon\ \epsilon\varsigma\iota$ possit demonstrari. Hoc enim est $\alpha\iota\tau\iota\alpha\ \tau\epsilon\ \epsilon\iota\upsilon\alpha\iota$, *existentia causa*, ut est in 7 Met. Cum quo conferri possunt, quæ diximus hoc ipso libro c. II §. 3. Ideò & Mathematici, cum demonstrationibus utuntur, $\tau\omicron\ \delta\epsilon$ quidem demonstrant: $\tau\omicron\ \gamma\iota$ autem non demonstrant, sed initio scientiæ præsupponunt. Veluti Euclides in 1 Elem. propos. 1. docet *super datâ rectâ lineâ triangulum constituere*, idque quod constitutum est, triangulum esse demonstrat; verum trianguli definitionem, quod sc. sit *figura habens tres angulos, duobus rectis æquales*, non demonstrat, sed præsupponit.

VIII. Sed hoc fortè solum obtinet in definitionibus substantiarum, de quibus primo loco dicere proponebamus §. 1, & quorundam aliorum, quæ in his substantiis sunt similes, quod quidditates habent immediatas, qualia sunt Mathematica, quippe quæ cum à materiâ sint abstracta, præter $\tau\omicron\ \epsilon\ \epsilon\iota\upsilon\alpha\iota$ aliam causam non habent, non materiale non solum, sed neque efficientem, neque finalem, ut dictum lib. I c. 13, §. 11. De definitionibus autem essentialibus affectionum, quæ demonstrantur, & causam ab essentiâ diversam habent, quid erit sentiendum? Sanè quod illæ demonstrari possint ex causalibus definitionibus, videtur ex præcedentibus esse manifestum. Ideò enim hæc principia, istæ conclusiones demonstrationis dicebantur. Ita diximus, defectum luminis in Lunâ, quæ est definitio essentialis eclipsæ, demonstrari ex diametrali interpositione terræ, quæ est definitio eclipsæ causalis. Idemq; videre est in infinitis alijs. E. gr. Ingens sonus & boatus in nube, quæ est definitio tonitru essentialis, demonstratur ex definitione ejus causalis, eruptione subitaneâ ex nube;

nube: & circulus è regione Solis positus varijsque coloribus insignis, qui est definitio essentialis iridis, ex eo, quod radij Solis in nube roridâ refringantur ad interpositum visum. Verum neque hæ ipsæ sunt demonstrationes propriæ τὸ ὡς ἐστὶ. Ostendunt enim id quidem, quod Luna privetur lumine, cum patitur eclipsin, quod in nube oriatur ingens sonus & boatus, cum tonitru existit &c: at quod privatio luminis in Lunâ sit definitio eclipseos Lunæ, & boatus sive sonus ingens in nube sit definitio tonitru, id non demonstrat. Inde disertè Aristoteles tales syllogismos ait esse, non demonstrationes, sed *syllogismos Logicos* τὸ ὡς ἐστὶ, 2 Post. 8, §. 3, id est, *vanos*, & τὸ ὡς ἐστὶ non demonstrantes. Illam enim significationem & alibi hæc vox habet, velut 1 Eyd, c. 8.

IX. Neque quicquam juvat, etiamsi demonstratio cum alijs aliter construatur. Veluti hoc pacto: *Interjectio terra est privatio luminis Luna Eclipsis Luna est interjectio terra. Ergo eclipsis est privatio luminis Luna.* Nam & hæc demonstratio non concludit τὸ ὡς ἐστὶ, hoc est, non demonstrat, quod privatio luminis Lunæ sit definitio eclipseos, sed solum ostendit, quod ea verè dicatur de eclipsi Lunæ (idem enim est τὸ εἶναι in propositionibus, quod ἀλλ' οὐκ εἶναι, 5 Met. 7) modum autem, quo dicatur, non exprimit. Quò accedit, quod si rem ipsam spectemus, interpositio terre sit quidem causa, cur sit eclipsis, verum non est causa, cur eclipsis sit privatio luminis. Hæc enim forma est eclipseos, aut idem potius atque ipsa eclipsis. Ideò nulla causa afferri potest, quamobrem illi insit, quemadmodum nulla causa afferri potest, cur eclipsis sit eclipsis. Unde & Aristoteles, quando exemplum affert demonstrationis, in quâ conclusio eius est definitio essentialis affectionis, nunquam ita format conclusionem, ut in ea definitio de definito dicatur. E. gr. In demonstratione eclipseos

os non colligit, eclipsin esse privationem luminis Lunæ, sed Lunam privari lumine. Et in alia demonstratione 2 Post. 11 ex defectu caloris non concludit crystallum esse aquam congelatam, sed aquam congelari. Taceo, quod alij urgent, in demonstrationis allatæ majore propositione non satis congruere, imò non satis verè attributum aptari subjecto. Non n. interjectio est ipsa privatio, sed ob illam Luna privatur lumine, quod & Averroës fortè attendit, quando 2 Post. c. 38 *unam definitionem non posse alteri attribui assermat.*

CAPUT VII.

*De ratione investigandi definitiones
essentiales.*

I.

Quod definitiones rerum, cum subjectorum, tum propriarum affectionum essentielles demonstrari non possint, hætenus constitit nobis. Inde autem nova jam oritur quaestio, nempe quibus modis ea sine demonstratione inveniri possint? Quod ut innotescat, observandum est, duo esse genera eorum, quæ definiuntur. Alia sunt *species infima*, alia *genera subalterna*. Atq; illarum quidem quæ proprie & primò definitio sit, dubium planè nullum est. Hæc enim nihil aliud est, quàm λόγος τῆς ἁπλῆς singularium, quæ extra nos sunt. Jam autem tota singularium essentia est in specie inclusa: genus autem est quidem & ipsum insingularibus, non tamen ut tota eorum ἁπλῆ. Unde definitio generis est potius pars definitionis, quàm integra definitio ejus rei, quæ extra animam est: at definitio speciei est tota definitio. Primum ergò nobis

bis ostendamus, est modus investigandæ definitionis specierum. Ad eam itaque constituendam, ante omnia opus est, ut *genus* rectè assignetur. Hoc enim *primum* est eorum, quæ in definitione specierum ponuntur, 6 Topic. § 1, § Met. 28. Assumendum autem est genus *proximum*: quanquam aliquando & remotum poni possit, videlicet quando genus proximum est ἀνώτερον, modò ei adjungantur differentiæ, genus proximum constituentes, 6 Topic. § 5. Alioquin si genus proximum nomen habeat, fatius est hoc ponere, ne nimis crescat definitio, & ornamento suo, quod est brevitatis, destituatur. Sed unde cognoscere possumus hoc esse genus speciei alicuius proximum? Nempe attendendū ante omnia est ad σχῆμα τῆς ἀληγορῆς, quo à cæteris ἀληγορῶν διακρίνεται genus. Neque enim genus solum dicitur de specie, sed & differentia, proprium item & accidens? Verum non eodem modo. Genus enim & differentia dicuntur de speciebus ἐσσιώδως, *essentialiter*: proprium & accidens non item, sed illud quidem ad ea pertinet, quæ Græcis ἐνδοσώδη dicuntur & ex ijs, quæ ad essentiam spectant, necessario fluunt: hoc autem inest ἐνδεχομένως, h. e. ita, ut possit etiam non inesse, 1 Topic. § 9. Superest ergò, ut videamus, quomodo à differentijs distingvatur genus. Hoc docet Aristoteles paucis 6 Topic. c. 6 dicens, *genus* *pradicari* ἐν τῷ ἔστι, *differentiam* autem ἐν τῷ ποῖόν ἐστι. Quod discrimen & Porphyrius passim annotat in suâ Isagoge.

II. Sed quid significat *pradicari* ἐν τῷ ἔστι? Aristoteles id ita definit: *In quid est ea dicuntur pradicari, quæ aptè respondentur, cum rogatur, quid sit res proposita, ut ad interrogationem, quid sit homo, aptè respondetur, quod sit animal,* 1 Topic. c. § 6. Ubi apposite illud, *aptè*, adiectum est. Contingit enim interdum, ut ad quæstionem ἔστι non aptè

Nnn

respon-

respondeatur, velut cum ad eam, quod in communi vitâ satis crebrò accidit, responderetur *per materiam*, aut per tale quid, quod non *proprie*, sed μεταφορικῶς, sive *per translationē*, rei, de quâ quæritur, quid sit, convenit. Ut si ad quæstionem, quid est cathedra illa? respondeatur, est ebenus aut marmor: aut ad quæstionem, quid est temperantia? cum Platone ex IV. de Republ. dicatur, est συμφωνία. Per hæc omnia quidē responderetur ad quæstionem quid sit, verum ineptē per deceptionem καὶ τὸ σχῆμα τῆς λέξεως, de quâ vide lib. Sophist. c. 22. Idēque talia non sunt genera vera istarum rerum, de quibus hîc quæsitum fuit, quid sint. Virtus autem aptè dicitur de temperantiâ, & animal de homine ad quæstionem τί ἐστὶ, sive quid sit. Ista ergò in quid prædicari rectè dicuntur.

III. Verum his nondum satisfactum est curioso veritatis indagatori. Quæri enim adhuc potest, quodnam sit illud, quod *apposite* dicatur de realiquâ ἐν τῷ ἢ ἐστὶ. Aristoteli quidem τὸ ἐν τῷ ἢ κατηγορεῖσθαι non eodem dicitur modo. Nunc enim integra definitio de definito apud cum hoc modo prædicari dicitur, quæ inde etiam apud eundem definitur λόγῳ τῷ ἢ ἐστὶ 2 Post. 10: nunc ea omnia, quæ in isto λόγῳ, h. e. definitione insunt, etiam *differentia*, velut 7 Topic. c. 3 §. 2. At hîc strictius accipiatur necesse est. Per hoc enim, quod ἐν τῷ ἢ ἐστὶ prædicatur, genus dicebatur distingui à differentiâ, quippe quæ prædicatur non simpliciter ἐν τῷ τί ἐστὶ, sed ἐν τῷ ποῖον ἢ ἐστὶ. Confer 4 Topic. 2 §. 1 & c. 6 §. 15. Quid ergò tandem erit ἐν τῷ τί ἐστὶ κατηγορεῖσθαι in propriissimâ significatione? Declaravimus & id alibi fufius. Nunc tribus repetimus verbis. Id ergò prædicari ἐν τῷ τί ἐστὶ de realiquâ dicitur, quod ita ei tribuitur, ut sit ὅπερ ἐκείνῳ ἢ, *illud ipsum quoddam*, quod sc. τὸ κατηγορούμενον esse perhibetur. Vide lib. 1 Post; c. 22 §. 7. E. gr. Animal hoc modo dici-

tur de homine: & virtus de temperantiâ. Homo enim est ipsum quoddam animal: & temperantia ipsa quædam virtus. Differentia autem hoc modo de ijs, quorum est differentia, non dicitur, nempe ut hæc dici possint ὅπερ ἐκείνo ἔ, quod est illa, sed potius ὅπερ ἐκείνoι ἔ. Neque enim ignis est ipsa quædā siccitas, neque ipse quidam calor, sed à calore ignis παρὸν νόμῳ dicitur calidus, à siccitate siccus, quamvis ita, ut & calor & siccitas igni insint ὁμοῦς sive essentialiter. Quod enim de subiecto ita prædicatur, ut sit hoc ὅπερ ἐκείνo ἔ, illud prædicatur velut ὑπιστάμενον & non est aliquid alterum, velut animal non est aliquid alterum, sed simpliciter. Ideò id aliàs Philosopho dicitur ὅπερ ἐκείνo ἔ, quod in 3 Top. 1 §. 5 eidē ὅπερ τὸ δὲ τι audit. At differentia non est simpliciter, sed aliquid alterum, v. c. animal. Ex quo ipso capite non ἐν τῷ ἔ ἐστ, sed ἐν τῷ ποῖοντι ἐστ prædicatur. Nunquam enim absolute de speciebus suis dicitur, sed semper cū adnexo genere, cuius qualitas est differentia, quod & de proprio dicitur 5 Topic. c. 4 §. 7. Itaque cum affertur species aliqua definienda, videndum est, quænam de eâ hoc modo dicantur, ut species ὅπερ ἐκείνo τι, illud ipsum quoddam dici queat, quod ista esse dicuntur. Quod enim ex his speciei proximum est, id genus ipsius proximum esse erit censendum. E. gr. De hirundine dicitur, quod sit ipsa substantia quædam animata, quod sit ipsum quoddam animal, quod sit ipsa quædam avis. Ex his avis hirundini proxima est. Hæc ergo erit genus hirundinis, in definitione ejus ponendum.

IV. Porro genere invento de differentijs inveniendis est cogitandum. Ex quo inveniuntur per divisionem, dubium ferè nullum est. Sed quomodo instituendæ sint divisiones, ut perfectæ inde resultent definitiones, id controversum est. Nonnulli existimant genus, & quidem non proximum,

Nnn 2,

sed

sed remotissimum (quale ipsis est *ἡ ἀνθρώπου φύσις*, in qua est species definienda) ante omnia esse dividendum, & quidem per *διχοτομίαν*, quæ, ut Suidas ait, est *εἰς δύο ἰσὰς τομὰς*, *sectio in duas æquales partes*, sive in duas æquales differentias; eoque facto videndum, sub qua illarum sit species definienda, tum progrediendum esse, & differentiam istam, sub quâ species est, iterum dividendam, & sic porro, usquæ dum ad indifferentia, ut loquuntur, sive individuum potius perveniatur. E. gr. Si homo sit definiendus, dicunt ante omnia attendendum esse ad categoriam, in qua est homo. Est autem is in substantiæ categoriâ. Hanc ergo, ajunt, esse dividendam per duas differentias hoc pacto: Substantia alia est materialis, alia immaterialis, quarum illam corpus, hanc spiritum vocant. Jam manifestum est, quod homo non incorporea, sed corporea sit substantia. Dividunt ergo porro corpus in animatum & inanimatum, cumque homo animatum sit corpus, illud rursus subdividunt in sensitivum & insensitivum, atque sensitivum porro (constat enim hominem vivens esse sensitivum) in rationale & irrationale. Ex quibus illud homini competit, quod jam est indifferentens, h. e. in alias differentias secari non potest. Hæc igitur ultima differentia est, quæ cum reliquis juncta speciem hominis constituit, adeo ut definitio hominis sit hæc: *Homo est substantia materialis animata sensitiva rationalis*, aut brevius, *animal* (animal enim idem est, quod sensitivum vivens) *rationale*. Et hinc nata est arbor illa prædicamentalis apud Porphyrium in Isagoge c. 2. Videtur autem hæc doctrina fluxisse ex rivis Platonis, qui passim divisiones, quæ per *διχοτομίαν* fiunt, laudat, easque solas pro genuinis habet, sicut videre est ex ejus Politico, sive Dialogo de regno.

V. Verum nos non pauca hæc desideramus. Non repetimus modò, illos, qui ita in dividendo progrediendum esse docent,

docent, errare in eo, quod *categorias*, velut substantiam, quantitatem &c. pro *generibus veris* habent, (hoc enim refutavimus jam supra lib. 1. c. 11. §. 27): sed hoc solum nunc dicimus, modum istum, quo genera cuncta per *dichotomias* in species secantur, non semper habere locū. Non negamus quidē dichotomiam, dummodo cætera sint paria, suam mereri laudem. Neque enim probare possumus eorum institutum, qui, divisionem instituere volentes, minutatim res concidunt: ex qua nimia sectione obscuritatem oriri animumq; deduci ac destrahi necessarium est. Ut taceamus, hoc non esse *dividere*, sed *frangere* rem, sicut & Cicero ait in 2. de Finibus. Quod quidē adversum omnino est præcepto isti Platonis, quo in Phædone recte jubet, genus *secundū species articulatim* pro rerum *natura incidere*, ne *ἡ γὰρ φύσις τὸν χρόνον* *confringere*. Quod respexisse videtur Seneca Epist. 89 ita scribens: *Philosophiam in partes, in frustra dividam. Dividi enim illam non concidi est utile.* -- *Idem enim vitij habet nimia, quod nulla divisio: simile confuso est, quicquid in pulverem usq; sectum est.* Veruntamen omnibus promiscuē *dichotomias* applicare velle, absurdum esse existimamus. Nam *primò* accidit nonnunquam, ut ita dividentes non utantur differentiis *immediatis*. Quod est contra indolem bonæ divisionis, docente etiam Aristotele 2 Post. 13 t. 75. Necessarium enim est, ut partes dividentes adæquantur ipsi diviso, ita ut nihil sub diviso contineatur, quod sub membris dividendis non comprehendatur. Unde non recte se habet divisio, si quis animal, v. g. dividat in terrestre & aquatile, aut animalium dicat aliud habere alas continuas, aliud scissas. Datur enim animal, quod neq; terrestre simpliciter sit, neque aquatile, sed *ἀμφοτερίζον*, ut rana & similia. Item datur animal, quod neque scissas habeat alas, neque continuas, quia scilicet nullas

haber, ut bos &c In idem vitium in cidunt, qui corporis humani tres esse partes dicunt, ventrem supremum, medium & infimum. Continentur enim in corpore humano etiam artus, qui inter membra huius divisionis non recensentur. At in hoc ipsum vitium crebro incurrunt illi, qui semper bipartitâ divisione utuntur. Veluti, cum scientiam dividunt in contemplativam & activam. Datur enim scientia, quæ neque contemplativa sit, neque activa, nempe effectiva, quales sunt scientia Medica, Architectonica, Cytharistica & similes. Nam quod dicunt, has scientias sub practicis sive activis contineri, id nihil est, cum activæ non dicantur nisi æquivocè. Membra autem dividenda genus non debent esse *ὁμώνυμα*, cum omnis *ὁμωνυμία* obscuritatem gignat. Aliàs quid inter *πρᾶξις* & *ποίησις* intersit, notum est ex 6 Eth. 4, 1 M. M. ult.

VI. *Secundò*, qui per dichotomias semper dividunt, coguntur sæpè assumere differentias *secundum accidens*, ex quibus non fit unum per se, quale unum nihilominus est ipsum & est, quod definitio expromit. Patet id exemplo veterum Philosophorum tempore Aristotelis, aut ante istum. Utenim definitionem hominis invenirent, dividebant animal in bipes & multipes, bipes autem rursus dividebant in habens alas & earum expers, sive, ut Plato in Politico dividit, in *pennigerum* & *implume*. Vid. & Aristoteles 1 Part. An. 2. At quomodo hæc cum bipede coherent? Sanè non per se, sed per accidens. Neque enim habere alas bipedis est differentia, ut bipes est, cum utrumq; insit etiam non bipedi, velut muscis & formicis; unde hoc idem est, ac si animal divisissent in album & nigrum: quæ & ipsæ non sunt differentię animalis, cum insint etiam non animali, velut lapidibus quibusdam & lignis, alijsque innumeris rebus.

VII. *Tertiò*, cum omnes differentias per se assumunt dichotomias

ehetomiaz amatores, cavere tamen sibi non possunt, quin illi
 alias incidant absurditates, si omnibus accommodent eam.
 Autem *superflua* redditur definitio, quæ ex tali divisione
 colligitur; aut *unicam* solum differentiam, ultimam scil. sta-
 tuant rei definitionem, necesse est. *Superflua* fit definitio, si
 antecedentes differentia usque ad ultimam ponuntur. Cum
 enim in ultima antecedentes includantur, cur ista posita &
 hæ ponuntur? E. gr. habere pedes differentia est animalis, du-
 os autem pedes habere, illius differentia differentia per se
 est: quatenus enim pedes habet, dicitur bipes aut multipes.
 In bipede igitur includitur habere pedes, atque sic, si utrumq;
 ponitur in definitione, idem bis repetitur. Id quod manife-
 stius fit, si transponantur differentia & dicatur animal bipes,
 habens pedes. Quæ est vera *ταυτολογία* live nugatio. Cur
 enim ponitur habens pedes, dicto bipede? Non deberet autem
 ordo alterare definitionem, cum *non sit ordo in substantia*,
 lib. 7. Met. t. 43. h. e. nihil referat, sive hoc præcedat, sive
 aliud. Quod si verò effugere velint *ταυτολογίαν*, necessari-
 um est, ut dicant, unicam tantum differentiam, scil. *ultimam*,
 quæ reliquas complectitur, esse integram rei definitionem.
 Unde porro sequitur, tot numero esse species sub aliquo ge-
 nere, quot sunt illius divisionis differentias. E. gr. Sub ge-
 nere habentium pedes, siquidem bipes indivisibile sit in alias
 differentias, cum sit ultima, unica erit bipedum animalium
 species ultima. Multipedum autem cum alia fissos habeant
 pedes, alia *non fissos*, ut quæ solidam habent ungulam: ha-
 bentia autem *fissos*, aut in *duas* partes, ut bisulca; aut in *plu-
 res*, ut quorum pedes desinunt in digitos, secundum nume-
 rum scissionis pedum, erit numerus specierum ultimarum. Ut
 enim ad indivisibiles differentias pervenitur, sic & ad species,
 indivisibiles in alias species. Sed quis non videt hæc omnia
 esse

esse absurda? Quoties enim contingit, ut plures sint species, quàm ultimæ differentię? Velut inter habentia pedes nō scissos reperiuntur equus, asinus, camelus, quorum non est amplius differentia secundum pedes. Similiter & bisulcorum multæ species reperiuntur, nec non eorum, quorum pedes in quinque digitos sunt scissi: differentię tamen illæ indivisibiles sunt in alias differentias per se existentes.

VIII. *Quartò*, dichotomiā semper in dividendo utētes, sæpe coguntur pro differentiis assumere *privationes* aut *negationes*. Quod videmus manifestè in arbore prædicamentali. Dividitur enim ibi substantia in materialem & immaterialem, illa in animatam & inanimatam. Animata rursus in sensitivam & non sensitivam. Sensitiva in rationalem & irrationalem. Ex quibus inanimatum, insensitivum, irrationale sine dubio privationes sunt. Sic & Plato in Politico gradus animal dividit in *cornigerum* & *cornibus carens*, quorum hoc itidem significat privationem. Jam verò omnis talis divisio, quæ genus aliquod positivum dividit per differentias privativas, vitiosa est, idque propterea, quia eadem differentię, quæ genus dividunt, ad constitutionem specierum concurrunt, & quidem ita, ut specialio rem earum essentiam vel particulam essentię dicant, quàm genus. Essentia autem rei positivæ non potest esse privativa aut negativa: ideoque nec differentia rei positivæ essentiam aut aliquid ejus exprimens privativa esse potest. Inde Aristoteles lib. 6 Topic. c. 9 §. 9, *cum res alicujus definitio allata est, monet, videndum esse an per privationem definitum sit, quod non dicitur secundum privationem. Nam si id factum sit, non recte se habere definitionem. Etc.* 6 ejusdem libri §. 5 definitionem non recte se habere docet, si genus negatione sit divisum, ut si quis lineam definiat, quod sit longitudo latitudine carens: hoc enim nihil aliud si-

gni-

gnificare, ait, *quàm latitudinem non habens*. Hæc autem quomodo definitio lineæ esse possit, cum definitio exprimat *τὸ ὅτι ἐστὶ*, sive quid res sit, non quid res non sit? Lib. 1 de Part. An. c. 3, idem repetit & ratione simili ostendit per privationem non esse dividendum: *Privationis enim, inquit, quæ privatio est, nulla est differentia. Non enim fieri potest, ut species sit ejus, quod non est* (nempe absolute sic dicta, quæ est positiva). V. g. *τὸ ἄπαιδες*, ἢ *τὸ ἀπὸ γυναικὸς*, non dantur differentie, sicut alati & pedati dantur differentie, differentia autem universalis species habeat necesse est. Non habere autem ista, quæ privationem redolent, differentias positivas, est manifestum. Quomodo enim animal irrationale divides? Numquid fortè in aquaticum, terrestre & volatile? At illæ differentie non competunt animali, quatenus est irrationale, aliàs homini non competeret esse terrestre, sed potius animali competūt, quatenus est animal. Ad summam, quomodocunque animal irrationale dividatur, divisio ita erit comparata, ut differentiarum una homini competat: absolum verò est, homini competere differentiam dividentem animal irrationale, quæ tale. Si verò quis irrationale dividat, non quatenus est irrationale, nulla est connexio divisionum.

IX. Aristoteles igitur, ut hujusmodi absurditates evitaret, alià viâ rem aggredi docet, quando per divisiones definitionem indagare volumus. Nempe dicit (1) genus *non semper per duas, sed aliquando per duas, aliquando per tres, imò aliquando & per quatuor aut plures dividendum esse differentias*, prout rei subjectæ natura & conditio exigit, ita ut nihil sit sub diviso, quod non sub aliquâ differentiarum dividendum contineatur. E. g. *Animal dividendum est in terrestre, aquaticum & ἀμφίπουν*: animal terrestre rursus in reptile, gressile & tractile: aquaticum autem in marinum, fluviatile, lacustre,

stre, palustre, 1 Hist. An. 1. *Scientia in contemplativam, activam & effectivam.* Bona in externa, animi, & corporis, 1 Ethic. c. 8. *Propositio in universalem, indefinitam & singularem,* lib. de Interpret. c. 7. (2.) Cum differentia genus dividentes rursus & ipsæ dividuntur (quod subdividi vocant) tum divisio instituenda est per ea, quæ *ἑαυτὸν* sive per se cum differentiis dividendis coherent, non quæ per accidens. V. g. Quod alas habet, habet aut filias eas, aut continuas. Quod continuas, habet eas vel ex membranâ siccâ, vel ex cute continuas: non autem quod alas habet, habet pedes filios vel continuos. (3.) Divisio autem tamdiu continuanda est, quamdiu continuari potest, donec scil. perveniatur ad illas differentias, quarum alia differentia per se non dantur, ex quibus illa, quæ speciei definiendæ convenit, annotandâ est. E. gr. Ad muscarum definitionem accipienda animal principio dividendū in terrestre, aquatile & ἀμφοτερίζον: terrestre rursus in pedestre & volatile: volatile in id, quod alas habet filias, aut continuas. Quod cōtinuas, in id, quod aut ex membranâ, aut ex cute cōtinuas. Quod ex membranâ continuas, in id, quod aut tectas vaginâ, velut scarabæi pilularij & quos *λύτρεα*, Græci dicūt seu *canthari*, aut nudas. Quod nudas, vel binas, vel quaternas. Hic ulterius progredi non possum. Subsistere itaq; hic cogor. Differentia autem ultima ex his, quæ muscæ conveniunt, mihi ad definitionem ejus constituendam reservanda est. (4.) Eo facto genus denuò dividendum est, per alias differentias, & hæc rursus per alias, donec iterum fuerit deventū ad *individuas* differentias, ex quibus rursus ea, quæ speciei competit, seponenda est, idque tamdiu faciendum, donec tot inventæ sint differentia, quæ omnes conjunctæ æquales sint speciei, sive cum eâ convertantur & reciprocantur. Sic n. & propria fiet uniuscujusque definitio: atque hoc modo neque assumuntur differentia secundum accidens,

dens, cum nullæ ex ijs sint extra genus primum; neque *superfluum* quid aderit, cum solum ultimæ differentiæ assumantur; neque *diminutum*, cum non prætermittatur aliquid eorum, quæ in quid est prædicantur, quemadmodum prætermittitur ab ijs, qui unicam tantum differentiam assumunt in definitione.

X. Ut hanc rem exemplis declaremus, esto definiendus *binarius*. Ad hujus definitionem investigandam instituenda est divisio numeri, tanquam generis binarij. Dividitur ergò numerus in id in parem & imparem. Hinc quaeritur, qualis numerus sit binarius? Et respondetur, quod sit numerus par. Sed & quaternarius & senarius sunt numeri pares. Dividendus ergò ulterius numerus. Iam autem in specie numerum par non licet ulterius dividere. Quales n. huic assignabis differentias, quæ ei per se, quatenus par est, insint? Dividendus ergò denuò ipse numerus. Reperimus autem inter cetera & ita dividi numerum, ut alius dicatur *primus*, alius *compositus*. Ex quibus *compositus* quidem est, quem alius numerus metitur. Velut senarius; metitur enim cum binarius & ternarius. Bistria namq; sunt sex. *Primus* autem numerus dicitur, quem sola unitas metitur, qualis est ternarius; itemque ipse binarius. Habemus ergò hætenus duas binarij differentias quæ sunt *par*, *primus*, quæ si generi numero jungantur, convertuntur cum binario. Binarius enim est numerus par primus, & omnis numerus par primus est binarius. Esto porro definienda *prudencia*. Hujus principiò genus quaerendum est, quod est habitus intellectus. Hoc genus porro dividendum per differentias & quidem *primas* sive immediatas, ut patet ex §. 5. Tales differentiæ autem sunt, quæ petuntur à diversitate *intellectus*, tanquam subiecti. Duplex enim hic est, *contemplativus* & *deliberativus*. Quorum uterq; suis

habitibus instructus est. *Contemplativus* v.g. scientiâ, intellectu & sapientiâ: *Deliberativus* autem arte & ipsâ prudentia. Prudentia ergo est habitus intellectus deliberativi, verum non solus: nam & ars huius intellectus habitus est, ut dictum. Dividendus itaque ulterius habitus intellectus deliberativi, si potest. Potest autem, Deliberatio enim instituitur ab intellectu nostro de rebus diversis, videlicet partim de *agendis*, quarum finis in actione ipsâ consistit, sicut finis actionum virtuosarum, liberalitatis, temperantiæ &c. qui est honestas, spectatur in ipsâ actione: partim de *efficiendis*, quarum finis non est in ipsâ operatione positus, sed in aliquo alio, cuius gratiâ suscepta est operatio, velut actus ædificandi finis est domus, actus sanandi sanitas &c. Circa has res versatur ars, circa illas prudentia. Hæc igitur erit *habitus intellectus activus*. Cæterum & imprudentia est habitus activus; nempe illa imprudentia, quæ *ἡλιὰ διὰ δέσιν* talis est, & non ἀποφατικῶς negativè, sed contrariè prudentiæ opponitur. Dividendus igitur porro est habitus intellectus deliberativi, aut *simpliciter*, aut in specie *præcticus*. At hic non potest dividi, ita ut membra divisionis solis habitibus practicis convenient, & non etiam effectivis. Dividendus itaque denuò est *habitus intellectus deliberativi*. Jam invenimus & talem ejus divisionem, quâ habitus intellectus deliberativi alius dicitur cum *verâ*, alius cum *falsâ* ratione, aut deliberatione (λογίζεσθαι enim καὶ βυλεύεσθαι hæc sunt τὰ αὐτό, 6 Ethic. 1) sive activus sit, sive effectivus. E.g. Inertia, quæ *ἡλιὰ διὰ δέσιν* arti opponitur, est habitus cum falsâ: ars autem est habitus cum verâ ratione. Rursus imprudentia est habitus cum falsâ, prudentia autem habitus cum verâ ratione. Habemus ergo duas differentias prudentiæ ex duabus divisionibus generis, habitus intellectus, fluentes. Ex primâ enim divisione relinquebatur, quod sit habitus activus;

vis; ex alterâ autem, quod sit habitus cum rectâ ratione. Quæ quidem differentiæ generi junctæ si convertuntur cum prudentiâ, habebimus jam definitionem prudentiæ. Convertuntur autem reverâ. Omnis enim prudentia est habitus activus cum verâ ratione: & viceversâ, omnis habitus activus cum verâ ratione est prudentia. Hæc igitur erit definitio prudentiæ. Vid. ipse Aristoteles 2 Post. c. 13 & lib. 1 Part. An. 3.

XI. Hæc satis plana sunt, non tamen ita comparata, ut nullum planè dubium adversus ea moveri possit. Nam dicere aliquis posset primò: Aristoteles 1, Phys. text. 30 docet, quod *unius generis una sit contrarietas*. De contrariis autem perse constat, quod in unam speciem componi nequeant, esset enim mixtio, 1 Gen. & Corrupt. ult. Igitur plures differentiæ ultimæ conjungi non possunt ad speciem aliquam constituendam: haberent enim rationem contrarietatis, cum ex unâ eademq; oriantur divisione, & unius generis non nisi sit una contrarietas. Una erit igitur ultima cujusq; rei differentia. Quod si enim plures differentiæ ultimæ ex diversâ contrarietate assumantur, aut dicendum erit, unius generis plures esse contrarietates, quàm unam: aut speciem unam sub diversis generibus collocari. Deinde *ex duobus in actu non potest fieri unum* 7 Met. t. 49: differentiæ autem hujusmodi, ex diversâ contrarietate sumptæ, actus plures sunt. Non enim una est alterius actus, licet sint ambæ ipsius materiæ: non ergò unam speciem & unum quid est constituent.

XII. Ad primum respondent nonnulli, Aristotelem 1 Phys. t. 30 per *unum genus*, cujus *una sit contrarietas*, intelligere non genus *proprie & absolute* ita dictum, quale animal v. gr. est & virtus: sed *genus predicandi*, quale est substantia. Probat enim ibi Philosophus, in substantiâ unam esse contrarietatem, ex eo fundamento, quia *substantia est unum genus*:

in omni autem genere uno, inquit, una est contrarietas, velut in quantitate aequale & inequale: in qualitate simile & dissimile. Verum falsum est, quod Aristoteles per substantiam isto loco intelligat categoriam substantiæ, & consequenter per reliqua genera, genera τῶν κατηγοριῶν. De eâ enim sine dubio ibi loquitur substantiâ, cujus principia quærit. At non cujusvis substantiæ quærit principia, sed ejus, quam Alexander, istum locum exponens, vocat εἶδος & ἐνυλον *speciem materialem*, vel potius, ut addit idem Alexander, *compositum ex materia & forma*: aut, si ita malis, substantiam per naturam generabilem & corruptibilem. Eorum enim se in 1. Phys. investigare principia, eorum, inquam, quæ per naturam generantur & quidē prout generantur, ipse luculentus est testis i. 57 & 63. Substantia autem, per naturam generabilis, unum genus est, non πρὸς τῆς συνθέσεως, *genus predicandi*, sed *proprie*: atque unam agnoscit contrarietatem, habitum, sive formam, & privationem. Itaque cum Aristoteles dicit, unius generis una est contrarietas, loquitur de uno genere univoco, idque ad duo tantum extrema per unicam contrarietatem terminari dicit. Non tamen intelligit sine discrimine quodvis genus univocum, sed tale, quod maximè sit simplex. Quævis generis simplicitas apparet in sensibilibus qualitatibus, quas unica contrarietate, non pluribus, dividi est manifestum. Veluti color dividitur per album & nigrum: sapor per dulce & amarum, & sic in cæteris. In alijs autem, magis compositis, generibus, quales sunt plantæ, animalia & similia, aliter se res habet. Genera enim in his dicunt multarum differentiarum complexionem, quæ singulæ divisionem recipiunt: unde necesse est hujusmodi genera multiplici divisione dividi, non una. Sed & in simplicibus tamen generibus nonnunquam plures reperiuntur contrarietates. Ita genus simplex numerus est: at habet

is plures contrarietates. Non solum enim in ipso conspicitur contrarietas paris & imparis, sed & primi ac compositi. Qualitas tactilis quoque genus est simplex: at multæ ejus sunt contrarietates, velut calidum & frigidum, humidum & siccum, grave & leve, læve & asperum, durum & molle, rariū & densum &c. Itaque aliter adhuc verba ista Aristotelis erunt intelligenda, nempe hoc modo: Unius generis una est contrarietas *prima*, ad quam reliquæ referri aut reduci possint. Itarum quidem sunt contrarietates qualitatum tactilium: at omnes reducuntur ad unam primam contrarietatem, *calorem* scilicet & *frigus*, ut patet ex 2 Gen. & Corr. & 4 Meteor. Hunc esse genuinum sensum verborum Aristotelis perspicue colligitur ex sequentibus, nempe ex textu 56 ejusdem 1 Physic. ubi ea ipsa verba declarat, inquiens: *Non possunt esse plures (nempe substantiæ) contrarietates (non simpliciter, sed) prima. Nam substantia est unum quoddam entis genus. Quapropter principia eo tantum inter se differunt, quod alia sint priora, alia posteriora: sed genere non differunt, quia semper in uno genere est una contrarietas. Omnes autem contrarietates ad unum referri videntur.* Hæc ille.

XIII. Ad alterum respondemus, ex duobus actibus, nullam *ομοειν* sive respectum ad se invicem habentibus, non fit unum per se. Alias enim si unus ad alterum se habeat, ut *materia* vel potentia ad *formam*, nihil obstat, quo minus ex ijs fiat unum aliquod per se. Sanè supra ostendimus & genus esse actum quendam, & tamen ex genere & differentiis, quæ & ipsa actus est, fit unum per se. Quare hoc? quia *genus* se habet ut *materia*, *differentia* autem, ad genus relata, ut *forma* 8 Met. t. 13. Eodẽ modo res etiam cum differentiis est comparata, inter se mutuo collatis. Scilicet contrarietatum una ad alteram se habet ut *materia*. Velut in elementorum constitutione humidum & sic-
cum

cum se habent, ut materia: sunt enim qualitates passivæ: ac calidum & frigidum ut actus. Et hac de causâ Aristoteles 8 Met. t. 1 *o speciem*, quæ per *definitionem* explicatur, comparat *numeris*. In tribus enim his ferè consistit similitudo illa, quod etiam observat in Comment: Alexander. Nempe primò, ut numerus est *divisibilis* in plura indivisibilia, in plures unitates, ex quibus constat, etiamsi numerus una sit species: ita & in quavis specie sunt plures actus, ex quibus fit unum totum, quod est *forma* sive species, 2 Phys. 3. Deinde, quemadmodum *unâ unitate demptâ* non manet amplius eadem species numeri: ita demptâ unâ differentiâ aut uno actu non manet eadem species *generis*. Unde & hinc plures actus agnoscuntur. Deniq; quemadmodum *unitas*, quæ *ultimò* additur, non continet in se *reliquas unitates*, alias enim ultima unitas esset numerus ex se, sed terminat eas tantum, veluti si ad quinque unitates adjiciatur una, fit senarius: ita ultima differentia terminat quidem reliquas differentias ad constituendam totam aliquam speciem, veruntamen non continet eas. Ad species autem non quadrat similitudo, ut quemadmodum species numerorum alios numeros continent, velut quinarium ternarium & binarium, sic una species substantiarum alias contineat. Non enim essent ultimæ, sed una ad alteram se haberet, ut totum ad partes.

XIV. Dices: si differentiæ hoc modo se habent inter se, actus autem & perfectio ultimò advenit post potentiam, *ordo* erit in *substantiâ*, & dabitur in omni definitione ultima quædam differentia significans actum. At contrarium §. 7 dictum fuit, non esse ordinem in substantiâ. Sed facilis est responsio. Est tanè necessarium in omni definitione, ut sit aliquid, quod ultimum ideò dici possit, quia est actus. Ast ut hoc reliquas partes includat, aut ultimo loco ponatur, nulla necessitas cogit.

git. Ratio enim *calidi & frigidi* non includit rationem *humidi & sicci*, nec e converso: sed ratio *duri & molli* includunt rationem *humidi & sicci*, quoniam sunt *quedam eorum species*. 2 Gen. & Corr. t. 10. Unde inter hæc quidem datur ordo, id enim secundum rationem prius est, quod includitur ab altero, velut *siccum* prius est *duro*, & *humidum* molli, sique ambo ponantur in definitione, redditur ea superflua, ut dictū. At quæ talem reductionē non agnoscunt, inter ea nec ordo aliquis necessariò observandus est, neque superfluum quid in definitione collocabitur, etiā ambo in definitione ponantur. Manifestum id est in definitionibus accidentium, in quibus aliquando id, quod subit vicem *materiæ*, priori loco ponitur, aliquando id, quod actum significat. Ita serenitatem definiens Aristoteles, ait, esse eā *quietem in multitudine aeris*, ubi aer, materiam significans, posteriori loco ponitur, quies autem, quæ formam notat, priori, 8 Met. Ast eodem loco definiens tranquillitatē dicit eam esse *maris planitiem*, ubi mare, materia, secundo; planities, forma, primo loco ponitur. Nihil autem prohibet, quin ordinem invertas & serenitatem dicas esse in *aeris multitudine quietem*; tranquillitatem autem *planitiem maris*. Similiter verò nec in substantijs perturbabitur definitio, siue genus præponatur, siue postponatur, aut ex differentiis aliqua nunc priori, nunc posteriori loco ponatur.

CAPUT IIX.

De ratione investigandi differentias.

I.

Definitionem essentialē rerum constare ex genere & differentiis hætenus constat. Itemq; , unde dignoscendum genus sit, & quomodo illud dividendum, ut differen-

Ppp

tiz

tiæ inveniantur rem definitam complentes. Sed unde differentia rerum petenda sint, id nondum liquet. Considerandum ergo hic est, ne aliquid huic πραγματεία desit. Ante omnia autem hic observandum est, quod, cum una eademque res aliter atque aliter spectari possit, sapè accadat, ut unius rei diversæ quoque; pro diversâ consideratione sint definitiones & differentia. Cum grano salis namque accipiendum est, quod dicitur 6 Topic. c. 4. §. 2, *unius rei unam solum esse definitionem*, nempe *quatenus est una*. Id quod ipse Aristoteles satis perspicue indicat 10 Metaph. initio statim dicens: *Unum sunt*, ὅν ἂν ὁ λόγος εἰς ἓ, *quorum definitio una est*: τοιαῦτα δὲ ὅν ἡ νόσις μία, *Hæc verò, quorum una est notio*. Aliàs a. pro diversâ consideratione res diversimodè definiiri potest, sicut suprâ quoque; jam, nempe lib: 1 c. 11 §. 33, diximus, illud εἶναι, quod definitione exquiritur, solius respectus mutatione mutari posse: ubi & hanc rem exemplo à drachmâ petito illustravimus, quod quidem acceptum ferendum Clementi Alexandrino, cuius hæc sunt verba ex 1. Stromatum: τὸτον φαιμέν τὸν τρόπον μίαις καὶ τῆς αὐτῆς δραχμῆς, τῷ μὲν ναυκλήρῳ δόσεως, λέγεσθαι ναῦλον. τῷ δὲ τελώνῃ, τέλϛ. καὶ ἐνοίκιον μὲν, τῷ εταίρῳ. Μισθὸν δὲ, τῷ διδασκάλῳ. καὶ τῷ πιπρατονί ἀρραβῶνα, *Una eademq; drachma, si data fuerit nauta, nautum dicitur: si publicano, vectigal: si ei, qui domum locat, merces conductæ domus: si praeceptorī, opera merces: si ei, qui vendit, arrha*. Jam autem par est ratio τῷ εἶναι drachμῆς. Nempe ut nomina diversa illa accipit pro diversâ consideratione: ita & εἶναι ejus definitione explicandum aliud atque aliud oritur pro diversâ σχέσι sive habitudine. Cuius rationem dedimus hanc prædicto loco, quia eandem rem manifestant τῷ ὀνόματι καὶ ὀρισμῶς, *nomen & definitio rei*. Unde & idem numero dicuntur, quæ idem sunt ὀνόματι καὶ ὀρίϛ, *nomine & definitione*.

nitione, ut *animal pedestre bipes & homo*, lib: 1 Topic:
c. 7 §. 6,

II. Principiò igitur, quemadmodum in λόγοις aliud est, rem tractare λογικῶς sive πρὸς δόξαν, *accomodate ad opinionem*, & eandem considerare φυσικῶς sive κατ' ἀλήθειαν, *accommodatè ad veritatem*: ita & aliud est, definire rem κενῶς καὶ διαλεκτικῶς, aliud φυσικῶς καὶ ἀκροαματικῶς. Διαλεκτικῶς quidem vel λογικῶς definitur res, quando definitur κατὰ σχῆμα τῆς προσήγορίας, *secundum loquendi modum de rebus*, qui consistit in *subjiciendo & attribuendo*, in *interrogando & respondendo*: aut quando definitur κατὰ δόξαν πολλῶν, vel, ut Averroes loquitur, *secundum famositatem*. At Physicè res definitur, cum *propria* ejus *natura* & existendi ratio attenditur. E. gr. Causa definitur id vulgò, quod responderi potest ad quæstionem, quam obrem res sit. Atque hæc definitio est Logica. Physicè autem si definiri posset, aliter definiretur, fortè ita: Causa est, quæ aliquid confert ad constitutionem vel essentiam rei. Sic definitio λογικῶς definitur oratio, quæ responderetur ad quæstionem quid est: Physicè autem oratio explicans essentiam rei. Item genus λογικῶς definitur id, quod de pluribus specie differentibus in quæstione quid est prædicatur: Physicè autem natura communis, quæ in pluribus specie differentibus inest, & singulas cum certis differentiis constituit.

III. Porro τὸ εἶναι rerum φυσικῶς spectatum, quod nos hîc inprimis attendimus, *multiplex* & ipsum esse potest, pro modulo scientiæ ejusq;. Plurimum enim interest, remnè definias Mathematicè, an Physicè, item num Ethicè, vel Rhetoricè, aut Medicè. Unde videas sæpe etiam à Philosopho unam eandemq; rem in diversis scientiis aliter atque aliter definiri. Sic *affectus* aliter definitur in Physicis, aliter

ſperant ſe benè poſſe affici, ideo ex horum opinione virtutes facultates definivit benefactrices. Sed hæc velut in tranſcurſu.

IV. His præſuppoſitis ad rem proprius eſt accedendum, id eſt, inquirendum, unde petendæ ſint differentiæ rerum. Variant autem hæc pro rerum varietate. Ex quibus initio aliæ ſunt *per ſe*; aliæ *per accidens*, quarum cum nulla ſit ſcientia, 6 Met. 2 merito eæ hîc negliguntur. Entia per ſe porro alia ſunt *ſubſtantia*, alia *accidentia*. Diſtributa enim ſunt *entia per ſe* εἰς τὰ σχήματα τῶν κατηγοριῶν, 5 Met. 7. Rurſus alia ſunt *actû*, alia *potentiâ*. Ex quibus illa priora ſunt naturâ ſuâ & notiora. De his ergo primo eſt dicendum loco. Initium autem faciendum à *ſubſtantiis*. Ex quibus formarum & ſubſtantiarum compositarum, ſublunarium potiffimû, definitioneſſe diximus, quanquàm harum propriè & primo, illarum autem ſecundariò & minus propriè; quod jam intelligitur ex dictis c. præced: §. 1 §. *Formas* igitur quod attinet, illæ *duplici* modo ſpectari poſſunt: aut *in ſe*, quatenus materiâ ſuam propriâ perficiunt: aut, quatenus ipſæ *δυνάμεις* quædam ſunt & ad *actum* ſive ἐντελέχειαν *ſecundam* referuntur. Quodſi *primo* modo conſideretur, differentia petitur à propriâ iſtâ *materiâ*. Sin *ſecundo*, deſumitur eâ ab actû iſto, ad quem ipſa forma refertur. Inde *anima*, quæ eſt forma aliqua, modo deſinitur ἐντελέχεια *corporis naturalis* organi: modo *principium nutriendi*, loco *movendi*, *intelligendi*, 2 An. 1 & 2. Et *natura*, ut in 1 Phyſ. conſideratur, rectè deſinitur *principium conſtituens corpus naturale*. Ut autem in 2, *principium motus & quietis*. Idem hoc in *accidentibus* fieri ſolet. v. c. *Color* in 2 de An. deſinitur *qualitas à naturâ idonea ad movendum*, quod eſt actû perſpicuum. In lib. de ſenſu & ſenſ. autem deſinitur *extremum perſpicuum in corpore de-*

terminato. Sic & *conjunctio* bis definitur in Poëticis, primum absolutè, & non ut opus conjungendi respicit; deinde, quatenus orationem conjungit ac unum facit. Et virtus referri potest cum ad subjectum, in quo est, tum ad opus. *Utrumq;* enim perficit virtus, *id cuius est virtus, & opus ejus,* ut Aristoteles quoq; & alij observarunt.

V. Et hæc quidem extra dubium ferè posita sunt, neque ullam difficultatem habent. Verùm unde *substantiarum compositarum* differentia sint petendæ, id difficultate non caret. Quidam existimant, differentias substantiarum petendas esse ex *substantia* Categoria. Cumque in istâ tales differentias non inveniant, quales ipsi quærunt, dicunt differentias essentielles esse *incognitas*, circumscribi autem per ea, quæ inter accidentia quidem sint numeranda, representent autè differentias ipsas, substantiæ constitutivas. Et hanc quidem ipsam sententiam pro Aristotelicâ non dubitant venditare. At longè aberrant cum à *mente Philosophi*, tum à *rei veritate*. A *rei veritate* quidem. Tollunt enim hæc suâ assertionem omnem demonstrationem & scientiam, sicut pridem diximus, ostendentes primum & immediatum principium demonstrationis esse *definitionem subjecti essentialem*, quam, si differentia ad eam pertinentes ignotæ sunt, & ipsam ignotam esse necesse est. Ex eo autem, quod *ignotum* est, quomodo quid demonstrabitur? Quod autem de *accidentibus* dicunt, quasi ex illis definitiones constari possint, quæ in locum differentiarum substantialium substituantur, id planè lubricum est & omni caret fundamento. Si enim ex accidentibusliceret constituere definitionem, quomodo ea differret à descriptione? Et quomodo in definitione accidentium inesse dici poterit *substantia* 7 Met. 1, si in hujus definitione vicissim assumi accidentia possunt. *Quæ enim insunt in definitione alicujus, in illorū*
defi-

definitione hoc non inest. 1. Phys. t. 29. Eset enim idem eadem ratione & posterius & prius. Neque verò idcò, si representant definitiones essentielles, iam conficiunt definitionē. Neque enim definitio statim est, si oratio idem significat, quod nomen: *omnia* namq; oratio hac ratione *definitio esset* 7 Met. t. 13 quoniam nomine quocunq; representare possumus orationem quamcunq; & rem quamcunq;: quia scil. nomina secundum placitum imponuntur. Deniq; quomodo accidentia ista rem ignotam representabunt, aut scientiam progignent?

VI, Sed nec ad Aristotelis mentem hæc sententia quadrat. Si enim differentiarum substantiam constituentes latent, quomodo ille docet venari τὸ ἕν, assumendo ea, quæ non extra genus sunt? Nam hæc latere dicunt, ideoq; ex alijs generibus assumi debere. Præterea ex *omni predicamentorum genere* differentias substantiarum depromi posse, clarè docet 8 Met. 2, reprehendens Democritum, quod ex tribus tantum differentias sui pserit substantiarum, ex figurâ scil. *situ* & *ordine* atomorum, cum longè plures sint differentiarum fontes. Quædam enim differre secundum *compositionem*, quia vel *miscentur* inter se, ut *melicratum*; vel *connectuntur* clavo, ut *arca*; vel *vinculo*, ut *fascis*; vel *glutine*, ut *liber*. Quædam secundum *tempus*, ut *cœnam* & *prandium*; quædam secundum *situm* non atomorum, sed *totius*, ut *liminare* & *superliminare*. Quædam secundum *locum*, ut ventos. Quædam *sensibilium affectionibus*, ut duritie, mollitie, densitate, raritate, siccitate, humiditate. Et rursus quædam harum differentiarum *quibusdam*, quædam *omnibus*, & quidē alia *excessu*, alia *defectu*. Ad summam tot ait esse modos aut fontes differentiarum, quot sunt *genera* τὰ γέννησιμα, aut *modi*, quibus ipsum esse dicitur.

VII. Et sanè quod non ex Categoriâ substantiæ, sed ex alijs potius prædicamentis substantiarum differentiæ petendæ sint, videtur multis posse rationibus ostendi. Ex quibus in præsentī saltem unam atq; alteram urgebimus. Primò igitur non contineri eas in genere substantiæ pater, quoniam *nulla substantia est contraria alteri substantiæ*, 1 Phys. t. 53, 5 Phys. t. 10, quod intelligendum est de substantiâ, quæ est in *substantia Categoriâ*. Unde & Auctor libri Categoriarū inter proprietates substantiæ, quæ in Categoriâ ejus est, numerat & hanc, *non habere contrarium*, cap. 3. Differentiæ autem genus quodcunque dividentes, contrariæ sunt. *Perfecta enim differentia contrarietas est*, 10 Met. t. 13. Nulla igitur differentia substantia dicto modo est; atque adeò continebuntur differentiæ in alijs generibus. Deinde substantia, quæ in Categoriâ ejus est, habet formam prædicandi in *quid*. Inde enim categoriâ ejus vocatur *ἡγετινότης* *hē*, *quid*, lib. Categ. c. 4. 7 Met. 1 & alibi passim. Differentia autem habet formam prædicandi in *quale*. Jam verò genera prædicamentorum distincta sunt secundum *figuras* aut *modos prædicandi* 6 Met. t. 4. Differentia igitur in genere substantiæ non erit. Unde recte Auctor lib. Categ. c. 5 §. 13 15 videtur *differentias à substantiis* distinxisse. Quod imitati Græci interpretes malunt differentiam potius *ἡγετινότης* *hē*, quàm *ἡγετινότης* appellare. Cyrillus autem Alexandrinus, quem egregiè caluisse Philosophiam nemo facile negaverit, ex hoc fonte sine dubio, *absurdum* esse, ait, *differentiam substantiæ rationem tenere*, Assert. 2 in Thesauro.

IX. Verùm ecce quantis hæc sententia difficultatibus prematur. Nam primò cum differentiæ ingrediantur definitionem substantiarum, imò potissima suo modo ejus pars sint, definitio autem constet ex *naturâ prioribus* 6 Topic. 4, erunt sanè

sanè & differentiarum naturam priores speciebus, quàm de causâ & compositum, ut compositum, posterius esse traditur formam, 7. Met. c. 3. text. 9. Jam autem positum est differentias substantiarum ex aliis Categoriis desumi. Erunt ergo reliqua genera quantum, quale, ad aliquid, & ut uno dicam verbo, accidentia, priora ipsò quid est seu substantiâ, cum tamen hæc prior sit reliquis entibus omnibus modis, 7. Met. c. 1. text. 4. Præterea cum cætera prædicamenta propter substantiam alteri accidant (neque enim sunt χωριστὰ, separabilia) & ipsum quid est, ex illis constarum, & tandem ipsa substantia alteri accidet. Si enim animal & bipes, ait ipse Philosophus 1. Phys. text. 29. alii accidunt, & homo utique, erit accidentium alteri: at substantia nulli accidet. Sanè, cum id, quod τὸ τί ἦν εἶναι substantiæ ingreditur, sit substantia, 7. Met. c. 4. & lib. 5. c. 8. quantum autem, quale & c. sint accidentia, si ex his sumerentur differentiarum substantiarum, manifestè idem esset substantia & accidens. Cum enim insint in ratione substantiarum, substantiæ: cum autem ex accidentium categoriis petantur, erunt accidentia. Ast idem statuere esse substantiam & accidens, est absurdum. Denique Aristoteles in 2. Post. c. 13. ad venandum ea, quæ in definitione ponuntur, assumenda quidem esse dicit, quæ non solum de omnibus, sub definito contentis, individuis prædicantur, sed & de aliis quoque, at non extra genus. Si igitur huiusmodi sunt differentiarum, non in alio genere reperientur, essent enim extra genus constitutæ, atque ad eam differentiarum substantiarum non erunt in aliâ, nisi substantiæ categoriâ.

IX. Verum ad cuncta hæc facilis erit responsio, si denuò advertatur, genera prædicamentorum non esse genera considerata in scientiis, sed apud Logicos solum, qui diversam prædicandi formam perquirunt. Quam de re jam superiori libro c. IX. n. 1. aliquid à nobis fuit dictum. Unde sub una scientiâ

continentur, quæ in *diversis* sunt prædicamentis. Nam ex eodem genere dicuntur esse *medium & extrema*, quia per se insunt. Quæ autem κατὰ συμβεβηκός, per accidens, insunt, ex aliis sunt generibus, quamvis fortè eandem habeant prædicandi figuram. E. g. Animalibus omnibus inest grave esse, at per accidens. Non enim animal, quæ animal, grave est, sed quæ terreum quid. Hujusmodi ergò corpori gravitas per se inest, reliquis per accidens. Unde erit quidem gravitas extra genus animalis, sed non extra genus terrestrium corporum, quamvis eandem in omnibus habeat figuram prædicationis. Accidentia igitur, id est, quæ non per se insunt, non possunt constituere ipsam substantiam, imo neq; omnia, quæ per se insunt, sed quæ per se insunt *primo modo*. Verùm non omnia, quæ figuram prædicationis habent, ut accidentia, statim etiam sunt accidentia: sed multa ex iis, cum per se insint primo modo, pertinent ad τὸ τί ἦν εἶναι, seu ipsam rei *essentiam*.

X. His positis, facillè, ut dictum, solvuntur dubitationes allatæ. Nam quod ad *primam* spectat, non sequitur, accidentia esse priora substantiâ, ex eo, quod differentiarum substantiarum ex aliis Categoriis colliguntur. Ut enim modò dicebamus, non omnia, quæ figuram prædicationis habent, ut accidentia, statim sunt accidentia. Et cui ignotum est, longitudinem, latitudinem, & profunditatem in quantitate collocari? & tamen hæc non sunt accidentia corporis, sed per se insunt corpori, quæ corpus est, quod est in Categoriâ substantiæ. Quod autem in 7. Met. 1. dicitur, ipsum quid est s. substantiam præcedere reliquas prædicationes, quod quantum, quale, ad aliquid & reliquæ Categoriæ non sint separabiles à substantiâ, id quidè verum est non solum de iis, quæ accidunt, sed suo modo de ipsis quoq; differentiis: verum inde nondum sequitur, quod differentiarum simpliciter sint accidentia substantiarum, nisi omnia universalialia

versalia dicere velis esse accidentia singularium. Sunt namque
 & ipsa à singularibus inseparabilia, atq; hætenus his postero-
 ra. Ex quo Auctor lib. Categ. c. 5: *Sublatis*, inquit, *de mediopri-
 mis substantiis non posse quicquam superesse, nec secundas sub-
 stantias, nec accidentia.* Inde certum quidem est, quod suo
 modo dici possit universalis esse accidentia singularium, sicut
 & Aristoteles dicit, *Socrati accidere* εἶναι ἀδρῶπα, 1. Met. c. 1.
 verum id non simpliciter intelligendum est, sed adhibita certâ
 quadam distinctione. Aliquoties enim jam observavimus, u-
 niversale quodvis duobus posse considerari modis, sicut & A-
 lexander exemplo *animalis* lib. 1. Quæstionū Naturaliū c. 11.
 declarat, inquiens; *Aliud est considerare animal, ut est πρᾶγμα τι
 καὶ φύσεως τινὸς δηλωτικόν, talis aliquares, vel ut essentiam signi-
 ficat:* (significat autem substantiā viventem, sensitivam): *aliud,
 ut significat universale.* *Natura enim, ut natura est, univer-
 salis non est*, quod ita probat Alexander: εἰδὲν γὰρ ἥττον εἶναι καὶ
 εἰ ἐν καὶ ἀριθμὸν ὑποτίθαι ζῶον εἶναι, *Nihil enim minus erit,
 etiamsi unum saltem ponatur numero animal.* *Universalis*
 autem est, quatenus de pluribus prædicari potest, aut quatenus
 pluribus inesse apta est. Cum priori modo sumitur universa-
 le, quatenus sc. significat essentiam, non est posterius singulari-
 bus, sed naturâ prius, sicut & genera speciebus h. m. naturâ prio-
 ra esse dicuntur lib. Categ. c. 13. Sin autem posteriori modo
 accipjatur, quatenus significat naturam universalem, est poste-
 rius. Cum enim essentia naturæ universalis, quatenus est talis,
 in eo consistat, ut dicatur de pluribus, universale aliquid v. g.
 animal, universale non erit, nisi prius sint ad minimum duæ
 species, de quibus prædicetur. Hoc igitur modo animal erit
 posterius homine & accidens eius: accidit enim homini, simi-
 lem esse alteri essentiâ, quæ similitudo fundatur in unitate, quæ
 est de essentiâ universalis, ut docet Ammonius in Categ. c. 5.

Nec, alio sensu Aristoteles in Categ. substantiæ, *secundas substantias*, id est, species & genera, facit *primis posteriores*. At priori modo animal est prius homine. Dicit enim naturam aut substantiam viventem sensitivam, quæ est particula essentiae humanæ. Idem iudicium faciendum est de *differentiis*. Sunt illæ & *posteriores* ipso quid est substantiâ aut specie, & *prior*es. Posteriores, quatenus naturam *universalem* induunt, quod fit, quatenus in iis spectatur, σχῆμα τῆς καθολογίας. Secundū hanc enim assimilantur *toti*: *universale autem est totum quoddam* lib. 5. Met. 25. Priores autem, quatenus sunt partes ipsius quid est. Ut enim pars est prior toto, sic & differentia ipsâ specie. Eodem tendit discrimen illud, quod faciunt nonnulli inter differentias λογικῶς & φυσικῶς consideratas. Λογικῶς enim ut spectantur, h. e. κατὰ σχῆμα τῆς προσήγορίας, sunt velut accidentia, quia modum prædicandi accidentalem sequuntur: prædicantur enim in quale est, atq; sic sunt posteriores specie. At φυσικῶς consideratæ sunt substantiæ, quia συμπληρώσασθαι sunt τῶν ὑποκειμένων ἰδίων *perfectrices subjectarum specierum*, ἃ γὰρ συμπληροῖ τὴν ἰστίαν τὰ συμβεβηκότα, *non perficiunt aut complent accidentia ipsam essentiam*, ait Ammonius in Categ. c. 5.

XI. Ad alteram dubitationem quod attinet, nititur ea istâ hypothesi, quasi absurdum sit statuere, *idem esse substantiam & accidens*. Ad hoc enim, tanquam absurdum, isti nostram sententiam revocare nituntur. Sed esto absurdum, quid tum? modò sit verum. Ut enim non prohibet aliquid esse ἐνδοξον, & tamen falsū, sicut Aristoteles ait, *sylogismum Logicum esse posse* ἐκ ψευδῶν, ἐνδοξον δὲ, *ex falsis, probabilibus tan en* 9. Topic. c. 12. §. 9: ita ex opposito nihil prohibet aliquid esse παρὰδοξον, *absurdum*, & tamen verum, sicut παρὰδοξον esse videtur, dicere, quod *continuum sit divisibile in infinitum*, & tamen verissimum esse solidissimè demonstrat Aristoteles cum in 3. Phys. tum in Comm. de insecab. lineis. Sed nec absurdum

dum est dicere, idem esse substantiam & accidens, modò *substantia* vocabulum rectè sumatur. Id enim non simpliciter, sed *multifariam* dicitur 5. Met. 4. Quod si per substantiam intelligatur substantia *proprie* sic dicta, qualis est substantia *composita*, v. g. ignis, aqua, &c. quivis facillè concesserit, idem non posse esse substantiam & accidens. Verùm si isto nomine veniant quoq; partes *essentiales* & *definitivæ*, nihil prohibet, quo minus dicatur absolute idem in respectu ad diversa esse substantiam & accidens. Hoc enim pacto id omne, quod per se primò modò substantiæ sic dictæ inest, *ἁπλῶς*, substantia, erit. Quis autem ignorat quippiam huic per se inesse posse, ita, ut alteri insit, ceu accidens? E. g. Figura *sphærica* *calo* *substantialis* est, ut docet Aristoteles in 2. de cœlo c. 4; at ligno & æri accedit: diaphanum pupillæ per se inest, at in cornu est accidens. Illi enim inest ex necessitate finis, qui *ἁπλῶς* est in naturalibus, quoniam cum *formâ* coindicit 4. Meteor. ult. 5. Gen. An. 1; huic autem ex necessitate *materia*, quæ *causa* esse dicitur *accidentis*, 6. Met. 1. Ita Ammonius Comment. in Cat. c. 8, calorem igni ait inesse *ἁπλῶς*, *essentialiter*, aquæ autem *ἕκτα πᾶδος* & *accidentaliter*: itemq; dulcedinem melli & albedinem nivis, inquit *inesse substantialiter*: carni autem albedinem & jusculeo dulcedinem *inesse ut accidens*. Non aliter sentit ipse Aristoteles, qui & regulam quandam, utut subobscurè, nobis suggerit, cujus adminiculo dijudicare possumus, cui attributum istiusmodi sit substantiale, cui accidentale. Regula ista reperitur in 7. Met. 4. & talis est: *Si predicatum aliquod junctum alteri amittat suum nomen, & transeat in aliud, indicio est, predicatum illud esse essentialiter composito: Si verò adjectivè de re predicetur & nomen suum retineat, ex eo intelligitur predicatum esse accidentale*. Possumus regulam istam illustrare exemplo, quod idem Philosophus nobis sup-

peditat in 2. Part. 3. Exemplum hoc est: Calor accidens chylō amittit nomen & incipit vocari sangvis. At idem calor, ubi aquæ accedit, non acquirit aliud nomen, sed aqua ab eo dicitur *παρὰ φύσιν* calida. Inde apparet, calorem aquæ quidem accidere, sangvini autem esse substantialem. Deniq; quæ per se & essentialiter insunt prioribus generibus, insunt etiam posterioribus, quanquam non ita per se, ut prioribus, sed *κατ' ἄλλο, secundum aliud*. E. g. Figura per se inest superficiei & consequenter etiam inest omnibus superficiei contentis, ut terræ, lapidibus, animalibus: sed non secundum quod ipsa, verum *κατ' ἄλλο*. At quæ posterioribus insunt, non ex necessitate insunt superioribus, sed per accidens solum insunt. E. g. quod inest homini, quia homo est, velut ratione uti, non ex necessitate inest animali, multò minus substantiæ viventi, aut substantiæ simpliciter: per accidens tamen inesse & iis dicitur, quia homo & animal est & substantia.

XII. Cum igitur differentiæ non aliter sint substantiæ, quàm eâ ratione, quâ substantiæ dicuntur partes essentielles & definitivæ substantiæ, nihil obstabit, quo minus idem, quod huius differentia est, adeoq; per se ei inest & hoc ipso substantia ejus dicitur, alterius sit accidens. Sanè qualitates primas, calorem, frigus, humiditatem, siccitatem Aristoteles passim vocat *διαφορὰς* & *ἁπλᾶς* differentias & substantias elementorum, velut 2. de An. c. 11. 3. de Cœlo c. 7. & ult. 2. Gen. 2. 4. Meteor. 1. 2. Part. 2. 12. (14.) Met. 4. & tamen dubium non est, quin multis aliis hæ qualitates ut accidentia insint. Sic & figura, gravitas & levitas multis insunt secundum accidens, cum tamen singula eorum alicui per se & ut differentiæ insint. Non omnia tamen unicuiq; accidere possunt, quæ per se alicui insunt. E. g. sensitivum nequaquam inesse potest ei, quod non est animal: veluti lapidi neq; per se inest, neq; per accidens. Simi-

Similiter, ratione uti, nequaquam inest plantæ, neq; per se, neq; per accidens, licet viventi insit per accidens, quoniā de homine, cui ratione uti per se & quatenus homo est, inest, dicitur vivens.

XIII. Instabis fortè, posse aliquando contingere, ut idem sit & substantia & accidens in respectu ad diversa, verumtamen non univocè dici, sed æquivocè, quemadmodum & ens dicitur de substantiā & accidente. Verum id non est necessarium. Aliquando quidem accidit, ut ambiguum sit, quod de unâ re dicitur ut substantia, de alterâ ut accidens: non tamen illud fit semper. Imò tale quid idem non est accuratè loquendo. Neq; enim idem propriè dici potest, quod κατὰ τὸ ὄνομα, secundū nomen solum est, tale, nisi cum addito, sicut Alexander Paris & Macedo sunt idem nomine: sed id demum, quod κατὰ τὸν λόγον, secundum rationem & definitionē, idem est, etiam si diversa habeat nomina, ut ensis & gladius, ventriculus & cesophagus. Hoc autem prædicto, nempe κατὰ τὸν λόγον, idem est calor, quando dicitur de igne & aqua, & dulcedo, quando dicitur de melle & iusculo: neq; enim secundum aliam definitionem iusculum dulce est, secundum aliam mel, sed secundum rationem unam eandemque: etiam si non eodem modo insint, sed huic essentialiter, illi accidentaliter, aut huic per se & per naturam suam, alteri autem per accidens, vel ut adveniēns aliquid. Pariter & sanativum, quod inest Medico & fabro, non æquivocè dicitur seu secundum varias significationes. Utrobique enim eandem obtinet, quā sanativum dicitur, quod vi sanandi præditum est, etiam si vis illa alio modo insit Medico, alio fabro, nempe illi per se, huic per accidens. Quod si ejus, quod per accidens inest, esset aliqua natura per se, tum fortè verum esset, quod in objectione dicebatur. Esset enim ejus altera definitio: sed ita simul quoq; ejus haberetur scientia contra id, quod demonstratum supra est ex 6. Met. c. 2. Verum cum non sit
per

per se, imò quasi nomine solum sit, adeò, ut hinc & Plato *rationes Sophistarum*, quod in iis, quæ per accidens insunt, versentur, *in non ente* dicat esse occupatas, quemadmodum eodem loco observat Philosophus, idè non est illud extra id, quod est per se, indeq; aliter de eo, quàm si per se esset, est iudicandum.

XIV. Ad tertiam dubitationem, quâ ostendebatur, ea, quæ assumuntur ad explicandum quid est, non esse extra genus illius, quod definiatur, respondemus, verum id esse, si eo, quo Aristoteles id intelligit, accipiarur modo. Significat autem ille non aliud, nisi hoc, ea, quæ assumuntur *ἐν τῷ τί ἐστι*, non convenire aliis generibus, nisi fortè *subalternatim* fuerint posita, sicut in Ante-Categoriis c. 3. §. 3. id exponit, dicens: *Diverforum generum & non subalternatim positorum, diverse sunt specie differentia.* Quod & repetit in 1. Topic c. 15. §. 17. Non enim differentia unius generis aptari possunt alteri generi, si *per se* sunt: per accidens autem nihil prohibet, ut si bipes aut multipes accommodentur, non quidem pedes habenti, cuius per se sunt differentia, sed plumoso aut implumi, quorum per accidens sunt differentia 1. Part. An. 2. In *subalternis* autem contingit, ut differentia diverforum generum sint eadem. Veluti aquaticum & terrestre non solum differentia per se sunt avium, sed etiam animalium, neq; animalium solum, sed & viventium corporum, veluti plantarum. Plura vide supra lib. 1. c. 10. §. 25. Dicuntur autem differentia esse ex eodem genere cum eo, cuius sunt differentia, quatenus per se insunt, non *κατὰ τὸ σχῆμα τῆς κατηγορίας*, seu *secundum formam* prædicandi. Si enim propter modum prædicandi id fieret, tum differentia substantiarum non in quale prædicarentur, sed in quid, quod falsum, cum repræsentent non quid sit accuratè loquendo, sed *qualitatem circa genus*, quod significat

fiat quid sit 5. Met. 1. 4. Ex aliis itaq; categoriis substantiarum differentias esse petendas hactenus constitutum esto.

XV. Ceterum cum non omnia, quæ in categoriis istis continentur, de substantiis dicantur per se, quæritur, unde dignoscere possimus, quænam sint illa, quæ per se substantiis & quæ per accidens insint? Hoc autem inde fiet manifestum. Cum substantia quædam sit ut *materia*, quædam ut *actus*, quædam ut ex utrisq; *composita*, prima omnium est ea, quæ est ut *actus*. Propter illam enim & *materia* & *compositum sunt* substantiæ, 7. Met. t. 9. Et hæc exprimitur definitione. Actus enim seu forma nihil aliud est quam *διαφορὰν σὺν ἡμῶν μετὰ τῷ γένει*, collectio differentiarum unà cum genere, ut Simplicius loquitur 2. Phys. Comm. 11. Huiusmodi autem substantia in unoquoque determinatur opere. *Vnumquodq;* enim, docente Aristotele in 4. Meteor. c. ult. *tunc verè esse dicitur, cum potest operari secundum suam ipsius naturam, ut oculus, quando videre, & serra, quando secare potest.* Quod si non possint, *aquivocè* ita dicuntur, ut si oculus lapideus, aut serra ligneæ esset. Quæcunq; enim alicujus gratiâ sunt, si quidem fine priventur, non amplius sunt id, quod dicuntur esse, quia formam, quæ eadem est cum fine, quæque prima est substantia, non habent. Quapropter substantiis ea per se inerunt, quæ ipsis insunt ex necessitate finis: quæ autem hoc modo non insunt, h. e. non ex necessitate, aut si ex necessitate, non tamen ex necessitate finis, sed materiæ aut efficientis, ea non inerunt per se, sed per accidens, vel ut accidentia. Patet id in substantiis artificialibus. Quanquam enim artificialia accuratè loquendo non sint substantiæ, ut verissimum sit illud Pachymerii: *ἡ τέχνη οὐκ ἀπεργάζεται ὄντιαν*, *ars non producit substantiam*, nihilominus aliquando inter substantias etiam à Philosophis numerantur, velut ab Aristotele 1. Topic. c. 13. quando *ἔστω*, quate-

nus & *animal* significat & *lapidem molarem*, in eâdem collo-
cat categoriâ. Item ab Ammonio, qui τὸ πῦρ ad substan-
tiam revocat in præd. Relationis. Quod sine dubio fit propter
similitudinem, quam habent cum substantiis, de quâ vide 8.
Met. 2. In his igitur manifestum est, ea per se inesse, quæ insunt
ex necessitate finis, reliqua per accidens. E.g. Serræ finis est
findere ligna. Huius enim gratiâ serra facta est. Quæ igitur
serræ insunt ratione finis huius, per se insunt, velut, quod sit fer-
rea & dentata: quæ autem huius ratione non insunt, velut,
quod aureum habeat manubrium, per accidens. Porro pe-
nicilli finis est pingere: ad pingendum enim factum est. Quæ
ergo ex necessitate huius finis penicillo insunt, illa insunt per
se & essentialiter; velut quod constet ex setis animalium, quod
sit orbiculatum, acutum &c. cætera autem per accidens, velut
quod setæ, ex quibus constar, sint ita vel aliter coloratæ. Abs-
que eo enim finis penicilli satis superq; potest obtineri.

XVI. Quemadmodum autem in artificialibus, sic & in
naturalibus substantiis, quibus illæ, ut dixi, κατ' ἀναλογίαν respon-
dent, se res habet. Nempe & illis per se insunt, quæ insunt ex
necessitate finis, non quæ solum ex necessitate materiæ: ideoq;
& ab illis solum petendæ erunt differentiæ, ab his non item.
Sunt autem substantiæ naturales *duplices*, aliæ *simplices*, aliæ
compositæ. Utrasque spectemus & initio quidem simplices.
Harum igitur ut inveniamus differentias, attendendum est ad
officium, quod in mundo præstant, aut ad finem, cuius gratiâ
sunt. Sunt autem *compositorum* gratiâ. Ea enim ex simpli-
cibus fiunt tanquam ex materiâ, non secus atq; *organa* ex parti-
bus *similaribus*, & ex variis *partibus organicis*, quales sunt ocu-
li, manus, pedes & similes, *totum corpus*, cuius gratiâ pro-
pterea *illa partes* esse dicuntur, ut *harum gratiâ partes simi-
lares* lib. 2. Part. An. 1. Unde etiam fit, ut si huiusmodi *se-
parem*

parentur à toto, tanquam sine carentia, non amplius sint, nisi *equivocè*, sicut digitus abscissus non est amplius digitus & caro mortua similiter 7. Met. t. 35. Si igitur simplicia corpora sunt alicuius totius partes, tanquam materia, separata ab illo toto, non amplius erunt talia, nisi *equivocè*. Jam ex iis *totis* quidem constituitur *universum* tanquam ex *materia* 1. de Cœlot. 97. Ex eorum autem *partibus* mixta sunt, & quidem *primò similaria*, ex *his* autem *instrumenta*, in quibus *naturæ perfectio* consistit, 4. Meteor. ult. Videndum ergò est, quodnam sit *ἐργον* illud seu officium, quod præstant elementa, cum in *universo* tanquam partes integrantes, mundum constituentes, tum in *mixtis*, quatenus ad mixtionem eorum tanquam materia & elementa concurrunt. Quæ enim horum *ἐργον* seu *munerum* ratione insunt hisce corporibus, ea per se inerunt, juxta S. 10. & ex his differentiarum eorum erunt petendæ.

XVII. Quod igitur principiò ad officium corporum *simplicium* in hoc *universo* spectata, notum est, quod hoc *universum* consistat in certo aliquo *ordine* partium, qui velut *forma* ejus est, cum partes *materiæ* ipsius habeant rationem. Quare sine dubio corporum simplicium hoc in *universo* munus erit, ut conservent *situm* proprium in illo, nisi enim id fiat, *ordo* *universi* interturbabitur & *forma* suâ destituetur. Quomodo autem hunc *situm* ista conservant? Incorruptibilibus quidem corporibus ad conservationem sui *situs*, quem in *universo* habent, à naturâ rectè concessa est quies sempiterna. Non enim à propriis locis egrediuntur, sed in eodem semper manentia loco circumferuntur. Corruptibilibus autem datus est motus ad proprium locum, ut servent *situm* proprium in toto. Idèò ignis fertur sursum, aqua in aëre genita deorsum & c. non alio fine, nisi, ut suam *situm* in toto tueantur, à quo si sejuncta essent, non essent amplius: impossibile autem est ea inde se-

jungi, quoniam vacuum naturæ repugnat. Caterum per quod
 feruntur ista corpora ad locum suum? Dubio procul per gra-
 vitatem & levitatem, tanquam internum motus principium.
 Sic ignis per levitatem suam sursum, terra per gravitatem suam
 deorsum tendit. Hinc quod *summè* leve est, ut *supremus* aër
 tenuissimus, calidus & siccus, *ignis antiquis* dictus 1. Meteor.
 3. & 4. & *supremum* in mundo locum sub concavo Lunæ
 obtinet: quod *summè* grave, ut *terra, infimo* est loco situm;
 quæ autem *intermedia* sunt gravitatis & levitatis medium ob-
 tinent locum. Quod enim minus leve est, quàm levissimum, ut
 aër vaporosus, sub eo collocatur; quod minus autem grave,
 quàm gravissimum, ut aqua, super ipsum constitutum est, ut ita
 partes mundi cohæcant, 4. de Cælo. c. 5. Gravitas ergò &
 levitas insunt corporibus simplicibus, quatenus spectantur ut
 partes universi, per se, adeoque ut substantia. Quomodo au-
 tem gravitas & levitas in corporibus simplicibus se habeant, &
 quomodo specificum in illis discrimen constituent, id docet
 Aristoteles in 4. de Cælo atque specialius ibi declarat. Nempe
terra summam obtinet gravitatem, estque simpliciter & absolu-
 tè gravis, quia & in aëre, & in aquâ, & in igne, quin & in loco
 suo, nisi sit in medio mundi centro, gravis est. Si enim una
 pars terræ subtrahatur, altera continuo in ejus locum succedit;
 in locum aëris & aquæ autem terra non fertur, quod argu-
 mento est, eam nihil obtinere levitatis. Porro *ignis* summè
 & absolute levis est, in aëre, aquâ & terrâ, & suo quoque in lo-
 co, neque enim si aërem subtraxeris, ignis deorsum fertur.
Aër intermediâ habet levitatem. In terrâ enim & aquâ levis
 est, in suo vero loco gravis. Unde si subtrahatur aqua vel
 terra, in locum ejus fertur, sed non sursum in locum ignis, si
 ipse tollatur, nisi vi. Denique *aqua* intermediæ gravitatis est,
 in aëre enim & suo loco gravis est, unde in locum subtrahæ
 terræ

terræ fertur, non autem sursum in locum subtrahi aëris, nisi itidem vi: quod verò intermediæ gravitatis est vel levitatis intermediæ, id partim grave, partim leve est, utur diversore specu. Ignis itaq; habet omnes gradus levitatis & terra omnes gravitatis: aqua a. habet duos gradus gravitatis, aër duos levitatis, qui gradus utpote essentielles seu essentiam variantes specificum hîc discrimen faciunt, adeoque differentias corporum simplicium, quatenus sunt partes universi, constituunt, genericâ essentia interim eadem manente. Unde *ignis* ratio hæc erit, quod sit corpus simplex, naturâ ita dispositum, ut feratur sursum super omnia, ibiq; per summam levitatem consistat. Hæc, inquam, erit *ratio* ignis, ejus *forma* ac *perfectio*, 4. de Cœlo 3. 2. Gen. & Corr. 8. De *reliquis*, quæ ratio illorum sit, ex modò dictis iudicium potest ferri.

XVIII. Deinde corpora simplicia spectari possunt ut *elementa* mixtorum corporum seu cæterarum rerum generabilium & corruptibilium per naturam. Atque hîc videndum est, quomodo veniant ad *mixtionem*, aut per quod & propter quod ex iis mixtæ naturæ & essentiæ fiant. Hoc autem sine dubio erit id, per quod & ipsa elementa generationi & corruptioni per se ac primò sunt obnoxia, inq; sese mutuò agunt & à se vicissim patiuntur, se invicem alterant, temperant, imminuunt, immutant, donec naturâ suâ depositâ mixtum naturale constituent, quod fieri non posset, nisi talem naturam, talesq; formas in se invicem activas & à se mutuò passivas, quæque ad unam mixti naturam, ab ipsorum simplici diversam, constituendam concurrere possint, nata essent. Totum autem hoc præstant elementa per & propter *frigus*, *calorem*, *humiditatem* & *siccitatem*. Per hæc in se invicem agunt & à se invicem patiuntur: per hæc quoque generationi & corruptioni sunt obnoxia. Ideo enim generari & corrumpi possunt, quia ex ca-

lidis frigida, ex frigidis rursus calida, ex humidis sicca, ex siccis humida fieri, adeoque naturam suam & essentiam amittere eamq; iterum recipere possunt. Quamdiu enim ignis calorem & siccitatem suā habet, ignis est & manet, per & propter calorem & siccitatem suam; quando verò calidus & siccus esse definit, corrumpi eum necesse est & in corpus aliud minus calidum & siccum mutari, quod ipsum si rursus ita fiat calidum & siccum, ut ignis, iterum generabitur ignis. Calor itaque & frigus, humiditas & siccitas erunt principia elementorum, ut sunt elementa mixtorum, non gravitas & levitas, quia hæc sunt quidem principia motus localis, at non alterationis, ad quā actio & passio propriè dicta requiritur, quæ in gravibus & levibus, ut talibus, non deprehenduntur: adeoque ab istis petendæ erunt elementorum differentię, quatenus sunt elementa. Quā de causā & Aristoteles dictas istas qualitates passim vocat *essentiales qualitates elementorum*, item *differentias & formas*, 1. Gen. & Cor. 1, & 3, lib. 2. c. 2, 3, 4. 2. An. 1 1, 1 2, (14.) Met. 4. Consentit Ptolemaeus lib. 1. de judiciis c. de viribus planetarum, dum quatuor primas naturas esse asserit, duas fecundas & vivificas, calidi & humidi, quibus omnia coalescant & roborentur, duas vero exitiales & detrimentosas, frigidi & aridi seu sicci, unde rursus dissipentur & debilitentur omnia. Consentunt & Interpretes Græci Aristotelis ad unum omnes, Velut Alexander 2 Qq. natural. quæst. 1 1. Primorum enim corporum, quæ ex materiâ generantur, inquit, duas esse formas, primas sc. contrarietatum, calorem & frigus: ac humiditatem & siccitatem, & histerminari simplicia corpora. Et in comm. ad 4. Met. t. 2 2. τὴν θερμότητα, *calorem* vocat, ὅσταν τὸ πῦρ ὦσιν, *essentiam ignis*, τὴν ψυχρότητα autem s. *frigus* ὅσταν τὸ ὕδωρ ὦσιν, *essentiam aque*. Sic & Themistius: *Ignis*, ait ad 1. Phys. t. 5 5. *jam manifestò συμπλέκεται ἐκ ἐναντίων, componitur ex contrariis.* θερμὸν

μόν γὰρ καὶ ἕκτον κατὰ τὴν οἰκείαν φύσιν τὸ πῦρ, *calidus enim & frigidus secundum propriam naturam ignis est.* Item Simplicius in lib. Categ. c. 5. *calorem* dicit esse ἐν ὅσῳ *ignis*: nec *quantitatem* eius παθητικὴν, sed ὁσιώδην διαφορὰν καὶ συμπληρωτικὴν τῆς ὁσίας, *essentialem differentiam atq; essentia completricem.* Et in 2. de An. c. 11. qualitates istas vocat πρώτας τῶν στοιχείων διαφορὰς, *primas elementorum differentias*, iis δ; ea ὁσιώδεις sive *essentiam ipsorum compleri* scribit in 1. de Caelo com. 29. Non aliter Philoponus, qui in 2. Gen. & Corr. init. easdem qualitates vocat ἐναντιώσεως εἰδοποιῶν vel, ut in c. 10. eiusdem loquitur, εἰδοποιῶντες, *contrarietates speciem constituentes*, Deniq; ante Simplicium & Philoponum idem confirmat & Ammonius Comm. in lib. Categ. c. 8. cum qualitates quasdam τελειωτικάς dicit & exempli loco subdit, ὥς ἡ ἐν τῷ πυρὶ θερμότης, *quæmadmodum in igne calor.* Unde & simul apparet, quàm vana sit obiectio illa, quæ dicitur, *calorem, frigus, humiditatem & siccitatem* non posse esse differentias elementorum, quod sint *qualitates.* Neq; enim omnes qualitates sunt accidentia: sed dantur & τελειωτικάς sive *essentiales* qualitates, quæ ad essentiam rei spectant, atq; idcò ad quæstionem quale quid reponuntur. Et quid *vegetativum, sensitivum, rationale* aliud sunt quàm qualitates? Ergonè nec illæ sunt legitimæ differentię *plantæ, animalis, hominis*? Paucis, omnis *differentia* est *qualitas* 5. Met. 14. 5. Phys. c. 2. significat enim quale quid & in quale prædicatur.

XIX. Relictis *elementis*, ceu corporibus simplicibus, progrediamur ad *composita* seu *mixta*, quæ sunt *duorum* generum. Quædam sunt *perfecta*, quædam *imperfecta.* Hæc sunt, quæ ita ex elementis miscentur, ut non multum abeant ab ipsa elementorum naturâ, levè δ; momento ad eam redeant, velut nubes, nix, grando & similia, quæ quisq; facile novit redire

dire in elementa, ex quibus constant. Quid enim hæc aliud sunt, si substantiam ipsorum spectes, nisi vapores aut exhalationes? Hæc autem quàm citò in elementorū redeunt naturā, adeò ut secundum substantiā ab his vix videantur differre? Ita vapor, ex ollā scandens & operculo adhaerens, nullo negotio in aëre etiam fervido aut tepenti reveritur in aquam. Idem ex omnibus distillationibus & sublimationibus Chymicorum potest ostendi, ac facillimo reditu æstivi vaporis in rorem. Ita ergò se habent mixta imperfecta. *Perfecta* autem itidem ex elementis quidem miscantur, sed ita, ut non tam facilè in hæc redeant aut resolvantur. Statuuntur autem & ea communiter *duplicis* esse generis. Alia enim ex iis *animata* dicuntur, alia *inanimata*. *Animata*, ut plantæ & animalia: *inanimata*, ut metalla, lapides, mineralia. Ex his *inanimata*, ut & mixta imperfecta, accuratè loquendo *substantia* esse non videntur. Ratio substantiæ enim sumebatur à *sine*. At talia non habent finem, nisi per accidens, ut notavimus jam suprà lib. 1. c. 13. §. 9. & 10. sed fiunt ex necessitate *materiæ* & *efficientis*. Unde & hæc duæ saltem eorum afferuntur causæ ab Aristotele lib. 1. Meteor. c. 2. & 4. Cap. 1. autem dicuntur esse *passiones elementorum*, ut quæ *communes sint aëri & aquæ & terræ species & partes & passiones partium*. Ex quo colligitur, istiusmodi corpora substantias esse, ut *materiam*. Sunt enim elementa vario modo alterata. Simul autem & hoc facilè colligitur, quo pacto sint definienda talia corpora, nempe per *materiam* & *speciem affectionis ac causam efficientem*. E. g. *Glacies* est aqua à frigore congelata, materia est aqua, species congelatio, causa efficiens frigiditas. *Metalla* sunt vapores cum quadam exhalatione à frigore congelati, *Lapides* sunt terra partim à calido, partim à frigido condensata, & sic in cæteris. Hoc modo antiquiores Philosophi etiam reliqua naturalia, *anima-*
lia

lia & plantas, considerabant, notante Aristotele 1. part. An. 1. & 5. Gen. An. 1. Cum enim nullam haberent rationem finis, cuius gratiâ natura agit, latebat eos ratio explicans ipsam quid est, & solam materiam putabant substantiam esse, reliqua autem omnia accidentia, cum tamen forma & ipsum quid est magis sint substantia, quàm materia, quoniam ab illa habent, ut sint unum per se, quæ illius gratiâ petuntur. Unde domus diruta non amplius unum est, sed plura, lateres & ligna. Meteora autem ut & metallica, velut aurum, argentum, plumbum, &c. sunt & ipsa quidem unum, aut non per se, sed per accidens, licet unum ipsis impositum sit nomen, veluti aquæ congelatæ nomen glaciæ. Cuius simile & in artificialibus contingit. Statuam enim vocamus compositionem æris & figuræ. Sed hæc magis assimilantur substantiæ, quia ars semper finis alicujus gratiâ operatur.

XX. Caterùm affectiones specierum in *meteoris* petuntur maximam partem à variis *materia* dispositionibus, veluti *paucitate* ejus vel *multitudine*; *raritate* vel *densitate*; hoc vel illo *situ*; hoc vel illo *loco* & ceteris, quæ in Meteorologicis exponuntur. In metallicis autem ex potissimum passiones sub considerationem veniunt, secundum quas agere quid aut pati possunt. Unde jam multæ consurgunt eorum species. Differunt enim aurum, æs, lapides & reliqua metallica, quæ dura sunt, mollia, coagulabilia, liquabilia, flexilia, fragilia, ustilia, ductilia, scissilia &c. Quod pertinet ille ex 8. Met. 2. locus: Τοῖς τῶν αἰδητῶν πάθεσι, οἷο σκληρότητι καὶ μαλακότητι, καὶ πυκνότητι, καὶ μα-
 νοτήτι, καὶ ξηρότητι καὶ υγρότητι. *Quadam differunt sensibilibus passio-
 nibus, ut duritie & molitie, densitate & raritate, siccitate &
 humiditate.* Quanquam autem quædam ex illis, secundum
 quod mixta sunt, videantur habere singulares quasdam po-
 tentias agendi, veluti magnes virtutem trahendi ferrum, cuius

simile quid in plantis atque animalium partibus animatis deprehendimus (insunt enim illis medicamentorum vires, licet non quatenus sunt animata, cum ut plurimum mortua corporibus applicentur) tamen idcirco nondum *substantia* habent rationem. Ut enim mixtio in i est per accidens, sic & ea, quæ mixtionem consequuntur. Argumento sunt illæ ipsæ plantarum & animalium partes. Nemo enim dicet à naturâ factas, ut morbos hominum propellant, nos tamen ad illum usum accommodamus, quia quodammodò *omnium finis* sumus, ut diximus antè ex 2. Phys. l. 2 4, nempe *cui*: forma autem & substantia est finis *cujus*.

XXI. Sed missis inanimatis ad *animata* accedamus. Ea vel secundum se *tota* considerari possunt, vel secundum *partes*. Ex quibus hæc aliæ sunt *similares*, aliæ *disimilares*. Græci, ut videre est apud Aristotelem initio Historiæ Animal: vocant ὁμοιομερῆς καὶ ἀνομοιομερῆς. Similare in genere quid sit, idem Philosophus docet 2. Part. 2. nempe cum τὸ μέρος ὁμώνυμον ἐστὶ τῷ ὅλῳ, *s. pars idem nomen habet cum toto*. C. 9. autem ejusdem libri ὁμοιομερῆ, ait, esse illa, ὅν τὰ μέρη συνώνυμα ἐστὶ τοῖς ὅλοις, ut ex duobus his locis junctis hæc definitio nascatur, *Similaria sunt illa, quorum partes non tantum habent idem nomen, sed & eandem definitionem*. E. g. aquæ amphora & unus cyathus dicitur aqua, eodemque modo definitur. Non minus enim gutta aquæ est aqua, quàm amphora tota. Tales partes in animalibus sunt sanguis & fibræ. Solent tamen communiter omnes istæ partes in animatis *similares* vocari, quibus *priores* aliæ per se existentes in corpore non reperiuntur, & ex quibus conjunctis dissimilares constituuntur, etiam si ex diversis partibus aut *evidenter* sint compositæ, ut musculi, aut *obscurè*, ut vasa & tunicæ. Ita lac pro simili habetur, etiam si ex diversis partibus sit compositum, velut ex caseo, butyro, sero. Partes *disimilares* autem dicuntur, quæ
ex

ex similaribus partibus inter se connexis fiunt, ideoque dissimilem obtinent naturam. Velut oculus: ex musculis enim, vasis, tunicis, humoribus constat.

XXII. *Similarium*, quatenus sunt similes, differentiae petuntur à *materia*, aut παθεσι seu affectionibus materiae, duritiae scilicet, mollietis & reliquis, quarum §. 20. facta est mentio, aliisque similibus. His enim differunt omnia corpora *similaria* 4. Meteor. c. 8. Verum cum istiusmodi etiam usum habeant & finem, ab hoc potissimum differentiae sunt sumendae: ex quibus talis fit definitio, quae κατ' ἀναλογίαν respondet definitioni affectionum causali. Pars enim illa definitionis, quae materiam exprimit, per finem demonstrari potest. Ita ossa constant ex materia durâ & solidâ propter finem & usum, quia eo fine à naturâ concessa sunt animalibus, ut mollia custodiant aut sustinent, velut viscera & carnes, ut Aristoteles docet 2. Part. 8. vel, ut Hippocrates ait, ut corpori εἶσιν καὶ ὁρδόνητα καὶ εἶδος, *firmitudinem, rectitudinem & speciem* praestent, lib. de Nat. off. t. 17. Caro simplex est & mollis, ut sit medium ad *tangendum*. Hoc enim ejus *officium* est, 1. Hist. 4. Musculi sunt corpus densum compactumque, praeclitum nervis, venis, arteriis, ut Rufus describit lib. 2. c. 17. Ita enim affectos à naturâ esse oportebat, ut praestarent usum, ad quem à naturâ sunt destinati, qui inter ceteros hic est, ut instrumenta sint proxima motus voluntarii, tam illius, qui κατ' ὄρεσιν, *impetu* fit, quam illius, qui κατὰ προᾶρσιν seu ex *proposito aut consilio destinato*. Unde quoque simul apparet, quod in definiendis iis similaribus, quae ex diversis partibus sunt composita, partes illae sint enumerandae. Conjunctione enim earum talium ἕναι constat. Quod & in definiendo alia similia attendunt doctissimi viri. Ita enim lac caseo, butyro, sero definiunt: *mustum* autem flore, facce atque parte vinosâ. Vide lib. 2. Part. An. 1, 1. Hist. 1.

XXIII. *Disimilares* animatorum partes notum est inter se duabus potissimum rebus distare, *facultate & officio*, quod operationem vulgò appellant. Manifestissimè enim omnium hæc finem habent, qui est *χρῆς* seu *usus* aliquis, aut officium. Ad hunc autem obtinendum certis *δυνάμει*, seu *facultatibus* sunt instructæ. Unde Aristoteles in 1. Polit. c. 2, cum exemplo pedis ac manus hominis omnium animalium partium universè rationē adumbrasset, subiicit ista: τὰ αὐτὰ δὲ τῷ ἑγγύς ὡς ἄριστον καὶ τῇ δυνάμει, ὥστε ἀρκέσι τοιαῦτα ὄντα, ὃ λέκτεον τὰ αὐτὰ εἶναι, ἀλλ' οὐκ ὁμῶς. *Cunctæ hæc partes opere definita sunt ac facultate. Itaque cum amplius non sunt tales, non est dicendum amplius illas esse easdem, nisi æquivocè.* Ita manus, pes & similes partes hominis mortui non sunt manus, pes &c. nisi æquivocè & cum addito, perinde, ut manus lapidea, aut pes lapideus. Non enim possunt ista præstare usum, ad quem sunt à natura facta. Similia his habet Philosophus & aliis locis. Ab his igitur, facultate scilicet & officio, sunt petendæ differentiæ partium dissimilariarum in animalibus, aut ab iis, quæ huius ratione per se insunt illis partibus, quò pertinent & certæ materiæ dispositiones aut partium materialium, quæ ad finem obtinendum omnimodè requiruntur.

XXIV. Habet se res in his pariter, ac similibus antè definitis, eodem modo, quo in *artium organis*, sive instrumentis. Nam & ista definiuntur per *materiam* certam & *finem*. Et per istam quidem idèd, quia hic sine materiâ certo modo dispositâ & figuratâ obtineri non potest. Ita ad rationem serræ pertinet, ut consistat ex ferro, & quidem certo modo *disposito*, hæc dentato. Alterutrum enim si absit, finem, cui serræ ab artifice est destinata, non obtinebit, atque adeò serræ non erit, nisi *δυνάμει*, velut si lignum aliquod instar serræ dentatum sit: aut si ferrum quidem sit, sed dentibus destitutum. Pertinet porro

porrò ad dispositiones istas etiam iusta *quantitas*. Nam & exsuperantia nimia & paucitas organorum naturam evertit, nihilq; nisi nomen relinquit. Quod & ipsum in instrumentis artium fieri videmus. Ita calceus non erit, si aliquot ulnas longus efficiatur, aut contra granū hordei magnitudine non excedat: quemadmodum *Myrmecides*, teste Plinio lib. 7. nat. hist. c. 21, *quadrigam* olim ex ebore fabricatus est, quam musca integeret alis, & navem quam apicula pinnis absconderet. Egregius hæc de re est apud Arist. locus l. 7. Polit. c. 4: Propterea verò, inquit, est aliquis etiam civitatis magnitudinis modus. quemadmodum & aliarum rerum omnium, animalium, plantarum seu arborum, instrumentorum &c. iusta magnitudo est. Etenim unumquodq; horum neq; si nimis pusillum sit, neq; si magnitudine modum superet, potestatem aut vim suam incolumem conservabit: sed interdum natura sua prorsus orbatum erit, alias nullā afferet utilitatem. E. g. navigium, ita pergit ille, palmi quidem unius longitudinem non superans aut usq; ad duorum stadiorū longitudinem porrectū non erit omnino navigium: ad quandā autem magnitudinem progressum modò propter parvitatem, modò propter magnitudinem navigationem reddet incommodam. Ad easdem dispositiones pertinet & iustus *situs*: in nonnullis & iustus *numerus* & quæ sunt id genus alia. Nisi enim hæc rectè sese habeant, aut planè pars aliqua non præstabit suum officium, aut non rectè, quod cum *παρά φύσιν* accidat, per se non inest, sed *κατὰ συμβεχῆος*. Unde monstra oriuntur, veluti si quis ore distorto nascatur, aut sex digitis in una manu

XXV. Sed quid de ipsis animatis secundum se tota spectatis dicendum, de plantis scil. & animalibus? Dictum quod omnis substantiæ ratio à *sine* petatur. Propter illum enim substantia quæq; sunt, quæ illius gratiâ habentur. Videndum

igitur principio in plantis, quæ similitudo & dissimilitudo in his sit ratione eorū, quæ *primi* animæ *vegetativæ* operis gratia data sunt, deinde ratione eorū quæ *secundi*, & sic deinceps. Est autem *primum* vegetativi opus, quod omnibus viventibus inest, alimenti attractio, quod nutrantur & crescant. Partes autem huius gratiæ datæ sunt radix & germen: ex horū igitur differentiis *prima* genera constituenda sunt. Velut quorū radices & germina densiori & duriori substantiā constant, quod lignum vocatur, arbores sunt & frutices: quorū verò tenuior & mollior est substantia, suffrutices sunt & herbæ. Petitur enim hæc differentia ex naturā similium partium plantas constituentium totas. Porro harum partium ratione utraq; genera rursus subdividi possunt. Quibusdam enim simplex germen assurgit, velut arboribus & herbis: quibusdam autem multiplex, ut sunt frutices & suffrutices. Quæ differentiæ ex numero desumptæ sunt. Præterea ex propriis radicum & caulium differentiis singula genera suam divisionem patiuntur, ut si radix erecta unica vel plures, vel obliqua, vel geniculata, vel fibrosa, vel rotunda, alba, ruffa, crocea & cætera huiusmodi; similiter si caulis rectus, aut obliquus, humi stratus, ascendens, concavus, geniculatus, aculeatus, asper, levis, rotundus, quadratus. Ex his omnibus & huiusmodi aliis suprema genera distinguuntur. Alterum *vegetativi* opus est, generare sibi simile, quod perfectione prius est. Huius gratiæ dati sunt fructus & partes ad fructificationem facientes. In quibus tantam organorum multitudinem & distinctionem natura molita est, quantam in nullis aliis partibus. Ex his igitur partibus, quæ fructificationis gratiæ datæ sunt, rursus plantarum differentiæ sunt petendæ. Quædam enim ex plantis omnino nullum semen habent, quippe quæ, cum imperfectissimæ sint, ex putredine tantum originem ducant, idcircoq; eas nutriri tantum & augeri contin-

git, generare autem sibi simile nequeunt, tanquam media inter plantas & inanimata, quemadmodum Zoophyta inter animalia & plantas. Tales sunt fungi, lenticula palustris, & frutices multi marini. Quædam moliri quidem semen videntur, sed imperfectum efficiunt ob propriam naturam, ut inter animalia mulus. Sunt enim veluti aliarum plantarum abortus aut morbi, ut multa in genere frumentorum, quibus spica inanis, & ferè juncorum genera. Quædam aliquid ferunt, quod proportionem respondeat semini: nam per id visæ sunt propagari. Est autem lanugo quædam foliis insidens: caule autem ac flore & semine carent, ut filix, adiantum &c. Quædam tandem semen perfectum generant. Quæ pro diversâ organorum dispositione ad istam rem destinata rursus in varia genera distribuuntur. Faciunt autem ad talium constitutionem in primis hæc tria, nempe partium *numerus, situs & figura*. Magnitudo enim non videtur speciem organi immutare, nisi simul figuram immutet: solutio autem continui & unio ad numerum pertinent: durities, mollities, color & reliquæ qualitates ad similes partes referuntur. In singulis his differentiæ quàm plures apparent, ex quibus varia plantarum genera sunt constituta. Cæterum de his speciatim differere huius non est loci. Videri possunt Theophrastus in libris de Historiâ Plantarum & Auctor libri de Plantis apud Aristotelem. Ex recentioribus autem Andreas Cæsalpinus Arctinus in lib. XVI. de iisdem.

XXVI. Animalium summæ actiones itidem duæ sunt, *sensus* scil. & *motus*. Ex quibus prior illa ἐνέργεια omnibus animalibus inest. Tum enim demum unumquodq; est *animal, cum primum id contingit sentire*, s. Gen. An. 1. Posterior autem non competit cunctis. Dantur enim animalia nonnulla, quæ non apta sunt naturâ sese movere de loco in locum, velut ostrea & id

& id genus alia. Unde Aristoteles: *Οὐρετὰ ἀνθρώπων πάντα κινητὰ, non omnia sentientia sunt motiva.* Quæ igitur horum ratione discrimen faciunt, ita ut per se & non per accidens insint, illa constituunt summa animalium genera, veluti aquatile & terrestre. Eo enim sine sensus, quin & motus, dati sunt animalibus, ut *victum sibi quarant, idq; declinent, quod nocturnum sit, id autem persequantur, quod ipsis sit conveniens*, ut Auctor librorum de divina sapientia secundum *Ægyptios* apud Aristotelem docet lib. 3. c. 1. Jam quædam ex animalibus per naturam apta ac disposita sunt victum querere, ejusque gratiâ sentire & sese movere in *terrâ*. Et hæc terrestria vocantur. Alia per naturam sunt disposita sentire & movere sese victus querendi causâ aut sese conservandi ergo in *aquâ*, ut pisces & cætera aquatilia. Alia per naturam ad *utrumq;* disposita sunt, & vocantur *ἀμφότεριζοντα*, veluti ranæ & similia. Terrestrium porro alia sunt *πτηνά, volatilia*, alia *πεζὰ pedestria*, alia rursus *ἐπαμφότεριζοντα* inter hæc, ut vesperilio & struthiocamelus. Ubi notandum est, quod *πεζόν* seu pedestre non significet idem, quod pedes habens (nam tale potius pedatum diceretur); sed animal tale, quod naturâ suâ solum in terra vivit, inq; e & per eam tantum se movet, cum victum ad conservandam vitam suam querit, cui scil. natura neq; instrumenta ad volandum concessit, neq; omnino alas, quibus progressum suum, etiam si non volitet, promovere queat, quale quid concessit iis animalibus, quæ *ἐπαμφότεριζοντα, ancipitia* inter *pedestria* & *volatilia* paulo antè dicebamus. Horum omnium differentia porro desumuntur ab *instrumentorum*, quibus ista exsequuntur, variis organicisq; dispositionibus. Veluti, quod ad *volatilia* animalia attinet, eorû differentia petuntur à dispositione variâ organorum, quibus volant. Nempe alia *pen-nâ* volant, ut aquila, accipiter: alia *membranâ siccâ*, ut apes, scarabæi:

scarabæi : alia *cute*, ut vulpeculæ. Quorum differentiæ rursus peti possunt à numero prædictorum instrumentorum. Quædam enim *binas* habent alas, quædam *quaternas* &c. 1. Hist. 5. Animalium *pedestrium* autem differentiæ desumendæ sunt à discrimine organorum, quibus illa se in terrâ movent. Inde enim fit, ut animalia pedestria alia sint πορευτικά, *gressilia*, quæ pedibus incedunt, iisq; vel binis, vel quaternis, &c: alia επυσικά, *reptilia*, quæ serpunt : alia ειλκτικά, *tractilia*, quæ dum promouent corpus, sese volvunt atq; trahunt. Sed de his aliisq; animalium differentiis, quæ petuntur ex *victu*, *moribus*, *actionibus* & *partibus*, videndus est Aristoteles, qui hæc fusè, quantum res ipsa tulit, diduxit in 1. Hist. An. c. 1. & seqq. Et hæc de differentiis substantiarum. Nunc & de accidentium differentiis videamus.

XXVII. *Accidentium* esse cum sit inesse, necessariò in definitionibus perfectis debent continere subjectam substantiam, aut *expresse*, aut *tacite* saltem. Possunt enim accidentia duobus modis spectari, ut πᾶσι, & ut *species subjecti*. Illo modo cum considerantur & definiuntur, *expresse* in definitione eorum ponitur subjectum : cum autem hoc modo spectantur, *expresse* quidem subjectum non ponitur in definitione, ponitur tamen virtute, quod patet ex resolutione. E. g. Albedo, quando ut πᾶσι consideratur, definitur actus perspicui terminati secundum maximam participationem luminis : nigredo autem, ut πᾶσι spectata, definitur actus perspicui terminati secundum minimam luminis participationem. Ubi in utraq; definitione *expresse* ponitur subjectum, perspicuum terminatum. At si ut *species subjectæ* considerentur, albedo definitur color, disgregans visum, nigredo autem color congregans visum, ubi quidem *expresse* nullius subiecti fit mentio, implicite tamen & hoc ibi continetur. Cum enim ul-

terius quæritur, quid sit color, dicitur, quod sit qualitas adeoq; accidens substantiæ. Et hinc substantia dicitur inter cetera accidentibus & *definitione* prior esse: quia scilicet accidentis definitionem substantia ingreditur, non contrà 7. Met. 1.

XXVIII. De quantitate tamen video à nonnullis dubitari. Videtur enim hæc forma esse adeò imperfecta, ut materiam exigat nullam. Unde & Mathematico, qui quantitatem speculatur, consideratio ~~et~~ *deceptores* tribuitur, sive *ex abstractione* 2. Phys. 2. Verùm quamvis hoc pacto quantitatem consideret Mathematicus, non abstrahit tamen ab omni materiâ, sed solum à materiâ sensibili, qualis est æs, argentum, lignum, lapis, & alia huiusmodi, quorum nihil pertinet ad rationem & essentiam quantitatis alicujus v. c. circuli. Si enim æs pertineret ad essentiam circuli, nullus esset circulus, nisi in ære: sicut forma carnis non est nisi in *certaina* materiâ, quæ *carni* est propria, 2. Phys. 2. Aliàs omnis quantitas necessariò est in materiâ aliquâ, indeterminatâ scilicet, quam Aristoteles vocat materiam *intelligibilem*, cum ait: *Materia alia est sensibilis, alia intelligibilis. Sensibilis quidem, ut æs & lignum & quacunq; mobilis materia: intelligibilis verò, qua in sensibilibus existit, non prout sensibilis, v. g. ipsa Mathematica*, 7. Met. 10. Inde licet in definitionibus specierum quantitatis, v. c. circuli, binarii disertè mentio non fiat alicujus subjecti, in generis tamen vocabulo implicite & ipsum continetur. Sic binarius definitur numerus parium primus. In quâ definitione explicite non sit mentio subjecti cujusdam, tacite tamen comprehenditur in genere, numero scilicet, qui quantitas est sive immediate substantiarum, veluti cum decem boves dicimus: sive aliorum, quæ in substantiis deprehenduntur, aut ad istas reducuntur, ut circularum, colorum, &c.

XXIX. Observandum autè & hoc est circa quantitates, quod
non

non semper ἐξ ἀφαιρέσεως considerentur, quomodo eas Mathematicus contemplatur: sed & aliquando ἐκ προστίσεως, ex additione, quomodo & in aliis scientiis perpenduntur. Εξ ἀφαιρέσεως cum spectantur, definiuntur genere & differentiis, quæ qualitatem aliquam dicunt circa quantitatem, non per accidens, sed per se. Finis enim in quantis locum non invenit, quæ talibus. Omnes autem istæ qualitates numerum videntur facere, non solum in quantis discretis, sed & continuis. Hæc enim tum demum quanta dici videntur, quando ad numerum rediguntur. Veluti bicubitum, tricubitum quanta sunt: at utrumque refertur ad numerum eoq; mensuratur. Bicubitum namq; est, quod duos tantum cubitos habet, tricubitum, quod tres cubitos longum est. Vid. Plotinus Ennead. 6. l. 1. c. 4. Ita triangulum definitur figura constans tribus lineis duobus rectis æquales, &c. Quanta concreta autem (ita vocantur, quibus certarum rerum aut suppositorum numerus significatur aut magnitudo) ex additione definiuntur sumpto numero vel multitudine aut magnitudine loco generis, & rebus vel personis loco differentię. E. g. *Concio* est multitudo plebis collectæ. *Grex* est multitudo ovium, vel caprarum, vel aliarum pecudum minutiorum. *Simitas* est concavitas nasi. Quæ tamen definitiones non sunt πρῶτως καὶ κυρίως sic dictæ, sed cum additione, ἐκ προστίσεως, 7. Met. c. 4. & 5.

XXX. Inter *qualitates* primum locum obtinent *habitus*. Horum differentię peruntur ab objecto, aut fine, pro naturâ & conditione definiti. Quidam enim habitus, veluti habitus intellectus Theoretici, distinguuntur objectis, cum finis ipsorum idem sit. V. g. *Scientia contemplativa & intelligentia* finis est contemplatio: at objecta sunt diversa. Illa enim versatur circa *conclusiones*, quarum notitia nascitur ex præexistente aliorum cognitione. At hæc circa *principia*, 6. Ethic. c. 6. & 7.

Sed & contemplativarum scientiarum, *Mathematica*, *Physica* & *Metaphysica* idem finis est, videlicet iterum contemplatio : at objecta variant. *Mathematica* enim versatur circa ea, quæ à materiâ abstrahi possunt per abstractionem mentis, h. e. separatim cognosci non consideratâ aliquâ materiâ certâ. *Physica* circa ea, quæ à materiâ separari nequeunt, neq; secundum rem, neq; secundum mentis abstractionem. *Metaphysica* deniq; circa ea, quæ ex parte rei à materiâ omni separata sunt & ita separata existunt, ut sunt Deus & intellectus reliqui, 6. Met. c. 1. lib. 1. de An. c. 1. lib. 2. Phys. c. 2. At alii habitus distinguuntur *sine*, veluti inter habitus intellectus ars Medica & Architectonica, cujus utriusq; ἐνέργεια est ποίησις, sed finis diversus. Illius enim finis est domus ædificanda; huius sanitas alicui aut restituenda, aut conservanda. Alii in eo quoq; habituum differentias collocant, quod quidam ex illis definiuntur contrariis, quidam verò non. Ita Galenus principio artis parvæ ait, *Medicinam esse scientiam salubrium & neutrorum*. Et Rhetorica est facultas persuadendi & dissuadendi: Dialectica item facultas disputandi εἰς ἐκείρερον, *in utramq; partem*. At contrà *justitia est habitus, quo idonei sumus ad agendum ea, quæ iusta sunt, eademq; etiam agimus & volumus tantum*, 5. Ethic. 1. Sic & ex habitu fortitudinis & temperantiæ non fiunt nisi fortia & temperata, non secus atq; à sanitate tantum proficiscuntur actiones sanæ, à morbo morbosæ. Quatquam vero hæc suo quodam modo vera sint, non videntur tamen hæc differentię esse habituum, quatenus sunt *habitus*. Aristoteles namq; in eo facultatem & habitum distingvit, quod eadem quidem facultas seu potestas sit contrariorum, veluti scientia, item sensus. Idem namq; sensus est albi & nigri : idem dulcis & amari. At *idem habitus*, pergit, *non est contrariorum sed contrarius*. Non enim eadem corporis constitutio aut quatuor hu-

morum,

*morum, ex quibus constamus. temperatio efficit & integritatem ac firmitatem sensuum & eorundem imbecillitatem, aut facilem cibi concoctionem & cruditatem &c. lib. 5. Ethic. 1. Et licet aliqua *δυνάμει* sit habitus, velut scientia: tamen hoc fit per accidens. Etenim contrariorum est non quā habitus, sed quā *δυνάμει*. Videlicet duobus modis considerari potest scientia, nempe quatenus refertur ad ea, quæ *sciri* possunt: & quā ad *ipsum scientem*. Relata ad ea, quæ *sciri* possunt, *δυνάμει* est: & sic contrariorum est eadem, quia percipit contraria. Relata autem ad ipsum *scientem* est habitus, id est, certa quædam qualitas acquisita ac comparata, quæ firmiter in illius animo inhæret: & hoc modo non est contrariorum, id est, non efficit contraria. Utenim bona valetudo non efficit in corpore ea, quæ malam valetudinem comitari solent, sed ea tantum, quæ ipsi convenientia sunt: Ita & scientia non efficit in animo ea, quæ inscitix & ignorantix conjuncta sunt, ut errorem, impotentiam docendi, instabilitatem & constantiam opinionum, sed ea tantum, quæ ipsi propria sunt, id est, liberat animum erroribus, eum, in quo est, aptum ad docendum facit, & stabile ac firmum de iis, quæ sciuntur, iudicium efficit, ita ut semper de iisdem eadem & dicat & sentiat. Taceo, quod facultates quæ ad contraria aqualiter se non habeant, exceptâ forsan Dialecticâ & Rhetoricâ 1. Rhet. 1. Reliquæ enim *unius* contrariorum sunt *per se*, *alterius per accidens*, 9. Met. 2. Velut Medicina ad sanitatem refertur *per se*: circa morbum autem versatur *per accidens*. In definitionibus autem afferenda sunt ea, quæ *per se* insunt, non quæ *per accidens*. Unde juxta Philosophum peccat, qui *Medicinam scientiam* definit *salubrium & insalubrium*, 6. Topic. 3. 2.*

XXXI. Post habitum in Categoriâ qualitatis Philosophus ponit *naturalem potentiam & impotentiam*. Quæ quidem nihil

aliud sunt, quàm insitæ quædam naturales qualitates, quibus res aptæ aut ineptæ redduntur ad faciliè agendū quidpiā aut etiā ad nihil patiendum ab adversantibus. Qualia sunt *εὐψυχία* in homine s. *bonitas indolis*, vis trahendi ferrum in magnete; & ex opposito, in homine stupiditas & tarditas mentis &c. Hæc enim non per actiones crebras comparantur, sed à naturâ insunt, non quidem sic, ut rei insint essentialiter, sed ut à naturali complexione vel temperamento rei proveniant. V. g. in oculis aliquorum propter temperamentum est naturalis facultas benè videndi, in aliis propter idem temperamentum naturalis videndi imbecillitas. Ex quo & faciliè apparet, unde differentie harum qualitatum sint petendæ, nempe ab actu, ad quem tendunt, subiecto & causâ efficiente generali. Specialis enim sive proxima & immediata causa definitionem progignit, quam antè vocavimus causalem. Ita *εὐψυχία* est qualitas quædam naturâ insita intellectui hominis, quâ is aptus fit ad faciliè inveniendum verum & declinandum falsum. Hoc enim est *εὐψυχὸς τὸ ἀληθὺς καὶ μὲν πρὸς τὸ ἀληθὺς, ἀποστρέφεται δὲ τὸ ψεῦδος*, erga veritatem benè esse affectum seu dispositum ad faciliè amplectendum veritatem, falsum autem averſandum, ut Suidas ait in voce *εὐψυχία*. Conf. Arist. 8. Topic. 14. §. 3. & Isocrates Orat. contra Sophistas. Definitio autem ista constat *subiecto*, quod est intellectus hominis: constat porrò & *actu*, ad quem *εὐψυχία* tendit, qui est amplecti verum & declinare falsum; & deniq; *causâ efficiente generali*, quæ est natura.

XXXII. Naturalem potentiam & impotentiam porrò sequuntur patibiles qualitates, ita dictæ, quia subiecto inferunt passionem, per quam fit alteratio subiecti, si non destructiva, perfectiva tamen, de quibus vid. 2. de An. c. 3. Tales qualitates sunt, color, odor, sapor, quorum ille afficit visum, iste olfactum, hic gustum. Definiuntur autem diversimodè.

Aliquan-

Aliquando enim referuntur ad subjectum, cui insunt, & tum differentiae petuntur à subjecto isto. Aliquando autem considerantur respectu subjecti, quod afficiunt. Et tum differentiae petuntur ab isto subjecto, & actu, quem qualitates istae præstant. E. g. Si color sit definiendus priori modo, dicetur esse *extremitas perspicui in corpore terminato*, prout etiam definitur ab Aristotele lib. de sensu & sensibili c. 3. Inest enim corpori perspicuo non qualicumq; sed terminato, id est, tali, cuius perspicuitas tanta non est, ut visum transmittat, sed opacitate admixta ita se restringit & terminat, ut visui transitus non pateat. Si autem posteriori modo spectetur, prout spectatur in secunda de Animâ, erit definiendus, τὸ κινητικὸν τῷ καὶ ἐνέργειαν διαφανέ, id, quod motivum est ejus, quod perspicuum est actu, id est, quod movet pellucidum actu illustratum.

XXXIII. Porro, quorum natura est, ut ad aliud tanquam ad terminum referantur, ea fundamenti ac termini cognitione comprehenduntur, & horum quoq; explicatione definiuntur. V. g. *Servus est instrumentum animatum rationale activum, quod totum est alterius*, 1. Polit. c. 4. Et lib. 3. Met. 15. *visum* Philosophus vult per *visibile* esse definiendum, non per *subjectum*, ne idem *vis* dicatur. Non unius autem generis sunt τὰ πρός τι, sed pro ratione fundamenti diversimodè se habent. Quædam enim fundantur in *numero* & *unitate*, quæ est principium numeri, quod tribus modis contingit. Vel enim *altera* relatio fundatur in *numero*, *altera* in *unitate*, quod fit aut *simpliciter*, id est, indefinitè, aut *definitè*. *Definitè*, ut relatio duplici ad unum relati. Unius enim duplum est binarius. *Indefinitè*, ut multiplicis relati ad unum. Multiplex enim non significat unum certum numerum ac definitum, quemadmodum duplum, cum sit genus ejus. Vel *utraq;* fundatur in *numero* sive *definito*, ut sesquialterius relati ad sublesquialterum, cernitur enim relatio ista

ista primò ac definitè inter duo & tria : sive *indefinito*, ut superparticularis relati ad subparticulare. Superparticulare enim est genus sesquialterius, comprehendens & sesquitercium & sesquiquartum &c. Vel *utraq;* fundatur in *unitate*, ut relatio similium, æqualium, eorundem. Similia enim dicuntur, quorum una est qualitas: æqualia, quorum una est quantitas: eadem, quorum una est substantia. Porro quedā fundatur in *activâ & passivâ potentiâ*, aut in *ἐνεργείῳ* seu *actibus* istiusmodi potentiarum: aut deniq; in *privationibus* earum. Ita calefactivum nititur potentiâ activâ, calefactibile passivâ. Calefactivum enim est, quod potest calefacere: calefactibile, quod potest calefieri. Calefaciens autem & calefiens nituntur actibus istarum facultatum. Calefaciens enim dicitur, quod calefacit: calefiens, quod calefit. Quod etiam variat pro ratione *temporis*. Velut, calefecit & calefactum est, referuntur ad se mutuò in præterito tempore, quomodo & pater ac filius ad se mutuò referuntur. Pater enim fecit, filius passus est. In privationibus autem talium facultatum fundantur impossibile & impotens; invisibile & id quod videre non potest. Impossibile enim est alicui impossibile, & invisibile alicui invisibile. Deniq; quedam relata non habent fundamentum in seipsis, nisi *unum* fortè, sed in *correlato*, velut mensura & mensurabile, scientia & scibile, sensus & sensibile. Mensurabile enim non dicitur tale per fundamentum relationis, quod in ipso sit, sed in correlato, mensurâ, à quâ dicitur mensurabile. Unde & talia tantum in unâ parte esse respectivum habent. Mensura enim refertur quidem ad mensurabile, sed non vicissim. In reliquis autem τῶν πρὸς τι generibus utrumq; relatum à suâ propriâ formâ denominabatur, ut duplum à duplicitate, dimidium à dimiditate, agens ab actione, patiens à passione. Hinc addit Philosophus 3. Met. 15. relationes *tertii* generis non referri ad *subjecta*, sed

ad *objecta*. Scientia enim non dicit relationem ad eum, qui scit, alias idem bis diceretur, nempe scientia est, cuius est scientia: sed ad obiectum refertur, nempe ad scibile. Inde non dicimus, Physica est hominis scientia, sed habitus, quo imbutus est ejus intellectus: scientia autem est substantiæ mobilis aut rerum naturalium. Confer. §. 21. Ex quibus simul facile apparet, unde cujusq; τὸν πρὸς τι generis petendæ sint differentiæ. Nempe *postremi* quidem generis differentiæ sumendæ sunt ab *objecto*: *Secundi* autem à *termino ad quem* referuntur & *potentiâ* activâ aut passivâ, aut *actibus* harum potentiarum, aut *privationibus* ipsarum, quatenus aliquid ex his pro fundamento relationis agnoscit. Ita σχέσις istius, quâ pater refertur ad filium, fundamentum est actus gignendi, ab hoc igitur & correlato Patris, filio, differentiæ erunt petendæ, ita ut pater dicatur is, qui genuit filium, filius autem is, qui genitus est à Patre, & sic deinceps.

XXXIV. Ποιῖν & παύχειν *facere & pati* definiuntur *subjectis*, à quo & in quod. Ποιῖν enim, ut habet Ammonius in comm. ad lib. categ. c. 9, εἰ τὸ τίς τι ἐνεργεῖν, *facere est in aliquid agere*; & quidem ἢ εἰς αὐτόν, *vel in seipsum*, ut cum quis laborat per se aut loquitur; vel in aliud, ut cum quis verberat alium. Quod repetit & paulò post, cū ait: Τίς τε εἰδὴ δύο, τὸ γὰρ ποιῖν ἢ εἰς αὐτὸ ποιῖν, ὡς περὶ τὴν ψυχὴν ζωῆσαι αὐτὴν καὶ γινώσκειν, ἢ εἰς ἕτερον, ὡς τὸ πῦρ εἰς ἡμᾶς ποιεῖ θερμαίνειν ἡμᾶς, καὶ ὡς ἡ αἰδοῦσις ἐνεργεῖν περὶ τὸ αἰδοῦν. *Hujus categoriæ sunt duæ species.* Nam quod facit, vel in se facit, ut anima, animans & cognoscens seipsam; vel in aliud, ut ignis in nos cum calefacit, & ut sensus in sensile agit. Παύχειν autem seu pati, sicuti pergit Ammonius, est ὑπὸ τινὶ ἀλλοτρίῳ, ab aliquo alterari. Et dividitur, ut subicit idem, ἢ ὡς εἰς φθορὰν τινὰ ἀφαιρεῖται ὑπερβαίνει, ἢ ὡς τελειοῦται, ut vel ad interitum à contrario perducatur, vel ad perfectionem, ut visus à visibili. Atq;

hinc etiam Boëthius in comm. ad eundem locum lib. cat. g :
Et horum, inquit, *descriptio talis*, quod in faciendo quidem
actus quidam à quolibet in aliam rem veniens consideratur, à
quo veniat. In patiando autem in eo ille actus consideratur,
in quem venit. Ita ædificare, quæ res notè aliqua est speciei-
 es, actum notat proficiscentem à fabro & exferentem se in li-
 gnis & lapidibus hoc vel isto modo. Putrefieri autem, quæ
 est passio quædam, corruptionem inducit proprii naturalisq;
 caloris in unoquoq; humido ab alio extrinsecus ambiente.

XXXV. Quando, ait Gilbertus Porretanus, est id, quod
 ex adjacentiâ temporis relinquitur. Neq; enim simpliciter
 tempus est, sed esse in tempore, sicut Ammonius ait, *ποτέ ἐστι τὸ*
χρόνος δηλωτικόν, ἢ τὶ τὸ ἐν χρόνῳ ὄν, Quando est id, quod tempus si-
 gnificat seu est id, quod est in tempore. Et ante eum Boëthius
 lib. 3. in Præd. Aristi: *Non est idem tempus & quando, sed si*
certa res est in tempore, quando esse perhibetur, ut Apollinares
Indi, cum sint in tempore, quando eos esse dicimus. Dicitur
 autem esse in tempore non id, quod tum est, quando est tem-
 pus (aliàs & Deus esset in tempore, quia est cum tempore aut
 tunc, quando est tempus; at aterna non sunt in tempore, ut est
 in 4. Phyl.); sed id dicitur esse in tempore, cuius essentiam &
 quantitatem tempus aliquod metitur. Veluti, cum dicimus
 nono vel decimo mense ut plurimum absolvi generationem
 hominis, indicamus, & quantitatem & essentiam generationis
 humanæ decem mensibus circumscribi. Hæ enim, mensis, di-
 es, annus, seculum, hora & c. sunt differentiæ, per quas respon-
 detur ad quæstionem quando, constituto certo aliquo mo-
 mento temporis, à quo tanquam principio & capite suppu-
 tio proficiscatur. Uterius *Ubi significat locum*, inquit Am-
 monius, *vel quod in loco est*. In loco autem esse rursus non
 est idem, quod ibi esse, ubi est locus; sed contineri ac circum-
 scribi.

scribi aliquo corpore continente, sicut navis est in aquâ tanquam in loco, & aves, cum volant, sunt in aëre tanquam in loco. *Differentia* autem seu *species* ejus, quod in loco est, sunt *sex*, *suprà*, *infra*, *dextrum*, *sinistrum*, *antè* & *retrò*, quæ seu species seu differentia ex ratione loci deducuntur. Locus enim est terminus continentis, quatenus continet contentum: id verò, quod continetur, corpus est. Corpus autem tres habet dimensiones, & unaquæq; dimensio per rectam lineam definitè consideratur, non per aliam ullam. Nam si quis fortè scire aveat, quanta sit parietis longitudo, cum is ad perpendicularum cogitur dimetiri: perpendicularum autem recta linea est. Similiter quoq; modo si quis latitudinem aut altitudinem scire velit, is funiculo extento opus hoc cogitur perficere, quo & ipso modo linea conficitur recta. Omnis porrò linea recta duos fines habet. Ergò si omne corpus tres dimensiones habet, & unaquæq; dimensio rectam lineam facit, omnisq; recta linea duobus gaudet terminis, meritò fit, ut etiam corpus sex terminis constet. Quod si verò corpus sex terminos habet, etiam locus, quo corpus continetur, sex terminos habebit. Ut autem differentia istæ rectè sumantur, oportet statuere terminum aliquem fixum & immobilem, respectu cuius termini id, quod est in loco esse vel consistere dicatur, ad laevam vel dextram, suprà vel infra, antè vel retrò. Quale quid in naturalibus est centrum terræ seu medium mundi. Suprà enim esse dicitur, quod ab eo longius distat: Infra, quod minus ab ipso est remotum, & sic porrò.

XXXVI. *Situm esse*, ait porrò Ammonius, *est situm quendam habere*, sive, ut alii, *habere partes corporis*, certo quodam modo affectas ad partes loci. Unde hîc non simpliciter locus, qui ad quantitatem pertinet, nec esse in loco, quod ad ubi spectat, attenditur, sed esse hoc vel isto modo in loco

suum, seu habere talem vel talem partium positionem in loco. Cuius *differentia* petuntur à *diversâ habitudine partium corporis* in respectu ad locum, quæ ferè *triplex* est, ut iterum Ammonius, ex quo & tres ejus, quod situm esse dicitur, species emergunt. Nam vel *universum corpus inclinatum* est, & dicitur jacere: vel *partim inclinatum, partim rectum* est, & dicitur sedere: vel *totum rectum* est, & dicitur stare. Deniq; *Habere*, inquit Ammonius, est *substantia ad substantiam adjectio*. Complectitur autem vel *totam substantiam*, ut vestitotum corpus; vel *totum in parte*, ut annulus digitum. Abstractum hujus Categoriæ est *habitus*, cujus aliàs tres pot. simi sunt significationes. Sumitur enim aliquando pro *qualitate difficulter mobili*, & sic est primum genus qualitatis. Interdum autem pro *habitudine & relatione rei penitus extrinsecæ ad aliud, cujus dicitur esse*. Quomodo amicus dicitur esse habitus & dignitas habita ab alio. Nonnunquam pro *aliquâ formâ vel re certo modo se habente circa corpus*, quo pacto dicitur vestitum & calceatum esse, & sic hoc pradicamentum constituit & describitur, quod sit corporum & eorum, quæ circa corpus sunt, adjacentia. Differentiæ autem desumuntur à discrimine eorum, quæ circa corpus sunt; aut etiam à partibus corporis, si ista non toti, sed parti adiaceant. Ita calceatum esse est munus esse calceis quoad pedes, & galeatum esse est galeam capiti superimpositam habere.

XXXVII. Hoc pacto se habent differentiæ entium actuum accidentium, tum substantiarum. Præter entia actum autem dantur etiam entia *δυνάμει*, facultate seu *potentiâ*; aut etiam quæ sint partim *potentiâ*, partim *actu*, ut sunt formæ fluentes, motus v. g. & omnia *πᾶσι*, antequam *διαδέξω* evadant. Illa absolute *actu* definiuntur, itemq; *objectis*. Quod tamen non ita accipiendum est, ac si ipsæ potentiæ sint actus, (nam id falsum

falsum est) sed quod *referantur ad actum*. Ita potentiâ homo est, quod ita comparatum est, ut fieri inde queat homo, & sic deinceps. Hæc autem, præter obiecta, causas externas etiam ad integram essentiæ explicationem exposcunt. Ut enim res affectæ sunt ad esse: ita etiam ad cognitionem & veritatem. At talium esse est fieri, & à causis externis pendere. Itaque in his proprius est locus definitionibus causalibus, veluti *motus est actus mobilis à motore*, 3. Phys. t. 15. & 16. l. 8. text. 4. Illustre etiam exemplum est definitio *pulsus* apud Galenum, ex omni genere causarum facta, 4. de differ. puls. c. 2. Nec aliter & *perturbationes animi* definiuntur. Irasci enim, ut est in 1. de animâ c. 1, est *κίνησις τισι τῶ τοιγδὶ σώματι, ἢ μέρει, ἢ δυνάμει ὑπὸ τῆς καὶ ἑκαστῆς, motus quidam huius corporis, vel partis, vel facultatis, ab hoc & gratia huius*. Et in 3. Metaph. c. 2. Philosophus scribit: *Tunc arbitramur nos scire, περὶ τὰς γενέσεις καὶ τὰς πράξεις καὶ περὶ ἀπασαν μεταβολὴν, ὅταν εἰδῶμεν τὴν ἀρχὴν τῆς κινήσεως, circa generationes & actiones omnemq. mutationem, cum novimus principium motus.*

XXXVIII. Porro & *privations* suo quodam modo entia sunt, si cum *negationibus* conferantur 4. Met. 2. Quæritur ergo & de his, unde differentię ipsarum sint petendæ? Nempe definiendæ illæ quidem sunt per suos *habitus* addito *habili subjecto*. In eo enim differunt *negatio* & *privatio*, quod illa dicat absentiam *indefinitè*, ut non homo: hæc autem dicit quidem & ipsa absentiam & negationem formæ, sed in aliquo *certo subjecto*. Unde 10. Met. t. 15. *privatio* dicitur *contradictio* seu *negatio determinata cum susceptivo*, h. e. *negatio intra certū genus*. Et lib. Categ. c. 10 *privatio* definitur *absentia formæ* seu *habitus in subjecto, quod aptum erat suscipere talem formam*, velut cæcitas absentia visus in oculo: surditas absentia auditus in aure. Distingvendum autem hîc est inter *privati-*

tionem *puram* seu ἀμείωσιν sic dictam, & inter eam, quæ est πῶς seu *quodammodo* saltem privatio, ut sunt somnus, vigilia, eclipsis, tenebræ, & multa talia κατὰ, quæ fiunt ob impedimentum aliquod, quo prohibentur res suscipere formam, restitui tamen rursus impedimento sublato in integrum possunt. Talia cum definiuntur, impedimentum quoque illud in definitione etiam essentiali tangi, saltem leviter & qualitercunque, oportet. Per hoc ipsum enim privatio posterioris generis distinguitur à privatione omnimodæ, inq; eo τὸ εἶναι ejus consistit. Accuratiores autem ejus enodatio spectat ad definitionem causalcm.

XXXIX. Ea, quæ hætenus dicta sunt, majori ex parte pertinent ad ea, quæ dicuntur κατὰ εἶν seu κατὰ μίαν τὴν φύσιν, id est, quæ unam eandemq; naturæ perfectionem *equaliter* communicant cum suis speciebus. Præter hæc autem dantur nonnulla quoq; quæ dicuntur πρὸς εἶν καὶ ἀφ' εἶνός, id est, quæ speciebus suis non ex æquo communia sunt, sed *ordine quodam*. Hæc autem triplicis rursus generis sunt. Quædam *vicina* sunt iis, quæ dicuntur κατὰ εἶν, h. e. synonymis, in quibus species omnes formaliter sunt tales, quales esse dicuntur, sed cum ordine & relatione aliquâ, qui ordo in eo consistit, quod una species (Græci gradus vocant) in alterâ includatur. Hoc modo se habet *anima* in respectu ad nutrientem, sentientem & rationalem, seu διαγοητικὴν. Omnes enim suâ naturâ & intrinsecus, non externâ tantum denominatione, animæ sunt: ordo tamen in his est, & altera alteram includit ac priorem agnoscit, sentiens scil. vegetativam, & rationalis utramq;. Hoc modo etiam *numerus* se habet. Item *figura, motus* & alia. U. 2. de An. c. 2. Quædam sunt vicina *homonymis*, quorum primum tantum significatum formaliter & intrinsecus, ut loquuntur, est tale, reliqua dicuntur solum talia, externâ quadam appellatione

pellatione & relatione certū ad illud primum. Ex hoc genere apud Aristotelē est ens & *unum*, item *sanum*, & *Medicum*. Hoc enim formaliter & intrinsecē dicitur de solā arte Medicā, pharmacā autem & instrumenta chirurgorum, item libri & alia similia dicuntur Medica ob externum aliquem respectum ad artem Medicam, quia ab eā omnia ista sunt inventa. Deniq; nonnulla sunt *media* inter homonyma & synonyma, in quibus primum illud eximie omnibusq; numeris est tale, cetera sunt etiam talia, sed imperfectius & numeris paucioribus, veluti *demonstratio*. Nam quamvis *τὸ δριῆς* demonstratio sit imperfectior, & paucioribus notis prædita, est tamen demonstratio. Eodem modo *natura* corpori cælesti tribuitur & sublunaribus, primò tamen de sublunaribus dicitur, in quibus natura clarissimè conspicitur, cum omni generi motus subijciantur; at cælum præter localem motum nullum habet, eumq; non ratione totius, sed tantum ratione partium. Huc etiam pertinet vocabulum *civis*, quatenus illud de imperante & obtemperante dicitur; quorum ille primariò civis est, hic secundariò & consequenter, 3. Polit. c. 1.

XL. Quæ *primi* generis sunt, generalem quandam definitionem habent ad modum eorum, quæ univoca sunt; non tamen æquè perfectam, aut omnibus numeris absolutam. Ita Philosophus *animam* prius generaliter definit, priusquam ad facultates & gradus proprios descendat; ipsemet tamen illam rudem satis & imperfectam esse non obscure indicat, cum hanc ornat verbis: *τὸ πρῶτον μὲν ἐν ταύτῃ διαρίσθω καὶ ὑπογεγραμθῶ περὶ ψυχῆς*. Quæ *secundi* generis sunt, definiuntur per enumerationem significatorum. Non enim habent naturam aliquam supra gradus positam, sed rectā in sua feruntur significata. Ita *entis* nusquam generalem aliquam definitionem Philosophus affert, sed enumerando significata naturam ejus proponit, dicens:

cens : *Ens est substantia, aut quantum, aut quale, &c.* Et *substantiam* non definiuit seorsum, sed cum distribuit eam in *primam & secundam*, simul etiam definiuit, lib. Categ. c. 3. Vidit hoc Alexander in *propositionis* definitione explicandâ. Ita enim eam definit Aristoteles : *Propositio est affirmatio aut negatio alicujus de aliquo.* Alexander autem in Comment. addit : *Ἐπεὶ ἡ πρότασις ἢ γένος, ἢ δὲ φύσις ἐστὶ τις ἄλλη παρὰ τὰ ἄν κατηγορεῖται, καὶ ἐν οἷς αὐτὴ τὸ εἶναι, ὡς ἐπὶ τῶν γενῶν ἐστὶ, διὰ τὸτο ἐκ τῆς καταφάσεως, ὅν κατηγορεῖται, ἐδήλωσεν αὐτὴν.* Quoniam *propositio* genus non est, neq; natura aliqua diversa ab eis, de quibus predicatur & in quibus isti (quod supra species positum est) sit essentia, quemadmodum in generibus, propterea ex affirmatione & negatione, de quibus affirmatur *propositio*, ipsam manifestat. Idem voluit Themistius, cum docet talium definitiones ἐξαρτῆσαι μᾶλλον εὐκρίνεια. Referri huc quoq; potest illud Aristotelis ex 1. Polit. c. ult: *Multò melius dicunt, qui virtutes enumerant, ut Gorgias, quàm qui καθόλου definiunt.* Denique in tertio generent vocabula plerumq; principem illam & perfectissimam speciem significant, interdum tamen totum ambitum (nunc enim hoc notius nobis, nunc illud): ita etiam definitiones sæpè primam solum formam respiciunt, aliquando tamen etiam ad totum complexum referuntur. Ita *demonstrationis* definitio, quod sit *sylogismus constans ex veris, primis, immediatis, notioribus, prioribus & causis conclusionis*, competit saltem demonstrationi primariæ seu potissimæ, nempe demonstrationi τὸ διότι. Et in Politicis *civem* illum Aristoteles definit, qui optimo jure civis est. *Civis*, inquit, simpliciter nulla alia re definitur magis, quàm quod sit *judicatus & magistratus particeps*, 3. Polit. c. 1. Idem observare licet in πραγματεία de amicitia, continentia & aliis 7. & 8. Ethic. De domo quoque in 1. Polit. agens primum formam illam primam excutit, postea in

in toto genere versatur. Aliter tamen procedit disputans de vico. Genus enim universum primum sibi explicandum sumit, postea demum principem illius formam.

XLI. Ad extremum hic rursus repetendum est, quod supra quoque jam diximus §. 5, in assignandis sc. rerum definitionibus, qualibus in scientiis seu in docendo utimur, attendendum semper esse ad modum considerandi. Hic enim cum diversus sit, diversos etiam definitionum scientificarum aut didascalicarum, quas opponi Dialecticis dicebamus, faciet modos. Non enim eodem modo faber & Geometra rectum angulum exquirunt, sed ille quidem, quatenus operi usui est, hic autem, quoniam sit & qualis sit, inquirunt, lib. 1. Ethic. c. 7. Inde qui iudicium exactum ferre vult de definitionibus, quæ in scientiis adducuntur, ei ante omnia notum esse oportet *modum proprium* scientiæ cuiusque. Habet enim unaquæque scientia istiusmodi aliquem sibi proprium modum, 2. Metaph. 3. Ita scientiæ practicæ & effectivæ omnia metiuntur sine atque in ordine ad istum singula definiunt, modo accuratas & exquisitas, modo minus accuratas definitiones afferentes, prout uniuscuiusque cognitio confert ad finem obtinendum. *Ethicus* porro sua magnâ ex parte *proæresin* definit. V. g. Mendacem definit, non eum, qui mentiri potest, sed qui proæresin habet falsa proponendi aliisque imponendi. Et Sophista non is est, qui fallere ac decipere potest (potest enim id æquè Dialecticus, ac Sophista:) sed qui hoc præeligit, 4. Met. 2. Spectat huc quoque locus ex 4. Topic. c. 5. ubi talia, qualia sunt διαβολος, *calumniator*, *fur* & similia, non esse facultate definienda docet, additâ hac memorabili ratione: Πάντες γὰρ οἱ φῶλοὶ κατὰ προαίρεσιν λέγονται, *Omnes enim mali secundum proæresin dicuntur*. Idem patet de vitiosis actionibus ex 2. Ethic. c. 4, ubi requirit, ut qui ex habitu virtutis egisse videri vult, agat εἰς τὸ προαιρέμενός τε βεβαίως

sciens, eligens & stabili affectu. At aliæ facultates id haud spectant, non προαιρέσει, sed δυναμει definientes. Quod pertinet loco ille ex 9. Met. 3: Τὸ ἀποδοῦναι τῷ δυνατῷ εἶναι ἐστὶν ἀποδομῆν. ὁμοίως δὲ καὶ ἐπὶ τῶν ἄλλων τεχνῶν, *Edificatori esse est ipsum posse edificare. Similiter hęc res etiam cum aliis artibus est comparata.*

XLII. Phycus respectu Mathematici dicitur definire ἐκ προσδέσεως, id est, factâ mentione materiæ. Ita enim formæ Physicæ involutæ sunt materiæ, ut sine illâ neq; esse, neq; cogitatione possint comprehendi. Idq; non solum in concretis, sed & in abstractis. Habent enim sese formæ Physicæ velut simū, sicut aliquoties jam supra dixim⁹ ex Philosopho 2. Phys. 2. & 6. Met. 1. In ratione autem *simi* materia seu subjectum semper ponitur, sive in concreto, seu in abstracto spectetur. Discrimen saltem est in figurâ κατηγορίας, seu *modo prædicandi*. In abstractis namq; τὸ πρῶτον πάσχον, ut vocat Aristoteles, πῶς τε, seu *obliquè* ponitur, velut simitas est curvitas nasi: At in concretis id sine πῶς τε, *directè* effertur, ut simum est nasus curvus. Mathematicus autem sua tractat & definit ἐξ ἀπαιρέσεως seu per abstractionem à materiâ sensibili. Velut linea est longitudo sine latitudine. Circulus est figura plana, unâ lineâ contenta, ad quam omnes lineæ à centro ad circumferentiam ductæ sunt æquales. Unde Aristoteles *Mathematica* ait esse velut *concauum*. Non enim hoc certam quandam materiam includit, velut simum, sed concavitatem simpliciter dicit, cuicunq; tandē subjecto inest, sive naso, sive auro, seu aquæ, seu coelo. &c. Eodem autem modo sese habent ea, quæ in Mathematicis considerantur. Nulli enim particulari materiæ sunt addicta, ideoq; sine omni tali materiâ intelligi possunt. *Definitorum*, ait Philosophus posteriori loco ex 6. Met. cit. *& eorum, quæ quid sunt, quadam ita sunt, ut ipsum simum, quadam ut ipsum concauum.* Differunt verò hæc, quoniam *simum* quidem unè acceptum

acceptum est cum materiâ. Est enim *simum*, concavus *nasus*, concavitas verò absq. materiâ sensibili. Si cuncta igitur *Physica*, ut *simum* dicuntur, ut *nasus*, *facies*, *oculus*, *caro*, *os*, & omnino *animal*, *folium*, *radix*, *cortex*, omnino *planta* (nullius enim ratio absq. motu, sed semper habet materiâ) manifestum est, quomodo in *Physicis* oporteat ipsum quid est quærere & definire. Quod de *Mathematicis* autem disciplinis diximus, non de omnibus iis disciplinis accipiendum est, quæ vulgò *Mathematicæ* dicuntur, sed saltem de iis, quas *Aristoteles* vocat ἀπλὰ μαθηματικά, 6. Met. c. 1. In iis enim, quæ 2. Phys. c. 2. φυσικώτερα τῶν μαθημάτων dicuntur, ut sunt *Optica*, *Musica* & *Astrologia*, quoniam *modus contemplationis* ἐπαμφοτερίζει, *anceps aut mixtus est*, idè & de definitionibus similiter sentiendum, ut quemadmodum *Physicæ*, ita eorum etiam definitiones redolcant *Physicam* illam rei sensui objectæ πρόσθεσιν seu *additionem*. Ut enim *Physica* formas considerat in certâ quadâ materiâ: Ita & hæc. Veluti *Optica* *lineas* considerat non simpliciter, sed in *luce*, *lumine* & *coloribus*. *Musica* *sonum* in *numeris* contemplatur. *Astronomia* denique *quantitatis* in *corporibus cœlestibus* *rationem* habet, & sic deinceps.

XLIII. Ex his speramus planum fore, quomodo per *divisionem* definitio sit investiganda. Quamquam enim *divisio* nihil probet, ideoque ante investigationem definitionis, quæ sit per *divisionem*, necessarium sit de singulis membris nosse τὸ εἶναι, quod insint, velut in definiendâ *temperantiâ*, quod ea sit *habitus* & quidem *appetitus*, item quod versetur circa *voluptates*, & quidem non quascunque, sed *gustus* & *tactus*, tria tamen ad definitiones, tanquam ministra aliqua, confert. Scilicet primò vestigat *differentias* & velut institutor exponit *merces*, unde definiens eligit idoneas suo instituto 7. Met. t. 36. Deinde ordinem tradit in partibus definitionis. Proponit enim

primo loco latiores differentias, deinde minus latas, quam ordinis rationem in definitionibus quoq; diximus observari debere. Deniq; ejusdem beneficio accidit, ut nihil in definitione eorum, quæ in quid prædicantur, omittatur. Quæ omnia docet Philosophus 2. Post. c. 13. & ex hæcenus dictis sunt manifesta.

CAPUT IX.

De rationibus aliis definitiones essentielles investigandi.

I.

Vidimus, quomodo per divisionem investigentur specierum definitiones. Jam autem præter hunc est & alius eas venandi modus, videlicet per *ἐπαγωγή* seu *inductionem*. Juxta quem in definiendis speciebus respiciendum est ad *singularia*, videndumque, quid illa habeant commune, quod in quid est de illis prædicetur, aut quodnam sit illud commune, propter quod ista tale quid, quale per nomen speciei significatur, dicantur. Illud enim commune definitionem speciei supeditabit. E.g. Si scire velim, quid sit Dialecticus, multi per inductionem mihi sumendi sunt singulares homines, quibus facultas Dialectica inest, & quærendum, quodnam sit illud, propter quod hi singuli Dialectici dicantur. Scire enim, quid sit & propter quid, idem sunt, 2. Post. c. 2. Quæro ergò, cur *Socrates* dictus fuerit Dialecticus; quæro item, cur *Plato*, cur *Zeno* & alii, & invenio, quod singuli idèd hoc titulo fuerint ornati, quod facultate *ἐστὶν ἐκείνην*, seu *in utramq; partem*, de *quovis problemate* *ἐκ τῶν δοθέντων* sive *ex iis*, quæ consentanea sunt opinionibus aut omnium hominum, aut plurimorum, aut sapientum, ad minimum præstantissimorum, differendi fuerint instructi. Dialecticus ergò erit is, qui istiusmodi facultate

rate instructus est: & ipsa Dialectica erit facultas de quovis proposito problemate ἐξ ἐνδοξων differendi, ut definitur lib. 1. Topic. c. 1. §. 1. & lib. Soph. Elench. c. ult.

II. Idem observandum est in definitionibus *generum*, nisi quod ibi respiciendum sit non tam ad singularia, quam ad species diversas generi subiectas. E. g. Si scire velim, quid sit ars, respiciendum mihi est ad varii generis artifices, quales sunt pictor, statuarius, faber, sutor, sartor, &c. deq; singulis quaerendum, quodnam sit illud, propter quod hi singuli artifices dicantur. Nempe veniunt hi singuli isthoc nomine, quia ex *habitu cum rectâ ratione* aliquid faciunt; ut sutor calceum, sartor vestem, statuarius statuem, faber malleum, imaginem pictor. Unde sequitur artem nihil aliud esse, quam *habitu cum rectâ ratione aliquid efficiendi*, sicut & Aristoteles definit lib. 6. Ethic. c. 4. Callere autem artem dicitur quidem & ipsum de artifice: verum hæc non nisi nominis est explicatio, quâ allatâ adhuc quaeritur, quid sit callere artem, aut quodnam sit illud ipsum, propter quod dicatur de aliquo, quod artem calleat. Quod si ulterius quaeratur, quid sit *facere*, aut *efficere*, Græcis ποιεῖν, eodem pacto erit procedendum, scil. investigandum & hic per inductionem, quodnam sit illud, propter quod hic & secundus & tertius & reliqui, v. c. sutor, sartor, pictor dicantur efficere? Nempe id de omnibus his dicitur, quia *producunt aliquid* aut post operationem relinquant, *quod utile sit ad ulteriorem finem in vitâ humanâ*, 6. Ethic. c. 5.

III. Hic definitiones investigandi modus coindicit cum eo, aut sanè non multum ab eo, quem Aristoteles præscribit in 2. Post. 13. quando, ut ritè definiatur genus, ait, *ante omnia dividendum illud esse in suas infimas species*, v. c. numerum in binarium, ternarium, quaternarium; lineam in rectam & curvam: animal in hominem, equum &c. eoque facto con-

siderandas esse *specierum definitiones* ratione suprà dictà, & porrò videndum, quid ex *commune* habeant, quid item *propri-um*: denique *colligenda* esse *communia omnium specierum*, ea scil. quæ *in quid* de iis prædicantur. Hæc enim ipsa suppedi-
tatura esse generis definitionem. Quæ namq; partibus conve-
niunt pariter, ea toti quoq; conveniunt: genus autem, ut ge-
nus seu universale consideratum, se habet instar totius, species
instar partium. Imò genera totum hoc, quod sunt, habent à
speciebus, quæ velut principia sunt generum, quoniam gene-
rum ratione sunt simplices: simplex autem compositi princi-
pium est. Quæ ergò speciebus ex æquo conveniunt, ea quoq;
generi conveniant necesse est. Ita, ut in exemplo, superius ul-
timo loco allato, persistamus, si quærat, quid sit *facere*, divi-
dendum illud principio erit in suas species, quales sunt, suere,
nere, ædificare, medicari &c. & videndum, quænam hæc ha-
beant communia, quæ propria, seu in quibus conveniant, in
quibus differant. Differunt autem in his, quod suere sit effice-
re calceum; nere, vestem aut indumentum; ædificare, domum;
medicari, sanitatem. In his autem conveniunt, quod singulæ
sint operationes relinquentes post se aliquid, quod utile est ad
ulteriorem finem in vitâ humanâ. Tale ergò quid facere seu
efficere erit.

IV. Quod si vox sit *ambigua*, hoc est, non unam, sed vari-
as significationes & definitiones habeat, id per istiusmodi in-
ductiones itidem in aprium produci potest. E. g. Si nosse
velim, quid sit *fortitudo*, tum per inductionem sumendi sunt plu-
res viri fortes, velut Themistocles, Alcibiades, Ulysses, Achil-
les & cæteri, deque singulis quærendum, cur dicti fuerint for-
tes. Quod dum facio, adverto quosdam *fortes* fuisse dictos,
qui sine metu pericula adierunt pro patriâ propter solam *ho-
nestatem*, quod ita agere esset honestum. Alios, qui idem fe-
cere

cêre, aut infamia & pœnarum metu, aut honorum & premiorum legibus decretorum causâ. Alios porro, qui spe victoria, quam conceperunt ex longâ exercitatione absque metu mortis pugnarunt, ut solent milites veterani. Alios deniq; , qui irâ aut amore, vel simili cupiditate ad pericula subeunda stimulati fuerunt. Quâ de re vide lib. 3. Ethic. c. 3.

V. Non difficile quoque est ex his deducere, quo pacto verum sit, quod Aristoteles docet 2. Post. 13. §. 24, facilius esse definire *singulare*, quàm *universale*, id est, speciem speciatissimam, quàm genus. Τὸ κατέκαστον enim non semper *singulare* notat proprie dictum, cuius, cum corruptibile sit, non datur definitio, sicut non solum 7. Met. ult, sed & 2. Post. c. 13. §. 24. indicatur his verbis: *Omnis definitio semper est universalis* (non enim Medicus definit, quid sit cuidam oculo salubre, sed vel omni, vel speciei) sed interdum κατέκαστον, & speciem designat, velut in 1. Part. An. 2: λαμβάνουσι δὲ ἐνιοὶ τὸ κατέκαστον, διαγόμενοι τὸ γένος εἰς δύο διαφορὰς, *sunt verò, qui genus secundo in duas differentias accipiant singulare*, id est, speciem. Et 12. Met. 1. 4: Οἱ δὲ παλαιοὶ τὰ κατέκαστα, οἷον πῦρ καὶ γῆν, μᾶλλον ἢ τὰς τιτάσεις, *Antiquiores singularia, ut ignem & terram magis substantias ponebant.* Hoc itaque sensu & 1. c. vocem κατέκαστον usurpavit. Causa autem, cur facilius sit definire speciem, quàm genus, ex dictis, ut opinor, est manifesta. In formandis enim cùm generum tum specierum definitionibus, ab inferioribus ad superiora ascendendum est, à singularibus scilicet ad species, & ad genera à speciebus. Oportet ergò differentias specierum nobis esse cognititas, priusquàm differentiam generis, ut genus est, indagemus. Quò accedit, quod in iis, quæ magis communia & generalia sunt, magis lateat *homonymia*, adeoque facilius decipiat, quàm in cæteris, quæ particularia magis sunt, quam utramque rationem & Aristoteles adducit c. 1. §. 24.

VI. Deniq; est & alius investigandi definitiones modus, Galeno usitatus, cujus summa hæc est. Constat ex 6. Topic. c. 4, quod in omni definitione colligendâ procedendum sit ἐκ γινώσκω, ex iis, quæ notiora sunt seu clariora. Jam autem hæc, ut suo dictum est loco, sunt duum generum. Quædam nobis, quædam naturâ suâ sunt γνωστικώτερα. Illa sensui, hæc intellectui. Ex ambobus constari potest definitio: ambobus etiam in definitionibus rerum conficiendis utitur Galenus. Velut in definiendo morbo. Hujus namq; ut extruat definitionem, primò sumit hoc ἐναργής, seu sensui notum, actiones à sanis proficisci integras, v. c. manum apprehendere, pulmonem respirare, oculum videre, aurem audire. Unde sensui quoque hoc notum est, ab ægris edi haud integras actiones. Illud autē porro sequitur aliquid aliud intellectui notum. Cum enim ab hoc homine aliās edantur actiones integræ, aliās non, esse aliquid colligit ratio præter hominis illius naturam, quod impediatur solitas ejus actiones. Unde ex priori quidem illo & sensui noto nascitur hoc: *Sanitas est actionum naturalium aut voluntariarum integritas*: & ex hoc vicissim illud: *Morbus est actionum impedimentum vel lesio*. Ex posteriori autem & intellectui noto nascitur illud: *Sanitas est constitutio secundum naturam*, & ex hoc alterum illud: *Morbus est constitutio præter naturam*. Ex his autem duobus cognitis prodit definitio morbi perfecta: *Morbus est constitutio seu dispositio præter naturam ladens actiones*. Sed quia actiones etiam lædunt causæ morbificæ, addendum est discriminis causâ, primò. Hæc est methodus Galeni, quâ & definitionem pulsus investigavit & definitionem optimæ constitutionis in libris ex professo de his rebus scriptis. Item lassitudinis in 3. de tuendâ valetud. & virtutis 7, de decret. Hippocr. & Platonis.

VII. Huic geminus est modus indagandi definitiones ex affectionibus propriis, quæ & ipsæ sunt notiores nobis, quàm ipsa, unde illæ fluunt, essentia. Cum enim causas ipsarum inquirimus, pedetentim in ipsius essentia pervenimus cognitionem. Veluti cum proprium hominis, Politicè considerati, sit unum ex pluribus eligere, si quærat, quæ sit causa huius, sensim ducimur in notionem essentia hominis Politicè spectati. Causa enim electionis, quæ reperitur in homine, λόγος est seu facultas deliberandi, cum electio nihil aliud sit, quàm appetitus deliberativus, prout etiam Aristoteles eam definit lib. 3. Eth. c. 5. At hæc ipsa facultas hominis essentiam constituit, quatenus civiliter consideratur. Atq; hoc ipsum est, quod modo laudatus Philosophus lib. 1. de Animâ t. 1. docet, *accidentia* multum conferre πρὸς τὸ εἰδῆσαι τὸ τί ἐστιν, ad cognoscendum quid est. Non enim id intelligendum est de accidentibus communibus, sed propriis, quæ demonstrantur per definitionem subiecti, quemadmodum locum istum etiam exponit Themistius c. 7. Paraph. lib. 1. de Animâ, quum ait: *Videtur non solum τὸ τί ἐστιν in re quavis cognitum utile esse ad cognoscenda ea accidentia, quæ per se rei insunt. Quod quidem maximè videre licet in Mathematicis, uti ex linea recta & curva; item ex trianguli & plani definitionibus facilia perspectu & compertu sunt ea, quæ per se figuris illis accidere dicuntur. Sed & viceversa accidentia rectè comprehensa multum conferunt ad scientiam τὸ τί ἦν εἶναι. Dicorectè, καλῶς, comprehensa, ὅτι μετὰ ἀποδείξεως, non cum demonstratione. Impossibile enim est, nisi innotuerit primum definitio, exactè quid cognosci eorum, quæ ostenduntur per demonstrationem: sed satis est ea persequi, quæ aut incurrant in sensum, aut imaginatione possint comprehendere. Remota namq; nimis accidentia, quæq; naturam rei planè non attingunt, ἀπεστημένα καὶ λίαν ἐξω τῆς φύσεως, ad ratio-*

nem definiendi usum haud praestant. Veluti si quis DEVM definiturus cum Chrysippo templa, altaria, sacrificia, statuas magnam vim habere putet ad demonstrandum τὸ τί ἦν εἶναι, aliena enim haec sunt & à naturâ Deorum abjuncta. At semper moveri & Apollinem sortibus futura praecinere, Aesculapium verò deplorata conclamataq; hominum corpora vita reddere, momenta sunt ad definitionem DEI efficacia, ut DEVS dicatur vivens sempiternum hominibus beneficum. Et mox concludit: Ἀρχὴ μὲν γὰρ πάσης ἀποδείξεως ὁ ὁρισμὸς, ἐστὶ μὲν τοι γε ὡς περ κύκλος τις, καθάπερ γὰρ ἐν τοῖς καθ' αὐτὰ ὑπάρχουσιν ἐμφαίνεται τὸ τί ἦν εἶναι, εἰ κατὰ τὸ φαινόμενον ὁρθῶς προσληφθῇ, ὅτω καὶ τῷ τί ἦν εἶναι, τὰ καθ' αὐτὰ ὑπάρχοντα, principium igitur quidem demonstrationis omnis definitio est: obtinet verò viceversa & ab hac aliquis ad illam regressus. Vt enim ex illis, quæ per se insunt, elucet essentia, siquidem illa ritè fuerint de iis, quæ extrinsecus apparent, sumpta: ita viceversa ex definitione addiscuntur, quæ per se insunt.

CAPUT X.

De investigandâ definitione causali.

I.

Quibus modis investigari possit definitio essentialis, ex his constat. Id autem nondum per omnia clarum est, quomodo investiganda sit definitio causalis, cuius tamen præcipuè post definitionem substantiæ habenda ratio est in hac πραγματεία. Quid enim juvat nosse definitionem affectionis cujusdâ essentialis, quæ conclusio sit demonstrationis, nisi perspecta simul sit & definitio ejusdem causalis, quæ constituit principium illius? Ita quid juvat nosse differentias quantitatum, qualitarum, actionum item & passionum essentielles, nisi & causa earum,

rum sit cognita? quid item differentias ejus, quod in tempore, si causæ illarum nos fugiant, ab eo, quod tempus metitur, desumptæ, quod quidem est revolutio cœli corporumq; cœlestium. Ideò enim luminaria in cœlo constituta sunt, ut dividant noctem & diem, atq; tempora faciant, dies & annos. Ita annum Sol facit revolutione aut motu suo proprio à puncto uno eodemq; in idem punctum. Unde ab hoc motu differentia erunt petendæ in definitione causali, quâ definitur id, quod hœc vel isto tempore factum est. V. g. In vere factum esse, est factum esse in istâ parte anni Solaris, quam Sol describit suo motu ab æquinoctio verno ad Solstitium æstivum. In autumnno item fieri est fieri in eâ parte anni, quam Sol describit suo motu ab ingressu suo in cancrum usq; ad æquinoctium autumnale circa matutinum exortum & sic deinceps. Nosse ergò imprimis oportet rationem investigandi talium definitionem causalem. Jam Aristoteles quidem non uno loco indicare videtur, extundi eam ex ipsâ demonstratione. At id non caret difficultate. Est enim definitio affectionis causalis medius terminus demonstrationis. Jam verò medius terminus debet esse notus ante demonstrationem. Propositiones enim præmissas ante conclusionem cognitæ haberi oportet: hæ autem medium terminum complectuntur. Sequitur ergò, ut definitio causalis affectionis ante demonstrationem sit cognita & perspecta. At hoc quomodo dici potest, si ex jam factâ istiusmodi definitio primum extruitur atque expromitur demonstratione?

II. Difficultatem hanc aliqui ita solvere conantur, ut dicant, medium quidem terminum demonstrationis esse definitionem affectionis causalem, ast ante demonstrationem teneri non tanquam *definitionem*, sed tanquam *causam*. Verùm hæc solutio non dirimit difficultatem. Necesse enim est,

cum demonstramus, ut sciamus propositiones ad aliquem eorum, quæ κατὰ αὐτὸ seu per se dicuntur, modum, sive primum, sive secundum, referri. At quomodo id scire possumus, nisi cognitum habeamus, prædicatum per subjectum, aut hoc per prædicatum definiri? Medium terminum igitur non poterimus cognoscere, tanquam causam, nisi unâ tanquam definitionem cognoscamus. Quod & Aristoteles ipse non obscure videtur insinuâsse in 2. Post. c. 18, ostendens, *quod ipsum deficere sive eclipsin pati, non sit causa, quâmobrem terra sit in medio, sed hoc potius illius, ex eo, quod hoc in istius definitione insit.*

III. Ut itaq; propositæ difficultati satisfiat, res altius paulo erit consideranda. Notum est, quod duplex sit negotium circa demonstrationem conficiendam. Nam & *inveniri* eam & *judicari* oportet. Ex quibus illud hoc naturâ præcedere sententia est non paucorum. Quâ quidem posita nos nullam amplius ex adductâ difficultate perspicimus elabendi viam. Verùm dubitaverit fortè quispiam haud immeritò de assertionis istius veritate. Vix enim inveniri quicquam potest, nisi præcesserit iudicium antè qualecunq; Licet id cernere in artibus Mechanicis. Neque enim c. g. qui domum ædificant, commodè parare possunt lapides & ligna ad structuram necessaria, quin prius animo concipiant futuram dispositionem. Hæc autem ad iudicium spectat. Idem & in aliis videmus. Ita cum hominem ignotum inquirere volumus, ante omnia operam damus, ut cognoscamus, quali facie, quibus capillis, quâ figurâ corporis sit; deinde his cognitis, quæ sanè ad iudiciû spectant, freti ad illius inquisitionem nos accingimus; quod si tunc illi occurramus & notas illas cum ipso conferamus, facile ipsum agnoscemus. Simile verò quid, cum medium aliquod inveniri debet accommodatum ad quæstionem aliquam concludere.

concludendam contingit. Nempe necesse est, ut & tunc intelligatur antè, quænam sit futura dispositio ejus. Quà de causâ & Aristoteles in libris Priorum Analyticorum prius exposuit dispositionem & σχήματα seu figuras syllogismorum, deinde demum inventionem medii, nempe in 27. cap. lib. 1. Quod autem in aliis rationationibus evenit, idem & in demonstratione locum habet. Nempe cum indagare eam volumus, primum quidem, qualis sit, & quibus constet propositionibus, intelligendum est, quod sine dubio ad iudicium pertinet; dehinc demum sunt quærendæ, & tandem inventis illis, iterum resumendæ sunt conditiones illæ antè cognitæ, & expendendæ diligenter, an huic, quam invenisse putamus, demonstrationi satis congruant, quæ quidè à Græcis ἀναγνώσις *recognitio* vocatur. Sic ergo iudicandi præcepta inventionem partim *precedunt*, partim *subsequuntur*. *Precedunt*, ne, dum, quid inquiremus, omnino ignoramus, huc atq; illuc temerè feramur. *Subsequuntur*, ut inventum à nobis esse, quod volumus, certi simus.

IV. Cæterum ad iudicium de demonstratione ferendum pertinent omnes illæ, quas suprà enumeravimus & declaravimus, conditiones. Veluti, quod constet ex primis, veris, immediatis, notioribus & causis conclusionis, ex iis, quæ dicuntur κατὰ πᾶν, & per se primò insunt. Primaria autem inter has, & quæ reliquas suo modo comprehendit, sine dubio hæc est, ut veram ac certam afferat causam. Ad inveniendam igitur causam effecti propositi, viâ isti simili, quam ostendimus §. 3, est progrediendum, quam & Aristoteles non obscure indigeta- vit ipse in c. 9. lib. 2. Poster. ita scribens: *Cum autem est manifestum, α τὸ β inesse, sed quamobrem insit, ignoratur, jam ipsum β quærere oportet, utrum interjectio terræ, an Luna conversio, an extinctio luminis.* His enim verbis, quod & Philoponus annotavit, videtur nobis Philosophus patefecisse ra-

tionem investigandæ causæ, quæ ferè talis est. Initio plures versandæ animo aut ab aliis traditæ colligendæ sunt causæ: deinde considerandum est, cuinam ex illis magis conveniat effectus, ita ut *quemadmodum affirmatio affirmationis* est causa, sic *negatio* causa sit *negationis*, ut est in 1. Post. text. 30. Tunc autem porro constituendæ sunt propositiones, eaq; excutendæ, an sint veræ, primæ, naturâ notiores, de omni, per se. Excutimus autem, si consideraverimus, definiaturne ex illo medio termino majus extremum, atq; num inter subjectum & prædicatum alia aliqua causa media reperiatur. Unde in dijudicandâ demonstratione simul sese nobis offert causalis definitio, eodemq; articulo temporis judicamus ac certò cognoscimus demonstrationem atq; in eâ relucentem definitionem. Et licet inveniri à nobis possit causa ante perfectam definitionem, sciri tamen non potest, quod sit vera & certa causa, nisi simul definitionem esse cognoscamus. Ut adeò imperfectam quidem demonstrationem & imperfectam definitionem diversis temporibus assequi possimus, perfectam tamen utramque separatim assequi non possimus, perinde ut in virtutibus accidit, ubi quælibet imperfecta sine aliarum societate consistit, perfecta non item. Quâ de causâ & *justitia universalis* sola *perfecta virtus* dicitur, quod in eâ cumulus sit omnium virtutum, 5. Ethic. c. 1.

V. Sed quomodo extunditur tandem ex demonstratione definitio causalis affectionis, ut in propriâ suâ appareat formâ? Dictum est suo loco, quod definitio affectionis causalis à demonstratione non nisi *διότι* differat terminorum: at quomodo hoc intelligendum sit, nondum constat. Constare autem debet, ut modum sciamus extruendæ definitionis causalis ex demonstratione. Plerique ex Græcis Interpretibus *διότι* pro *πῶς* esse lib. 2. Post. c. 10. positam affirmant. *πῶς* enim

enim disertè nominat Philosophus alio loco, ubi de eodem negotio agit, nempe lib. 1. Post. c. 8. πρῶτον autem apud Aristotelem passim casum significat nominis, inter alia etiam lib. de arte Poët. c. 20. Unde dicere, quod demonstratio & definitio causalis affectionis differant *διότι*, idem est, quod dicere, differre ea *casu terminorum*. Quod quidem explicatu difficile non est, si definitionem causalem vocemus *causam* definitionis *partem*, quæ causam unicè affert, ut, si definitionem eclipsos Lunæ dicamus *diametralem interpositionem terræ inter Solem & Lunam*, quod Græcis familiare est: demonstrationem autem dicamus ejus medium terminum, qui, cum potissima pars sit demonstrationis, omne robur ei addens, demonstratio passim dicitur, sicut non rarò syllogismus quoq; in genere pro medio ejus termino usurpatur, velut lib. 1. Post. c. 26. §. 5. & 6. Hoc enim pacto manifestum est, quod demonstratio & definitio *διότι* differant, id est, *casu terminorum*. In definitione namq; utimur *nominativo* casu, qui aliàs dicitur rectus. At in demonstratione utimur casu *obliquo*. E. g. Quærenti, quid sit tonitru? (hæc autem est quæstio definitionis, quæ est λόγος τῷ τι ἐστίν, oratio exponens quid sit 2. Post. c. 10.) respondemus, *est extinctio ignis in nube*. At quærenti, *διότι*, propter quid sit tonitru, quæ jam quæstio est causæ, 4. Physic. 7, cujus λόγος est demonstratio, respondemus, *propter extinctionem ignis in nube*. Hæc igitur ita quidem se habent. At ostendimus nos suprâ, Aristoteli passim causalis definitionis appellatione venire *integram definitionem*, quæ & *essentiam* explicat affectionis, & *causam* affert, veluti illam: *Tonitru est ingens sonus, ortus ab extinctione ignis in nube*. Talis autem definitio quomodo ab integrâ demonstratione (de eâ enim quod loquatur Philosophus ex 2. Post. 10. nimis manifestum est) non nisi *διότι* terminorum differat, dubium admodum est & obscurum. *Medii* quidem & *minoris* terminorum

ratione:

ratione hic difficultas nulla est. In confesso namque positum est, medium constituere eam definitionis partem, quæ causam affert, minorem autem esse proprium affectionis subjectum generi iungendum. Sed de *maiore* lis est. Nondum enim constat inter auctores, quidnam sit ponendum loco maioris extremi in demonstratione, num *genus passionis*, an potius *modus ipsum*.

VI. Et nonnulli quidem priorem sententiam arripiunt, quibus facile est instituere resolutionem demonstrationis, ut definitio emergat. *Maiorem* enim terminum ponunt primo loco, quia *genus est primum eorum, quæ in definitione collocantur*, 5. Met. 28. huic porro jungunt *minorem*, tanquam proprium subjectum, à quo petitur essentialis affectionis differentia; tandem subjungunt *medium*, causam affectionis constituentem. E. c. Esto demonstratio eclipses Lunæ talis: Omne sidus mutatum lumen à Sole recipiens, ob interpositum corpus majus obscurari potest. Luna est tale sidus, quod lumen à Sole mutuatur & inter quod terra tanquam majus corpus interjici potest. E. Luna potest obscurari, & cum terra actu interjicitur, actu etiam obscuratur. Hæc demonstratio facile revocari potest ad definitionem, ponendo primum genus, quod est obscuratio: deinde proprium subjectum, quod in demonstratione subit locum minoris, Lunam: & tandem causam, quæ est interpositio terræ inter Lunam & Solem, à quo lumen suum mutuatur Luna, ut definitio sit talis: *Eclipsis Luna est obscuratio Luna ob diametralem interpositionem terræ, tanquam corporis Lunam magnitudine excedentis, inter eam & Solem, à quo omne suum lumen Luna mutuatur*. Ceterum aliam patitur hæc sententia difficultatem, quæ exigua haud est. Ita enim si extruatur demonstratio, ut modò est extructa, tum conclusio & major propositio demonstrationis non erunt καὶ δὲ ὅλγ.

Id quod constat per inductionem. Ad id enim ut fiat obscuratio in genere, non necessarium est, ut interponatur terra, cum experientiâ quotidianâ constet, multa obscurari, inter quæ tamen & alia non interponatur terra. Sicut & in altero exemplo sonus fieri potest, etiamsi non extingvatur ignis in nube. Et quem latet genus non dici ἀντικατηγορούμενος seu *reciprocè* de specie suâ? Nempe soli *definitioni* & *proprio* id convenit, non cæteris κατηγορούμενος, 1. Topic. c. 4. Neque est, quod dicatur, genus non esse hîc solitariè accipiendû, sed quatenus restringitur per *differentiam*, per subjectum scil. ad certam speciem. Quamvis enim genus accidentis per subjectum restringatur in definitione & hoc pacto fiat essentialis definitio, quæ cum definito reciprocetur, qua de re videndus est Aristoteles in 7. Met. 4: in demonstratione tamen talis restrictio sine nugatione fieri non potest. In hâc enim genus non de definito, ut in definitione, sed de subjecto, cui inest, prædicari oportet. Quomodo ergò per illud restringetur in demonstratione? Veluti quomodo obscuratio aut privatio luminis restringetur per Lunam in demonstratione eclipseos Lunæ? Cum enim de Lunâ prædicetur, prædicabitur utiq; de eâ vel in suâ *latitudine*, & sic latius patebit subjecto & consequenter conclusio demonstrationis, ut modò dicebamus, non erit καδὸλγ: vel *contracte*, quatenus restringitur per subjectum, & sic perspicuè nugatio committetur. Ita enim habebit demonstrationis conclusio: Ergò Luna patitur obscurationem Luna. Et pariter in demonstratione tonitru. Ergò in nube est sonus in nube. Quæ ἀδόλεσχια seu *nugatio est manifesta*.

VII. Aristoteles igitur statuit, majorem terminum demonstrationis non esse genus τὸ πᾶν, sed πᾶν ipsum. Quod ex more, quem in demonstrando observat, satis constat. Ubi-que enim πᾶν ipsa demonstrat, non genera eorum. Sed stante istâ sententiâ, suboritur difficultas illa, de quâ diximus §. 6.

Difficilis scilicet hoc pacto redditur *conversio demonstrationis in definitionem*. Cum enim definitio nulla esse possit sine genere, 6. Topic. c. 8. §. 1, hoc sanè ex demonstratione, salva sententiâ istâ, peti haud posse videtur. Quem enim ea obtinebit locum, si *majoris* non sustinet vicem? *Medii* certè termini rationem habere non potest, cum hic causa sit τὸ πᾶν; sed nec *minoris* vicem subire, quoniam hic est subjectum. Quomodo ergò definitio amplius dici poterit non nisi terminorū *Situ*, i. e. positione aut situ differre à demonstratione, cum totidem terminos, quos definitio postulat, non habeat demonstratio? Verùm salva adhuc res est. Ponitur enim genus affectionis in ipso ejus nomine, si non expressè, implicite tamen & virtute. Quod manifestum est ex iis, quæ docet Philosophus lib. 7. Met. t. 17, 18, 19. & lib. Sophist. Elench. c. 31. Asferit enim illic, quod *propria affectionis* nomen, si *seorsum* accipiatur, unum quidem *primò & directè* significet, sed insuper *aliud* quid *connotet*. Nempe significat formam, connotat autem subjectum. Ast cum additur *subjectum*, non connotari illud dicit amplius affectionis nomine, sed tum eo solam denotari formam. E. gr. Simitas, quæ est affectio nasi, significat curvitatē, quæ est forma simitatis, & connotat simul subjectum, nasum scilicet, etiamsi expressè non addatur. Intellectus enim non quiescit, sed similitatem intelligens esse curvitatē quandam, pergit inquirere, cujus illa subjecti sit curvitas, usq; dum perveniat ad nasum, tanquam ad subjectum, quod afficit passio ista. Cum autem additur nasus, tum simitas non connotat amplius nasum, sed nudam significat curvitatē, neq; intellectus ultrà tendit, sed acquiescit. Ex quo unà apparet, nasum, ceu subjectum proprium simitatis, huic etiam expressè addi posse citra omnem nugationem. Quod autem de simitate & naso hîc dictum est, id verum est de omnibus aliis affectioni-

tionibus & subjectis ipsarum propriis, velut de risibilitate & homine, eclipsi & Lunâ, tonitru & nube. Videlicet, etiamsi homo addatur risibilitati, non tamen nugatio inde resultat, neq; cum eclipsi additur Lunâ. Tunc autem committitur apertè nugatio, quando subjectum definitioni essentiali additur eo ipso, cum hæc de subjecto *pradicatur*, ut si quis dicat in homine esse aptitudinem hominis ad ridendum; aut Lunam privari lumine Lunâ. Ex quo etiam fit, ut non tam latè pateat affectio quàm genus illius, & propositiones faciat reciprocabiles sive καθόλου.

VIII. Dices fortè, at ponebatur, demonstrationem & definitionem affectionis non differre, nisi *de se*, aut situ, terminorum. Hic verò non sunt termini iidem. Neq; enim idem terminus sunt *eclipsis* & *privatio luminis Luna*. Verùm ad id facilis rursùm est responsio. Quamvis enim non sint idem terminus *vocè* seu dictione, sunt tamen idem significatione. Quod hîc sufficit, inprimis cum demonstratio *actu* non sit definitio, sed solum *potentiâ* ac *virtute*. Ideò enim satis quoque est, si virtute includat demonstratio, quod definitio actu. Unde & simul constat, quid ad alterum dubium, quod hic vulgò moveri solet, sit respondendum. Dicunt enim nonnulli, non posse *πρόσ* in conclusionem demonstrationis poni loco maioris extremi. In istiusmodi namq; conclusionibus, quales sunt illæ, *ergò Luna patitur eclipsin, ergò in nube fit tonitru*, & similibus ne umbrâ quidem apparere alicujus definitionis, cum tamen Aristoteles disertè scribat cc. II. conclusionem demonstrationis esse aliquam definitionem. Ad hoc, inquam, quid respondendum sit, vix obscurum amplius esse potest, si ea, quæ modò dicta sunt, rectè intelligantur. Totum enim & partes, cum relata sint, eodem modo sunt explicanda. Ut ergò tota demonstratio non est actu definitio, sed solum potentiâ: sic

& conclusio non est actu definitio, sed solum potentiâ. Concluditur itaq; in demonstratione quidem passio de subiecto: nihilominus, quia passio, ut dictum, significat formam, quæ genus est ipsius passionis, & re ipsâ idem sunt significans nomen & eius significatio, continebitur utiq; genus in conclusione potentiâ, subiectum autem in eâ continetur actu, quod quidem si addatur generi, constituet sanè aliquam definitionem, sed sine causâ, quæ si ex præmissis adiungatur, habebitur perfecta definitio affectionis, quam Aristoteles vocat causalem. Atq; sic patet quoque, quomodo definitio huius nominis sit investiganda.

CAPUT X.

Continens adhuc aliqua, quæ circa doctrinam de definitione digna sunt observatu.

I.

ANtequam huic *πραγματεία*, quæ de definitione est, finem imponamus, operæ pretium erit ea, quæ ad perfectam definitionem requiruntur, contrahere in unum. Recenset ea maximam partem Aristoteles 2. Post. 13, & nos aliqua ex istis consideravimus jam sparsim. Unde tribus saltem, quod dicitur, hîc ea repetemus verbis, residua autem istis addemus, iunctis & eis, quæ aliàs circa hanc doctrinâ monenda supersunt. Itaq;, quod ad primum attinet, in definiendo initio ea attributa accipienda sunt, quæ *τὸ τί ἐστι* seu *essentiam rei* declarant, cuiusmodi sunt genera & differentię generibus adjunctæ. Seorsim enim differentię non in quid, sed in quale prædicantur. Secundò, prædicata ista non sunt *confusè* ponenda, sed *decenti ordine*, quod quomodo intelligendum sit, patet ex c. 7. §. 14, & 17. Tertiò, definitio debet esse *plena & perfecta*, ut nihil in eâ *abundet*, nihil *desit*. Ex quibus illud quomodo vitandum

tandum sit, intelligitur ex l. c. 9. Hoc autem cavebitur, si tot ex divisionibus generis assumantur differentiarum ultimæ, ut omnes simul sumptæ cum definito convertantur. Sic enim omnes quidem definitionis partes erunt latiores definito, definitio autem tota definito erit æqualis. Aliàs ex 6. Topic. manifestum est, tribus contingere modis, ut in definitione aliquid *abundet*, aut otiosum quid ponatur, quod vitium περιττολογία vocatur, aut etiam, ut Fabius notat lib. 8. c. 3. περιεργία. Et primò quidem *abundat* quid in definitione, cum ταυτολογία committitur in eâ, quod fit non solum, cum idem *aliâ* voce *synonymâ* reperitur, velut si homo definiatur animal rationale & consultandi præditum facultate. (λογίζεσθαι enim καὶ βουλευέσθαι idem sunt, ut aliquoties jam dictum ex 6. Ethic. c. 1): sed & tunc, cum in *speciei* definitione exprimitur, quod ponendum erat in definitione *generis*, veluti si cæcitas definiatur privatio visus, qui naturaliter debebat inesse. *Privatio* enim est *absentia* ejus, quod natura debebat inesse, lib. Categ. c. 10. Igitur hoc, quod naturaliter debebat inesse, redundat in definitione cæcitas. Deinde superfluum quid ponitur in definitione, cum id in eâ collocatur, quod *definitum* non *distinguit* ab aliâ re ullâ. Ideò enim definitio ὁρὸς dicitur, quod per singula ejus membra definitum ab aliis discernatur, per *genus* quidem ab iis, quæ non sunt cum eo sub uno genere, per differentias autem ab iis, quæ sunt sub eodem genere cum definito, 6. Topic. 5. Exemplum hujusmodi, qualem diximus, definitionis occurrit apud Platonem in Epinomide: Ait enim *animal esse unam constitutionem corporis & animi, formam unam patientem*. Ubi sanè redundat *unum*, quod bis ponitur. *Commune* enim hoc vocabulum est, æquè latè patens ac *ens*, 4. Met. 2. Denique superfluum & hoc est in definitione, quo *ablato*, id, quod *residuum* est in eâ, nihilominus proprium est, reique

essentiam declarat. Ut si quis hominem definiat animal ratio-
nis particeps, mortale, scientiæ capax. Dempto enim isto,
scientia capax, adhuc propria est homini, ejusq; essentiam ex-
ponit reliqua oratio. Sed horum uberior declaratio ex To-
pici petenda est. Vid. Arist. 6. Topic. c. 2.

II. Quartò in definiendo utendum est terminis *affirma-
tivis*, non *negativis*. Ἡ γὰρ τὸ τί ἐστὶ ἐπισήμη κατὰ φύσιν, 1. Post.
cap. 14. §. 4, *scientia ejus quod quid est, affirmationis est*.
Jam autem definitio est λόγος τὸ τί ἐστὶ, *oratio exponens, quid
res sit*, non quid res non sit, 2. Post. 10. Intelligendum verò
hoc est de definitione eorum, quæ verum aliquod *positivum*
esse obtinent. Aliàs cum res definita in suâ ratione negatio-
nem vel privationem involvit, per negationem absque dubio
quoq; debet definiri. Velut si *cæcum* definiendum sit, sine
dubio dicendum erit esse, *quod non habet visum, quem secun-
dum naturam habere debebat*, 6. Topic. c. 6 §. 7. Dantur etiam
nonnulla, quæ in se quidem sunt positivum quid, certâ tamen
quadam ratione, pro diversâ scilicet habitudine aliquam sive
privationem dicunt, sive negationem. In quorum definitione
si negatio adhibeatur, quid mirum est? Ut enim se res habet ad
esse, sic & ad definiri. Hoc modo se habent *elementa*, quate-
nus considerantur ut *elementa*. Componuntur enim reliqua
corpora ex iis, inq; ea resolvuntur, sed ita, ut ipsa non resolan-
tur in aliqua priora. Unde *elementum* definitur tale corpus, *in
quod alia corpora dividuntur, ita ut ipsum in sit actû vel poten-
tiâ ipsum autem indivisibile sit in diversa specie*, 3. de Cœloc. 3
t. 3 1. *Materia* quoq; ceu suprà dictû, duobus modis considera-
ri potest, initio quidem, quatenus est *primum subjectum*, ex quo
omnia sunt & in quod omnia ultimatè resolvuntur, quomodo
res positiva est & definitur *subjectum primum unicuiq; ex quo
inexistente sit aliquid non per accidens, & in quod, sic corrumpatur,*

patur, abit ultimum, 1. Phys. t. 8 2. Deinde autem quatenus *adjunctam* habet *privationem*. Principii enim est, non esse id, quod ex eo fieri debet. Ex subjecto autem fit compositum secundum omnes omnium categoriarum denominationes. Hoc ergo modo & ipsa per negationem definitur. Dicitur enim *neq, quid esse, neq, quantum, neq, aliud quid eorum, quibus ens definitur, 7. Met. 1.* Tandem cum res positivas dicimus per affirmationem, non per privationem & negationem, esse definiendas, oportet rectè accipere privationem. Neq; enim omnis definitio, in quâ vox, si in se spectetur, privativa ponitur, statim vitiosa est, etiam si definitum sit res positiva, nisi & res significata sit quidpiam privativum. Sicut enim accidit interdum, ut vox aliqua in se considerata sit positiva, res significata autem privativa, sicut apparet in voce cœci, surdi, muti, claudi, mortis item, & similium: ita è contrariò, sicut & superius lib. 1. c. XI. n. 28. jam monuimus, contingit aliquando, ut vox aliqua in se spectata sit privativa, res autem, quæ per eam significatur, verum positivum esse obtineat, ad quod tamen significandum vox ista à principio adhibita fuit. Velut *αἰδίων*, si vocem spectes, est privativum quid; at res significata est res summè positiva, quod patet ex definitione. *Αἰδίων* enim idem significat, quod *ἀεὶ ὄν*, *semper existens*, quod semper fuit, est & erit. Unde hactenus ab omni reprehensione immunis est illa Aristotelica DEI definitio: *DEVS est ζῶον αἰδίων, ἀπείρον, vivens æternum, optimum, 12. Met. 7.*

III. Quintò definitio & *perspicua* esse debet. Affertur enim *τὸ γινώσκειν χεῖρον*, *cognitionis* ergò, ut est in 6. Topic. c. 1. §. 6. Clara ergò esse debet, ne similis fiat picturæ, cujus prototypum ne Oedipus quidem noverit, prius quàm nomen sit ascriptum. Redditur autem definitio obscura præcipuè obsequentes causas. Primò, si vocabulum *equivocum* contineat, ut si quis

quis cum Platone in Lachete definiat fortitudinem *καρτερίαν* seu tolerantiam animi. *Καρτερία* enim est vocabulum æquivocum, & tam in malum, quàm bonum accipitur sensum. Dices fortè, pleraq; vocabula esse æquivoca, indeq; aliter fieri non posse, quàm ut sæpè æquivocis in definitionibus utamur. Sed facile hoc est solutu. Quamvis enim verum sit, quod dicebatur, adeò, ut Aristoteles etiam lib. 1. de Gen. & Corr. c. 6. t. 44. scribat : *Σχέδὸν τῶν πάντων ὀνομάτων ἕκαστον λέγεται πολλαχῶς*; remedium tamen huic malo nullo negotio potest parari. Nempe liberanda sunt vocabula, cum iis utimur in definiendo, ab æquivocatione, quod v. c. fit, si addatur particula aliqua, quæ verbi multiplicem significationem ad unam contrahat, ut cum dico, planta est vivens vegetativum. *τὸ* vegetativum enim jam tollit æquivocationem viventis. Hoc tamen semper necessarium non est. Sæpè enim ex ipsâ subjectâ materiâ clara est & determinata vocis significatio : veluti si in hac aut istâ disciplina vox usurpetur, ut in Sphæricis, vox virginis, aut cancri. Planum enim est, quod ibi virginis voce non significetur mulier à viro non tacta, neque cancri voce animal illud quadrupes, quod aliàs hoc nomine venit, sed utrâq; sidus quoddam cœleste. Deinde definitio obscura redditur, si adhibita *metaphora* sit in definitione. Πᾶν γὰρ ἀπαρὲς, ὃ κατὰ μεταφορὰν λεγόμενον, ait Aristoteles 6. Topic. c. 2, *obscurum est, quicquid dicitur secundum metaphoram*. Neq; verò τὸ τί ἐστὶ metaphoræ declarant, sed πῶς ἐστὶ, aut cui similis res sit. Talis obscuritas est in his descriptionibus, quibus *mare* sudor terræ, *vinum* sanguis uvarum, *senectus* vespera vitæ, *sol* rex planetarum, *justitia* hesperus & lucifer virtutum definiuntur. Quibus gemina est & illa temperantiæ apud Platonem definitio, quæ ea definitur per *concentum*. Aliquando tamen fieri potest, ut quis sine vitio *metaphoris* quoq; in definitione utatur, si scil. voces propriæ non suppe-

suppetant : aut si vox aliqua usitatio sit in metaphoricâ, quàm in propriâ significatione. Sanè Aristoteles passim vocabula ex unâ scientiâ in alteram transfert, & rebus, quæ huic propriæ sunt, alterius scientiæ vocabula accommodat per metaphoram, iisq; etiam in definiendo utitur, velut in Analyticis vocabulò προτάσεως, συλλογισμῶ, διαφάσεως, σχήματος, aliorumque talium. Quin ipsum vocabulum ὀρεσ, quod definitionem apud illum significat, metaphoricum est : & tamen eo etiam in rerum definitionibus utitur passim. Velut cum *genus* definit *id, quod primum est in definitione* &c. 5. Met. 28. Tertiò obscura definitio etiam tum fit, cum usurpantur *voces parum usitate*, ut cum Plato oculum definit ὀφθαλμοειδὲς *ciliumbrem*; aut τὸ φαλαγγιον, σιφιδαιέος, *araneam, putrimordacem*; aut *medullam* ossigenam. Πᾶν γὰρ ἄσαφές τὸ μὴ εἰωδός, inquit iterum Philosophus 6. Topic. c. 2, *Omne enim verbum inusitatum est obscurum.*

IV. Atque hîc quidem sæpè impingunt Doctores, quos Scholasticos vocamus. Multa enim fingunt vocabula, quibus in definitionibus rerum utuntur & quidem citra ullam necessitatem, cum præstò sint vocabula usitata, satis clara & perspicua, & longe magis, atq; ista noviter ficta, accommodata. Ita Aristoteles dicit actionem & passionem saltem λόγῳ, id est, *definitione* differre, 3. Phys. Cum enim idem motus sit, qui dicitur & actio & passio, fit tamen hoc pro aliâ atq; aliâ σχέσει seu *habitudine*. Nempe quatenus respicit illud *principiū, à quo* proficiscitur, vocatur actio: quatenus autem respicit *subjectū*, in quo peragitur, aut in quo recipitur, passio vocatur. Diversa autem σχέσις variat τὸ τί ἦν εἶναι, quod exprimitur definitione. At Scholastici pro eo, quod est differre definitione, dicunt differre *conceptu formali*. Ex quibus quid notius & magis accommodatū sit, quisq; facillè judicare potest. Taceo modò barbaras istas voces, hæcce itatis, ubicationis, perfectatis, & aliarū taliū infinitarū,

Aaaa

quibus

quibus undiquaq; ipsorum libri sunt repleti. Contingere tamen potest aliquando, ut rei novitas postulet & vocabulum novum. Quo & interdū scientificus Doctor indiget, ut perspicuè mentē suam proponat. Unde tūm arrogare sibi potest *ἰσὺς ὀνοματοποιίας*, quod privilegiū habet supra reges, qui hominē donare civitate possunt, dictione non possunt. Neq; enim decet Philosophum ubiq; esse *ῥημάτων δῶλον*, quod & Plato alicubi legimus venisse. Et sicut *virtus dictionis est perspicuitas*, 3. Rhet. 2: ita evidentiz amor interdum negligit verba cultiora, nec curat, quid *benè sonet*, sed quid *benè indicet* atque *intimet*, ut rectè & Augustinus observat lib. 4. de doctrinā Christianā c. 10. Quæ autem observanda sint Philosopho, cum vult *ὀνοματοποιεῖν*, jam monuimus suprà lib. 1. c. 6. §. 7. Cæterum & de his, quæ obscuram reddunt definitionem, huius loci non est differere ex professo. Legat, qui volet, 6. Topic. c. 3. ubi hæc omnia, & reliqua huc pertinentia, enucleatè inveniet pertractata.

V. Deniq; sextò & hoc 2. Post. monet Aristoteles, cavendum esse in definitione, ne adhibeatur *conjunctio copulativa*. De disjunctivā autem idem docet 6. Topic. 7. §. 6. Locus prior extat 2. Post. cap. 13. t. 30, ubi, quomodo definiendus sit homo, his innuit verbis: *Ἄνθρωπος ἐστὶ ζῷον δίπεν πεζόν, ἀλλ' ὁ ζῷον καὶ πεζόν, homo est animal bipes, terrestre; sed non est animal & terrestre.* Ratio est, quia definitio est explicatio unius essentiz; debet itaq; & ipsa esse *una & simplex oratio*, quod & indicatur lib. de Interpret. c. 4. §. 3. Particulæ autem copulativæ, quin & disjunctivæ plura connectunt. Idèò quemadmodum homo definiendus est animal terrestre, bipes, non autem animal & terrestre, bipes: ita nec numerus definiendus est multitudo par vel impar, sed multitudo unitate collecta. Contingere tamen potest aliquando, ut utriq; conjunctioni in definitionibus sit locus. Velut *conjunctio copulativa* etiam poni non possit inter genus & differentiam, poni tamen inter-

interdum potest inter *duas differentias*, quando scilicet species
 deficientia *σχέση* quandā seu habitudinē involvit ad differentias
 oppositas, quæ eius omnibus individuīs inest, quatenus sub istā
 specie continentur. E.g. Accidens habitudinē dicit ad esse & non
 esse. Ita enim inest alicui, ut possit etiam non inesse, quod verum
 est de omnibus eius individuīs, de albedine, iustitiā, calore, fri-
 gore, odore, sapore & reliquis omnibus, quæ istius veniunt ap-
 pellatione. Per utrumque ergo accidens definitur, interpositā
 conjunctione copulativā, quomodo illud definivit & Aristo-
 teles his verbis : Συμβεβηκός ἐστι, ὃ ἐνδέχεται ὑπάρχειν ὅτῳ ἢ ἐνὶ καὶ τῷ
 αὐτῷ, καὶ μὴ ὑπάρχειν, 1. Topic. c. 5. 9. 8, *Accidens est, quod uni-
 eidem rei contingit inesse & non inesse*. Ob eandem causam
 & temperantia definitur, *virtus circa voluptates gustus & ta-
 ctus &c.* Accidit etiam nonnunquam, ut res aliqua ex diversis
 sit composita generibus, ita quidem, ut ratione huius pertineat
 ad hoc, ratione autem alterius ad aliud genus, & tum per diver-
 sa ista genera definitur, interjectā rursus conjunctione copula-
 tivā. Exemplo sit *sapientia*. Versatur enim ea partim circa
 principia, partim circa conclusiones. Istorum ratione est sub
intellectu : harum autem consideratione est sub *scientiā* tan-
 quam sub genere. Inde ergo illa rursus ab Aristotele defi-
 nitur *INTELLECTVS primorum principiorum ET SCIEN-
 TIA rerum naturā honoratissimarum*, 6. Eth. 7. Pariter & *So-
 phista* definitur, qui & *potest* ex apparenti sapientiā lucrari quid,
 Et hoc vitæ genus *eligit*. Vide lib. 4. Topic. c. 5. 9. 7. Porro &
diijunctivā conjunctione aliquando in definitione uti licet,
 velut cum definiuntur æquivoca & ex ijs communia *πρὸς ἐν* se-
 cundi generis, de quibus dictum est iam antè c. VIII. Sed
 fortè & in aliis id evenit, quæ inter æquivoca censerī vix pos-
 sunt, velut in propositione, quæ definitur *oratio affirmans vel
 negans aliquid de aliquo*. Quamvis enim Alexander Aphro-

discus, ut vidimus l. c. & eam accenseat communibus *πρὸς ἐν*, dubitant tamen alii, velut Ammonius, Philoponus, & ante utrumq; Boëtius, an propositio hoc modo de affirmatione & negatione dicatur. Ad id enim, ut aliquid de aliquibus dicatur ut commune *πρὸς ἐν ἢ ἀφ' ἐνὸς*, *ad unum vel ab uno*, seu quod utrumq; complectitur, *κατὰ πρότερον καὶ ὕστερον*, *secundum prius & posterius*, requiritur, ut unum eorum, de quibus dicitur, cæteris naturâ prius sit secundum participationem illius communis, quod de iis dicitur hac ratione. Ita substantia est naturâ prior accidente, quatenus utrumque ens est, 7. Met. c. 1: & animal prius naturâ est urinâ, medicamentis, cibò & reliquis, quatenus singula hæc sana vocantur. Ensergò de substantiâ & accidente: & sanum de animali & cæteris dicitur *κατὰ πρότερον καὶ ὕστερον*. At licet affirmatio sit naturâ prior negatione, quod ipse Aristoteles docet 1. Post. c. 25. S. 5; tamen illa non est naturâ prior negatione, quatenus utraq; est propositio, sed quatenus illa habet rationem formæ, hæc privationis. Sicut & albedo hoc pacto est naturâ prior nigredine: & tamen color de albedine & nigredine non dicitur secundum prius & posterius. Fieri itaq; potest aliquando, ut etiam in *univocis* definiendis aliquando locus sit conjunctioni disiunctivæ. Neq; id negare videtur Aristoteles loc. cit. Videtur enim solum hoc indicare velle, quod in vitio sit positum, si quis in definiendo tali disiunctione utatur, cujus utraque pars seorsim constituat definitionem alicujus rei. Ita namq; ait: Præterea definitio vitiosa est, *ἔαν πρὸς δύο τὸν ὁρισμὸν ἀποδῶ ἑκάτερον*, *si quis ad duo pertinentem definitionem, ad alterutrum ex duobus seorsim accommodet*. Ut si quis artem definiret habitum cum verâ ratione *activum vel effectivum*. Prior enim disiunctionis pars iam constituit definitionem prudentiæ, 6. Ethic. c. 5. Tale autem quid in definitione propositionis non contingit. Non enim altera

altera ejus pars seorsim constituit definitionem propositionis, altera alius: sed ambae sunt differentiae oppositae propositionis, quae per conjunctionem disjunctivam copulatae exaequant propositionem. Quod & in alijs similibus videre est. Ita *virtutum* definitur per *habitu in excessu vel defectu consistentem*. *Angulus obliquus, qui recto major aut minor est &c.* Et haec etiam de iis, quae ad definitionem conficiendam requiruntur.

VI. Præter hæc circa doctrinam de definitione & hoc observari debet, non requirendum semper esse in scientiis, ut integræ definitiones afferantur. Nonnulla enim studio interdum omittuntur in definitionibus à scientificis Doctoribus, utpote de quibus manifestum est, quod sint subintelligenda. Veluti cum in scientiis omnia, quae ibi proponuntur, metiamur genere *ὑποκειμένα*, hoc omittitur nonnunquam. E. g. Euclides definit 1. Element. definit. 1. *punctum*, *ἡ μέγιστος ἔδρα*, *cujus pars nulla est*, puta, in magnitudine, quae objectum est Geometriae, cujus ibi elementa proponit Euclides. Non aliter Physicus τὸ πρῶτον definit, cum agit de tempore. Sed hoc itidem est subintelligendum. Inde rectè Ammonius monet, *definitionem quamvis uni soli rei convenire in quavis methodo debere*. Sic Medicus apud Galenum dicitur *inventor occasionis*. Politicus tamen non malè quoque Imperatorem suum bellicum hoc modo describeret. Ex quo facillè apparet, quàm parùm cautè aliqui Aristotelem reprehendant, quod calorem in 1. Gen. definierit qualitatem congregantem homogenea, id est, ea, ex quibus fieri potest unum quid, ut sunt caro, lac, sanguis; & disgregantem heterogenea, ex quibus tale quid fieri non potest. Aliter enim hic calorem definire non potuit, cum definierit eum in respectu ad mixtionem, hanc autem consideret in respectu ad generationem, quae est πρῶτον librorum de Generatione *ὑποκειμένων*. Definire itaq; eum debuit per proprios, quos in

mixtione, ad generationem relatâ producit effectus. Quinam verò illi? Quinam, inquam, sunt affectus, quos præstat calor in mixtione eorum, ex quibus fit caro, semen, aut aliud aliquid tale? Re diligenter expensâ hos inueniemus esse, congregare ea, quæ apta sunt converti in unam naturam mixti, & segregare ea, quæ apta non sunt, ut simul uniri possint, ita quidem, ut inde fiat tale unum, quale est caro, aut semen &c. Hos effectus solus calor in generatione præstat, 2. Gen. & Corr. 2. 4. Meteor. 1. Rectè ergò ab Aristotele isto loco definitus est calor, nempe quod sit qualitas congregans homogenea & disgregans heterogenea, subintellige, *in generatione*. Ad hanc enim, ut dixi, omnia referuntur, quæcunq; in libb. de Gener. & Corrupt. continentur. Unde vanum est, quod illi opponunt, & flumina, quæ tamen frigida sunt, heterogenea segregare & cadavera ad ripas depellere. Numquid enim flumina qualitates sunt & generant quid, ut dici possint in generatione segregare heterogenea, quod de calore pronuntiat Aristoteles? Et cuius virtute tandem flumina isthæc segregant? num frigoris? Mirum sanè hoc, cum frigus talia in unum cogere soleat, ut in glacie videmus tempore hyemis. Rectius sanè putantur non flumina id agere, sed venti, fluctus, & ut uno dicam verbo, motus, idq; non eo fine, ut generetur quidpiam in fluminibus, sed per accidens, ex necessitate τὸ παλιν, non ex necessitate finis, ex quâ agit calor in mixtione.

VII. Non solum autem non semper postulandæ sunt integræ definitiones, sed interdum ne omninò quidem sunt exigendæ. Ut enim non omnium dantur demonstrationes, ita nec definitiones. ὃ δὲ παντὸς λόγον ζητεῖν, ἀλλὰ τὸ ἀνάλογον συνορθεῖν, ait Aristoteles in 9. Met. c. 6. In quo quidem sæpè nobis acquiescendum est, in doctrinâ præsertim de partibus animalium, itemq; plantarum. Cui consentit & Theophrastus in Histo-
riâ

riâ plantarum lib. 1. cap. 5. Ait enim cum materia est πολύχρη-
 id est, *multiplex & varia*, oportere τῶς ὁρῆς ὅτως ἀποδέχεται καὶ
 λαμβάνειν ὡς τύπον ὡς ἐπὶ τὸ πᾶν λεγόμενης, *definitiones ita accipi,*
ut rudi Minervâ si proponantur, aut veluti notis quibusdam ac
lineamentis in univēsum subligentur, satis esse sit putandum.
 Ideoq; meritò & Galenus nimis ἀφιλορίστην Sophistis sui temporis
 exprobrat, quâ adeò laborabant, ut Galeno viderentur, ne olus
 quidem citra definitionem empturi: Ἐνιοι, inquit, δοκῶσι μοι μὴδε
 λείψανον εἶναι πρίσκειν χωρὶς ὁρῆς, lib. 2. de differentiis pulsuum cap. 3.
 Quodsi simile quid dixeris de iis, qui *actus, causa, summorum*
pradicandi generum, quin ipsius *entis* definitiones quaerunt, in-
 iuriam ipsis non intuleris. Sunt enim hæc omnia ἐκ τῶν πολλα-
 χῶς λεγόμενων: at talium non datur propriè definitio, quoniā *defi-*
nitio est oratio unum significans, lib. de Interp. c. 4. 2. Post. 10.
 lib. de arte Poët. c. 20. Ast hæc non significant unum, sed
 multa. Videntur tales homines hâc persuasionē duci, quasi
 tot sint definitiones, quot nomina, quæ & ipsa erat persuasio
 Sophistarum istorum. Quos egregiè dicto loco refutat Ga-
 lenus. Inter cætera ait: ὃ γὰρ τῶν ὀνομάτων, ἀλλὰ τῶν πραγμάτων
 οἱ ὅροι εἰσὶν. Ὅταν γὰρ ὑπὸ ἑνὸς ὀνόματος πολλὰ δηλῶται πράγματα, τοσού-
 τοις ἀνάγκη τῆς ὁρῆς ὑπάρχειν, ὅσα περ καὶ τὰ πράγματα. φερε γὰρ ἐπὶ τῆς
 γλώττης ὄνομα μὲν ἓν, τρία δ' ἐξ αὐτῆς δηλῶται, καὶ καθ' ἕκαστον αὐτῶν ἴδιος
 εἶναι ὁρισμός. αὐδισ δ' εἰ τυχοί, δύο μὲν ὀνόματα καὶ πολλαὶς γετρία καθ'
 ἑνὸς πραγματος, ὡς ἐπὶ τῆς ξιφῆος τε, καὶ ἄορ, καὶ φάσγανον. ὁ δ' ὅρος, εἷς,
 ὃ τρεῖς, ὡς περ τὰ ὀνόματα. ἴσεν γὰρ αἰὶ τὸ πλῆθος τῶν ὁρῶν τῷ πλῆθει τῶν
 πραγμάτων εἶναι, *Non nominum*, inquit, *sed rerum sunt definitio-*
nes. Quando igitur uno nomine res multa indicantur, ne-
 cessario erunt totidem definitiones, quot sunt res. Sanè lin-
 gua unum est nomen, at tres sunt significationes & sua cuiq;
 est definitio. Contra fit, ut duo unius rei nomina & verò non
 raro tria sint, ut ensis, gladius & mucro: definitio verò una
 non, perinde ac nomina, tres. Semper enim numero rerum re-
 sponde

spondet numerus definitionum. Inde videas illos sæpè admodum sese torquere in definiendis talibus, quæ reverà multifariam dicuntur, sed frustra. Aut enim definitiones, quas afferunt, non competunt omnibus sub definito contentis: aut iniis talia ponuntur vocabula, quæ æquè *ὁμώνυμα* sunt, atq; ipsum definiendum, quod exemplo entis alibi ostendimus, videlicet in Exercit. de ratione Entis respectu inferiorum n. XI. & seqq.

VIII. Ad extremum observandum & hoc est, viros Sapientes sæpe *λεληθότως*, *clam*, definire, sic ut reverà definiant, cum tamen minimè definiisse parum oculatis videantur. Fit autem hoc primum quidem, cum rei alicujus propositæ *notas* seu conditiones & requisita, ut vocant, *accuratè* persequuntur. Hæc enim pertinent ad rem constituendam, & conjuncta absolvunt integram definitionem. Exemplo sit τὸ μολὼν, 1. de Gen. & Interitu: *propositio apodictica*, in 1. Posterior, *locus* in 4. Physic. Deinde, quando rei naturam non per collectam definitionem, sed earum rerum, in quibus *similes* illæ & *disimiles* aliis sunt, commonstratione exponunt. Scientiæ enim consistunt in similium collectione & dissimilium distinctione. Id quod etiam in *definitionibus* obtinet & quidem in his imprimis. Vide 1. Topic. c. 18. §. 12. & 13. Ita in Poëticis Aristoteles declarat, in quo poëmatum genera omnia convenient, & eorum item differentias ostendit: id quod *πεποδευμένω* sat est. Idem facit in 2. de An. ubi quid sentire commune habeat cum pati, & quid proprium ostendit. Tertiò, quando *formas* definiunt, composita non item. Later enim horum definitio in istis. Unde & Aristoteles non facillè composita definivit, sed formas solas, quoniam composita, quod sunt hoc aliquid, quodq; certam speciem habent, formis referunt acceptum. Unde perceptâ formæ vi, continuo ipsorum quoq; essentia intelligitur. Πάντι γὰρ τῷ ἐν ὅλῳ καὶ τὸ ἅδωσ' ὁ λόγος, inquit Alexander

der lib. 1. quæst. ult. *Omnis enim rei materiata ratio forma est seu species.* Ita non animati, sed animæ; non mixti, sed mixtionis; non putris, sed putredinis affert definitionem. Neq; naturale corpus definit exactè, sed naturæ definitionem accuratè pertractat. Eâ namq; constitutâ quivis, nisi plumbeus planè sit, quid sit corpus naturale, facillè potest determinare. Aliquando tamen contrà etiam facit Philosophus & concretum considerat, ejusq; notas proponit, indeq; abstracti naturam & essentialiam colligendam lectori relinquit. Sic 3. Ethic. notas viri fortis proponit, & deinde subjungit: *Ex his constare potest, quid sit fortitudo.* Quartò, sæpe unum contrarium definiunt, alterum negligunt; quod ex unius contrarii definitione facillè alterius definitio colligi possit. Unde & Aristoteles in 6. Topic. c. 2. definitionem talem *non carere vitio*, ait, *quâ allatâ non statim percipi contrarii definitio possit.* Ita docilitas apud Platonē in Charmide definitur facultas animi, quâ facillè oblata apprehendimus. Ex hac autem definitione facillè addiscitur definitio hebetudinis seu indocilitatis. Quintò, aliquando considerant *universale aliquod*, quod *multas* sub se continet *species*, *multisq; differentiis distinctas*. & tum universalis istius definitionem non afferunt, sed enumerant potius istas differentias & species. Dum enim illæ enumerantur, ac quasi conferuntur inter se, emicant similitudines & dissimilitudines earû, ex quibus deinde specierum definitiones colligi possunt, atq; aded ex illis natura quoq; universi. Ex quo Aristoteles reprehendit Socratem in 1. Polit. c. 13, quod tam diversas virtutes, quales sunt viri, mulieris, pueri, servi & c. unâ tantum definitione communi complecti voluerit, cū longè melior esset enumeratio specialis, quâ usus fuerat Gorgias & ex Gorgiæ doctrina Menon in Dialogo hujus nominis apud Platonem. Fuerat autem iste virtutes illorum speciatim persecutus. Idem hoc inculcat lib. 2. Ethic.

cap. 7. Similiter generales istas rerum definitiones exagitat 2. de Animâ text. 30. Item 2. Rhet. ubi *μενολογίας* eas appellat. Ad summam, observandum hîc est, quod Galenus quoque monet in 4. de diff. puls. c. 2, non semper esse expectandas expressas definitiones, in quibus conficiendis hodiè multi nimium sibi sapere videntur, sed satis esse, si rerum natura copiosè tractetur & diligenter evolvatur, ut facile inde definitio extrahi possit. Et tantum etiam de scientiâ τῆς τῆς ἐστῆς,

CAPUT XII.

De primo omnium scientiarum *κριτήριον*.

I.

EGimus hæcenus de variis scientiarum generibus, simulque modos ac media ostendimus, quibus ad ista perveniat. Ex iis autem omnibus, quæ istis de rebus proposita sunt, non difficile est amplius colligere, quodnam sit omnium scientiarum *κριτήριον* futurum. Vocamus autem hîc *κριτήριον* id, ad quod velut ad *primum* revocanda sunt, quæcunq; in scientiis occurrunt, ita, ut ea, quæ ipsi repugnant, habenda sint pro inanibus & falsis. Aliàs enim ex Sexto Empirico lib. 2. Pyrrhon. Hypot. c. 3. & lib. 3. adversus Dogmat. nec non Alcinoò lib. de dectrinâ Platonis cap. 4. constat triplicis generis esse *κριτήρια*, unum ὑπὸ ᾧ, à quo: alterum διὰ ᾧ, per quod: tertium denique ὡς προσβολήν καὶ σχῆμα, ut *habitudinem & applicationem*. Quod Sextus simili declarat. Vt enim, inquit, in examinandis gravibus & levibus tria sunt criteria, libripens, libra & libra positura, ex quibus libripens quidem est criterium à quo, libra criterium per quod, libra autem positura criterium ut habitudo; & rursus ad discernendum recta & obliqua opus est artifice, regulâ & applicatione ejus, quorum ille est criterium à quo, ista per quod, & hæc criterium, ut προσβολή: ita & in scientiis his tribus opus est ad discer-

discernendum vera & falsa. Nempe criterio, à quo fit iudicium; criterio, per quod, quæ est regula & norma, ad quam exiguntur cuncta, de quibus disquiritur, num vera sint, an falsa; & demum applicatione istius regula ad κριτόμενον, sive id, quod sub disquisitionem vocatur. De criterio ergò in secundâ hîc loquimur significatione, quod αὐτόπιστον sive ex se ipso fide dignum esse oportere observat etiam Clemens Alexandrinus in 6. Stromatum. Hoc ipsum autem criterium sensus est, ad quem ultimò revocantur ea omnia, quæ tam ad scientiam cur sit & quod sit, quàm ad scientiam an sit & quid sit spectant. Demonstrationes enim τὸ διότι, ex quibus nascitur scientia cur sit, nituntur principiis, hæc autem inductione, inductio porro experientia, experientia verò sensu. Per sensum quoque innotescunt effectus, ex quibus proficiscitur demonstratio ὅτι. Non minus verò & ἐνέργεια, sive actus, qui fluunt aut immediatè ex essentia, aut ex proprietatibus, ex quibus emergit scientia an sit, per sensus deteguntur. Denique nec ad scientiam τὸ τί ἐστι pervenire datur sine sensu, cum etiam ad illam via nobis aperiatur per effectus, proprietates & singularia, quæ absq; sensuum operâ perfectè dijudicari non possunt.

II. Neque id mirum. Oportet enim primum, quo scientiæ nituntur, esse evidentissimum. Quid autem in iis, quæ ex lumine naturæ cognoscuntur, clarius esse potest, quàm id, quod iudicio sensuum ita se habere compertum est, dum modò cuncta adsint ad sentiendum requisita, de quibus diximus lib. 1. cap. 1? Atque hinc nec mirum est, quod Aristoteles eos, qui relicto sensu in iis, quæ sensu percipi possunt, rationem quaerunt, ἀρρώστια τῆς διανοίας, infirmitate iudicii laborare dicit, 3. Physic. text. 22. & 26. Ut si quis speciosis quibusdam rationibus adductus cum Zenone neget motum, & universa quiescere affirmet. Quod cum Philosophorum aliquis, si ra-

men is Philosophus dicendus, qui evidentissima in dubium vocat, praesente Diogene Cynico, facere tentaret, hic ridens hominem surgebat & obambulabat, indignum existimans auditu cum, qui in controversiam vocare ausit talia, quae sensuum iudicio sunt manifestissima. Quod & alteri alicui significabat concludenti, *ipsum cornua habere*. Ad rationem enim allatam nihil respondebat, sed manu fronti admotâ, dicebat: *ἐγὼ μὲν οὐκ ὁρῶ*, Ego verò ista non video, teste altero Diogene, Laërtio scil. in vitâ ipsius. Eodem spectat & illud Aristotelis: *Esse naturam, quæ principium motus est, probare ridiculum est: patet enim ejusmodi entia plurima esse. Demonstrare autem perspicua ex obscuris, ejus est, qui non potest judicare, quod est per se, & quod non est per se notum*, 2. Phys. 1. Nec aliò forte respexit & Pythagoras, dicens: *Πρὸς ἥλιον τετραμμένος μὴ ἔρει*, ad Solem conversus ne mingito, apud Jamblichium in Protreptico c. 21. Sed & digna sunt, quæ hîc legantur, Lucretii ex lib. 1:

*Corpus enim per se communis deliquat esse
Sensus, quo nisi prima fides fundata valebit,
Haud erit, occultis de rebus quò referentes
Confirmare animi quidquam ratione queamus.*

Deniq; huc pertinet etiam istud Protei ad Menelaum apud Lucianum Dial. 4. marin: *Τίς δὲ ἄλλῃ πιστεύσεις τοῖς σεαυτοῦ ὀφθαλμοῖς & πιστῶν; Cuinam alteri credes, qui tuis ipsis oculis non credis.*

III. Neq; verò in naturalibus solum ita se res habet, sed & in aliis scientiis, etiam Mathematicis v. g. in Astrologia. Nittitur enim illa τοῖς φαινομένοις, *apparentibus in cælo*, 1. Prior. c. 30. §. 3. 1. Part. An. c. 1. Quâ de causâ & Ptolemæus, quo vix aliquis melius hanc scientiam tractavit, significans, quâ normâ in cunctis imposterû proponendis uti veller, ait lib. 1. *Μαθηματ. οὐταῖς*

συτάξ, 2 : Ἐκάστῃ τῶν πειρασόμεθα δεικνύειν, ἀρχαῖς μὲν καὶ ὡς περ δε-
 λείας εἰς τὴν ἀνεύρεσιν χρώμενοι, τοῖς ἐν ἀρχῇ καὶ φαινομένοις, καὶ ταῖς ἀδι-
 εὐκταῖς τῶν τε παλαιῶν καὶ τῶν κατ' ἡμᾶς τηρήσεων, *Conabimur horum,*
qua dicturi sumus, singula ostendere principiis ac veluti fun-
damentis inventionis, rebus evidentibus & phanomenis, & cer-
tis minime ἢ dubiis tum veterum, tum eorum, qui nostrā me-
moriam floruerunt. Idem in aliis, veluti in Opticā, Musicā &
 similibus faciendum esse nemo facillè repugnārit. Versantur
 enim illæ omnes circa objectum *limitatum* & per sensibilem
 differentiam contractum, v. g. Musica circa numerum sono-
 rum, Optica circa lineam radiosam &c. Asserere tamen non
 dubitamus, etiam ab istis disciplinis Mathematicis, quæ ἐξ ἀφου-
 ρέσεως seu *per abstractionem*, sua objecta considerant, non posse
 secludi sensum. Abstractio enim, quæ in ipsis obtinet, men-
 tis solum est, at res ipsa sensuum. Sed nec principia illarum
 aliter, quàm inductione manifestantur, hæc autem ex singulari-
 bus constat, quorum est sensus. Unde Aristoteles : *Etiam*
τὰ ἐξ ἀφουρέσεως λεγόμενα, qualia sunt, quæ sub Geometriæ &
Arithmetικῆς considerationem veniunt, per inductionem mani-
festantur, si quis declarare velit, quadam cuiq; generi inesse
lib. 1. Post. c. 18. Veluti quod triangulum tribus lateribus
claudatur, comprobatur sanè inductio & sensus, quo exemplo
 hanc rem Themistius in Paraphrasi istius loci declarat. Sed
 quid, inquires, de iis fiet principiis in Mathematicis, quæ sensibus
 adversari potius videntur, quàm ut per sensus manifestari que-
 ant, qualia sunt ista : *Linea est longitudo sine latitudine; su-*
perficies est longitudo & latitudo sine profunditate? An hæc
 non sunt principia, nisi similitudine, re ipsa autem nequaquam?
 Sunt enim illa tantum significationes nominum, de quibus
 præmonendi sunt discipuli, qui volunt in illis disciplinis profi-
 cere : neq; alia ratione principia sunt, quam cujuslibet generis

rerum vocabula & appellationes. An potius nec hoc simpliciter verum est, talia sensui repugnare? Neque enim ea sunt fragmenta cogitationis nostræ, sed fundamentum suum habent in rebus. Quod considerat Ammonius in lib. Categ. cap. 6. probans id ex illustrium locorum distinctionibus ab opacis. Ubi enim Sol in murum radios mittit, ejusq; partem illustrat, necesse est id, quod locum illustratum ab opaco determinat, esse solam longitudinem absque latitudine. Nam si haberet latitudinē, hæc vel omninò lumine collustrata, vel tenebris obducta esset, cum inter hæc nihil sit medium, & sic vel ad illustratam, vel ad opacam partē muri pertineret. Igitur linea intermedia, quæ perspicuè conspicitur, & partem illustratam ab opacā distingvit, in solam longitudinem extenditur.

IV. De disciplinis Practicis porrò dubitare quis posset, an & ipsæ experiētiā & sensu, tanquam primo κρηρίω nitantur. Harum enim principia videntur esse illa ipsa, de quibus Aristoteles in 1. Ethicorum c. 7. ait, quod consuetudine percipiuntur. Sanè de his locum exponit Eustratius in Comm. dicens: *Principiorum aliqua percipiuntur* ἐπισμῶ, *consuetudine*, ὡς ἀρεταί, *υ. c. virtutes*. πῶς γὰρ ἄλλως καλὰ εἶναι γνωρίσομεν τὰ σωφρονικά, ἢ ἐκ τῆ πράξεως ταῦτα καὶ ὅπως ἐν τοῖς ἐδίδωκεν τῶς πράξεσιν, *Quomodo enim aliter cognoscemus bona esse ea, quæ sunt temperata, nisi ex actione horum, aut assuetudine*. Unde Plato quoque 1. dell: Τὸ ἥθος ἡμῖν τῶν νέων δὲ πάμπαν δοκῶ τῶν ἐν ταῖς πόλεσιν ἀπάσαις καὶ πάντα καὶ βέλτερον γίνεσθαι, *usus rerum, quem ab ætate habemus, omnium quidem civilium magnum quiddam ubiq; est & optimum*. Inter experiētiā autem & consuetudinem non parum interest. Experiētia enim ex observatione oritur: consuetudo ex actione, cum consvescere nihil aliud sit, quàm sæpè & continenter facere, sicut Aristoteles de tritici farinā nonnulla quærens in Problematibus ait: Ἐδὸς ἐστὶ τὸ πλεονακὺς καὶ συνε-
χῶς

χῶς ποιεῖν. Et in 1. Rhet. de iis, quæ sunt ex consuetudine, dis-
serens: ἔδει δὲ, inquit, ὅσα διὰ τὸ πολλὰ καὶ πεποικίμενα ποιεῖν, *consue-*
tudine ea sunt, quæ quia sæpe fecerunt, faciunt. Fine etiam
differunt. Experimur enim quid in pluribus singularibus, ut
cognoscamus ita esse in omnibus. E. g. Si videamus aliquem
triangulum esse ex tribus lineis constitutum, volumus videre aliū,
ut inte'gamus, numquid eodem modo sit & ille constitutus,
& item aliū, & rursus aliū: quos ubi vidimus, colligimus
hoc principium, *Triangulum esse figuram tribus lineis constan-*
tem. Antequam autem id facere possemus, experti sumus
in multis ita esse, quod nobis ante nondum erat perspicuum.
At non cum in finem assuescimus aliquibus, ut addiscamus illa,
quæ nobis ante non erant perspicua, sed ut fiant in nobis, vel
ut facilius ea agamus. E. g. si aliquis assuescat comedere hel-
leborum, non id eo facit consilio, ut discat helleborum repu-
gnare naturæ nostræ (hoc enim ipsi erat perspicuum) sed ut
paulatim comedendo, non patiatur ab illo, cum comederit,
quantum sibi fuerit visum. Vide Sect. 28. problematum
probl. 1.

V. Verum cum Aristoteles in 1. Prior. cap. 30 expressè
dicat, quod *experientia* sit, *cujus rei principia tradere*: neq;
id in *Astrologiâ* solum obtinere, sed in *quavis alia scientiâ &*
arte, dubium non est, quod & Practicæ Philosophiæ principia
atq; ad eò & Politicæ, quæ in Ethicis traduntur, per experiēti-
am percipi existimārit. Et meritò quidem. Possunt enim
principia *Politica* duobus modis considerari, primò *in se* & ut
feruntur natura ipsorum: atq; hoc modo manifestantur & ipsa ex
sensu ac experiētiâ, perinde ut principia scientiarum reliqua-
rum. Deinde respectu habito *ad nos*, quatenus adhibemus
principiis istis fidem: & hoc modo dicuntur in nobis magnam
partem fieri *assuefactione*. Cujus quidem ratio hæc est, quia
licet

licet ista principia sensu percipiantur, tamen non ita clarè appa-
 rent omnibus, sicut principia disciplinarum Mathematicarum
 & aliarum facultatum : sed præparari nos prius ad percipienda
 ea oportet, tanquam agrum, qui semina sit recepturus. Hæc
 præparatio autem fit per assuefactionem ad virtutes. Quo re-
 spiciens Claudianus 4. Honori consulat : *Incorrupta*, inquit,
tenent pura sacraria mentis. Unde è contrario qui perperam
 assueti & vitii imbuti sunt, principia ista intelligere aut fidem
 illis habere non possunt. Nam vitium omne in actionibus
 & animi affectibus nimium aut parum est : nimium verò &
 parum mediocritatem corrumpunt. Mediocritas porro
 est id, cujus gratiâ. Hoc autem finis est atque eorum, quæ
 nos agimus, principium. Unde fluunt illa 6. Ethic. cap. 3 :
Corrupto autem intellectu voluptate aut dolore, principium
continuo non apparebit, nec huius gratiâ oportet expeti ac geri
hæc omnia ; vitiositas enim principii corruptrix est. Confer
 ejusdem libri caput 13. Fluunt etiam hinc ista ex 1. Ethic. c. 1 :
Moribus benè instructum esse oportet, qui de honestis & justis,
ac deniq; de omni re civili est convenienter auditurus. Jam
 autem qui talis est, qui, inquam, moribus benè instructus aut ho-
 nestis actionibus assuetus est, ille principia rerum agendarum
 non aliter cognoscit, quàm per experientiam & sensum. Qui
 enim assuescit actionibus honestis, quò virtutes sibi morales
 acquirat, idem agit sapius : qui agit idem sapius, actionem
 eandem sæpe sentit, (est enim actio motus, qui sensum movet :)
 qui actionem eandem sæpe sentit, etiam sæpe actionem ean-
 dem memoriæ commendat : qui sæpe eandem actionem me-
 moriæ tradit eamq; tenet, ejusdem actionis experientiam capit.
 Deniq; ex ejusdem actionis humanæ experientiâ mente con-
 cipitur universalis actio, quæ principium est & rerum sub actio-
 nem cadentium, cum sit finis, cujus gratiâ res aguntur, juxta
 illud

illud 6. Ethic. c. 3. Αἱ μὲν γὰρ ἀρχαὶ τῶν πρακτικῶν, τὸ δ' ἐνεκα τὰ πρακτικῶν,
Principium rerum agendarum est id, cuius gratia sunt res sub
actionem cadentes: & una etiam rationum illarum, quibus ci-
vilis utitur facultas. Non alio modo istæ propositiones, qui-
bis dicuntur, Cupiditates crescere, si obsequaris; si adver-
seris, minui: item actionem secundum virtutem perfectam
sequi voluptatem, & similes percipiuntur. Non tamen præcisè
ad dijudicationem eorum omnium, quæ ad Philosophiam
Practicam pertinent, consuetudine opus est. Non enim ne-
cesse est ea cuncta in nobismet ipsis experiri, sed sufficit inter-
dum, si ea observaverimus in aliis esse vera. Veluti, quod belli
eventus sit dubius, quod pereant spe sublatâ conatus, quod spes
vana animos excruciet, quod regum familiaritas sit periculosa,
quod regna occupentur facilius, quàm retineantur. Quis e-
nim his fidem non haberet, etiamsi ea vera esse non deprehen-
derit in semetipso? Ast etiam hoc ipso consuetudo ab experi-
entiâ est distincta, quod per experientiam ea quoq; addiscantur,
quæ extra nos, sive in aliis, sunt: consuetudine autem sive asse-
factione nihil quicquam acquiri potest, nisi in quo quispiam ex-
ercuerit se ipsum. Veluti consuetudine Milo tandem id asse-
cutus est, ut bovem vivum in altissimum tulerit montem, quâ
de causâ & Juvenali Satyrâ 10. admirandus dicitur lacertis: ac
non fuisset hoc consecutus, etiamsi vel mille alios tale quid
facere vidisset, nisi ipsemet se eâ in re per gradus pedetentim e-
undo exercuisset. Unde Aspasius ad lib. 2. Ethic: Τὸ μὲν ἔχει τὴν
παραμάσθιον ταῖς γὰρ οἰκείαις ἐνεργείαις καὶ διὰ τούτων ἔχει τὴν ἕξιν περιγυνο-
μένην. ἡ δ' ἐμπειρία ἀποτρίβων ἐνεργειῶν ἐστὶ τήρησις. καὶ ἐκ τούτων παραλαμ-
βάντων ὁ μαθητὴς συλλογίζεται, Consuetudo habet aliquid discre-
pans ab experientiâ. Propriis enim constat actionibus: & per
has obtinet habitum supervenientem. Experientia autem ob-
servatio est alienarum operationum & ex his sumptis discens

Cccc

ratio

rationatur. Manifestum ergo est, quod & eorum, quæ ad Philosophiam Practicam spectant, ^{κρηττερον} sit sensus. Nititur enim eo experientia, quâ, sicuti & in 10. Ethic. dicitur, opus est omnibus, qui in rebus civilibus intelligentes haberi volunt, adeo ut & Polybius hinc lib. 1. historiam non male vocarit ^{ἐλλογισμένην παιδείαν καὶ γυμνασίαν πρὸς τὰς πολιτικὰς πράξεις}, *verisimam institutionem atq; exercitationem ad res civiles.*

VI. Non minus vero idem etiam de disciplinis *effectivis* five scientiis istis, quæ sunt de artibus, dici oportet. Unde enim principia Medicinæ, Musicæ, Gymnasticæ & reliquarum artium omnium nobis innotescunt, nisi per experientiam, quæ sensu fundatur? Quod tantò minus mirum videri debet, quia artes omnes circa id, quod utile est, sunt occupatæ. Ex quo & Luciano in Parasito ars definitur ^{ὁ ὅτιμα ἐκ καταλήψεων ἐγγεγυμνασμένων πρὸς τὴν τέλην ἄχρηστον τῶν ἐν τῷ βίῳ}, *congeries præceptorum exercitarum tendens ad finem quendam utilem in vitâ.* At hoc utile esse ad obtinendum quid, non tam facillè patet, nisi experientia accedat. Unde & Eustratius rursum l.c. ^{ἐμπειρίᾳ γινώσκόμεν τὰ ὠφέλιμα}, *Per experientiam cognoscimus utilia.* Quod mox declarat exemplo medicamentorum & alimenterum. Ex eo enim, inquit, *quod sæpè experti sumus, alimentum hoc aut medicamentum esse utile credimus, aut perniciosum.* Ita quod agrarium utile sit ad purgandum phlegma, & rhabbarum ad purgandam choleram, id in nostram haud aliter pervenit notitiam, nisi per experientiam, quæ colligit multa, ut inde inferatur universalis propositio, quæ principium postea fiat in Medica scientiâ. Ob quam causam & Plato in Gorgiâ: Πολλὰ, inquit, τέχνην ἐν ἀνθρώποις εἶσιν ἐκ τῶν ἐμπειριῶν ἐμπειρώς εὐρημέναι, *Multa artes insunt hominibus experientiâ peritè adinventæ.* Et Manilius lib. 1. Astron. v. 61: *Per varios usus artem experientia fecit, Exemplo monstrante viam.*

VII. Meritò ergò Scholiasies Isthmiorum Pindari Od. 1.
 Alcmanis scribit: Πῆρα τοι μαθήσιος ἀρχή, *Experientia principium est doctrina.* Et Galenus lib. 1. de simpl. medicam. facult. cap. ult: ἡ πῆρα μόνη κριτήριον πάντων ἐστὶ βεβαίωτατον, ὡς ὅσαι ταύτην καταλιπόντες ἐτέρωθεν ἐπιχειροῦσιν, ἢ ψεύδονται μόνον, ἀλλὰ καὶ τὸ χρήσιμον ἀνατρέψουσι τῆς πραγματείας. *Certissima omnium judicatrix sola experientia, quam qui relinquunt, atq; aliunde ratiocinantur, non solum falsa pro veris adducunt, sed etiam tractationis utilitatem subvertunt.* Sed & spectant huc Oppiani ista ex 1. de piscat. v. 219: Διὲ γὰρ ἀπειρήτων νόθ' ἀνδρῶν Δύσμαχος, ὃδὲ θέλωσι καὶ ἀτρεκέεσσι πῖθεσθαι, *Semper inexperitorum mens virorum expugnatu difficilis, neq; volunt etiam veris fidem adhibere.* Jam autem experientia, ut aliquoties dictum, omnesuum robur accipit à sensu. Ex quo & Clemens Alexandrinus hunc lib. 2. Stromatum rectè vocat ἐπιβάτην τῆς ἐπιστήμης, metaphorā desumptā à ponte, qui machinis admovetur ad muros urbium scandendos, nisi fortè ὑποβάτην legendum sit, quod fulcrum & sustentaculū, vel etiam fundamentū designat. Et Galenus rursus lib. 9. de decretis Hippocratis & Platonis frustra quempiam scribit arti aut scientiæ ulli operam dare, qui sensuum judicium in dubium vocat: *Natura*, inquit, nobis utraq; hac largita est & ipsa iudicia, κρίσεις, & fidem, quam si ne ullā disciplinā iudicii adhibemus. *Iudicia sunt instrumenta ipsa sensuum, quæq; instrumentis utuntur facultates, fides & persuasio, quæ sine ullā doctrinā, naturā duce, non tam hominibus, quàm omnibus aliis animalibus inest.* Nam cum accedentem aliquem viderint, aut strepitum vocemq; audierint, confestim, si majus est id animal, quod accedere conspexerunt, aufugiunt, quieta verò permanent, si minus imbecilliusq; senserint adven-
 tare. Et statim subdit: Εἰ μὲν γὰρ ἀπίσται τις τοῖς δι' αἰσθήσεως ἢ νοήσεως ἐναργῶς φαινόμενός, ὃδ' ἐπιχειροῦν χρή συσάσει τέχνης ὃδὲ μῖσος, *Si quis*

igitur non creditur, quæ per sensum & intellectum evidenter patent, vanum erit constitutioni alicujus artis operam navare.

VIII. Ex quibus etiam simul patet, verissimum esse illud, quod suprà jam lib. 1. cap. XI n. 31. fuit adductum, nempe nihil esse in intellectu, quod non antè fuerit suo quodam modo in sensu. Dico suo modo. Non enim similiter omnia sensui subjacent, sed quædam *per se primò*, ut accidentia sensibilia, calor, frigus, humiditas, siccitas; color item, sonus &c. Quædam autem *per partes*, quomodo, visâ facie alicujus per fenestram, totum hominem nos vidisse dicimus, utut non secundum totum. Alia porrò *per effectus*, ut Deus, anima. Alia *per opposita*, quomodo silentium dijudicatur auditu, & caligo visu. Alia rursus *per fundamentum*, ut universalia per singularia, quæ veluti basis sunt universalis sustinens. Alia deniq; *per aliquid simile*, sive *simpliciter*, sive κατ' ἀναλογίαν, quomodo ultimum cælum superficiem concavam & convexam habere innotescit per similitudinem aliorum orbium; item fulguratio- nem & tonitru eodem fieri momento ex eo apparet, quod visum anticipare auditu nimis obvium sit in ictibus coram obviis & paulò distantibus. Fit quoq; hinc, ut cum judicium sensuum corrigendum est per rationem, ideò quod aliquod requisitum ad perfectum sensus judicium desit, hæc ipsa correctio facienda sit juxta quidpiam eorum, quæ per sensus sunt manifesta. Nam ut Galenus quoq; advertit lib. An sanguis in arteriis naturâ contineatur, καὶ τὰς αἰσθήσεις διὰ πολλὰ τῶν αἰσθητῶν καταφεύγει, κατὰ τὰς πολλὰς αἰτίας, & sensibiliū multa multis de causis sensum effugiunt. Veluti in ipso corpore humano multa sunt, quæ sensibus non usq; adeò sunt obvia, vel propter confusionem, ut vasa in cerebro, quæ oriuntur ex venâ cavâ & arteriâ magnâ cum substantiâ duræ matris membranosa: vel propter exilitatem, ut hîc eveniat, quod in pretiosis quibusdam operibus eve-
nire

nire solet, quæ è multis variisq; filis ita contextuntur, ut ne ipse quidem artifex vel retexerit ea, vel filiorum ductum satis ostenderit. Nam, ut iterum Galenus lib. 16. de usu partium c. 12, *ἡ σμικρότης τῶν ἀγγείων ἔκ' εὐφράτος, εἰ μὴ πανύ τε προσέχοις τὸν νῦν, τριβὼν τε ἥς ἀνατομῶν*, *Vasorum exiguitas non facile deprehenditur, ni mentem admodum intendas, in dissectionibusq; sis versatus.* Cum ergo fit, ut siue propter exiguitatem, siue propter alias causas sensum quid fugiat, est quidem illud ad tribunal rationis deferendum, sed hæc ita judicare debet, ut non evertat ea, quæ per se & primò sentiuntur, seu ita sunt comparata, ut sensuum iudicium nullo pacto eludant. Ita quamvis sensuum iudicio non pateat, nervos esse ex corde, ratione tamen id facillè colligitur, & quidem sensu ferruminatâ. Cum enim opera, quæ beneficio nervorum obeuntur, procul dubio fiant mediante calore nativo, cuius sedem in corde esse etiam ad sensus patet, necessarium utiq; est, ut ex corde via sit in nervos: esse autem alia non potest, quàm per venas & arterias, cum quibus proinde nexu continuo nervi cohæreant oportet. Denique hinc etiam fit, ut in iis, quæ sensibus minus patent, non tam accuratas atq; in aliis liceat afferre demonstrationes, sed κατὰ λόγον satis demonstratum esse existimandum sit, si ad id, quod fieri potest, propositum sit revocatum. Unde & 2. de Cœlo c. 12. Philosophus excusat ignorantiam verarum causarum in questionibus de *numero & motu* stellarum, propter *distantiam*, quod sensibus percipi non possint. Et 1. Part. 3. eandem ob causam de rebus quoq; *divinis* pauca sciri posse scribit, quod scil. illæ *longius* à nobis absint, sic ut sensibus percipi nequeant. Rursus & in 1. Meteor. 7. causam exponens, cur de *cometis* exquisitas demonstrationes adduci nequeant, ait, ideò id fieri non posse, quod talia sint ἀπὸ τῆ αἰσθήσεως, hoc est, *non pateant sensibus.* In talibus autem sufficere dicit, si singula eis τὸ δυνατόν

reducatur. καθόλου εἰπεῖν, scribit Olympiodorus in Comm. ad h. l. ἐπὶ πάντων, ἐφ' ὧν ἐστὶν ἡ γένεσις ἀφανὴς ἢ διδασκ. γίνεται αὐτῶν ὀπηνίκα ὑποθέσεις τινὰς λαμβάνωμεν, αἷς ἔδεν ἀδύνατον ἔπειτα, *Universaliter dicendo in omnibus, in quibus generatio haud manifesta est, doctrina non alius locus est, quàm ut hypotheses ejusmodi accipiantur, quæ non habeant consequens aliquod impossibile. Eodem spectat & illud Ptolemæi monitum, cum non possimus ubiq. demonstrationes exquisitas habere, non esse etiam probabilia fastidienda, dummodò hæc comprobata sint eruditorum observatione & consentanea artibus, sed fruendum esse iis atque operam dandam, ut diligentia nostrâ ea expoliamus. Tandem & hanc ob causam Philosophus multis de rebus ex professo disputare noluit, quod non haberet certa principia ex sensibus collecta, ex quibus judicari de iis posset, veluti de animâ mundi, de demonibus atq; id genus aliis.*

IX. Non necessarium interim ad scientiam est, ut quis ea omnia, quibus ad adeptionem ejus indiget, proprio Marte, sive per se, solus fuerit expertus. Id enim impossibile est, cum sæpè ad id, ut ritè constituentur alicujus scientiæ principia, multorum seculorum observatio necessaria sit. Unde Philosophus lib. 1. de Cælo c. 3. t. 22. ostendere volens, quod cælum sit incorruptibile: *Accidit, inquit, hoc per sensum sufficienter, quoad humanam dixisse fidem. In omni enim præterito tempore secundum traditam invicem memoriam nihil videtur transmutatum, neq. secundum totum ultimum cælum, neque secundum partem ejus propriam ullam. Videtur autem & ipsum nomen ab antiquis traditum esse usq. ad tempus præsens hoc modo existimantibus, quo & nos dicimus. In quem locum ita scribit Themistius: Poterit is sermo, nempe quod cælum haud sit obnoxium corruptioni, comprobari ac stabiliri per ea, quæ ad sensum apparent, si quis præteritum tempus, quodq. ex homi-*

hominum memoriâ firmiter tenemus, observaverit, custodieritq. Is enim nullam unquam in cælo, nec in supremâ aliquâ ejus parte, veluti in sphaerâ inerrantium stellarum, aut in quâvis aliâ illius parte, sicuti in errantibus stellis ac earum sphaeris mutationem factam conspiciet. Quandoquidem figura, motus, illarumq. mensura secundum magnitudinem uno atq. eodem modo se habet: nec non etiam eodem jure se habet, quicquid in stellis concipitur. Quinimò & ipsum cæli nomen, quod cæteris dignius est, quodq. eodem modo semper ad hæc usq. tempora traditum est, declarat veteres in eadem, quâ posteriores sunt, de cælo sententiâ fuisse. Veteres namq. cæleste corpus æthera nominarunt, quod semper eodem modo ad hoc usq. ævum traditum est. Cujus nominis appellatione continuum motum intelligebant. Vera enim sententia perpetuò inter homines circumferuntur. Sed & notabilis est alter ille ex Aristotele locus, qui occurrit lib. 2. de Cælo c. 12. t. 60. Ostendere illic nititur Philosophus, non omnes inferiores stellas paucioribus motibus moveri, quàm superiores, idq. initio confirmat exemplo Solis & Lunæ, quos accidet paucioribus moveri, quàm alios planetarum, qui longius à medio, à centro mundi, distant, & propinquiore sunt primo corpori. Manifestum, inquit, hoc de nonnullis etiam ipso viso fuit. Lunam enim vidimus dimidiâ parte lucidam, Martis stellam subisse, quæ celata quidem fuit in parte obscurâ, egressa autem per lucidam partem. Et hinc subdit: Similiter & de cæteris stellis Egyptii & Babylonii dicunt, qui plurimis jam annis antè hæc observarunt, & à quibus multa fide digna de singulis accepimus. Ulterius spectat huc & ille locus ex 1. Prior. c. 30. §. 3. ubi de Astronomiâ verba faciens, ait, inventa fuisse ejus principia, atq. demonstrationes ex his procedentes acceptis τοῖς παλαιότοις, id est, iis, quæ per sensus in cælo observata sunt, nō sanè ab uno, sed à pluribus.

ribus. Ex quo & Ptolemæus passim confirmans hujus disciplinæ principia non solum ad propria sua, sed & priscorum, qui ante ipsum, etiam longè ante vixerunt, provocat experimenta. In primis verò & notabilis est locus, qui apud eum extat lib. 1. Almagesti cap. 2. Postquam enim ea, de quibus agere in isto opere sibi proposuerat, ordine recensuisset, subiicit: *Ἐπεὶ δὲ τῶν περὶ αὐτὰ δεῖκναι, ἀρχαῖς μὲν καὶ ὡς περὶ θεμελίοις εἰς τὴν ἀνεύρεσιν χρῶμενοι, τοῖς ἀναγέει καὶ φαυνομένοις, καὶ ταῖς ἀδιδάκτοις τῶν τε παλαιῶν καὶ τῶν κατ' ἡμᾶς τῆρσεων, Singula verò horum conabimur demonstrare principiis & quasi fundamentis ad inventionem usuiis, qua evidentia sunt & apparent, ac indubitatè ita se habere comperta sunt partim priscorum, partim nostris observationibus.* Addit autem Philosophus loc. citat. eandem, quæ *Astronomia*, esse & reliquarum scientiarum rationem: *Similiter verò, inquit, se res habet in quavis alià arte & scientiâ.* Deniq; & Dioscorides in præf. lib. 1. de materiâ Medicâ non solum ex iis, quæ oculatâ fide cognoverat, sed & ex iis, quæ ab aliis concorditer observata fuerant, desumpsisse sua fatetur. *Μετὰ πλείους, inquit, ἀκριβείας τὰ μὲν πλείστα δι' αὐτοψίας γνόντες, τὰ δὲ ἐξ ἰσορίας συμφωνῶν τοῖς πᾶσι καὶ ἀνακρίσεως τῶν παρ' ἑκάστοις ἐπιχειρίων ἀκριβέστατες περὶ αὐτὰ καὶ τῇ τάξει διαφορῶν χρησάμενοι, καὶ τὰ γένη καὶ τὰς δυνάμεις ἑκάστη αὐτῶν ἀναγράφουσαι, Quoniam maximâ cum curâ diligentiq; accuratè plurima quidem ex oculari inspectione cognoverimus, alia verò partim ex concordi apud omnes historia, partim ex eorum indagatione, qua apud singulos essent domestica ac vernacula, perdidicerimus, dabimus operam, ut & diverso ab aliis utamur ordine & tum genera, tum viris uniuscujusq; medicamenti accuratè describamus.*

X. Atq; hinc & passim fides principium scientiæ laudatur à viris eruditis. Aristoteles sanè illam, si Theodoro credimus Serm. de fide, *κρηττότερον scientiæ* vocavit. Cui consentit Plutarchus lib. de oracul. defectu, quando *materiam Philosophiæ,*

phia, quæ nihil aliud est, quàm *scientia veritatis*, teste Philo-
 sopho rursum lib. 2. Met. c. 1, historiam esse scribit. Sic namq;
 verba ejus sonant: ἱστορία οἷον ὅλη ἐστὶ φιλοσοφία, θεολογίαν τέλος ἔχουσα,
Historia est veluti materia Philosophia, cui Theologia finis est
præpositus. Nempe ut materia veluti basis & sustentaculum est
 formarū: ita & fulcrum ac basin Philosophiæ ille historiam esse
 arbitratur. Ad historiam autem non solum spectant, quæ unus-
 quisq; per se observavit, sed & quæ observata sunt ab aliis, præci-
 pue ante ætatem nostram, adeò ut hinc Cicero non dubitet hi-
 storiam definire *rem gestam ab ætatis nostræ memoriâ remotam*,
 lib. 1. de Inventione. Cui & Cornificius adstipulatur lib. 1.
 ad Herennium. Deniq; & Theodoretus eandem ob causam
 l. c. fides vocatur ὑποβάθρα τῆς ἐπιστήμης, *basis quadam sive ful-*
crum & sustentaculum scientiæ: item κρηπίς, quæ vox itidem
basin significat & *fundamentum*. Quod observavit etiam Sui-
 das, qui κρηπίδα θεμέλιον exponit. Et Hesychius κρηπίδα in Archite-
 ctonicâ dici ait τὸ ἐφ' ᾧ οἱ στυλοβάται, *id, supra quod columnarum*
pedes firmari sunt, sive fundati: ac inde κρηπίδας à Poëtis vo-
 cari τὰς καταρχὰς καὶ θεμελίους, *initia & fundamenta*. Intelli-
 gendum tamen id non de quâvis fide, sed *certâ & immotâ*, qua-
 lis est, quæ nititur experienciâ plurimorum uniformi. Quam-
 vis enim ea fides humana sit, est tamen ejusmodi, ut nemo sa-
 nus eam in dubium vocare queat. Unde nemo dubitat esse
 Romam, esse Constantinopolin, esse Jerosolymam urbem,
 etiam si non omnes, imò paucissimi, eas oculis suis usurparint.
 Fieri enim non potest, ut tot homines, qui eas oculis suis lustra-
 runt, in re tam evidenti decipiantur. Ex eadem causâ nec am-
 bigit quisquam mundum jam extitisse ante omnes, quotquot
 hodiè in ipso vivunt, homines. *Conditam Romam*, ait Augusti-
 nus lib. 13. de Trinit. c. 1, *tam certum habeo in rebus huma-*
nis, quàm Constantinopolin, cum Romam viderim oculis meis,

de illâ verò nihil noverim, nisi quod aliis testibus credidi. Et lib. 15. cap. 12: Absit, ut scire nos negemus, quæ testimonio didicimus aliorum, alioquin esse. Nescimus Oceanum, nescimus esse terras atq; urbes, quæ celeberrima fama commendat. Nescimus, fuisse homines & opera eorum, quæ historicâ lectione didicimus. Nescimus, quæ quotidie undecunque nuntiantur & indiciis consonis contestantibusque firmanur. Postremò nescimus, in quibus locis, vel ex quibus hominibus simus exorti, quia hæc omnia testimonio credidimus aliorum. Quod si absurdissimum est dicere, non solum nostrorum, verum & alienorum corporum sensus plurimum addidisse nostræ scientiæ confitendum est. Caterùm habet etiam hæc fides vim omnem ex sensu. Idè enim decipi non possumus fidem habentes eis, qui ex propriâ experienciâ eadem per omnia loquuntur, ut locis dissitis vixerint, neque literarum ullum aut simile aliud commercium habuerint unquam, quod sensus, si cætera sint paria, non magis alios, quàm nos fallere queant, ut adèd sensui etiam in istis iudicandi maneat prærogativa.

XI. Porro cum experientia plurium, undiqueque sibi respondente, non parum affinitatis habet consensus omnium populorum, etiam in ejusmodi rebus, quæ alioqui sensibus non patefcunt. Tanquam enim ἐμπειρίας, ex experientiâ, dictum esse putatur, quod omnes aut pleriq; arbitrantur, ut testatur etiam Aristoteles lib. de divinatione per somnum c. 1. Ex quo meritò magni etiam in scientiis fit, quod taliter est comparatum. Licet enim fortè illud non perfectam scientiam suppeditet, opinionem tamen saltè tam firmam progignit, quæ non procul sit à scientiâ remota. Κράτιστον enim πάντας ἀνθρώπους φαίνεσθαι συναμολογῆντας τοῖς ῥηθησομένοις, prout idem Philosophus scribit lib. 1. Eud. c. 6, potentissimè probatio est, si in
id,

id, quod dicimus, consentiant omnes. Cui ad stipulatus fuit & Heraclitus dicens: τὰ κοινῇ φαινόμενα πιστά, *Qua communiter ita videntur, fide digna sunt.* His enim & ipse λόγον τὸν ξυγόν optimum indicare voluit esse κριτήριον veritatis. Sed & Senecæ ista huc pertinent ex Epist. 117: *Multum dare solemus presumptioni omnium hominum. Apud nos veritatis argumentum est, aliquid omnibus videri: nec ulla gens usquam est adeo extra leges moresque projecta, ut non aliquos Deos credat. Cum de animarum aeternitate differimus, non leve momentum apud nos habet consensus hominum, aut timentium inferos, aut colentium.* Porro & Alexander Aphrodisæus lib. de fato c. 2: ὃ καὶ τὸν ὅσον τέλει ὅς ἐστι κοινὴ τῶν ἀνθρώπων φύσις, καθ' ἣν περί τινων ὁμοδοξοῦσιν ἄλλήλοις, *Non vana res est, neque à vero aberrans, communis hominum natura, quotiescunque de quibusdam rebus inter se consentiunt omnes.* Deniq; & Quintilianus: Pro certis, inquit, habemus ea, in qua communi opinione consensus est. Accipiendum autem hoc est de iis, quæ firmata sunt communi consensu hominum, non qualiumcunq; sed eorum, qui secundum naturam sunt affecti. Nam, ut bene monet Porphyrius, τινὰ τῶν ἐθνῶν ἐξηγίωται, ἐξ ὧν ὃ προσήκει τῆς εὐγνώμονας τῆς ἀνθρωπίνης κατὰ φύσιν φύσεως, *quædam nationes efferrate sunt & inhumana facta, ex quibus non oportet ab aquis iudiciis æstimatione facta convitiū fieri humana natura.* Cui congruit & illud rursus Aristotelis ex lib. 1. Polit. c. 5: Δὲ σκοπεῖν ἐν τοῖς κατὰ φύσιν ἔχουσιν μᾶλλον τὸ φύσει καὶ μὴ ἐν τοῖς διεφθαρμένοις, *Quid naturale sit, spectandū in his, quæ bene secundum naturā se habent, non in depravatis.* Deniq; & Andronicus Rhodius in 5. Eth: Παρ' ἀνθρώποις, αἱ, τοῖς τε ὀρθῶς καὶ ὀρθῶς ἔχουσιν, ἐπὶ δίκαιον ἀκίνητον, ὃ φυσικὸν λέγεται, εἰ δὲ τοῖς νοσῶσι τὰς φρένας καὶ διεστραμμένοις, ὃ δοκεῖ δίκαιον, ὃ δὲ διαφέρει. Ἐπεὶ γὰρ ὁ λέγων τὸ μέλι γλυκὺ εἶναι ψεύδεται, διότι τοῖς νοσῶσιν ὃ τοῖς τε δοκεῖ, *Apud homines rectā sanāque men-*

re praelitos immutabile est jus illud, natura quod vocatur. Quod si his qui morbo distortoque sunt animo, secus videtur, id quidem nihil ad rem facit. Nec enim, qui mel dulce esse dicit, mentitur ideo, quod agris aliter videatur.

XII. Cæterum quæ hæcenus de criteriis scientiarum diximus, intelligenda sunt de iis scientiis, quæ ex lumine naturæ hauriuntur, aliter verò judicandum est de scientiâ, occupatâ in iis, quæ sunt supra harum sortem evecta, de Theologiâ, inquam, revelatâ. Agnoverunt enim vel ipsi Philosophi, lumen naturæ nobis haud posse suppeditare ea omnia, quæ ad sufficientem ipsius primi entis, Dei, cognitionem sive perfectam ejus scientiam requiruntur: quemadmodum nec ea, quæ ipse à nobis exigit, ut cultum ipsi placentem ritè exhibeamus, ac felicitate omnibus numeris absolutâ potiamur; sed ad utrumq; horum plenè percipiendum nos superiori aliquo lumine, nempe ipsâ divinâ revelatione indigere. Inde enim Orpheus apud Justinum in cohortatione ad Græcos de Deo loquens:

Αὐτὸν δ' ἔχ' ὁραῖα. περὶ γὰρ νέφος ἐσθίρεται.

Πᾶσιν γὰρ θνητοῖς θνητῶν κόρου εἶσιν ἐν ὅσσοις.

Αδελφεὺς δ' ἰδεῖν Δία τῶν πάντων μετέοντα,

Hunc ego non video: nubes quia densa resistit:

Namque homini cuius acies obtusa videndi

Atque Deum mundi rectorem cernere non est.

Et Pythagoras apud Iamblichium in vitâ ejus cap. 28: οἷς τυγχάνει ὁ θεὸς χαίρων ἐβλάδιον εἰδέναι, αἶν μὴ τις ἡ θεὸς ἀκηκοῖτο, ἢ θεὸς ἀκροῖ, ἢ διὰ τέχνης βέλαις προέβηται. διὸ καὶ περὶ τὴν μαθητικὴν σπουδάζουσι. μόνη γὰρ αὐτῇ ἐρμηνείᾳ τῆς περὶ τῶν θεῶν ἐρμηνείας ἐστὶ, *Quibus Deus delectetur scitu haud ita facile est, nisi quis Deum ipsum audientem, vel Deos audiverit, vel divinâ arte sibi scientiam paraverit. Ideoque in divinationibus sese exercent. Hac enim sola interpretatio benevolentia Deorum est.* Plato quoq; de rebus abstrusioribus verba faciens in Timæo; Τὸ ἀλλήλους, inquit, θεῶν συμφοσαντο,

τότε ἂν ἔγω μόνως διαχυροζόμεθα, *Quod reverà ita sit, tum demum
 asseremus, si divinum aliquod oraculum id confirmaret.* Et
 in Epinomide de cultu DEI differens: Οὐδ' ὅν δυνατόν εἶδέναι τῇ
 θνητῇ φύσει τῶν τοιούτων περὶ, *Non potest mortalis natura certi quic-
 quam de his cognoscere.* Et rursus: *Majorem religione & pie-
 tate ullam in humano genere virtutem reperiri nemo nobis
 persuaserit.* Αὐτὸν γὰρ εἰν διδάσκειν τις, εἰ μὴ θεὸς ὑφηγοῖτο, *Sed non
 docuerit eam quisquam, nisi DEO duce.* Uterius in Gorgiâ, post-
 quā non pauca protulisset de iis, qui apud *inferos* puniuntur, sub-
 dit: *Hæc sunt illa, Callicles, quæ mihi audiui solo accepta, cre-
 do equidem verissima esse.* In Phædone quoq; distingvit inter
 λόγους ἀνθρώπινους καὶ θεῖους, quibus indigeamus ea, quæ magis oc-
 culta sunt, indagaturi. Quā in re & discipulum suum, Aristotē-
 telem, habet consentientem. Nam & ipse lib. 1. de Cœlo
 c. 3. distingvit inter τὸ θεῖον & id, quod ad ἀνθρώπινην πῖσιν spectat.
 Et lib. 2. c. 5. t. 34: *Videndum est, inquit, quo pacto quis se ha-
 beat in credendo, utrum humano more, ἀνθρώπινως, an validius,
 κατ' ἐξουσίαν.* Uterius de beatitudine disputans lib. 1. Ethic. c. 10,
 unde illa comparetur: *Si quod donum, ait, hominibus est à Deo
 datum, rationi consentaneum est, felicitatem esse θεοῦ δοτόν, di-
 vinitus datam. Verum id decernere fortè alterius est οὐκ ἐφ' ἡμῶν.*
 Cujus verò hoc? Eustratius in Comm. dicit de eâ re certi quid
 determinare, esse τῶν περὶ προνοίας λόγων οἰκειότερον, καὶ θεολογικῆς θεωρίας
 ἐχόμενον, i. e. pertinere magis ad disputationes de providentiâ,
 esseque *Theologica contemplationis.* Jam hæc de re actum ab Ari-
 stotele non est in Philosophiâ primâ, quam ipse et aliâs *Theo-
 logiâ* vocat lib. 6. Met. c. 1. Aliam ergò hæc indigetavit scientiâ,
 quæ superiori niteretur principio, ac Theologia naturalis, quæ est
 ipsa Theologia revelata. Ex quo & lib. 1. Eud. c. 1. in dubio reli-
 quit, *num felicitas divino quodā afflatu nobis adveniat, tanquā
 sitinus οὐρανίου λόγου, divino Numine acti.* Verum nec prætere-

undus est locus ille, qui occurrit 2. Eud. 8, ubi laudat illud Philolai, *quasdam rationes nobis esse potentiores*. Sed nec ille ex 3. Met. 4, ubi Hesiodum aliosq; veteres Theologos ὑπὲρ ἡμᾶς, super nostras vires, dixisse scribit, hoc est, talia protulisse, quæ naturaliter nos haud cognoscere valeamus. Deniq; & 12. Met. 8. colligens *numerum substantiarum separatarum*: Tot, inquit, *rationabiliter arbitrandum est esse*. Quod autem *necessarium est*, τοῖς ἰσχυροτέροις, *potentioribus relinquendum est*, id est, iis, quibus rationes plus quam humanas, ex revelatione divinâ depromptas, adducere est in promptu.

XIII. Jam autem quæ ex revelatione innotescunt, non possunt aliter quàm fide apprehendi, & quidem non humanâ, sed divinâ, quæ nititur auctoritate DEI revelantis, qui, cum ipsa veritas sit, fieri nullo pacto potest, ut eludat homines, quomodo cunq; se illis patefacit, quemadmodum & Plato lib. 2. de Republ. de eo scribit: Ἀπλὴν ὁ θεὸς καὶ ἀληθῆς, ἐν τῇ ἐργῳ, καὶ ἐν τῷ λόγῳ, καὶ ὅτε αὐτὸς μελίσσεται, ὅτε ἄλλως ἐξαπατᾷ. ὅτε κατὰ φαντασίαν, ὅτε κατὰ λόγον, ὅτε κατὰ σημείων πομπάς, ὅδ' ὕπαρ, ὅδ' ὄναρ, *Simplex omninò cum DEVS sit ac verax tam dictis, quàm factis, neque mutatur ipse, neque alios decipit, neque pervisiones, neq; per sermones, neq; signa immittens sive dormientibus, sive vigilantibus*. Atq; hinc & Philosophi passim ab eo, qui res divinas plenè cognoscere volunt, fidem requirunt, Deo habendam, aut iis, per quos ille fuit locutus. *Has intelligenti tibi, ait Mercurius Trismegistus in Pimandro capite 9. in fine, vera apparebunt, ignorantem autem incredibilia*. Το γὰρ νοῆσαι ἐστὶ τὸ πισδεύειν. τὸ ἀπιστεῖν δὲ τὸ μὴ νοῆσαι, *Intelligere namq; credere est: non credere autem non intelligere*. Sermo enim meus ad veritatem usq; pervenit. Mens autem magna & à sermone quadantenus deducta ad veritatem usq; pervenire debet: omnia autem animo volvens & iis, quæ à sermone interpretata sunt,

sonsona

consona reperiens credidit, & pulchra fidei acquievit, τῇ καλῇ
πίσει ἐπαλεπαύσατο. Pariter & de Pythagorâ Iamblichius lib.
de vitâ ejus c. 28: υπῆρχε δε, inquit, αὐτῷ ἀπὸ τῆς εὐσιβείας καὶ ἡ περὶ
τῶν θεῶν πίστις, παρήγγελλε γάρ αὐτῷ περὶ θεῶν μηδὲν θαυμαστὸν ἀπιστεῖν, μηδὲ
περὶ θεῶν δογμάτων, ὥς πάντα τῶν θεῶν δυναμένων, καὶ τὰ θεῶν δὲ δόγματα
λέγειν, οἷς χρὴ πιστεῦναι. Fuit ei etiam à pietate de Diis fides. Ad-
hortabatur enim semper, ut nullâ in re, qua de Diis admiran-
da esset, neq; de divinis dogmatibus ulli fidem denegarent, tan-
quam Di omnia possint eaq; in suâ potestate habeant & divina
dogmata tradere, quibus fides sit adhibenda. Sed & in Sym-
 bolis ejus idem Iamblichius in Protreptico cap. 21. memorat
 fuisse illud: *Περὶ θεῶν μηδὲν θαυμαστὸν ἀπιστεῖν, μηδὲ περὶ θεῶν δογμάτων,*
De Diis & divinis oraculis nulli eorum, qua sunt admirabilia,
fidem derogato. Porro & Plato in Timæo in eandem senten-
 tiam scribit: *Ἀδύνατον θεῶν παίσιν ἀπιστεῖν, καὶ περ ἀνευ τε εἰκότων, καὶ*
ἀναγκῶν ἀποδείξεων λέγεσθαι, Absurdum est Deorum filijs, id est,
divino numine actis, sive, per quos DEUS loquitur, non cre-
dere, etiamsi absq; verisimilibus & necessariis demonstrationi-
bus dicant. Deniq; & Proclus lib. 1. in Theolog. Platonis c. 25:
ὥς μὲν τὸ ὅλον εἶπειν, τῶν θεῶν πίστις ἐστὶν ἡ πρὸς τὸ ἀγαθὸν ἀρρήτως ἐνίστα
τὰ θεῶν γένη σύμπαντα, καὶ δαιμόνων, καὶ ψυχῶν τὰς εὐγαίμονας. Δεῖ
γὰρ ὁ γνωσκὼς, ὅδε ἀτελὲς τὸ ἀγαθὸν ἐπιζητεῖν, ἀλλ' ἐπὶ δὲ ὄντας ἑαυτὰς τῷ θεῷ
φωτὶ, καὶ μυσταίτας, ὅπως ἐκιδρύεσθαι τῇ ἀγνώστῳ, καὶ κρυφίῳ τῶν ὄντων
ἐν αὐτῷ. τὸ γὰρ τοῦτο τῆς πίστεως γένος, πρεσβύτερόν ἐστι τῆς γνωσκτικῆς ἐπεργείας.
Ut rem totam paucis expediam, ipsa est Deorum fides, qua in-
effabiliter & arcano quodam modo cum ipso bono conjungit &
unnt & universa Deorum & demonum genera & beatas ani-
mas. Non oportet enim vel scienter, vel imperfectè bonum
inquirere, sed nos ipsos contemplari in divini luce & clausis o-
culis, & ita demum in ignotâ & occultâ ipsorum entium uni-
tate collocari. Hoc enim fidei genus antiquius est actione ipsâ
 habente cognitionem. Fides itaq; revelatione divinâ nixa, in ta-
 libus κρείττονον est, ad quod ista sunt exigenda. Unde & Esaia 7, 9.
 juxta

juxta versionem LXX. Interpretum dicitur : *Nisi credideritis, non intelligetis.* Quò inter alios etiam Cyrillus Hierosolymitanus Catechesi 5. respiciens fidem vocat *oculum*, *ὀφθαλμὸς ἐμπροσθεν*, *intelligentiam efficientem.* Et Hieronymus contra Luciferianos cap. 5 : *Ridicula*, ait, *penitus assertio, ante de fide quenquam disputare, quàm credere.* Ad extremum etiam Augustinus Epist. 3. ad Volusianum *intellectui fidem* scribit *viam aperire.* Et Cyrillus Alexandrinus lib. 7. contra Julianum fidem vocat *principium intelligendi.* Sed hæc de re alibi fusius à nobis actum est, nempe in peculiari libro de discrimine inter fidem & cognitionem.

CAPUT XIII.

De Modo acquirendi scientiam Platonico, qui est per reminiscentiam.

I.

Qui sunt genuini ad scientiam perveniendi modi, hæcenus constituit nobis. Inde verò unà facile est intelligere, quid de modo acquirendi scientiam, quem Plato peculiariter introduxit, sit sentiendum. Nempe arbitratus est ille ab æterno ex divinâ mente per ideam animæ manasse animas omnes rationis compotes, quæ essent distinctæ illius ideæ participationes, certo numero definitæ, quarum prima sit anima mundi, quam excipiant aliæ, interque eas & illa, quæ ad homines spectat. Porro hanc ex divinâ mente prodiisse non imperfectam (quomodo enim tale quid à divina mente manaret ?) sed omni scientiâ decoratas, rationibus ei ab ipsâ divinâ mente ideis illius respondentibus insertis. Quod vel ex eo patere ait, quod externa accidentia, quæ sola sensibus usurpantur, nunquam ad substantiæ, internæque essentiæ cognitionem nos elevatura essent

essent, nisi in animâ nostrâ per rationes formæ rerum essent insertæ, eiq; familiares. Sed nec tam facîle per interrogationes in nobis excitaretur cognitio veritatis, nisi eâ ante imbutæ animæ fuissent. Testatur enim experientia, quod etiam pueri rectè interrogati, sæpissimè congruenter respondèant, etiam de iis, quæ nunquam didicerunt. Imò neq; adeò tenax esset hominis memoria, neq; tamdiu servaret anima rerum notiones, neq; eorum, quæ ante quinquaginta & plures annos didicit, recordaretur, nisi firmo aliquo & stabili interno fundamento scientiæ munitæ essent, firmisq; radicibus hærent. Quomodo enim tamdiu vel in spiritibus, vel in essentiâ animæ imagines, solum extrinsecus receptæ, servari possent? Ex his ergò concludit Plato ab æterno etiam animæ hominis fuisse insertas rationes rerum ideis respondentes, quas & non semel, sed iteratis vicibus in inferiorem hanc plagam missa cum apparentibus in his sensibilibus his contulerit simulacris. Approbasse enim & Platonem Pythagoream metempsychosin seu *translationem animæ ex uno corpore in aliud*, satis ex Phædone ejus apparet, ubi eam loco fundamenti ponit, cui animæ superstruat immortalitatem. Cæterum quoties anima corpori immittitur & propè flumen negligentia, hoc est, propè fluxum humorum collocatur, ex quo varia in eâ perturbationum genera consurgunt, toties fieri hinc putat, ut anima sui obliviscat, suaq; negligere occipiat, quasi dormiens & ebria, ex quo purgatione & excitatione opus habeat, ut reminiscatur rursus scientiæ jam antè adeptæ; perinde ut homo habitu præditus sed usu ejus ebrietate, somno & morbo privatus, cum ebrietatem discussit, aut ex somno evigilavit, vel sanitati rursus restitutus est, non novum habitum acquirit, sed eo, quo ante jam erat instructus, denuo uti incipit, adeò, ut ad hoc ipsum nullâ aliâ re indigeat, quàm remotione obstaculorum, quibus habitus ille veluti erat ob-

Eccc

ductus

ductus & obliteratus. Ut adeò juxta Platonem anima hominis, quando scientia rursum imbura apparet, similis fit *tabula rasa*, cui inscriptæ quidem jam antè erant literæ, sed quæ squalore obducta purgari necesse habet, ut literæ appareant in illâ. Excitari autem existimat animam hunc in modum. Primò mo vetur illa à sensibilibus externis, à quibus excitata ob scientiarum initia in se conservata incipit avidius scientiam desiderare. Quatamen nondum potitur, quamdiu in sensibilibus his, quæ nihil aliud sunt, quàm externæ rerum imagines & simulacra, in quibus non verum, sed verosimile solum refulget, hæret. Quando interim eas inter se per rationem confert atq; pro virili distingvit, aut si in aliquo convenient, in unum redigit, paulatim eousq; progreditur, ut per verosimile ad verum elevetur, donec tandem essentiam rei ab omni vel alienâ, vel contrariâ qualitate sejunctam attingat, in ratione & ideâ refulgentem, ex quo contactu tanquam ex reditu in propriam naturam intimâ latitiâ perfunditur, ut umbras omnes negligat & parvi pendat. Et tunc verè scit & cognoscit. Ex quo & fit, ut, cum attentius quid considerare volumus, animum à sensibus quasi abducamus & in intimos mentis convertamus recessus, ut, quæ ipsi inscripta sunt & penè obliterata, revideat & evolvat, atq; sic lumine ipsi insito incipiat radiare.

II. Hanc esse Platonis mentem ex diversis ejus locis constat. Sic enim ille in Menone seu Dialogo de virtute: *Cum animus inquit, immortalis sit, ac sæpius in hanc viam redierit, videritq; per sæpè & qua hæc, & qua in aliâ vitâ sunt, omniâq; perceperit, nihil utiq; restat, quin ipse de vicerit. Quamobrem nihil mirum est, si eorum, quæ ad virtutem & ad alia pertinent, reminisci possit: quippe cum illa cognoverit. Cum enim tota natura cognata sit, ac sibi met consona & animus cuncta didicerit, nihil prohibet hominem unius cujusdam reminiscentem, quod*
homines

homines vocant discere, reliqua omnia recuperare, si quis adeo constans sit, ut quarendo minimè fatigetur. Et mox concludit: τὸ γὰρ ζητεῖν ἄρα καὶ τὸ μανθάνειν ἀνέμνησις ὅλον ἐστίν, *Quarere igitur ac discere reminiscencia est.* Quod & mox inde probat, quia homo rectè per naturam affectus & rectè interrogatus solà interrogatione excitatus ex se veram promittentiam, quod declarat exemplo famuli, qui rectè interrogatus ex se venit in cognitionem hujus veritatis, ex diametro quadrati constitui quadratum duplum eo, cujus diameter erat. At id fieri non potuisse dicit, nisi animus cognitione hujus veritatis fuisset imbutus. Idem repetit & fusius pertractat etiam in Phædone siue Dialogo de Animâ. Advertit hæc etiam Cicero. Sic enim ille lib. i. Tuscul. Quæstionum: Habet animus primùm memoriam & eam infinitam rerum innumerabilium, quam quidem Plato recordationem esse vult superioris vitæ. nam in illo libro, qui inscribitur Menon, pusionem quendam Socrates interrogat quadam Geometrica de dimensione quadrati ad ea sic ille respondet, ut puer: & tamen ita faciles interrogationes sunt, ut gradatim respondens eò perveniat, quasi Geometrica didicisset, ex quo efficit vult Socrates, ut discere nihil aliud sit, quàm recordari, quem locum multò etiam accuratius explicat in eo sermone, quem habuit eo ipso die, quo excessit è vitâ: docet enim, quem vis, qui omnium rerum rudis esse videatur, bene interroganti respondentem, declarare, se non tum illa discere, sed reminiscendo recognoscere: nec verò fieri ullo modo posse, ut à pueris tot rerum, atq; tantarum insitas & quasi consignatas in animis notiones, quas ἐννοίας vocant, haberemus, nisi animus, antequam corpus intrasset, in rerum cognitione viguisset, cumq; nihil esset, ut omnibus locis à Platone differitur (nihil enim ille putat esse, quod oriatur & intereat, idq; solum esse, quod semper tale sit, qualem ideam appellat ille, nos specte)

non potuit animus hac, in corpore inclusus, agnoscere, cognita attulit, ex quo tam multarum rerum cognitionis admiratio tollitur: neque ea plane videt animus, cum tam repente in tam insolitum, tamque perturbatum domicilium immigravit, sed cum se collegit, atque recreavit, tum agnoscit ea reminiscendo. Ita nihil aliud est discere, nisi recordari. Sed & Plutarchi ista huc pertinent ex Quaestionibus Platonicis quaest. 1: Quam solam is (Socrates) existimabat sapientiam, & amatoriam appellabat, DEI & mente percipienda natura cognitionem esse iudicabat, eamque non gigni ab hominibus, non inveniri, sed in mentem revocari. Quapropter nihil docuit Socrates, sed principia dubitandi tanquam dolores, partum praecunes, adolescentibus suggerens, exsuscitavit atque unum confirmavit insitas notitias, idque artem obstetricandi appellavit, quae non (ut alii profitebantur) intelligentiam extrinsecus ingereret auditoribus, sed demonstraret eam in ipsis insitam, imperfectam tamen atque confusam, alumni egentem esse. Porro & Alcinoüs ex mente Platonis lib. de doctrina Platonis cap. 25: Disciplinam esse reminisceniam ita adstruimus. Neque enim aliter disciplina possit consistere, quam per recordationem eorum, quae quondam novimus. Nam si ex singulis universa intelligimus, quoniam pacto per singula, cum infinita sint, discurremus, aut ex paucis universa percipiemus? Deciperemur enim perinde, ac si iudicaremus, id solum animal esse, quod respirat. Vel quomodo rationem principiorum obtinebunt notiones ipsae? Reminiscendo igitur ex paucis quae animo concepimus, reliqua intelligimus: & à quibusdam sigillatim incidentibus ea recordamur, quae cognoveramus olim, quaeque oblivioni tum tradidimus, cum primum in corpora anima descenderunt. Denique & Maximus Tyrius Dissert. Philosophica 28: An disciplinam cum Platone ἀνάμνησιν, reminisceniam dicemus? Est vero talis reminiscen-
gal

quale illud, quod interdum oculo accidit, cui cum semper videri
 di adsit potentia, nonnunquam tamen caligo aut tenebra viam
 ipsam obsident, qua à contemplatione rerum oculum avertant.
 Accedit ergo ars, qua licet videndi illi non tribuat potentiam,
 impedimentum tamen tollit, liberumq; radiis egressum concedit.
 Puta animam nostram esse talem videndi potentiam, qua ea,
 quae sunt naturâ, perspicit & cognoscit. Huic communi cor-
 porum evenire calamitate, ut caligo effusa eripiat aspectum,
 aciem obtundat, propriumq; lumen extinguat. Accedere postea
 rationis acumen, qua tanquam Medicus scientiam illi quidem
 non confert, aut prabet novam, sed eam, quâ habet, licet tenuem
 admodum confusamq; ac vacillantem, erigit. Sicut ergo gra-
 vidis artem simul manumq; obstetricia admovent, fatum exci-
 pit, dolores mitigat, simulq; fatum jam maturum in lucem edu-
 cit, puerperamq; dolore liberat: eodem modo anima jam gra-
 vida, jam partui propinqua obstetricatur ratio. Ita tamen ut
 quam plurima vel obstetricum imperitia, vel dolorum vehe-
 mentia, vel ignavia abortiantur seminum: pauca contra ra-
 raq; ad finem suum perveniant anima. Finem dico perfectum
 ac plenum, quiq; à majoribus non degeneret suis. Ipsa autem
 animi conceptionem dicitur, partitudo sensus, partus ipse re-
 miniscentia. Sed & omnes anima naturâ pariunt, partitudi-
 nes sensu sustinent, pariunt ratione. Sicut igitur nihil sine
 semine, nec aliud à semine, ut homo ex homine, bos ex bove, olea
 ex oleâ, vites è vite, nascitur: sic etiam si veritatem intelligat
 animus, necesse est vera illa esse, quae animo insita sunt semina.
 Quod si sunt, etiam semper fuerunt: si semper fuerunt, im-
 mortalia sunt. Ut nihil aliud sit, quàm quadam, ut ita dicam,
 eorum, quae in animo sunt, efflorescentia seminum. scientia ac
 matura verè perfectio: quam contra ignorantiam dicunt, ni-
 hil aliud, quàm quidam quasi torpor eorum.

IV. Verùm quàm speciosa etiam sit hæc Platonis sententia, reverà tamen parum habet soliditatis, quin hypothefibus superflucta est oppidò falsis. Primò enim præsupponit, *animas ab aeterno definito quodam numero ex Deo manasse, perque varia corpora migrare.* Quorum utrumq; falsum est. Nam quoad *primum*, naturale utiq; est unicuiq; formæ, corpori, ad quod propender, uniri; cæteroqui compositum ex materiâ & formâ non secundum, sed præter naturam esset comparatum. Uode & Aristoteles 2. de An. t. 26: *Naturâ comparatum est, ut cuiusq; rei actus in eo insit, quod est potentiâ & in propriâ materiâ.* Jam autem prius tribuitur unicuiq;, quod illi convenit secundum naturam, quàm quod ei inest præter naturam. Quod enim præter naturam inest, per accidens inest; per se autem, quod inest secundum naturam. Convenit ergò & animæ prius unitam esse corpori, quàm esse à corpore avulsam. Et sanè, si ante corpus extitisset illa, condita non fuisset in statu naturæ suæ debito ac congruente. Cum enim propensionem habeat ad corpus, omnimodâ perfectione gaudere non potest, nisi sit corpori copulata, ex quo & cum in corpore est, naturale desiderium habet in eo permanendi. Accedit, quod potentiâ, utut in *diversis posterior sit actu, prior* tamen est in *eodem*, annotante etiam Aristotele 9. Met. 8. Quamvis enim semper ex eo, quod potentiâ est, id, quod actu est, fiat ab eo, quod est actu, ut homo ab homine, Musicus à Musico (sunt namq; hæc ab illis ceu à principio moventes: id vero, quod movet, jam actu est): una tamen eademque res prius quid potentiâ est, quàm actu. Veluti hic homo prius potentiâ homo est, quàm sit homo actu. *Enigur* enim, quod potentiâ homo est, prius est, quàm qui ex spermate isto homo sit. Jam autem *corpus est potentiâ*, quippe *materia*: *anima* autem est *actus corporis organici potentiâ vitam habentis*, 2. de Animâ 1. Sed & pertinet huc

huc, quod idem Philosophus docet lib. 12. Met. c. 3. Ait enim *causam* quidem *efficientem* *precedere effectum suum* : *formam non item*. Τὰ μὲν ἐκινῶντα αἰτία, inquit, ὡς προγεγενημένα ὄντα τὰ δὲ ὡς ὁ λόγος, αἰτία, *Causa moventes, tanquam ante orta existunt : quæ verò ut ratio simul sunt.* Cum enim, pergit, *sanus sit homo, tunc etiam sanitas est.* Et *forma aeneæ sphaera simul atque aeneæ sphaera.* At *anima forma est* sive τὸ τί ἦν εἶναι καὶ λόγος τοῦτοῦ σώματος, *quidditas & ratio corporis hujusmodi* 2. de Animâ t. 8 & 5. Unde & in 2. de Generat. Anim. 3. Philosophus *mentem* quidem ait *forinsecus accedere*, verum non addit eam extare ante nexum cum corpore. Non minus verò falsum est & *alterum* illud Platonis dogma, quo *animas per varia corpora migrare* statuebat. Sensit quidem ita & Pythagoras, teste Diogene Laëtio in Pythagorâ, Luciano item in Gallo & Plutarcho libro, an bruta ratione utantur, aliterq; , nec non Carneus Euxitheus auctore Athenæo lib. 4. Dipnosophistarum. Quin Jamblichius commune hoc fuisse dogma tradit primùm *Ægyptiorum*,; dehinc verò & *Græcorum*. Verum nullo pacto probari potest. Si enim eadem anima, quæ morientis fuit, rediret, recordaretur utiq; illa eorum, quæ fecit antè gessitq; in vitâ per. At : nec novâ indigeret cognitione, nisi fortè pro adipiscendis rebus novis & antè haud perceptis : neque tot esset exposita erroribus, utpote quæ per tot seculorum decursus tam intra, quàm extra corpora versata rerum naturas, tam longiori contemplatione, quàm experienciâ certiore perspectas haberet. Accedit, quod Plato scientiam illam, cujus oblivionem à corpore induci animæ putat, huic antè naturæ stylo impressam opinetur. Jam autem *naturalium scientia* (ut loquitur Tertullianus lib. de Animâ c. 24.) *ne in bestiis quidem deficit* : *Platonè oblivisceretur feritatus leo mansuetudinis eruditione prævenerim & cum tote suggestu jubarum delictum fiet Berenices alibi*

eius regina, lingua genus ejus emaculans (Vid. Ælianus lib. 5. Hist. anim. c. 39.): mores bestiam relinquent, scientia naturalium permanebit. Non obliviscetur idem naturalium pabulorum, naturalium remediorum, naturalium terrorum. Et si de piscibus, & si de placentis regina ei obtulerit, carnem desiderabit: & si languenti theriacam composuerit, simiam leo requireret, & si nullum illi venabulum obfirmabit gallum tamen formidabit. Sed & homini ipsi, omnium forsitan obliviosissimo inobliterata perseverabit scientia naturalium, ut memor semper manducandi in esurie & bibendi in site: & oculis videndum, & auribus audiendum, & naribus odorandum & ore gustandum, & manu contrectandum. Hi sunt certè sensus, quos Philosophia deprecatur intellectuum pralatione. Igitur si naturalis scientia sensualium permanet, quomodo intellectuum, qua potior habetur, intercudit? Unde nunc ipsa vis oblivionis antecedentis recollectionem?

V. Dicit quidem Plato oblivionem scientiæ animæ induci corporis contactu. Verum hæc eadem hypothesis est falsa. Quis enim crediderit, animam rem incorpoream, Deoque proximam, quin juxta Platonem æternam, à corpore extemporaneè facta non comprimi solum, sed & opprimi statim ac scientiâ tot seculorum curriculum obfirmatâ denudari? Solidum, inquit Lactantius lib. 7. divinarum instit. c. 12, comprehensibile corpus est, & oculis & manu videtur & tangitur: anima verò tenuis, & tactum visumq; fugiens. Corpus è terrâ fictum atque solidatum est; anima verò in se nihil concreti, nihil terreni ponderis habet, ut Plato differebat. Nec enim tantam posset habere solertiam, tantam vim, tantam celeritatem, nisi originem traheret è cælo. At quomodo cœlestis à terrestri, immortalis à mortali, invisibilis à visibili, forte ab infirmo, subtile à crasso, incorporeum à corporeo tam subitanæ sustine-

ret mutationem? Corpus, sunt verba Irenæi ex lib. 2. adversus
 hæreses cap. 61, organo simile est, anima autem obtinet artificis
 rationem. Quemadmodum itaq; artifex velociter quidem ope-
 rationem secundum se adinvenit, in organo autem illam tardius
 perficit, propter rei subjectæ immobilitatem. & illius mentis
 velocitas admixta tarditatis organi temperatam perficit ope-
 rationem: Sic & anima participans suo corpori modicum qui-
 dem impeditur, admixta velocitate ejus in corporis tarditate,
 non amittit autem in totum istas virtutes, sed ut ipsa vitam
 participans corpori vivere non cessat: sic & de reliquis ei com-
 municans, neque scientiam ipsorum perdit, neque memoriam
 inspectorum. Et quomodo animæ, terrenis corporibus involu-
 tæ, priorum reminiscentiā amitteret, cum in ipsis corporibus
 posita (ita disputat hæc de re Arnobius lib. 2. adversus gentes)
 & propè insensibiles eorum commixtione perfectæ, pertinaci-
 ter & fideliter teneant ea, quæ ante annos plures, si velis dicere
 vel octoginta, vel hoc amplius, vel fecerunt, vel passa sunt, vel
 loquuta sunt, vel audierunt? Si enim obstaculo perficitur cor-
 poris, ne meminerint eorum, quæ jam dudum & ante hominem
 sciebant, magis est, ut ea debeant oblivisci, quæ conclusa in
 corporibus factitarunt, quàm quæ foris posita, nondum homini-
 bus conjugata. Quod enim rebus ingressis priorum repetem-
 tiam detrahit, & intra se gesta irrecordabili debet obliteratione
 deperdere. Una enim causa res duas efficere, ac sibi con-
 trarias, non potest, ut aliorum memorias sopiat, alia patiatur
 actoris in recordationem venire. Quod si anima membrorum
 impediuntur obstaculo, quo minus artes suas antiquas remini-
 scentur: in corporibus ipsis quemadmodum constituta memi-
 nerunt & sciunt animas se esse, corporalem substantiam non
 habere, immortalitatis conditione maculatæ? quem teneant in
 rebus gradum? quo sint ordine à Deo Patre discretæ? ad infima

hac mundi quānam ratione pervenerint? quas ex quibus circulis qualitates, dum in hac loca labuntur, attraxerint? Quem admodum, inquam, sciunt doctissimas se fuisse, & obstructione corporum amisisse, qua noverant? Et hoc ipsum enim nescire debuerant, si aliquid eis labis corporalis invexisset adjunctio. Nam scire quid fueris, & quid hodie non sis, non est signum memoria perdita, sed comprobatio indiciumq. servata. Uterius quomodo omnes animæ omnia obliviscuntur ex æquo, cum tam multæ esse deberent oblivionū differentiæ, quot corporum? Magna, inquit Tertullianus lib. de Animā c. 24, & multa differentia corporum, pro gentilitate, pro magnitudine, pro habitudine, pro ætate, pro valetudine. Num ergo & oblivionum differentia aestimabuntur? Sed uniformis oblivio est, ergo non erit corporalitas multiformis in causā exitus uniformis. Multa item documenta, (ita pergit Tertullianus) teste ipso Platone, divinationem animæ, videlicet naturalem, quā aliquid auspiciamur ex innato genio, probaverunt. Sed nec quisquam hominum, non & ipse aliquando præ sagam animam suam sentit, aut ominis, aut periculi, aut gaudii augurem? Si divinationi non obstrepat corpus, nec memoria, opinor, officiet. Adhuc in eodem certè corpore & obliviscuntur animæ & recordantur. Si qua corporis ratio incutit oblivionem, quomodo contrariam ejus admittet recordationem? quia & ipsa post oblivionem recordatio, memoria recidiva est. Quod prima memoria adversatur, cur non & secunda refragatur? Præterea, qui magis reminiscerentur quàm pueruli, ut recentiores animæ, ut nondum immersa domesticis ac publicis curis, ut ipsi solis dedita studiis, quorum discencia reminiscencia sunt? Immo, cur non ex æquo omnes recordamur, cum ex æquo omnes obliviscamur? Sed tantummodò Philosophi, imò ne hi quidē omnes. Plato scilicet solus in tantā gentium silva, in tanto sapientum prato

prato idearum oblitus & recordatus est. Sed & pertinet huc, quod ecstaticis evenire videmus. Rapitur in iis brevi spatio anima ad altiore vim intelligendi, cæteris potentiis otio ferè relictis, adeò ut hinc iis mens veluti alio abrepta peregrinari videatur; & tamen ad se reverfi non solum eorum, quæ vidisse & audivisse sibi visa sunt, recordantur, sed & aliis promptè ac expeditè narrant. Adeò corpus non inducit oblivionem eorum, quæ intellectui, quantumvis in corpore reverà existenti, visa sunt. Quî ergò corpus animæ, recens ei immersæ, oblivionè eorum, quæ longo intervallo lustravit antè, è vestigio induceret? Et cur conditor illius ipsam nihil mali meritâ de statu scientiæ, quâ ipsam tantò antè instruxerat, dejiceret, eam corpori infundendo, in quo poculo oblivionis potetur? Annon hoc bonitati ejus, cum sit bonorum *optimum* 1. 2. Met. 8. è diametro est adversum? Cur item remeare eam rursus, quando jam soluta semel est corporis, ejusmodi soporem illi inducentis, vinculis, atq; jam purgata *ad beatorum insulas sive campos Elysios* pervenit, & vitam sine molestiâ cum omni voluptate ducit, (id enim evenire animabus eorum, qui justè hic sanctèq; vitam traduxere, mox ab obitu docet in Gorgia Plato) exacto ævo permittit? Num quid fortè ea suâ sponte amore corporis inebriata, malorumq; præcedentium jam oblita, huc contendit? At nonne reverà, ut hoc de suo nobis largiatur Augustinus ex lib. 10. de civitate Dei c. 30, *credere stultum est, ex illâ vitâ, quæ beatissima esse non poterit, nisi de suâ fuerit aternitate certissima, desiderare animas corporum corruptibiliû labem, & inde ad ista remeare, tanquam hoc agat summa purgatio, ut inquinatio requiratur. Si enim quod perfectè mundantur, hoc efficit, ut omnium obliviscantur malorum, malorû autem oblivio facit corporum desiderium, ubi rursus implicentur malis: profectò erit infelicitatis causa summa felicitas: & stultitiæ causa*

perfectio sapientia; & immunditia causa summa mundiitia. Nec veritate ibi beata erit anima quamdiucunq; erit, ubi oportet fallatur, ut beata sit. Non enim beata erit, nisi secura. Ut autem secura sit, falsò putabit, semper se beatam fore, quoniam aliquando erit & misera. Cui ergò gaudendi causa felicitas erit, quomodo de veritate gaudebit? Videatur & Eusebius lib. 13. Præparat. Evangel. c. 16. Cui placet, is addere his potest & Theophilum Antiochenum lib. 3. ad Autolyicum, Lactantium lib. 7. c. 22, ut alios nunc taceamus.

VI. Porro, deceptus Plato & in eo est, quod duo tantum agnovit extrema, videlicet perfecte scire & perfecte ignorare, cum detur medium inter ista, nempe partim scire, partim ignorare, ceu ex 1. Post. c. 1. ostensum nobis lib. 1. cap. IV. n. V. Nimis cum cognitis principiis tenemus & conclusiones, quæ in principiis sunt, verum non actu, sed potestate. Eo enim modo hæc illis insunt, perinde ut in semine potestate seu virtute arbor est, in vite vinum. Estq; productio scientiæ similis generationi naturalium rerum. Nihil enim earum fit, cujus non aliqua jam antè sint facta. Cujus geminum etiam in artificialibus spectatur. Fit enim domus, at factæ sunt antè jam partes ejus, tectum, parietes, fundamentum. Sed & horum generatio habuit generationem aliquam præcedentem. Facti enim antè sunt lapides, ligna, ex quibus ista sunt producta. Sic ergò res & cum generatione scientiæ est comparata. Apprehendimus per sensum singularia, in quibus ut latet ipsa natura & essentia, quæ universalis est, ita & in speciebus illorum latet species ac imago naturæ rei universalis: quæ cum intellectui patientià lumine intellectus agentis illustrata debite repræsentatur, progignit similem in illo speciem, non secus ac color speciem aut imaginem sui similem in oculo depingit, cum lumen medium invenit, quod colorem illustrat. Unde porro exsurgit in intellectu
notitia

notitia principii cuiusdam, quod virtute in se includit notitiam conclusionum, quæ actu tandem emergit, quando illas *διὰ τοιαύτου* cum ipso principio comparat atq; inde deducit. Ex quo & simul apparet, Platonem lapsum esse in eo, quod scientiam putavit esse *cognitionem essentia in ideâ latentem à singularibus separatâ*. Perivallus enim fuit in rebus singularibus & sensibilibus nihil esse constans & stabile, quod sub scientiam cadere possit, indeq; constituit alias substantias à rebus singularibus & sensibilibus separatas, quas ideas vocavit, quod essent veluti imagines quædam & exemplaria. *Si mens*, inquit in Timæo, *diversa est ab opinione, quod mens semper sit cum verâ ratione conjuncta*, ac proinde in rebus versetur sempiternis, opinio verò interdum fallatur, & rerum sit mutabilium, necesse est præter hæc singularia sensibilia, quæ solâ opinione continentur, esse alias æternas & immortales substantias, quas mens verâ & firmâ ratione comprehendat. Ast ut nihil opus est huiusmodi separatis substantiis ad generationem rerum, ceu demonstravimus lib. 1. c. XIII, n. XIV. ita nec opus illis est ad scientiæ constitutionē. Pridem itidem enim hoc ipso opere videlicet lib. 1. c. 1. n. XI.) ostendimus, quod utut fluxa sint singularia hæc sensibilia in se spectata, sit tamen aliquid in iis, quod æternum sit ac semper eodem modo se habeat, quæ est ratio ipsius universalis. Non enim extra singularia hoc est, sed in ipsis singularibus, quod sit ipsa illorum substantia: absconum autem est statuere substantiam esse sejunctam ab eo, cujus est substantia, quæ ratione ideas etiam Aristoteles impugnat lib. 1. Met. c. 7. & lib. 7. c. 15. nec non lib. 13. (11.) c. 5. Qui & alibi hinc, videlicet 1. Post. 1. 1. §. 1. universale definit *unum* non extra multa, sed *in multis*, cum ait: *Δὲ ὁ ἀπὸ τοῦ ἑνὸς αὐτὸ ἐστὶ μέγιστον ἔχει μὴ ὁμοώνυμον*. Oportet universale aliquid *unum & idem in pluribus esse, non homonymum*. Quod repetit & lib. 1. de Partibus

Animalium c. 4. his verbis: Τα καθόλου κοινὰ τὰ γὰρ πλείοσιν ὑπάρχον-
 τα καθόλου λέγομεν, *Universalia communia sunt. quæ enim in plu-
 ribus insunt, hæc universalia appellamus.* Denique & lib. 7.
 Met. c. 13: Τὸ γὰρ λέγεται καθόλου, ὃ πλείοσιν ὑπάρχειν πέφυκε, *Hoc dicitur
 universale, quod pluribus naturâ aptum est inesse.* Inest illud
 pluribus & tamen etiam unum est, videlicet τῷ λόγῳ, ratione &
 definitione. Ratio namq; essentialis naturæ, quæ est in plu-
 ribus singularibus, est indivisa, veluti naturæ hominis in Socra-
 te, Calliâ, Platone, Aristide & aliis. Per quam enim rationem
 & essentiam Socrates est homo, per eandem homo est & Cal-
 lias, & sic deinceps. Eodem modo unum idemq; est & ani-
 mal in homine & equo. Per quam enim rationem homo est
 animal, per eandem animal est & equus. Nempe uterq; ani-
 mal est, quia uterq; vivens est sensitivum, sicut observat rur-
 sum & ipse Aristoteles lib. 7. Met. c. 14. scribens: τῷ λόγῳ δῆλον
 ὅτι ἐν. τὸν γὰρ αὐτὸν διέξεισι λόγον ὃ λέγων ὅτι ἐκατέρω, *Ratione patet,
 quod unum sint, homo & equus, nempe quatenus uterq; ani-
 male est. Eandem enim exhibebit rationem, qui dicit aut defi-
 nit in utroq;.* Hæc ratio autem semper est eadem, seu eodem
 modo se habet. εἶναι enim sive esse universalis est, τὸ συγκατα-
 connecti s. *compositum esse* lib. 9. Met. c. 10. At connexio uni-
 versalis cum singularibus, quibus per se inest, est perpetua sive
 necessaria & æternæ veritatis, 1. Post. t. 30. Neq; enim cum ho-
 mo produci debet, tribui ei potest essentia lapidis, alioqui non
 homo fieret, sed lapis. Quo ipso universale distinguitur ab ac-
 cidente. Id enim non habet perpetuam connexionem cum
 re, cum possit abesse citra ejus destructionem 1. Topic. 5.
 1. Post. t. 52.

VII. Ulterius & in eo lapsus est Plato, quod censuit, non
 hominem, sed *mentem* in se consideratam *scire & addiscere*,
 quod tamen itidem falsum est. Actiones enim & passionες
 compo-

compositorum, sive totius perfectæ sunt. Et jam ante ex 2. Post. ult. ostendimus, quod plures facultates concurrant ad generationem scientiæ. Neq; enim intelligit homo absq; phantasmatum adminiculo, quæ non excitant solum intellectum, ut credidit Plato, sed & offerunt intellectui imaginem rerum, unde mens elicit notionem essentiæ sive universalis, apprehendens rei naturam, non apprehens unâ aliis cum eâ complicatis. Unde Aristoteles lib. 1. de Animâ t. 66: *Intelligere & contemplari*, τὸ νοεῖν καὶ τὸ θεωρεῖν, *langvescit alio quodam intus corrupto*, videlicet phantasiâ, τὸ διανοεῖν δὲ αὐτὴν non est illius, intellectus, affectio, sed hujus, quod habet illud, compositi, quatenus illud habet. Ideoq; hoc, quod intellectum habet, corrupto, non recordatur: quia non erat illius, sed communis, quod perit. Et paulò antè t. 64: *Discere*, inquit, *animam discere vel ratiocinari*, perinde est, ac si quis dicat, *animam texere aut edificare*. *Melius enim fortasse est dicere, non animam, sed hominem animâ discere vel ratiocinari*. Nempe, quo simili Themistius rem declarat, quemadmodum opifex & structor edificat, non ars ipsa edificandi, ut Citharædus pulsat, non Musica, quamvis opifex edifice ex arte, & Citharædus pulset ex Musica: ita & animus non discit & ratiocinatur, sed homo per animam, perinde ut nec acies incidit, nec figura volvitur, sed gladius incidit per aciem & sphaera volvitur per figuram.

VIII. Tot ergò falsis principiis cum modus acquirendi scientiam per reminiscentiam nitatur, jam satis vel hinc constat, quàm parum ei sit tribuendum. Præsertim cum & experientiæ omninò refragetur. Qui enim recordatur alicujus rei, animadvertit & judicat, se prius rem illam scivisse. At qui discit aliquid, non agnoscit se antè cognovisse, imò affirmat potius, se id antè cognitum non habuisse. Adhæc certum est nos, quicquid scimus, scire vel per *definitionem* vel per *demonstrationem*

lib. 1. Metaph. cap. 7. At ad neutrum modum quadrant reminiscentiæ. Definitiones enim, quæ sunt principia demonstrationum, colliguntur ex singularibus per inductionem. Veluti ex individuis colligimus definitionem speciei, ex speciebus autem definitionem generis, ut ostensum supra ex 2. Post. 13. Demonstrationes autem necuntur ex principiis per inductionem ex singularibus collectis. Quorsum ergo inducitur scientia ab innatis animæ rationibus petita? Taceo, quod reminiscencia non fiat sine memoriâ, quin hanc exposcit ante omnia, eiq; super addit usum rationis. At memoriâ est tantum phantasmatum, quæ spectant ad animam sensitivam. Vnde & memoria universalium non est nisi ex accidenti, quatenus scilicet illa relucet in phantasmatibus atq; servantur iiservatis, ex quibus ad libitum valemus colligere universalia, prout docet Aristoteles in lib: de mem. & reminiscentiâ. Non fugit quidem nos, Simplicium *duplicem* statuere memoriâ, unam *phantasmatum*, alteram *rationum* & idearum existentium in essentiâ animæ & mentis, verum non affert ullum validum assertionis suæ fundamentum, neq; difficilis est everfio ejus. Frustra namq; servarentur phantasmata per distinctum memoriæ genus, si jam tum in animâ servarentur formæ principales. Deinde possemus tunc sine conversione ad phantasmata per solas rationes & ideas ratiocinari & speculari, quod tamen experientiæ iterum est adversum, quæ confirmat nos *sine phantasmate nihil intelligere*, advertente etiam Aristotele lib. 3. de Animâ cap. 7. & 8. Ulterius per inductionem constat, tunc demum quid suâ naturâ dici capax esse alterius cujusdam, cum ejus suâ naturâ est expers. Veluti *materia* est capax *formarum*, indeque non includit eas in se & suâ naturâ, sed iis est denudata, quemadmodum ipsemet Plato docet in Timæo ad hunc modum scribens: *Ita intelligendum est, quod cum debeat esse effigies rerum omni*
for.

formarum varietate distincta, nunquam illud ipsum formatio-
nis hujus gremium benè erit praparatum, πλὴν ἀμορφον δὲ ἐκεί-
νων ἀπεισὼν τῶν ἰδεῶν, ὅσας μέλει δέχασθαι ποθεῖν, nisi informe sit, &
suapte naturâ omnibus formis, quas recepturum est, careat.
 Ὁμοίον γάρ, pergit, δὲ τῶν ἐστεισόντων τὰ τῆς ὁμοιότητος, τὰ τε τῆς παρὰ
 παντὸς φύσεως ὁπότε ἄλλοι δεχόμενοι, καὶ ὅς αὖ ἀφομοιοῖ, τὴν αὐτὴν παρεμ-
 φαίνων ὄψιν. διὸ καὶ πάντων ἐκτὸς ἰδεῶν εἶναι χρεῖον, τὰ δὲ πάντα ἐνδεχό-
 μενον ἐν αὐτῷ γένει, Nam si erit alicujus eorum, qua in se recipit,
 simile, cum contrariam ejus, cui simile est, naturam aut aliam
 prorsus suscipiet, nequaquam ejus similitudinem & effigiem ex-
 primet, cum pra se simul tulerit suam. Quò fit, ut nullam sibi
 propriam habeat speciem, quod est omnia genera suscepturum.
 Idq; mox duplici declarat similitudine. Vi qui unguenta,
 inquit, suaviter redolentia confecturi sunt, humidam materi-
 am, quam certo condire odore volunt, ita praparant, ut odorem
 nullum proprium habeat: & qui materiis mollibus impressio-
 niq; cedentibus figuras imprimere aliquas volunt, nullam o-
 mnino priorem in eis figuram apparere patiuntur, sed exactis-
 simâ quâdam levigatione eas poliunt: Ita illud, quod in omni-
 bus passim aeternorum omnium simulachris rectè figurandum
 est, his omnibus formis naturâ suâ carere necesse est. Jam est
 & anima nostra capax scientiæ: non debet ergò & ipsa eam
 includere in suâ naturâ. Et sanè si eam includeret, non adeò diffi-
 cilis nobis esset illius, oblivioni traditæ, recuperatio. Sol-
 mus enim facillè eorum, quæ obliiti sumus, reminisci, dum-
 modò debitam diligentiam adhibeamus. Sed nec toties fal-
 leremur, proniorque longè esset animus noster ad verum,
 quàm ad falsum, cuius tamen contrarium in nobis experimur,
 fateturq; idem & Aristoteles lib. 3. de Animâ cap. 3, cum ait:
 οἰκετότερον (τὸ ἡπατῆδος) τοῖς ζῴοις, καὶ πλεον χρόνον ἐν ταῖς διατετα-
 ῖς ψυχαῖς, Magis propria est deceptio animalibus & plus tempo-
 ris in his versatur anima. Et 12. (14.) Met. c. 5. parum com-

municatum ait esse homini de beatâ vitâ, qua maximè consistat in intellectiōe, quamq̃ perpetuam habeat Deus. Neq̃; id mirum. Plus enim uno, ut ait Cicero lib. 2. de Oratore, *verum esse non potest*. Vel, ut lib. 4. Acad. Qq. loquitur, *plura vera discrepantia esse non possunt*, falsa autem innumera esse possunt. *Ἀληθεύειν μὲν γὰρ ἀπλῶς, ψεύδεσθαι δὲ ἀπειραχῶς, παρέχει τὰ πράγματα*, inquit Plurarchus lib. 8. Sympol. quæst. 9, *Res fert, ut uno modo verum, infinitis falsum quidq̃ dicatur*. Et Clemens Alexandrinus lib. 1. Stromatum scribit: *Μία ὁμῶς τῆς ἀληθείας, τὸ ψεῦδος μὲν πλείους ἐκτροπῶς ἔχει. καθάπερ αἱ βάτχαι τὰ τῷ Πενθεῶς διαφορήσασαι μὲν, Cum una sit veritas, falsum habet innumerabilia diverticula, quemadmodum Baccha, qua Penthei membra divulgaverunt ac distulerunt*. Quibus accinit & Horatius Flaccus lib. 2. Satyr. Satyrâ 3.

- - - *Velut Sylvis: Vbi pasim*

Palantes error certo de tramite pellit:

Ille sinister sum, hic dextror sum abis: unus utriq̃

Error, sed variis illudit partibus.

At retraheretur facile ab erroribus hominum genus, si infestas haberet rerum rationes. Deniq̃; si lateret in mente scientia, neq̃; indigeret nisi excitatione, minimè opus foret demonstratione, ut benè monuit Strato Lampiscanus, sed sufficerent vel levissima signa cæteraq̃; consimilia media, cum & ista habeant vim excitandi nos q̃ ducendi ad id, cuius sumus oblit. Quoties enim evenit, ut scientiæ alicujus, quam imbiberamus, sed oblivioni tradidimus, per aliquod signum iterum reminiscamur?

IX. Sed nec magni momenti sunt, quæ pro confirmandâ Platonis reminiscentiâ adducebantur. Existimat Plato, nisi per rationes formæ rerum animæ nostræ essent insertæ, haud futurum, ut ad substantiæ internæq̃; essentiæ notitiam perveniremus.

remus. Neq; enim ex iis, quæ sensibus usurpantur, cum accidentia sint, nos eò perducì posse. At hoc ipso petit τὸ ἐν ἀρχῇ, siue sumit id, quod positum est in quæstione. Sanè ex signis rem, & ex effectibus causam, cognosci posse nemo inficias iuerit, nisi θέσιν διαφυλάττειν malit, quàm veritati herbam dare. Ita ex vestigiis leporis leporem, ex fumo ignem cognoscimus. Jam signa & effectus formarum sunt ἐνέργειαι ipsarum seu operationes, veluti generatio & accretio animæ vegetativæ, actus sentiendi animæ sensitivæ &c. Ex quo & Aristoteles lib. 2. de Animâ cap. 4. t. 33. *operationes & actiones*, ἐνεργείας καὶ πράξεις, ait *priores esse facultatibus κατὰ τὸν λόγον*. Ad quæ verba Philoponus in Comm. ita scribit: προσέθηκεν, ὅτι τῷ λόγῳ αἱ μὲν γὰρ δυνάμεις τῷ χρόνῳ πρότεραι τῶν ἐνεργειῶν. αἱ μὲν τοι ἐνέργειαι τῷ μὲν χρόνῳ δευτέραι, τῷ δὲ λόγῳ πρότεραι, τῷ λόγῳ ἀντὶ τῆς διδασκαλίας, σαφέστεραι γὰρ ἡμῖν εἰσὶν αἱ ἐνέργειαι τῶν δυνάμεων, *Addidit, quod ratione ἐνέργειαι priores sint facultatibus. Priores enim hæc illis sunt tempore, illa autem his tempore quidem posteriores, sed priores ratione. Ratione, inquam, id est, doctrinâ. Clariiores enim nobis sunt ἐνέργειαι, quàm facultates. Non sunt tamen ἐνέργειαι siue actus, à facultatibus fluentes, accidentia cum facultatibus suis collata. Verbi causâ sentire non est accidens facultatis sentiendi, sed perfectio ejus essentialis. Est enim finis ejus, docente etiam Aristotele lib. 9. Met. c. 8. Finis autem perfectior est & naturâ prior iis, quæ sunt propter finem. Unde & Alexander in comm. ad 2. de Animâ 4, considerans verba Aristotelis, paulò ante adducta, illud, τῷ λόγῳ, positum esse ait, pro, τελειότητι, ut observat Philoponus post verba antè laudata scribens: ἡ ὡς Ἀλέξανδρος φησι, τῷ λόγῳ ἀντὶ τῆς τελειότητι. τελειότης γὰρ τῇ δυνάμει ἢ ἐνέργειᾳ ταύτης γὰρ ἕνεκα ἡ δύναμις, τὸ δὲ ἕνεκα πρότερον τῷ ἕνεκα ἔ. *Vel ut Alexander ait, ratione positum est pro perfectione. Perfectio enim facultatis operatio est. Hujus enim causâ facultas est.**

id autem, cuius gratiâ, prius eo, quod est gratiâ illius. Verba ipsa Alexandri hæc sunt: Πρώτερα καὶ σαφέστερα πρὸς ἡμᾶς τῶν δυνάμεων εἰσὶν αἱ ἐνέργειαι. προεργαζόμεναι γὰρ αὐταῖς, καὶ ταῖς δυνάμεισι ἀπὸ τούτων ἐπινοούμεναι, καὶ τὸ εἶδος δὲ ἐκείνης καὶ ὁ λόγος κατὰ τὸ ἔργον. τούτων γὰρ αὐτῶν τὸ τέλος ἐστίν, Priores & clariores quoad nos sunt facultatibus operationes. Incidunt enim ante illas & hæc ex illis cognoscuntur. Est ἡ forma cuius ἡ & ratio secundum opus. Finis nam ἡ facultatum est operatio. Alexandro consentit Simplicius. Ait enim expressè: Operationes sunt facultatibus priores ratione, quia perfecta sunt. Perfectum verò arguit id, quod est imperfectum. Atq; hinc & Proclus facultates non solum cognosci, sed & esse scribit per operationes. Sic enim ille lib. de Animâ & Damone: Potentia & sunt, & cognoscuntur per operationes, quarum ipsa matres sunt. media nam ἡ, intra actionem & essentiam est ipsa potentia, qua producta est ab essentiâ, actionem verò producit, per quam, quod insit, cognoscitur. Cognoscuntur ergò omnino formæ ex iis, quæ per sensus incurrunt, nec tamen idè ex accidentibus innotescunt. Ενέργειαι enim, ex quibus innotescunt, non per accidens, sed per se cum formis coherent. Docet quidem de cætero Aristoteles lib. 1. de Animâ c. 1. 1. 1. etiam accidentia non parum conferre ad cognitionem τὸ τί ἐστι. Conferunt, inquit, magnopere accidentia ad cognoscendum quid est. Cum enim possumus convenienter iis, quæ apparent, κατὰ τὴν φαντασίαν, statuere de accidentibus aut omnibus aut pleris ἡ, tunc etiam de essentiâ poterimus aliquid dicere quam optime. Omnis enim demonstrationis principium est quid est. Verum loquitur ibi non de accidentibus communibus, sed propriis, quorum est demonstratio, ut visum nobis antè. Propria autem πάθη non omnino accidentia sunt, sed & ipsa suo modo per se cum subiectis suis πρώτοις coherent, ceu determinatum lib. 1. cap. V. n. VII. & VIII.

X. Non minus Plato petit *τὸ ἐν ἀρχῇ*, quando per interrogationes excitari putat scientiam actu in animo latentem: quod alioqui non futurum sit, ut etiam pueri, interrogati de iis, apposite responderent, quæ non didicerunt. Ita enim res comparata est cum omnibus facultatibus cognoscentibus, ut obiectum suum, dummodo rite proponatur, facile apprehendant, etiamsi speciem ejus non habeant innatam. E. gr. facultas videndi mox apprehendit colorem, quamprimum ille debite, lumine, sive Solis, sive alio, illustratus ipsi proponitur, & tamen speciem coloris, quem apprehendit, non habet innatam. Pariter ergo & *ῥῆσις* sive facultas intelligendi, simul ac illi obiectum proprium, nempe principia, per inductionem illustrata, rite proponuntur, mox apprehendit illa, atque assensum iis præbet, etiamsi notio illorum antea actu non fuerit in intellectu. Non minus verò & *διάνοια* sive facultas ratiocinandi promptè in suum fertur obiectum, quod commodè fieri potest etiam per interrogationes. Veluti si de effectu primum quærat, & hinc de causâ. Naturaliter enim effectus coheret cum causâ, indeque in expedito & facili est collectio ab uno eorum ad alterum, si utrumque eorum, quâ par est, ratione proponatur. Est tamen *διάνοια* seu vis ratiocinandi in aliis atque aliis acutior aut obtusior, quemadmodum & facultas videndi non parilis est in omnibus vigoribus: atque hinc fit, ut non æquè accommodatè ad quæstiones ab omnibus respondeatur, sed à nonnullis interdum perperam, iis videlicet, quibus hebetior est vis illa. Jam nemo, ne ipse quidem Plato, dixerit, falsam & ineptam responsionem ex reminiscentiâ prodire. Cur ergo huic vendicatur responsio vera, cum eadem ex teroquin sit ratio oppositorum? Quod si autem anima diu servat notiones rerum atque etiam eorum recordatur, quæ ante quinquaginta & plures annos homo accuratè didicit, mirum id non est, etiamsi imagines earum

solum extrinsecus fuerint receptæ, neq; antè extiterint in ani-
 mâ ipsâ. Hæc enim habituum, etiam acquisitorum, est indol-
 es, ut firmiter inhæreant subjectis, eoq; ipso discriminantur à
 dispositionibus, quæ leviter tantum afficiunt subjectum, indeq;
 facildimoveri de statu suo possunt, quod etiam accidit iis, qui
 perfunctorie saltem aliquid didicerunt. *Habitus*, inquit Au-
 ctor libri Categoriarum c. 8. §. 4, *à dispositione differt, quia est*
res diuturnior & permanentior, χρονιώτερον τι καὶ μονιμώτερον, *cu-*
jusmodi sunt scientia. Nam & scientia, *addit*, videtur in iis esse,
 quæ sunt diuturna & difficulter amoveantur, si quis vel mediocri-
 ter scientiâ acceperit, nisi magna mutatio fiat à morbo, vel ali-
 quo alio ejusmodi casu. *Dispositiones verò dicuntur, quæ fa-*
cile moveri possunt & citò mutantur, ut calor & frigus, &c.
 Sanè res ipsa testatur, etiam errorem non rarò tam altas in non-
 nullorum animis fixisse radices, ut evelli ex iis nullo pacto
 possit. Quo pertinent etiam ista Arriani ex lib. 2. dissert. Epict.
 c. 15: *Ὅσπερ ἐν νοσούντι καὶ ψευματιζομένῳ σώματι, ποτὲ μὲν ἐπὶ ταῦτα, ποτὲ*
δὲ ἐπ' ἑκείνα πέπει τὸ ψῆμα. Ἰσὼ καὶ ἀδενήσῃ ψυχῇ, ὅπου μὲν κλίνη, ἀδύλον ἔχει.
ὅταν δὲ καὶ τόνος προσῇ τῷ κλίματι τῶ καὶ τῇ φορᾷ, τότε γίνεται τὸ κακὸν
ἀβοήθητον καὶ ἀθεράπευτον, Vt in agroto corpore & fluxionibus ob-
noxio, humor aliàs in hanc, aliàs in illam deferitur partem, sic
animus imbecillus, quò quidem inclinet, incertum est: cum au-
tem ad inclinationem atq; impetum illum etiam nervi accesser-
int, tum malum ejusmodi fit, cui nec auxilium ferri, nec ad-
hiberi medicina queat. Numquid verò & errorum semina ac
 radices animabus nostris sunt insertæ? Uterius & virtus habi-
 tus est animo firmiter inhærens, adèò ut Simonides hinc virum,
 qui illà instructus est, τετραγώνον dicere non dubitarit, quod im-
 motus stet, & sibi undique sit æqualis, sui que similis semper.
 Videatur Aristoteles lib. 1. Ethic. c. 11. Nec tamen & illa na-
 turâ insita est animo, sed consuetudine paratur, non secundum
 Aristot.

Aristotelem solum, sed & ipsum Platonem in Menone. Et licet à nonnullis semina quædam virtutum, five igniculi & scintilla, nobis inesse dicantur, sunt tamen semina ista in rei veritate nihil aliud, quàm inclinationes quædam naturales ad virtutes, de quibus Aristoteles videndus est lib. 6. Ethic. cap. ult: cujusmodi inclinationem etiam ad scientiam si quis insitam animo dixerit, nos non habebit sibi adversos. Verùm aliud scientia est, aliud inclinatio ad scientiam, quemadmodum & aliud virtus est, aliud inclinatio ad virtutem. Nec est, quod obvertatur, eos, qui naturaliter ad rem aliquam contendunt, facere id propter suam formam, quæ sit motuum ac impetuum causa, adeoq; & hominem, cum naturaliter habeat propensionem & inclinationem ad scientiam, instructum esse oportere ejusmodi formâ, cui scientia sit inscripta. Omnia enim propendent ad ea, quorum habent facultatem, nec tamen inde sequitur habere statim actum, sed sufficit, si habeant *δυνάμιν*, quæ transire possit in actum. Veluti, quamprimum ignis genitus est, habet propensionem ad ferendum sursum, nec tamen idè jam superum occupat locum: nec lapis, fortè in aëre genitus, jam inferum tenet locum, etiamsi, simul ac genitus est, deorsum ferri contendat. Quo accedit, quod appetitus semper præsupponat defectum. Neq; enim desideramus id, quod jam habemus: Vel ex eo ipso ergò, quod naturaliter homo appetit ac desiderat scientiam, sequitur non esse eam impressam menti. Si enim impressa esset, non desideraremus eam, quemadmodum non desiderat facultatem videndi, qui eâ est imbutus, sed is, qui illâ destituitur, ut cæcus. Sed nec ex eo, quod attentius quid considerare volentes animum à sensibus quasi abducimus, evinci potest insitas nobis esse scientiarum rationes. Experienciâ enim teste non ad eiusmodi rationes tum animum convertimus, quas insitas nobis esse naturâ remur, sed

sed ad ea, quæ experientiâ propriâ aut à magistris nostris edocti animo inscripta tenemus.

XI. Dices fortè : Non pender tamen animus à materiâ, quantumvis sit in illâ, indeq; nec subjectus est alterationibus, sed est forma à materiâ, in se consideratâ, abstracta & immortalis, indeq; non patitur aut mutatur, neq; aliter atq; aliter se habere, atq; adeò nec novi quid recipere potest. Verùm si nihil animus, quippe forma *ἀνολος*, patitur à materiâ, quomodo ergò oblivio ei à corpore inducitur, quod arbitratus est Plato? Aliàs ex lib. 2. de Animâ t. 57. constat, quod *passio* sit *duplex*, alia ut interitus quidam à contrario, quomodo aqua patitur, cum calefit, & lignum, cum comburitur; alia ut *salus ejus*, quod est potestate ab eo, quod est actu. Quâ ratione sensus patitur ab objecto. Perficitur enim ab eo & deducitur ad actum. Et hoc modo nihil prohibet, quo minus etiam illud, quod incorruptibile est, pati dicatur. Nam & Luna, quæ corpus coeleste, atq; hinc incorruptibile est, patitur hoc pacto, dum lumen recipit à Sole, sed perficitur hoc ipso. Jam autem & scientia perfectio est animæ: nihil ergò per receptionem ejus immortalitati animæ derogatur. Ut taceamus, juxta Aristotelem corruptibilem esse & *διαφοραν*, ad quam pertinet scientia demonstrativa. Non minus enim τὸ *διαφορεῖσθαι* pro affectione compositi is habet, atq; amare & odisse. Non sunt hæc, inquit lib. 1. de Animâ c. 4. t. 66, *illius* (animæ) *passiones*, sed *hujus*, habentis illam, secundum quod illam habet. Ex quo & marcescere ibidem ait τὸ *διαφορεῖσθαι* aliquo intus corrupto, atq; destrui composito pereunte. Sed & alibi ad mutationem corporis scribit & *διαφοραν* mutari. Veluti lib. 2. de Partibus Animalium c. 9, ut corporis, ita & *διαφορας* aliquam dicit esse *senectutem*. Et lib. 4. c. 10. *pondus corporis tardiore* inquit *reddere διαφορας & sensum communem*. Porro lib. 2. de Gener. Animal.

Animal. c. 4. Significat, ait, bonum temperamentum & ἡ διαvoia. Et lib. 7. Polit. c. 16 seniorum fatus non minus ac juniorum imperfectos esse affirmat & corporibus, & ταῖς διαvoiaς. In Problematibus quoq; Sect. 14. probl. 1: Optima, inquit, temperies non corpori solum, sed & τῇ διαvoia prodest: excessus autem omnes dimovent, atq; ut corporis, ita & τῆς διαvoiaς temperiem pervertunt. Deniq; in Physiognomicis c. 1. hæc habet verba: Quod si διαvoia sequantur corpora & ipsa secundum se ipsas non sint impassibiles à motibus corporis, id manifestum sit valde in ebrietatibus & agitudinibus: multum enim αἱ διαvoia mutata à passionibus corporis videntur. Sed hæc de re erit alibi uberior differendi locus.

CAPUT XIV.

Continens

*Consectaria aliqua, & expendens unà modum cognoscendi
Philosophia prima accommodatum.*

I.

EXpendimus hætenus quatuor scientiarum genera, atque media iis consequendis accommodata. Ex iis autem, quæ de illis dicta hucusq; fuere, lumen accedere potest dictis nonnullis, quorum creber in Philosophia Aristotelis est usus. Veluti lib. 1. Post. c. 18. Philosophus scribit, discere nos aut *inductione*, aut *demonstratione*. Cui geminum est, quod idem habet lib. 2. Prior. c. 23. §. 1. Ait enim nos *rerum omnium fidem facere aut Syllogismo, aut inductione*. Quod repetit & lib. 1. Rhet. c. 2. Ut enim id in aliis obtinet, quorum facimus fidem, ita & in iis, quæ ad scientias spectant, locum habet. Aut enim inductione talia manifestantur, ut definitiones, axiomata item & hypotheses, quæ principia sunt scientiarum: aut Syllogismo

Hhhh

& de-

& demonstratione roborantur, ut conclusiones ex principiis ductæ, sive an sit, sive quod sit, sive cur sit, investigetur. Quæ omnia ex adductis hæcenus sunt manifesta. Non minus verò ex iisdem & hoc apparet, verum esse, quod idem Philosophus scribit lib. 1. Met. cap. 7, disciplinam omnem esse *aut per demonstrationem, aut per definitionem*. Cui consonat, quod idem tradit lib. 1. de Animâ t. 48, cum ait: λόγος πᾶς ἡ δριμύτης, καὶ ἀπόδειξις, *ratio omnis aut est definitio, aut demonstratio*. λόγος enim seu *ratio* duplex est, aut *rei simplicis*, aut *compositæ*, quæ effertur per enuntiationem sive *secundæ*, ut vocatur, sive *tertiæ* adiecti. Jam autem illius ratio est definitio, velut hominis, actionis, passionis. Ex quo Aristoteli passim idem sunt differre λόγος seu *ratione* & definitione, veluti cum *actionem* & *passionem* ait esse τῷ πράγματι, sive *reipsâ* idem, differre autem λόγος. Alia enim est definitio *actionis*, alia *passionis* 3. Phys. c. 1. Item, cum *subjectum* in generatione & *privationem* dicit idem esse *numero*, sed *differre specie*, 1. Phys. text. 66. Quod enim *speciem*, εἶδος, illuc dixerat, id paulò post λόγον appellat. εἶδος autem est ipsum τὸ τί ἦν εἶναι, quod exprimitur definitione, & forma communiter vocatur 2. Phys. 3. Unde & ibidem hanc ipsam λόγον seu *rationem* vocat τὸ τί ἦν εἶναι, & 1. Phys. t. 69. simpliciter λόγον. Enuntiationis autem ratio est demonstratio, sive ea sit enuntiatio *secundæ*, sive *tertiæ* adiecti. Nam & esse quid simpliciter demonstramus, & esse tale: vel tale, veluti esse locum cumq; contineri intra hoc universum. Sed & illius ratio ex dictis perspicua est, quod dicitur 2. Post. c. 17. §. 6, *scientiæ omnes per definitionem comparari*. Est enim scientia vel substantiæ, vel affectionis. Jam autem illius scientia immediate comparatur per definitionem: hujus verò per demonstrationem, cujus medium, siquidem sit demonstratio propriè sic dicta, est definitio 2. Post. 17. §. 2. Demonstratio

τὸ δὲ, autem uti demonstratio solum est cum addito, ita & scientiam solum cum addito, sive, ut Græci loquuntur, πρὸς τῆς συνθήκης progignit.

II. Sed hîc gravis nobis obijcitur bolus. Si enim ita se res habet, quid fiet de Philosophiâ primâ, quæ nec demonstrationem propriè obtinet, nec definitionem. Objectum enim ejus est *ens* quâ *ens*, 4. Met. 1. At ens non habet unam aliquam communem rationem, per quam demonstrari quid possit de eo, sed ex eorum est numero, quæ dicuntur πλεοναχῶς 4. Met. 2. & quidem κατὰ πρότερον καὶ ὕστερον, sive, ut dicitur ibidem, πρὸς ἓν, ad unum. Quæ autem ita se habent, ea non habent naturam aliquam communem, sicut ea, quæ dicuntur καὶ ἐν secundum unum, nec causam habent unam eandemq; , quæ omnibus ad id genus pertinentibus tam primo, quàm iis, quæ sequuntur, sit communis, & per quam alia de ipso communi possint demonstrari, sed unum ex illis est causa alterius usq; ad ipsum primum, quod reliquorum norma est & mensura. Jam accidit quidem nonnunquam, ut primum illud habeat rationem aliquam se priorem, quod sit in omnibus iis, in quibus aliud est εἶναι πράγμα & εἶναι πράγματι, velut in compositis, ut suprâ annotavimus ex 7. Met. 10. & 3. de Animâ 6, & tum de isto primo demonstrari quidpiam nihil prohibet, quia subiectum & quid est in iis sunt distincta, atq; hoc illo prius est naturâ. At alia est ratio entis primi, quod & ipsum solum ens est simpliciter, cum cætera sint entia quædam, aut talia vel talia, veluti corporea, corruptibilia &c. Hoc enim non agnoscit rationem se priorem, sed in ipso idem sunt res & εἶναι rei, quemadmodum fieri in simplicibus oportet. Non enim dicuntur eò, quod aliud in alio sit, ut materia 7. Met. 1. 41. Decstergò hîc medium demonstrationis, quid aliàs, cum quidditas, quæ deberet esse medium, eadem sit cum subiecto, minus extremum & medium in demonstratione idem forent.

III. Neq;

III. Neq; officit his, quod Aristoteles 1. Met. 2. *entis, quod entis*, ait, *esse aliquas affectiones, quæ illi per se insunt*, qualia sunt *unum & multa, idem & diversum & species eorum*, velut *differentia, contrarietas & alia huiusmodi, quæ ens, quæ ens est*, sequuntur. Nam & hæc non minus æquivocè dicuntur quàm ipsum ens. Unde & non minus istorum, quàm huius, diversæ significationes enumerantur lib. 5. Met. Quod si autem aliquæ ex his insunt ipsi primo enti, insunt ei sine medio, quod medium hic à subjecto non occurrat distinctum. Ex quo etiam fit, ut ex affectionibus istis ipsa prima constituantur principia sive axiomata, quæ omnes scientiæ accipiunt & enti quidem, prout ens est, insunt, sed demonstrari non possunt, nisi demonstratione elenctica aut ducente ad impossibile. Talem enim etiam in Philosophiâ primâ seu sapientiâ demonstrationem dari non negamus, atq; eò forte & respexit Aristoteles, quando *sapientis* inquit *esse, de nonnullis habere demonstrationem* 6. Ethic 6. Sed nec est, quod dicatur, affectiones entis communes, licet demonstrari nequeant de ipso ente, posse tamen demonstrari de singulis entibus per rationem ipsius primi entis. Ex eodem enim genere oportere esse medium & extrema demonstrationis suo loco fuit ostensum: hic autem medium & affectio quidem ad Philosophiam primam pertinent, alii reliqua entia in parte considerata ad alias & peculiâres disciplinas spectant, sicut & Philosophus 1. Met. 3. inculcat. At enim *Philosophi primi scientiam esse entis, quæ ens est, eam universaliter, non secundum partem, & hæc ratione differre à Mathematicis & naturali scientiâ, quæ secundum partem ens considerent, assumentes genus proprium uniuscujusq; ejusque quarant principia & accidentia, ut talia sunt, non ut entia*. Quod si excipiat, non pertinere quidem illa ad Philosophiæ primæ considerationem, ut sunt *mobilia, corruptibilia &c.*

spectare

speculare tamen eò, ut sunt *entia*, atq; sic affectiones entis de illis posse demonstrari, respondemus, ne id quidem fieri posse. De partibus enim alicujus universalis non demonstratur affectio ipsius universalis, nisi quatenus continetur sub universali, cujus tanquam subjecti primi demonstratio existit. E. gr. De vite & ficu quæritur, cur abjiciant folia, non quatenus illa vitis, hæc ficus est, sed quatenus utraque est latifolia, hujusmodi enim arboribus hæc affectio est communis 2. Post. 17. At de ipso ente, quatenus ens est, universaliter demonstrari non possunt affectiones ejus, demonstratione scilicet ostensivâ, sicut est ostensum: ergò nec de entibus in particulari.

IV. Nulla quoq; est distinctio illa, quam afferunt Scholasticorum nonnulli, quasi in Philosophiâ primâ non obtineant quidem demonstrationes ex causis *formalibus*, obtineant tamen demonstrationes ex causis *virtualibus* procedentes. Sic enim causas distinguunt cum Cajetano ad 1. Post. 2. Atque illas quidem vocant causas veras ac propriè dictas, pertinentes ad certum aliquod genus causæ, quas & realiter ajunt distingui ab eo, cuius sunt causæ, sicut diametralis terræ interpositio inter Solem & Lunam distinguitur realiter ab ipsâ eclipsi Lunæ, cujus illa vera ac realis causa est. *Hæc* autem ajunt non tam causas esse eorum, quorum dicuntur esse causæ, eò, quod realiter ab iis non distinguantur, quàm rationes, cur illa insint. Exempli causa immortalitatis animæ causam esse dicunt immaterialitatem, ut loquuntur. Quamvis enim hæc reapse non sint distincta, rationem tamen, ob quam anima immortalis sit, ajunt esse immaterialitatem ejus. Ex prioris ergò generis causis asserunt Philosophiam primam non posse demonstrare, posse tamen ex causis generis posterioris. At frustra, ut diximus, etiam hæc obvertuntur. Si enim virtualis causa non differt reipsâ ab eo, cujus est causa, quomodo ea causa, & qui-

dem talis, ex quâ demonstratio offensiva ducatur, nomen trahi potest, cum causa semper sit diversa ab eo, cuius est causa, adeò ut hinc & effatum illud natum sit, quo dicitur, nihil esse causam sui ipsius. Cum enim omnis causâ sit naturâ prior eo, cuius est causa, idem cum eodem comparatum esset naturâ, simul & prius & posterius. Neque accommodatum est ad naturam causæ virtualis illustrandam immortalitatis animæ exemplum. Si enim ideò anima immortalis est, quia materiæ expers est, certè materia esset causa mortalitatis & corruptibilitatis. *Quando enim negatio causa est, cur non insit, affirmatio est causa, cur insit* 1. Post. 13. §. 8. At istud falsum est. Datur enim quidpiam, quod *materiale* quidem est, & tamen *incorruptibile*, ut *cælum*, quod *materiam* sanè *habere* dicitur 1. de cœlo c. 9. t. 95. & manifestum vel inde est, quia *corporeum* & *quantū* est; & tamen corruptionis est expers 2. de cœlo c. 1. Ex quo & simul patet, quod immortalitas & immaterialitas non solum ratione differant, sed & ὁμοειπέως, adeoque respectu ipsa sint distincta.

V. Quemadmodum autem demonstrationes propriè dictas non agnoscit Philosophia prima, ita nec definitiones habet propriè acceptas. Ens enim in communi spectatū ex eorum est numero, quæ pluribus modis dicuntur (aliter namque *substantia* est ens, aliter *quantum*, aliter *quale*, aliter *generatio*, aliter *privatio* & c. 4. Met. 2.) indeq; nec definiri potest nisi per enumerationem variarum significationum, ceu dictum suprâ c. VIII. n. 40. quæ tamen propriè sic dicta definitio non est. Sed nec primum ens, quod primò consideratur in Philosophiâ primâ, propriè sic dictam agnoscit definitionem. Definitio enim *oratio* est: oratio autem omnis habet partes 7. Met. 33. & definitio quidem partes ejusmodi, quarum una se habeat ut *materia*, altera ut *forma* 8. Met. t. 15. Deus autem omni-

omnino ἀλλος est, neque ulla prorsus habet partes. Partes enim quod habet, compositum est, atq; aliquid se prius agnoscit. Deus autem ens simplicissimum est, nec quicquam se superius agnoscit, sed ipse ens absolute primum est & principium omnium reliquorum. Præterea per definitionem responderetur ad quaestionem τί ἐστι. In Deum autem, quatenus is in se spectatur, nulla cadit quaestio. Quaestio enim omnis, ut itidem supra (videlicet c. l. §. 3.) ex 7. Met. t. 59. dictum, quaerit aliquid de aliquo, etiam in iis, quæ simpliciter quaeri videntur, veluti an sit homo. Quaeritur namq; , annon sit aliquid, cui competat λόγος seu ratio hominis. At in Deo non datur aliud & aliud, cum sit simplicissimus & undiquaq; indivisibilis. Unde si quaestio aliqua de eo in se considerato formaretur, foret ea ejusdem de eodem. Idem autem de seipso citra negationem quaeri non potest, nec ducit ejusmodi quaestio ad cognitionem, cuius tamen gratia omnis quaestio instituitur. Ex quo & non quaerimus de iis, quæ jam scimus, observante & Aristotele lib. 6. Ethic. c. 10. Ad quem locum Eustratius ita scribit: Ὁ ἐπισήμων ἰσάσκει τὰ ἐπισήτῳ, περὶ ὧν τίς ἴσῃσιν ὁ ζητεῖ ἐπισήτῳ, *Sciens scit ea, quæ scibilia sunt: de iis verò, quæ scit, inquirir nemo.* Uni autem nulla proprie in Deum cadit quaestio, ita nec quaestio τίς τί ἐστι. Definitum enim quid esse oportet, cui quaestio hæc aptatur. Unde nec genus de definito absolute dicitur, nec differentia. Non enim definitum simpliciter est ὅπερ ἐκείνο, *illud ipsum*, quod est genus, sed ὅπερ ἐκείνο τι, *illud ipsum quoddam*, v. c. homo ipsum quoddam animal, & *Architectonica ipsa quoddam ars*, 6. Ethic. 4. Iustitia item non ipsa virtus simpliciter est, sed ἀρετὴ τις, *quoddam virtus*; & rotunditas non simpliciter σχῆμα, sed σχῆμα τι; albedo deniq; non color simpliciter, sed χρώμα τι, *color aliquis*, sicut & apud Platonem est in Menone. Ratio est, quia species non est ὅλος genus, sed solum pars ejus 3. Met. 25. Quam rationem adducit Eustratius

tius in 6. Ethic. c. 4. dicens, hominem non esse simpliciter animal, sed ζῷον τι, ἀνῖμαλ quoddam, δια τὸ μέρος εἶναι τοῦ ζῴου τὸν ἀνθρώπον, ὥς ἂν εἰς τὸ γένος τὸ ζῷον ἀναγερόμενον, ideo quod pars aliqua animalis sit homo, quippe ad illud relatus, ut species ad genus se habens. Verum nec illud ipsum simpliciter definitum est, quod differentia nomine designatur, sed ὅπερ ἐκείνων τι, perinde ut Aristoteles de iis, quæ ex materia fiunt, dicit, quod, quando facta sunt, dicantur ἢ ἐκείνο, ἀλλ' ἐκείνων v. gr. *statua non lapis, sed lapidea* 7. Met. 7. & *lignum non terra, sed terreum* 9. Met. 6. Materia enim de eo, quod factum est ex illâ, non dicitur συνώνυμος, sed ab eâ aliquid de illâ dicitur παρανόμως, ut arca à ligno lignea: limen à lapide lapideum. Eodem verò modo & differentia de eo, cuius sunt differentia, dicuntur, nempe non συνώνυμος, sed παρανόμως, verbi causa, ignis non est ipsum siccum aut ipsum calidum, sed à calore παρανόμως dicitur calidus, à siccitate siccus. Quod enim ita prædicatur de subiecto, ut hoc sit ὅπερ ἐκείνο τι, illud prædicatur velut ὑφ' ἑαυτοῦ, subsistens quiddam, & non est aliquid alterum, ut animal non est aliquid alterum, sed simpliciter. Unde &, quod aliàs ὅπερ ἐκείνο τι audit, alibi Philosopho dicitur ὅπερ τὸδε τι, 3. Topic. c. 1. §. 5. At differentia non est simpliciter, sed aliquid alterum v. g. bipes non est simpliciter, sed aliquid alterum, videlicet animal, cuius differentia est bipes. Ex quo etiam fit, ut de specie non simpliciter enunciatur, sed cum adnexo genere, cuius ποιότης, seu qualitas aliqua est differentia, quod & de proprio docet Philosophus 3. Topic. 4. §. 7. V. g. non rectè dicitur, homo est bipes, sed est animal bipes. Nec alia est causa, cur de speciebus suis non prædicari dicatur simpliciter ὅτι τῷ τί ἐστὶ, neq; simpliciter ὅτι τῷ ποῖόν ἐστὶ, sed ὅτι τῷ ποῖόν τι ἐστὶ 4. Topic. c. 2. §. 5. & 6. §. 13. lib. 5. c. 6. §. 10. & 11. 5. Met. 14. Conf. Porphyrius in Isag. c. 3. §. 17. c. 7. §. 8. c. 12. §. 3. Illud *η* autem significat quidem

quidem differentiam inesse speciei *ἰστωδῶς*, sed una & hoc designat, quod nec ipsa illi *ὅλως* insit seu totaliter, sed *ἐκ μέρους* potius, sive ex parte. Non enim ignis est omnino id, quod calore est præditum, sed quoddam ex iis, quæ sunt calore imbuta. Definitam ergo essentiam habent, quibus genus & differentia competunt, adeoq; etiam id, quod propriè definitur. Definitio enim est oratio ex genere & differentiis combinata. Ex quo & *ὅρος* dicitur, quia terminat, ac circumscribit rem, quæ definitur. Jam autem ipsa prima substantia, Deus, non definitum esse habet, sed totam exhaustit entis amplitudinem: neq; intra ens continetur, sed ipse potius *τὸ ἕν* in universum in seipso comprehensum tenet. Ab ipso enim cuncta pendent, quæ esse reverà habent, adeò, ut si ipse non esset, quod tamen impossibile est, nihil quicquam & cæterorum esset. Unde & propter esse ipsum omnia appetunt & cuncta ad eum referuntur, inq; eo terminantur. Ex quo & centrum omnium entium vocatur. Ut enim in centro omnes lineæ diametraliter coeunt & uniuntur, & quò magis à centro discedunt, eò magis quoq; à se distant: Sic & in Deo omnia entia coeunt quasi, & quò magis ab eo discedunt, eò minus habent *ὄντοτης* sive entitatis, adeò ut materia hanc ipsam ob causam, quod longissimè à Deo discedit indeq; minimum entitatis habet, non ens Platoni & Aristoteli, Plotino autem *ἐπερώτης* dicatur, quasi *ἐπερον τὸ ὄντος* 2. Ennead. lib. 4. c. 16. *Ἐστὶ μὲν τὸ κοινὸν ἀγαθὸν, ὃ πάντα ἐφείταται, καὶ δι' ὃ πάντα εἰς ὁμῶς τὰ τε ταπεινότερα, τὰ τε ὑψηλότερα. ἀλλ' ὅσα μὲν εἰς ἐξυτάτα ἐκείνη, δι' ἐκείνῳ τε ἀπλῶς γέγονε, καὶ κείνη ἀμέσως ἀπολεύει. τὸτο δὲ εἰς ὃ θεός, ἐξ ὃ τὰ πάντα, καὶ δι' ὃ, καὶ εἰς ὃ, ait Eustratius in 1. Ethic. cap. 1, *Est commune bonum, quod appetunt omnia & propter quod omnia tam humiliora, quam sublimiora existunt. Ita quidem, ut ea, quæ proxima illi sunt, simpliciter propter illud sint atq; immediate illud participant. Hoc**

verò Deus est, ex quo sunt omnia, & propter quem & in quem sunt omnia. Paucis, Deus est ipsum primum τὶ ἐστὶ omnium re-
rum, cuius participatione reliqua omnia sunt, quæ d sunt. Ex
quo & Philosophis, & nominatim etiam Platoni apud Justi-
num Philosophū & Martyrē in Dialogo cum Tryphone, αὐτὸ
ἐκείνο τὸ ἐν dicitur. In quovis enim genere id, quod κύριος καὶ
μακρὰ atq; ex se est tale, & cuius participatione reliqua in isto
genere sunt talia, solet αὐτὸ dici id, quod generis nomine indi-
catur. Veluti αὐτὰρχον id, quod primò & ex se bonum est, &
cuius participatione reliqua sunt bona Dionysius quoq; quem
Arcopagitam vocant, Philosophus Platonius insignis, ex eo-
dem capite lib. de divinis nominibus c. V. §. 4. Deum non quo-
dammodo, πᾶς, ait ens esse, sed ἀπλῶς καὶ ἀπεριόριστος, simpliciter
& indefinitè. Totum enim esse, pergit, in se occupat & com-
prehendit. Et paucis interiectis subdit: αὐτὸς ἐστὶ τὸ εἶναι τοῖς
ἄλλοις, καὶ ὅτι τὰ ὄντα μόνον, ἀλλὰ καὶ αὐτὸ τὸ εἶναι τὸ ὄντων, ἐκ τῆς προαιωνιότητος
αὐτοῦ, Ipse est esse rebus, & non tantum ea qua sunt, sed etiam
ipsum esse entium ex eo derivatum ente est, quod secula omnia
precedit. Ei autem, quod primum τὶ rerum omnium est,
quæstio τὶ ἐστὶ applicari non potest, quemadmodum nec existen-
tiæ quæstio εἰ ἐστὶ. Daretur enim sic progressus in infinitum,
quem respuit natura.

VI. Quid ergò fiet de Philosophiâ modò laudatâ, pri-
mâ, inquam, quam alio nomine θεολογία vocat Philosophus,
quod circa Deum præcipuè sit occupata 6. Met. 1. quo no-
mine eam quoq; insignit Ptolemæus in principio Almagesti?
Numquid deneganda ipsi erit scientiæ nuncupatio, quod nec
demonstratione propriè dictâ gaudeat, nec definitione? Id
sanè durum admodum esset. Ipsa enim est, in quam reducun-
tur principiâ omnium in universum scientiarum, unde reliquæ
omnes suum habent robur & firmitatem, ex quo & Dominam
eam,

eam ab Aristotele vocari & ἀπλοτάτην omnium pridem ostendimus, videlicet lib. I. c. XIII. n. 18. & hoc ipso libro secundo cap. III. n. 20. Sed & certissima dicitur omnium scientiarum, & circa maximè scibilia versari 1. Met. 2, indeque *maximè* esse scientia 1. Post. cap. 9. §. 3. Est ergò omninò & Philosophia prima scientia, sed generis alius. Nempe cum reliquæ scientiæ circa conclusiones versentur & causas inquirent non nisi in certo genere primas (tum enim demum scimus, cum causam non quamvis, sed *primam* in unoquoque genere cognovimus, lib. 1. Phys. cap. 1.); hæc causas *simpliciter* primas primaq; rerum omnium principia investigat, veluti primas definitiones, ut sunt definitiones entis, unius, eorumq;, quæ hæc consequuntur, prioris, posterioris, totius, partis & aliorum talium, quæ tamen non sunt definitiones propriè dictæ, demonstrationi inservientes, sed enumerationes variarum significationum: primas item hypotheses & prima axiomata, quæ non solum declarat, sed & quoad ejus fieri potest, probat. Præprimis verò in consideratione ipsius primi entis, quò reliqua cuncta sunt directæ, Dei scilicet, est occupata, quem simplici intuitu apprehendit. Sic enim cognoscuntur simplicia, in quibus τὸ εἶναι idem est cum reipsâ. Nempe ut illa, quorum esse in compositione consistit, cognoscuntur & per compositionem intellectus: ita simplicia cognoscuntur sine compositione per simplicem apprehensionem, quam Aristoteles τὸ ὁρᾶν seu videre comparat lib. 3. de Animâ c. 6. t. 26. nec non τὸ ἀκούειν, *audire* lib. I. Poster. c. 10. §. 11. Nam & sensus obiectum suum simpliciter sine omni compositione & divisione apprehendunt. Ex quo & idem Philosophus lib. 9. Met. c. ult. verum in compositis quidem, ait, consistere in *compositione & divisione intellectus*, in simplicibus autè verum dicit εἶναι τὸ θίγειν καὶ φέρειν, *mentem tangere & dicere*. Aliud enim κατὰ μέρος est,

aut ἀπόφασις, *affirmatio* aut *negatio*, aliud φάναι, *dictio*, quod &
 observat Auctor lib. de Interpret. cap. 4. Hæc in simplicibus
 obtinet, ista autem in compositis locum habent. Sed & perti-
 nent huc ista Theophrasti ex Met. circa medium : τὸ γὰρ νοεῖν ἡ
 διανοεῖν καὶ τὸν ἀποφάναι, διὸ καὶ ἐκ τούτων περὶ αὐτῶν, scilicet τὰ νόητά,
Intellectus notitia est veluti tangentis siue attingentis, ex quo
& non obnoxia erroris est circa illa, formas videlicet simplices.
 Ducit autem in ejusmodi notitiam nos ἀναλυσις, quæ nihil ali-
 ud est, quàm reductio rei in principia sua, à quibus pendet, ut
 subsequente libro tertio fufius ostendemus. Hæc ergo utitur
 & Philosophia prima, ut perducatur nos in notitiam ipsius primi
 entis, quod principium & causa est reliquorum. Nempe hoc
 sine assumit varia entis significata, atq; ex iis unum ad alterum
 reducit, donec perveniat ad primum. Veluti cum ens aliud
 sit *actu*, aliud *potentiâ*, actus autem & *naturâ*, & *definitione*, &
tempore, & *cognitione* prior sit potentiâ, 9. Met. 8. ens potentiâ
 reducit ad ens actu, hoc autem, cum sit id, quod est per actum,
 reducit ad ipsum actum, atq; cum ex his alius sit αἰώλος, à materiâ
 separatus, alius materiæ immersus, hujus generis actus ad actus
 prioris generis reducit, donec perveniat ad primū aliquem actū
 semper eodem modo se habentē, quem præsupponunt reliqui
 omnes. Item, cum ens aliud sit *per se*, aliud *per accidens*, hoc
 quidem neglecto, cum nulla scientia occupata sit in considera-
 tione entis per accidens, neq; contemplativa, neq; activa, neq;
 effectiva 6. Met. 2, ens per se initio distingvit, cumq; illud tot
 dicatur modis, quot σχήματα sunt τῶν κατηγοριῶν, *quid* seu sub-
 stantia, *quantum*, *quale*, πρὸς τι, *pati &c.* ex quibus aliqua sunt
 absoluta, ut *quid*, *quantum*, *quale* : reliqua autem σχετικὰ, *re-*
spectiva, hæc in illa resolvit, quippe quæ fundamentum sunt
 istorum, illa autem ad substantiam revocat, quippe quæ reliquis
 prior est & *naturâ*, & *tempore*, & *definitione*, ut docet Philo-
 sophus

sophus lib. 7. Met. cap. 1. Ex substantiis porro eum alia sit *composita*, ut elementa, & quæ ex illis constant: alia *materia*: alia deniq; *quidditas* seu forma, in hanc quidem reliquas duas resolvit, quippe à quâ illud ambo habent, ut materia quidem fiat, compositum autem sit & dicatur *τὸ* vel *τὸ δὲ τὸ* lib. 7. Met. c. 3. & 4. Tandem ex quidditatibus, quæ quæ unam reducit ad aliâ, donec perveniat ad primam, quæ sit *τὸ εἶ*: entium reliquorum. Similem procedendi rationem etiam in affectionibus entis observat, veluti in consideratione unius & multorum, item diversorum, differentium, oppositorum, dissimilium, quæ sunt species multorum atq; aperte *πᾶσι τῶν εἶδω*, *affectiones entis* appellantur 4. Met. 2. Ex his differentia reducit ad diversa. Omnia enim, quæ differunt, diversa sunt, sed non omnia, quæ diversa sunt, etiâ differentia dici merentur. Nempe quicquid differt ab aliquo, certâ quâdam ratione cum eo idem est, certâ autem ab eo diversum. Veluti quæ differunt numero solo, conveniunt specie, quæ autē specie solâ differunt, conveniunt genere. At diversa aliqua esse possunt, quæ nullo pacto conveniunt, sed se totis distant, ut ens & non ens, ad quæ omnia tandem differentia rediguntur. Nam & inter differentiam præcipuam facit *contrarietas* 10. Met. 4. contraria verò resolvuntur in privativè opposita, cum ex contrariis semper id, quod deterius est, rationem habeat privationis, ut frigus respectu caloris, nigredo respectu albedinis, curvum respectu recti, vitium respectu virtutis, & sic deinceps. Privatio autem porro omnis est quædam negatio, quia per eam non habet aliquid, quod vel omninò habere non potest, vel quod potest habere aut aliquo modo, aut omninò. Unde contraria quidem Philosophia prima reducit ad privativè opposita, hæc autem ad opposita contradictoriè, ex quibus prima sunt ens & non ens. Est verò etiam ipsum unum multorum

principium, quippe quæ præsupponunt illud, tanquam id, quod prius est naturâ, atq; basis illorum. Revocat itaq; Philosophia prima etiam hæc ad illud: cumq; & id, quod unum est, bifariam se habeat, est enim aliquid unum ut indivisum, quomodo continuum unum est (non enim est divisum actu, etiam si dividi possit) item universale &c. aliquid autem ut indivisibile, quâ ratione ipsa unitas se habet in numero, & punctum in magnitudine, ad id, quod hoc modo unum est, illud reducit. Est enim hoc illius veluti mensura. Ex quo & artifices in dijudicandâ re aliquâ occupati tamdiu resolvunt eam in priora, donec ad aliquod minimum & indivisibile perveniant, sive id simpliciter sit indivisibile, sive secundum quid solum, quale est, quod non datur minus secundum sensum, ita ut non liceat aliquid ab eo auferre, quin faciliè sentiatur & deprehendatur. Ita pedem metiuntur palmo, hunc digito, hoc autem tanquam primâ mensurâ, quâ non detur minor secundum sensum, utuntur, etiam si & aliàs ille in multas adhuc partes dividi queat. Eodem modo unciam in ponderibus crassiorum ceu mensuram adhibent, scrupulum autem in ponderibus tenuiorum. Talento enim faciliè aliquid additur vel detrahatur, quod non animadvertatur, & uncia vel scrupulo si vel minimum addatur aut dematur, nullo negotio innotescit. His ergo veluti mensuris in ponderibus dijudicandis utuntur. In qualitatibus autem dignoscendis adhibemus simplices qualitates, ceu normam compositarum. Veluti ad id, quod valdè calidum est, putamus cætera calida, & ad ejus scientiam, quem valdè doctum esse arbitramur, reliquorum exigimus eruditionem. In omnibus autem his talem ~~exigimus~~ non deprehendimus, qualem in Arithmeticis, ubi omnes numeri unitate, quæ prorsus indivisibilis est, ita, ut neq; secundum sensum, neq; secundum intellectum ei aliquid addi aut detrahi queat, æstimantur. Unde
hæc

hæc cæteris mensuris & unitatibus naturâ est prior, cæteræque ita vocantur ob ἀναλογίαν sive similitudinem quandam cum illâ. Quod non solum de mensuris in qualitatibus verum est, sed & quantitatibus ipsis. Utut enim non unitas solum, quæ mensura numeri est, simpliciter indivisibilis sit, sed & punctum, quod principium est magnitudinis, cætera autem non simpliciter, sed, ut Philoponus ad 1. Post. 20. loquitur, πρὸς τὴν ἡμετέραν συνήθειαν, *juxta consuetudinem nostram*: simplicior tamen ac prior unitas est, quàm punctum, quippe quod unitas est cum positione. Non licet namq; concipere punctum, quin situm illud alicubi esse concipiamus, veluti aut in principio, aut in medio, aut in fine lineæ: at unitas est sine positione. Sic ergò unum in quantitate pariter & qualitate, quin accidentibus omnibus ad unum in numero reducuntur. At hoc ulterius revocatur ad unum in substantiâ, utpote per quam sunt omnes quantitates pariter ac qualitates & accidentia cuncta. Cum substantiâ autem similiter ac cum generibus reliquis res est comparata. Ut enim in passionibus, qualitatibus, quantitatibus multitudo aliqua obtinet & præterea unum quiddam in omnibus, quod simplicissimū sit & mensura reliquorum, quale in numeris, ut diximus, est unitas, in magnitudine punctum, in ponderibus uncia aut scrupulus, in sonis dies, in oratione vocalis, in motu momentum, in tempore vñ, in demonstratione propositio immediata, & sic porro: Sic & in substantiis datur multitudo, & inter eas una prima simplicissima ac omnino indivisibilis, quæ reliquis omnibus sit perfectior, ac principium & mensura illarum, quæ rursus est ipsa prima quidditas à reliquis separata, ætus per se subsistens & semper eodem modo se habens, cujus participatio ne sunt reliqua omnia citra ullam ipsius multiplicationem & divisionem, perinde ut eadem species visibilis à multorum oculis recipitur sine divisione sui: & appetibile unum idemque existens

existens à pluribus appetitur similiter sine divisione ullâ: aut ex
 fonte in se quietè manente flumina manant, vel ex radice unâ in
 seipsâ conquiescente citra divisionem sui truncus, ramusculi,
 folia & fructus pullulant, quibus duabus posterioribus similitu-
 dinibus hanc rem illustrat Plotinus 3. Ennead. lib. 3. cap. 7. &
 lib. 8. c. 9. Ex quo & licet reliqua entia inter se formaliter sint
 diversa, in Deo tamen concurrunt, perinde ut lineæ extra cen-
 trum quidem inter se distant, in centro non item. Ita ergò Phi-
 losophia prima omnia resolvit in primum quid est, quæ & causa
 est, cur ipsa vocetur scientia τὸ τί τίς 6. Met. 1. & 11. (13.) c. 6.
 Cum enim cæteræ scientiæ factâ subjecti sui in propriam ratio-
 nem & affectionum in propria principia resolutione quiescant,
 atq; sic ipsius quid est nullam rationem afferant, sed illud aut
 inductione ex nobis notioribus manifestantes aut supponen-
 tes, ea, quæ generi subjecto per se insunt, ex illo demonstrent;
 sola Philosophia prima rationes, quas cæteræ scientiæ suppo-
 nunt, in priores resolvit, donec perveniat ad primum quid est,
 in quo, cum illo prius non detur (neque enim in causis pro-
 gressus datur in infinitum 2. Met. 2.) resolutio omnis definit
 & quiescit. Quemadmodum verò ratio ejus quod quid est,
 quamdiu divisibilis est, & ejus quidem aliquid ut materia est,
 aliquid ut forma & actus, definitio est: sic ratio ipsius pri-
 mi quid est definitio dici non potest, cum prorsus sit divi-
 sibilis, definitio autem omnis partes habeat dicto modo indi-
 stinctas. Definitione ergò hoc non cognoscitur, sed sim-
 plici, ut diximus antè, intuitu, qui omnium cognoscendi mo-
 dorum est perfectissimus & simplicissimus, initium omnium
 scientiarum. Quò spectant & illa Plotini ex 3. Enneade lib. 8.
 cap. 9: ἔστι μὲν μηδὲν τ' ἔστω, ὡς ἐστὶν ἀρχή. τοιούτο μὲντοι, οἷον μηδενὸς αὐτῷ
 κατηγορεῖσθαι δυναμένον, μὴ ὄντος, μὴ ὁσίως, μὴ ζωῆς, τοῦ περὶ πάντα ταῦτα
 ἄντα εἰ δὲ ἀφελὼν τὸ εἶναι λαμβάνεις, θαῦμα ἔχεις καὶ βαλὼν πρὸς αὐτὸ,
 καὶ

καὶ τυχὼν ἐν τοῖς αὐτοῖς ἀναπαύσμενος σωθεὶ μάλλον τῇ προσβοῇ σωθεῖς.
 συνορῶν δὲ τὸ μέγα αὐτῷ, τοῖς μετ' αὐτὸ δι' αὐτοῦ ὄντι, *Nihil horum* (De-
 us) *est, quorum est principium; & est tale, ut de ipso nihil præ-*
dicari possit, non ens, non essentia, non vita: propterea quod
super hac omnia sit, quæ scilicet prædicari possunt. Hæc enim
 omnia redolent compositionem quandam. Si verò ipsum esse
 inde auferens illud apprehenderis, protinus obstupefces & diri-
 gens te in illud, & assequens, atq; in ipsius sedibus conquiescens
 uno potissimum simpliciq; intuitu conspicias: conspiciatus autem
 magnitudinē ejus auspicaberis per illa, quæ post ipsum sunt, atq;
 per ipsum. Et Enneade quinta lib. quarto c. 1: *Quisquid, ait, præ-*
ter primum est, necessariū est ab ipso primo pendere, atq; id quidē
vel proximè, vel saltem per media quadam: esseq; ordinem se-
cundorum quorundam & tertiorum, ubi cerit, quod secundum
est, reducat ad primum, quod verò tertium, ad secundum.
 Oportet enim aliquid super omnia esse, idq; simplex omninò di-
 versumq; ab omnibus in se ipso consistens, neq; mixtum sequen-
 tibus, ἀπλῶς καὶ πάντων ἕτερον τῶν μετ' αὐτὸ, ἐφ' ἑαυτῷ ὄν, ὃ μεμιγμένον
 τοῖς ἀπ' αὐτοῦ, rursusq; alio quodam pacto ceteris facillimè præ-
 sens, quod & verè sit unum, non ita quidem, ut alterum quid-
 dam primò in se sit, deinde sit & unum: sic enim de hoc unum
 falsò prædicaretur. Id ipsum præterea neq; ratio, neq; scientia
 ulla attingit, ὃ μὴ λόγος, μὴ δὲ ἐπιστήμη, quod etiam essentia superi-
 us judicatur. Nisi enim omninò sit simplex ab omni prorsus
 concursione & compositione semotum, penitusq; unum, princi-
 pium esse non poterit, quippe cum ob ipsam summam duntaxat
 simplicitatem sufficientissimum esse queat αὐταρκέστατον, omni-
 umq; primum. Nempe & quod non est primum indiget eo,
 quod est ante ipsum, & quod non est simplex, hi indiget, quæ
 in ipso simplicia sunt, ut ex eis constituatur. Iam verò quod
 tale censeatur, unum tantum esse unicumq; oportet. Denique

Ennead. 6. lib. 8. c. 11: Omnis, inquit, *questio, vel quid aliquid sit inquiris, vel quale, vel propter quid, vel utrum sit nec ne. Esse quidem rerum omnium principium, sicut dicimus illud esse, per ea, quæ sunt ab illo, conjectare solemus: questio verò propter quid desiderans aliud principium expetit: sed universi principii nullum aliud principium est. Vtius querere, quale sit illud, nihil aliud est, quàm inquirere, quid accadat ei, cui nihil penitus accedit. Ipsum verò quid est declarat magis hoc, ipsum, quod nihil de illo querere debeamus, ipsum videlicet solummodo quod impossibile nobis accipientes atq; in eo, quod nihil ei fas sit adungere cognoscentes.*

VII. Cæterùm quoniam difficile est nobis ea, quæ suâ naturâ manifestissima sunt, eo modo, ut sunt, concipere, sit utiq; ut similitudine quâdam rationes cum iis, quæ nobis notiora sunt, comparantes, compositiones quasdam interdum etiam in istis comminiscamur, indeq; definitiones quasdam ac demonstrationes de iis secundum analogiam construamus. Verùm ubi analogia solum est, ibi non est res ipsa. Veluti in piscibus est aliquid, quod analogum est pennis avium, nempe pinna, quis autem has dixerit pennas? Considerantur quoq; tunc ista non *φυσικῶς*, prout fert natura ipsorum, sed *λογικῶς*, sive, ut Eustratius loquitur, κατ' ἐννοιαν, secundum modum nostrum concipiendi. In ipsâ porro ἀναλύσει seu reductione, quæ ducit nos ad cognitionem primi & summi entis, occurrunt aliqua, quæ partim inductione ex notioribus nobis declarantur, partim etiam per demonstrationem ex notioribus naturâ confirmantur. Veluti quod *substantia naturâ prior sit reliquis categoriis*, inde probatur, quod reliquarum nulla sit separabilis, ipsa verò esse possit etiam sublati istis, veluti domus sublatâ hâc figura, hoc colore, adhuc est domus, sed non viceversa sublatâ domo est adhuc figura hæc, vel color, vel aliud accidens. Item quod

quod definitione prior sit, inde asruitur, quod accidentis definitionem ingreditur substantia, non contrà. Vide 7. Met. 1. Pariter quod actus sit naturâ prior potentia, inde ostenditur, quod actus sit finis potentiz. Huius enim gratiâ est ipsa potentia, quod patet inductione. Veluti potentia videndi est ob visionem, potentia ambulandi ob ambulationem. Nec enim animalia vident, ut videndi potentiam habeant, sed ut videant, potentia videndi sunt instructa, & sic deinceps. Finis autem extra controversiam est naturâ prior iis, quæ sunt propter finem: expetitur enim propter se, cum hæc expetantur propter illum. Alia his gemina legi possunt lib. 9. Met. c. 8. Sed & illud hoc pertinet, quod Aristoteles lib. 10. Met: *unum uni contrarium* esse ex eo probat, quod contraria à se invicem maximè distent. Maxima enim distantia causa est, ob quam nequeunt uniplura contraria esse. Demonstratio quoq; ducens ad *impossibile* locū ibi invenit etiam in Deo. Veiuti, quod non corporeus sit, probatur inde, quia alioqui compositus esset ex materiâ, indeq; non simplex, nec principium esset, quod impossibile est, quam rationem etiam Alcinoüs adducit lib. 1. de doctrinâ Platonis cap. 10. Deniq; sunt aliqua extra Deum, quæ tamen habitudinem certam erga illum habent, & hæcenus nihil prohibet aliqua de eo & affirmari & demonstrari partim à priori, partim à posteriori. Sicut enim *centrum* in circulo duobus modis considerari potest, primò quidem *in se*, quâ ratione prorsus *αδιαίρετον* sive indivisibile est, indeque non aliter nisi cognitione individuâ cognosci potest. Vid. lib. 3. de Animâ cap. 6; deinde autem respectu *aliorum*, quæ ad illud certâ quâdam ratione & modo referuntur, ut diversæ lineæ ad illud à circumferentiâ ductæ, verbi gratiâ, diametæ & similes, & hæcenus varia de eo prædicari possunt, non tamen nisi extrinsecè & citra ullam ejus mutationem: ita & Deus in se sim-

plicissimus est, atq; simplici apprehensione intellectus cognoscitur, ob diversam interim habitudinem aliorum ad ipsum varias suscipit denominationes extrinsecas, quarum respectu nihil prohibet, quo minus etiam de ipso aliquid demonstretur. Veluti ex motu primi mobilis, qui ab ipso immediate pendet, demonstratur quod sit, non quidem à priori, sed à posteriori. Quod autem ex nihilo aliquid producere possit, probari potest etiam à priori. Non enim limitatam habet essentiam, adeoque nec potentiam, ut substantiæ naturales, quæ ut ex materiâ certâ constant, ita & ad eam in operationibus suis sunt restrictæ, ut non possint opus aliquod fingere, nisi ex materiâ & quidem certâ ac dispositâ; sed essentia ipsius pariter ac potentia, quæ in eo reapse idem sunt, sunt immensæ, ut etiam ex nihilo aliquid valeat producere, etiam si inter illud & ens producendum distantia sit infinita. Quæ de re observatione digna sunt verba Porphyrii in Timæum Platonis. Aitenim: *Negandum non est, quod materiam is ipse fecerit, per quem perfectam fuisse omnes fatemur. Artes enim instrumentis opus habent, quia in exterioribus laborant & materia non dominantur. Potentia verò naturales ut magis perfectæ, rebusq; intimæ, solâ suâ essentiâ operationes suas perficiunt. Idcirco anima per vitam suam essentialem nutrit, auget, gignit, respirat, sentit &c. Et imaginatio unico sui ipsius actu, diversas uno momento qualitates, diversosq; motus corporibus indit. Et demones ipsi, ajunt Theologi, suis imaginationibus absque instrumento operationeq; res miras patrant. Multo magis igitur opifex ille universi solo suo esse, quod & intelligere est, universo substantiam suppeditare poterit, individuum videlicet ipse dividuo huic mundo, Cui enim mirum esse debebat, quod res incorporea corporeas producat, cum ex tenuissimo semine animal ingens, quod ex tot, tantis, tam variis partibus coagmen-*

coagmentatum est, prodeat & crescat? Etsi enim semen exile est, ratio tamen seminalis certe minime exilis est, qua tam magna facit, nec rursus magna, qua vel in minimis particulis conspiciatur, seseq. exercat: at seminali hac ratio materiam indiget, ratio divina non item, qua nullius indiga sibi omnia facit & fabricat: & licet omnia producat moveatq. in sua, nihilominus permanet natura. Sed hac de re alibi fusius est disputatum.

LIBER TERTIUS,

QUI EST

DE

SCIENTIARUM COAGMENTATIONE ET COMPARATIONE INTER SE; NEC NON IGNORANTIA, QUÆ SCIENTIÆ EST ADVERSA, ET REQUISITIS AUDITORIS SCIENTIARUM.

CAPUT I.

De Scientia unâ & diversis.

I.

HActenus constitit, quot sint scientiarum genera, & quæ instrumenta sint ipsis inservientia, nempe inductio, definitio, divisio, demonstratio, cum in, tum de, sive cum illa, quæ ex effectis, tum illa, quæ ex causis procedit, & tandem *Evolution* quoque sive *resolutio*. Inter quæ

Kkkk 3

omnia

omnia etsi non sit exiguum discrimen, id tamen non officit, quò minus in unâ aliquâ disciplinâ, velut in Physicâ, Geometriâ & aliis, ista locum inveniant cuncta. Id enim inductione constat, quod plures quæstiones in unâ eâdemq; scientiâ considerentur. Veluti in Physicis consideramus, an & quid sit locus; item, an omnes substantiæ naturales sint & cur sint in loco. Neq; loco tantum, sed & tempori, infinito, motui & penè infinitis aliis in hac scientiâ quæstiones istas omnes accommodari videmus. Idemq; in aliis quoq; fieri cernimus disciplinis. Inde autem porro quæstio nascitur, quæ sit *una* scientia, & quæ *diversa*. Ad id enim certo aliquo opus est *ὑπόθεσις*.

II. Non difficile autem est totam rem dignoscere, si ea attendantur diligenter, quæ de sede demonstrationum suprâ à nobis sunt observata. Ibi enim ostendimus, quod cuncta, quæ in scientiis Theoreticis considerantur, metiri debeamus *πρῶτον ὑποκείμενα*, quod γένος ὑποκείμενον Aristoteli suo loco diximus appellari. Ex quo suâ sponte fluit, eam illic fore unam scientiam, quæ est *unius generis*, sive in quâ cuncta, quæ ibi sub considerationem veniunt, ad unum genus ὑποκείμενον possunt reduci, sive ut *principia*, sive ut *affectiones*, sive ut *partes*, sive ut *species* &c. Docet id disertè Aristoteles his verbis lib. 1. Post. cap. 28. §. 1: *Vna scientia est, quæ est VNIVS GENERIS, ita, ut ea, quæ tanquam ex prioribus, hoc est, principis composita considerat, sint aut partes* (quibus & *species* comprehenduntur. Est enim species pars generis §. Met. 2 §.) *aut affectiones eorum, quatenus sunt ipsa*. E. gr. Geometria est una scientia, quia habet unum genus, quantitatem continuam, & considerat ea, quæ componuntur ex prioribus, hoc est, ex principiis quantitatis continuæ, id est, trigonos, quadrata, circulos & reliquas figuras, quæ componuntur ex punctis & lineis, seu principiis quantitatis continuæ, & species sunt continuæ quantæ

quantitatis; itemque affectiones, quæ quantitati continuæ & speciebus ejus, quæ talibus, insunt, veluti trigono, quod habeat tres angulos duobus rectis æquales: & quadrato, quod diameter ejus sit incommensurabilis costæ. Sed & ratione ostendi potest, scientiam aliquam ideo esse unā, quod unius sit generis subjecti. *Processus enim cujusq; scientia*, ut Thomas loquitur lect. XLI. in 1. Post. *vel actus est motus aliquis rationis, seu rñs diavelas*. Unitas autem cujuslibet motus præcipuè ex termino dijudicatur, sicut ostenditur lib. 3. Phys. c. 6; terminus verò vel extremum in scientiis Theoreticis est genus subjectū, quoniam in iis nihil aliud, quàm hujus cognitio quæritur, veluti in Physicis cognitio substantiæ mobilis seu naturalis. In scientiis practicis & effectivis autem terminus finis est, quo istæ scientiæ sunt directæ. Unde ibi una scientia erit, quæ unum obtinet finem. Veluti varia sunt, quæ in scientiâ Medicâ proponuntur. Agitur ibi de morbis partim in genere, partim in specie, eorumq; causis & symptomatibus, de medicamentis item diversis ex plantis, materiâ animalium, item metallicâ &c: omnia tamen pertinent ad unam scientiam, quia ad unum tendunt finem, qui est bonæ valetudinis aut conservatio, si præsens sit, aut restitutio, si sit absens. Id autem in activis & effectivis esse finem, quod *ἔνός ἐπὶ οὐκ ἐνέμενον* in contemplativis, monitum suprâ haud semel est, veluti lib. 1. cap. VIII. n. 6. & cap. IX. n. 4.

III. Caterum vel ex dictis jam quivis intelligit, cum dicimus scientiam unam esse, quæ est unius generis, nos non intelligere *genus prædicandi*, de quo Aristoteles in 5. Met. cap. 2 & 3. loquitur, cum ait, *diversa genera esse, quæ secundum diversum ὁχῆμα κατηγορίας τὰ ὅντος dicuntur, ut sunt quid, quale, quid &c.* Nimis enim clarum est, quod multa, quæ ad unum genus prædicandi pertinent, in diversis considerentur scientiis, veluti ma-
gnitu-

gnitudo consideratur in Geometriâ, numerus in Arithmeticâ, quæ diversæ specie disciplinæ sunt, & tamen cum magnitudo, tum numerus ad idem σχῆμα κατηγορίας pertinent, nempe quantitatis. Clarum item est, contraria multa in diversis esse prædicamentis, & tamen in unâ scientiâ considerari, velut in Physicâ consideratur substantia mobilis, quæ est in categoriâ substantiæ: locus & tempus, quæ sunt in categoriâ quantitatis: calor, frigus, lumen, odor, sapor, quæ sunt in categoriâ qualitatis &c. Quod pertinet, quod supra ostensum est ex 3. Met. 2, *differentias substantiarum ex omnibus peti categoriis*: differentiarum autem substantiarum cum substantiâ ipsâ, cujus sunt differentiarum, sine dubio pertinent ad scientiam eandem. Inde nusquam Philosophus dicit ea, quæ ad eandem scientiam pertinent, debere contineri in uno aliquo genere, sed esse EX eodem aliquo genere, id est, ex uno aliquo genere fluere seu ducere ortum. Inter quæ duo non exiguum discrimen est, sicut ostendimus lib. 1. cap. IX. §. 2. Per genus igitur intelligimus hic genus ὑποκείμενον, seu ipsum scientiæ objectum, de quâ significatione eodem loco §. 1. est dictum.

IV. Sed & hoc jam ex iis, quæ supra dicta sunt, intelligitur, de genere ὑποκείμενον nobis hic sermonem non esse, quatenus illud spectatur *materialiter*, ut in Scholis loqui solemus, cum notissimum sit, non solum plures scientias circa unam eandemq; rem occupari, v.gr. circa magnitudinem Physicam & Geometriam, circa motum Physicam & Astronomiam &c; sed contra etiam unam plerumque scientiam res diversissimas considerare, velut Physicam seu *naturalem* cælum, quod incorruptibile est, & sublunaria hæc, quæ corruptibilia sunt, de quibus Aristoteles in 10. Met. cap. ult. quod ab iis, quæ incorruptibilia sunt, genere differant toto. Neque id mirum. Si enim una potentia sensitiva res diversas percipere potest, velut visus

visus colorem & lumen, item numerum & magnitudinem &c. multò magis scientia una, quippe quæ intellectus habitus est, ad longè plura se extendentis, quàm sensus, percipi poterunt res diversæ. Ex objecti igitur unitate, quatenus illud materialiter consideratur, scientiæ unitas pendere non poterit; sed ex unitate objecti, quatenus illud formaliter spectatur. Diximus autem & de hoc discrimine loc. cit. n. 3. Et hoc clarè quoq; indicavit Aristoteles in 2. Post. cap. 3. §. 9. dicens: τὸ ἓνός, ἢ ἓν, μία ἐπιστήμη, *unius, quia unum est, scientia est una.*

V. Ceterùm in eo difficultas est, quando quæritur, quomodo unitas formalis objecti in scientiis Theoreticis sit dijudicanda. Ex Scholasticis Doctoribus non pauci existimant, eam petendam esse ab objecti à materiâ abstractione. Cum enim scientiæ objectum perpetuum & necessarium esse debeat, materia autem vicissitudinis & contingentiae causa sit, rem eatenus scibilem esse dicunt, id est, certâ & necessaria cognitione percipi posse, quatenus intellectus eam à materia abstrahit, hoc est, sine materiâ expendit. Est autem huiusmodi abstractio juxta illos triplex. Prima est tantùm à *materiâ sensibili & singulari*, quomodo animal aut hominem abstrahi dicunt, quando absolutè ista & in se considerantur, quatenus sunt animal & homo, non consideratis singularibus, in quibus sunt, aut de quibus dicuntur; sine his enim percipi talia possunt, quamvis non absq; materiâ omni. Neq; enim animal solâ formâ definitur, sed formâ & materiâ, nempe animâ & corpore organico. Altera est abstractio à materiâ non singulari solùm, sed & *universali determinatâ*, non quidem secundum rem, attramen secundum rationem. Talis abstractio est, si quis triangulum in se consideret, non consideratâ ullâ materiâ determinatâ. Quamvis enim triangulum non possit esse nisi in materiâ, verbi gratiâ, in coelo, ligno, ære, argento, aut aliis talibus,

tamen quia proprium ipsius esse non est restrictum ad certam materiam, absq; omni tali materiâ sufficienter intelligi potest. Considerat autem hoc pacto triangulum, qui cogitat illud habere tres angulos æquales duobus rectis: neq; enim considerat illud, quatenus est in coelo, aut aliâ materiâ, sed per se, ab his & aliis abstractum. Tertia abstractio est à *materiâ omni* tam *singulari*, quàm *universali*, non secundum rationem solum, sed & secundum rem ipsam. Quæ secundum ipsos rursum duplex est. Una secundum *essentiam*, quando intellectus sine materiâ considerat ea, quæ reverà sunt sine materiâ secundum totam suam rationem, quales sunt Deus & intellectus reliqui: altera secundum *indifferentiam*, quando intellectus sine materiâ ea considerat, quæ ex unâ quidem parte sunt in rebus materiæ immersis, ex alterâ tamen in rebus immaterialibus, ut sunt ens, unum, verum & id genus alia. Secundum hæc igitur diversa abstractionum genera scientiarum unitatem & discrimen merentur, primi quidem generis abstractionem tribuentes *Physica*, alteram *Mathematica*, tertiam *Metaphysica*. Hæc illi.

VI. Verum etiam in hoc dogmate non sine ratione aliquis multa desiderarit. Quomodo enim ea, quæ in Physicis & Metaphysicis considerantur, ex abstractione considerari dici possint, nondum videmus. Secundum Aristotelem quidem tantum *Mathematica* dicuntur abstracta à materiâ, seu ut ipse loquitur, *ἐξ ἀπορίσσεως, ex abstractione*. *Physica* verò tantum abest, ut à materiâ abstracta dici juxta illum possint, ut potius, quàm talia, cum materiâ sint concreta, sicuti expresse, seu aliquoties jam observavimus, in 2. Phys. 2. in eo discrimen ponit inter Mathematica & Physica, quod illa sint *ᾠριστὰ, separabilia*, scil. à materiâ, hæc non item, quodq; illa sese habeant ut *concavum* seu curvum, hæc autem ut *simum*, quod & ipsum quidem curvitatem quandam dicit, verum non simpli-

citer

citer, sed in certâ materiâ, aut subiecto, videlicet nâso. Idem repetit in 1. de An. c. 1, ubi disertè scribit, Physicum occupatum esse *περὶ τὰ πᾶσι τῆς ὕλης τὰ μὴ χωριστὰ*, circa affectiones materia non separabiles & quatenus sunt non separabiles: Mathematicum autem considerare quidem ea, quæ sunt in materiâ, non tamen quatenus sunt in materiâ, sed quatenus sunt ἐξ ἀφαιρέσεως, seu talia, ut mente abstrahi queant. Confer & 11. Met. 3. Neq; est, quod quis dicat, abstrahere tamen Physicum à materiâ singulari. Hoc enim ipso non differt Physica à Mathematicâ, cum hoc & Mathematicæ & omnibus in universum aliis scientiis sit commune. Singularium namque nulla prorsus est scientia, 7. Met. 15. Quod autem ab hâc materiâ solâ abstrahat Physica, id ipsum ex hâc ratione fit, quod naturalia secundum suam rationem propriam involvant materiam quandam, eamq; determinatam, quam intelligibili, quippe quæ & in Mathematicis locum habet, contradistinguit Aristoteles 7. Met. 10. Ex quo intelligitur, quod ratio, per quam Physica à Mathematicis separantur, non sit abstractio, sed potius concretio, seu compositio, aut comprehensio materiæ determinatæ.

VII. Sed neq; apparet, quomodo ea, quæ in Metaphysicis considerantur, ἐξ ἀφαιρέσεως, sive abstracta dici possint. Abstrahere enim nihil aliud est, quàm ex rebus conjunctis considerare unum sine altero, ut si in cratere attendas circulum, non materiam auream: in pomo colorem, non saporem. Deus autem & intelligentiæ non sunt conjunctæ cum materiâ, adeoque abstractione à materiâ omninò opus non habent. Inde q; non ἐξ ἀφαιρέσεως, sed ἀχωρισμένως, separata dicuntur, 1. de Animâ c. 1. t. 17. Ens autem, unum & id genus alia, quomodo & re & ratione dici possint abstracta, nobis quidem rursum percipere datum haud est. Propter indifferentiam id fieri dicunt.

At hoc videtur contradictionem importare. Si enim indifferentia seu indeterminata ad utrumq; sunt, videlicet ad materialia & immaterialia, non suscipient utiq; denominationem solum ab altero membro. Statim enim, ut hanc suscipiunt, & abstracta dicuntur secundum rem & rationem, jam determinantur ad alterum membrum, nec dici amplius possunt indifferentia, quoniam quod indifferens est ad aliqua, ad illa æquè se habet, nec ullius magis, quàm alterius propria in se admittit. Præterea, quæ propriè abstrahuntur, habent unam quandam peculiarem rationem, secundum quam considerantur, non considerata materiâ, in quâ insunt, quoniam hanc in ratione suâ non involvunt. E. gr. Concavitas habet propriam quandam rationem, quæ materiam sensibilem, æs, aut lignum, aut aliud quid tale non includit; ideoq; separatim juxta istam rationem considerari potest, quod cum sit, *ἡ ἀραιότερος* dicitur considerari. Pariter & cum circulus definitur superficies, à cujus centro omnes lineæ, ad circumferentiam ductæ, sunt æquales, hæc est ratio circuli, in quâ materiæ sensibilis mentio fit nulla. Ideoque & ipse *ἡ ἀραιότερος* spectari dicitur, quando secundum istam rationem consideratur. Jam autem ens, unum & id genus alia talem rationem non habent. Sunt enim æquivoca, saltem *πρὸς τὴν φύσιν καὶ πρὸς τὸν λόγον καὶ τὸν ὄψον*, secundum prius & posterius. Hæc verò non habent unam aliquam rationem & naturam, quæ abstrahi ab illis possit, lib. 3. Polit. c. 1.

VIII. Adhæc cum abstractio, si quæ est, secundum essentiam, longè alia sit, quàm abstractio secundum indifferentiam, ratio ipsis edisserenda esset, cur duo hæc abstractionum genera, eo non obstante, uni scientiæ accommodent & non potius scientiæ juxta eas constituentur diversas? Forè dicent, ideo id fieri, quod utraq; sit abstractio rei? At si hæc ratio sufficit, eodem jure aliquis dixerit Physicam & Mathematicam esse

esse unam scientiam, quod utraq; utatur tali abstractione, quæ non rei sit, sed tantum rationis. Dicere quoq; eos oportebit, cur Geometria & Arithmetica, cum eodem modo abstractum objectum suum considerent, sint diversæ & non potius scientia una. Item, quomodo ad scientias Mathematicas referri possint Astrologia, Optica, Musica, cum hæc non considerent objectum ab omni materiâ abstractum? Astrologia enim non simpliciter numerum spectat, sed numerum motus cœlestis: Optica non simpliciter lineam considerat, sed lineam visualement &c. Deniq;, ut plura non addamus, cum abstractio opus intellectus sit (huius enim proprium est, ut abstrahendo intelligat) non apparet, quomodo ea omninò scientiarum diversitatem parere possit. Discrimen enim scientiarum ex rebus ipsis petendum est, sive ex naturâ ejus, quod scitur, aut scibile est (ad hoc enim velut ad mensuram scientia refertur, s. Met. 1. 3. t. 10. cap. 1.) non ab intellectu.

IX. Rectius itaq; dicitur ab aliis, quod unitas formalis objecti in scientiis contemplativis à principiis & modo considerandi sit desumenda. A rebus enim scibilibus, ut dixi, quatenus scilicet sunt scibiles, iudicium de hæc est petendum. Res autem scibiles sunt, ut demonstrabiles & definibiles. Scientia porro est habitus & *ποδεικτικὸς*, per demonstrationes acquisitus: demonstrationes verò principiis nituntur & inter cætera, idq; potissimum, definitionibus, quæ pro diversâ *οὐσίᾳ*, seu diverso considerandi modo diversimodè se habent, ut suo dictum est loco. In quibus ergò modi definiendi & demonstrandi prorsus diversi sunt, eæ diversæ scientiæ sine dubio erunt, quæ, inquam, ex diversis principiis propria sua theoremata stabiliunt, aut affectiones ex diversis principiis demonstrant, ex diverso modo res ipsas considerandi prodeuntes. Inde Physica & Geometria diversæ disciplinae sunt, licet utraq; eandem rem consideret,

videlicet corpus. Modus enim considerandi diversus est, & principia, quibus scientia hæc in demonstrando utuntur, sunt diversa. Physicus enim considerat corpus, non quia corpus est, quod præstat Geometra, sed quia naturale. Et ille quidem corpus resolvit in superficies, lineas & puncta, tanquam in sua principia: hic autem resolvit corpus in materiam & formam. Ita corpus humanum præter Physicum & Medicus considerat, sed ex diversis principiis & diverso respectu. Physicus quidem considerat illud tanquam substantiam, quæ habet in se principium motus & quietis: at Medicus idem considerat, ut est subiectum sanitati & ægitudini. At scientia de animalibus & plantis non sunt diversæ genere scientiæ. Idem enim in illis est considerandi modus, etiamsi res subiectæ sint specie distinctæ. Utraque enim res sibi subiectas considerat tanquam res naturales, principium motus in se habentes, utraque, resolvit illas in materiam & formam & ex ipsis easdem contemplatur.

X. Inde Themistius Commentario in 1. Post. c. 28. ait: *μία επισήμη ἐστίν, ἡ ἐνὸς γένους. Τὸ γένος ἐν, ὃ ταύτας ἔχει ἀρχάς, Scientia una est, cuius unum genus est, aut quæ speculatur eidem generi per se inexistencia.* Unum autem genus est, quod habet eadem prima principia, quæ prima scilicet sunt in aliquo genere subiecto. Alias enim principia cuiusque, speciei, sub aliquo genere, propria & diversa sunt, velut homo & lapis, quamvis in primis principiis conveniant sub genere substantiæ mobilis (uterque enim materiam habet, uterque, formam) differunt tamen in eo, quod alia sit materia proxima hominis, alia lapidis, alia item utriusque forma propria. Ita & Philoponus in Comment: *μία ἐστὶν επισήμη, ἡ περὶ ἐν γένος καταγινόμενη, καὶ τὰ κατ' αὐτὸ ὑπάρχοντα τῆς επισκοπῆς. περὶ ἐν δὲ γένος φησὶ καταγινόμενα, ὡς ταῖς αὐταῖς ἀρχαῖς χρώμενα. ἢτε γὰρ ἐν εἰς τὸ γένος καὶ αἱ ἀρχαὶ αἱ αὐταί. ἢτε αἱ ἀρχαὶ αἱ αὐταὶ εἰν, καὶ τὸ γένος ἀνάγκη τὸ αὐτὸ εἶναι εἶον γεωμετρίας,*

ἑρμηνεία, καὶ στερεομετρία, καὶ ὁπτικὴ μὲν ἐπιστήμη. κοινὰ γὰρ αἱ ἀρχαί, καὶ τὰ
 στοιχεῖα, ὅ, ὧν καὶ ἀποδείξεις αὐτῶν καὶ τὸ γένος δὲ πᾶσάν, ἐν λέγω δὲ τὸ
 συνεχές, ἡ τὸ μέγεθος, καὶ τὰ τρίτων εἶδη, *Una scientia est, qua circa*
unum genus est & ea, qua ipsi per se insunt, contemplatur. Cir-
ca unum autem genus occupata sunt, qua iisdem principiis u-
tuntur. Quarum enim unum genus est, earum & principia
sunt eadem. & vicissim, quarum principia sunt eadem, earum
& genus idem esse necesse est, veluti Geometria, & Stereome-
tria, & Optica una sunt scientia. Communia enim principia
habent & elementa, ex quibus demonstrationes earum sunt, &
genus prater ea omnium unum est. Dico autem continuum, vel
magnitudo & species illorum. Hæc ille. Quibus aperte & hoc
indicat, quod scientia subalternans & subalternata sint eadem
scientia, quod & Aristotelem alicubi docuisse supra diximus
nempe lib. 1. c. IX. §. XIII. quodammodo tamen etiam diversæ
sunt, nempe ob accidentalem differentiam & maiorem vel
minorem ἀκρίβειαν, ut ibidem docuimus, §. 9.

XI. *Diversa autem scientiæ sunt, quarum principia neq;*
ex iisdem principiis oriuntur, neq; ex se invicem. Velut Geo-
metria & Arithmetica. Habent enim diversa principia. Illa
punctum, lineam, superficiem; hæc autem unitates, quæ neque
ex iisdem fluunt principiis, neque ex se invicem oriuntur. At
Geometria & Stereometria non sunt diversæ scientiæ, prin-
cipia enim sunt eadem, neque scientia naturalis & scientia de
animatis, accipit enim hæc principia à naturali scientia atque
ex iis demonstrat. Δὲ τὰς ἐτέρας ἐπιστήμας, αἶν Philoponus l. c.
μητὰς αὐτὰς κεχρῆσθαι ἀρχαῖς, μήτε τῶν ἐτέραν τοῖς τῆς ἐτέρας διακρίμασι
ὅς ἀρχαῖς κεχρῆσθαι, Oportet & diversas scientias non iisdem prin-
cipiis uti, nec diversam alterius theorematibus ut principia. In-
de Optica, addit, non est simpliciter diversa à Geometria sci-
entia. Utitur enim theorematibus in Geometriā demonstra-

tis, tanquam principiis. Idem de Arithmetica & Musica &
 aliis talibus est dicendum. Ad dignoscendum autem, num
 una scientia ex iisdem constet principiis, ex quibus altera, Ari-
 stoteles in 1. Post. c. 28. §. 3. duo affert signa. Nempe *primò*,
 ait, dignosci id posse, si, cum ad *indemonstrabilia* perventura
 fuerit, hæc sint in eodem genere cum iis, quæ demonstran-
 tur. Sic problemata Optica tandem reducuntur ad princi-
 pia indemonstrabilia Geometrix: hæc autem cum conclusio-
 nibus Opticis sunt in genere eodem. Principia namq; Geo-
 metrix sunt principia magnitudinis & specierum ejus, quæ tali-
 um, inter quas species est & linea, quam sub ratione lineæ con-
 siderat Geometra: conclusiones autem aut theorematum Optica
 sunt quidē de talibus lineis, nempe visualibus, at non, quæ visua-
 les, sed quæ lineæ sunt, uti etiā dictum fuit lib. 1. c. IX. §. IX. Idem
 ergò hic genus est. Deinde & hoc signum est istius rei, *cum*
res, quæ demonstrantur, sunt sub eodem genere cum iis, ex qui-
bus aut per quæ demonstrantur, & ipsæ res quoq; invicem sunt
sub eodem genere. E. gr. Demonstramus passiones varias
 trianguli, v. gr. quod habeat tres angulos duobus rectis æqua-
 les, & quod duo latera semper sint terriò majora & hujusmodi,
 alia quæ sunt sub eodem genere cum suis principiis, ex quibus
 demonstrantur. demonstrantur enim ex definitione lineæ, pun-
 cti, anguli & similium, quæ cuncta sunt sub eodem genere,
 quod est quantitas continua. Sed & affectiones istæ conge-
 neæ sunt. Omnes namque sunt sub genere trianguli: acci-
 dunt namq; per setrigonò, quæ trigonus est, non autem acci-
 dunt quadrato, aut circulo, aut alteri cuiquam generi quantita-
 tis continuæ. Ex quibus simul intelligitur, quæ sint indicia, quod
 disciplinæ aliquæ diversis consent principis adeoq; diversæ
 sint & ipsæ. Scilicet & hoc ex analysi cognosci potest, si de-
 monstraciones scientiarum resolvamus usq; ad principia inde-
 monstra-

monstrabilia. Si enim hæc non sint ex eodem, sed ex diversis generibus, patet diversas esse. Ita resolvendo demonstrationes Geometricas & Arithmeticas ibi pervenimus ad definitionem puncti, lineæ: hæc autem ad definitionem unitatis, quæ puncto & lineis congenæ non est. Potest verò idem & ex compositione principiorum cum conclusionibus cognosci, si scilicet illa non respondeant, sed conclusiones quidem sint sensibiles, principia autem intelligibilia, aut contrà. Oportet enim semper esse responsum aliquem inter principia. V.g. Si conclusio sit sensibilis & principia oportet esse sensibilia. Si verò intelligibilis conclusio, principia etiam talia esse debent, 3. de Coelo c. 7. t. 6 r.

XII. Unitas ergo & diversitas scientiarum contemplativarum, quantum ex his constat, dijudicatur genere ὑποκειμένων, quatenus id hoc aut illo modo spectatur, unde etiam modus considerandi rectè formale dicitur scientiarum. Perinde autem est, siue genus illud sit univocum, quod Aristoteles vocat καὶ ἐν: siue commune πρὸς ἐν. Neque enim existimandum est, quod eorum solùm generum detur una scientia, quæ secundum unam eandemque rationem dicuntur, non etiam eorum, quæ licet unam rationem non habeant, sed rectè in diversa significata ferantur, pendunt tamen ab uno principio, aut tendunt ad unum aliquem finem. Dicuntur namque & hæc, si non simpliciter, quodammodo tamen secundum unum. Ita sanorum omnium una scientia est, Medicina scilicet & tamen sanum de omnibus his non dicitur ἀπλῶς, sed πλεοναχῶς: aliter enim animal sanum dicitur, aliter cibus, aliter medicamentum, aliter urina & pulsus, &c. Sic civis obtemperantis & imperantis una datur scientia, Politica videlicet, & tamen de his civis non dicitur eodem modo seu καὶ ἐν, sed κατὰ πρότερον καὶ ὕστερον. Entis etiam, quia ens est, una est scientia, Philosophia prima:

Mmm

ncc

nec tamen ens καὶ ἐν dicitur, sed πρὸς ἐν καὶ μίαν τινὰ φύσιν. Con- siderat hoc & Aristoteles in 4. Met. c. 2, atq; ait: Quemad- modum sanorum omnium eadem scientia est, ita & de cæte- ris est. Non enim solum eorum, quæ secundum unum di- cuntur, verum etiam eorum, quæ ad unam naturam dicuntur, unius scientiæ est speculari. Etenim hæc etiam quodammodo secundum unum dicuntur. Hæc ille:

XIII. Alia autem est ratio eorum, quæ analogæ ab Ari- stotele dicuntur. Quanquam enim Scholastici ea quoq; ana- loga dicere soleant, quæ Aristoteli vocantur communia πρὸς ἐν ἢ ἀφ' ἐνός: hic tamen analogæ iis semper contradistinguit, *analogæ* ea vocans, *quæ se habent, ut aliud ad aliud*, sicut ait in 5. Met. 6. & 2. de Animâ t. 9. Vox enim ἀναλογία ex Mathematicis in Philosophiam traducta est. In Mathematicis autem dicitur ἀναλογία ἢ τῶν λόγων ὁμοιότης, *similitudo rationum*, ut est in 5. E- lem. Eucl. def. 4. λόγος autem seu ratio, ut ibidem dicitur def. 3, est δύο μεγεθῶν ὁμογενῶν ἢ κατὰ πηλικότητα, πρὸς ἀλλήλας ποιεῖσθαι σχέσις, *duarum quantitatum homogenearum secundum quantitatem ad invicem habitudo*, velut inter 2. & 4. intercedit ratio dupla; bis duo enim sunt quatuor. Talium autem habitudinum plu- rium similitudo vocatur ἀναλογία. Ita ἀναλογία est inter 2. & 4., & inter 4. atq; 8. Ut enim 2. se habent ad 4.: ita 4. ad 8. Utrobique sc. est ratio dupla. Ut enim 2. bis continentur in 4.: ita 4. bis conti- nentur in 8. Hinc porro ad alia quoq; translata est vox ἀναλογία. Ea namq; omnia dicuntur ἀναλογαί, in quibus ita primum se ha- ber ad secundum, ut tertium ad quartum, aut vicissim. V. c. lib. 2. de An. c. 1. radix dicitur ἀνάλογος ορί, quia uti se os habet ad animal, ita radix ad plantam; nam radice quidem plantæ, at ore ani- malia capiunt nutrimentum. Ita & mens dicitur *analogæ vi- sui*, 1. Topic. 17. §. 1. Quod enim visus est in corpore, id mens est in animâ. Unde & passim intelligere comparatur τῷ ὁρᾶν, veluti

veluti 3. de An. 7. *Ἀνάλογα* itaq; in communi Aristoteli dicuntur, in quibus unū aliquod est commune, quod de duobus vel pluribus dicitur propter mutuā inter se convenientiā, quæ in pluribus istis reperitur, non habitā ratione ordinis, secundum quem de uno prius, de altero posterius dicitur. Conf. 9. Met. 6. l. 1. 2. c. 4. 5. 7. lib. 14. c. ult. At talem convenientiam aut comparationem non requirunt communia *πρὸς ἓν ἢ ἀφ' ἑνός*, sed *σχέσιν* seu relationem ad commune principium, aut communem finem. Unde differē ea, ut dixi, Aristoteles analogis contradistingvit, cū alibi passim, tum imprimis in 1. Ethic. c. 6. (4.) istis verbis: *ἄλλα δ' ὅρα γε τῷ ἈΦ' ἑνός εἶναι, ἢ ΠΡΟΣ ἓν ἀπαντα συντελεῖν, ἢ μᾶλλον κατ' ἈΝΑΛΟΓΙΑΝ*. Legatur & 7. Phys. c. 5. l. 31.

XIV. Eorum itaq; ut ad prius revertamur, quæ dicuntur communia *πρὸς ἓν, ἢ ἀφ' ἑνός*, datur quidem una scientia; at non eorum, quæ *ἀνάλογα* vocantur. Namq; per inductionem manifestum est, quod inter multa intercedat analogia, quorum tamen consideratio ad diversas scientias pertinet, vel inter *punctum & unitatem*, 1. Topic. 18. §. 13. *senectutem & vespertam*, lib. de arte Poët. c. 21. & talia infinita. Per accedens tamen aliquando fit, ut analogæ quoq; ad scientiam pertineant eandem. Sunt enim quædam ex iis ita comparata, ut ad idem genus univocum revocari possint, & partibus aliquibus consent, quæ eodem fungantur officio, non tamen eodem modo se habeant in omnibus, eaquin ad eandem scientiam pertineant, dubium nullum est. Ita homo & piscis sunt sub eodem genere animalis: uterq; carne constat; uterq; indiget aliquo, velut fulcimento, quod carnem sustineat aut sustentet: tale quid in respectu ad carnem hominis est os, ad carnem piscis autem spina, denique ad carnem sepis, quæ & ipsa sub genere animalis est, sepium. Cuncta autem hæc eodem modo se non habent: neque enim quoad substantiam

prorsus eadem sunt. Inde ταυτότης quidem in his locum non habet, habet interim ἀναλογία, quæ tamen tantum abest, ut impediatur, quò minus ista in eadem scientiâ considerari, queant ut necessario in eadem considerata sint, propter officium commune, quod præstant in iis, quæ sub eodem genere continentur. Tale quid de corde quoq; & sanguine, quæ in animalibus perfectis reperiuntur, & analogis cordis atq; sanguinis, quæ in insectis, cancris, ostreis, cochleis & aliistalibus conspiciuntur ac, simili, quod cor & sanguis præstant, officio in iis funguntur, dicere oportet. Et de his sine dubio locutus est & Aristoteles 2. Post. c. 14. §. 3, cum ait *in scientiis ἐκλογὴν problematum etiam κατὰ τὸ ἀνάλογον esse instituenda.* Non licere enim semper unum idemq; accipere nomen, quo appellentur nonnulla magnam convenientia inter se habentia, v. g. nomen commune, quo appelletur sepium, spina & os, quo tamen sint consequentia aliqua, ita comparata, ac si una istorum esset natura. ἐπεὶ γὰρ ἐστὶ δυνατόν, inquit Philoponus in ist. 1. δι' ἐνὸς ὀνόματος ταῦτα δηλώσαι ἀνάγωμεν ταῦτα ὑπὸ τὸ ἀνάλογον καὶ ἐπὶ τούτῳ ἕως κοινὸν ὄνομα δηλωτικὸν τούτων ἀπάντων, *Quoniam fieri non potest, ut ista per unius nomen significentur, reducimus ista sub analogum, & est hoc ut nomen commune horum omnium significativum.*

XV. Porro quamvis non univocorum solum, sed & communium πρὸς εἶναι una aliqua detur scientia, discrimen tamen aliquod his intercedit. In univocis enim scientia est ceu πρότερον ὑποκειμένη generis, quatenus illud secundum communem, id est, unam eandemq; rationem spectatur, ad quod reliqua reducuntur, sive ut principia, sive ut species, sive ut partes, sive ut affectiones. V. c. Scientia de animalibus pro subiecto primo habet animal, quæ animal, id est, secundum communem naturam spectatum. Hanc enim vim habet reduplicatio in Synonymis: notat rationem formalem æqualiter omnibus inferioribus

bus communem. At in communibus πρὸς τὴν scientiā pro sub-
 jecto primo agnoscit non communem naturam, quā illa
 non habent, sed primum inter ea, de quo commune illud dici-
 tur, & ad quod cetera referuntur aut à quo cetera descendunt.
 Quod etiam reduplicatio, quando communi isti additur, signi-
 ficat. V.c. bonum, quatenus bonum, est ipsum ἀγαθόν, seu sum-
 mum bonū, de quo bonum πρῶτως καὶ μάλιστα dicitur. Hoc iterū
 nos docet Aristoteles in 4. Met. c. 2. his verbis: *Ὃντινός ἐστιν, καὶ*
primariò & principaliter, in iis scil. quæ dicuntur communia
 πρὸς τὴν, *primò & ex quo cetera pendent, scientia est & propter*
quod ista dicuntur. Reliquorum autem scientia est, quatenus
 ad primum illud οὐκ εἶναι habent, sive tanquam ad commune
 principium, à quo singula pendent, sive tanquam ad commu-
 nem finem. Ita cum substantia sit primum inter entia, hujus
 primò & principaliter Philosophia prima, quæ est entis, quæ
 ens, est scientia: reliqua autem entia considerantur quidem &
 ipsa in hac scientiā, verūm δευτέρως & quatenus sub ratione entis
 referuntur ad substantiam, vel ut quantitates, vel ut qualitates,
 vel ut passionēs substantiæ, vel ut via ad substantiā, quemadmo-
 dum generatio, vel ut privationes, vel ut γεννητικὰ substantiæ. Vid.
 ibid. & 7. Met. c. 1. Ad specialio rem autem talium consideratio-
 nem se non demittet. Ita colorem considerabit quidem, verūm
 non ut color est, sic enim propriam suam habet rationem, neq;
 ad ens refertur, sed ad certam quandam entis speciem, nempe
 ad corpus mixtum ex lucido & opaco, cuius propria affectio est
 cum unā quā consideratur in Physicā; sed quatenus est qua-
 litas, quod ipsum cum pluribus aliis commune est: ideo enim
 color ens dicitur, quoniam est qualitas substantiæ. Per hoc
 autem, quod color est, non simpliciter ens dicitur, sed certā
 aliqua entis species, quæ iam aliud est considerationis.

¶ XVI. Ideò à veritatis tramite aberrant, qui dicunt, unam

Mmm 3

folium

solum esse scientiam, quæ omnia entia, cum universalia, tum particularia consideret, ita ut ab universalibus decem generibus entis descendat usque ad species specialissimas, quas singulas sub propria ratione contempletur, sicut unus (hæc enim similitudinem declarant) est sensus visus, qui omnes colores percipit, non ut colores solum, sed & ut tales colores, albos nigros, flavos &c. & una Physica scientia, quæ animal & omnes ejus species considerat. Non enim exiguum hîc subest discrimen. Animal namque & species ejus, prout in Physicâ considerantur, eidem considerandi modo subjiciuntur, qui est velut simi, eamque postulat definiendi ac demonstrandi rationem. At eorum omnium, quæ in scientiis considerantur, non est idem considerandi modus, neque ratio definiendi ac demonstrandi est eadem. Naturalia enim demonstrantur per principium motus: Mathematica autem per principia immobilia. Quin ne Mathematicæ quidem disciplinæ omnes ex iisdem proficiuntur principiis. Geometria namq; habet principia cum positione, Arithmetica verò sine positione, quod manifestum est in unitate & puncto: punctum enim nisi alicubi sit, intelligi non potest; at unitas potest. Unde lib. 1. Post. c. 24. dicitur, quod unitas *ἡ ἑκάστη ἀπὸ τῶν ἑαυτῆς*, punctum verò *ἡ ἐκ τῶν ἑαυτῆς*. Confer 5. Phys. t. 29. Præterea, si una scientia demonstraret omnia entia progrediendo ab universalibus entibus usque ad species specialissimas cujusque entis, non demonstraret ea, quæ per se insunt suo generi, neque demonstraret ex principiis propriis, quia illa, quæ per se insunt in scientiis vel demonstrationibus, insunt etiam primò. Sed homo v. c. & equus & trigonus & id genus alia non insunt primò enti, sed neque substantiæ, & quantitati: ideo neque *ἡ αὐτὴ* insunt, sed *mediantibus* multis generibus; neque hæc primò, & *ἡ αὐτὴ*, vel aliquid de his, quod *ἡ αὐτὴ* ipsis insit, demonstrari potest ex communibus principiis

piis entis, quia principia entis non sunt principia immediata harum specierum, sed mediantibus multis aliis causis his accidunt. Denique Aristoteles lib. 1. Post. cap. 26. multis rationibus probat non posse dari eadem principia omnium demonstrationum, adeoq; nec eorum, quæ demonstrantur: at si una esset scientia, quæ omnia demonstraret, demonstraret utiq; ea ex iisdem principiis, quia scientia una demonstrat ex principiis iisdem sui generis omnia, quæ demonstrat.

XVII. Neq; contrarium evincit, quod in 4. Met. c. 2. dicitur: *Quemadmodum Grammatica una existens omnes voces speculatur: Sic entis quoq; quot species sunt & specierum species, contemplari unius scientia genere est.* Non enim dicit Aristoteles, quod illa una scientia de speciebus entis & specierum speciebus agat secundum specialem ipsorum rationem, sed simpliciter ait, quod de his agat: modum autem aut rationem, sub quâ de his agat, capite 1. expressit, nempe non secundum propriam rationem, sed quatenus ad ens, quâ ens, referuntur. Per unam namq; illam scientiam, quæ cuncta hæc considerat, Philosophiam primam intelligit, quæ ens, quâ ens, universaliter considerat, non secundum partem: quâ ratione differre eam, dicit, à *Mathematicis*, & à *Physicâ* scientiâ, quæ *secundum partem ens considerant*, assumentes genus proprium uniuscuiq; de quo quærunt, principia & accidentia, ut talia, non ut entia, 4. Met. c. 1. & 11. Met. c. 3. Itaq; quamvis de triangulo v. c. & elementis prima Philosophia agat, quatenus entia sunt, non tamen agit de illis secundum ea, quæ his sunt propria. Neq; enim docet triangulum habere tres angulos duobus rectis æquales: vel quomodo elementa coeant ad mixtionem. Quanquam & hoc observandum, quod Aristoteles per *species specierum entis* hæc & similia tam determinatam formam habentia non intelligat, sed per *species* quidem primâ

prima illa entis significata, in qua id immediatè descendit, nempe quid, quantum & quale & cætera, quæ enumerantur 7. Met. 1: per specierum species autem sequentes seu magis particulares entis rationes. Tot enim seu substantia ulterius dividitur in materiam, formam & compositum, 7. Met. 3. Imò fortè per species entis intelligit ipsas entis affectiones. Non enim novum est Philosopho affectiones rerum species vocare, cuius exemplum est lib. 1. Post. 13, ubi accidentia seu affectiones substantiarum appellat species, dicens, quod *Mathematica scientia circa species versentur*, id est, circa quantitates & accidentia substantiarum. Quid ergò, si & hîc dicamus per species entis affectiones ejus, unum v. g. & multa esse intelligenda: affectionum autem harum species, per species specierum. Habet enim & unum, quod eandem cum ente naturam obtinet & cum eo reciprocatur, multas species, quæ pariter & entis species sunt, velut idem, simile & quale & c. Item opposita harum, diversum, dissimile, inæquale, differentia, contraria & c. Sanè hæc & similia diserte Aristoteles 4. Met. t. 3. *entis & unius species* appellat, *affectiones* autem *per se* eorum vocat ibidem t. 5.

XVIII. Et quid mirum est, si non omnes entis species juxta specialem rationem considerentur in Philosophiâ primâ, cum ne in iis quidem, quæ univocam rationem habent, semper in eâdem scientiâ ex professo agatur de omnibus speciebus generis, in quâ genus ipsum accuratè pertractatur? Accidit enim interdum, ut species alicujus generis habeant diversa principia, quæ neq; ex se ipsis sint, neq; ex iisdem, & tum de speciebus istis non agitur in unâ eâdemq;, sed in diversis & specie distinctis scientiis, generis autem consideratio accuratior ad illam scientiam spectat, quæ nobilissimam & potentissimam generis istius speciem pertractat. Ita Syllogismi diversæ sunt species, demonstratio & syllogismus *ἐν δὲ ὅλῳ*, qui & Dialecticus

eus audit, quibus annumerant alii & tertiam, syllogismum ex verisimilibus & signis, qui tamen non est syllogismus ἀπλῆς, sed πρὸς τῆς συνθήκης, συλλογισμός τις, sicut de Enthymemate dicit Philosophus 1. Rhet. 1. Harum syllogismi specierum principia eadem non sunt. Finis enim ipsarum alius est atq; alius. Demonstrationis quidem finis est scientia ἀποδεικτική, syllogismi autem ex ἐνδόξοις opinio ἐνδοξος, deniq; syllogismi ex verisimilibus & signis πίστις seu persuasio in iis, quæ sub actionem cadunt. Hi fines ita se habent, ut neq; ex communibus constent aut orientur principiis, neq; ex se ipsis pendeant: ad diversas ergo pertinent scientias, cum fines in iis, quæ ad actionem aut ποιήσιν spectant, principii locum obtineant. Et demonstratio quidem pertinet ad Analyticam, syllogismus ex ἐνδόξοις autem ad Dialecticā, deniq; ille, qui ex verisimilibus & signis conficitur, ad Rhetoricam. In his tamen omnibus disciplinis ex professo non agitur de Syllogismo in genere, sed in eā solum, quæ præstantissimam & nobilissimam syllogismi speciem expendit, nempe in Analyticā disciplinā. Ea enim agit de demonstratione, quæ sine dubio potissima species syllogismi est, cum finis ejus sit scientia, quæ opinioni & fidei longè præstat. *Cujus autem finis est præstantior, id ipsum quoque est præstantius*, 3. Topic. c. 1. §. 18.

XIX. Est & alia causa in activis scientiis, cur non in omnibus istis, quæ species considerant, semper genus accuratè pertractetur, sed solum in unā aliquā earum. Accidit enim, ut diversæ disciplinæ Practicæ utantur nonnunquā unā, eādemq; re, quæq; ad obtinendum finem suum, & tum de istā re ex professo, quantum ad rationem genericam, agitur in illā scientiā, ad cujus finem obtinendum maximè illa confert aut maximè necessaria est; reliquæ autem tantum ab ea petunt, quantum de re istā ad obtinendum finem suum nosse interest cujusque.

Nann

E. gr.

E. gr. Tropo & Orator & Poëta nititur ad acquirendum finem. Magis autem is conducit ad finem huius, quam istius. Huius enim finis est, persuadere quidpiam hominibus plebejis, qui rationes non capiunt, similitudinibus tamen, tropis, figuris per imitationem adhibitis moventur: at Rhetori res est cum civibus, qui deliberant de actionibus suis & rationum, ex verisimilibus & signis deductarum, sunt capaces. De Tropo ergo ex professo non in Rhetoricâ, sed Poëticâ erit agendum, ex quo & Aristoteles Tropum vocat ποιητικόν, 2. Meteor. 3. 1. 1. Met. 1. Pariliratione & actionis notitia prodest Poëtæ, prodest Oratori, prodest & Histroni, sed ad huius finem obtinendum præcipuè requiritur: ad Histronicam ergo accurata ejus cognitio pertinebit. Deniq; ex eadem causâ & Analytica rursum sibi vendicat exquisitam syllogismi in genere considerationem. Scientificus enim doctor, quem Analytica instruit, accuratio- re ejus notitiâ indiget, ut finem suum consequatur, Dialecticus non item, multò minus autem Orator, qui sæpè regulas & leges syllogisticas consuevit transgreditur, cum enthymemata ex signis solubilibus conficit, fallaciam consequentis gignentibus, quæ rectâ impingit in definitionē syllogismi, lib. Soph. Elenchi 5. 5. 7. Dialecticus autem etsi, quâ talis, nunquam impingat in regulas syllogisticas, cognitione tamen syllogismi superficiali, definitione videlicet ejus & divisione generali, contentus est, adeò ut, εἰ τὰ ἐν τοῖς ἀναλυτικοῖς εἰρημένα ἐν τὰς τὰς μετέφερον ἐκβάνοντες αὐτὸν ὅσον τῆς διαλεκτικῆς ὅς τις ἐξ ἐνδόξεων συλλογιστικῆς, sic ut Alexander ait in 1. Top. c. 1. *si quis huc transferat ea quæ in Analyticis dicta sunt (de syllogismo), is terminos Dialectica excedat, quæ ex probabilibus argumentatur.* Ethuc quæq; pertinet locus ipsius Aristotelis ex 1. Top. c. 1. §. 10.

XX. Patet hinc unâ, quod non quæstiones omnes, quæ de re aliquâ formari possunt, ad scientiam, quæ ejusmodi rem
 expen-

expendit, pertineant, sed solum illæ, quæ sub amplitudine objecti formaliter spectati continentur, siquidem scientia illa sit contemplativa. Verbi causâ, ad Geometriam non spectant omnes quæstiones, quæ de magnitudine, seu objecto Geometrix, moveri possunt, sed solum illæ, quibus de magnitudine quæritur quidpiam eorum, quæ magnitudini per se, & quatenus magnitudo est, insunt. Unde si Geometra interrogaretur de coloribus, non opus haberet ipse, quâ talis, ad ejusmodi quæstionem respondere. Non enim colores magnitudini, quâ magnitudo est, insunt. E contrario non respondere tenetur Physicus interrogatus de iis, quæ magnitudini per se insunt. Objectum enim ejus non magnitudo est, quâ talis, sed substantia mobilis, quâ mobilis, lib. 6. Met. c. 1. In Practicis autem & effectivis scientiis ex quæstiones locum habent, quæ conferunt quidpiam ad propositum finem obtinendum. Hic enim diversitatem inducit ejusmodi scientiarum, si aliquando accadat plures illarum, aut etiam ipsas & speculativas unam eandemque rem considerare. Veluti angulum rectum non Geometra solum expendit, sed etiam faber, verum illè per se cum considerat secundum omnia illa, quæ ei in se spectato competunt, hic autem in tantum solum ejus cognitionem affectat, in quantum ipsi necessaria est ad adeptionem finis sui, ad ædificandam sc. domum lib. 1. Ethic. c. 7. In æaliena in Politicis est quæstio: *An summum bonum divinitus nobis obtingat?* In Politicis enim solum de iis disquiritur, quæ ab hominibus, in civitate degentibus, propriâ industriâ, studio & labore parari possunt, non de iis, quæ divino munere hominibus sine ipsorum operâ conceduntur. Ex quo & Aristoteles quæstionem istam à Politicâ removet scientiâ. Tæro, inquit lib. 1. Ethic. c. 9, *ἵσως ἄλλως ἢ ἐν οὐρανῷ οὐρανῶν, Hoc fortasse magis proprium est alterius considerationis.* Galenus quoq; Com. I.

in lib. Hippocr. de victu ratione in morb. acut. n. 13. non obscure indicat, ad Medicum non spectare nisi quæstiones, ad sanationem conferentes. Ad quæstiones enim quasdam ab Hippocrate propositas ita scribit: Δόξει εἶναι λογικώτερον τὸ προβεβλημένων ὑπ' αὐτῶν, διωκμένων ἡμῶν καὶ χωρὶς τῶν τοιούτων σκευμάτων ἰατροῦν ὁρθῶς. ἐκ γὰρ τῆς μαθεῖν τὰ ποιήτα, τὸ καλῶς ἰατρῶν τοῖς νόσους περὶ γίνεται τοῖς ἰατροῖς καὶ ἐκ τῆς ζητῆσαι τὴν αἰτίαν τῆς διαφανείας τῶν διαφορῶν θεραπείας γραφῶντων ἐπὶ τοῖς αὐτοῖς νοσήμασιν, *Logicam magis speculationem sapere videtur, quod ab Hippocrate in quæstionem proponitur disceptationem, cum & sine huiusmodi speculationibus recte sanare queamus. Nempe morbos recte sanare inest Medicis ex faciendorum cognitione, & non ex causa investigatione, ob quam sunt controversi, qui varias in huiusmodi morbis scripserunt curationes.* Sed mox absolvit Hippocratem ab omni reprehensione, ex eo capite, quod omnino ad finem Medici, & quidem quam maximè, conferat eorum, quæ ipse proposuerat, consideratio. Subdit enim: Ἔστι δὲ κατ' ἀλήθειαν ὁ μόνον χρησιμώτατος, ἀλλὰ καὶ πρῶτος ἀπάντων καὶ ζητῆσαι δεόμενος, *At verò, juxta rei veritatem, id non commodissimum modò, verum & omnium primum atq; necessarium est quæsitum.* Id deinceps fusè confirmat. *Constat, ait rursus Aristoteles lib. 1. Post. c. 12. §. 2, non omnem interrogationem esse Geometricam, aut Medicam, aut aliam talem, sed ea demum Geometrica sunt interrogationes, ex quibus vel probatur eorum quidpiam, de quibus est Geometria, vel qua ex iisdem principiis probatur, ex quibus Geometria constat, cujusmodi sunt Optica problema-za.* Habent enim scientiæ subalternæ antes & subalternatæ, quales sunt Geometria & Optica, eundem modum considerandi, illarq; his suppeditant principia. Unde si circa illa quæstio aliqua occurrat,olvere eam omnino tenetur is, qui subalternantem scientiam proficitur. E. gr. Num radii attenuentur in objecto visus, an in ipso oculo, quæstio propriè Optica est.

Opticæ enim est videndi rationem docere. Verum quia hæc principia accipit à Geometriâ, inde quæstio ista etiam Geometrica quadantenus est, videlicet habitâ ipsorum principiorum ratione, quæ ad decisionem hujus quæstionis Geometria Opticæ subministrat. Inde porro concludit Philosophus, *nec quamvis quæstionem cuiusvis scienti esse proponendam, nec huic ad quamvis esse respondendum.* Neq; igitur, pergit § 4, *omni interrogatione quisq; sciens est interrogandus, nec ad omnem interrogationem respondere oportet de singulis, sed ad ea, quæ illius scientia, quam quisq; tenet, limitibus, id est, objecto aut fine contingentur.* Si quis verò, subdit §. 5. & 6, *sic disputet cum Geometrà, quæ Geometria est, apparet eum rectè disputare, si ex his, principiis Geometricis, quidpiam probet: sin minus, non rectè.* Sed & manifestum est, eum, qui ex principiis Geometricis non disputat cum Geometrà, non redarguere Geometram, nisi per accidens, si fortè ille simul sit Physicus, aut aliâ scientiâ imbutus.

XXI. Sed & simul ex his apparet, esse inter quæstiones scientificas & Dialecticas non exiguum etiam ratione objecti seu materiâ, in quâ sunt occupatæ, discrimen. Cum enim scientiarum unaquæq; in certo genere versetur, veluti Medicina in eo, quod salubre, quodq; morbosum est, Geometria in iis, quæ magnitudinibus accidunt, Arithmetica in numero, & sic deinceps; Dialectica è contratio non habet proprium ullum ac definitum genus, in quo versetur lib. 1. Rhet. c. 2. lib. Sophist. Elench. c. 11. §. 6, sed pro objecto habet ens omne lib. 4. Met. c. 2, indeq; & quæstiones Dialecticæ sunt indefinitæ, scientificæ autem ad certam & determinatam materiam sunt adstrictæ. Nam & illæ ad opinionem sunt directæ, quæ haberi potest de rebus omnibus, cujuscunq; sint generis, quod nascatur ex principiis ordinatis, quæ communia sunt & rebus

omnibus possunt accommodari : scientia autem ex propriis
 resultat rei principiis, indeq; quæstiones cõ spectantes, quas
 Græci ἐπιστημονικὰς & διδασκαλικὰς vocant, sunt definitæ sive ad
 materiam certam alligatæ. Unde inepta erat quæstio illa Ni-
 eodem, cum Servatore de regeneratione differentis, *Quomodo*
homo iterum potest nasci, quum sit senex : num potest in ven-
erem matris sua iterum introire ac nasci ? Joh. 3, 4. Alienis-
 sima enim erat hæc quæstio à foro Theologico, in quo Ser-
 vator tunc versabatur. Non minus verò ineptiunt & illi, qui
 aut quæstiones merè Theologicas in Philosophiâ, aut alias
 merè Philosophicas in Theologiâ proponunt atq; decidere
 laborant. Veluti, qui in Physicis quæstionem hanc movent :
 An etiam ex nihilo aliquid fiat ? Physica enim occupata est
 in iis, quæ naturâ constant. Ex nihilo autem naturaliter quid fie-
 ri non potest, cum naturæ vires sint limitatæ & circumscriptæ,
 ad id vero, ut ex nihilo quid producat, virtus requiratur im-
 mensa, quæ naturæ non potest adaptari. Item, qui ex Scri-
 pturis quæstiones Physicas decidere conantur. Argumen-
 tum enim à testimonio immediatè desumptum non nisi fidem
 generat, Physicus autem scientiam tradere conatur. Neque
 verò eum in finem Scriptura sacra exarata est, ut res naturales
 inde iudicarem, sed ut notitiam eorum, quæ ad salutem seu
 felicitatem alterius seculi aut necessaria sunt, aut aliquâ ratione
 conducunt, inde hauriremus. Unde rectè facit Theologus, si
 quæstiones Philosophicas ad Philosophos amandet : rectè
 etiam Philosophus, si quæstiones Theologicas ad Theologos
 remittat, cujus simile & in aliis deprehendimus. Sic enim si
 ex aurifabro quæras, quomodo aurum tractandum sit, ut inde
 cyathus, vel cantharus, vel aliud tale vas fiat, in expedito habe-
 bit responsum, dummodò artis suæ sit gnarus : sed si per-
 cuncteris eum, quomodo aurum gignatur, quâ aurifaber qui-
 dem

dem suspendet, imò denegabit, iudicium tanquam de re ad se,
 ceu aurifabrum, suamq; quam proficitur, artem nihil attrinente.
 Quod si hæc probè considerasset Galenus, non tam temerè de
 iis, quæ nobis ex doctrinâ Mosis & Servatoris innotuere, iudi-
 casset, quasi illa nullius æstimanda essent, eò, quod *nullâ ratione*
confirmantur, sed veluti certa supponantur, lib. 2. de diff. puls.
 c. 4. Quia enim rationibus assuetus erat in ea, quam profici-
 batur, scientiâ, putabat se impune quæstiones etiam illas, quas
 Moses & Christus proposuerant, movere posse atq; ex ratio-
 nis principiis enodare, cum rectius sibi consulisset, si modòs
 sciendi Theologiæ & aliarum scientiarum non confudisset,
 sed probè potius distinxisset, neq; ut Medicus se iis, quæ caput
 ipsius superabant, immiscuisset, sed decisionem illorum ad eos,
 ad quos ista pertinebant, remisisset. Non enim Sutor, ut habet
 proverbium, conari debet ultra crepidam, hoc est, nemo de
 iis judicare debet, quæ sunt ab ipsius arte & professione aliena,
 de quo adagio videri potest Plinius lib. 35. c. 10. Cui gemit-
 tum est, quod Stratonicus citharædus fabro de Musicâ cum
 ipso contendenti, apud Athenæum dicebat: *Non sentis, te ul-*
tra malleum loqui. Quid enim hoc aliud est, quàm *cæcum*, ut
 habet Aristoteles lib. 2. Phys. *de coloribus disputare*? Rectè
 ergò à scientifico Doctore aliquo aut omni planè absque re-
 sponsione, aut etiam eiq; in increpatione dimittitur, qui aut in-
 convenientes omninò, aut non pertinentes ad ipsum in medi-
 um projicit quæstiones. *Deridetur*, ait Plutarchus lib. de ag-
 ditione c. 7, *apud procos Vlysses panis frustra petens, non en-*
ses, sive lebetes, magni animi quippe putabant esse ut dare, ita
etiam petere aliquid magnum. Rectius verò auditorem aliquem
derideat, parvas & frivolas quæstiones proponentem, quemad-
modum adolescentes nonnulli, ut suas argutias & Dialecticæ
aut Mathematicæ peritiâ ostentent, solent quærere de infiniti
sectione,

secciónē, & qui sit motus secundum latus aut secundum dīcē-
tētem. Quibus responderi potest, quo pacto Philotomus re-
spondit cuidam pure intus laboranti & tibi jam obnoxio, quod
ex colore & respiratione Medicus deprehendebat, medicamen-
tum interim petenti adversus reduviam: Non est tibi, o amī-
ce, adversus reduviam opus medicinā. Ita ergo & adolescen-
ti ejusmodi rectē dicitur: Non est tempus tibi de his quæstio-
nibus cogitandi, sed quo pacto fastu, arrogantia, amoribus, nu-
gis q̄ liberatus possis vitæ statum vanitatis experiri ac sanum
inire. Sed & illud Euripidis ex Iphigenia Aulidensi vers.
1134. talibus reponi posset: Σὺ δὲ ἤν' ἐπαῖος εἰχὼρ, εἰχὼρα κλέεις,
Si tu convenientia interrogasses, convenientia audires.

CAPUT II.

De Ordine in Scientiis observando.

I.

VIdimus, quæ sit una scientia, in quā omnia quatuor quæ-
stionum. scientificarum genera pertractantur, quæ non
uni, sed pluribus rebus, ad eandem disciplinam pertinentibus, ac-
commodari possunt, verbi gratiā generi & speciebus ac parti-
bus generis & c. veluti in Physicā animali & speciebus ejus, avi-
bus, piscibus, insectis & c. & partibus, cordi aut analogo ejus,
carni, ossibus & c. De singulis enim quæri potest, an sint, quid
sint, an talia sint & cur sint talia, sicut manifestum est inductio-
ne. Hinc autem quæritur porro, qualis in tractandis scientiis
sit servandus ordo, cum inter illas ipsas quæstiones, tum inter
res, quibus istæ quæstionum formæ applicari possunt, num de
genere v. c. prius sit agendum, quàm de speciebus; de toto
prius quàm de partibus; de simplicibus prius, quàm de compo-
sitis. Id enim vocatur ordo in disciplinis, *dispositio*, inquam,
quædam

quedam eorum, qua tradi vel doceri debent secundum prius & posterius, sicut Aristoteles lib. Categ. cap. 12. docet, tertium modum ejus, quod prius esse dicitur, exponens. Ait enim aliquid altero prius dici κατὰ τὴν τάξιν, secundum quendam ordinem, quemadmodum in scientiis, qua per demonstrationem acquiruntur, reperitur τὸ πρότερον καὶ τὸ ὕστερον τῇ τάξει, prius & posterius ordine. Elementa ordine, pergit, priora sunt descriptionibus τάξεi; & in Grammaticâ litera priores sunt syllabis: in orationibus Rhetoricis exordium prius est ordine narratione. De ordine in genere autem dicit 8. Phys. quod omnis ordo sit λόγος, ratio seu σχέσις, habitudo seu relatio inter prius & posterius.

II. Alii ordinem hunc methodum appellant. Verùm hæc vox non eodem dicitur modo. Aliquando enim significat totam scientiam vel doctrinam, qualiscunq; illa fuerit rectâ ratione arteq; conscriptam vel traditam, ut apud Aristotelem 1. Ethic. 1: Πᾶσα τέχνη καὶ πᾶσα μέθοδος, *Omnis ars & omnis methodus*. Et rursus lib. 1. Phys. cap. 1: Ἐπειδὴ τὸ εἰδέναι καὶ τὸ ἐπιστάσθαι συμβαίνει περὶ πάσας μεθόδους, *Scire & cognoscere contingit circa quasvis methodos*. Aliquando autem notat viam, seu rationem ad aliquid tractandum, aut manifestandum, sive omninò peragendum. Nomen ex eo videtur adepta, quod viâ (quæ Græcis ὁδὸς dicitur) res persequatur, ad easque contendat, & pervenire conetur. Perinde enim quasi eat, antecedentes vel percurrentes sequatur ut adipiscatur, methodus appellata censetur, quod post eas gradiatur & feratur. Nam Græcis μετέναι, μεταπορεύεσθαι, μεταδιώκειν, μεθοδεύει, persequi, & ad verbum post ire & subsequi significat, sicut & Adrianus Turnebus Orat. de methodo observavit. Hoc modo nomine methodi usus est Plato in Sophistâ, vocans methodum rationem & modum investigandi, quid sit Sophista, hinc incipiendo & quærendo, *sine artifex, an artis expert*. Et 1. de legi-

bus se tentaturum dicit, *an possit tradere unam rectam methodum*, id est, rationem de omnibus. Rursus 4. de Republ. cum incidisset in eam quæstionem, *an in animâ sint tres species, temperantia, fortitudini & sapientia* respondentes, subijcit: *Benè scito, ô Glauco, (ut mea est opinio) nos nunquam exactè hoc percepturos ex talibus methodis, qualibus nunc utimur in sermonibus, sed longior & amplior via est, quæ ad hoc deducit, definiens quasi methodum, quod sit via recta & ratio, quâ eò deducimur, quò pervenire nobis proposuimus.* Eodem modo & *recta curandorum morborum ratio*, quam Galenus præscripsit; *rectus item componendorum pharmacorum*, sicut theriacæ ac similium, *modus*, qui apud eundem Galenum reperitur; porro & *recta erigendarum machinarum regula*, quam Vitruvius docet; nec non constituendorum syllogismorum ratio, via comparandi copiam terminorum mediorum, respiciendo scil. ad consequentia & antecedentia, subiectum & prædicatum, & ad repugnantia eisdem &c. methodi vulgò veniunt appellatione. Deniq; & Ammonius in expositione communitatum 3. vocabulorū regulam à se traditam *inveniendi numerum combinationum inter ipsas quinque voces occurrentium* *methodov* appellat. Neq; aliter hanc vocem accepisse videtur Aristoteles lib. 1. Topic. cap. 1, cum ait, *propositum sibi esse illic invenire methodum, per quam possimus syllogizare de omni proposito problemate ex endoxis.* Rationem enim ac modum syllogizandi methodum vocasse videtur.

III. Jam negari quidem non potest, *methodov* in hac posteriore significatione etiam ordinem complecti, sicut neq; materialis via, per quam motus localis fit, à quâ ad scientias nomen hoc translatus est, locorum, per quæ ad primò intentum itur, ordinem excludit, quod præter alios & Galenus non obscurè innuit 1. Methodi medendi cap. 4. dicens, *methodo quippiam*

quippiam invenire, esse oppositum ei, quod fortuito & temere
reperitur: esse autem id cum viâ quadam & ordine, ita ut in
disquisitione aliquid primum sit, aliquid secundum, tertium,
quartum, atq; ita deinceps, donec ad ipsum, quod ab initio propo-
situm est, sit perventum. Cui consonat, quod idem eodem
opere lib. 9. ex Platonis sententiâ docet, omnis constituenda
artis methodum esse, ut generalissima primum explicentur,
deinde qua ex illorum sectione nascuntur, donec ad ea, qua ul-
tra sectionem non admittunt, fuerit perventum. Nihilomi-
nus certum & hoc est, quod methodus in hac significatione,
præter ordinem, & ἀπόδειξιν seu probationem aut rationem
assertionis comprehendat. Ex quo Græci Interpretes Aristoteli-
s, imprimis Eustratius in 1. Ethic. c. 1. & Ioannes Gramma-
ticus, cognomine φιλοπονος, methodum definiunt ἐξ ἀδοκιμη-
κῆν μετὰ λόγῳ, *habitus viam facientem cum ratione*. Ratio
autem omnis aut definitio est, aut demonstratio, ut annotavimus
antè ex Aristotele lib. 1. de Anim. Sed & ex Theophrasto idem
docet Eustratius in Comm. 2. Poster. Analyt. Alexandrum
quoq; eodem modo definiisse μέθοδον tradit Simplicius comm.
in 1. Phys. his verbis: μέθοδος ἐστίν, ὥς φασιν Ἀλέξανδρος, πᾶσα ἐξ ἐ-
πιστημικῆς τῶν ὁφ' αὐτὴν μετὰ λόγῳ, τυτέσι μετὰ αἰτίας, *Methodus, ut*
Alexander inquit, omnis est habitus cognoscitivus eorum, qua
subjecta ipsi sunt, cum ratione, id est, cum causâ. Imò multi
eo ipso μέθοδον ab ordine distinguunt, quod huius quidem sit
ordinare seu disponere & collocare diversas disciplinæ partes
ac theoremata, alia quidem primo, alia secundo, alia tertio lo-
co, & sic deinceps, donec ad extremum tandem perveniatur:
ad illam autem spectet τὸ δεικνύειν seu *demonstrare* ea, quæ antè
apta fuerunt disposita. Colligunt id ex ipsius Philosophi ver-
bis, quæ leguntur 1. Part. An. 1, ubi de ordine ita cum loqui
dicunt: *Non oportet latere, πῶς ἐπισκεπτέον, quomodo tractan-*

dum sit : Dico autem, utrum primum communiter & generaliter, posterius autem speciatim tractare oporteat an contra? De methodo autem exponunt ea, quæ sequuntur, verba : ἔδε γὰρ τὸ πρῶτον πᾶσι κοινόν &c Quibus verbis Philosophus querit, utrū, quem admodum Mathematici ea, quæ ad Astrologiam pertinent, δεικνύουσιν *demonstrant : sic oporteat etiam Physicum primò τὰ κοινὰ κοινῶς, quæ in oculos incurrunt, & partes singulas considerare deinde explicare τὸ διὰ τὰς αἰτίας ἀρχάς, causas illorum accidentiū & partium, id est, utrum utendum sit demonstratione ab effectu ad indagandam causam, an contra demonstratione τὸ διὰ τὸν. Ordinis itaq; erit τὰ πρῶτα, locare : at methodi δεικνύειν, demonstrare, probare.* Et sanè hoc modo etiam alibi Aristoteles loquitur de methodo, veluti lib. 1. de An. 1. ubi aliquoties methodi meminit, eiq; τίςιν tribuit, præcipuè in iis verbis, quibus de methodo, quā perducimur ad cognoscendam naturam & essentiam animæ, querit, *sitnè illa methodus una, annon ? & si una non sit, utrum sit demonstratio, vel divisio, ἢ καὶ τις ἄλλη μέθοδος, vel alia aliqua methodus.* Quamvis enim divisio ex Aristotelis sententiā non probet, Plato tamen & ipsam inter methodos collocavit, ut suo loco dictum est, ex cuius sententiā hic, ut alibi passim, Philosophus est locutus.

IV. Ex quo apparet, tale juxta illos, quos diximus, discrimen esse inter ordinem & methodum constituendum. Ordo disciplinæ, quatenus est ordo, non habet vim syllogisticam, aut necessariò inferendi : at methodus habet. Ordo namq; ut ordo, collocat & disponit tantum : necessariò autem nihil colligit, sed id facit μέθοδος ordini juncta. Unde porrò ordo valet tantum ad juvandam aut promovendā cognitionē cujuscunq; disciplinæ : at methodus non juvat cognitionem solum, sed etiam efficit & progignit. Quò accedit, quod ordo doctrinæ pertineat ad integrum disciplinæ alicujus corpus.

De

De universali enim hic potissimum ordine agitur, quo totius allicujus disciplinæ partes sunt collocandæ, non de particulari, quo interdum una pars alteri præponitur, veluti in *Categoris* doctrina τὸν πρὸς τὴν doctrinā *qualitatis*: & in *Physicis* disputatio de *visu* illi, quæ est de *tactu*. At methodus pertinet ad singulas disciplinæ partes ante dispositas & ζητήματα, quæ vel Analyticè de quavis re solent proponi ac tractari veritatis dijudicandæ gratiâ, vel saltem Dialecticè per communia argumenta agitari, ad parandam veritati indagandæ viam. Atque adeo satis fortassis hic est vocabulo ordinis, quàm methodi, uti.

V. Quæritur ergo principio, quo ordine quatuor illæ quæstiones, εἰ ἐστὶ, τί ἐστὶ, ὅτι ἐστὶ & διότι ἐστὶ, *an sit, quid sit, quod sit, & cur sit*, sint in scientiis tractandæ. Extra dubium est, quod de simplicibus prius sit agendum, quàm de compositis. Prius enim nosse oportet, *an sit unicornis*, & quid sit, quàm cognoscamus, *an unicornis respitet*, & cur respitet, aut num & cur alitudo πῶς ipsi conveniat. Quò respiciens Galenus lib. 3. de differ. puluum c. 1: *Ridiculum*, inquit, *est, ubi disceptatur, quidnam sit quipiam pulsus, non hoc dicere, sed à quo sint, tradere: nam quid sit clarum esse oportet; à quo gignatur, hinc rationes investigare.* Inter simplices autem quæstio εἰ ἐστὶ antecedit quæstionem τί ἐστὶ. Ἀδύνατον γὰρ εἶδέναι τί ἐστὶν ἀγνοῦντες εἰ ἐστὶ, inquit Aristoteles lib. 2. Post. Analyt. c. 7. §. 4. *feri non potest, ut qui ignorant, an sit, cognoscant, quid sit.* Ut autem cognoscamus, *an sit*, notum ante omnia sit oportet, quid significet nomen. Unde Clemens Alexandrinus lib. 8. Stromatum scribit: *De quâvis re quæsitâ si quis rectè tractare velit, non ad aliud principium, quod sit certum & extra controversiam positum deducet orationem potius, quàm ad id, quod quicumque sunt ejusdem gentis & sermonis, ex appellatione, ἐκ τῆς προσήγουσας fatentur significari.* Deinde ab eo progredi-

endo, necesse est querere, existatne id, quod oratione significatur, an non existat? Ulterius si esse fuerit ostensum, accurate querendum est, qualis sit ejus natura, φύσις, id est, essentia, quæ exprimitur definitione. Ex compositis porro questio ὅτι ἐστὶ prius consideranda est, quàm questio διότι ἐστὶ. Impossibile enim est, ut quis cognoscat, cur sit, nisi prius sciat, quod sit. Quâ de re Aristoteles rursus lib. 7. Met. c. 17: *Aliquid de aliquo querit, qui querit, propter quod insit. Quod autem insit, oportet manifestum esse.* Ad quæ verba Alexander: *Querens quare, hoc petit, cur hoc illi adest. Itaque questio, quare, de eis querit, quæ sunt & alii insunt.* Quod digitum rursus intendens Galenus Comm. 1. in lib. 6. Hippocr. de morbis vulgaribus cap. 2: *Ὁ Ἀριστοτέλης ἀξιοῖ προεγνωσμένῃ βεβαίως τὸ ὅτι, ζητῶντα χρῆν τὸ διότι. πρὶν δὲ ὅτι γίνεται βεβαίως μαθεῖν, εἰ τις ζητοῖ, τὸ διότι, φανερόν ἐστι ἀδόλοσχεῖν τε καὶ ληρῆν προηρημένον, ὅτι ἀληθὲς εὐχεῖν ὀρεγόμενος, Ἀριστοτέλης prius quod sit firmè cognito, deinde propter quid sit, queri præcipit oportere. Quod si quis, antequam, quod sit firmâ notiitiâ perceperit, propter quid, investigaverit, homo iste nugari garrirèq; maluisse, quàm veritatem explorare, aperte videbitur. Atq; hinc nata est doctrina de pranotionibus, quam paucis complexus est Themistius in suâ παραφρ. in 1. Poster: *Quarenti, inquit, propter quam causam à magnete ferrum trahatur, aut cur homo sit aptus ad discendum, pranoscendum est, ferrum à magnete trahi, aut hominem aptum esse ad disciplinam. Quarenti, quid sit motus, vel tempus, pranoscendum est, quod sit motus vel tempus; ac rursus, quarenti, an sit motus vel tempus, aut an sint Dii, an sit providentia, pranoscendum est ante omnia, quid hisce vocabulis significetur. Fieri enim non potest, ut quis cognoscat, an sit res, nisi, quid rei vocabulo significetur, prius intellexerit.**

VI. Non semper autem necessarium est, ut quæstio *an sit*, seu *an sit*, prolixè probetur. Interdum enim ita clarum est, rem esse, ut qui prolixè id probare suscipit, Soli lumen affundere velle videatur. Aliquando autem id quadantenus dubium est, & tum principio *πρὸς τὴν ἀποκρίσιν*, quæstio ista pertractanda venit. Ita Aristoteles lib. 1. Ethic. c. 1. ostendit, dari *summum bonum*, sive ultimum actionum humanarum finem, ex eo, quod aliàs frustra natura homini indidisset boni appetitionem, quippe qui nunquam expleri, hoc est, nunquam ad ultimum pervenire posset. Et lib. 4. Phys. cap. 2. probat, quod sit locus, & cap. 14. quod sit tempus. At naturam esse non probat. Manifestum enim nimis est, ejusmodi entium, quæ naturæ consent, & principium motus in se habeant, multa esse. Demonstrare autem ea, quæ sunt perspicua, ex obscuris, ejus est, qui non potest disjungere τὸ δι' αὐτὸ καὶ μὴ δι' αὐτὸ γινώσκον, id quod est & non est per se notum, inquit ipse 2. Phys. cap. 1. Et 8. Phys. c. 3. t. 2. 2. negare quod sit motus, & contrà asserere, quod omnia quiescant, atq; hujus rationem querere, ait esse ἀπὸ τῆς ἀντιφροντισίας, sive judicii defectum.

VII. Porro ex his jam quadantenus colligere est, quomodo loci scientiarum rectissime conficiantur. Id enim juxta seriem prænotionum & quæstionum est faciendum. Nempe primum quidem annotare oportet haustam à scientiarum magistris vel em. mutis præceptoribus, distinctionem vocabulorum & propriam cujusq; significationem. Deinde colligenda sunt ea, quæ occurrunt de quæstione, an sit res, veluti de quæstione, an sit ultimus humanarum actionum finis, ea, quæ apud Aristotelem reperiuntur lib. 1. Ethic. c. 1. Porro annotanda ea, quæ spectant ad quæstionem, quid res sit. Aliud enim est, sicut suprà quoq; dictum, scire quid nomine significetur, aliud quid sit res. Quod & Themistius in Poster. Anal. docet in
quien

quens: *Ea magnopere differre diversa omnino esse putandum, nec ullo modo idem est significatum nominis, & id, quod sub hoc verbo, quid sit res, esse intelligitur, illudq; omnibus fere, hoc autem non nisi paucissimis & exercitatis in promptu habetur.* Distingvendæ autem hîc probè sunt Dialecticæ definitiones ab Analyticis, id est, in Physicâ à Physicis, in Politicâ à Politicis, communes à propriis. Ex illis enim Logicæ desumuntur rationes, quæ parant viam ad scientiam: ex his autem demonstrationes formantur juxta ea, quæ in antecedentibus sunt determinata. Sunt, qui addant hoc loco quæstionem, *quotuplex sit res, seu quot sint ejus species.* Sed hæc non est quæstio Analytica, aut certè à quæstionibus, an sit & quid sit, non distincta aut separata. Quærere enim, quotuplex sit res, nihil aliud est, quàm quærere, quot sint species, quibus nomen rei comperat tanquàm genus. V. g. si quæram, quot sint elementa? quæro, quotnam sint, quibus elementi vox comperat tanquàm genus. Genus autem pertinet ad quid est. Intereâ tamen, quia hinc inde occurrunt divisiones in omnib; disciplinis, non inconsultum fortè fuerit, tyrones, quorum judicium nondum sat limatum est, quæstionem hanc quoque, si præsertim locus generis formetur, cæteris adjungere & de divisionibus aut partitionibus judicia aliorum notare, ita tamen, ut præterea cuiq; *speciei suum proprium locum tribuant, ne, quæ generis propria sunt, cum propriis specierum commisceantur*, ut benè monet Aristoteles lib. 1. Prior. cap. 27. Hinc ea consignanda sunt, quæ rei propositæ accidunt, non tamen quomodocunque, sed ita, ut rei ejus naturam seu essentiam consequantur, aut per se cum eâ cohæreant. Hæc enim propriè ad Analyticam considerationem spectant: cætera, cujusmodi sunt similia, dissimilia, paria, opposita, & id genus alia, ad Dialecticam rei tractationem sunt referenda. Analyticus namq; seu scientificus
doctor

doctor non sectatur rerum similitudines aut dissimilitudines, sed essentialia & quæ his propriè ac per se sunt connexa. Tandem cognitis accidentibus propriis, quod insint, notandæ sunt causæ, non tam remotæ, quàm *proxima & continentes*, *συνεχέαις*, à quibus immediatè effectus seu propriæ affectiones pendent. Hæ enim si sint in promptu, paratæ quoq; erunt demonstrationes, quæ nihil aliud sunt, quàm syllogismi ex propriis principiis ac propositionibus in unaquaq; disciplinâ.

VIII. Et hæc quidem ferè extra controversiam sunt collocata. De ordine autem observando in tractandis rebus diversis, quibus quæstiones illæ scientificæ accommodantur, controversia est non parva. Nonnulli enim existimant normam disponendi partes disciplinarum ab ipsarum rerum naturâ esse ducendam, ideoq; ea, quæ priora naturâ sunt, etiam prius, quæ posteriora, posterius in disciplinis esse tractanda. At alii contrâ censent, non à rerum ipsarum naturâ, sed à nostrâ meliore & faciliore cognitione, regulam disponendi esse sumendam, ut nimirum ea, quæ ad meliorem & magis expeditam sequentium cognitionem conducunt, loco priore collocentur. Ut autem nobis manifestum fiat, quid hæc quoq; in resentiendum sit, ante omnia ad finem disciplinarum, sive potius ejus, qui disciplinas tradit, hoc est, scientifici doctoris est attendendum. Hic enim ut cæterarum controversiarum decidendarum in hac *παραγυρεύειν* prima norma & regula est: ita & hæc juxta illam est dijudicanda. Est autem finis scientifici doctoris scientia alteri communicanda. Non enim quidvis docet, qui propriè docet, non humilem quandam tradit aut vulgarem doctrinam, sed exquisitam, atq; simul, ut ad hanc capeffendam discentem idoneum reddat, laborat: ut adeò ad duo hæc tali sit respiciendum, ad *res ipsas*, quarum non superficialiam, sed exactam & perfectam notitiam alteri communicare vult; &

Pppp

discen.

discantis vires, quibus prospicere ipsum necesse est, nisi fine, quem intendit, excludere velit. *Discere* namq; atq; *intelligere est quoddam pati*, docente Aristotele 3. de An. est efformari, inquam, ac recipere: unumquodq; autem ita recipit, sicut aptū recipere est. Unde idem Philosophus lib. 2. de Gen. & Corr. c. 10. *scientificum doctorem* comparat cum *Medico*. Ut enim hic in ægro sanitatem: ita ille mediante doctrinā in animo ignorantis scientiam producere studet. Quemadmodum jam Medici cum ad ægrum vocati morbum propulsare & sanitatem ejus restaurare volunt, cum ad morbi magnitudinem attendunt, quam ex lapsu à naturali statu, in quem sibi proponunt, ægrum restituere, dijudicant, tum ad vires ægri, ne valentiora forte adhibeant medicamenta, ac vires ægroti ferunt, eoq; ipso in discrimen vitæ ipsum adducant: eodem pacto & scientificus doctor ut per doctrinam animi morbum, ignorantiam, à discente propellat atq; è contrario animum ejus scientiā imbuat, partim ad rem ipsam, quam hic quidem est docendus, ille verò docturus, attendere debet, ut id sequatur, quod natura ejus exigit & requirit: partim ad vires & aptitudinem discantis. Si enim alterum negligat, negotium ipsi infelicititer succedet, neq; poterit ad optatum scopum pervenire.

IX. Videamus ergo primum, quid habitā ratione ipsius scientiæ, quam tradere vult doctor, sit conforme primo, quid secundo collocari loco. Dictum supra est, quod scientia sit cognitio rei, quatenus res est. Non enim intra mensuram ejus esse, sicut opinionis, cujus mensura est intellectus, sive propositiones *δοξασμαι*, jam antè à nobis comprehensæ; sed extra, rem scilicet cognoscendam, seu principia ex eā deducta, ita, ut tum dicamur scire, cum res in mente referuntur, quales in se sunt. Jam autē in rebus priora sunt, quæ sunt priora naturā. Ergo hæc quoq; in disciplinis, quatenus ea scientiā respiciunt (respiciunt autem

autem per se primò) primo erunt ponenda loco. Quamdiu enim hæc non cognita sunt discenti, non potest adipisci scientiam, cum scientia naturam rei sequatur. Unde & supra dictum est, quod demonstratio (hæc autem est syllogismus ἐπιστημονικός, *pariens aut gignens scientiam*) sit syllogismus non ex nobis notioribus, nisi per accidens, sed ex notioribus naturâ. Ex talium autem præcognitione, ex quibus constat demonstratio, scientia originem trahit. Hæc ergò primò & ante omnia erunt ponenda. Quòd passim ipse quoq; Aristoteles videtur indicasse, dicens, à *primis esse incipiendum*, velut 1. Phys. c. 1. Per quæ sanè non intelligit ea, quæ nobis prima sunt, sed primas causas, prima elementa & principia, quæ naturâ notiora sunt, ut ex serie orationis est manifestum. Neque enim ea, quæ nobis prima sunt, simpliciter prima dici possunt, cum dictio hæc, *nobis*, sit *diminuens*: sicut & notiora nobis cum addito notiora aut clariora sunt, non absolute scilicet & in se spectata, sive secundum propriam naturam, sed nobis, ratione quasi lippiente adhuc & res velut extimè solum ac superficiei-tenus vidente, ad profunda verò nondum penetrante, instructis. Quâ de re videndus est locus Aristotelis 6. Topic. c. 4. Quid? quod d. fertè initio Sophisticorum Elench. dicit, initium esse sumendum ἀπὸ τῶν πρώτων κατὰ φύσιν, à *primis secundum naturam*. Confer. & 3. Rhet. c. 1. Sed & Galenus lib. 6. de decretis Hippoc. & Plat. c. 5: ἡ γὰρ ὑπὸ τῆς φύσεως ἀρχὴ κατασαδῆσα, καὶ τὴν διδασκαλίαν ἀπὸ αὐτῆς ἀναγκάζει ποιήσασθαι, *Quodcunq; à natura principium est constitutum, id à se fieri doctrina etiam cogit*. Et paucis interiectis: ὥς ὁ χρὴ ζητεῖν ἄλλην μὲν ἀρχὴν τῆς τοῦ πράγματος φύσεως, ἄλλην δὲ τῆς διδασκαλίας αὐτῆς. κατὰ γὰρ τὴν τοῦ πράγματος φύσιν ἡ διδασκαλία γιγνομένη, τὴν αὐτὴν ἔχει τῷ διδασκόμενῳ τὴν ἀρχήν. *Quapropter non oportet aliud naturæ rei aliud doctrinæ quaerere principium. Rectum enim doctrinæ & verum rei*

principium ita inter se mutuo connexa sunt, ut nullâ ratione à se invicem divelli possint. Similia his sunt, quæ habet Themistius Paraph. in 1. Post. de *demonstratione* (demonstrare autem & docere, ut sapius jam observatum, idem sunt,) scribens, quod ad vires ingenii nostri non respiciat, nec quid ipsi possimus attendat, sed in rei naturam, quoad ejus fieri potest, incumbat, ut per ea propriam doctrinam stabiliat, quæ simpliciter seu secundum naturam sunt nota. Denique & ex præxi seu consuetudine Aristotelis satis planum est, quod primo loco de causis & principiis, dehinc demum de cæteris agat. Velut in Physicis primò omnium differit de principiis rerum per naturam generabilium & corruptibilium: in Politicis primò de fine optimæ reipublicæ, qui, ut alias in Practicis, ita & hæc principium est, 2. Eud. 1. 1. Quis autem ignorat, quod causæ & principia rerum sint naturâ *πρὸς φύσιν*, id est, *clariora*? Vid. 1. Post. c. 2.

X. Præcipua itaq; in ordinandis tractandisq; disciplinis ratio ex iis erit petenda, quæ simpliciter & secundum naturam priora & notiora sunt. Quanquam enim ita disciplinæ non tradantur, ut rebus præscribatur ordo, quem ipsa natura iis constituit, sed ut cognitioni nostræ modus statuatur, adeoque talis sit sequendus ordo, qui doctori inserviat ad facilius transfundendam doctrinam in discipulum, tamen ordinem hunc oportet rebus esse consentaneum & eo imprimis dijudicari, quod præcipue intenditur, quod est scientia; non qualiscumq; cognitio, sed talis, quæ rem sequatur. Nempe quemadmodum natura in generando animali sequitur ordinem fini suo convenientissimum, taliter interim disponit partes, quale futurum est animal: ita & doctor in docendo ita se accommodare debet discipulo, ut unà id sequatur, quod naturæ finis, seu scientiæ per doctrinam in discipulum diffundendæ, est convenienter & accom-

commodatum. Jam autem ea nascitur ex natura clarioribus & præcognitis antè : his itaq; in ordine quoq;, quo partes disciplinæ juxta se disponuntur, primus tribuendus erit locus. Neq; decet ex his, quæ secundum quid & *aliquibus* sunt talia, qualia sunt, quæ nobis sunt evidentiora, metiri illud, quod est simpliciter; perinde ut ei, qui in rempublicam bonum simpliciter vult introducere, ea, quæ singulis bona sunt, lex & regula non sunt, sed bonum simpliciter illorum mensura est ac recta ratio ipsa metiendi : his enim in disciplinis secundum analogiam clariora simpliciter & quoad nos respondent.

XI. Ea contingit aliquando eadem esse, sicut in Mathematicis, quâ de re jam suprâ dictum est. Hæc enim principia. *Totum est majus sua parte, Bis duo sunt quatuor; Aliquantibus si equalia addantur, tota sunt equalia, &c.* Ita sua natura clara sunt, ut & nobis perspicua atq; apprimè clara sint, quamprimum sensus officium faciunt suum. Atq; de his nulla est difficultas. Quis enim dubitaverit, hæc, & similia, cum Geometria traditur, statim in principio esse ponenda? Ex eadem causa omnes consentient facile & in illud Philosophi, ὡς ἐστὶν τὸν πρῶτον λόγον ἰδιῶν *De principiis speculationem de propriis esse posteriorem eâ, quæ est de communibus*, 1. Phys. 2. sive de eo, quod universale est, & latius patet, prius esse agendum, quàm de eo, quod minus universale est, v. c. prius de virtute, quàm fortitudine in Ethicis : in Physicis prius de primis & communibus, quàm de propriis rerum generabilium principiis : in Analyticis prius de syllogismo, quàm de demonstratione, 1. Prior. c. 5. 6. 7. Universalia enim, veluti genera, sunt & *natura priora*, quia auferuntur & non auferuntur, & inferuntur, non inferuntur : & *nobis notiora*. Cum enim cognoscimus, aliquem esse hominem, simul cognoscimus esse animal, at non, si cognoscimus esse animal, cognoscimus etiam, esse hominem, observante & Aristotele

6. Topic. c. 4. Ex quo & idem Philosophus, reddens rationem, cur de universalibus prius sit agendum, quam de minus universalibus: *Sic enim, inquit, singularia facilius considerabimus, quando de universalibus acceperimus primum*, 2. de Gen. & Corr. c. 9. t. 5 1. At sunt alia, quæ ita naturâ suâ clara sunt, ut nobis sint obscura. Quanquam enim quidam tam præstans à natura nacti sint ingenium, ut talia, si proponantur, facile percipere possint, tamen id paucissimis datum est. Quid ergò hîc faciendum? Necessarium enim omninò est, ut hæc à discente prius cognoscantur, aliàs nihil proficiet scientificus doctor, quod ignoratis principiis & reliqua ignorari sit necesse, quæ ex principiis deducuntur. Hoc itaq; cum accidit, ut in plerisq; fieri solet, opera danda est scientifico Doctori, ut principia talia, quæ sua naturâ clara quidem sunt, sed discenti ignota, ex iis, quæ discenti nota sunt, manifestet, donec & ea, quæ naturâ suâ perspicua sunt, ipsi manifesta reddantur. Atq; hoc est, quod passim docet Philosophus, ex iis, quæ *nobis notiora* sunt, doctrinæ initium faciendum, & ab iis ad cætera, etiam ipsi principia, progrediendum esse. Loca hæc consideranda, ut lux tanto major affulgeat huic doctrinæ.

XII. Et principio quidem hîc nobis occurrit locus 6. Topic. c. 4. §. 2. ubi, postq; docuisset Aristoteles, *omnem doctrinam & disciplinam*, atq; adeò demonstrationem quoq;, tandemque & *definitionem*, progredi aut confici ex *πρῶταις καὶ ἐπεισιν*, *clarioribus*, quærit porro §. 3. cum duplicis generis sint *πρῶται καὶ ἐπεισιν*, qualia esse debeant ea, ex quibus demonstratio & definitio constat, num *simpliciter* & *naturâ*, an nobis debeant esse *clariora*? & respondet §. 4: *Simpliciter melius est conari, ut ex prioribus (naturâ) posteriora cognoscantur, quoniam ad scientiam gignendam hoc magis est accommodatum: attamen apud eos, qui ex talibus cognitionem nondum adipisci possunt, necesse*

*neceſſe eſt fortasſe definitionem conficere ex iis, qua illis γνώμεα
ſive clara & perſpecta ſunt. Quales ſunt & definitiones pun-
cti & linea & plani: omnes enim ex poſterioribus priora de-
clarant: illud enim linea, iſtud plani, hoc ſolidi ajunt termi-
num eſſe. Deinde lib. 1. Ethic. c. 2. agere volens de felicitate
Practicā, quæ ultimus ſinis, adeoq; primum principium eſt
omnium actionum humanarum, quatenus ſunt humanæ, quæ-
rit, quis debeat hīc ordo ſervari. Eſſe enim diſcrimē inter λόγος:
& alios quidem eſſe ἀπὸ τῶν ἀρχῶν, à principijs, alios ἐπιταγὰς ἀρ-
χῶν, ad principia. Quod & Platonem obſervare dicit. Eum
enim ſolium fuiſſe in quaſtione ponere, num à principijs, an
ad principia eſſet via, velut in ſtadiis ab athlotheis ad metam,
an contra. Poſtea quaſtionem ipſe diſſolvens: Nil, ait, po-
tius eſt reſpiciendum, quā, ut à notis procedat doctrina. &
quidem non ſimpliciter & abſolute, ſed nobis notis. Ubi ob-
ſervandum eſt, quod Ariſtoteles hīc non loquatur de duabus
methodis demonſtrandi, quaſtionibus τῶν ὀντῶν & διότι, quod & cur
ſit, accommodatis, quarum una per effecta principia explicat,
altera ex principijs & cauſis effectus elicit & declarat, de qui-
bus videri poteſt etiam Galenus 9. de decr. Plat. & Hipp. nec
non Proclus l. 3. in Elem. Euclidis. Non enim Ariſtoteles
hīc mentionem facit viæ ab effectus ad principia, ſed ſimplici-
ter via ad principia. Ad principia autem in ſcientiis non ſem-
per fit progreſſus ab effectus, ſed nonnunquam etiam à commu-
nibus quibusdam effectus, ſicut in Phyſicis Ariſtotelem videmus
progredi ad principiorum rerum generabilium inveſtigatio-
nem per communia illa axiomata: Neceſſe eſt, aut unum eſſe
principium, aut plura: & ſi unum ſit, aut eſſe immobile, ut in-
quit Parmenides, aut quod moveatur. Sin plura, vel finita
eſſe, vel infinita, 1. Phyl. 2. ſeqq. Id potius Ariſtoteles iſtis
verbis ſignificare voluit, quod nos indicavimus §. XI, nempe
in*

in quibusdam λόγοις scientificis statim nos ponere principia & ab iis progredi ad ea, quæ ex principiis illis pendent, quod fit, cum principia non solum φύσει, sed & nobis sunt γνωριμώτερα, in alijs autem non item; sed progredi primum ad principia, hoc est, investigare ea, sive per resolutionem effectuum, sive per alia quædam nobis notiora, quod & hîc vult faciendum esse, sicut & reipsâ id facit, quando prius docet, quid non sit S. B. quod *non sit virtus, non honor, non voluptas*, cap. 3. *non idea Platonica boni*, c. 4. Ut plurimum enim nobis notius est, quid res non sit, quàm quid sit. Item, quando per nomina notiora explicat illud & ὑπολήψεις, sive *notiones*, quas communiter habemus de summo bono, velut quod sit *perfectum, per se expetendum & sufficiens &c.* c. 5. Deniq; quando *ex inductione similium exemplorum* ostendit, quod sumum bonum consistat in *operatione secundum virtutem*, c. 6. Ex quo & Themistius simpliciter in Paraph. capitis 1. lib. 1. Physicorum: Ὅταν μὲν περὶ τῶν συγκατεμένων ποιούμεθα λόγον, ἐκ τῶν φύσει προτέρων αὐτὸ ἀποδείξωμεν, ὅταν δὲ περὶ τῶν ἀρχῶν, ἐκ τῶν πρὸς ἡμᾶς προτέρων, *Cum compositorum rationem exquirimus, ex naturâ prioribus argumenta necessanda sunt, cum verò de principiis agimus, ex iis, quæ quoad nos priora sunt, indicium est faciendum,*

XIII. Porro lib. 1. Phys. c. 1, postquam dixerat, primum definienda esse *principia naturalis scientiæ*, addit, agendum esse de his, sive investiganda ea esse ex nobis clarioribus & notioribus. *Ipsa enim natura*, inquit, *nobis hanc viam indidit, ut ex nobis notioribus ad manifestiora & clariora naturâ progrediamur.* Cur igitur viam, vult dicere nobis innatâ deserentes per invios calles ab eâ diverteremur? cur alienas, obliquas & sentibus oppletas quaereremus vias, cum strata nobis sit à naturâ plana, recta & facilis, quam intra nos ipsos gerimus? Rursus lib. 5. Met. c. 1. agens de varijs principii significationibus, duas

duas inter reliquas proponit. *Aliquando enim principium*, ait, vocari *indeterminatè, undecunq; principium motus fiat*, v. g. principium dicitur, sive Athenis Thebas eas, seu Thebis Athenas: *aliquando autem determinari optimo*, ut principium sit, unde optimè incipit quidpiam moveri. Tale principium, ait, *esse & in doctrinis*, unde scil. *optimè fit didactus*, actus docentis recipiendus in discipulum, 3. Physic. t. 19. hoc autem non semper esse & rei principium, sed id, unde quis *facilius discat*. Est enim in scientiis, ut ad illum locum observat Averroës, *duplex principium, aliud in rei veritate, aliud facilioris cognitionis & in quibusdā disciplinis accidit, ut principium rei sit idem cum principio facilioris cognitionis & in quibusdam non; atq; ab his multis in locis Philosophus est exorsus*. Deniq; jungamus his & alterum istum ex 7. Met. locum præcæteris insignem. Docet ibi, & quidem c. 4. Phil. quod μαθησις ubiq; fiat procedendo per ea, quæ minus clara sunt naturâ, ad ea, quæ magis nota. Ex iis enim conandum esse, ut hæc fiant manifesta, quæ suâ naturâ cæteris sunt manifestiora, non secus ac in *Præcticis* (quo simili ipse declarat negotium hoc) *ex iis, quæ alicui sunt bona, studemus ea facere, quæ per se & absolute bona sunt*, quod imprimis à mag. stratu in civitatibus fieri videmus. Quo fine namq; ille punit flagitiosos? Non alio, nisi hoc ipso, ut emendet & virtuosos reddat, qui flagitiis hætenus erant dediti, quorum illud alicui, flagitiosis scil. bonum est: melius enim est iis poenam luere & emendari, quàm poenam effugere & in malitiâ indurari aut pertinaces & obstinatos reddi, sicut præstat membra putrida aliqua abscindi, quàm totum corpus perimi; hoc autem est ἀγαθόν seu absolute & simpliciter bonum,

XIV. Ita patet, quomodo sæpè scientificus doctor, ut discipulo consulat, ad faciliora & discipulo notiora se flectere

cogatur, quod non solum, cum de principiis sermonem instituit, faciendum ipsi est, sed & in aliis, quoties necessitas postulat. Quod non Aristotelis solum monitum est, sed omnium penè, ante & post ipsum, sapientum virorum. Sic enim Plato in Sophistâ non multum ab initio ait: ὅσα δὲ αὐτῶν μεγάλων δὲ διὰ πρὸς αὐτῶν καλῶς, περὶ τῶν τοιούτων δέδοκται πᾶσι, καὶ παλαιά, τὸ πρότερον ἐν μικροῖς καὶ ῥησιν αὐτὰ δὴν μελετᾶν, πρὶν εἰς ἐναυτοῖς τοῖς μεγέτεσι, h. e. Marfilio Ficino interprete, *Vetus est omniumque communis sententia, si quis ea, quae magna sunt, rectè transigere velit, in parvis quibusdam prius illa facilioribus quàm in maximis considerare debere.* Et ante utrumque Hippocrates in libello, qui ἱητρεῖον inscribitur, jubet initium facere ἀπὸ τῶν ῥησιν, à facillimis, quae nobis adjumentum afferant ad alia difficiliora cognoscenda, interprete Galeno in lib. 9. de decr. Hoc autem dum facit scientificus doctor, non deserit ordinem naturae, sed moderatur saltem & explanat, sicut iter facientibus, si fiat obvlus acclivis aliquis locus, dum ipsum explanant, non dicuntur iter susceptum deserere, nec si iisdem occurrat fovea, & ipsi deflectant paulisper ab itineris rectitudine, ut facilem transitum inveniant, dicuntur hac de causa ab itinere deviare, sed commodius faciliusque illud persequi. Ita non cessat Physicus materiam primam tractare, quando in ligno, respectu lecti, arcæ, cathedræ, domus &c. & in ære respectu statuæ, campanæ &c. denique in cerâ respectu globi, cubi, pyramidis &c. contemplatur, sed viam ad ipsam monstrat. Neque in aliis naturæ ordinem pervertit, cum notiora naturæ ad alia quædam similia nobisque familiaria transfert, inque his illa manifestat: aut ad posteriora, etiam ad effectus & accidentia, se convertit: absque ullâ, inquam, id facit ordinis, qui naturæ ductum sequitur, perversione. Quem tum demum perverseretur, si posteriora hæc perfecte docere vellet ante illa, quæ sunt priora, quod

quod temerè & frustra facere laboraret, cum posteriorum cognitione exquisita non nisi ex priorum notitiâ possit haberi.

XV. Ad summam, ut Medico præcipuum, quo velut primo, quæ sui sunt muneris, meretur, est, parare omnia, quæ integram sanitatem ægro reddere valeant, sed cum eorum quædam sint valentiora, quædam mitiora, ea pro ægri viribus moderatur, ne periculum vitæ ipsi accersat, servato tamen semper eo, quod ipsi est primum, ut scil. morbi curandi ratio habeatur, remittendo vel intendendo medicamentorum vim, quantum ægri vires permittunt, aut ferre possunt: Ita doctrinæ ordo sibi per se proponit, quod est optimum & præstantissimum, hoc autem est, ut per priora naturâ, per veras causas, doceat (absque eo namque finem suum nunquam obtinebit) id tamen moderatur pro discipulorum captu. Nempe si ingenium cultum & elegans nactum sit, per notiora secundum rationem & causas ad perfectam scientiam illud statim deducit: si verò in minus cultum ingenium inciderit, ex faciliioribus, ex iis, inquam, quæ ab omnibus cognoscuntur, quæ videri & audiri possunt, & quæ *naribus, lingua & mento sentiuntur*, ut Hippocrates ait apud Galenum 9. de decret. Hippocr. & Plat. c. 1, illa, quæ naturâ suâ notiora sunt, nota reddere laborat: hoc tamen ipso non deserit, quod ipsi est præcipuum, sequi scil. naturæ ordinem & vestigia, quæ premere ipsum necesse est, si sine intento satagit potiri.

XVI. Ergò ita in scientiis disponendæ sunt partes, ut ea, quæ naturâ suâ notiora sunt, velut causæ & principia, prior ponantur loco, deinceps cætera, de singulis autem partibus ita agendum est, ut ex notioribus nobis doctrinæ cursus proficiat. Intelligendum autem hoc est de iis, quæ talem inter se habent nexum, ut posteriora sine prioribus exactè intelligi non possint; quomodo se habent principia & quæ ex illis

constant, finis & media &c. Ita prius agendum est de elementis, quàm de mistis. Illa enim sunt horum principia, & hæc sine illis nequeunt cognosci. Aliàs enim in scientiis quædam reperiuntur, inter quæ non est essentialis nexus, ita ut unius cognitio ex alterius cognitione non pendeat, etiamsi alterum sit altero prius naturâ, quomodo se habent tactus & visus. Is enim hęc naturâ prior est & cæteris omnibus sensibus, quoniam hic solus à reliquis separari potest, reliqui ab hoc non item, lib. de somno & vigil. c. 2. In talibus facilioris cognitionis potius, quàm ordinis naturæ, ratio habenda est. Quæ & causa fuit, cur Aristoteles *πραγματεῖαν* de sensibus non à tactu, sed visu potius fuerit auspiciatus. Cum enim in singulis sensibus cognoscenda sint objecta, media & organa, hæc quidem omnia in sensu visus maxime dilucida & distincta sunt, in tactu autem medium & organa obscurissima sunt, adeo, ut si à tactu coepisset Philosophus, iure dubitari potuisset, an quilibet sensus organon & medium agnoscat. Ita qualitas naturâ prior est iis, quæ sunt τῶν πρὸς τὴν. Quod enim absolutum esse habet, sine dubio naturâ prius est eò, cuius totum esse in respectu habitudinis ad aliud consistit, & tamen Aristoteles, vel quicumque tandem auctor est libri Categor. de relatione prius egit, quàm de qualitate, sequens non ordinem naturæ, sed nostræ cognitionis, sicut & Simplicius ac Averroës annotarunt. Idem & in aliis fieri videmus. Nam & hinc licet plantæ simpliciores & origine priores sint animalibus, tamē de his prius agitur in Physicis, quàm de ipsis plantis. Non enim ita sunt priores animalibus, ut ex plantarum cognitione horum cognitio pendeat: quin horum cognitio potius iuvat cognitionem plantarum, quod operationes utriusque communes in animalibus sint manifestiores & multa sint in animalibus, quibus quædam in plantis *κατ' ἀναλογία* respondeant, velut radix, quæ instar oris est, &
alia

alia hujusmodi, quæ omnia facilius cognoscantur in plantis, si ea, quibus analogæ sunt, in animalibus prius cognita fuerint, in quibus distinctiora sunt & evidentiora. Unde Theophrastus lib. 1. Hist. plant. cap. 1: ὅσα τῶν ἐν φυτοῖς ἀφομοιωτέον τοῖς τῶν ἐν τοῖς ζώοις, ὥς ἂν τις δύνῃται κατὰ τὸν εἰκότα λόγον ἀφομοῖν δέι, *Omnium, quæ in plantarum genere spectatur, similitudo, petenda ex iis est, quæ in animalibus insunt, quoad ejus fieri potest.* Porro de partibus animalium differens Aristoteles, prius agit de partibus hominis, quàm de partibus aliorum animalium, quia nobis itidē promptiores sunt ac notiores, & iis cognitis facilius in notitiam partium aliorum animalium possumus pervenire. Hanc enim ordinis ejus rationē ipse reddit, dicens: *Sed primum partes hominis explicare debemus. Ut enim nummos ad id, quod quisq; exploratum & certum habet, probare solet: ita ceteris quoq; in rebus agendum est. At homo animalium omnium nobis notissimus est necessario*, lib. 1. Hist. anim. c. 6. Eam verò ob causam & contra factum est, ut in quinto ejusdem Operis libro hominem, quo antè, quantum ad partes, ceu nummo exploratissimo, fuerat usus, quantum ad generationem tamen postponeret, quod hæc in homine ignotior esset, quàm in aliis animalibus & plurima requirantur, ut in isto ea manifesta fiat. Tandem hæc ipsa de causâ & primum declaravit partes instrumentarias, quippe ab officiis notiores; deinde denum simpliciores, utpote quarum affectiones minus notæ. Neq; enim ut dubium est, quâ parte sentiamus: ita & dubium est, quâ parte ambulemus. Idem consilium sequutus est Theophrastus in tractandis partibus plantarum. Primum enim declarat partes exteriores arborum, quippe nobis clariiores & notiores, veluti sunt rami, trunci, radices & alia hujusmodi. Quod autem eo ipso consilio id fecerit, ipse indicat his verbis: Ἐπεὶ δὲ τῶν γνωρίμων μεταδιώκειν δεῖ τὰ ἀγνωρίστα-

γνωριώτερα, δὲ τὰ μείζω καὶ ἐμφανῆ τῇ διδασκίᾳ δηλονότι, καὶ δ' ἀπὸ ὑφ' ἡγ-
 ται, περὶ τούτων λεχθέντων ἐπαναφορὰν ἁρτέζομεν τῶν ἄλλων πρὸς ταῦτα, μέχρι
 πότε καὶ πῶς ἕκαστα μετέχει τῆς ὁμοιότητος, *Quoniam notis ignota*
persequi oportet, & quæ sunt nota grandiora & patientiora sen-
sui offeruntur, hinc procul dubio de his primum dicendum est.
Reliqua enim ad hæc ipsa redigere nobis in promptu erit, quan-
tum & quousq̃, quoq̃, modo similitudinem singula contingere
videantur, lib. 1. Hist. plantarum c. 3.

XVII. Sed & hoc accidere potest, ut duo quædam ita
 ad invicem sint comparata, ut neutrum perfectè cognosci
 possit sine altero : quod videmus in toto ac partibus fieri.
 Quamvis enim rudem aliquam & adumbratam Totius intelli-
 gentiam habere possimus, antequam distinctè cognoscamus
 partes, ad perfectam tamen Totius cognitionem necessaria
 est cognitio partium. Id cum contingit, modo ab hoc, mo-
 dō ab illo, sumi potest doctrinæ initium, v. g. modō à Par-
 te, modō à Toto, unde scilicet facilius quis discat. Perfectè
 enim utraq̃, simul cognoscuntur. Quò spectat locus Am-
 monii ex Comm. in librum Categoriarum c. 2. Quærit illic,
 cur Philosophus isto loco ea, quæ conjuncta sunt in dictioni-
 bus, simplicibus anteponat? & respondet: *Dicimus, ita esse*
cum humanâ naturâ comparatum, ut ab imperfectioribus &
compositis ad simpliciora & perfectiora progrediatur. Τα γὰρ
 σύνθετα, pergit, μᾶλλον συνήθη ἡμῖν, καὶ γνωριώτερα, *composita enim*
sunt nobis usitatiora & notiora. Sic etiam puer scit necesse
 orationem ac dicere, Socrates ambulat, at orationem in nomina
 ac verba, hæc ὃν in syllabas, & has in elementaresolvere non
 novit: ita nos quoq̃, hominem deambulantem videntes pri-
 mum hoc totum, hominem deambulantem cognoscimus, tum in
 substantiam actionemq̃, resolvimus. Sed mox objicit sibi
 Ammonius: *Quomodo ergo supra dictum est, initium ducen-*
dum

dum esse à simplicioribus, quasi non ante cognitio simplicibus composita non cognoscantur: atq; ita simplicium vocum doctrinam prius, quàm syllogismorum, esse tradendam? Et hinc respondet: Dicimus ergo, ubi pariter ignota & simplicia, & composita sunt, ibi esse à simplicioribus exordium. Illi enim & syllogismus, & simplices voces pari modo ignorantur: hic verò quæ magis conjuncta sunt, notiora sunt: atq; ita à notioribus auspicanda est doctrina: quamobrem illic diximus à simplicioribus incipiendum esse, propter docendi rationem, hic verò à compositis, propter modum cognitionis.

XVIII. Deniq; fieri potest, nonnulla ita esse ad se invicem comparata, ut nullum eorum prius sit, neq; unum magis ad aliorum notitiam conducatur, quàm illa ad ipsum facilius cognoscendum conferunt, & tum in arbitrio doctoris est positum, quodcunq; ille voluerit, antepone, & quem servare velit ordinem, v. c. num perfectionis, & incipere à nobiliore: an potius naturam generantem imitari & progredi ab ignobiliore. Ita, cum animal & planta sint species æquales viventis corporis, si statueremus neutram conferre ad cognitionem alterius, posset doctor sequi ordinem perfectionis & suspicari ab animali: posset etiam incipere à plantâ, quæ imperfectior est & naturam habet simpliciore, ut imitaretur ordinem naturæ generantis, quæ semper ab imperfectiori ad perfectius facit progressum. Idem de homine & equo, aliisq; talibus est judicandum. Et cur de fortitudine in Ethicis prius agitur, quàm de reliquis virtutum speciebus? Aristotelem evolva-
mus & videbimus, cum variis de causis, cum prædictarum nulla obtrinet, quædam aliis in doctrina præponere. V. c. de homine prius esse agendum dicit 2. Part. 10. ob ejus divinitatem 3. Met. 1. 19. de formâ, ait, prius agendum esse, quod maxime dubia sit, 4. Part. An. 5. in fine tractandum prius esse, ait, de parti-

partibus exterioribus mollium & exangvium, quod me
sermonis exigant breviorē.

CAPUT III.

De Divisione Ordinis in Syntheticum, Analyticum,
& quem Galenus addidit, Definitivum.

I.

Vidimus de ordine in tradendis scientiis observando in genere : consequens est, ut de speciebus ejus agamus. Harum tres constituit Galenus initio artis Medicæ, quando ait, τρεῖς εἶναι διδασκαλίας τάξιν ἐχομένας, *tres esse doctrinas, quæ ordinem certum*, seu artificiosam dispositionem, *sequantur*. Et prima quidem διδασκαλίας species progreditur ἐκ τῆς τῆς τέλης ἐννοίας καὶ ἀνάλυσιν, à *notione seu definitione finis per resolutionem ad principia rei*. Altera ἐκ συνθέσεως τῶν καὶ ἀνάλυσιν εὐρεθέντων à *compositione eorum, quæ per resolutionem inventa sunt*, cujus modi sunt principia rei, quæ in ordine compositivo prior loco solent declarari. Tertia deniq; ἐξ ὅλης διαλύσεως, *ex dissolutione definitionis*, quæ ex ejusdem sententiâ etiam διαιρέσει, διάπτυξι, ἐξάπλωσι, ἐξηγήσει, *divisio, explicatio, explanatio, expositio* dici potest. Hoc Galeni dogma non pauci sectantur, qui & rationē hujus tripartitæ divisionis in ordinem Syntheticum, Analyticum & ὁριστικὸν seu definitivum reddunt. Nempe dicunt, aptam collocationem partium in disciplinis, in quâ posita est essentia ordinis, fieri non posse, nisi ad unum omnes illæ partes referantur. Ex quo & Platonem in Timæo monere ajunt, ut infinitas in omni arte certo numero adstringatur, hincque numerus ad unitatem revocetur. Eos enim, qui ab uno statim ad infinitatem præcípites feruntur, aut qui ab infinitis ad unum accelerant, nec per numeros certos ad unitatem trans-
eunt,

eunt, nunquam Scientiarum compotes fore. Jam illud unum perhibent esse vel *principium rei*, unde $\sigma\acute{\alpha}\nu\theta\epsilon\sigma\iota\nu$ extruunt: vel *finem*, unde deducunt $\alpha\nu\alpha\lambda\upsilon\sigma\iota\nu$: vel *unum medium*, ex quo ceteræ omnes disciplinæ partes, velut in circulo è centro omnes lineæ ducantur, & hinc exsurgere, ajunt, $\tau\alpha\acute{\xi}\iota\nu \delta\rho\epsilon\tau\iota\kappa\acute{\eta}\nu$, ordinem definitivum.

II. Verùm hæc sententia tibicine nititur planè infirmo: Quamvis enim in omni scientiâ detur ejusmodi unum, quod velut *mensura* aut $\kappa\rho\iota\tau\acute{\eta}\rho\iota\omicron\nu$, seu *norma* fit, quâ dijudicanda sunt omnia, quæ ad eandem disciplinam pertinent, eaq; separanda ab iis, quæ ejusdem disciplinæ propria non sunt, quale $\kappa\rho\iota\tau\acute{\eta}\rho\iota\omicron\nu$ in scientiis *Theoreticis* est $\pi\rho\acute{\omega}\tau\omicron\nu \upsilon\pi\omicron\kappa\epsilon\acute{\iota}\mu\epsilon\nu\omicron\nu$, in disciplinis autem *practicis & effectivis* finis obtinendus, aut acquirendus: ab uno tamen illo non illicò fit initium in disciplinâ. Ita in *Physicis* primum $\kappa\rho\iota\tau\acute{\eta}\rho\iota\omicron\nu$, quo metienda sunt omnia, quæ ad *Physicam* scientiam pertinent, est substantia mobilis, quâ mobilis: at ab uno illo non fit initium, sed à principiis rerum naturalium, quæ plura sunt, non unum, nec ejusdem ordinis aut gradus. Pariter in *Practicis* disciplinis, cum finis sit duplex, alius σ , alius β , alius *cujus*, alius *cui*, nō semper ab uno eorū fit progressus, sed aliquando ab hoc exordium petitur, aliquando ab illo. Modò enim hic, modò ille notior est, & ad alterum ita se habet, ut hic sine illo difficulter cognoscatur. Sic in scientiâ *Medicâ* doctrinæ principium sumitur à corpore humano, sicut Hippocrates ait de Locis in homine: $\text{Αρχή τῷ ἐν ἰατρικῇ λόγῳ ἡ φύσις τῷ σώματι}$, *Principium doctrinæ in arte Medicâ est natura corporis humani*: hoc autem est finis σ . In *Politicis* contrâ progressus fit à felicitate civili, quæ est finis β . In *Grammaticis* quoque non ab uno fit initium, sed à plurimis elementis dictionum, paucis antè sine Grammatices indicato. Itaque ab uno progredi non est essentialè attributum ordinis: atque adeò ab

hoc uno neque peti possunt essentielles differentiae, per quas ordo doctrinae, tanquam genus quoddam, in species suas, dividatur.

III, Deinde, quod in specie attinet ordinem *ὁριστικόν*, non apparet, quomodo ex *definitione* peculiaris ordo constitui possit. Nulla enim est disciplina, sive theoretica illa sit, sive activa, sive effectiva, quocumq; tandem ordine disponatur, imò nulla planè disciplina pars est, quae definitionibus carere possit, quod per inductionem manifestum est. E. g. In Physicâ, quae disciplina contemplativa est, definitur materia prima, natura, locus, tempus, motus &c. In Ethicâ, quae activa, felicitas, virtus moralis cum in genere, tum in specie, temperantia, liberalitas, fortitudo &c: item spontaneum, invitum, proa re-sis &c. In Analyticâ, quae effectiva scientia est, propositio, terminus, syllogismus, item syllogismus perfectus, imperfectus, conversio &c. Ad summam omnis, quae cum ratione suscipitur, institutio debet à definitione proficisci, ut intelligatur, quid sit, de quo disputatur; quod praeceptum est Platonis in Phaedro, expressum etiam à Cicerone in 1. de Offic. Præterea cum definitio sit vel *principium*, vel *conclusio* demonstrationis, vel ab hac *ἔπειτα* solum seu *πρότερον* differat, non apparet sanè, quomodo ea ordinem doctrinae constituere possit: non magis sanè id faciet, quàm syllogismus & inductio &c, quorum usus est in explicandis & probandis partibus scientiarum.

IV. Sed jam audire mihi videor, quid sint reposituri, qui ordinem definitivum tuentur. Dicent, non quamlibet definitionem, nec cuiusq; rei, quae in scientiâ traditur, illum ordinem constituere, sed solius disciplinae definitionem in vestibulo scientiae collocandâ, quae postea dissolvatur in partes suas, quarum singulae ordine sint explicandae. Tali enim ratione progreditur Galenus libro citato de arte, in quo ordine defini-

nitivo

nativo se Medicinam traditurum esse ait. Orditur scilicet à definitione *Medicina*, quam dicit scientiam *salubrium, insalubrium & neutrorum*: eam definitionem postea in suas partes dissolvit & singularum explicationem persequitur usque ad species imis. Verum quivis facile advertit, etiam hæc consistere non posse. De ordine enim in disciplinis observando cum agitur, sermo est de ipsis rebus, quæ ad disciplinam pertinent, quo scilicet singulæ istæ sint ordine tradendæ. At definitio disciplinæ alicujus non pertinet ad ipsarum rerum, quæ in eâ traduntur, tractationem. Ea enim traduntur in disciplinâ aliquâ, quæ ei sunt subjecta, quod exemplo Astrologiæ, Geometriæ, Physicæ & Politicæ docet Aristoteles 1. Eud. c. 5: definitio autem disciplinæ sibi ipsi subjecta non est. Vicem saltem gerit *proæmii*, aut *præludio* similis est vel exordiis orationum, de quibus Aristoteles dicit, quod sint *ἔξω τῆ λόγου*, *extra orationem*, 3. Rhet. c. 14. Unde disciplina aliqua integra & perfecta esse potest, sive præmittatur ejus definitio, sive omittatur, sicut ab Aristotele in Ethicis, Physicis &c. omitti apertum est. Præterea ordo iste, qui procedit ex definitione facultatis, nihil aliud dat, quàm numerum rerum considerandarum v.g. in Medicinâ consideranda esse salubria, & insalubria, & neutra: at quid eorum primo, quid secundo loco poni debeat, non statuit, sed aliunde id petere oportet. Eodem modo, si Philosophiam naturalem definiremus esse scientiam corporum naturalium, affectionum quæ ipsorum & principiorum, hoc unum intelligeremus, esse ea omnia à Physico consideranda; at quod nā eorū primo, quod sequenti loco ponendum sit, neutiquam ex eâ definitione intelligeretur. Ordo ergo definitivus non est ordo, quia non est dispositio rerum considerandarum, sed solum eorum complectitur enumerationem.

V. Alii itaq; duplicem saltem ordinem agnoscunt, *Analyticum* videlicet, & *Syntheticum*, & illum quidem *practicum* atq; *effectivum* proprium faciunt, hunc autem *contemplativum*. Quâ de re quid sentiendum sit, ut intelligatur, ante omnia, quid ἀνάλυσις & σύνθεσις sit, venit declarandum. Vocabulum ἀναλύειν igitur propriè peregrinantium est & usurpatur de illis, quando rebus ex animi sententiâ confectis domum regrediuntur. Tum enim viam, quam antiè calcaverunt, repetunt & quasi retexunt. Unde in genere hæc vox usurpatur de iis, qui alicunde revertuntur, velut apud Athenæum lib. 1. ἀπὸ τῶν δειπνῶν ἀναλύοντες. Hinc autem traducta initio est vox hæc ad Geometras, qui τὸ ἀναλύνειν suum fecerunt, ut Arithmetici τὸ λογίζεσθαι, & Musici τὸ ἀρμόζειν, teste Plutarcho in lib. an seni sit gerenda res publ. Dicunt autem Geometræ ἀναλύειν, τὴν εὐρεσιν τῶν προτάσεων, δι' ὧν συνήχθη τὸ ἀληθὲς συμπέρασμα, *inventionem propositionum, per quas colligitur vera conclusio*. Eam opponunt σύνθεσι, quæ a confectis quibusdam propositionibus ordiens, desinit in id, quod in quaestione est. Ut si propositum sit demonstrare, quonam pacto triangulum æquilaterum constituatur, id conficitur per propositiones, & hoc vocatur συντείνειν. Analysis verò id, in quod desinit σύνθεσις sive *compositio*, ut confectum sumit, nempe conclusionem τῆς συνθέσεως, & eousq; τὸ συντεθέν seu *compositum* retexit, quoad invenerit propositiones, per quas illa quasi contextitur. Docet hoc Philoponus in 1. Post. An. ἀνάλυσιν, inquit, καλεῖσιν οἱ γεωμέτραι τὴν εὐρεσιν τῶν προτάσεων, δι' ὧν συνήχθη τὸ ἀληθὲς συμπέρασμα, οἷον ἐπὶ προτεθείη ἡμῖν συμπέρασμα τὸ ἀληθὲς, ὅτι τὸδε τρίγωνόν ἐστιν ἰσοπλευρόν τὴν μέθεδοι, δι' ἧς εὐρίσκομεν τὰς προτάσεις, δι' ὧν τὸτο συνήχθη, ἀνάλυσιν φάσιν, *Analysis vocant Geometra inventionem propositionum, per quas infertur vera conclusio, velut si proposita nobis sit conclusio vera, quod hoc triangulum sit æquilaterum, metho-*
dum

dum, per quam propositiones invenimus, ex quibus hoc concluditur, *analysin* vocamus. Hæc ille. Cui jungi potest Autor Comment. in 3. Ethic. apud Eustratium.

VI. Inde porro in universam Philosophiam vox hæc translata est, ubi ἀνάλυσις dicitur *reductio rei in sua principia & conclusionis cuius q̄ in propositiones*, quæ continent causas & principia conclusionis, ut passim docent interpretes Aristotelis Græci. Hinc enim Philoponus in 1. Prior. ἀνάλυσιν vocat ἀνακαμψιν *reversionem seu reditum* ἐπὶ τὸ πρότερον καὶ συνδέσεως τὸ αἴτιον, *in id, quod prius est & causa compositionis*. Et in 1. Phys. c. 6. distinguens ἀνάλυσιν à divisione, ait, divisionem esse reductionem totius in partes, ἀνάλυσιν autem in elementa. Ita de plantis dici, quod dividantur in *ramum, corticem, fructū &c.* tanquam partes; *resolvi autem in materiam & formam*, quæ sunt elementa. Nec aliter hæc de re differit Themistius, Paraph. in 1. Post. c. 26. ubi differre ait hæc duo, ἀναλύειν & ἀποδεικνύειν, *resolvere & demonstrare*. Illud enim nil aliud esse, quàm *reducere questionem aliquam aut propositam conclusionem demonstrandam in sua propria & vernacula principia*, à quibus pender: hoc autem esse idem, quod *inferre ex propriis, ac rei demonstrandæ domesticis principiis, conclusionem propositam ad demonstrandum*. Idem docet Clemens Alexandrinus 8. Stromatum his verbis: Διαφέρει δὲ ἀναλύσεως ἀπόδειξις. ἕκαστον μὲν γὰρ τῶν ἀποδεικνυμένων, διὰ τινῶν ἀποδεικνυμένων ἀποδείκνυται, προαποδεδειγμένων κακείνων ὑφ' ἑτέρων, ἄχρις ἂν εἰς τὰ πρὸς αἰσθησίην τε καὶ νόησιν ἐναργῆ. ὅπερ ἀνάλυσις ὀνομάζεται. ἀπόδειξις δὲ ἐστίν, ὅταν ἀπὸ τῶν πρῶτων τὸ ζητούμενον ἀφικηῖται διὰ πάντων τῶν ἐν μέσῳ. *Differt demonstratio ab analysi, seu resolutione. Vnumquodq̄ enim ex iis, qua demonstrantur, demonstratur per quadam, qua demonstrantur, illu quoq̄ prius demonstratis ab aliis, donec pervenerimus ad ea, quæ sunt per se credibilia, aut ad ea, quæ sunt*

evidentia sensu & intelligentiâ, quodâ quidem vocatur resolutio. Demonstratio autem est, quando à primis venit id, quod queritur per omnia, qua sunt intermedia.

VII. Porro Alexander, qui ante Themistium & Philoponum floruit, Comm. in 1. Prior: ἡ σύνδεσις ἀπὸ τῶν ἀρχῶν ὁδὸς ἐστὶν ἐπὶ τὰ ἐκ τῶν ἀρχῶν. ἡ δὲ ἀνάλυσις ἐπάγοδός ἐστιν ἐπὶ τὰς ἀρχὰς ἀπὸ τῆς τελείας, *Compositio est via à principis ad ea, qua sunt ex principis: Analysis autem est regressus à fine, id est, eo, in quo desinit σύνδεσις, ad principia.* Ammonius Comment. in Præfat. Porphyrii quatuor Philosophiæ partes esse dicit *divisionem, definitionem, demonstrationem & analysin*, seu resolutionē, & addit: *Per divisionem genus in species mediantibus differentiis distinguitur, definitio ex genere & differentiâ per divisionē acceptis extruitur; demonstratio ex definitione extructa procedit.* Hinc verò: Ἀναλυτικὴς δὲ, inquit, ἔργον ἐστὶ, τὸ τὰ σύνδετα ἀναλίσκειν εἰς τὰ ἀπλά, ἐξ ὧν σύγκαιται. οἷον τὸν λόγον εἰς δνόματα καὶ ῥήματα, καὶ ταῦτα εἰς τὰς συλλαβάς, καὶ ταῦτας εἰς τὰ στοιχεῖα. καὶ ταῦτα μὲν οἱ γραμματικοί. οἱ δὲ φυσικοὶ φιλόσοφοι, ἐπὶ τῶν πραγμάτων, οἷον τὸν ἄνθρωπον, εἰς κεφαλὴν, καὶ πόδας: καὶ ταῦτα εἰς ὅσα, καὶ σάρκα, καὶ νεῦρα: καὶ τὰ τοιαῦτα εἰς τέσσαρα στοιχεῖα: καὶ ταῦτα εἰς ὕλην καὶ εἶδος, *Analyses* verò, id est resolutionis, officium est, *composita resolvere in simplicia, ex quibus componuntur, v. c. orationem in nomina & verba, hac in syllabas, hac autem in elementa.* Et hoc quidem faciunt Grammatici. Naturales autem Philosophi, quippe in rebus occupati, hominem resolvunt in caput, manus & pedes; hac in ossa, carnes & nervos; hos in quatuor elementa; hac deniq; in materiam & formam. Et nonnullis interjectis: ὁ διακριτικὸς πρόεισιν ἀπὸ τῶν ἀπλῶν ἐπὶ τὰ σύνδετα ὁ δὲ ἀναλυτικὸς, ἀπὸ τῶν συνιδέων ἐπὶ τὰ ἀπλά, *qui dividit, progreditur à simplicibus ad composita; qui autem resolvit, à compositis ad simplicia procedit.*

VIII. Deniq; Eustratius Prolegom. in 2. Post. similiter dicit ἀνάλυσιν procedere ἀπὸ τῶν ἐκ τῶν ἀρχῶν ἐπὶ τὰς ἀρχάς, *ab iis, quae ex principiis constant, ad principia*. Et hoc ipsum nomen indicare addit. ἀνάλυσιν γάρ, pergit, ἐστὶ ἢ εἰς τὰ ἀνω καὶ εἰς τὰ πρῶτερα λύσις τῶν δευτέρων καὶ ἐξ αὐτῶν ἀποτελεσμένων, *resolutio enim est solutio eorum, quae sequuntur in ea quae antecedunt & priora sunt, ex quibus illa perficiuntur*. Subjungit: καὶ τὰχα μεταφορικῶς ἐληφται ἀπὸ τῶν ἀποδημάτων καὶ ἀνατρεφόντων εἰς τὰ οἰκία. ὁ γὰρ ἐκ τῆς πατρὶδος ἀποδημήσας εἴτα ὑποστρέφων ὅθεν ἐξελήλυθεν, ἀναλύειν λέγεται, *Et fortasse metaphoricè hoc dictum est, sumptâ translatione à peregrè agentibus & in propria revertentibus. Qui enim peregrè abest & rursus revertitur, unde discescit, ἀναλύειν dicitur*. Ex quo & hoc simul clarum est, ἀνάλυσιν & σύνδεσιν non differre nisi λόγῳ & σχέσει, seu respectu terminorum, videlicet termini à quo & ad quem, re ipsa autem seu subiecto convenire, non secus atq; ascensus & descensus in scalâ. Quod iterum docet Ammonius l. c. his verbis: Διαφέρει δὲ ἡ σύνδεσις τῆς ἀναλύσεως, κατὰ μὲν τὸ ὑποκείμενον μὴδὲν, ὥσπερ γὰρ τὸ ἀνάντες πάντως ἐστὶ καὶ κάταντες, ὅτως ἡ ἀνάλυσις πάντως ἐστὶ καὶ σύνδεσις. κατὰ δὲ τὴν σχέσιν διαφέρει. ὅταν μὲν γὰρ ἀναδεν καὶ ἐκ τῶν πρώτων ἀρχῶν προεισὼν ἐπὶ τὰ ἔσχατα, σύνδεσις ἐστίν. ὅταν δὲ ἐκ τῶν ἐσχάτων ἐπὶ τὰς πρώτας ἀρχάς ἀναβαίνει, ἀνάλυσις ἐστὶ ὅτι μὲν ἡ σύνδεσις, πρὸς τὸ σύνδεον τελευτᾷ, ἡ δὲ ἀνάλυσις, πρὸς τὸ ἀπλῆν. *Differt verò compositio à resolutione, non quidem secundum subiectum. Vi enim acclive & declive idem sunt subiecto: ita & resolutio ac compositio. Secundum habitudinem autem sunt differentia. Quando enim ab eo, quod superius est, incipimus & ex primis principiis ad extrema progredimur, compositio est. Quando autem ab extremis ad prima principia ascendimus, resolutio est. Et compositio quidem ad compositum tendit in q̄ eo desinit, resolutio autem ad id fertur, quod simplex est.*

IX. Non solum autem Græci interpretes, qui in Aristotelem Commentarios scripserunt, hoc modo analysin definiunt, sed &, qui Platonem ductorem sequuntur. Prolixa ex iis adducere possemus testimonia. Sed sit nobis nunc omnium instar Alcinous, qui in peculiari libro summam doctrinæ Platonice nobis reliquit. In istius libri capite quinto agit de analysi, & tria quidem ejus affert genera, sed omnia taliter sunt comparata, ut satis appareat, *ἀνάλυσιν* Platoni nihil fuisse aliud, quàm viam à posteriori ad id, quod prius est. Dicit enim *ἀνάλυσιν* initio esse, quæ à *sensibilibus* ad *intelligibilia* prima ascendit: at hæc sine dubio illis priora sunt. Deinde *ἀνάλυσιν* vocat, quæ per demonstrata & subdemonstrata ad primas progreditur & medio carentes propositiones. Deniq; *ἀνάλυσιν* appellat, quæ ex suppositione ad ea, quæ sunt sine suppositione, pergit. Quæ verò hæc sunt, nisi prima principia, omnibus manifesta? Deniq; & Eusthatus Commentator Homeri sine dubio huc respexit, quādo *ἀνάλυσιν ἀναδρομον* vocat ἐκ τῶ συνθέτου, εἰς τὸ ἀπλῆν, *recursum* vel *ascensum ex composito in id, quod simplex est*. *ἀναδρομή* enim nonnunquam idem est, quod *ἀνάβασις*, *ascensus*, ceu advertit etiam Suidas. Qui & in voce, *ἀνάλυσις*, *ἀναλυσιν* ait interdum idem esse, quod τῶ τῶς συνθέτου συλλογισμὸς ἀνάγειν εἰς τῶς ἀπλῆς, & εἰς τὰς προτάσεις ἐξ ὧν αὐταῖς τὸ εἶναι, *compositos syllogismos ad simplices reducere, & ad propositiones, ex quibus illi constant*.

X. Quare, ut tandem concludamus, *ἀνάλυσις* in scientiis juxta significationem receptam, est idem, quod retextio rei aut conclusionis in sua principia; cui opponitur *σύνθεσις*, quæ nihil aliud est, quàm progressus ab his ad ea, quæ ex principiis confata aut collecta sunt. Hoc autem pacto accepta *ἀνάλυσις* & *σύνθεσις* diversas scientias non faciunt. In omnibus namque videtur obtinere scientiis, imò reverà obtinent, quatenus eas
sub

sub ratione *doctrinarum & disciplinarum* spectantur. Qvis enim scientificus doctor, quancunq; scientiam profiteatur, siue contemplativa ea sit, siue activa, siue effectiva, anteqvā ex principijs suis demonstret, primū investiat ista principia, à quibus pendet res proposita, vel conclusio demonstranda, investigat, inquam, ea, si non usq; adeò manifesta sint, idq; præstat mediante analysi: ex inventis autem illis deinceps docet & demonstrationes componit. Convenit hæc in parte ijs, qui scientias docent, cum deliberantibus. Hi cum certum sibi jam finem ac scopum præfixum habent, principio indagant media ad finem illum obrinendum conducētia, quod ἀναλύει vocat Philosophus lib. 3. Ethic. c. 5: tunc autem inventis medijs commodis ad agendum accinguntur. E. gr. Immineat hostis prævalidus civitati alicui, finis, quem tum sibi præfigent omnes civitatis incolæ citra ullam consultationem, erit communis incolumitas: cō scopo constitutō deliberabunt de modo & instrumētis tuendæ incolumitatis v. c. utrū auro sit emenda pax, an ferro hosti resistendum, an cæteris desperatis hic sit deditio placandus. Quod si ferro sit resistendum, tum de munimentis urbis porrò quærent & de militibus, quot & qui esse debeant, quæ arma paranda, ac tormenta, qui commeatus, & unde. Hòc invētō, unde scilicet pecunia sumēda sit, quibus ista parētur, hinc consultatio, qui primus motus, cessabit, & incipiet secundus, executio, quæ inversum ordinē servabit. Primo n. parabunt pecuniam eaq; comparabunt arma & tormenta, porrò milites accersent stipendiō, describent, in aciem ducent, postremo loco sequetur pugna &, exitu arridente, hostis expulsio, quā excipiet communis incolumitas, quæ primò erat intenta. Eodem pacto progredi oportet & eum, qui demonstrare aut scientiam aliquam tradere intendit. Primū scopō hóc, quod alteri sci-

entiâ tradere velit, sibi præstitutò, investigare tenetur principia, idq; ex præscripto methodi analytica, quibus inventis demum ad demonstrandum accedere potest, seu à principiis ad conclusionem demonstrandam progredi, donec fine suo potiarur, aut scopum præfixum attingat. Quodsi deliberantibus in promptu essent media, eaq; ad obtinendum finem, & quidem sola, conducere, nimis clarum esset, nullâ deliberatione opus esset; sed quia id adeò evidens non est, necessaria est deliberatio, quâ mediante inveniantur ista. Ad similem modum si demonstraturis in promptu essent principia demonstrationis, eaque simul discantibus maxime perspicua essent, sicuti aliquando accidit, velut in Arithmetica, analysi opus non foret; at quia ista sæpenumero ignota sunt, ideò analysis necessaria est, quâ inveniantur principia ad conclusionem demonstrandam aut scientiam producendam in aliquo accommodata, quo facto hinc & ad *σύνθεσιν* progreditur. Cum ergo *ἀνάλυσις* & *σύνθεσις* in omni pene scientiâ locum habeant, pro earum diversitate scientificus ordo dividi non poterit, ita quidem, ut hinc scientiæ diversæ constituantur, & analyticus quidem ordo practicis, syntheticus autem contemplativis disciplinis tribuatur.

XI. Sed fortè alio modo vocabula hæc usurpant auctores isti, qui ordinem scientificum dividunt in syntheticum & analyticum, & illum quidem scientiis theoreticis vendicant, hunc practicis & effectivis? Sanè ita se rem habere, de plerisque haud possumus inficiari. Ordinem *syntheticum* enim dicunt, qui procedit à principiis ad principiata, à simplicibus ad composita, à partibus ad totum. Et hoc ordine Physicam conscriptam esse dicunt. Agitur enim ibi prius de materia & formâ, quàm de corpore naturali, quod ex his compositum est: & prius de elementis, quæ simplicia corpora sunt, quàm de

de corporibus mixtis, metallis, plantis, mineralibus &c. *Ordinem analyticum* autem vocant, qui progreditur à consideratione finis ad considerationem principiorum, quæ virtute finem continent. E. gr. In Medicina primo loco agitur de fine, qui est sanitas, sive conservanda, sive, si amissa sit, restituenda; à finis autem hujus notione fit progressus ad indaginem medicamentorum, per quæ finis ille obtinetur & comparatur. Talem ἀνάλυσιν indiget Galenus cit. loc. quando primam τῆς τάξεως s. *ordinis* scientiarum speciem describit his verbis: πρώτη μὲν ἡ ἐκ τῆς τῷ τέλει ἐννοίας καὶ ἀνάλυσιν γινομένη, *prima quidem est, quæ fit ex notione finis secundum analysin.* Quanquam non eodem modo verba hæc ab omnibus exponantur. Turrisanus enim ea sic interpretatur, quasi Galenus indicare velit, ordinem analyticum eum esse, qui procedit *ex notione finis per resolutionem inventi.* At alij ita ea accipiunt, quasi ordo analyticus proficiscatur ex notione finis jam tum noti, resolvendo eum in sua principia: & hunc disciplinis & effectivis faciunt peculiarem.

XII. At hi multis modis falli videntur. Nam, ut de postremo prius dicamus, finis in activis & effectivis disciplinis non semper ita notus est, quin declaratione & investigatione egeat, etiam interdum satis prolixâ. Quanquam enim artifex & prudens, quippe periti earum rerum, quæ arti & prudentiæ subjacent, finem plenè habeant cognitum, antequam consilium capiant de medijs, ad finem obtinendum conducentibus, & ad agendum se accingant. v. gr. Medicus, qui ad tertianam febrem curandam advocatur, novit, in quo ratio hujus febris sit posita, quod in eâ bilis prævaleat adeoque humor calidus & siccus, qui consequenter temperamentum alteret & ad siccitatem atq; calorem nimium disponat: ei tamen, cui scientia de arte aut prudentiâ tradenda est, non con-

tinuò finis ille exquisitè notus est, sed declarandus, ita quidem,
 ut non solum, quid sit, manifestetur, sed & quod sit, si res ita
 postulet, quod fecisse videmus Aristotelem in Ethicis, sive
 primâ parte Politices, quæ est περὶ τοῦ πόλεως, & finem ultimum
 reipublicæ considerat, nempe felicitatem. De eâ enim ita
 agit, ut primò ostendat, *quod sit*, c. 1. deinde ejus *definitionem*
 inquirat longâ indagine, & tandem singula ejus membra accu-
 rate exponit, aded ut in omnibus decem Ethicorum libris
 nil nisi explicatio definitionis summi Boni, sive ipsius felici-
 tatis, contineatur. Sic enim eam lib. 1. definit Philosophus,
 quod sit *actio animæ rationalis secundum virtutem perfectam
 in vitâ perfectâ*. Eo facto singula definitionis hujus mem-
 bra explicare pergit, & principiò *facultates animæ* di-
 vidit: ac *rationalem* quidem *facultatem* duplicem facit,
 alteram, quæ *rationem habeat*, alteram, quæ *rationem
 habenti obtemperet*, qualis est appetitus in homine. 1. Ethic.
 c. ult. Hinc de *virtute* agere incipit & primùm quidem de
 virtute, quæ sedem habet in *appetitu* hominis sensitivo, de
 qua tum in genere, tum in specie discrit lib. 2. 3. & 4. Ethic.
 Quæ autem *perfecta virtus* sit, nempe justitia universalis, de-
 terminat lib. 5. Et hinc virtutes, quæ in parte *rationem ha-
 bente* resident, considerat, inquirendo ante omnia in nume-
 rum habituum istius facultatis, quos quinque esse deprehen-
 dit. *artem scientiam, intellectum, prudentiam, sapientiamq;*
 ex his autem ait virtutes dici non mereri, nisi *prudentiam
 & sapientiam*, quod virtus optimus sit habitus, optimus au-
 tem habitus partis rationem habentis, quæ duplex est λογικὴ
 seu βουλευτικὴ & θεωρητικὴ, *consultrix & contemplativa*, præter
 duos istos non datur: namque illum inter habitus facultatis
 βουλευτικῆς, hunc autem inter habitus θεωρητικῆς δυναίμενος esse
 præstantissimum. Cum autem hic non de felicitate contem-
 pla-

plativâ, sed civili seu activâ agatur, sapientiam hinc removeret & felicitatem practicam esse actionem animæ rationalis secundum prudentiam & justitiam universalem determinat, quanquam prudentiam ad sapientiæ finem tanquam scopum collineare ostendat, quod totum præstat lib. 6. Porro sequenti libro agit de iis, quæ cognationem aliquam cum virtute, morali cum primis, eique oppositis habent, nullo alio fine, nisi ut naturam virtutis morales tantò magis perspicuam reddat: indeque ultimam definitionis felicitatis particulam illustrare aggreditur, quæ erat, *in vitâ perfectâ*, ostendens, quod ea obtineri non possit, nisi in societate, cuius vinculum cum sit amicitia, de hac iterum prolixè disputat lib. 8. & 9. & tandem, postquam de eo, quod felicitatem sequitur, disseruisset, definitionem felicitatis reperit, & quantum felicitati activæ contemplativa præster, lib. 10. planum reddit.

XIII. Unde simul manifestum est, ut & hoc obiter moneamus, quid sentiendum sit de quorundam opinione, qui existimant Ethicam *analyticâ* methodo esse traditam, quasi ea peculiaris quædam disciplina esset, & non potius pars quædam, & quidem prima, Politices; ex quo Aristoteli sanè πολιτική τε vocatur 1. Ethic. c. 1. 13. lib. 1. M. M. c. 1, & 4. Polic. c. 1. *σοφία*, elementa Politices tradere asseritur. Sed quia illi pro peculiari eam habet disciplinâ, certâ ei & methodum assignant, & quidem, ut dixi, analyticam. Ajunt nam eam ordini à Summi Boni, tanquam finis, notionem & progressu ad considerationem virtutum, quas media esse dicunt, ad finem istum obtinendum facientia. Sed satis ἀνευλόγως. Vidimus enim in definitione Summi Boni poni virtutem; at media non ingrediuntur definitionem finis, sed contrâ potius. V. c. Demonstrationem ingreditur scientia; ea enim est

sylogismus ἐπιστημονικός: at in scientiæ definitione accurata, quæ extat c. 2. 1. Post. §. 1, demonstratio non ponitur. Pariter definitionem sanitatis medicamenta non ingrediuntur: licet enim perfectè sanitatis naturam cognoscere, etiam si medicamentorum notitia non habeatur; at medicamentorum rationem constituere non licet, quin sanitatis in ea habeatur respectus. Taceo medium propriè esse id, quod adhibetur à causa efficiente ad producendum effectum, quomodo medium ad scribendum est penna; ad secandum ligna, serra; ad scindendum ea, securis; ad pingendum, penicillum &c. At virtutes non sunt, quo quis utitur propriè ad beatè vivendum. Ita qui feliciter vivit, liberaliter agit, sed ad id non utitur liberalitate, quæ formam potius liberalis actionis pertinet: divitijs autem utitur tanquam medijs; unde & bona fortunæ inter instrumenta seu media felicitati inservientia, 1. Ethic. & alibi numerantur. Virtutes ergo media ad S. B. dici propriè non possunt. Nam & quis unquā audit habitum medium dici in σχῆμα seu comparatione ad ἐνέργειαν ab isto habitu pendentem: velut artem esse medium ad ποιῆσιν, scientiam ad γινῆσιν? Summum Bonum autem seu felicitas est ἐνέργεια à virtutis habitu profluens. Sed hæc velut in transitu hic dicta sunt.

XIV. Porro quod ordinem syntheticum dicunt progredi à consideratione principiorum ad considerationem eorum, quæ ex principiis pendent, à simplicibus item ad composita, à partibus ad totum, & hunc ordinem semper in theoreticis scientijs esse observandum, & quidem in his solum; practicis autem & effectivis disciplinis alium ordinem convenire, id vel univertale non est, vel falsum. Nam in Physicâ, quæ sanè theoretica disciplina est, prius agitur de animali, quod est totum, deinde de partibus, quæ sunt materia totius;

lius: & quidem prius de partibus dissimilaribus, quæ sunt magis compositæ, quàm de similaribus, ut videre est ex i. Hist. Item de animali prius, quàm de plantis, cum tamen plantæ sint simpliciores animalibus. In *practicis* quoque & *effectivis* scientiis fit progressus à notione principiorum, elementorum, simplicium &c. ad notionem eorum, quæ ex istis constant aut pendent, id quod per inductionem constat. E. gr. Domus est pars civitatis, eaque simplicior; & tamen in *Politica*, quæ extra controversiam *Practica* scientia est, à consideratione istius ad considerationem huius proceditur, quâ de re Aristoteles legendus est i. Pol. c. 2. & seqq. *Grammatica* autem *effectiva* disciplina est, & tamen in hac quoque à principijs & elementis fit progressus. Nec enim legere quispiam prius docetur, inquit Galenus de d. ff. pulsium, quàm syllabas omnes didicerit, neque syllabas ipsas prius, quàm vocis elementa cuncta. Patenter & in *Analyticis* prius agitur de termino & propositione, quàm de syllogismis, & sic in alijs. Idem in tradendâ *Medicina* observavit Avicenna. Ab elementis enim auspicatur, & ab his transit ad humores & ad alias corporis partes naturâ posteriores, tum de sanitate differit, & sic deinceps.

XV. Et sanè fieri non potest, ut res aliqua, sive cognitioni soli sublit, sive & operationi insuper sit subjecta, plene & perfectè cognoscatur, nisi & principia ejus distinctè fuerint percepta. Unde enim rerum natura, sive artificiales sint, sive quocumq; alio nomine veniant, cognoscitur, nisi ex eandem definitione: at definitiones ex internis rerum principijs constant, & definitio distinctè cognosci non potest, nisi distinctè prius cognitis partibus definitionis. Ita definitio felicitatis, quâ dicitur *operatio anima rationalis ex virtute perfecta in vitâ perfecta*, distinctè intelligi non potest, nisi an-

tè intelligatur, quid sit *virtus*, & *operatio ex virtute*, & quæ *virtus perfecta*, nec non quæ *vita perfecta*. Sic nec definitio virtutis, quæ est *habitus praelectivus in mediocritate ad nos relata consistens, quam praescribit recta ratio prudentis*, non potest intelligi perfectè, nisi intelligatur antè, quid habitus, quid mediocritas quoad nos, quid mediocritas rectæ rationis, quæ ratio prudentis, quæ particulæ sunt elementa essentiae & definitionis virtutis.

XVI. Sed habent, quod excipiant. Primò enim dicunt, rerum scientijs activis subjectarum cognitionem non pendere ex principijs, sed postremò hæc ipsa cognosci ex cognitione finis. Actiones enim nostras speciem sortiri ex *fine*. Unde & juxta Aristotelem qui furatur, ut adulterium perpetret, adulter potius quàm fur est dicendus. Verùm responsio adhæc est in promptu. Non diffitemur sane finem in scientijs cum activis, tum effectivis esse canonem & *κατάλογον* omnium, quæ ibi continentur. Omnia namq; ad hunc referri & catenus, quatenus ad illum referuntur, in istiusmodi scientijs considerari jam aliquoties monuimus ipsi. V. c. Omnia, quæ in Ethicis considerantur, felicitatem respiciunt, sive ut partes, sive ut concomitantia, sive ut consequentia, sive alio modo: ipsa etiā virtus non aliter consideratur in Ethicâ, quàm in respectu ad felicitatem. Interim non sequitur, quod omnia, quæ in disciplinis activis & effectivis considerantur, ex fine cognoscantur: imò multa ibi pertractantur, ex quibus ipse finis cognoscitur. Veluti felicitas cognoscitur ex virtute, quæ alio modo illius est principiū & causa. Unde & in felicitatis quidem definitione ponitur virtus, sed non vicissim. Pariter in Medicinâ non ex febre, ejus curandæ modum ostendit Medicus, cognoscitur calor, sed ex calore, quæ istius causa est,

est, febris. Unde in definitione febris ponitur calor, præternaturalis, non contrà.

XVII. Quod autem dicebatur, actiones nostras speciem sortiri ex fine, id, si ita simpliciter intelligatur, falsum est, siue actiones artificiales, siue morales spectes. Si enim ex fine solo sortirentur speciem, tum & bonitas earum semper esset æstimanda ex fine. At quoties contingit, ut actio artificialis bona æstimetur, licet finem non consequatur? Id fit in operationibus artium, quæ indefinitæ & *σοφιστικæ* vocantur. In ijs namq; finis non est in potestate artificis, sed sæpè accidit, ut artifex fine suo excidat, etiam si quàm optimè agat, ob pravam dispositionem materiæ aut similibus aliorum, 1. Topic. c. 3. & 1. Rhet. c. 1. Quoties enim contingit, ut finis sit bonus, quem quis secundum artem operans intendit, actio nihilominus sit mala, veluti cum à normâ & regulâ, quam sequi debebat in operando, per ignorantiam defleat. Plus ergò requiritur ad actionem artificialiter bonam, quàm bonitas finis. Idem & de moralibus actionibus est dicendum. Quamvis enim earum bonitas inter cætera æstimanda sit & ex fine, non tamen ex solo fine dijudicari potest, sed jungendæ sunt & reliquæ circumstantiæ, locus, tempus, objectum, media, persona agens &c. quorum una si non rectè se habeat, actio bona & honesta non est; tum autem bona est & æstimatur à prudentibus, cum singulæ hæ rectè sunt comparatæ. Ita finis bonus est, si quis liberalitatem exercere sibi proponat: at actio non est bona, si non de suo, sed de alienis se præbeat liberalem; aut erga eum, erga quem non decebat, velut erga scortum; aut non iusto tempore vel loco se talem præstet. Vid. lib. 4. & 6. Ethic. c. 10. Deinde cum ex fine æstimatur actio, fit id, non quatenus præcisè finis est, sed quatenus subit locum formæ essentiam constituentis.

E. g. Adulterium, ut in exemplo num. 16. proposito persistamus, quod sibi proponit, qui furatur, ut est in re ipsa & extra animam, est finis: ut verò est conceptum in anima & in electione, formæ potius habet rationem, aut si communem doctrinam sequamur, efficientis. Jam autem speciem dat actioni, ut est in electione, non ut extra animam, atque in re ipsa: nam is, qui furatur intentione adulterii, statim atque elegit, adulter est juxta Aristotelem, nec expectat, ut actu adulteretur, actio, ut in suâ specie constituatur. At finis, quæ intelligunt illi, est finis extra, qualis est opus illud, quod artifex producit.

XVIII. Deinde excipiunt: Quamvis in practicis & effectivis disciplinis aliquando à simplicibus ad composita, à principiis ad principia (ita enim loquuntur) fiat progressus, non sistitur tamen ibi in cognitione rerum traditarum, aut tradendarum, sed aliud præterea intenditur, ad quam ipsa cognitio dirigitur, nempe γένεσις, hoc est, vel πρῶτις, vel ποιησις, cujus rationem intendit docere is, qui scientiam activam, aut effectivam proficitur. Unde fit, ut in operabilibus quoque non perfecta quæratur cognitio, sed superficialia saltem & sufficiens ad finem obtinendum. Verum enim verò intentio ejus, qui docet, facere non potest, ut eadem rerum dispositio sit ordo & syntheticus & analyticus, analyticus quidem, si præter cognitionem γένεσιν intendar: syntheticus autem, si solam cognitionem. Intentio enim in moralibus quidem mutat speciem rerum & actionum, in alijs verò non item. E. gr. Intentio rectè dicendi non vertit solocismum in laudabilem constructionem; barbarismum in Latinam dictionem; perversam dispositionem partium orationis in Rhetoricam compositionem. Nec intentio rectè disputandi σόφισμα mutat in bonum syllogismum Dialecticum; aut intentio rectè docen-

docendi *Πευδογράφημα* in bonam demonstrationem, aut demonstrationem *τὸ ὄλε* in demonstrationem *τὸ διόλε*. Præterea, si intentio docentis mutat ordinis speciem, erit utique ea essentialis differentia specierum ordinis, & consequenter ponenda erit in definitionibus earum. At neq; Galenus, neq; alij in definitionibus synthetici & analytici ordinis intentionis talis mentionē faciunt, sed analyticum quidem ordinem definiunt *processum à fine* ad ea, quæ sunt *propter finem*; *syntheticū* verò *processum à principijs primis* ad posteriora principia, & ad ea, quæ *ex principijs* constant, & à *simplicibus* ad *composita*, ut perfecta rerum cognitio tradatur: intentionis autem excludendi operationem nullam faciunt mentionem.

XIX. Excipient, hoc ipso eam innui, quod *perfecta cognitionis* mentio fiat. In operabilibus enim non quæri perfectam cognitionem, sed operationem. Verùm exceptio hæc nulla est. Duplicia enim sunt, quæ in disciplinā aliquā activā aut effectivā considerantur. Nempe quædam *per se* ad illas pertinent; quædam autem *aliunde* advocantur, quod eorum aliqua notitia ad intelligendum illa, quæ per se eo spectant, requiratur, velut in Politicā *πραγματεία* doctrina de animæ facultatibus. Horum in istis disciplinis perfectam non quæri cognitionem certum est, sicut & de animæ facultatibus in Politicis Aristoteles non ita exquisitè differit, ut in libris de Animā, sed *ὡς τὸ πρῶτον* solum sive rudi minervā, quantum scilicet satis erat ad scopū ipsi isthæc propositum consequendum. At priora ista non superficialiter certè tractantur in ijs scientijs, sed accuratè & exquisitè. Veluti de virtute in Ethicā *πραγματεία* non *ὡς τὸ πρῶτον* agitur, sed satis exquisitè. Minutatim enim natura ejus non solum in genere ibi expenditur, sed & in specie virtutis cujusque; quod faciliè advertet, cui tractationem Ethicam cum ijs, quæ de virtutibus in Rhetoricā tractata

dita sunt, placuerit conferre. Quod si denuo excipiat, tantam tamen in moralibus non requiri ἀκριβοῦς, quam in Mathematicis scientijs ex 1. Ethic. c. 1: hoc faciliè quidem largiemur: Materia enim subjecta tantam ἀκριβοῦς non admittit, quantam ea, quæ Mathematicis disciplinis substrata sunt. Verum idè rerum istarum, quæ in Practicis disciplinis expenduntur, cognitio perfecta esse non desinit, si non simpliciter, tamen in genere suo. Nam & naturales res, quæ per naturam sunt generabiles & corruptibiles, parem cum Mathematicis certitudinem non habent, quod materiæ sint immersæ, quæ radix contingentiae est, ex caelestibus autè, quæ sola in Physicis immutabilia sunt, multa non satis certò cognoscuntur 2. de Cælo t. 34. & t. 60. Physica tamen idè scientia in suo genere non desinit esse perfecta. Manet ergò hoc immotum, quod non in contemplativis solum, sed & practicis scientiis à principiis ad ea, quæ pendent ex principiis, fiat progressus, & quod consequenter ordo syntheticus non sit proprius prioribus istis. Et quid ad hoc dicent, qui contrarium tuerentur? Finis, à quo in disciplinis activis & effectivis sumitur ordinis initium, annon principium est? Causa sanè est: *omnis autem causa principium*, 5 Met. 1. & 2. imò cum finis prima omnium causa sit, ut in Philosophiâ primà demonstratur, finis & illic primū principium erit. Id quod in Aristotele quidem est decantatissimum, qui & passim hinc ait, primum in practicis principium esse finem, ceu constat ex ijs, quæ superius ex illo fuerunt adducta, præcipuè lib. 1 c. XVI. n. 2. Quod si verò finis est principium eorum, quæ sunt propter finem, disciplinæ autem practicæ & effectivæ progrediuntur à fine, progredientur utique & ex à principiis ad illa, quæ ex principiis pendent: at hoc συνθέσεως erat, non ἀναλύσεως, *compositionis*, non *resolutionis*.

XX. Dicunt fortè, in practicis disciplinis finem spectari, non ut finem, sed ut effectum, cum que in sua principia resolvi. Verùm hoc falsum est. Consideratur enim ibi finis, quatenus spectatur in *intentione*, non quatenus jam est in *executione*, ut loquuntur, sive quatenus *generandus*, non quatenus *genitus*. E. g. Finis scientiæ Analyticæ est non scientia demonstrata, sed *demonstranda*, 1 Prior. c. 1. §. 1 : finis scientiæ Medicæ sanitas est non producta, sed producenda &c. Jam autem finis, quatenus in intentione spectatur, non habet rationem effecti, sed rationem principij. Unde *primum* esse dicitur in *intentione*, *ultimum* in *executione*, lib. 2. Part. An. 1. Et quomodo, quæso, finis principium dici possit τὸν ποιητικὸν καὶ πρακτικὸν δυνάμειον, aut eorum, quæ in his facultatibus considerantur, si tanquam effectus ibi spectaretur? Quomodo enim principium dici potest, quod ultimum est, quatenus est ultimum, cum principium omne sit primum, aded, ut hinc *principium* & *primum idem* esse dicat Philosophus lib. 1. Post. c. 2. & lib. 5 Met. c. 1. Res ipsa etiam testatur & modus procedendi, quem servat Aristoteles in disciplinis activis & effectivis, quod demonstrabiles in ijs affectiones primò ex finè demonstret. Demonstratio autem ex fine petitur, ut principium & causa est, non ut effectus.

XXI. Manifestum itaque est, quod à principiis non minus in practicis, quàm in contemplativis disciplinis fiat progressus. Generale scil. hoc essatum est, quod *omnis doctrina & disciplina ex προγενέσει*, seu antecedente principiorum cognoscitur *profiscitur*, 1 Post. 1. 1. Met. 7. 6. Ethic. c. 3. Quod in Physicis repetit Philosophus. Ita enim ait, in genere de omni scientiâ loquens: *Omnis cognitio & scientia cujuscunque disciplina aut methodi quæ principia vel causas, vel elementa habet, ex horum prænotione contingit.* Rationem addit:

Unumquodq^{ue} enim tum demum nos scire putamus, quum illius causas, primaq^{ue} principia usque ad elementa tenemus, 1. Phys. 1. Quemadmodum autem in practicis pariter ac contemplativis fit progressus à principijs ad ea, quæ sunt his naturâ posteriora: Ita & in contemplativis aliquando in specie à fine proceditur, non secus atque in activis & effectivis, quem processum illi ἀναλυσι vocabant, hisque disciplinis propriam esse judicabant. Quoties enim, v. c. in Physicis, à fine ad ea, quæ sunt propter finem, fit progressus? Id sanè in omnibus fieri necesse est, quæ sunt ad finem certum destinata, velut in partibus corporis animalium. Ex fine enim reliqua, quæ ipsis insunt, etiam si ex necessitate alterius ejusdam causæ, materiæ cum primis, veniunt demonstranda. Ideò necessarium est, ut finis etiã illic ante omnia manifestus reddatur, ne ex ignotis demonstratio procedat. E. gr. Cum de oculo disquisitionis instituitur, finis ejus ante omnia describendus est: ex eo enim fluunt affectiones omnes, quæ de oculo sunt demonstrandæ. Velut ex hoc principio demonstratur, cur aquæ fortis, quoad aliquam ejus partem, debeat esse oculus, nempe ut sit speculum lucidum, in quo recipi queant imagines rerum visibilium, sine qua receptione nunquam fieret visio, quæ est finis oculi. Ea enim non consistit in actione, sed passione potius seu receptione visibilium specierum. Idem de reliquis partibus organicis esto judicium. Instrumenta enim omnia, sive naturalia sint, sive artificialia, æstimantur ex fine: indeque consideratio hujus meritò sibi principem locum vendicat in istorum tractatione 1. Polit. c. 2. Conf. 2. Phys. 7 & 9. & lib. 1. de Part. An. c. 1.

XXII. Sed habent & hîc, quod excipiant. Nempe primò dicunt, progressum hunc in naturali Philosophiâ non ordinem facere, sed demonstrationem, proindeque μεθόδον in spe-

specie sumptam. Verum facilis est responsio. Quamvis enim illatio ex fine ad ea, quæ sunt propter finem, sit *μεθόδος* in specie; ordo tamen est, quatenus prius de fine, postea de materiâ & alijs agitur, quæ ex fine demonstrantur: quâ ratione etiam *μεθόδος* quidem est, cum ex alijs principiis inferuntur ac demonstrantur propriæ affectiones; at ordo est, quatenus illa primo, hæc secundo ponuntur loco. Deinde regerunt, procedere quidem quandoq; & contemplativas scientias ex fine, verum finem in illis non esse ultra cognitionem, h. e. facultatem aut scientiam ipsam non habere ultra cognitionem alium finem, quem tamen habent scientiæ activæ & effectivæ. Verum deceptio hæc est accidentis. Disciplinæ enim activæ & effectivæ non procedunt à fine, quatenus hic facultatis aut disciplinæ ipsius finis est, sed quatenus finis est ipsius rei consideratæ. E. g. Politicæ progreditur à fine, felicitate, non quatenus ea Politices, sed quatenus reipublicæ, quam Politica considerat, finis est. Ab istiusmodi autem fine progressus & in ijs fit, quæ ex Phycis num. 21. sunt prolata.

XXIII. Ex his omnibus patet, quod analyticus & syntheticus ordo non sint ita comparati, ut diversis disciplinis, ille quidem practicis, hic v. theoreticis, jure quodam peculiari sint vindicandi; quod fortè nec ipse Galenus intendit. Quamvis enim ille diversos ordines, qui in tradendis scientiis obtineant, nominet, nusquam tamen dicit, ordine analytico solas practicas, synthetico autem solas theoreticas scientias esse tradendas, sed hoc potius innuit, unam eandemque disciplinam posse diversimodè tradi, nunc quidem ordine analytico, nunc synthetico, nunc etiâ definitivo. Argumento est, quod Medicinā à se analytico ordine traditā, definitivo jam ordine se tractaturū dicat, addens, synthetico quæ quæ ab alijs propositam fuisse. Verba ejus hæc sunt lib. de arte Medic. *Επιχειροῦν τὴν κατὰ σύνθεσιν, αὐτοὶ τε οἱ ἡρόφιλοι, καὶ λίγες τῶν ἐρασιγαστρίων τε, καὶ ἁπλῶς*

ο Ἀπάλειος. ὅς τις μὲν τοί γε τῶν πρὸ ἡμῶν ἐξαίτε ἴην ἐκ τῶν
 τῷ τέλει ἐννοίας ἀρχομένην διδασκαλίαν, ἐξ ἧς αἱ τέχναι πάσαι συνί-
 σαίται κατὰ μέθοδον. ἄλλ' ἐκείνην μὲν ἐτέρωθεν διήλδομεν, ἐνταῦθα δὲ
 τὴν ὀρθὴν ποιησόμεθα διδασκαλίαν. *Conati sunt eam (Medicinā)*
per compositionem Herophilij & quidem Erasistrati sectato-
res & Athenaeus Attaleus tradere. Neminem tamen ante
nos ea, quæ oritur à notione finis, scripsisse comperimus, ex
quâ omnes artes constituuntur: sed illa quidem suo pertra-
ctavimus loco. Hic verò definitivam faciamus doctrinam.
 Præstat tamen sine dubio, cum Medicina traditur, eum sequi
 ordinem, qui ex ratione finis proficiscitur, velut primi eorum,
 quæ in eâ traduntur, principij, ex quo cætera sunt deducen-
 da & demonstranda. Ad extremum ita σύνθεσις & ἀνάλυσις
 seu *compositio & resolutio* obtinent in reliquis scientijs, ut ta-
 men in Philosophiâ primâ solum posterior hæc habeat lo-
 cum. Non enim ea scientia est ex principijs, ut reliquæ;
 sed scientia ipsorum principiorum, quæ per analysin indagat,
 inque eorum contemplatione acquiescit, quod cum pla-
 num jam sit ex eis, quæ antè lib. II. c. XIV diduximus, nihil
 hic adjungere est necesse. Et tantum etiam de ordine in sci-
 entijs observando.

CAPUT IV.

*De collatione scientiarum diversarum
 præstantiæ ratione.*

I.

Quæ circa unitatem & diversitatem scientiarum obser-
 vanda erant, hætenus sunt expedita. Jam autem por-
 rō, quod ad diversas scientias attinet, nihil frequentius esse so-
 let, quàm ut collatio inter eas instituatur, & quænam ex ijs
 præstantior sit, disquiratur. Erit ergo eâ de re etiam nobis
 hic

hic aliquid monendum. Observat autem Aristoteles lib: 1. de Animâ c. 1 quod duæ sint causæ, propter quas scientia aliqua præstantior dici queat alterâ, nempe, si aut sit *exquisitior* & accuratior: aut in *nobiliori* versetur *subjecto*. Posteriori modo Physica præstantior est Mathematicis scientiis. Illa enim substantiam quandam considerat, videlicet mobilem, eaque, quæ illi per se insunt, pertractat: hæ autem accidentia solum expendunt, veluti Arithmetica numerum, & Geometria magnitudinem. Accuratior interim hæ sunt, quod probationes & demonstrationes earum sint exquisitiores & firmitiores. Themistius in Paraph: ad dictum locum idem declarat exemplo Geometriæ & Astronomiæ. Πλεονεχίη, inquit, ἑτέρα (ἐπισήμη) ἑτέρας, ἢ τῇ τῶν ἀποδείξεων ἀκριβείᾳ, ἢ τῇ ἁμιότητι τῶν ὑποκείμενων πραγμάτων. ὁ πεπόνθασι πρὸς ἀλλήλας, γεωμετρία τε καὶ ἀστρονομία. τῆς μὲν γὰρ πλεον τὸ ἀκριβές. τῆς δὲ, πλεον τὸ θαυμασιον, διὰ τὴν ὑποκείμενην φύσιν, περὶ ἧς πραγματεύεται. ἐπεὶ μαλακώτερά γε αἱ ἀποδείξεις ἀστρονομίας: τῷ γὰρ ἔγγιστα χρῆται ἐπὶ πολλῶν, *Una scientia alterâ præstantior est, aut propter majorem & exquisitiorem vim demonstrandi: aut propter præstantiâ subjecta materia. Quod advertere licet in Geometriâ & Astronomiâ. Illa n. accuratior est, hæc verò nobilior ob subjectam materiam, circa quam versatur, demonstrationes autem ejus sunt aliquantò imbecilliores, quod in rebus versantur agnoscantibus motum.*

II. Quod ad ἀκριβείαν autem scientiarum spectat, observat rursus Philosophus lib. 1 Post: c. 27 (23) varijs contingere modis, ut una scientia exquisitior sit alterâ. Et primò quidem, si *una* tradat solum quod sit, *altera* autem etiam *propter quid*. Hæc enim sine dubio exactior est alterâ illâ. Ita scientiæ, subalternantes quas vocant, exquisitiores sunt scientiis subalternatis, veluti Arithmetica Musica, & Geometria Opticâ. Illæ enim causas eorum afferunt, quorum τὸ ὅλ-
Uuuu
solum

solum, experientia aut alio pacto cognitum, hæc proponunt, ut
 visum nobis lib: 1 c. IX n. IX. Physica quoque ex eodem
 capite præferenda est Medicinæ. Huic enim sufficit in ple-
 risq; , quorum illa causas expromit, τὸ δὲ solum delibasse.
 Unde & Galenus lib. 3 περὶ κριτικῶν seu de iudicijs c. 8 repre-
 hendit eos, qui cum animum applicarunt ad Medicinam,
 τὸ δὲ non contenti, postulent, sibi causas omnium ad modum
 Philosophiæ naturalis exponi: *Sapius, inquit, sum expertus
 tales Medicos, qui de præcognitione nostrâ sunt admirati,
 quando in egrotis succedentem inspexerunt, atq; discere sata-
 gentes, sed quando quispiam ipsos docere cæperit, aut quip-
 iam de cotione aut natura robore differuerit, vel de re ali-
 quâ aliâ, sine quâ de crisi contemplatio consistere nequit, quo-
 modo, inquirunt, mihi suadebis, quod sit natura quadam
 omnia agens ad animalium salutem? vel quod eadem natu-
 ra expellente superfluitates quidam è morbo liberantur? vel
 quod calidam in animalibus sit efficacissimum? vel quod ex
 calido, frigido, sicco, & humido corpora animalium sint tem-
 perata? Adversus quos ego dicere soleo: Tu quidem, ὁ
 vir, cæpisti ut discipulus, sed audis ut contradictor. Neq;
 enim tibi sufficit artis operum, quorum te cepit admiratio,
 doctrinam perdiscere, sed ejus etiam principia judicare cona-
 ris non solum ut medicus, sed etiam ut naturalis: & tamen
 tibi satius fuisset contrario modo de operibus judicare. Multò
 enim præstare arbitror miranda opera, quæ ex illis principiis
 sequuntur, inspicientem ab iisdem operibus fidem tanquam
 de ipsis principiis assumere.* Ἀνάπαυτι γὰρ αἱ πλείους τῶν τε-
 χνῶν ἐκ τῶν ταῖς εὐρέσεων, πειρῶν αἱ μὲν γὰρ ἐκ τῶν ἐργῶν, εὐρίσκονταί, δὲ
 ἐκ τῶν δοχῶν, *Fides siquidem, seu probationes, artium aliter
 se habent ac inventiones. Creduntur enim ex operibus, inve-
 niuntur autem ex principiis.* Unius quoq; scientiæ pars ac-
 cura-

curationior hac ratione dici potest alterâ, si cum eâ conferatur. Veluti *πραγματείας* de partibus, generatione & incessu animalium, historiâ, quæ de illis est contexta. In hac enim solum τὸ ὄν ἐστὶ manifestatur eorum, quæ pertinent ad constitutionem & partes, nec non operationes animalium, in reliquis autem istis traduntur insuper & causæ illorum. Unde & in lib. de incessu animalium Philosophus expressè: *Quod hæc ita se habeant, manifestum est ex historiâ naturali: propter quid autem nunc considerandū.* V. & I. Hist. 6. Porro ex scientijs, quæ διὰ ἐκτενείας expendantur, illæ sunt exactiores, quæ priores considerant causas. Quod quis n. priores causas perspectas habet, eò magis scire dicendus est. Ex quo sequitur, Philosophiam primam esse scientiarum omnium exactissimam, quia primas omnium causas cognoscit 1. Met. c. 2.

III. Deinde, ait Philosophus, exquisitior etiam est scientia, quæ non est de subiecto, eâ, quæ est de subiecto. De subiecto autem, καὶ τὸ ὑποκείμενον, hic ut benè advertit Philoponus in comm. non dicit τὰ καὶ θέλοντα, ut in Prædicamentis. Sic enim contrarium eius, quod intendit, dicere debuisset, cum certū sit scientiam universalium exquisitiorem esse scientiâ particularium & singulorum. Sed de subiecto vocat τὰ ἀσθητὰ καὶ ἄλογα, *sensibilia & materialia*. Non de subiecto verò appellat τὰ ἀόρατα καὶ νοητὰ, *separata à materiâ & intelligibilia*. Illæ ergo scientiæ, quæ versantur circa abstracta à materiâ & intelligibilia, sunt exquisitiores iis, quæ in sensibilibus & materialibus sunt occupatæ, quod materia sit causa contingentiae & radix. Hæc ratione Arithmetica rursus est exquisitior Musica. Illa enim numerum absolutè considerat sine omni materiæ respectu. Hæc autem eundem expendit, ut reperitur in sonis & vocibus, quæ auribus omnium percipi queunt. Geometria quoque iterum, etiam ex hoc capite, accuratior est Opti-

cā sive Perspectivā: ista enim figuras & lineas itidem in seipsis absque omni materiā expendit, hæc autem easdem pertractat, quatenus accidunt ijs, quæ visui sunt subjecta. Exquisitiores quoq; hæ ipsæ, quas modò dicebamus, Arithmetica, inquam, & Geometria ex eadem causā sunt, collatæ cum scientiā naturali. Cum enim illæ versentur in ijs, quæ sunt ἐξ ἀφαιρέσεως, sive ex abjunctione spectantur, hæc considerat ea, quæ sunt materiæ immersa, quatenus ijs sunt immersa. Valet autem & hoc discrimen non solum in scientijs diversis, sed & in unā eademq;, si ejus diversa membra inter se committantur. Nam & idē Aristoteles doctrinam de animā reliquis Physicæ considerationis partibus præstantiorem esse dicit, quod agat de mente, quæ à materiā est abstracta. Exactissima verò rursus inter omnes scientias, etiam ex hac causā, est Philosophia prima, quod occupata sit circa ea, quæ cum materiā planè non sunt conjuncta, quemadmodum & Philosophus lib. 1 de Animā c. 1. & 17 ait: *In iis, quæ sunt ἐξ ἀφαιρέσεως, Mathematicus versatur, Philosophus autem primus in iis, quæ sunt κεχωρισμένα, omninò à materia separata.*

IV. Tandem exquisitior est & illa scientia, quæ est ἐξ ἐλαττόνων, ex paucioribus, quàm ea, quæ est ἐκ προσθέσεως, ex adjunctione. Quod repetit Philosophus lib. 1 Met. c. 2 his verbis: *Quæ sunt ex paucioribus scientia, ἀκριβέστεραι, accuratiores & exquisitiores, sunt iis, quæ dicuntur ex additione, hoc est, ut Themistius exponit, accuratiores sunt scientiæ, quæ utuntur ἀπλυσταῖς ἀρχαῖς, principiis simplicioribus, quàm quæ principia adhibēt habentia σύνθεσιν κατὰ τὸ το, hoc est, composita sive complexa.* Hoc modo exquisitior est Arithmetica, quàm Geometria. Arithmeticus enim utitur, tanquam principio, unitate, Geometra autem puncto: at unitas simplicior est puncto. Punctum enim est unitas quædam, sed καί μὲν πῦρ, ut

ut denuò ait Philoponus, *alicubi sita* sive *μονὰς θετῇ*, cum ad-
ditione quâdam, quod nisi alicubi sit, intelligi non possit. Uni-
 tas autem est *ἀθετῇ*, sine positione. Quod observavit eti-
 am Proclus lib. 2 Comment: in Euclidem his verbis: *ἀθετῇ*
ἢ μονὰς, ὥς *ἀθετῇ* καὶ παντὸς ἔξω διαστήματι *καὶ* τὸ πῦρ. θέσιν δὲ ἔχει
 τὸ σῆμα, ὥς ἐν τοῖς φαλαστίαις κόλποις ὑδαλλόμενον καὶ ἐνυλον, *Uni-*
tas sine positione est, utpote *materia expers* & omninò *extra*
intervallum & *locum*. *Punctum autem obtinet situm*, ut quod
cernatur in sinibus phantasia & *materia sit immersum*. Un-
 de & Philosophus lib. 5. Phys. t. 29 scribit non posse idem
 esse punctum & unitatem, quod illi insit tangere, unitatibus
 autem *ἐπεξῆς*; itemque inter puncta contingat esse aliquid
 (est enim inter puncta linea), nihil autem sit inter unitates. Ex
 quo fit, ut Arithmetica superior sit & magis universalis quo-
 dammodò, cum Geometriâ comparata, multa; in illâ theo-
 remata demonstrantur, quæ in hac supponuntur. Ut autem
 illa hac exquisitior est, ita vicissim hæc accuratior est Astro-
 nomiâ. Illa enim corpus simpliciter considerat, hæc au-
 tem corpus, quod movetur & circumagitur, τὸ κινούμενον σῶμα,
 prout Themistius scribit in Paraph. Theodesij quoq; *spharica*,
 ait Philoponus Comm. 120 in 1 Posteriorum, *certiora sunt*
scientiâ Autolyçi de sphaerâ, quæ movetur. Ille enim sim-
 pliciter accidentia sphaera considerat, non concludens, an mo-
 veatur, nec ne. *Autolyçus verò accidentia sphaera mobilis*
contemplatur. αἰ δὲ αἱ προδῆναι ἐν ταῖς ἐπισήμαις μερικώτερα τὰ
 πράγματα ποιεῖσι, καὶ διὰ τὸτο, ἥτιον ἀκριβέστερα, *Semper autem*
additiones in scientiis res magis particulares faciunt, & ad
hos minus certas. Atque hinc etiam Philosophia prima ex-
 quisitissima idè est inter scientias omnes, quod cum reliqua
 ens considerent limitatum atq; ad certam quandam naturam
 contractum, veluti visca ens mobile &c. ipsa ens, quæ ens,
 simplicissimè sine omni additione expendat.

CAPUT V.

De opposito scientiæ, ignorantia, & speciebus
seu gradibus ejus.

I.

QUæ de scientiarum generibus & modis eò pervenien-
di nobis hætenus occurrerunt, enucleavimus utcu-
que. Licebit autem ijs adhuc majus lumen fecerari, si ad
opposita quoque eorum attenderimus, ipsorumque cau-
sas. Opposita enim juxta se posita magis elucescunt,
hoc est, ex ratione & definitione unius illorum intelligitur &
alterum, juxta 6 Topic. 2 §. 7. Veluti si *sanitas* est consti-
tutio corporis animalis viventis secundum naturam per se ac
primò actiones ritè perficiens, *morbus* è contrario erit *consti-
tutio corporis viventis præternaturam, à quo functio primū
læditur*, ceu morbum definit & Galenus lib: de diff: sympt. c.
1. Si bonum est, quod omnia appetunt, teste Aristotele
lib: 1 Ethic: c. 1; malum erit, quod omnia fugiunt & aver-
santur. Si *pulchritudo* est corporis *quædam apta figura mem-
brorum cum coloris suavitate*, prout Cicero eam describit lib.
4 Tuscul. quæstionum, *deformitas* sanè erit minus apta cor-
poris figura membrorum cum colore ingrato. Ex quo etiam
fit, ut eadem sit scientia oppositorum. De sanitate enim
& morbo agitur in Medicinâ; de motu & quiete, de gravi &
levi, calido & frigido, humido & sicco in Physicâ; de virtute
& vitio in Ethicâ, & sic deinceps. Ex quo & Aristoteles rur-
sum lib: 4 Met. c. 2, postquam docuisset, Philosophiam pri-
mam agere de uno & partibus, seu quasi speciebus unius, de
eodem, simili, æquali &c. ostendit pertinere quoque ad ean-
dem

dem considerationem multitudinis & specierum illius, diversitatis, dissimilitudinis, inæqualitatis & c. idque ideo, quod hæc unitati, ejusq; quasi speciebus, sint opposita, opposita autem contemplari ad eandem scientiam spectet. In Analyticis quoq; videlicet lib. 1. Prior: c. 1. §. 5, eadem dicitur esse scientia τῶν ἐναντίων seu contrariorum.

II. Cæterum opponitur scientiæ ἀγνοία seu ignorantia, quam duplicem esse jam superiori libro primo c. II §. II. innuimus, nempe aliam κατ' ἀπόφασιν seu *mera*, aut *pura*, ut vocant, *negationis*; alia κατὰ διάθεσιν, sive *prava dispositionis*. Solent enim vocabula ab α privativo incipientia, quæ oppositū designant habituum animi rectorum, plerumq; duabus gaudere significationibus, & cum privationem simplicem, tum contrarium habitum denotare. Velut ἀρεχία, quæ arti opponitur, & inertiam simplicem significat, quæ cadit in prorsus imperitos artis: & habitum depravatum, qui effectivus est non cum verâ ratione, ut ars, sed falsâ, ut sunt artes lenonum, veneficorum & similes, quæ artium quidem veniunt appellatione, sed improprie & abusive, reverâ autē indignæ sunt artis nomine, & rectius dicuntur α ψευδοτεχνία, vel etiam α καχότεχνία, ut eas vocat etiam Quintilianus lib. 2. institut: Orat: c. 20 scribens: *Equidem illud quod in studiis dicendi plerique exercuerunt & exercent, aut nullam artem, quæ ἀρεχία nominatur, puto (multos enim video, sine ratione, sine literis, quæ vel impudentia, vel fames duxit, ruentes) aut malam quasi artem, quam καχότεχνίαν dicimus.* καὶ οὐκ ὅτι quocq; dicitur tam is, cui sapientia omninò non est, quàm is, qui sapiens quidem videtur, verum non est, sed habitum potius obtinet sapientiæ contrarium, ex quo & ἀσοφία duplici gauderet significatione, si quidem vocabulum hoc esset in usu, quod negat Julius Pollux. lib. 4. Onomastici c. 1. Deniq; & ἀπρόσμεον dicitur

citur cum id, quod planè non habet rythmum, tum illud, quod
præsum habet lib. 1 post. Analyt. c. 12 §. 9. Ita ergò & ἀγνοια
 five ignorantia, scientiæ opposita, est duplex. Nèpe alia est *sim-*
plex, cum quis penitus quid ignorat, velut cū idiota aliquis, in-
 terrogatus de natura vacui aut loci, vel de natura & definitiōe
 temporis, fatetur se nihil intelligere horum. Quā ignorantia la-
 boravit apud Homerum Telemachus, qui, interrogatus, num
 Patre Ullyse prognatus esset, respondit: Οὐκ οἶδ' ἔγωγος τίς
 ἐστὶν γόνος αὐτοῦς ἀνέγνω, id est, non scio Non etenim unusquisq;
 parentem suum novit. Alia est *composita*, quā qui laborat,
 non tantum caret cognitione ejus, quod verum est, sed & fal-
 sam quandam de eā re, quam nescit, concipit opinionem,
 eamque errore ductus amplexatur, ut veram, ut si quis diame-
 trum putet esse commensurabilem costæ, aut Solem cum Epi-
 curo existimet esse pedalem, aut pisces respirare. Diffe-
 runt duo hæc ignorantia genera, ut non justum & injustum.
 Ut enim non justum est mera negatio justii, injustum autē po-
 nit qualitatē justitiæ contrariam: Ita & ignorantia prior
 mera est negatio scientiæ, posterior autem est positio pravi
 habitus, scientiæ contrarij. Illā qui ducitur, rem planè non
 apprehendit: hæc autem qui imbutus est, eam aliter appre-
 hendit, ac in se est. Vnde & hæc non solum æquè mala est,
 ac prior ista, sed & deterior illā. Illā enim qui laborat, agnoscit
 se ignorare: ast qui hæc infecti sunt, arrogātia aut stoliditate in-
 flati arbitrantur se scire, quod maximè ignorant. Ex quo &
 Timotheus tibicen duplicem mercedem exigebat ab his,
 quos, ab alijs magistris, malè institutos, & scientiæ Musicæ
 persuasione vanā imbutos, acceperat, quod prius dedocendi,
 quàm erudiendi essent: simplicem verò à rudibus & ignaris.
 Refert hoc Quintilianus lib. 2 Institut. c. 3. Sed & διπλή,
duplex, inde ignorantia hæc alijs vocatur. ἡ δὲ γὰρ οἶδεν ὅτι

ὅτι οὐκ ἴδεν. ἀλλὰ μὴ εἰδώς, καὶ αὐτὸ τὸτο ἄγνοεῖ δ' ἔστι ἄγνοεῖ, quemadmodum Philoponus ait Comment. 70 reddens huius appellationis rationem. *Nec enim scit laborans ejusmodi ignorantia, quod nesciat, sed nesciens etiam hoc ipsum ignorat, quod ignorat.*

III. Meminit utriusque ignorantiae generis inter alios & Plato in Sophista, cum scribit: Διπλὴ αὕτη γιγνομένη, δηλονότι καὶ τὴν διδα-
σκαλικὴν δύο ἀναγκαζέει μοῖρα εἶχεν, ἐν ἑφ' ἐνὶ γενεῇ τῶν αὐτῆς ἐκ-
τέρω. - Ἀγνοίας γὰρ μέγα ἴσως δοκῶ καὶ χαλεπὸν ἀφωρισμένον ὄρεσιν
εἶδεν πᾶσι τοῖς ἀλλοῖς αὐτῆς ἀνέκταστον μέρεσι. - τὸ μὴ κατ' εἰδό-
τα ἔστι, δοκῶν εἰδέναι. - δι' ὃ κινδυνεύει πάντα ὅσα διανοία σφαλόμεθα,
γίγνεσθαι πᾶσι. - καὶ δὴ καὶ τῶν γε οἶμαι μόνω τῆς ἀγνοίας, ἀμα-
θία τὸνομα προσρήσεται, *Duplex cum sit ignorantia, duplicem
docendi rationem exigit, ut harum singule singulis illarum
reddantur. - Magnam enim quandam & onerosam igno-
rantiae partem video, cunctis alius ejus paribus preponderan-
tem. - Nempe hanc, cum quis illa, qua nescit, scire se pu-
tat: à qua omnes, quacumque nos fallunt, opiniones profici-
scuntur. Atque huic soli ignorantiae parti inscitiae nomen existi-
mo convenire. Sed & alius apud eundem est locus, in quo dupli-
cis ignorantiae fit mentio, videlicet lib. 9 de legibus. Sic n. illic
Plato: Τρίτον μὲν ἀγνοίαν λέγων ἂν τις τῶν ἀμαρτημάτων ἀλλοῦ, ἢ
ἂν ψεύδοιτο. διχῇ μὲν διελομένη αὐτὸ ὁ νομοθέτης ἂν βελτίων εἴη. τὸ
μὲν ἀπλῆν αὐτῆς, καὶ φων ἀμαρτημάτων ἀλλοῦ ἡγάμεν, τὸ δὲ διπλῆν,
ὅταν ἀμαθὴν τις μὴ μόνον ἀγνοίᾳ ἐκνεχόμεν, ἀλλὰ καὶ δόξῃ σο-
φίας, ὡς εἰδώς παντελῶς περὶ ἅ μὴ δαμῶς οἶδε, *Tertiam delinquen-
di causam quisquis ignorantiam posuerit, non errabit. Sed
qui hanc bipertitò distinxit, legumlator melior erit: alteram
quippe simplicem is ponet, alteram duplicem. Et simplicem
quidem levium peccatorum causam arbitrabitur: duplicem
verò vocabit, quando non ignoratione solum quispiam deti-
netur, sed etiam sapientiae opinione inflatus, quae omnino igno-**

rat, ea scire se prorsus existimat. Sed & Aristoteles ita lib.
 1. Poll. c. 6 §. 1 ignorantiam dividit in ἀγνοῖαν καὶ ἀπόφασιν
 καὶ ἀγνοῖαν διὰ τὸν ὅτι, h. e. ignorantiam secundum negationem &
 secundum dispositionem, ut lib. 6. Topic. c. 9 §. 9. indicet, qui-
 busdam ignorantiam καὶ ἀπόφασιν visum fuisse haud dicen-
 dam ignorantiam esse. Quod enim non habet scientiam,
 non videri ignorare, sed potius quod decipitur, atque hinc
 nec res inanimatas, nec infantes dici ignorare. Quibus ta-
 men haud difficile est respondere. Non enim qualiscunque
 negatio scientiæ ignorantiam inducit, sed ea, quæ est in sub-
 jecto, alioqui scientiæ capaci: perinde ut cæcitas est quidem
 negatio visus, at non qualiscunque, sed quæ in subjecto est vi-
 sus capaci. Ex quo fit, ut lapis, utut & ipse careat visu, cæ-
 cus tamen haud dicatur, quod non sit idoneum habitus istius
 subjectum. Quod & observat Auctor libri Categoriarum
 c. 10 §. 12 his verbis: *Tunc dicimus singula, quæ habitum
 recipere possunt, privata esse, cum in quo naturâ inesse debet,
 aut quando naturâ haberi debet, nullo modo inest. Edentu-
 lum enim dicimus, non, quod non habet dentes, & cæcum, non,
 quod non habet visum: sed quod non habet, quando naturâ
 habere debet. Nam quædam ab ortu nec visum habent, nec
 dentes: non tamen dicuntur esse edentula, neq. cæca. Ad
 quæ verba Ammonius in Commentario: Τρία, inquit, δὲ
 παρατηρεῖν ἐπὶ τῆς ἕξεως καὶ τῆς στέρσεως, τὸ τε περὶ οὗδε δέχεσθαι, καὶ
 ὅτε πέφυκε δέχεσθαι, καὶ τῆς ἐν τῷ χρόνῳ, ἐν ᾧ πέφυκε, καὶ ἐν τῷ μέ-
 γει πέφυκε. περὶ ὃ δὲ πρῶτον λέγεται ἡ ἕξις, περὶ τὸ τοῦ καὶ ἡ στέρ-
 σις θεωρεῖται. In habitu & privatione tria observanda sunt,
 quod aptum est suscipere: quando aptum est ad suscipiendum,
 hoc est, quo tempore aptum sit: & in quâ parte aptum sit.
 Et in quâ re dicitur habitus, in eadem quoq. privatio spectat-
 ur. Neq. enim, pergit, dicimus lapidem privatum esse aspe-*
 ctu,

Estu, quia ei nunquam fuit naturâ comparatum, ut aspectum haberet: neque dicimus hominem in pedibus privatum esse aspectu, cum in eâ parte non sit aptus, ut videat: sed neque catulum privatum aspectu dicimus, quia eo tempore non est aptus, ut aspiciat.

S. IV. Extendit autem se utrumq; ignorantia genus per omnes istas, circa quas scientiam versari diximus, quaestiones, quaestionem, inquam, *an sit, quid sit, quod sit, & cur sit.* Fieri enim initio potest, ut quis simpliciter ignoret, *an sit res*, veluti *an sit unicornis, an sit Phoenix &c.* Fieri vero etiam potest, ut quis circa huiusmodi quaestiones foveat errorem, veluti si esse existimet, quod non est, aut non esse, quod est. Exempli gratiâ, si putet, non dari omnino, neque existisse unquam pygmaeos. Quamvis enim multa fabulosa de iis tradantur passim, verum tamen in eorum fabulâ saltem hoc est, pusillos homines olim in iis locis, quæ illis assignantur, videlicet ad Australem Oceanum & Nili fontes degisse. Testis est ipse Aristoteles. Sic enim ille lib. 8 Hist. Anim. c. 12: *Ex Scythicis oris grues migrant ad paludes, quæ supra Egyptum sunt, unde profluit Nilus. Circa quem locum Pygmaei habitant. Neque enim id est fabula. Sed reverâ, ut ajunt, genus ibi parvum est tam hominum, quam equorum.* Strabo quoque lib. 17 de Æthiopibus sub Ægypto: *Pecora ipsis sunt parva oves, & capra, boves etiam & canes parvi.* Τραχῆς δὲ καὶ οἱ μὲν οἰκῶντες μικροὶ ὄντες, *Sed & ipsi incolæ pusilli sunt, asperi tamen & pugnaces.* Sed & Nonnosus, qui sub Justiniano claruit, circa hæc loca navigans, ut ex Homeritis iret ad Auxumitas, incidisse se testatur in quosdam formâ quidem & figurâ humanâ, sed staturâ brevissimos & colore nigros, ac toto corpore pilosos, sequutasque viros fuisse propè æquales feminas, & pueros adhuc brevior-

res, apud Photium in Excerptis Codice tertio. Ut alios nunc taceamus. Non minus verò è contrario errat, quidam existimat hippocentauros. *Quemadmodum enim, inquit Aristoteles 2 Phys. t. 83, non invenitur planta, quæ ex vite & oleâ composita vinum ac oleum producat: ita nec invenitur animal ex homine & tauro conflatum.* Animalia namque diversi generis, si coierint, generant quidem interdum, sed cum eadem ferendi uteri tempora habent & corporum magnitudinibus non multum discrepant, ut idem observat lib. 8 Hist. Animal. c. 18: aut natura non multum distant, ut habet lib. 2 de Gen. An. c. 5. At hominis & tauri planè diversæ sunt rationes. Unde & Galenus lib. 3 de usu partium c. 1: *absurdam & impossibilem esse docet hippocentaurorum generationem.* Quæ & aliorum est sententia, velut Ciceronis lib. 1 Tuscul. Quæstionum, nec non lib. 1 de Naturâ Deorum, Lucretii item lib. 5 de rerum naturâ, Ovidii lib. 4 Tristium Eleg. 7 Palephati apud Orosium lib. 1 c. 14, Lucani in Pharsal. Ammonii in lib. περὶ ἐρμηνείας, deniq; & Justiniani in instit. de inutilibus stipulationibus, aliorumq;.

V. Non minus verò evenit haud rarò, ut quis aut penitus ignoret, *quid* res sit, aut circa illud erret. Ut pote, si quis nesciat, quid sit natura, aut principium eam putet non τὸ κινῆσαι, sed τὸ κινῆν. Corpora enim naturalia, ut rectè Philosophus & Physicorum declarat, non movent seipsa, sed principium τὸ κινῆσαι habent in se, principium τὸ κινῆν autem est extra, cū nihil moveat se ipsum, sed quicquid movetur, ab alio moveatur. Non negamus quidem habere & corpora naturalia, saltem aliqua, vim agendi, verū ex illâ non naturalia corpora, sed δυνάμεις, *valentia*, ut ita dicamus, naturalia dicuntur. Veluti ignis habet quidem vim calefaciendi verū ob vim illam non dicitur corpus naturale, sed ob calorem ipsum, qui passiv-

passio aliqua est, licet non destruktiva, tamen eo modo, *quo passio aliquando dicitur salus & perfectio ejus, quod potentiâ est, ab eo, quod actu est* 2 de Anima text: 57. Est, inquam, ignis corpus naturale, non quia *calefacit*, sed quia *calidus* est. Acalefaciendi a. actu agens dicitur naturale, à virtute verò calefaciendi *δυνάμει* & *τὸ κινῆν*. Ex quo & Aristoteles disertè lib. 2 de cœlo t: 28 naturam à *δυνάμει* seu *potentiâ* eo differre scribit, quod natura sit *principium motus*, *quod est in ipso*: *δύναμις* autem sit *ἢ ἐν ἄλλῳ, ἢ ἐν αὐτῷ*, *quod est in alio, quatenus est aliud*. Paucis & *forma & materia*, quibus naturæ nomen tribuitur 2 Phys: 1 sunt principium *τὸ κινῆσθαι*, hæc *indefinitè*, illa *definitè*. Quando autem hæc ad aliud, quâ aliud, refertur, quod sit, cum movere dicitur, tunc non subit rationem formæ amplius, sed efficientis. Porro ad similem modum fieri potest, ut quispiam planè ignoret, quid sit *locus*, alius autem à verâ ejus ratione aberret. Veluti si persuasum habeat, cum nihil aliud esse, quâ intervallum seu spatium medium, per se ipsum existens, quod sit aliud à corporum dimensionem, quodq; unum existens ac continuum suscipiat in se corpora sensibilia universa. Essent enim, si hæc esset ratio loci, per se in loco omnes partes continui, cum totum & partes æquè sibi ejusdem spatii partem abscindant, in quâ sint, & nec totum spatium ad partis alicuius mensurâ contrahatur, nec ulla partium totius intervallum occupet, sed unicuique pro loco proprio spatii pars ipsi æqualis constituitur. Cum ergò aqua in locum aëris, in vase aliquo existens, succedit, sicut illa per se locum mutat, ita & partes in totâ aquâ per se mutarent locum (nam & tota & partes pro eâ, quam prius habebant, spatii parte, in alio forent) indeq; translatio illa non esset unica loci mutatio, sed infinitæ seu innumeræ pro ratione partium, cum tamen re ipsa translatio

illa sit motus unicus secundum unum & eundem locum. Mutaretur quoque hac ratione simul ipse locus, indeque loci foret alius locus. Cum enim vas aliquod aqua plenum in alium locum transfertur, duo quidem hæc in rei veritate contingunt. Nempe non permutat aqua per se locum (permanet enim in eadem vasis concavitate per se immota & quiescens,) movetur tamen vasis motu, atque in & cum eo mutat locum, nimirum deferitur in eum locum, in quem deferitur vas, non tamen in ac per se, sed in vase. Ast si locus nihil aliud esset, quam spatium corpori locato æquale, cum aqua ex huius parte una in aliam transfertur, dici non posset mansisse in eodem loco, sed simpliciter locum mutasse, aut, cum hoc veritati & sensui repugnet, dicendum erit, mansisse quidem illam in eodem loco, verum hunc unam cum ipsa fuisse translatum, atque sic loci per se locus erit, & rei ejusdem multa erunt loca per se ac æqualia. Denique hoc pacto dimensio corporea egeret alteram trinam dimensionem separatam, & multarum dimensiones essent in eodem, aliquæ impossibilia sequerentur, quæ vacuum comitari solent. Locus enim & vacuum juxta istos, qui locum nihil aliud, quam spatium aut intervallum intermedium esse putant, idem sunt re ipsa & differunt solum ratione, ita ut unum idemque spatium locus dicatur, quando aliquo corpore est repletum, vacuum autem, quando omni corpore caret. Sed hæc de re videndus est Aristoteles lib. 4. Phys. t. 37 nec non t. 76 & seqq.

VI. Ulterius evidens est, quod utrumque ignorantia genus etiam locum habeat circa questionem *quod sit*. Quoties enim sit, ut quispiam planè ignoret, an passio aliqua in sit subjecto; alius autem non inesse arbitretur, quod reverà inest, aut inesse, quod non inest? Veluti sunt, qui pisces respira-
re

te putent, cum tamen & organis careant respirationis (*nec enim arteriam habent, nec pulmonibus gaudent* lib. de Respir. c. 3, quæ tamen sunt instrumenta respirationis): & absque illâ etiam sanguis, qui piscibus inest, refrigerari possit, ne ex defectu huius calor innatus nimium augeatur, qui aliàs in animalibus verè respirantibus *finis est respirationis*, lib. de Respirat. c. 6. Largita namque natura piscibus est branchias, quæ quando aperiuntur, aqua influit ad summitates earum, quibus fistulæ sunt annexæ, per quas faciliè refrigeratio ad sanguinem cordis accedere potest, lib. de Respir. c. 16. Jam autem natura, uti non *deficit in necessariis*, ita nec *abundat in superfluis*, observante iterum Aristotele 2 Gen. An: 4 nec non Galeno lib. 1 de usu partium c. 23 lib: 6 c. 1 lib: 8 c. ult & alibi passim. Errant quoque, qui *catulos viperæ* putant exire ab *alvo matris erosa*, quod post Theophrastum rejicit & Ælianus lib. 15 Hist. Anim. c. 16: aut saltem *rumpi uterum* ejus ob angustias in ipso partu. Quamvis enim illi ad Aristotelem hîc provocent, quem testari id ajunt lib. 5 Hist. Anim: c. 34, restamen ipsa loquitur, eos mentem Aristotelis haud satis esse assecutos. Is enim non uterum viperarum in partu rumpi asserit, sed *membranas* solùm: Τὸ δὲ, inquit, μικρὰ ἔχιδνα ἐν ὕμεισιν, οἱ περιρρήγνυνται τρίταιοι. ἐνίοτε δὲ καὶ ἰσώθεν διαπαρόντα αὐτὰ ἐξέρχεται, *Parvas viperas in membranis parit, quæ tertiâ die rumpuntur. Quandoq; etiam dum in utero sunt, exedentes*, non matris uterum, sed membranas, quas dixerat, *per se exeunt*. Sed & annumerandi his videntur, qui struthiones etiam lapides & ferrum non vorare solû, sed & concoquere affirmant, inter quos est Ælianus, qui lib. 14 c. 7 in occisæ struthionis ventre lapides reperiri ait, οὗς περὶν κατὰ πύλας ἡ σπλῆν ἐν τῷ ἔχινῳ φυλάττει, καὶ πρὸς τὸ χρόνον, *quos voratos & in omaso asservatos tandem concoquit*. Lapidum

dum enim & ferri substantia inepta est ad vitam participandam, indeque in nutrimentum nec animalibus nec plantis cedere potest, quod materia ipsorum sit gravior & terrestrior, calor autem innatus substantiam quandam levem requirat, in qua conservetur, ut flamma in oleo. Unde & nunquam compertum est, aut lapides, aut ferrum corrodi ab animalibus, ceu ligna aliàs à teredine solent. Atque hinc & Alexander Aphrodisæus Præfat. in lib. primum problematum disertè negat *ferrum concoqui à struthione*. Et Albertus eam refert, *lapides, quos avidè devoravit, postea rursus respicere sive ore ejectare*. Gesnerus quoque lib. 3 Hist. Animalium de Struthio camelo: *Caput, inquit, huic aliti exiguum, cerebrum ferè nullum. Hinc absq; delectu quicquid tetigerit, vorat, lintea, ferrum, lapides. Verùm hac inconcocta & integra in ejus ventriculo manent: & si nimia fuerint, tandem animal ad moriè vel ad tabem deducunt, ut in dissectis apparuit*. Sed & Plinius ipse lib. 10 c. 1 miram quidem struthionibus concoquendi sine delectu devorata naturam esse scribit, at ferrum eas concoquere prodidit nusquam. Denique & Ulysses Aldrovandus Tom. 1 Ornithologiæ lib. 9 c. 2 observasse se scribit, dum Tridenti esset, *Struthionem ferri frustula deglutivisse, sed quæ excreverit rursus inconcocta*.

VII. Deniq; nec minus manifestum est, utrumq; ignorantix genus, etiam circa quæstionem *cur* sit, locum invenire. Quovisquisq; enim est, qui non plurimarum rerum causas latere se fateri cogatur? Sed nec quicquam magis etiam viris alioqui doctis evenire solet, quàm ut in assignandis rerum causis à januà aberrent. Non desunt, qui ignem sursum ferri putent non naturà, (esse enim & hoc elementum naturà suà grave) sed vi æris, à quo ceu graviore elemento pre-

ma-

tratur, ut supra se scandat, perinde, ut aqua, cum lapide premitur, elevatur. Verum falluntur, ceu dudum ostendit Aristoteles 4 de coelot. 16 & c. 4 t. 32, Experientia enim testatur abunde satis, ignem in aëre, etiam quiescente, semper sursum ferri. Qvo ergò sine gravitas ei esset concessa, cum frustra sit potentia, quæ nunquam transit in actum? at natura nihil facit frustra 2 Phys. 7. Deinde si ea, quam isti adducunt, esset causa lationis ignis in superiora loca, tum copiosior ignis difficilior sursum ferretur. facilius enim prementi aëri resistere posset. At nunc contrarium omnino evenire videmus. Qvò major enim ignis est, eò celerius sursum movetur. Tandem quisaër ille, qui premit ignem, ut superiora loca petere invitus cogatur? Num superior? Ast ad oculum rursus patet cedere hunc igni sursum tendenti. Fortassis ergò ille, qui latera ignis cingit? At fertur hic sursum, etiam, cum nullus est ad latera ejus aër, ceu observare est in magno igne, qui ingens spatium in aëre occupavit. Medius enim, qui tamen aëre circumdatus non est, non tardius, sed celerius potius ascendit, quàm extremus, ab aëre circumcinctus. Falluntur quoque, qui fila, autumnò præcipuè, per agros instar telarum ducta, araneorum retia vento abrupta, adeoq; ab his profecta credunt. Non enim hæc tantæ sunt longitudinis & crassitie, atque ista, & cum vix valido vento ob tenuitatem filorum, quæ impetum fallit, diffusi valeant, illa tamen aëre tranquillo & sine flatu vehemente ullo huc illuc agitantur. Sed & illi decipiuntur, qui causam debilitatis stomachi tempore æstatis in defectum caloris conjiciunt, cum potius ab excessu ejus proveniat. Ut enim ventriculus rectè cibum concoquat, calor requiritur moderatus. æstate autem is nimis intenditur. Argumento vel hoc est, quod æstate cibi appetatur magis frigidi, etiam ab illis, imò maxime ab illis, qui secundū

naturam sunt comparati. Quid accedit, quod æstate bile magis abundamus, quemadmodum hyeme pituita. At bilis arguit calorem. Ex quo & Galenus quidem comment: 1 in lib. Hippocr: de naturâ hominis calidissimos hyeme ventres esse & ipse affirmat, verum non quovis calore, sed eo, qui secundum naturam est, hoc est, temperato. Quomodo sine dubio & Hippocratis aphorismus decimus quintus ex sectione primâ est accipiendus, quo & ipse ventres hyeme & vere calidissimos esse affirmat.

VIII. In simplicibus autem, de quibus actum nobis lib. II c. XIV, solum locum habet prius illud ignorantie genus, quod ignorantiam diximus καὶ ἀπόφασιν sive *negationem*. Error enim omnis consistit in compositione aut divisione intellectus, qui tum à vero deviat atque in errorem prolabitur, quando componit ea, quæ reapse sunt divisa, atque dividit ea, quæ reapse sunt conjuncta. Quo & Aristoteles respiciens lib: 6 Met. c. 3 ens, quod dicitur ut *verum*, & non ens, quod dicitur ut *falsum*, ait esse κατὰ σύνθεσιν καὶ διαίρεσιν, circa compositionem & divisionem. Simplicia autem ista per compositionem & divisionem non cognoscuntur, sed simplici intuitu apprehenduntur, indeque vel cognoscuntur, vel non: perinde ut in ijs, quæ sub sensu cadunt. Nam & hi non componunt, nec dividunt, sed simpliciter aut apprehendunt objectum per species representatum, aut non, ut supra quoque jam lib. I c. I n. XII. à nobis fuit observatum. Unde Aristoteles rursum lib. 3 de Animâ c. 7 t. 21: Ἡ τῶν ἀδιαιρέτων νόησις, ἐν τοῖς, κατὰ τὸ ἐστὶν τὸ ψεῦδος, *indivisibilibus intellectio in iis spectatur, in quibus non est falsum*. Et lib. 9 Met. c. ult: Circa incompressa verò, ἀσύνθετα, *quid esse aut non esse, & verum & falsum? Non enim est compositum, ut sit quidem, si componatur, non sit autem, si sit divisum* (sicu-
ti lib.

ei lignum album aut diametrum incommensurabilem esse): indeq; nec verum & falsum æquè in ijs locum obtinent, atq; in compositis: sed attingere quidem in ijs ac dicere, τὸ θέμεν & πᾶν, verum est: non attingere autem est ignorare. Sane decipi circa τὸ ἔστι, in se scilicet spectatum, non datur, nisi per accidens: similiter verò res comparata est cum substantijs non compositis. In simplicibus, ait Alexander Aphrodisæus in comm: ad hunc locum, vel intellectus ipsa consequitur ac naturam ipsorum, quemadmodum est, ac simplici injectu sine animadversione contingit, ut visus colores. Et verum dicit non aliquid de ipsis affirmans, sed quasi conspiciat ipsa, quemadmodum visus colores. Neq; enim visus quidquam de coloribus affirmat, sed aspicit duntaxat. Cum igitur intellectus hac quasi cernit, tunc ipsorum dictionem habet, non affirmationem. Affirmatio enim de composito dicitur ex subjecto & predicato. Sive ergò assequitur & contingit ipsa, verum dicit, sive non attingit, nec quasi cernit, nec quidquam in ipsis intelligit, ignorantiam ipsorum habere dicitur, non tamen falli. Nam ne visus quidem, cum noctu colores non cernit, falli dicitur, sed ipsos ignorare. Falli enim in compositis usurpatur, quando quod non est quiddam, dicitur esse ipsum, ut si lignum, quod non est album, album esse dicatur, aut quod est, dicatur non esse, ut hominem non esse animal. Itaq; intellectus erga simplicia verum dicit, quando ea, quemadmodum se habent & simplicibus adversionibus attingit. Verum ergo dicere in simplicibus est, ab intellectu ipsa contingi ac ipsorum dictionem haberi, non affirmationem: falli autem vel decipi circa illa non licet. Nam deceptio & falsitas in compositis versatur, cum quod abest cuspam, cum eo esse dicitur, aut quod adest, abesse. Videantur

& Themistius, nec non Philoponus & Simplicius ad lib. 3 de Anima c. 7.

IX. Denique locum habet ignorantia, & quidem utriusque generis, etiam circa *modum sciendi*, qui scientiis aut communis est, aut cuique peculiaris, & veluti formam ejus constituit. Fieri enim potest, ut quis scientiam rei alicujus teneat quidem, sed modum docendi ignoret, perinde, ac si quis sciat quidem medicamentum hoc vel illud conducere ad profligandum hunc morbum, sed applicare nesciat: aut hoc vel illud justum esse norit, sed modum defendendi illud non habeat perspectum. Fieri etiam potest, ut quis erroneam quandam circa modum docendi habeat sententiam atq; illa ductus impingat aut circa methodum, aut circa ordinem, ut aut argumentis utatur non convenientibus, aut non eo loco quid proponat, quo proponendum erat. Ut enim in rebus civilibus bona causa male agi potest: ita & fieri potest, ut scientia rei alicujus teneatur quidem, sed modus tractandi ignoretur. Quæ & causa est, cur aliqui docti quidem esse judicentur, sed confusè, quod modus retractsandi & ordinandi fugiat ipsos. Quæ quidem in re impegisse cum primisprehendimus priscos scientiarum professores, quorum aliqui per dialogos docebant; alij per exempla; alij per fabulas; alij per carmina. Qui omnes modi ad scientiam tradendam non sunt accommodati. Dialogi enim ad Dialecticum spectant: exempla autem ad Rhetorem: fabulæ deniq; & carmina ad Poëtam. Alij autem Mathematicis scientijs ab ineunte juventute imbuti modum his peculiarem etiam alijs adaptarunt disciplinis, ut Pythagoræi, qui ad unitatem & numeros omnia redigebant, etiam quæ in Physicis considerantur. Nam & ipsum *cælum* ex *numeris* construebant, ut testatur Aristoteles 12 (14) Met. 6. Sed & Plato hanc reprehensionem
incur-

incurrit, quod Physica interdum nimis Mathematicè explicarit. E contrario fuisse inventi, qui *Mathematica non Mathematicè* docuerunt, teste iterum Philosopho loco proxime citato. Qui non minus reprehensionem meriti fuerunt, quàm reliqui isti. Uti enim ἀκριβὴς nimία ἀκρίβεια, *intempestiva*, est in iis, quæ illam non ferunt: ita ignavia signum est eam non sectari in iis, quæ illam admittunt. Ex quo Aristoteles lib. 1 Ethic. c. 1 ejusdem *stultitia* ait esse, ἀ Μαθηματικὰς ὁμιλίαν ὁμιλίας, & ab Oratore Mathematicas requirere demonstrationes. Quæ in re consentientem quoque sibi habet Platonem in Theæteto, ubi Protagoram ita inducit loquentem: Ἀπόδειξις δὲ καὶ ἀνάγκη ἐστὶν ἡνίκαν λέγῃς, ἀλλὰ τῷ εἰκότι χρῆσθαι. ὥς εἰ θεοὶ θεοδιδασκαλῶσι, ἢ ἄλλοις τῶν γεωμετρῶν χράμεναι γεωμετρῶν, ἀξιόματόν ἐστι μόνον ὅτι ἐστὶν. *Demonstrationem verò necessitatemque non afferatis, sed verisimili tantum utimini ratione.* Quæ si vellet Theodorus, aut quisvis alius Geometra in disputationibus Geometricis uti, nullius pretij prorsus æstimaretur. Sed & gemina his sunt, quæ habet Photius in Epistolis, Epistolâ videlicet 247. Sic enim ille isto loco: Εἴ τις τὰ κατὰ διαλεκτικὴν ζητήματα ἐξ ἀμέσων τε καὶ πρώτων καὶ τῶν κατὰ αὐτὸ πρῶτον διαλύσασθαι, διδύκει τὸ γέλοιον, ἐπεὶ τὴν τῷ ψεύδει δίκην διαφεύγει. καὶ ἐν ῥητορείᾳ γεωμετρικῆς ὁ ἀπαιτῶν ἀνάγκη, καὶ ὁ τῶν κατὰ τὰ μαθηματικά θεωρημάτων πολιτικῆς τε καὶ ἐπιπολαίας πίστεως ἐπιχρῶν προκομίζειν, καταλαμβάνει. καὶ τὰς ὅσας τῶν κατὰ ἰσορίαν ζητημάτων εἰς ἱστορίαν, ἀλλ' ἐξ ἑτέρου γένους, ἐλπίδας ἀνέχουσιν, εἰς μάθησιν ἐλθὼν τῆς ἀληθείας, *Si quis Dialecticas quæstiones ab immediatis & primis & iis, quæ per se insunt, conetur solvere, ludibrio habebitur, nec mendacii effugiet notam; & si quis in Rhetoricis regulas elementares, ut necessarias, requirat; si in Mathematicis politica theoremata & superficiales persuasiones in medium proferre voluerit, aut etiam historicas quæstiones non ex historiâ, sed aliunde solvat, non est sperandum, pos-*

se illum ad veritatis disciplinam pervenire. Denique & Galenus ex eodem capite quoddam ex Medicis sua ætate reprehendit, quod res Medicas Philosophicè tractare fuissent conati. Impingunt hinc hodiè illi, qui in Metaphysicis ejusmodi definitiones & demonstrationes, ac in scientiis aliis, desiderant, indeque unam quandam communem entis unius cæterorumq; talium rationem asserre laborant, ex quâ demonstrationes desumant. Item illi, qui viam lacteam è numero eximunt meteororū atq; æthereæ inferunt regioni ex eo, quod nulla ejus, ratione situs, aut exigua admodum observatur parallaxis. Quamvis enim rationi consonum sit ex stellis, quæ Lunâ superiores sunt, unamquamq; eò minorem habere parallaxin, quò magis à Luna remota est propter distantiam majorem & visus nostri imbecillitatem; ad quodcunq; tamen corpus in sublimi observatum tale quid accommodandum non est. Quorum enim distantia ex parallaxi æstimari debet, ea necesse est proprium & ab aliis distinctum habere aspectum. Quæ autem proprium aspectum non habent, de iis ex parallaxi judicium ferri nec potest, nec debet. Non enim producunt hætenus speciem ab aliâ distinctam. Ita *cæruleus* coeli color sedem suam sine dubio habet in aëre, & tamen super omnia sidera conspicitur, propterea quod diversum à coelo non habeat aspectum. Si è regione oculi alicujus interjecto spatio aliquot passuum *παραλλήλως* terræ infixus sit baculus trium vel quatuor ulnarum, post hunc autem iidem, relicto spatio aliquot passuum intermedio, alius aliquis quinque vel sex ulnarum ejusdem latitudinis *παραλλήλως* figatur, visui nostro unus, inque eodem loco situs, baculus esse apparebit, propterea quod uterque baculus in eandem lineam rectam coincidat cum visu nostro. Porro nec *halo* facit parallaxin. Undelibet enim videatur, circa sidus illud appa-
ret,

ret, quod cingit v. g. Lunam, etiamsi non in eadem ubique locorum, ex quibus conspicitur, materiâ repræsentetur. Totum enim aspectum habet ex ipso sidere, cuius lumen in vapore fractum & multiplicatum ac deinde ad oculum nostrum repercussum halonem gignit. Eadem verò & circuli lactei ratio est. Nam & hic non habet proprium & peculiarem per se aspectum, sed omnem, quem habet, à stellis illis habet, quarum lumen in exhalationibus tenuiter incensis refractum circulum illum progignit. Undelibet ergò videatur, videri non potest, nisi è regione illarum stellarum. Neque mirum est, quod Lunâ videatur superior, cum supra eam sint stellæ, à quibus totam suam formam habet, omnemque aspectum.

CAPUT VI.

De causis ignorantie utriusq.

I.

SED quæ causæ sunt ignorantie utriusque? Id quidem haud difficile est vel ex hæcenus etiã dictis determinare. Nempe, quod ad ignorantiam simplicem seu *κατὰ πρόθεσιν* spectat, nascitur ea principio ex defectu *εὐροίας*, si quis eâ non sit bonitate ingenij præditus, ut penetrare ullo pacto valeat, quæ sub scientiæ ambitu continentur, qualis est conditio eorum, qui servi naturâ solent vocari. Sed & provenit eadẽ in iis, quæ ex lumine naturæ innotescere possunt, ex defectu *ἐμπειρίας* & *συναισθησεως*. Cum n. primũ *κατὰ πρόθεσιν* eorũ, quæ ita comparata sunt, sit sensus, fieri nõ potest, quin, si sensus circa objectum aliquod deficiat, etiã deficiat scientia circa illud. Veluti cum ea, quæ in centro terre sunt, nemo unquã viderit aut alio sensu cognoverit, naturaliter quoq; eorum nulla apud nos scientia esse potest.

test. Ex quo porro & coeci, sibi ipsis relictis, nihil sciunt de coloribus, nec surdi de Musicâ & sonis, quod illi careant sensu coloris, videlicet visu; hi autem sensu sonorum, nempe auditu. Intelligendum autem hoc de ejusmodi defectu, qui ortum hominis comitatur & potentiam ei præcludit. Si enim quistractu temporis, & adultus jam, sensum amittat, is potuit, dum sensus ipsi integer erat, rerum ad illum sensum pertinentium scientiam sibi acquisivisse. Sed & potest defectus sensus alicujus ejusmodi, qualem diximus, suppleri nonnunquam adminiculis aliis, dum modò cætera sint paria; veluti, si quispiam sensu aliquo jam inde à teneris ungviculis carens advertat omnes omnino sensu isto præditos in relatione rei cujusdam, ad illum pertinentis, ex asse convenire. Id enim quin ita se habeat, ac referunt illi, planè dubitare non potest, adeoque tutò eo niti & conclusiones indenectere potest necessarias, sub scientiam cadentes. Secus autem si sit, dubius talis maneat necesse est, cum medio careat, quo animo eximat scrupulum & dubitationem. Atque hinc & Aristoteles lib. 1 Post: c. 18: *Perspicuum, inquit, est, si quis sensus defuit, necesse esse, ut aliqua scientia defuit, quam impossibile est, si scilicet sensus nullo modo interveniat, percipere. Discimus enim aut inductione, aut demonstratione. Et demonstratio quidem est ex universalibus: inductio verò ex particularibus. Impossibile verò est etiam universalia contemplari absq; inductione: nec fieri potest, ut inducant, qui sensu omnino carent, quia sensus est singularium. non potest ergò accipi ipsorum scientia. quia neque ex universalibus accipi potest sine inductione, neq; per inductionem sine sensu.* Δῆλον, ait & Philoponus Comm: 8 in 1 Post: *ὅτι ἀδιήσως μὴ ἔσῃς τῆς τῶν ἀδιήτων γνώσεως, πάντως ἀνάγκη καὶ ἐπιστήμην ἔχειν ἐκλελοιπέναι. ὅσπερ εἰ τυχοίη μὴ ἔχομεν τὴν ἀκριβοῦς ἀπόδειξιν, ἐκλελοίποι ὅτι ἡμᾶς* παρ-

μάντως ἢ ἀρμονικὴ ἐπιστήμη, ἣν νῦν τυγχάνομεν ἔχοντες. ὁμοίως αἰ
μὴ εἶη ἢ ἀπικὴ αἰσθήσεις, ἐκλελοίποι ἂν τῆς ἰατρικῆς ἢ σφυγμικῆς ἐπιστή-
μης. γεύσεως δὲ μὴ ὕσσης ἐκλελοίποι ἂν πάλιν ἢ τῆς ποιότητος τῶν
χυμῶν διακριτικὴ ἐπιστήμη, καὶ ἐπὶ τῶν ἄλλων ὁσαύτως, *Manifestum*
est, quod non existente sensu, qui sensibilia cognoscat, omnino
necesse sit scientiam aliquam deficere, sicut v. g. si non habea-
mus sensum auditus, deficiet nobis prorsus harmonica scientia,
quam nunc habemus: similiter si non sit sensus tactus, dese-
ret Medicos scientia pulsus. Gustu autem non existente de-
ficiet qualitatis humorum discretiva scientia, atq; in aliis eo-
dem modo. In ijs autem, quæ superant lumen naturæ, cau-
sa ignorantia simplicis est defectus revelationis, ex quâ taliū
cognitio hauritur.

II. Ad ignorantiam pravæ dispositionis a. quod attinet, con-
trahere eam quispiam potest vel *sine syllogismo*, vel *cum syllogi-*
simo Sine syllogismo, ὡς περ ἂν τις κατὰ τὴν αἰσθησιν παραχῶι ἢ πα-
ρορῶι, ut haber Philoponus in Comm. ad 1 Poster: *velut si*
quispiam secundum sensum decipiatur, v. c. perperam audiat
vel videat, id est, rem talem, qualem audit, aut videt, vel alio
sensu percipit, esse arbitretur, etiamsi ea, quæ ad perfectum
sensus iudicium requiri supra lib: 1 c. 1 n: 20 seqq. advertimus,
non sint præsto. Exempli gratiâ, si quis Solem putet esse bi-
pedalem, quod non major nobis in terrâ constitutis appareat;
aut remum esse fractum, quia, dum in aquâ est, fractus vide-
tur; aut vitio oculorum, quod suffusionem vocant, omnia
rubra aut viridia esse arbitretur; aut terram planam esse atq;
apparentem hemispherij superficiem hominibus solam fre-
quentatam esse, reliquas autem laterales aut obversas partes
ad præcipitè despectum nullis ponderibus sustinendis, aut ho-
minum ingressibus idoneas esse & accommodatas. Sine
syllogismo quoq; nascitur ignorantia, cum quis lapsus me-

moriā sibi quid persuadet, putans se vidisse, aut alio sensu usur-
 passe, quod tamen non usurpavit. Item, cum quis traditi-
 one aut auctoritate aliquā, sive imperatoris, sive magistri, sive
 alterius cuiuspiā, deceptus statuit quid, quod cōtrariū est verita-
 ti. Veluti, si quis traditionē secutus opinetur ex atomis esse na-
 turalia corpora, aut duo esse principia entium nullā ratione usus
 ad probationem, quemadmodum Philoponus ait comin. 70
 in 1. Poster. Aut, cum Pythagorei animam harmoniam &
 numerum dicebant, quod Præceptor ipsorum, Pythagoras, in
 cuius verba veluti jurant, hoc ipsum affirmasset. Habue-
 runt hi & alios ipsis similes. Ex quo nata est tanta sectariorum
 multitudo, observante etiam Galeno lib. de ordine librorum
 suorum his verbis: θαυμάσιον ἔστιν ἄλλων ἰατρῶν τε καὶ φιλοσόφων
 ὅτι τὰ ἑαυτῶν μεμαθηκότες, ὅτι ἐπιστήμην ἀσκήσαντες ἀποδοκίμωσιν, ἢ διακρί-
 ναι δυνάσασθαι τῆς ψευδὲς λόγου τῶν ἀληθῶν, ἀλλ' ἐνιοὶ μὲν οὐκ ἀλλήλους ἐσχον-
 ῆται· ἐμπειρικοὺς, ἢ δογματικοὺς, ἢ μεθοδικούς, ἐνιοὶ δὲ οὐ διδάσκαλοι, ἄλλοι δὲ
 οὐ φιλοῖς, ἢ διότι κατὰ τὴν πόλιν αὐτῶν θαυμάσιον, τῆς ἀπὸ τῆς αἰρέσεως.
*Admirantur etiam nunc alij alios & Medicorum & Philosopho-
 rum, licet illi nec suam ipsorum professionem ullamve demon-
 strandi scientiam satis teneant, aut falsos à veris sermonibus no-
 verint discernere; admirantur tamen, vel quod Patres ipsis fue-
 rint empirici aut dogmatici, aut methodici. vel quod præceptor-
 res, vel quod amicos habeant: vel denique, quod majoris eos in
 urbe gloria & existimationis secta sua nomine esse videantur.*
 Etenim vel error quoque honestus est magnos duces sequenti-
 bus, sicut ait & Quintilianus lib. 1. Instit. c. 6. Est quoque eius-
 modi ignorantia, cum quis vanā experientia, aut consuetudi-
 ne illectus in sententiam abripitur erroneam seu falsam. Ut,
 si quis febrim vinosā curandam censeat ebrietate, quod semel
 aliquādo in quodā ita abolita sit subjecto: aut ebrietatē com-
 probet exemplo aliorū, vel quod assuetus sit semper inebriari.
 Non enī ibi consistunt exempla, unde caperunt, sed, quālibet

in se tenuem recepta trahit, latissimè evagandì sibi viam faciunt: & ubi semel recto deerratum est, in præceptis pervenitur: nec quisquam sibi putat turpe, quod alij fuit fructuosum, quemadmodum Vellejus scribit lib. 2 c. 3. Quibus gemina habet etiam Seneca lib. de vitâ beatâ c. 1 dicens: Nulla res majoribus malis implicat, quàm quod ad rumorem componimur: optima rati ea, quæ magno assensu recepta sunt, quorumq; exempla nobis multa sunt: nec ad rationem, sed ad similitudinem vivimus. Inde ista tanta coacervatio aliorum supra alios ruentium. Quod in strage hominum magnâ evenit, cum ipse se populus premit, nemo ita cadit, ut non alium in se attrahat: primi exitio sequentibus sunt: hoc in omni vitâ accidere, videas licet: nemo sibi tantum errat, sed alij erroris causa & auctor est. Nocet enim applicari antecedentibus: & dum unusquisq; mavult credere, quàm judicare, nunquam de vitâ judicatur, semper creditur: versatq; nos & præcipiat traditus per manus error, alienisq; perimus exemplis. Recti enim, ut idem loquitur Epist: 123, apud nos locum tenet error, ubi publicus factus est. Pravam verò consuetudinem quoque non raro causam esse erroris experientia satis confirmat. Assuetus enim voluptatibus earumque usu ebrius nil ijs, teste etiam Aristotele in Ethicis, judicat esse antefendum. Atq; huc spectant etiam illa Simplicij ex comment. in Enchiridion Epicteti c. 33: Αἱ ἰδίαι ἐχρήσεων ἐννοίαι, καὶ διαμαρτυρήσαι πολλὰς. αἱ μὲν ἐξ αἰσθησεως λαμβανόμεναι ἀπατωμέναι, ὡς τὸ τὴν σελήνην ἴσην εἶναι τῷ μεγέθει τῆς ἡλίου. ἢ ἀπὸ ὁρέξεως ἀλόγως, ὡς ἡ λέγεται πᾶσαν ἡδονὴν ἀγαθὸν εἶναι, Peculiares singulorum notiones sæpè hallucinantur. Aliàs à sensu deceptio accepta, cujusmodi est, Lunam ejusdem esse magnitudinis cum Sole: alias à bruto appetitu, ut est ea, quæ omnem voluptatem bonum esse affirmat.

III. Cum syllogismo autem ignorantia est, quando falsâ

ZZZZ 2

rati-

ratione quis inducitur ad ita vel ita statuendum, vel, quod idem est, cum ignorantia suæ rationem quandam prætexit, eique tantum tribuit, quantum demonstrationi tribui potest. Quo pertinet *tertium* genus hallucinationis, quæ peculiaribus singulorum accidit notionibus apud Simplicium i. e. Subdit enim verbis antè laudatis: ἡ ἀπὸ λόγου ἀβασανίς, ὥς ἡ λέγῃσα δύο ἀρχὰς εἶναι τῶν πάντων, καὶ τὴν ψυχὴν σῶμα νομίζουσα, *Alias à ratione non satis exploratâ, cujus modi est eorum, quid duo rerum omnium principia, animumq. corpus esse statuunt.* Alludit quoque ad hoc ignorantia genus Auctor Ethicorum ad Eudemum lib. 2 c. 10, cum ait: ἡ ΛΟΓΙΣΜΕΝΟΙ ἀμαρτάνομεν, ἡ κατὰ τὴν ἀόριστον αὐτὸ δρῶντες, *aut RATIOCINANDO, aut sensu committitur error.* Dicitur autem *falsa ratio* duobus modis, nempe *ratione forma*, & *ratione materia*. *Ratione forma* quidem, si ἀσυμλόγητος sit, veluti si major sit particularis in primâ, aut ambæ præmissarum affirmativæ in secundâ figurâ. Item, si quatuor sint termini in syllogismo, aut actu, aut virtute, quod sit, cum terminus ambiguus in eo adhibetur, qui aliter in unâ, aliter in alterâ accipitur propositione. Veluti, si quis principii loco ponat, omnem circulum esse figuram, atq; hinc concludat etiam carmina quædam esse figuras, quod quædam illorum circuli veniant nuncupatione, qualia sunt, in quibus versus uno modo recitati unum sensum referunt; aliū autem, si ordine inverso recitentur, sumpto initio à fine præpositorum, veluti in isto carmine:

Laus tua, non tua fraus, virtus non copia rerum,

Scandere te fecit hoc decus eximium.

Eximium decus hoc fecit te scandere rerum

Copia, non virtus, fraus tua, non tua laus.

Ratione materia autem, si falsa fuerit aliqua præmissarum. Jam *ratione forma* quidem circa scientias non faciliè impingi potest. Demonstratio enim ex universalibus constat pronuntiat, indeque qui demonstrationem necere vult, quod sanè face-

facere videtur vult omnis, qui scientiam proficitur, non indefinitas aut particulares assumit propositiones, sed quæ habeant *κατὰ παντός*. Neque facile talis decipit per homonymiam, sicut contingit *ἐν λόγοις* sive in disputationibus Dialecticis. *Dialectici* enim, ut ait Philoponus comm: 55 in 1 Posteriorum, non versantur circa res aliquas determinatas, neq; medios terminos definitos obtinent, indeq; multas habent deceptionis occasiones. Scientiæ autem in rebus definitis sunt occupatæ ac vocibus etiam utuntur ad certam significationem restrictis. Veluti in Geometriâ definita est ejusq; termini significatio v. c. quid circulus sit, quid planum, quid concurrere. Unde simul ac circulum audit Geometra, hâc voce nihil aliud concipit, quàm id, quod circuli appellatione in Geometriâ venit, figuram scilicet planam unâ lineâ, circumferentia quæ vocatur, contentam, in cujus medio punctum est, à quo omnes lineæ ad circumferentiam ductæ sibi invicem sunt æquales, juxta definit: 13 lib. 1 Elem: Euclidis. Ex utrâq; autem affirmante utitur in secundâ figurâ concludant interdum scientifici Doctores, quod propositiones in hâc figurâ prolatae sint evidentiores, quàm si in primâ proferantur, sit tamen illud plerumq; ab ijs sine vitio. Propositiones enim, ex quibus demonstrationes constant, terminis gaudet æqualibus & reciprocis, sive talibus, qui inter se convertuntur, ut sunt definitio & definitum, subjectum & proprium *παρὰ*. Ejusmodi autem terminis cum constet major in syllogismo, etiâ in secundâ figurâ ex utrâq; affirmante necessaria conclusio inferitur, non quidē necessitate formæ, materiæ tamen, ob quâ facilis est reductio ad primâ figurâ, nempe si propositio simpliciter convertatur. Sanè ejusmodi syllogismo Aristoteles ipse usus est lib. 1 Post: c. 65. 1: *Quæ per se, inquit, sunt, necessaria sunt. Principia demonstrationis sunt necessaria. E. sunt per se.* Nexus n. absolutè necessarius,

non est nisi inter ea, quæ essentialiter, adeoque, perfecte coherent. Vid; idem & 1 Post. c. 12 §. 12. Quod si verò accedit aliquando, ut etiam is, qui Doctoris habitum præfert, ejusmodi falsis syllogismis utatur, is personam tum induit Sophistæ, & nil minus, quàm bonus Doctor, est dicendus.

IV. Ratione *materiæ* autem sit, ut quis vitioso argumento inducatur in ignorantiam, scientiæ contrariam, si syllogismo uatur principiis *proprijs* quidem constante, sed *falsis*. Aristoteles huiusmodi syllogismos vocat *paralogismos*, qui à demonstratione quidem hoc ipso secernuntur, quod hæc ex veris constet, illi ex falsis: à syllogismis Dialecticis autem, quod illi ex propriis, siue ad certum aliquod genus pertinentibus, principijs, veluti ex Phycis, Medicis, Politicis, hi autem ex communibus concludant. Quæ de re talis apud Philosophum extat locus 1 Topic. c. 1 §. 1: *Insuper sunt præter dictos omnes syllogismos (demonstrativum, dialecticum & contentiosum) paralogismi, ex ijs constantes, quæ sunt aliquarum scientiarum propria, quemadmodum in Geometriâ & alijs id genus accidunt. Videtur enim hic modus differre à dictis syllogismis, quoniam qui falsis descriptionibus utitur, $\tau\epsilon\lambda\omicron\sigma\epsilon\iota\sigma\iota\varsigma$, nec ex veris & primis concludit, nec ex probabilibus, $\epsilon\iota\ \epsilon\iota\delta\epsilon\iota\ \epsilon\iota\varsigma$ sed ex propriis scientiæ sumptionibus, non tamen veris, syllogismum efficit. nam quia vel semicirculos describit, non ut oportet, vel lineas quasdam ducit, non quomodo duci debent, paralogismum facit. Erat tale $\tau\epsilon\lambda\omicron\sigma\epsilon\iota\sigma\iota\varsigma$ in demonstratione quadraturæ circuli Hippocratis Chii per segmenta, quæ ita se habebat: O. lineæ ab iisdem punctis in eadem ductæ sunt æquales. At lineæ segmentorum circuli & quadrati ab iisdem punctis in eadem ducuntur. E. hæ lineæ sunt æquales. Hic paralogismus est, quia non rectè usurpat principium illud Geometricum, quod majoris loco ponit.*
Non

Non enim omnes lineæ ab eodem puncto ductæ in idem sunt
 æquales, sed tantum eæ, quæ sunt ejusdem generis. Ex quo
 Aristoteles lib. 1. Phys. c. 2 solutionem hujus syllogismi ad
 Geometram spectare apertè scribit. Et lib. Sophisticorum c.
 1 §. 3: *ψευδογραφήματα*, inquit, seu falsæ descriptiones. *nō sunt*
litigiosa, ut Hippocratis Chii, & qui per lunulas fit, tetragonis-
 mi. Servant enim, inquit Alexander in commentario,
principia Geometriae. Occurrunt autem ejusmodi syllogismi
 etiam circa alias scientias, & quidem omnes, quod & ipsum
 observavit Philosophus lib. Sophist. Elench. c. 9 §. 2 scri-
 bens: *ἡ δὲ ἐκείνη τέχνη ἐστὶ ψευδὴς συλλογισμὸς*, *Secundum unā-*
quamq; artem, id est, scientiam seu disciplinam, *est falsus*
syllogismus, ut in *Geometria Geometrica*, & in *Medicina Me-*
dicus. Dico verò, pergit, *secundum illius principia*, τὸ ἔχον-
 τας ἐκείνης ἀρχάς. Ejusmodi paralogismi in *Physicis* sunt, qui
 ducuntur ex his principiis, *dari Spiritum universi*, *dari va-*
cuum in naturā, *terram moveri*, *ignem esse naturā gravem*,
locum esse spatium, *lumen esse corpus* &c. In *Politico*, sum-
 mum bonum consistere in voluptate, eamque rempublicam
 esse optimam, quæ sit potentissima & opulentissima &c. Erat
 talis in *Physicis* paralogismus & ille Democriti apud Aristo-
 telem lib. 1 de Gen. & corr. c. 2, quo generationem per
 σβυχισμὸν atomorum fieri probare conabatur. Præsupponebat
 enim, *quod divisibile est*, vel ex omni parte divisibile esse,
 vel ad certum aliquem terminum, indeque colligebat, *corpus*
naturale, cum ex omni parte divisibile non sit, (vel enim ni-
 hil, inquebat, hoc casu remaneret, vel puncta, quorum utrū-
 que dicebat esse absurdum, quod futurum hac ratione esset, ut
 corpus compositum esset ex nihilo, vel ex punctis, quæ cum
 non cohæreant inter se, nullam efficere possint magnitudi-
 nem) *ad certos usq; dividi terminos*, ad corpora scilicet
 atoma-

atoma, sive indivisibilia. Insuper præsupponebat, *generationē*.
σύνκρισιν esse. Atq; ex his sumptionibus concludebat generatio-
 nē fieri per *σύνκρισιν* *indivisibilibium corporum istorum*. At falsa
 erat utraq; positiō illius. *Magnitudinem enim ex omni par-
 te sive in infinitum divisibilem esse* omnino falsum non est,
 ceu ostensum ab Aristotele lib. 3. Phys. nec non libro de in-
 secabil. lineis. Sed nec generatio absolutē sic dicta *σύνκρισις*
 est, etiam si non fiat sine eā præsertim generatio mixto-
 rum. Ejusmodi quoq; syllogismo inductus Anaxagoras sta-
 tuebat, *esse omnia in omnibus*, quod *omnia fierent ex omnibus*,
 veluti sanguinem dicebat esse actū in cibo, quod ex hoc fieret
 sanguis 1. Phys. t. 3. 4. Falsum n. hoc est principium, id quod ex
 aliquo fit, actū esse in eo; alioqui cineres essēt actū in ædificio,
 antequam illud comburitur, & vermes in carne, priusquam
 ea putredinem concepit. Lib. 1. Post. c. 2 §. 18. hujusmo-
 di syllogismi vocantur *συλλογισμοὶ τῆς ἐναντίας ἀπάτης*, *syllogi-
 smi contraria deceptionis*, ab effectu scilicet, quia ut syllogi-
 smi demonstrativi scientiam progignunt: ita hi ignorantiam
 efficiunt scientiæ contrariam. Et c. 12 §. 8 *συλλογισμοὶ ἐκ τῶν
 ἀντικείμενων*, *ex propositionibus falsis, quæ veris opponuntur*.
 Atque hinc nec opus est ad dissolvenda *ψευδογραφήματα* tenere
 aliqua peculiaria præcepta. Cognitā enim indole propriarū &
 verarum probationū ex præceptis Analyticis, non difficilis am-
 plius est dijudicatio propriarum ac falsarum, quæ oppositæ
 sunt propriis veris. Quò spectat locus ille insignis Aristote-
 lis ex 1. de Animā c. 7 text: 85: *ἵκανόν θάτερον μέρϑ τῆς ἐναν-
 τιώσεως, ἑαυτὰ τε κρίνειν, καὶ τὸ ἀντικείμενον. καὶ γὰρ τὸ εὖθι καὶ τὸ
 χαμπύλον γινώσκουμεν. κριτῆς γὰρ ἀμφοῖν ὁ καὶ νῶν*, *Sufficit altera
 pars contrarietatis, quæ scilicet vera & certa est, & ad se ipsā
 & ad oppositam, eam scilicet, quæ falsa est, dijudicandam.*
*Etenim recto & ipsum cognoscimus, & obliquum. Regula
 utriusq; est iudex.* Quod & Galenus exemplo suorum au-
 dito-

ditorum, quos in dijudicandis solis veris propositionibus exercuerat, confirmat lib. de cuiusq; animi peccatorum notitia atque medelâ c. 5: *Neceſſum, inquit, eſt verarum prius argumentationum naturam didiciſſe. In iis namque verſatus, ipſarumq; ſpeciem exactè juxta celeriter q̄ percipere aſſuetus, haud agrè, puto, agnoverit falſas. Ego ſanè id re commonſtravi, cum adoleſcentes in diſciplinis verſati veras rationes cognoscere edocui, & alicui ex præſentibus, cui libuiſſet, ut aliquam ipſis falſam rationem proponeret, juſſi. Ipſi enim rationum iſtarum abſurditatem mox deprehenderunt, quæ aut in figura non ſyllogiſtica inconcinnitate, aut in ſumptionum falſitate poſita eſſet. Atque hoc ipſo Pſudographemata ſeu paralogiſmi diſtingvuntur à Sophiſticis rationibus. Ad has enim diluendas non ſufficit tenere præcepta de ſyllogiſmo Dialectico, ſed & locos in ſuper Sophiſmatū noſſe oportet, quod non ſimpliciter abſurdi ſint ſyllogiſmi iſti, ſed ſpeciem quandam habeant probabilium ſyllogiſmorum, indeque facile eos, qui rudes ſunt doctrinæ de Sophiſticis Elenchis, decipere queant. Vid: lib. Sophiſt: Elench. c. 1.*

V. Cæterum occurrit hîc inter paralogiſmos, etiam ratione *materia*, aliquod diſcrimen. Conſtat enim, ut benè obſervat Ariſtoteles 2 Prior: 18, omnis ſyllogiſmus aut ex *duabus* propoſitionibus, videlicet ſi ſimplex ſit; aut ex *pluribus*, ſi ſcilicet compoſitus ſit ex principali ſyllogiſmo & proſyllogiſmo, aut uno, aut pluribus. Si ex *duobus* tantum conſiſterit, aut *ambas* oportet eſſe falſas, aut *alteram ſaliē*. Ex *veris* enim *non ſequitur falſum* 2 Prior. 3, 4, 5, 5. Sin ex *pluribus*, & conſuſio inferitur proximè ex duabus præmiſſis & hæ probantur per alias priores, neceſſarium eſt aliquas etiam ex his, aut ad minimum unam ex ijs eſſe falſam. E. gr. In hoc ſyllogiſmo: Nulla qualitas eſt differentia alicujus ſubſtantix,

Aaaaa

adcoq;

adeoq; nec animalis. Terreſtre eſt qualitas. E. non eſt dif-
 ferentia ullius ſubſtantiæ, indeq; nec animalis, falſa eſt propoſi-
 tio major. Inter alias enim ſignificationes qualitatis eſt & hæc,
 quã *quale* dicitur *differentia ſubſtantiæ* 5 Met. 14. In illo
 autem Anaxagoræ ſyllogiſmo, quo is, teſte Ariſtotele 1 Phyſ.
 1. 34, probare ſategit, ſanguinem eſſe actu in cibo, ita videli-
 cet colligendo: *Quacunq; generantur ex aliquo, ea actu in-*
sunt ei, ex quo generantur. Ex cibo generatur ſanguis. E.
ſanguis actu eſt in cibo, utraque propoſitio eſt falſa. Falſa eſt
 major. Si enim id, quod gignitur ex alio, actu in eo eſt, quod
 inde gignitur, tum id, quod gignitur, jam eſſet, atque adeo gi-
 gneretur, & nõ gigneretur; eſſet, & non eſſet, quod eſt impoſſi-
 bile. Sed & minor non per omnia firmo conſiſtit talo. Non nã
 ſanguis ex cibo ſit ſimpliciter ſpectato, ſed multũ prius altera-
 to atq; in chylum verſo. In congerie porro iſtã ſyllogiſmorum 2
Quicquid eſt in pradiamento, id formaliter eſt poſitivum.
Quicquid eſt ex τῶν πρὸς ἑ, id eſt in pradiamento, quod unũ
 ex prædicamentis ſive κατηγορίας ſit κατηγορία πρὸς ἑ lib. Categ.
 c. 4 & 7 Met. 1. E. *quicquid eſt ex τῶν πρὸς ἑ, id formaliter*
eſt poſitivum. Porro: *Quicquid eſt ex τῶν πρὸς ἑ, id eſt*
formaliter poſitivum. *Exceſſus & defectus ſunt ex τῶν πρὸς ἑ:*
 habent enim ſe ut plus & minus, quæ ſine dubio ſunt relata 5
 Met. 15. E. *exceſſus & defectus ſunt formaliter poſitivum.*
 Ulterius: *Exceſſus & defectus ſunt formaliter poſitivum*
quid. *Vitium omne eſt exceſſus aut defectus.* Virtus enim
 in medio conſiſtit, vitium autem omne declinat à medio ad
 extrema, quæ ſunt plus aut minus 2 Ethic. 8. E. *vitium omne*
eſt formaliter poſitivum. In hæc, inquam, congerie ſyllo-
 giſmorum falſæ ſunt majores. Falſum eſt, *id omne, quod*
quomodocunq; eſt in pradiamento etiam πρὸς ἑ, eſſe forma-
liter poſitivum, atque *exceſſum quoque & defectum,* quã ta-
 lia

lia, esse *simpliciter positiva*. Sunt enim aliqua in categoriis per se primò, aliqua autem solùm *ἀναγωγικῶς* sive reductivè, aut etiam per accidens. Quæ isto modo in categoriis sunt, sunt formaliter positivum quid. Hoc autem modo in categoriis sunt etiam privationes, cùm *simplices*, quæ subjecto immediatè insunt, ut coecitas oculo, surditas auri, claudicatio pedi: tùm *illa*, quæ *immediatè qualitati* alicui, vel *affectioni* alii adherent, & per hanc subjecto, ut *ἀκρασία*, sive intemperies, quæ ratione qualitatum quidem, quæ veluti materiale illius sunt, positivum quid est, formaliter autem, sive ut intemperies spectata, in privatione consistit. Quale quid & de *ἀσυμμετρία* aliisque talibus est dicendum. Talis verò & excessus ac defectus, quâ talium, ipsorumq; tandem & vitiorum est conditio, ut benè observat inter alios & Ammonius ad lib. Categ. c. 11, cum ait: τὸ ἄκρον τῶ ἁπλοῦ ἀντιπαραστὰς ἐκ τῆς ἀσυμμετρίας ἀσυμμετρία. ἀμφοτέρωθεν γὰρ ἀμετρία, ἀλλ' ὥς ἐνδεῖα ὑπερβολῇ, *Malum malo opponitur, non ut moderationi immoderatio, quia utraq; immoderationes sunt, sed ut defectio redundantia*, sive ut excessui defectus. Cum enim *virtus*, pergit, *sit mediocritas*, inter duas *vitiositates* spectatur, quarum altera in defectioe cernitur, altera in redundantia. Ut *justitia* in mediocritate considerata redundantia est nimia opum potentia, defectio verò *minerum opum potentia*, quæ ambo immoderationes sunt, ita, ut immoderationi immoderatio opponatur. Præterea *temperantia excessio* est protervitas, defectio stoliditas, fortitudinis verò *timiditas & audacia*, prudentiæ calliditas & amenitas, ex quo fit, ut utraq; *declinatio à virtute* virtuti quidem opponatur, ut malum bono, & immoderatio moderationi, inter se verò non ita, sed ut redundantia defectus. Atque hinc & Aristoteles malum apertè subijcit privationi lib. 5 Met. c. 22. Et lib. 11 (13) c. 6 esse & non esse, ac bonum & malum idcò conjungit. Respicendum autem semper in syllogismis,

plures propositiones falsas habentibus, ad eam, quæ πῶτον φε-
 ρεῖ est & *causa falsa conclusionis* existit, insimulq; & igno-
 rantia est causa. Sæpius enim fit, ut ambæ quidem præmissæ
 sint falsæ, sed non æquæ ambæ causa sint falsæ conclusionis,
 quod toties fit, quoties unâ detractâ propositione conclusio
 tamen adhuc est falsa. Quod signum est, non hanc, sed ali-
 am aliquam causam esse falsæ conclusionis. E. gr. Causa
 falsæ conclusionis in prædicto Anaxagoræ syllogismo non
 minor est: posito enim, quod immediate aut proximè ex ci-
 bo generetur sanguis, falsum tamen esset illi sanguinè inesse,
 quod nec iis, quæ proximè ex materiâ aliquâ fiunt, actu insit
 res inde formata. Non ergò minor, sed major in isto syllo-
 gismo causa est falsæ conclusionis, & consequenter ignoran-
 tiæ, quæ nascitur ex illo.

VI. Quemadmodum autem cognitio conclusionum
 in scientiis pender à naturâ principiorum, adeò ut in hæc tan-
 dem illæ resolvantur: ita & ignorantia, quæ contrahitur
 cum syllogismo, tandem reducitur ad ignorantiam, quæ con-
 trahitur sine syllogismo. Illa enim ex falso nascitur princi-
 pio: hoc autem, ut utrumque aliquis habere possit ratione in-
 ductus, quæ alio falso nitatur principio, in infinitum tamen
 id obtinere non potest, sed necessarium est, ut tandem perve-
 niatur ad principium aliquod, quod ille aliâ remotus pro cer-
 to habeat, occasione videlicet sumptâ vel ex sensu, vel ex au-
 toritate ejus, cujus sectæ se addixit, vel ex aliquo alio eorum,
 quæ num: II. sunt allata, ex quibus tamen duo ista priora cre-
 brius ansam præbent errandi. Unde enim tot hodiè in Astro-
 nomiâ & Physicâ paralogismi, quàm ex deceptione sensuum
 non recte usurpatorum? Inde generationes deducuntur in cœ-
 lestibus: inde cometæ supra Lunâ & maculæ in ipso Solis cor-
 pore hærentes: inde flumina, nec non montes & colles in Lu-
 nâ

na & alia talia beneficio tubi optici, ut putatur, detecta adeoque ipso sensu iudicio manifesta: cum tñ. non appareat, quomodo tanta vis queat inesse telescopio, ut eā elevetur noster visus ad perfectum de rebus, à sensibus nostris tam procul remotis, iudicium ferendum? Sanè quod stellæ sphericæ sint figuræ, solidissimè ex *φαινομένων* demonstrari potest, & tamen per tubum non minus planæ esse videntur, quàm si nudis oculis aspiciantur, cuius rationem reddit Vitellio lib. 4 Perspectivæ Propos. 65. Color cœruleus quoque, etiam per tubum visus, aspicitur super omnia sidera, cum tamen extra controversiam in aëre consistat. Vertex porro montis Bruçteri, quem Melibocum appellatione veteri dicunt, circa plagam Septentrionalem in confinio Orientalis ex distantia 6, 7, aut 8 miliarium per tubum etiam accuratissimū ad finem Maji, nec non per Junium totum subsequentem & bonam partem Julij, Sole circa meridiem clarissimo oculis usurpatus, nivibus quasi oblitus videtur, cum tamen ne indicium quidem ullum nivis illic appareat, si quis montem ipsum isto tempore scandat atque cacumen ejus propius intueatur. Taceo crystallum, ex quo constat tubus opticus, usque adeo perspicuum non esse, ut nullam planè spargat umbram, præsertim si colore aliquo sit tinctū: ubi autem commixtio est luminis & umbræ, fieri non potest, quin colores emergant. Ex lumine enim & umbrâ, secundum plus aut minus temperatis, exsurgunt colorum varietates, ex quo & colores, qui in luce mediocri apparerent turbidi, in forti clari visuntur & scintillantes, imò dispositionis planè alterius in lumine Solis, quàm candelæ. Collum columbæ quoque ex eadem causâ pro variâ ipsius dispositione ad incidentiâ luminis varios exhibet colores in plumis ejusdem. Vid. Auctor lib. de coloribus apud Aristotelem c. 2 & 3. Sed nec excoqui tam perfectè potest crystallus, quin

aliquid saltem remaneat impuritatis, quæ nubeculæ cuiusdam
 intus causa existat, atque errandi præbeat occasionem. Quod
 accedit, quod in ijs, quæ supra Lunam, aut saltem supra Mar-
 tem, sunt, telescopium res visas non augeat supra eam, quam
 oculo libero repræsentant, magnitudinem, sed minuat po-
 tius in quibusdam. Jupiter enim, tubo conspectus, multo mi-
 nor apparet, quàm si nudo conspiciatur oculo. Itemq; Sa-
 turnus & fixæ, reliquæq; omnes stellæ exceptâ Lunâ. Contrâ
 idem instrumentum stellas nusquam aliàs apparentes, ut Jovis
 satellites, eæ iustâ magnitudine præditas, repræsentat & paulò
 minores Jove, quin tantas facit, ut multo prius appareant, quâ
 oculo libero stellæ fixæ etiam primæ magnitudinis. Ita ipsâ
 quoque octavâ spherâ stellas alioqui haud conspicuas ma-
 gnas facit, nebulosas scilicet, quæ in viâ Lactæâ occurrunt:
 at canem & stellas primæ magnitudinis quoad aspectum mi-
 nores reddit, ut in tantâ inconstantiâ versus cœlestia idem uten-
 tibus instrumento hoc eveniat, quod in Tubulis illis opticis,
 quibus exigua, pultes, & id genus alia, prospicimus. Ex va-
 rietate enim distantæ illi nunc nihil monstrant, nunc quisqui-
 las in thesauros efformant. Vid: Scipio Claramontius lib. 9
 de Universo c. 21.

VII. In Physicis quoque non rarò sensuum occasione
 circa principia solet impingi. Veluti Guilielmus Harveus
 Anglus, vir alioqui eruditus, certum se esse putat, quod
 in *coitu de semine maris* nihil ingrediatur *femina uterum*, aut
 ab eo attrahatur, vel uspiam intra foeminam reservetur, sed
 vel evanescat, vel elabatur, contagio interim aliquo attrito
 utero inducto, quo veluti infecta foemina atque à mare foe-
 cundâ reddita foetum postea suâ sponte generet ad eum mo-
 dum, quo ferrum à magnete tractum hujus statim vi dotatur,
 ut & ipsum alia ad se alliciat ferramenta. Accipit autem hoc
 quasi

quasi per experientiam & sensum manifestum. Ait enim se
 cervas damasq; protinus à coitu secuisse, seminis autem in
 earum uteris nihil reperisse. Sed reverà nihil magis adversa-
 tur experientiæ, quàm illud ipsum assertum. Constat enim ex-
 perientiâ, haud fieri conceptionem, si semen in utero non
 maneat, sed foràs procedat, quod & Hippocrates testatur in
 lib. de geniturâ. Qui & lib. de sterilit: scribit, *cas minime
 concipere, quibus uteri nimis sunt lubrici, vel à linimentis
 aut oleis humectantibus admotis, vel ab intemperie humidio-
 re, item neque illas, quibus os uteri internum parùm distor-
 tum est, aut leviter conclusum.* At si sola vis plastica è semine
 manans & utero adflata foecundas redderet foeminas, illæ cer-
 tē, quæ taliter constitutum habent os uteri, neutiquam steri-
 les forent. Et nonne satis notum est, impudicas & prostitu-
 tas, ne compleantur crebrò gravidæq; jaceant, genituram va-
 riis è se excutere modis? Necessarium ergò omninò est, ut
 semina utero excipiantur. Quod autem Harvejus in uteris da-
 marum cervarumque protinus à coitu interfectarum nihil re-
 pererit seminis, mirum non est. Factum enim id inde, quod
 bestia ista, in mastatione territæ & totæ conturbatæ, id, quod
 continuerunt seminis, elabi siverint, sicuti & alvi vesicæque
 incrementa tunc emittere solent. Idem Harvejus sensu, ut
 autumat, nixus, *cor* statuit haud esse præditum *sensu tactus*. Id
 enim constitisse sibi casu, qui obvenit filio primogenito Vice-
 Comitæ de Montegomero in Hiberniâ, cujus cor ipse vide-
 rit manuq; contrectarit, immixtis tribus prioribus digitis cum
 pollice in cavitatem pectoris per apertum in pectore hiatum,
 qui ibi remanserat ex structurâ ossium sinistri lateris, juvenis
 nihil percipiente. At ipse Harvejus narrat, cor illud fuisse
 circumdatum carne quadam fungosâ, quæ exterius excresecit
 muniminis instar contexerit illud. Istam sine dubio tateg &
 con-

contrectavit ille, quæ si sensu fuit orbata, quid mirum? Idem enim & in aliis partibus fieri solet, ubi caro excrevit: sed ideo non è vestigio cordi, secundum naturam se habenti, omnis adimendus est sensus. Sensum quoque non rectè usurpant, qui galaxiam seu viam lacteam putant eandem semper esse numero & immutabilem secundum substantiam, neque in aëre, sed æthere suam habere sedem, quod eundem semper magnitudinis, quin & situs ratione habeat, aspectum. Si n. aqua fluat ejusdem qualitatis sub eadem quercu, umbra sanè in eâ producta semper eundem habet aspectum, nihil penitus variatum, & tamen non fit illa in eadem numero aqua. Halo quoq; circa Lucam eandem servat aspectum, & tamen materia semper alia atque alia est, cum vapores, in quibus halo exsurgit, à ventis propellantur & discutiantur. Ex parallaxi a. seu diversitate aspectus non posse semper pro distantia etiâ ipsarum stellarum efficax peti argumentum vel ipse Ptolemæus inculeat lib. 9. Almagestic. 1. Disputat ibi adversus quosdam sui temporis Mathematicos, qui contra veteres Solem ponebant Lunæ proximum, supra illum autem Venerem & Mercurium, ratione hac freti, quod nunquam ab istis Planetis Sol tenebris obductus visus fuisset. His respondet Ptolemæus sequenti ratione: *Ἡμῖν δὲ ἡ μὲν ἰσαύτη κρίσις ἀβέβαιον ἔχειν δοκῇ τῷ δύνασθαι ἕνας εἶναι μὲν ὑπὸ τὴν ἥλιον, μηκέτι δὲ πάντως καὶ ἐν τινὶ τῶν δι' αὐτῆς καὶ τῆς ὀψέως ἡμῶν ἐπιπέδῳ, ἀλλ' ἐν ἄλλῳ, καὶ διὰ τὸτο μὴ φαίνεσθαι ἐπιπροδύντας αὐτῷ, καθάπερ καὶ ἐπὶ τῶν τῆς σελήνης συνοδικῶν ὑποδρομῶν τὰ πλεῖστα ὃ γίνονται ἐπισκοπήσεις, Nobis hac ratio infirma videtur. Possunt enim planeta aliqui esse sub Sole, nec tamen in aliqua penitus superficie per ipsum & visum nostrum, sed in aliâ, atq; idcirco objici ei non posse, sicut & ut plurimum cum Luna in eadem cæli parte & eodem signo Soli subjicitur & illa subtercurrit, nullus Solis efficitur defectus.* Hinc dubitat, quid ergo statuendum tandem

dem sit de hoc negotio, & dicit, ex parallaxi id decidi non posse, quod nulla istarum stellarum sensibilem habeat parallaxin, ἀφ' ὧ, ut subdit, *μόνῃ φαινόμενῃ τὰ ἀποστήματα λαμβάνεται, ἀπὸ τῆς σολῆς, si appareat, distantia capiuntur.* Putat ergò ex parallaxi quidém, si quam habeant, posse de distantia, judicari stellarum, è contrario autem, si non appareat, non posse ab eâ pro distantia immotum peti argumentum.

II X. Non minus verò frequentes etiam sunt parallogismi, originem ducentes ex autoritate ejus, quem aliqui ductorem sibi elegerunt. Quamvis enim non tam auctores, quam rationis momenta, in scientiis cum primis tradendis, quærenda sint, reperiuntur tamen adhuc hodiè, qui similes Pythagoricis non suū adhibent judiciū, sed id mox ratum habent, quod ab eo, quem probant, vident judicatum, dicentes cum istis: *Ipse dixit.* Ipse autem is illis erat Pythagoras, apud quos tantū opinio præjudicata poterat, ut etiā sine ratione valeret auctoritas, ut loquitur Cicero lib: 1 de naturâ Deorū. Dantur adhuc, quibus, ut hæc de suo mihi largiatur Salvianus Præfat. lib. 1 contra Avaritiam, *omnia dicta tanti existimantur, quantus est ipse, qui dixit.* Si quidem tam imbecillia sunt judicia hujus temporis, ac penè tam nulla, ut hi, qui legunt, non tam considerent, quid legant, quàm cujus legant, nec tam dictionis vim atq; virtutem, quàm dictatoris cogitent dignitatem. Tales autem quid mirum, si in errores abducantur? Quotusquisq; enim est etiam ex sapientissimis, qui ita omne verum perspexerit, ut ab omnis erroris labe prorsus sit immunis, aut saltem non possit errare? Unde non tam videndum est, quis dicat, quàm quid dicatur, & quàm rectè, sicut & Plato in Charmide monet, cum ait: *πάντως ὃ τὸ το σκεπτεόν, ὅστις αὐτὸ εἴπῃ, ἀλλὰ πότερον ἀληθὲς λέγεται, ἢ ὧ, Omnino non quis dixerit, sed quàm rectè dixerit, considerandum.* Et in Cri-

εἶπε: ὅς ἐγὼ ὃ μόνον νῦν, ἀλλὰ καὶ ἀπὸ τοῦτο, οἷον τῶν ἐμῶν μηδὲν
 ἔμω πεῖθεσθαι, ἢ τῶ λόγῳ ὅς ἐν μοι λογιζομένῳ βέλτερος φαίνεται,
Quandoquidem is ego sum, qui non solum nunc, sed semper
hactenus, nulliunquam meorum allicredere potuerim, quam
rationi, quæ quidem à me animo perpensa, atq; examinata
optima comperitur. Platoni consensit Potamo Alexan-
 drinus, qui hinc sectam introduxit, si tamen hæc secta dicen-
 da, ἐκλεκτικὴν, quæ ex sectis singulis verissima & optima selige-
 rentur. Quod quidem philosophandi genus valde arrisit &
 aliis sapientibus viris. Hoc ego Philosophi non arbitror, ait
 Cicero lib. 2 de divinatione, testibus uti, qui aut casu veri, aut
 malitiâ falsi fictiq; esse possunt. Argumentis & rationibus
 oportet, quare quidq; ita sit, docere, non eventis, iis præfer-
 rim, quibus mihi liceat non credere. Pariter & Seneca Epist.
 45: Non me, inquit, cuiquam mancipavi, nullius nomen fe-
 ro. Multum magnorum virorum iudicio tribuo, aliquid &
 meo vindico. Et Plinius præfat. lib. 3: Auctorem neminem
 unum sequar, sed ut quæq; verissimum in quâq; parte arbi-
 trabor. Sed & alter Plinius lib: 1 Epist. 20: Planè cur dis-
 sentias, explices rogo. Quamvis enim cedere autoritatibus
 debeam, rectius tamen arbitror in tantâ re ratione, quàm
 autoritate superari. Deniq; & Clemens Alexandrinus lib.
 1 Stromatum: φιλοσοφίαν ὃ τὴν Στωικὴν λέγω, ἔδε τὴν Πλατωνικὴν,
 καὶ τὴν Ἐπικυρεῖον τε καὶ Ἀριστοτελικὴν. ἀλλ' ὅσα εἴρηται παρ' ἐκείνων
 τῶν ἀνθρώπων τῶντων καλῶς, διαχρυσήν μετὰ εὐσεβείας ἐπισήμης ἐκδι-
 δάσκοντα, τὸτο σύμπαν τὸ ἐκλεκτικὸν φιλοσοφίαν φημί, *Philosophiam*
non dico Stoicam, nec Platoniam, aut Epicuream & Aristote-
licam, sed quæcumq; ab his sectis rectè dicta sunt, quæ docent
justitiam cum piâ scientiâ, hoc totum selectum dico Philosophi-
am. Qui volet, poterit evolvere & Lactantium satis egregiè
 hæc de re differrentem lib. 2 Instit. Divin: c. 7.

IX. Ad extremum, quod ad ignorantiam circa modum
 sciendi

sciendi spectat, eius causa non rarò est consuetudo. Ferè enim fit, ut hac docendi ratione homines meriantur. Veluti qui assueverunt à teneris modo sciendi, qui in Mathematicis locum haber, inferunt eum deinceps & aliis scientis, atque eodem modo & illas censent esse tractandas. Quemadmodum consuevimus, inquit Aristoteles lib. 2 Met. c. 3. ita iudicamus dici debere, & quæ præter illa sunt, non similia, sed ob insolentiam ignota nobis & aliena magis videntur. Et subdit, quantum vim consuetudo habeat, *leges declarare, in quibus multa fabulosa & puerilia excogitata ad terrendum vel instigandum populum ob consuetudinem & inveteratam opinionem sapientius valeat apud populum, quam si vera faciendorum rationes expositæ in ijs essent.* Intelligit sine dubio leges, quæ in Republica quavis pro conservatione ejus latæ erant, quasque populus, ut tenacius inhaerere memoriae, carminibus inclusas solebat decantare, de quibus sect. 19 probl. 28. *Docet, ait Alexander in Commentario, quam vim habeat consuetudo argumento legum. Multa enim fabulosa à legislatoribus statuuntur, quoniam sic ea credi ex usu est, quibus fides ab ijs, qui legi parent, habetur, quoniam his audiendis assuescunt, ut aliquos esse terrigenas qui à terrâ nati fuerint, & alios sparsis dentibus esse procreatos, ac proinde pro terrâ matre pugnare oportere, vel Deos de ipsâ contendisse.* Sed & defectus scientiæ istius, quæ modum docendi in genere, scientiis omnibus communem, tradit, non paucos hîc in errorem abducit, ut scientiam, quàm probè imbiberunt, malè proponant, sive in methodum, sive in ordinem impingentes. Ut enim peculiaris datur scientia, modum disputandi tradens, omnibus materiæ accommodatum, quæ est Dialectica: ita & singularis aliqua datur disciplina, modum sciendi omnibus scientiis communem pandens, quæ Analytica venit appellatione. Hæc enim ipsa ostendit, quid facto opus sit, ut is, qui scientiâ aliquâ

est imbutus, certâ ratione & ordine eam aliis proponat. Unde & Philosopho versari dicitur *circa demonstrationem & scientiam* 13 (11) Met. 1. Et lib. Sophist. c. 2 §. 3 idem ait de λόγοις διδασκαλικοῖς καὶ ἀποδεικτικοῖς actum à se esse in Analyticis. Denique ἀναλυτικῶς & λογικῶς rem considerare sibi invicem opponit lib. 1 Post. c. 2 §. 22, 23; ubi, ut λογικῶς idē ipsi est, quod διαλεκτικῶς καὶ κοινότερον; ita ἀναλυτικῶς idem vocat, quod πραγματικώδερον & ἀποδεικτικῶς, annotante etiam Philopono in Comm. Sed & pertinent huc ista Philoponi ex proœm. in 1 Poster: Τῆς ἀποδείξεως ἐδεήθησαν οἱ φιλόσοφοι, ὥς ὀργάνον πρὸς χειρτορῶσιν τῶν τῆς φιλοσοφίας μερῶν, τὸ θεωρητικὸν φημί, καὶ τὸ πρακτικόν, *Demonstratione*, de quâ scilicet in Analyticis agitur, *Philosophis opus fuit, velut instrumento, ad Philosophia partium, contemplativa scilicet & activa, rectam tractationē. Sicut n., pergit, faber amussis usu lignum rectū à curvo discernit, & adificator perpendiculo, καὶ ἑτέρῳ, parietē aequalē ab inclinato: sic & Philosophus τῷ ἀποδεικτικῷ χειρτονί, demonstrativā regul. in contemplatione quidē verū à falso, in actione a. bonum à malo discernit.* Quibus gemina etiā habet Eustratius in 2 Posterior. Atque hinc mirum non est, si destituti hac scientiâ variē impingant, cum in docendis alijs sunt occupati, etiam si de coetero in scientijs ipsis, quas profitentur, satis sunt exercitati. Ut enim sine Grammaticâ nemo purē loqui potest, in quacunque re versetur: ita & sine Analyticâ nemo rectē in docendo versari potest, quamecunq; etiam scientiam tradat. Quâ de causâ & Galenus lib. 2 de Temperamentis c. 5 scribit: Ἀρχὴ δογματῶν μοχθηρῶν ἐστὶ μία, τὸ μηδὲν ὑπὲρ ἀποδείξεως ἐνκέφαλον πρότερον, ἀλλ' ἅμα τὰ πράγματα ζητῆν, καὶ ὡς εἰδότες, ὅτι πρότε ἐστὶν ἀπόδειξις ἐπιχρῆσθαι ἀποδεικτικόν, *Unum pravorum dogmatū principium est, nihil de demonstratione prius mediatum simul res ipsas inquirere. & tanquam scientem, quid sic demonstratio, tentare demonstrationes asferre.* Ad Hieronem insuper scribens

bens, longo sermone perstringit arrogantiam illorum, *qui sine arte Analytica scientias docere aggrediuntur*, multa que recenser incommoda, in quæ cogantur incidere, qui eam neglectam philosophantur, siquidem nec convenient in *principiis*, nec *nota* assumant, neque *ignota* demonstrent, sed veluti *legislatores* id, quod *placet*, constituent, nec *verum* sibi proponant; denique *questiones multas declinent*, & *progressu* orationis, instar *Euripi* cujusdam, *miram inconstan-* præ se ferant. Aristoteles quoque, hinc passim Veteres à doctrinæ tramite aberrasse tradit ex ἀπαδευσία τῶν ἀναλύσεων, sive ignorantiam Analytices, veluti 4 Met. 3. Eam autem & scientiam insuper, quam proficitur, si quis sit imbutus, jam idoneus hoc ipso fuerit ad eam aliis appositè tradendam.

CAPUT VII.

De requisitis in auditore scientiarum.

I.

CONstat ex his, quibus instructum esse oporteat eum, qui scientiam, quam tenet, aliis tradere constitutum habet. Nunc & expendere fas est, quæ in discen- te requirantur, ne is doctori frustra operam det, sed discen- do finem suum assequatur, id est, scientiam nanciscatur, cu- jus adipiscendæ desiderio tenetur. Neque enim omnes ad scientiam apti sunt. Sanè sunt nonnulli, qui naturam adeò im- becillam habent rationem, ut sibi ipsis relictis ne quidem de ne- cessariis sibi vitæ mediis prospicere valeant, quos servos na- turam vocari supra diximus, atque vocat ita & Aristoteles 1 Po- lit. 5. Sed & Homerus de iis Odyss. 17:

Ἡμισυ γάρ τ' ἀρετῆς ἀποσώνεται εὐρύοπα Ζεὺς
ἀνέροισι, οὗτ' ἂν μιν χεῖρα δέλιον ἦμαρ ἐλχσιν,

Bbbb 3

Di-

Dimidium mentis nam altisonus Jupiter illis

Auferit, quos homines servili prefferat horâ.

Hoc est, interprete Platone lib: 6 de Rep. *Quos dies natalis servos edidit, ij vix dimidium habent mentis.* Tales autem quis ad scientiam capeſſendam habiles eſſe affirmavit? Alij, eſſi cultioris ſint ingenij, adeò perſpicaces tamē nec ipſi ſunt, ut rationes *proprias* ac *domesticas*, ex quibus omnis doctrinâ & diſciplinâ proficiſcitur, valeant pervidere, quin potius *probabiles* ſolum aut *verifimiles* percipere apti nati ſunt, quarum neutrâ ſcientiam, ſed illâ quidem opinionem, hæ autem ſi dempenes animum audientis relinquere ſunt accommodatæ. Quid ſpectant illa Ariſtotelis ex 1 Rhet. 1: *Sunt nonnulli, quibus, etiamſi alicujus rei exquiſitiſſimam ſcientiâ animo comprehenſam teneamus, perſuadere tamen facile non eſt, ſi ductis ex eâ argumentis utamur.* Nam oratio, quæ ex ipſâ rei ſcientiâ ducitur, docendi ratio quædam eſt. Ipſi autem doceri nequeunt, imò neceſſe eſt, ut apud illos ex communibus rationes & argumenta ducamus. Atq; hinc idem, in auditore ſcientiarum ante omnia requirit *εὐφροσύνη*. Ita enim ille lib. 8 Topic. c. 14 §. 2 & 3: *Ad cognitionem & prudentiam illam, quæ ſecundum Philoſophiam eſt* (hæc autem nihil aliud eſt, quàm ſcientia veritatis 2 Met: 1) *non exiguum instrumentum eſt poſſe perſpicere & jam perſpexiſſe, quid ex utraq; hypotheſi eveniat. Tantum enim reliquum erit, ut horum alterum rectè eligatur.* Δὲ δὲ πρὸς τὸ τοῖσιν ὑπάρχον εὐφροσύνῃ, ſed ad id oportet naturâ benè eſſe informatam. In quo autem conſiſtat *εὐφροσύνη* illa, mox declarat, cum ſubdit: *τὸτ' ἐστὶν ἡ κατ' ἀληθείαν εὐφροσύνη, τὸ δὲ κατὰ καλὸς ἐλέγχει τὰ λυγρὰ, καὶ συγχεῖν τὸ ψεῦδος.* Hæc reverâ natura bonitas eſt, poſſe rectè eligere verum, ac declinare falſum. Nempe ut in ijs, quæ ad prudentiam ſpectant, *εὐφροσύνη* in eo conſiſtit, ut quis naturâ duce promptè videat atq; eligere poſſit in quotidianâ aut civili vitâ, quod verè bonum

num est, sicut idem Philosophus innuit, eum ait, εὐφυὴς ἐστὶν δὲ ταῦτα καλῶς πεφυκε, 3 Ethic. c. 7, *is natura bonitate pradi-
tus est, qui hoc bene facere aptus natus est*, nempe judicare
rectè atque id, quod reverà *bonum* est, eligere: ita in ijs, quæ
ad scientiam spectant, ille εὐφυὴς dicendus est, qui tali naturâ
judicandi praditus est acrimonia, ut promptè videre possit,
quid *verum* sit, & quid falsum, atque illud quidem eligere,
hoc autem declinare. Eiusmodi ergò εὐφυΐαν in auditore sci-
entiarum Aristoteles requirit. Anima enim, ad cognitio-
nem veri apta nata, plus assequitur, quàm qui supremum in
modum se in scientiâ exercuerit, si scilicet εὐφυΐα sit destitu-
tus. Ex quo & Hippocrates ἐν νόμῳ eum, qui scientiâ Medi-
cæ desiderio flagrat, inter alia ait oportere & ἐπιβολὴν γενέσθαι
φύσιν, *natum esse idoneam naturam*. Sed & Plutarchus lib.
de educ. liber: uti ad *virtutes & artem*; ita ad *scientiarum quorundam
perfectionem* scribit oportere concurrere inter alia & naturâ.
Denique & Chrysostomus lib. 3 adversus vituperatores vitæ
monasticæ ad percipiendas disciplinas *celere exigit ingenium
& acutum*.

II. Non sufficit autem auditori scientiarum genuino ejus-
modi naturæ bonitas, quæ veritatem earum, quæ proponun-
tur, rerum facillè valeat penetrare, sed & de cætero eum opor-
tet facultate aliquâ circa *modum* eas tractandi esse præditum,
quò judicet, numritè in docendo procedat is, cujus informati-
oni se concedidit, annon. Neque enim semper ista sunt
conjuncta. Plinius sanè in Epistolis laudem hanc etiam bar-
baris tribuit, quòd possint PRÆCLARE INVENIRE, quod rei est;
negat tamè, quòd possint DISPONERE BENE ET VARIE FIGU-
RARE, quòd jã ad modum rei tractandæ spectat. Et quoties sit, ut
etiam optimæ scientiæ malè doceantur? Necessariū ergò omni-
nò est, ut facultate aliquâ sit instructus auditor, quâ rectè existi-
met

met etiam de modo docendi. Aristoteles hujusmodi facultatem vocat παιδείαν lib: 1. Part. c. 1, ubi ait *circa omnem θεωρίαν & μέθεδον esse duos modos τῆς ἐξέως*, nempe *ipsam scientiam*, quam tradit doctor & ad quam capessendam auditor accedit, & παιδείαν. Hanc autem ait *praditum esse eum, qui perspicaciter, εὐσέχως, judicare potest, τὴν ἡλικίαν ἢ μὴ ἡλικίαν ἀποδίδωσιν ὁ λέγων*, *quid recte ab eo, qui docet, & quid secus exponatur*. Et talem quidem habitum in discente requirit. Nam & inde lib: 1 Ethic. c. 1 *domesticum & genuinum scientiæ al-cujus auditorem* vocat πεπαιδευμένον. Et lib. 2 Met. c. 3: Δὴ πεπαιδευθεὶς, inquit, *oportet eruditum esse circa modum scientiæ eum, qui ad scientiam à Doctore hauriendam adspirat*. Rationem addit Philosophus: Ἀποπον γὰρ, inquit, ἀμα ζητῆν ἐπιστήμην καὶ τρόπον ἐπιστήμης, *absurdū n. est simul quærere scientiam & modum sciendi*, id est, *tum demum, cum quis scientiam aliquā addiscere cupit, de modo tractandi velle esse sollicitū & indagare, quomodo ipsa scientia gignatur & comparetur*, sicut exponit Alexander in Comm: Non negamus quidem, etiam cognitionem aliquam rei ad prædium requiri. modus enim rei ab ipsa re petitur, indeque fieri non potest, ut de modo doctrinæ recte iudicet, qui nullā plane rei ipsius cognitione est instructus. Verū primò notitia illa rudis solum est & imperfecta, citra causas, orta ex usu rerum & experientiā. Neque enim judicare solum scientiæ, sed & experientiæ competit, eidemq; & passim tribuitur, uti ab alijs, ita & ab Aristotele lib: 10 Ethic. ubi hæc occurrunt verba: Οἱ ἐμπειροὶ περὶ ἑκάστα κρινουσιν ὁρθῶς τὰ ἔργα, *experientes singularum rerum opera recte judicant*. Plato quoq; iudicium experientiæ adscribit in Gorgiā, quando *coquinarium* conferens cum arte *Medicā*, jubet eam ἐμπειρίαν, non autem *artem*, nec *scientiam* appellari, quod non causam reddat eorum, quæ affert, sed usu quodam con-

constet & memoriâ ejus, quod accidere consuevit, ac proinde simulacrum potius sit scientiæ & artis, quàm alterum horum. Ejusmodi ergò de rebus judicium habet etiam auditor genuinus scientiæ alicujus. Habet illud se aliter in illo, ac in sciente & docente. Cum enim in hoc perfectum sit, adeò, ut causam assignare possit eorum, quæ proponit; in illo è contrario rude est & imperfectum, tantum valens ad id, ut principia, quæ afferuntur à Doctore, fidem inueniant apud ipsum. Nempe est tale judicium de rebus ad pædiam pertinens, quæle Dionysius Halicarnassensis in judicio de Thucydidis historia describit his verbis: *Non si ea, quæ Thucydides alijq. viri poluerunt, ingenij vi ac præstantiâ destituimur, idcirco sit, ut ea quoq., quæ illis fuit, considerandi & judicandi facultate careamus.* Nam neque de Apellis, aut Zenxidis, aut Protogenis, aut aliorum pictorum, qui famâ claruerunt, artibus judicare non licet iis, quos earum artium scientia cum his ipsis minime conferri potuisse constat. Neque de Phidie, aut Polycteti, aut Myronis operibus ceteri artifices sententiam minus ferre potuerunt, cum ab eorum tamen laude longè distarent, ut illam rationem prætermittam, quod sæpe usu contingit, ut homo inscius, atq. ve idiota, si quid sit judicandum iis in rebus quæ sub sensum cadunt, ne artifice quidem ipso sit inferior. Huc enim omnis ars intendit, hincq. judicandi sumit initium. Ejusmodi ergò de rebus judicium omnino etiam auditori scientiæ alicujus genuino necessarium est, adeò, ut sine eo omnis opera docentis inanis foret, perinde, ut efficiens in naturâ suo sine frustrari necesse est, nec formam in materiam inducere potest, nisi hæc probè fuerit subacta. Deinde, quamvis aliqua etiam rei notitia ad pædiam requiratur, non tamen idèò statim in eâ formalis istius ratio consistit. Nempe, ut prudentia apud Politicum non est quidem sine virtute morali, nec

li, nec tamen est ipsa illa virtus, & intellectio non est quidē sine phantasiā, nec tamen est ipsa propriē phantasia: ita etiā pedia non est quidem sine aliquā rei cognitione, formaliter tamen ipsamet illa cognitio haud est, sed cognitio modi doctrinæ, scientiæ alicui accommodati.

III. Jam constat ex superiūs diductis, quod ad modum doctrinæ duo pertineant, *methodus* & *ordo*. Utriusque horum notitiā requiritur ad pedia. Nempe quoad *ordinē*, judicare oportet περὶ αὐτοῦ τῆς scientiæ alicujus doctorem, utrum partes istius scientiæ ritē sint dispositæ, indeq; nosse, ubi inchoandum sit, & ubi desinendum. Verbi causā in Philosophiā civili non à Republicā, nec à virtutibus, sed à felicitatis definitione esse incipiendum, quod finis sit principium in Practicis & Ethic. 7. Item quod de universalibus prius sit agendum, quā de particularibus, quod affectiones reducantur ad primum subiectū, nec idem multoties Doctor repetere cogatur 1. de Partib. Animal. 1. Quoad *methodum* autē, nosse eū oportet πῶς ἔχεται ἀποδεκτόν, ut loquitur Philosophus 2. Met. 3. *quomodo singula sint demonstranda*. Ad quod necessarium est primò, ut *vernaculas* rationes circa quæstionem unamquamque norit discernere à *peregrinis*, quas propter ἀλλογενείαν sive *fantiam* sæpè pro domesticis venditant Sophistæ, ut gloriosam quandam captent, ex qua lucrum postmodū facere possint, cui isti non sunt intenti, teste Platone in Protagorā, Xenophonte 1. Memor. Socr. & lib. de Venat. Aristotele itē lib. Soph. c. 1 & aliis. Ex quo Aristoteles lib. 1. Eud. c. 6 ἀπαδειύειν definit τὸ μὴ δύνασθαι κρίνειν τὰς τε οἰκίους περὶ ἑαυτὸν πράγματα καὶ τὰς ἀλλοτρίους λόγους, *impotentia dijudicandi circa quamq; rem vernaculas rationes & peregrinas*, hoc est vanas, κοινὰς καὶ κενὰς, ut eodē lib. c. 8 peregrinos λόγους appellat, a libiautē, videlicet lib. 1. de Gener. Animalium c. 8 λογικὰς, quod non ex propriis,

is, sed communibus principiis ducantur. Deinde ad παιδείαν
 & hoc requiritur, ut quis dijudicare norit, quæ in quavis sci-
 entia sint *per se & non per se nota*, ne absque discrimine omni-
 um causas & demonstrationes postulet, quod qui faciunt,
 iterum ἀπαδευσία laborare Philosopho dicuntur lib. 4 Met:
 4. Sic enim illic Philosophus scribit: ἐστὶ ἀπαδευσία τὸ μὴ γινώσκειν ὧν δὲ ζητῶν ἀποδείξαι, καὶ ὧν οὐ δὲ, Απαδευσία *est nescire, quorum sit & quorum non sit demonstratio exigenda*. Fieri enim non potest, ut omnium sit demonstratio, quod hanc ratione in infinitum fieret progressus ac demonstratio omnis everteretur. Ex quo & Theophrastus alicubi: *Qui omnium, inquit, rationem quarunt, simul cum ratione scientiam tollunt.* Unde ἀπαδευσία esset, si quis in Physicis demonstrari sibi postularet, esse naturam vel motum. Hoc enim per se manifestum est 2 Phys. 1. Quod pertinent & illa Philosophi ex 8 Phys. 3 t. 22, ni fallor, jam supra adducta: *Dicere omnia quiescere & hujus rationem querere, omisso sensu, ἀσφαλείης ἐστὶ διανοίας, est infirmitas quædam judicii.* Quod repetit t. 26 his verbis: *De his considerare, σκοπεῖν, & rationem querere, in quibus melius sumus affecti, quàm ut ratione egeamus, nihil aliud est, quàm male judicare, quid melius sit, & quid sit fide dignum, videlicet per se, & non sit per se fide dignum, item quid sit principium & non principium.* Ex quo & Galenus merito Medicos illos ridet, qui ut rebus sensui evidentibus fidem tribuant, demonstrationes requirunt. Sic n. ille lib. de optimâ sectâ ad Thrasybulum c. 2: ὅσα τῶν φαινομένων ἐξ αὐτῶν ἐστὶ καὶ λαλητὰ, αἰσθῆσαι κρίνεται, ὡς τὸ λευκὸν καὶ τὸ μέλαν. ὅτι καὶ λαλεῖν δὲ τῶν ἰατρῶν ὅσοι τὴν τῶν φαινομένων κρίσιν ἔχουσιν τοῖς αἰσθητοῖς, ἀλλ' ἀποδείξει ἐνὶ πλείωνται ποιῶσι, *Quæcumq; sensui evidentium rerum per se de se ipsis notitiam pariunt sensu dijudicantur, ut album & atrum. quare Medici illi jure sunt deridendi, qui de rebus sensui evidentibus sententiam non*
 Ccccc 2 *sensu*

*sensoris, sed demonstratione aliqua ferre conantur. Et lib. 2 de motu musculorum c. 7 idem scribit: ὅτι ἡγοῦν ἐν οἷς ἀπο-
 γέμειν αἷμας ἀπὸ τῆς αἵματός τινος ἐναργῶς γνωσκόμενον. - ὁ ἡδὲ τοῖς ἑαυτοῦ γέ-
 σιν ἀπιστῶν, ἀναγινώσκων, Non est fas in iis, in quibus causam
 non reperimus, discedere ab his, quæ evidentè apparent. -
 Qui enim evidentibus fidem derogat, sensus est expers.*

IV. Ulterius & hoc ad perniciem spectat, ut quis non omnes
 causas, etiam eorum, quæ causas habent, requirat. Non enim
 res omnes, ut advertimus jam supra, causis omnibus gaudent.
 Veluti materiam non habent immobilia: neque finem Ma-
 thematica, 2 Met. 2; imò nec aliqua etiam ex naturalibus,
 veluti eclipsis 8 Met. 4 & alia πᾶσι συμπτώματι καὶ dicta, de
 quibus & Galenus lib. 5 de usu partium c. 3: ἕνα ἐστὶν ἰδεῖν
 χρὴν γίνεσθαι, ἀλλ' ἰστέον ἐξ ἀνάγκης ἐπεὶ οὐκ ἔστιν ἕνα συμπίπτουσα,
*Sunt aliqua, quæ nullum præstent usum, sed alia necessariò
 sequuntur, ut aliqua coincidentia. Unde ἀπευθεὶν, crimē
 incurreret & is, qui talium finem curiosè requirere vellet. Sed
 & hoc παίδεας est, pervidere posse, quarum rerum definitio
 exigenda sit, quarum non. Pridem enim monitum est, ne
 definitiones quidem omnium dari posse, indeq; meritiò Ga-
 lenum Sophistis quibusdam sui temporis nimiam φιλοσοφίας
 cumque eā unā ἀπευθεὶν exprobrasse, quos tanta ceperat de-
 finiendi lubido, ut ne olus quidem citra definitionem videren-
 tur empturi lib. 2 de diff. puls. c. 3. Quos & idem hæc de
 causâ vellicat lib. 4 de eadem materiâ c. 17, ubi inter alia ita
 loquitur: Quod est in proverbio, dulce bellum inexperto,
 ejus simile mihi evenire videtur illis, qui omnia volunt defini-
 re. Prorsus enim ignorare videntur quæstiones, quas Dia-
 lectici de ratione definiendi instituerunt. Nam definitione
 quidem significationem explicare propositi nominis, si quidem
 propositam rem non omnes assequantur, non dico conducit, sed
 neces-*

*necessarium est. Necessarium etiam, ubi quis vel versuti
 de industria, vel imprudens praestupiditate significationis
 commutet nominum, tribuens aliis rebus ea, ac omnes homi-
 nes. Si absq[ue] aliquo horū sit, omnino res definitione non est ape-
 rienda, quod suum ipsā nomen abunde declaret. Nam, pergit,
 τὸ ὀρίζεσθαι πάντας ἐλλέν ἀπαν πρᾶγμα, σοφιστικῆς διδασκαλίας ἔργον ἐστίν,
 definire planè quidq[ue] velle, ad Sophisticam pertinet discipli-
 nam. Non minus porro & hoc p[er]dix nimis est, non omni-
 um aequalem exigere ἀκριβείαν, sed ubique pro materia subje-
 cta ratione. Quemadmodū n[on] tutor inæqualis magnitudinis
 pedibus inæqualia adhibet calopodia: ita & pro diversitate
 subjectaū rerū pares rationes propriæ accommo-
 dandæ sunt rebus probandis diversarum disciplinarum. Quā-
 dere insignis extat etiam apud Platonem locus, videlicet in Timæo. Verba
 ejus hæc sunt: ὥς ἀρα τῆς λόγους ὡν πέρ ἐσιν ἐξηγηταί, τῶν αὐτῶν καὶ
 ζυγυεῖς ὄντας. τὲ μὲν γὰρ μονίμῃ καὶ βεβαίῃ καὶ μετὰ νῦν καταφανέ,
 μοιμῇ καὶ ἀμεταπτότῃ, καὶ ὅσον τὲ ἀνελέγκτους προσκεί-
 λογους εἶναι καὶ ἀκινήτους, τῶν δὲ μὴδὲν ἐλλείπειν. τῆς δὲ πρὸς μὲν ἐκείνῳ ἀπὸ
 καὶ δὲ ἐκείνῳ, ἀκότας, ἀνάλογον τὲ ἐκείνων ὄντας ὅτι περ ἑκείνῳ
 γὰρ ἐσιν ὅσῳ, τὸ πρὸς πίσιν ἀλήθεια, Orationes utiq[ue] cum rebus,
 quas exprimunt, cognationem quandam habere oportet. Ergo
 cum de re firmā & stabili & mente comprehendendā dissi-
 tur, stabiles similiter immutabilesq[ue] & quā-
 maxime fieri potest, inexpugnabiles orationes esse debēt. Cum verò de ipsius
 rei firma stabilisq[ue] simulacro disputatur, verisimiles rationes
 sufficiunt, quia ita se ad superiores habeant rationes, ut simu-
 lacrum ad exemplum. Nempe quod est ad generationem ef-
 fectia, id veritas est ad fidem. Hæc ibi Plato. Cui consen-
 tit & Aristoteles, qui hæc de re ita scribit lib. 1 Ethic. c. 1:
 τὸ ἀκριβὲς ἐχόμενός ἐστιν ἀπασιν τοῖς λόγοις ἐπιζητέον, ὥσπερ γὰρ ἐν τοῖς
 δημιουργομένοις, Exacta tractatio non aequali ratione in uno-
 quoq[ue] genere est exigenda, quemadmodum neq[ue] in artium op[er]i-
 bus.*

ficiis. Quis enim ab eo, qui è cerâ imagines fingit, postula-
 ret, ut æquè exactè sine ullis coloribus ad exemplaris alicujus
 propositi similitudinem accedat, ut p̄ctor? Multò iniquior
 autem adhuc esset, si quis tale quid ab eo requireret, qui in
 chalybe aut adamante formas sibi propositas repræsentat. In-
 de addit Aristoteles eodem loco: πεπαυδερμένῳ ἐστὶν ἐπὶ τοῦτοῦτον
 τὰ χεῖρες ἐπὶ τῇ καὶ ἐκ τῶν γένῳ, ἐφ' ὅσον ἡ τῶ πράγματι φύσις
 ἐπιδέχεται, *Hominis p̄dia instructi est, catenus exactam in*
ἡνοῦν, genere explicationem requirere, quatenus ferre
rei ipsius natura potest. Nihil enim, pergit, videtur inter-
 esse, utrum Mathematicum seras rationibus utentem ad per-
 suadendum accommodatis, an ab Oratore postules demonstra-
 tiones. Quibus verbis respexisse videri posset ad alterum il-
 lum Platonis locum ex Theæteto: Ἀποδεδειγμένῳ δὲ καὶ ἀνάγκῃ ἔδει
 ἡνελένε λέγετε, ἀλλὰ τῷ εἰκότι χρῆσθαι. ὃ εἰ ἐθέλοι θεοδωρῆ, ἡ ἀλλο-
 τὶς τῶν γεωμετρῶν χρῶμεν γεωμετρῶν, ἀλλ' ἔδει ἔδει μόνῳ ἂν εἶναι,
Demonstrationem necessitatemq; ne ullam afferatis, sed veri-
similitantum utimini ratione. Quâ si vellet Theodorus, aut
 quivis alius Geometra in disputationibus Geometricis uti, nul-
 lius pretii prorsus æstimaretur. Gemina his Aristoteles etiâ
 habet dicto lib. i Ethic. c. 7; nec non lib. 2 Met. c. 3, ubi
 ait: *Oportet institutum esse, πεπαυδῆσαι, scientia alicujus au-*
ditorē, quomodo singula sint demonstranda. Nec n. oportet cer-
 titudinē Mathematicam, τὴν ἀκριβολογίαν μαθηματικὴν, in cun-
 ctis quærere, sed in iis solum, quæ non habent materiam, in na-
 turalibus non item. Tota enim fermè natura materiam habet.
 Ad quæ verba ita Alexander Aphrodisiensis ex interpretatione
 Joannis Genesii Sepulvedæ Cordubensis: Innuit in uni-
 versum peritum esse oportere, nosseq;, quo quæq; modo præ-
 cepta debeat audire. Neq; enim sunt omnia similia: nec si-
 militer exacta doctrina postulatur omnium, præsertim qui de
 rebus audituri sunt, de quibus susceptus est sermo, quæ neq;

sensibilia sunt sive de sensibilibus, nec nobis nota aut familiaria.

§. V. Deniq; & hoc ad παιδείαν requiritur, ut quis no-
rit, quodnam κριτήριον sit, ad quod revocet ea, quæ proposui-
tus est doctor. Quo nomine non solum id intelligimus, ad
quod referuntur res omnes, quæ in disciplinā aliquā pertra-
ctantur, quale quid in scientijs contemplativis est objectum,
tali vel tali modo consideratum, in activis verò & effectivis
finis, quia Galeno, ut supra jam visum nobis, lib. de tuend. sa-
nit: ad Thrasyb: c. 29 disertè κριτήριον vocatur ἀπάντων τῶν κατὰ
τὰς ἀρχάς, atq; ante omnia probè illic attendendus, tum quia
ἐννοια seu notio eius ἀρχή principium est ἐν ταῖς μεθόδῳ ἐνι σω-
ταμέναις τέχναις τῆς συστάσεως, ut idem scribit lib. 1 de metho-
do medendi c. 7: tum etiam, quia eo probè constituto faci-
le advertere potest auditor, num doctor quæstiones alienas
tractet, an ad scientiam pertinentes; item num rectè defini-
at, annon: sed & in primis primum illud, ad quod ultimò re-
ducuntur theoremata scientiæ, velut ad stateram & normam,
ut innotescat, sinne vera, annon. Quale κριτήριον supra
in iis quidem, quæ ex lumine naturæ indagantur, osten-
dimus esse sensum & rationem, sensu quasi ferruminatam; in
ijs autem, quæ fines luminis istius transcendunt, fidem nixam
revelatione, quæ scilicet in Scripturis sacris continetur. Unde
Basilii Magni in Psalm: 115: Δὶ τῶν ἀκροατῶν τῆς πεπαιδευ-
μένῃς τῆς ψαφῆς, δοκιμαζὲν τὰ παρὰ τῶν διδατῶν λέγόμενα - καὶ
τὰ μὲν σύμφωνα ταῖς ψαφαῖς δεχέσθαι, τὰ δὲ ἀλλότρια ἀλλότρια ἀποβάλλ-
ειν, καὶ τῆς τοιούτης δογμασῇ ἐπιμένοντάς, ἀποτρέφεσθαι σφοδρότερον.
*Oportet auditores discendi prudentiā insignes in Scripturis
explorare omnia, quæ dicuntur à doctoribus. & quæ consonant
Scripturis admittere, abjicere verò, quæ sunt aliena, imò eos,
qui hujusmodi doctrinis addicti sunt, magnā cum vehemen-
tiā aversari.*

VI. Jam universè pene hæc omnia in ipsâ Analytica scientiâ traduntur. Ostendit ea, quomodo vera à probabili-
 bus, propria à communibus & alienis sint discernenda; item,
 quarum rerum causæ sint quærendæ, quarum non; quæque
 per se sint nota, & non per se nota: rursus, quæ definiri queant
 definitione propria dictâ, quæ non: quæ res ferant rō ἀναλυτικῆς
 omnibus numeris absolutum, quæ non: quæque sint propri-
 etates τῶ ἀναλυτικῆς absolutè dicti, nempe quod illud non solum,
 sicut Clemens Alexandrinus quoque observat lib. 8 Stromat-
 um, oporteat esse ἀνολύσιον; sed & evidentissimum, & si quæ
 sunt id genus alia. Unde dubium non est, quin ad facultatem
 illam discantis, quam prædiciam diximus, non parùm adjumen-
 ti afferat ipsa Analytica, seu demonstrandi & definiendi scien-
 tia. Sanè absque omni eorum, quæ huc spectant, notitiâ im-
 possibile est, ut quis in scientiis addiscendis rite versetur.
*Quemadmodum enim (utitur hac similitudine alicubi Sim-
 plicius) qui ad Circen accedunt, nisi moly herbam secum
 ferunt, incantationibus ejusdem facile circumveniuntur: ita
 & facile decipiuntur, qui præceptorum analyticorum doctrinâ
 non præmuniti ad Philosophorum aliorumque scholas accedunt.
 Afferunt enim judicium ineptum, neque sensus capiunt re-
 conditiones. Quam ob causam etiam Alexander Analyticæ
 mentionem injicit in 2 Met. 3, ubi de prædiciâ est sermo: Περὶ τοῦ
 δευτέρου, inquit, est exactum eatenus in unoquoque genere flagi-
 tare, quatenus fert ipsius rei natura, quod per posteriora ana-
 lytica demonstrat. Et postea: His verbis significat Aristote-
 les, in resolutoriis & omnino in Logicis exerceri oportere, ut
 demonstrationum modos quis cognoscat & rationum conclusiones.
 Non tamen ideo Analytica eadem esse putanda est facultas cū
 prædiciâ. Analytica enim habitus est docentis, quo is idoneus
 redditur ad rectè docendum, at prædiciâ habitus est discantis;
 quoque*

quorum ille *agens* est, hic *patiens*. non solent autem eadem esse facultates *activa* & *passiva*, sicut non eadem est δύναμις, per quam ignis calefacit, & per quam aqua calefit; nec eadē, per quam Sol illuminat, & aer illuminatur; nec eadem, per quam coelum movet, & per quam inferiora hæc moventur. Adhæc Analytica, quæ ad benè docendum absolutè necessaria est, ars est. Docere enim est scientiam producere, sicut & Plato in Theæteto ait, docere vulgo dici τὸν ἐπισήμης παραδιδόντα, *scientiam tradentem*, discere verò παραλαμβάνοντα, *scientiam accipientem*. Producere autem scientiam est ποιεῖν τι, *efficere quidpiam*, cum post actum hunc relinquatur quidpiā, cujus gratiā ille est susceptus 6 Eth. 4. At principium τῆς τέχνης in ijs, quæ ad ποιεῖν pertinent, ars est: præcepta autem ejus, quatenus ex suis manifestantur principijs, ad scientiā spectant; quæ quidē docenti absolutè necessaria nō est (Ut enim in Practicis vir prudens rem publicam benè administrare, litem feliciter dirimere, atque id genus alias actiones feliciter præstare potest, etiamsi scientiā Politicā instructus non sit; atque in effectivis Medicus expedire & promptè ægros curare potest, si arte Medicā sit imbutus, etiamsi scientiā ipse non polleat: ita & scientificus Doctor rectè docere potest, si arte docendi sit insignitus, quantumvis ipsā docendi scientiā careat): multum tamen sine dubio confert ad melius esse ipsius. Quemadmodū n. melior & in majori estimatione habendus est Medicus ille, qui non solum ex arte adhibet ea omnia, quæ ad restituendam ægro sanitatem faciunt, sed & causas exactè novit, cur ista sint adhibenda: ita & in majori pretio habendus est ille Doctor, qui non solum ἐν τέχνῳ seu arti consentaneè adhibet media ad finem consequendum conducentia, sed & præterea scientificam eorum notitiam habet, sive causas novit, cur hisce medijs & non alijs finis commodè obtineri queat. Ast

pædia nec scientia, nec ars est. Ars enim efficit quidpiam. Pædia autem nihil efficit, sed iudicat tantum, an quid bene fiat, nec ne, perinde ut convivæ cibum non conficiunt, quem apponunt, sed iudicant solum de eo, an recte sit præparatus, experiëntiâ ejus instructi. Porro disciplinæ singulæ, quatenus ut methodi, rectæ scilicet & congruentes (methodus enim prava methodus propriè non est, quemadmodum & perversus ordo non est ordo, sed παρέκβασις transgressio ordinis sive ἀταξία, & respublica mala respublica simpliciter nō est, sed παρέκβασις πολιτείας 3 Polit. 7 & lib. 4 c. 2) spectantur, compositæ veluti sunt ex scientiâ & Analyticâ, at non ex scientiâ & pædiâ, quæ *diversus* à scientiâ habitus est lib. 1. de Partibus Anim. c. 1. Denique cum Analytica vim suam per omnes scientias diffundat, pædia cuique scientiæ propria est. Quod non obscure docet Philosophus lib. 1. de Partibus Animal. c. 1. Ait enim circa *quamvis θεωρίαν & μέθοδον* esse *duos habitus*, quorum alter sit *scientia*, quæ scilicet in doctore residet & per doctrinam communicanda est discenti; alter παιδεία ἢ, *pædia quædam*, quam dicit esse facultatem εὐστόχως, *solenter, iudicandi*, *quidnam rectè aut non rectè doceatur*.

VIII. Non nescimus quidem, eos, qui secus sentiunt, pro se arripere divisionem pædiæ, quam affert Aristoteles lib. 1. de part. Anim. c. 1 & 1 Ethic. c. 1, videlicet in *universalem & particularem*, quarum *illam* Aristoteles τὴν περὶ πάντων, seu ὅλης παιδείαν nominat, hanc autem unius alicujus certæ rei, veluti naturæ animalium aut actionum humanarum, atque hanc quidem ab Analyticâ concedere esse distinctam, illam autem eandem cum Analyticâ facere. Verùm petunt hoc ipso τὸ ἐν ἀρχῇ. Aristoteles enim de eo, qui pædiâ universali præditus est, 1. de Partibus Anim. ait, quod unus idemque aptè

aptè judicare possit *περὶ πάντων*, de omnibus in universum rebus, num rectè doceat Doctor, in quocunque scientiarum genere sit occupatus, sive in Mathematicis, sive in Physicis, sive in Politicis &c. Quod ipsum & in Ethicis inculcat. Ait enim: *Ἄνθρωπος ὁ καὶ ἐκαστον πεπαιδευμένος, ἀπλῶς δὲ ὁ περὶ πᾶν πεπαιδευμένος, de singulis quidem rebus, qui in singulis est eruditus. Absolutè autem & universè de omnibus, qui in omni doctrinæ genere est versatus.* Jam autem Analyticus, quā talis, non judicare potest de omnibus, quæ ad modum singularum spectant scientiarum. Occupata namq; solūm est Analytica in ijs, quæ communia sunt scientiis cunctis. Verbi causā novit Analyticus, quod non omnes scientiæ easdem habeant demonstrationes: sed quid in specie intersit inter demonstrationes has & illas, verbi causā Physicas & Politicas, ipsi non constat. Novit in universali, quod ex propriis cujusque disciplinæ principiis demonstrationes sint faciendæ: sed quæ speciatim hujus vel istius disciplinæ sint principia, ipsi, quā Analytico, non est perspectum. Novit in cunctis disciplinis non æqualem esse exigendam ἀκρίβειαν: qualis autem sit ἀκρίβεια uniuscujusq; scientiæ, id itidem exploratum haud habet. Deniq; & hoc novit, quod in quavis disciplinā sit κριτήριον, ad quod reducenda sint theoremata omnia istius disciplinæ: sed quodnam illud sit in quavis scientiā, similiter ipsum fugit. Novit autem hæc omnia ὁλως πεπαιδευμένος. Ὅλως ergò παιδεία Analytica non est, sed quasi complexus omnis prædiæ particularis, quæ circa disciplinam quamvis occurrit. Quod & non obscure docet Eustratius in Comment: ad locum i Ethic: cum ait: *Ἐπεὶ δὲ καὶ ἐκαστον πάντες ἄνθρωποι ὑπὸ τὸν καθόλου ἀνάγονται, ὁμοίως καὶ οἱ πεπαιδευμένοι ὑπὸ τὸν καθόλου πεπαιδευμένοι.* ὥσπερ δὲ καὶ ἐκαστον πεπαιδευμένος κρίνει

χαλῶς ἐκείνο περὶ τὸ πεπαιδευταί, ἵνα εἰ τις ὀπόθοιτο ἀπλῶς εἶναι περὶ πάντων
 πεπαιδευμένον ὡς, ἔσαι κριτὴς ἀγαθὸς ἐκείνῳ τὸ κρινόμενον πάντος.
Quemadmodū omnes singulares homines ad universale reducuntur; ita & πεπαιδευμένοι ad universaliter πεπαιδευμένον. Uti
ergo πεπαιδευμένῳ circa rem quampiam certam rectè de eā
ipsā judicat, ita si quis ponatur circa res omnes πεπαιδευμένῳ
esse, is omnium, quæ judicio subjunt, bonus erit judex.
 Nascitur posterius hoc παιδείας genus ex ingenio ad omnium
 rerum docendi modum percipiendum versatili, quale vide-
 tur fuisse Hermodori, quem cum civitate expellerent Ephesii,
 clamarunt: Nemo de nobis unus excellat, sed si quis exite-
 rit, alio in loco sit & apud alios, teste Strabone lib. 14 Geo-
 graph: nec non ex πολυπείρῃ, sive multarum rerum experi-
 entiā. Prius autem illud provenit ex certi cujusdam gene-
 ris peritiā, quam juvat naturalis instinctus ad perceptionem
 faciliorem generis istius. Inimica autem utriq; non parum
 est mala informatio ab ineunte ætate aut prava consuetudo.
 Ferè enim fit, advertente etiam Aristotele lib. 2 Met. c. 3, ut
 discendi rationem homines consuetudine astiment & meti-
 antur. Nempe ut soliti sumus discere quædam, ita quæ-
 cunq; porro discenda & exponenda sunt, hac ratione tractan-
 dacensemur & quæcunq; præter istam dicuntur, non viden-
 tur nobis similiter credenda, sed ignotiora, & peregrina, atque
 fidei sublesta. Quod illustrat Aristoteles non solum exem-
 plo legum, de quo jam antè diximus, sed & inductione. Qui
 enim, ait, Mathematicis solis à teneris annis assueverunt, ne-
 minē deinceps faciliē, nisi Mathematicè demonstrantem, ad-
 mittūt; alij autē non nisi exemplis doceri volunt; alij rursus
 non faciliē quid recipiunt, nisi testis aliquis producat Poëta;
 alij verò cætera omnia volunt. Quosdam deniq; nihil ma-
 gis offendit, quàm exquisitum docendi genus, vel quod ejus
 non

non sint capaces, διὰ τὸ μὲ δύνασθαι συναρπῆν, idè quod conne-
 dere non possunt, quæ aliquanto longius sunt dissita; vel quod
 illiberale ducant ad istam, quam τὸ ἀκριβὲς habet, descendere
 μικρολογίαν. Unde & simul liquet, quantum ad capeffendam
 scientiam habeat momenti, si quis à primâ juventute bonum
 ac prudentem nactus sit magistrum. Non enim exigua est in
 eluendis, quæ semel insederunt vitiis, difficultas, cum gemit-
 natum onus succedentes premat, & quidem dedocendi gra-
 vius ac prius quàm docendi, ceu loquitur Quintilianus lib. 2
 Instit. Orat. c. 3. Est verò præter istud, de quo hacten-
 us, adhuc aliud παιδείας genus, scientiarum auditoribus itidè
 necessarium, quod παιδίαν dicere liceret *impedimenta remo-*
ventem, ut alterum illud dirigentem, ad quam quidem παιδίαν
 pertinet *virtus moralis*, quæ vim habet animum purgan-
 di, ut ostendunt Lysis Pythagoræ in Epist. ad Hipparchum,
 Plato item lib. 7 de Republ. ac Chalcidius in Tj-
 maum Platonis, & alij; nec non *elementa*, quæ Aristoteles
 apud Gellium lib. 20 Noct. Attic. c. 4 vocat *eruditionis*, seu
 disciplina ἐγκύκλιος aut institutio in artibus liberalibus, ut sunt
 Grammatica, Arithmetica, Geometria & similes, quam
 πρώτην παιδείαν vocant Galenus lib. de libris proprijs & Syne-
 sius in Dione, Suidas autem προπαιδείαν, cum ait: Προπαιδεία
 τὰ πρῶτα μαθήματα; Julius Capitolinus porro in Maximino *prī-*
tam disciplinam; alij denique πολυμαθείαν vel πολυμαθησύνην,
 quæ imbui ante omnia necesse sit eum, qui ad scientiarum ar-
 cana audienda cupit admitti, sicut & Pythagoras apud Sto-
 bæum Serm: 41 observat his verbis: ὡς πρὸ τῶν μεγάλων μυστη-
 ρίων τὰ μικρὰ παραδοτέον, καὶ πρὸ φιλοσοφίας παιδείαν, ut ante
majora mysteria tradi debent minora, sic & liberales artes
ante Philosophiam. Verùm de hâc elementari institutione
 prolixius agere hujus non est loci. Adsum decâ abunde est

alibi, ex parte etiam à nobis, videlicet in Introductione ad lectionem Aristotelis n. LX & seqq.

IX. Uti autem post bonitatem indolis facultas illa, quæ *παιδεία* dicitur, apprimè necessaria est ei, qui per informationem ad scientiam cupit pervenire: ita non minus, imò etiam multò magis tam ingenii bonitate, quàm dexteritate iudicandi de ijs, quæ ad modum scientiæ pertinent, opus est illi, qui scientiam aliquam proprio Marte vult invenire. Priori enim illi, sicubi fortè impingat, succurrere interdum ipse magister potest atque in orbitam eum reducere; hic autem si ab ingenio suo deferatur, operam & oleum perdere cogitur, ceu vetus proverbium habet. Pollere autem eum præprimis oportet ea *εὐφροσύνης* parte, quam Aristoteles *ἀγχινοια* appellat, atq; definit *εὐνοχίαν ἵνα ἐν ἀσκήπτῳ χρόνῳ τὸ μέγιστον* lib. 1 Post: c. 34 (27), §. 1. *conjectationem quandam medijs brevissimo tempore.* Veluti, si quis, quo exemplo idem Philosophus ibidem §. 2 hanc rem declarat, *videns Lunam semper habere partem luminosam versus Solem, è vestigio conjectet, id ideo fieri, quod Luna sit astrum accipiens lumen à Sole.* Quali facultate Iliodorum fuisse præditum testatur apud Suidam in voce, *ἀγχινοια*, Damascius, dicens habuisse eum *ὁξὺν καὶ ἀγχινοῦν φύσεως δύναμιν ἐπὶ πολλὰ δὲ εὐχρηστὴν φερεσθαι δυναμένην ἐτοιμοτάτην συνιέναι καὶ γινώσκειν τὰ ἴχνη τῶν θηραμάτων, acutam & solertem ingenij vim, quâ brevi temporis spatio multa potuerit percurrere, promptissimam ad intelligendum & cognoscendum vestigia rerum investigatarum.*

X. Patet verà una ex his, haud esse reprehendendos scientificos Doctores, si non apud omnes suam scientiam jactent. Præterquam enim quod scientia nostra, comparata cum ignorantia, sit velut punctum ad universum, quod minima sit pars eorum, quæ scimus, maxima è contrario illorum,

quæ

quæ ignoramus; nō sunt insuper omnes idonei de sciētia judicare, sed πεπαιδευμένοι solum sive genuini scientiarū auditores. Apud hos ergo solos de iis, quæ scientiæ alicui interna sunt, est differendum, non apud imperitos. Ut enim cæcis frustra accenditur lumen & surdis frustra quærentur voces Musicæ sive harmoniæ: Ita & frustra scientiæ arcana panduntur iis, qui percipere ista non possunt, quod judicare de iis nequeant, sive rectè tradantur, sive non. Quod spectant & illa Aristotelis ex lib. 1. Post. c. 12. §. 7: *Apud Geometria imperitos non est de Geometria differendum. Latebit enim vitiose differens. Similiter autem se res habet etiam in aliis scientiis.* Factum quoque hinc, ut alii priscorum Sapientum non quovis promiscuè disciplinis imbuerent liberalibus, sed quorum ingenia prius explorassent, quod Pythagoræ, Protagoræ, Zenonis, Platonis, aliorumque exemplis fusè satis confirmavimus Introduct: in lectionem Aristotelis n. II X & IX. Sed & nota sunt ista Hippocratis in νόμος: τὰ δὲ ἱερὰ ὄντα πράγματα, ἱεροῖσιν ἀνθρώποισι δεικνύται. βεβήλοισι δὲ, ὃ θέμις, πρὶν ἢ τελεθῶσιν ὀργίῳσιν ἐπισήμης, *Hæc cum sacra sint, sacra hominibus demonstrantur, profanis verò talia monstrari nefas est, priusquā fuerint scientiæ sacris initiati.* Atque hoc ipso rursus Dialectici λόγοι à scientificis discriminantur. Illi enim diriguntur promiscuè ad quovis. Ex quo Dialectica inter alia utilis esse dicitur & πρὸς τὰς ἐντεῦξας, lib. 1. Topic. c. 2 §. 4. hoc est, τὰς πρὸς τῆς πολλῆς συνηθείας, ut exponit Suidas, *ad congressus cum vulgaribus & indoctis hominibus.* Hi autem directi sunt πρὸς οἰκίους & γνησίους ἀκροατάς, *ad idoneos & genuinos auditores.* Illorum enim finis est ὁπινία, cujus & vulgus est capax: horum autem scientia, quam non omnes assequi possunt, sed πεπαιδευμένοι solum, sive habitu isto, quem hactenus descripsimus, instructi.

FINIS.

Pag. 34 lin. 1. post verba illa. *Vid. lib. 1. Post. c. 33.*)
 Item lib. 1. M. M. c. ultimo, ubi Philosophus animum
 opinione imbutum ait ἐπαμφοτερίζων, id est, ambigere, & nunc
 hoc, nunc illud sentire. Sed & factum hinc, ut scientiam
 aliqui definierint ἐπὶ πολλὴν ἀμετάφραστον, comprehensionem ejus-
 modi animi, quæ nullâ persvasione queat interverti, teste co-
 dem Philosopho lib. 6 Topic. c. 8 §. 1.

Pag. 68 lin. 3 post verba hæc, *in 1 Topic.*) Sed & alibi
 idem Alexander disquisitionem δοξαστικὴν, sive Dialecticam,
 ἐν ἑστῇ vocat ἀναλυσιν: eam verò, quæ ad Philosophiam accom-
 modata est cognitionem appellat ἀλεωδῆ. Ammonius quoque
 ὁρθοδοξαστικῶς & ἐπιστημονικῶς scire inter se ita opponit, ut hoc per
 causam scire dicat, illud sine causâ, atque illud quidem Phi-
 losopho, hoc autem Dialectico vendicet. Denique & Philo-
 poni ista huc pertinent ex Proxio in 1 de Animâ: ἡ μὲν γὰρ δό-
 ξα καὶ γίγεται περὶ τὸ κατὰ τὸ ἐν τοῖς αἰσθητοῖς. τὸτο γὰρ γινώσκῃ,
 διὰ τὸ δὲ οὐκ εἶδεν ἢ δόξα ὅτι διανοίας ἔργον ἐστὶ τὸτο, δόξης δὲ τὸ ὅτι μὴ
 νοῦν εἶδεναι, *Opinio nascitur circa universale, quod est in sen-
 sibilibus, hoc enim cognoscit; propter quid verò, sive cau-
 sam, non percipit opinio, quod διανοίας, hoc opus sit, vel scien-
 tiæ, quæ perfectio est διανοίας: opinionis verò solum quod
 sit cognoscere.* Neque his obstat, quod inter locos Diale-
 cticos habeatur & is, qui ab efficientibus & corrumpentibus
 est desumptus, ἐκ τῶν ποικιλικῶν καὶ φθαρλικῶν, ceu videre est 2
 Topic. 9 §. 3. Ποικιλίᾳ enim ibi non præcisè veras causas
 designant, sed indefinite ea omnia, quæ quoquomodo sive per
 se, sive per accidens faciunt ad aliquid constituendum. Adhi-
 betur insuper locus ille ad bonitatem rei probandam aut co-
 arguendam, non ad ὑπαρξιν rei ostendendam, qui est scientifi-
 cus modus causas tractandi. Sed nec illud contrarium evin-
 cit, quod inter fallacias, quæ in Sophisticis Elenchis ad Dia-
 lecti-

lecticam spectantibus, enumerantur, ponatur & fallacia ista, quâ falsa causa pro verâ adducitur. Non enim de causâ τὸ πραγματ. istic sermo est, sed solum τὸ συμπερασματ. Com- mittitur siquidem σόφισμα hoc, cum Sophista causam absur- dæ conclusionis ait esse assertum ejus, quem convincere la- borat, quum tamen non inde illud sequatur, sed ex aliquâ pro- positione ipsiusmet interpositâ. Unde & alibi, videlicet lib. 2 Prior. Analyt. c. 17 genus hoc deceptionis Philosopho vo- catur μὴ παρὰ τὸ το, Et lib. Sophisticorum Elench. c. 28 σο- φίσματα, quæ sunt hujus generis, concludere dicuntur παρὰ τὸ προσκείμεν. ἢ, propter aliquid adjectum. Non negamus ta- men quadantenus etiam Dialecticum ex causis concludere, aut spectatis non κατ' ἀλλοθῆαν, sive in ac per se, sed κατὰ δόξαν. Quo sensu Aristoteles lib. 3 Topic. c. 1 §. 5 : Quod per se, inquit, est causa boni, optabilius est eo, quod est causa per accidens, nempe quod est causa per se boni κατὰ δόξαν, secun- dum opinionem aut vulgi aut sapientum. Nec aliter intelli- gendum est, quod dicitur ibidem §. 13 : Cum duo sunt effe- ctiva, cujus finis est melior, illud ipsum quoque melius est. Ul- terius differt quoq; per has conditiones Demonstratio rursum ab enthymematibus seu Oratoriis syllogismis. Quamvis enim inter locos, ex quibus illi petuntur, etiam locus à causis nume- retur 2 Rhet. c. 25; tamen & in ijs causa non ex re ipsâ desu- mitur, sed ex opinione, quam de rebus & causis earum con- ceptam habent homines χαρίεντες, ut eos vocat Philosophus lib. 1 Ethic. c. 5. politiores & ad republ. accedentes.

Pag: 133 post verba ista, *considerandum reliquit.*) Un- de merito Isidorus Pelusiota lib. 1 Epist. 405 : Οὐκ ἐπιφυσικῶς ἀποδείξας τῶν ὑπὲρ φύσιν ἔχον, Non oportet rerum earum, quæ naturam superant, è naturâ petitas quærere demonstrationes. Recteq; etiam ab Hieronymo aut quocunq; alio usurpatum est illud : Quid mihi cum Theologiâ, quando versor in Phi-

Philosophiâ, & quid mihi cū Philosophiâ, quando verfor in Theologiâ. Sed & Guilielmi Antistiodorensis ista ex lib. 1. summæ Theolog. legi hîc merentur: Si considerassent hæretici res divinas excedere res naturales, nunquam proprias rationes rerū naturalium applicare voluissent rebus divinis: quoniam, sicut dixit Boëtius, eruditi hominis est, de unaquaq; re, prout ejus natura exigit, sermonem habere. Hæc ill.

Pag. 243 lin. 14 post verba, *extruit Architectus.*) Et de hoc sine loquuntur Philosophi, quando ajunt, nos homines quodammodo finem esse rerum omnium, maximè sublunarium, quod omnes ad nostrum usum sint comparatæ. Εὐ μέν τ' αὖς τοῖς ἡμῖν τὰς ἀποφύλακταις, inquit Aristoteles lib. 2. Phys. t. 24. *sumus quodammodo & nos finis.* Quibus consentiens & R. Mose Maimonides in Portâ Mosis scribit: Ut summam dicam, sciendum est, omnia, quæ sub spherâ, Lunæ reperiuntur, hominis tantum gratiâ facta esse. Quod prolixius ibi diducit, & inductione cū animalium, tum plantarum, aliarumq; rerum, declarat.

Pag. 273 lin. 2 post verba, *quæ ratione Luna est aliquid externum.*) Verum non absre dubitaverit quispiam, an cuncta ista, quæ pro causis efficientibus passionum ab his venditantur, pro causis efficientibus propriè dictis sint habenda. Veluti, an ratio sit causa efficiens docilitatis. Non enim illa hanc per motum in subjecto producit, sed hæc potius illam sequitur, ceu consecrarium aliquod formæ, ex cujus ratione resultat. Eodemq; modo & aptitudo ad interitum sequitur propensionem ad formas contrarias, ceu consecrarium aliquod ejus, quod ad materiæ pertinet rationem. Qui enim dat formam, dat etiam consequentia formam. Quoniam nihilominus effectus tales, quales diximus, sive ex formâ, sive ex materiâ, manant, indeq; naturâ iis sunt posteriores; neque hæ sunt in istis, sicuti in subjectis sunt, quæ cuncta ista participant, sed extra illa potius, habent hæc ænus materia pariter ac for-

forma respectu affectionum istarum aliquid, quod causæ effici-
cienti respondeat κατ' ἀναλογίαν, indeq; & quodammodo earum
causa efficiens dici possunt, non quidem propriè sic dicta,
impropria tamen seu analogica, quam Scholastici insigni-
re solent appellatione efficientis per emanationem. Quæ de
re accuratius agere non hujus est loci, sed munus Philosophiæ
primæ.

Pag. 48 l. lin. 23. ponatur post verbū) Cum n. ea, inquit Alexander ad 7 Met: t. 4, 3, quæ ultimam differentiam præcedunt, velut materia sint, in materiâ autem, quâ materiâ, non sit prius & posterius, neq; enim in æstatu hac pars prior est, illa posterior, quomodo in definitione dicere licet, hæc pars est prior, illa posterior. Atq; hinc & 2 Post. 13 Philosophus differentias generis divisiwas συμβάλλοντα, sive συμβεβηκότα, accidentia, appellat.

XV. Neceff, quod quis excipiat, ingredi tamen genus definitionem differentiarum, id aut, quod ad definitionem aliqujus, pertinet ab hoc ipso participari sive essentialiter de eo prædicari, adeoque in ipso includi. Nam & formæ definitionem ingreditur materia, quippe quam illa format vel determinat, aut certè compositum, cuius est forma, & tamen materia de formâ essentialiter non dicitur, quemadmodum nec compositum. Accidentium insuper definitionem ingreditur substantia, cui accidentia insunt, & tamen substantia essentialiter de iis haud prædicatur. Neq; enim accidens ut sit tale, quale generis aut speciei nomine designatur, verbi causâ, ut sit odor, color, triangulus aut quadratum, habetâ substantiâ sive subjecto, sed substantia potius ab his habet, ut dicatur odorata, colorata, triangularis, quadrangularis. Paucis, definitiones nō sunt unius generis, sed alię propria, alię minus propria. Illæ substantiarum sunt & quidem compositarum. Ut n. hæc absolutum ἑνόςq; habent, non consistens in σχέσις seu relatione,

sicuti ^{ver} materiae & formae: ita & absolute definiuntur. Hæ autem *accidentium* sunt & *formarum*. Ut enim illa insunt subiecto, cui accidunt, & hæ iis, quorum sunt formæ: ita & definiuntur *ex προθέσει* sive ex *adjectione* illorum, perinde ut *simum* ex additione nasi, *claudum* ex additione tibiæ, *crispum* ex adjectione capillorum, & sic deinceps lib. 7 Met. c. 4 & 5. Sic *sapor*, qui simpliciter spectatus, accidentis rationem habet, est ἡ τῆς ἑρῆς καὶ γλυκύς τῶ ὑγροῦ ἐναπομῆς, *mistio partis siccaterrenaq; in humido*, vel τῆς ἑρῆς διὰ τῆς ὑγρῆς διόρυς ὑπὲρ θερμῆς, *partis sicca per humorem ex vi caloris percolatio*. *odor* autem est τῆς ἐν χυλῷ ἑρῆς τῶ διαφανέμενης, *partis sicca. sapida non transparentis, hoc est, translucido corpore mistio*, ut definit Theophrastus lib. 6 de causis plant. c. 1. deniq; *color est extremitas diaphani in corpore terminato* lib. de sensu & sensib. c. 3. *Anima* verò, quæ est forma, *actus est corporis naturalis organici potentiâ vitam habentis*, 2 de Animâ t. 6. Non alia autem est ratio & *differentiarum*, quippe quæ & ipsa definiuntur *ex προθέσει*, ex *additione* videlicet *generis*. In istiusmodi autem definitionibus quæ ponuntur, non omnia insunt essentialiter, veluti illud, quod subiecti rationem tenet & differentia loco poni consuevit. Exempli gratiâ: Perspicuum terminatum non dicitur essentialiter de colore, nec de animâ corpus naturale, quamvis respectus ad perspicuum terminatum colori seu passioni & habitudo ad corpus naturale animæ, ut eorum cuiusdam formæ, essentialiter insint. Pariter verò nec genus essentialiter de differentiis prædicatur. Habet namq; & illud subiecti rationem, quod diversimodè afficitur à differentiis. Ex quo & materiae illud cum differentiis collatum rationem subire ante ex Aristotele aliquoties fuit inculcatum.

XVI. Sed ita, inquires, fieri non potest, ut ex genere & differentiis constituatur unum per se. Non inerunt enim hoc pacto

pacto differentiae per se generi, nec genus differentiis, cum
 nec hæc de illo, nec illud de his essentialiter prædicentur. Ex
 talibus autem non fit unum per se, sed per accidens, perinde
 ut ex naso & curvitate. Verum nondifficile est vel ex iis, quæ
 modò tacta sunt, ad id respondere. Ututenim inter na-
 sum & curvitatem ex unâ, & genus ac differentias ex alterâ par-
 te sit aliqua similitudo, sunt tamen de cætero ista & dissimilia
 non parùm. Similitudo quidem in hoc consistit, quod ut
 curvitas naso quidem sîmo inest per se & primò, naso autem
 simpliciter spectato per accidens & propter nasum sîmum: sic
 & differentiae speciebus insint primò & per se, generi autem
 per accidens & propter species. Ast in eo dissimilitudo occur-
 rit, quod curvitas omninò accidentaria sit naso. Nec enim na-
 sus habet naturalem ac internam propensionem ad curvita-
 tem: genus autem ad differentias, quæ cum eo speciem in
 genere substantiæ constituunt, habet aliquam à naturâ *δύναμιν*,
 id est, potentiam sive proclivitatem, perinde ut materia
 ad formam. Utenim hæc actus materiæ est: ita differen-
 tia generis est actus. Proinde ut ex materia & formâ, utut
 nec illa huic, nec hæc illi per se insit, sed utraque composi-
 to, fit tamen unum per se, quod illa ad hanc naturalem ha-
 beat coordinationem seu propensionem: ita & ex genere ac
 differentiis, utut illa sibi mutuo per se non insint, sed ambo
 speciei, fit unum per se, quod illa itidem ad has naturaliter
 sint coordinata, adeò ut *δύναμις* sive proclivitas ad has ei
 non accidentalis sit, ut naso non minus propensio ad curvita-
 tem accidentalis est, quàm curvitas ipsa. Quo accedit, quod
 curvitas habeat suum actum extra genus nasi. Est enim
 utrumque actu aut actum habet essentiæ ab alio separatum:
 ex duobus autem actu non fit unum per se, sed per accidens.

Genus autem, quâ genus & ad differentias relatum, non habet nisi rationem potentiae, differentia autem subit vicem actus.

XVII. Cæterum quamvis ordo non detur in substantiâ, adeoque necessitas nulla sit, quæ cogat genus primo, differentias autem posteriori ponere loco, aut etiam inter has ordinem quendam observare, conveniens tamen est, facilioris cognitionis ergo, id, quod latius est inter ea, quæ definitionem constituunt, prius in illâ locare, hinc autem, quæ minus latè patent, quod illud nobis notius sit sive facilius addiscatur. Ipsa enim natura ducit nos à cognitione & perceptione ejus, quod communius & magis confusum est, ad notitiam & perceptionem ejus, quod minus commune est & magis distinctum. Quâ de re amplior lib. III nobis dabitur occasio differendi. Atque hanc ipsam ob causam genus, quod latissimum est & communissimum ex ijs, quæ definitionem ingrediuntur, dicitur primum eorum, quæ in definitione ponuntur. Sic enim Philosophus loco, quem jam antè quoque citavimus ex 5 Met. 28: *Ἐν τοῖς λόγοις τὸ πρῶτον ἐνυπαρχον ὁ λέγεται, ἐν τῷ ἑστὶ τὸ το γένος*, *Quod primum in definitionibus inest & in quid predicatur, id genus est.* Latius enim genus est differentiis atq; his cognitis cognoscitur & ipsum, sed non vicissim lib. 6. Topic. c. 4. §. 5.

Ad pag. 564 lin. 2 5 post verba, *non credis.*) Quibus jungi potest & Aëtius lib. 1 Medic. non multum ab initio de medicamentis scribens: *Optimum est singulorum vires ab exacto experimento invenire neq; enim in hoc falli potes.* Græca, ex edit. Venet. Anno 1534 ab Aldo Manutio curata, hæc sunt: *καλίστον, ἐκ τῆς διακριμένης πείρας, εὐερίσκειν τὰς δυνάμεις ἐκείνης. ὃ γὰρ αἰσφαλέως ὅθεν ἐν τῇ δι.*

INDEX RERUM & VERBORUM.

A.

A B a privativo quæ incipiunt, duplici gaudere solent significatione, pag. 192, 711.

Abstrahere quid, 635. quæ abstrahuntur propriè, unam quandam habent peculiarem rationem, secundum quam considerantur, non consideratâ materiâ, in quâ insunt, 636. Abstrahi aliqua ab alijs possunt per considerationem intellectus, à quibus tamen reipsa non sunt separata, 317.

Abstracta & Concreta quomodo differant, 330. Abstracta non rectè dicuntur, quæ in Physicis considerantur, habitâ ratione aliarum scientiarum; rectius concreta vocantur, quia se habent ut simplicium, 635, sed nec ea rectè ita vocantur, quæ in Metaphysicis expenduntur, *ibid.* Abstracta per indifferentiam sunt nulla, 635, 636.

Abstractio opus intellectus est, 637 ejus objectum non sunt, quæ reipsa à materiâ sunt separata, 635, nec æquivoca 636. Abstractionem aliqui faciunt triplicem, unam à materiâ sensibili & singulari: alteram à materiâ non solum singulari, sed & universalis, non quidem secundum rem, secundum rationem tamen: ter-

tiam à materiâ omni, tam singulari, quàm universalis, secundum rem pariter & rationem, atque secundum hæc tria genera dividuntur scientias contemplativas in tres species, 633, 634. quæ sententia examinatur & rejicitur, 634 *seqq.*

Absurdū quid esse & verum nihilominus, nihil prohibet, 492.

Ab uno & ad unum quæ dicantur, 526. triplicis sunt generis, quædam vicina homonymis, quædam Synonymis, quædam sunt media inter duo ista, *ibid.* & *seqq.* quomodo singula ista sint definienda, 527 *seqq.* Eorum, quæ ab uno aut ad unum sunt, una datur scientia, 641.

Academici qui, 2. refutantur ab Augustino, non tamen firmiter satis, 5.

Accidere quomodo Socrati dicatur *ἄρθρον τοῦ ἑνός*, 316, 491.

Accidens quid, 555. idem esse & substantiam nil impedit, dummodò substantiæ vocabulum rectè accipiat, 493. Accidens etiam sine addito genere subiecti dicitur de subiecto, quo ipso à proprio distinguitur & differentia, 235. aliter definitur relatum ad subiectum, aliter relatum ad aliud quid externū, 485, 486.

486. Accidens quodnam opponatur primo & secundo modo per se, 80. Accidens oppositum tertio modo per se, 83. Accidentis oppositi primo & secundo per se modis ab accidente opposito tertio modo, sive accidentis prædicabilis & prædicamentalis discrimen, 84.

Accidentia non sunt omnes qualitates, 503. in eorum definitionibus perfectis semper ponitur substantia, aut expressè, aut tacitè saltem, 513. expressè, si spectentur ut *τὰ ἀντικείμενα*, tacitè, si ut species subjectæ, *ibid.* Accidentia separatim esse non habent, sed in alio sunt, in substantiâ scilicet, à quâ esse simpliciter habent, sicut substantia ab ipsis esse tale vel tale, 83, 84, 448. Accidentia esse dicuntur, quia sunt entis, sive quantitates, sive qualitates &c. 83. eorum esse est in esse, indeq; præsupponunt subiectum aliquod, cui insunt, quod semper est substantia, 302. Accidentia prædicantur de alio subiecto, quod non est illud ipsum quoddam, quod eorum significatur nomine, sed aliud, 83, non habent formam propriè, sed ipsæ sunt aliquales formæ, 275. etiâ illis aliqua insunt per se, quæ demonstrari de illis possunt, 302. non statim sunt accidentia, quæ figuram prædicationis habent,

ut accidentia, sed ea solum, quæ non insunt per se 490. Accidentia conferunt ad rei essentiam cognoscendam, non tamen quævis, sed propria, 378, 435, 537, 604. quoram, duo sunt genera, quædam simplicia, quædam opposita, 88.

Accuratior quomodo una scientia sit alterâ, 705 *seqq.* potest etiam unius scientiæ pars esse altera, 707, 708.

Actio & passio idem sunt reipsâ, differunt autem ratione, 610. Actiones speciem sortiri ex solo fine malè dicitur, sive actiones artificiales spectentur, sive morales, 697. Actionis finis bonus esse potest, ut tamen ipsa actio sit mala, *ibid.* Speciem ejus in moralibus mutat intentio, in aliis nō item, 698. Actio cum bona est cum omnes circumstantiæ rectè se habent, 697. cum ex fine æstimatur, non habet hic rationem finis, sed potius formæ, essentiam constituentis, *ibid.* & 698.

Activæ etiam quædam scientiæ dantur, & quidem propriè dictæ, 38, 324 *seqq.* *vid. practica, scient.*

Activum non eodem dicitur modo, 344, 345.

Actus naturâ prior est potentiâ, 627. Actus primus est propter secundum, 216, 217. atque ex hoc cognoscitur, 217, statimq; in eum fertur, nisi quid impediat, 218

INDEX RERUM & VERBORUM.

at, 218. Actus secundus est finis primi, 216, & nihil aliud, quàm forma ipsa, in actu spectata, 217. Ex actibus duobus, nullum respectum ad se invicem habentibus, non fit unum per se, fit tamē, si habeant ejusmodi respectum, ut alter sustineat vicem materię, alter formę, 479. Actus materialis omnis resolvitur in actum quendam priorem, immaterialis non item, 444.

Αδύνατον quomodo dicitur 192.

Æquivocatio magis latet in ijs, quę magis communia sūt, 535. orationem reddit obscurā, 552, ab eā vox liberanda est, cum talituritur scientificus Doctor, quod tamen non semper fieri necesse est, *ibid.*

in Æternis posse & esse coincidunt, 289. eorum principia sunt eterna 297.

Aëris differentię 500. levitatem habet intermediam, *ibid.* Ejus calor unde sit, 197. *seqq.* & unde frigus, 201. istius media regio non est sine omni calore, *ibid.* est tamen frigidior reliquis, & cur, 202.

Affectio propria est id in scientiis, quod de aliquo demonstratur, 94. Affectiois genus in ipsa ejus ponitur notione, si non explicitē, implicitē ramen & virtute 546. nomen ejus seorsim acceptum primò & directē significat formam, connotat autem subje-

ctum: cum verò subiectum additur, non connotat illud amplius, sed solum significat formam, *ibid.*

Affectioes proprię duas habent definitiones, aliam essentialē, aliam causalem, ex quibus simul junctis resultat tertia, 160, 442, 443. an definitiones hæc eadem sint cum tribus istis definitionum speciebus, ex quibus una dicatur principium demonstrationis, altera conclusio, tertia à demonstratione non nisi positione differre, 443 *seqq.* Affectio-num definitionem causalem aliqui formalem appellant, essentialē autem materialem, præter mentem quidem Aristotelis, 446, non tamen omninò sine ratione, & quę illa sit, 447. 448. Affectioes alię sunt externę, alię internę, & quę sunt ambę, 123; internę sunt duorum generum, 125. Affectio aliena cum demonstratur in scientiā aliquā, nascitur μεταβασις εἰς ἄλλο γένος, 132. Affectioes quę proprię & quę extraneę sunt in scientiis ut cognoscatur, in Theoreticis quidem ad genus ὑποκειμένου & quidam formaliter spectatum; in activis ad finem respiciendum est, 134, *seqq.* Affectioes quę demonstrantur, universali per se insunt, singularibus per accidens, quatenus sub

Fffff

uni-

INDEX RERUM & VERBORUM.

universali continentur, 315.
Affectus aliter definitur in Physi-
cis, aliter in Ethicis, aliter in
Rhetoricis, aliter in Medicis,
484.

ex Affirmante utrâque quando
sequatur aliquid in secundâ fi-
gurâ, 733.

Afirmatio natura prior est negati-
one, quia illa significat esse, hæc
non esse, 307. est simplicior,
ibid.

Agendarum rerum principium fi-
nis est, 568, 569, 696. qui non
semper adeo notus est, ut nulla
declaratione egeat, 691. Agit nō
quodvis in quodvis, sed in di-
spositum, 186. In agentibus &
patientibus omnibus duo sunt,
contrarietas & similitudo, 193.
Agens naturale agit sine cogni-
tione, 251. inter Agentia natu-
ralia & artificialia discrimen,
277. Agere & is dicitur, qui con-
siliium agentis dat: & qui illud
exequitur, 346.

Ἀρχή quid, 766.

Ἀρδιον est vox privativa sit, res ta-
men per eam significata, est posi-
tivum quid, 222.

Ἀκίνητον vox privativa est, res signi-
ficata tamen positiva, 222.

Ἀξιόβητα æqualis non obtinet in
omnibus scientijs, 110, 111,
700, 757, 758.

Alimenta attracta retinendi facul-
tas cur concessa vivētib; 257.

Alterantur multa per medium, ut

tamen medium ipsum non alte-
retur, 182.

Alterationes alia sunt à primis
qualitatibus, alia à tota substan-
tia, 187.

Amorille, quem Venerem inspira-
re rebus omnibus fingunt Poë-
ta, quis, 278.

An sit quæstio simplex est, 362. su-
tamen modo etiam composita,
363. Obtinet etiam in Diale-
cticis, 367. in accidentibus sin-
gularibus cognoscitur sensu,
420. aut uno aut pluribus, 420,
421. universalialia autem acciden-
tia An sint, cognoscitur ex ipsis
singularibus, 421. aut si genera
sint, per inductionem specierum
ibid. in substantijs compositis sin-
gularibus An sit irident per sen-
sum innotescit & quomodo,
421, 422. in universalibus
a compositis illud cognoscitur
eodem modo ex singularibus
compositis, ut accidentia uni-
versalia ex singularibus, 422.
forma quoque an sit ex sensu co-
gnoscitur non quidem primò &
per se, sed ex accidentibus, quæ
illam comitantur. *ibid.* materia
verò an sit colligitur intellectu
ex ijs, quæ manifestè sensibus
apparent. 423.

An sit quæstionis fundamentum
est historia 423. Duobus mo-
dis cognosci potest, per accidens
& per se, 423, 424; & per se
aut-

INDEX RERUM & VERBORUM.

rursum vel à priori, vel à posteriore, *ibid.* An sit & quid sit manifestare quomodo dicatur esse ejusdem διαφοράς, 424. An sit res quomodo cognoscatur à priori *ibid.* eam cognitionis rationem subeunt præcipuè substantiæ compositæ, 425. An sit à priori & quid sit etiam in compositis substantiis ex eodè innotescant, est tamen eorum modus utendi diversus 427. An res sit, à posteriore quomodo cognoscatur, 430. An sit cognoscendi ratio à priori respondet in quæstionum compositarum cognoscendi modis demonstrationi τὸ διότι, à posteriori autem demonstrationi ὅτι, *ibid.*

An sit non potest demonstrari de omnibus, quod etiam inter ea, quibus hæc quæstio applicatur, aliqua sint immediata, 430. potest tamen etiam de his Dialecticè probari, 431. item per syllogismos elenchicos, 432.

An sit in nonnullis ex sensu dignosci non potest, sed ex privatione potius aut negatione cognoscitur, ut an sint tenebræ, silentium &c. 432. An sit quæstio præcedit quæstionem quid sit, 961. An sit res non semper est querendum in scientiis, sed tum demum, quando illud dubium est, 662.

Ἀναλόγητος quid, 192.

Ἀνάλογα quid propriè, 642. distingatunt à communibus ab uno & ad unum, 643. non pertinent ad unam scientiam nisi per accidens, *ibid.* possunt tamen quædam ad genus univocum certo modo revocari, *ibid.* ἡ γὰρ τὸ ἀνάλογον electionem in problematum scientiis instruere quid Aristoteli sit, 644.

Ἀναλογία quid in Mathematicis, 642. per hanc quando vox aliqua rebus accommodatur, rectius illæ παρωνύμιος ab eâ dicuntur ἐκείνην ἔχειν, quam illud ipsum, quod eâ denotatur v. c. Ignis cælo contiguus rectius πυρῶδες, quam πῦρ, atq; id, quod carni in animalibus contiguū est, σαρκώδες, quam σὰρξ, 199. per Analogiam res cognoscendi ratio Platoni spuria dicitur & adulterina, 423. per eam cognoscitur materia prima, *ibid.* & 437.

Ἀναλόγη quid propriè, 684, 687. sum id fecerunt Geometræ, 664.

Ἀναλογία quid Geometris, 684. quid Philosophis, 620, 685, *seqq.* quomodo differat à demonstratione, 685, & synthesi, 686, 687. Ea & synthesis locum habent in omnibus scientiis, quatenus illæ sub ratione disciplinarum & disciplinarum spectantur, 688 *seqq.*

Analytica tradit modum docendi omnibus scientiis communem, 747, 762; ex quo & Aristoteli dicitur

dicatur versari circa demonstra-
tionem & scientiam, 748. Ejus
ignorantia facit, ut quis impin-
gat circa modum docendi, 748,
749. multum confert ad prædi-
am, non tamen eadem cum illa
facultas est, 760, 761. Analyti-
ca ars & scientia hujus nominis
sunt habitus distincti, 761. Illa
ad benè docendum simpliciter
est necessaria, hæc utilis quidem
ad id ipsum, non tamen necessa-
ria absolutè, *ibid.*

ἀναλυτικὸς & λογικὸς considerare si-
bi invicem opponuntur, 748.
quid sit rem *ἀναλυτικὸς* conside-
rare, *ibid.*

Analyticus & *παραδειγματικὸς*, etiā
absolutè & universè talis, diffe-
runt 763.

Analyticus ordo quid dicatur iis,
qui ordinem scientificum divi-
dunt in Analyticum & synthe-
ticum, atque illum quidem pro-
prium faciunt scientiarum præ-
dictarum & effectivarum, hunc
autem contemplativarum, 691.
in rei veritate etiam ea ratione,
qua ab illis describitur, compe-
tit & scientiis contemplativis,
694, 695.

Anima genus est, species tamen ha-
bens non oppositas, sed deinceps
positas, 226, 227. aliter defini-
tur relata ad corpus, quod persi-
cit, aliter relata ad actus, qui ab
illa fluunt, secundos, 485. Ejus

partes quomodo in homine
contineantur à se invicem, 225.
ea & animal nō sunt genera sub-
alterna, 226. Anima hominis
Platoni est veluti tabula rasa,
Aristoteli ut tabula nuda 586.
non est ideo præcisè immortalis,
quia materiæ est expers, 614. A-
nimas ab æterno definito quo-
dam numero ex Deo manasse,
perq; varia corpora migrare stā-
ruit Plato 585: sed malè, 590.
Animæ eorum, quæ justè hic
sanctèq; vixerunt, quo perveni-
ant post obitum juxta Platonem
595. Animæ vegetaræ, ivopera,
510.

de Animalibus in Phycis cur pri-
us agatur, quàm de plantis, cum
hæ sint simpliciores, 676. eo-
rum differentiæ unde sint pe-
tendæ, 214, 511 *seqq.* non peti
possunt ab animâ solâ, 233, quæ-
dam illorum tantum sensu gau-
dent: quædam & memoria, ca-
reat tamè sensu disciplinæ: quæ-
dam & hoc sunt instructæ, 229,
398 *seqq.* eorum aliqua cur ani-
mal, alia autem ovum tantum
pariunt, 256. eorum pars nulla
esse potest sine materia, nec ta-
men ulla etiam sola materia est,
439. partes eorum similes sunt
propter organicas, & hæc propter
totum corpus, 498. unde etiam
ambæ à toto separatæ non sunt
amplius, quod esse dicuntur nisi
equi-

æquivocè 499. horum actiones
summæ duæ sunt sensus & mo-
tus 511. quo fine illæ ipsis datæ
sint, 512.
Animatarum substantiarum partes
alię sunt similes, aliter dissimi-
lares, 506.
Ἀνέσπορον quid, 175.
Ἀπαιδευσία est omnium rationes
querere, 32. non posse dijudica-
re circa quamque rem rationes
vernaculas & peregrinas, 754.
item nescire, quorum sit & quo-
rum non sit demonstratio exi-
genda, 755. nec non ignorare,
quorum sit, & quorum non sit
definitio postulanda, 756. aut
etiam equalem ubiq; exigere
ἀπειρίαν 757. item non nosse
κρίτηριον, ad quod revocanda sint
omnia, quę in scientia aliqua
proponantur, 759.
Ἀπειρον dicitur bifariam, 192.
Et ἀφαιρέσεως quę se habent, & κε-
χωρισμένα Aristoteli sunt distin-
cta, 635.
Ἄπλος aliquando idem est, quod
natura, 168.
Aporetici qui, 1.
Appetitus rei obtinendę semper
presupponit defectum, 607. in
eo id est persecutio & fuga,
quod in διανοίᾳ affirmatio & ne-
gatio, 21. ejus in animali causa,
257.
Aqua à Sole trahi non rectè dici-
tur, 182.

Arbores aliquę cur nullum ferendi
φυρέας genus admittant, 255.
Earum partes exteriores cur pri-
us Theophrastus considerarit,
quàm interiores, 677, 678.
Aristoteles immeritò reprehendi-
tur, quod in Phisicis & alibi nō
semper attulerit differentias ex
genere & differentiis ejusmodi
constantes, quales 6 Topic. ipse-
met requirit, 163.
Arithmetica exquisitior est Musica,
705, 707 & Geometria, 708.
Ἀριθμητικόν dicitur duobus modis,
712.
Ἀρώγια τῆς διανοίας est, rationem
querere eorum, quę sensu perci-
pi possunt, 563, 564, 755.
Ars quid, 212. 570. est principium
& forma ejus, quod efficitur, sed
in alio, 252. est forma sine ma-
teria in mente artificis, 282. ejus
opera non sunt continua, sed in-
terrupta, 277. Artis definitio
investigata per inductionē 533.
ab experientia quomodo distin-
guatur, 334. est universalium,
ibid. quam ob causam legi com-
paratur à Plutarcho ibid. Omnis
ars est finis gratia & quidem ta-
lis, qui sit utilis ad ulteriorem fi-
nem in vita humana, 335. est fa-
cultas rationalis sive facultas
contrariorum, non solum quia
versatur circa contraria, sed &
quia ea efficere potest, 336. quo
ipso differt à prudentia, ibid. imo
&

INDEX RERUM & VERBORUM.

& à seipsa, quatenus spectatur ut habitus, 337. licet non semper deliberet actu, cum quid efficiendum aggreditur, operationes tamen ejus omnes diriguntur à pleno judicio rationis, quare alias finita deliberatione solet formari, 338. quando non deliberet *ibid.* & 327. est habitus effectivus non secundum veram rationem solum, sed & cum vera ratione, *ibid.* est principium rationis, 344, 761. acquiritur per crebrum usum & exercitium, 349, 353. non est virtus, 355, ea quis abuti potest, 356. ejus cum fortuna magna cognatio 345.

Ars & scientia effectiva conveniunt genere, quod est habitus intellectus, 333, & facultas rationalis, 336. per quod genus ambæ differunt à prudentia *ibid.* ite subjecto, quod non intellectus est, sed *dicuntur*, 334. porro & objecto, quod universale est, si utraque spectentur in actu primo, aut secundo quidē, sed nō certis circumstantiis limitato, 334. differunt, quia illa utitur syllogismo deliberativo, hæc demonstrativo, 337 *seqq.* atque illius quidem *ἡγεῖται* etiam ad circumstantias singulares restrictæ pro objecto habet universale & circa necessaria versantur vel contingencia ut plurimum: hujus

ἡγεῖται autem singularibus circumstantiis circumseptæ pro objecto habent singulare & circa contingencia indefinita sunt occupata, 343 *seqq.* sed nec eodem modo dicuntur habitus effectivi, 346. cumq; illa sit in intellectu deliberativo, hæc in intellectu est scientifico, 346, *seqq.* in super modum acquirendi eas diversus est, 349 *seqq.* neque in iisdem semper reperiuntur, 353 *seqq.*

Artium subordinatio inter se 143, 335. omnes sunt subordinatæ prudentiæ, 143. in iis nunquam finis obtinetur, nisi & in materia aliquid fuerit, quod ad eum producendum ut efficiens concurrat, 277. Artes alię instrumentariæ, alię architectonicæ, alię utentes, 335. alię definitæ, alię conjecturales, 241, 327. harum finis non est in artificis potestate, 697. Artes omnes in eo, quod utile est, sunt occupatæ, 570. experientia nituntur, *ibid.*

circum Artem errata non arti sunt adscribenda, sed artifici, qui non judicat ex arte, 329. aut etiam in constantiæ rerum, in quibus illa est occupata, 333. ex quo & Plato arti nullam ait inesse *ἡγεῖται*, 332.

Articulus apud Græcos vocabulo alicui additus interdum pri-

INDEX RERUM & VERBORUM.

- mum in aliquo genere notat, 372.
 Artifex perfectior est, qui juxta so-
 lum exemplar, quod in mente
 habet, opus aliquod affabre con-
 ficit, quàm qui una respicere co-
 gitur ad externum, 284. consilia
 sæpè mutare cogitur pro varie-
 tate circumstantiarum, 350.
 351. indeq; non universalis so-
 lum cognitione præditus esse te-
 netur, sed & singulariū, & qui-
 dem præcipue, 352. inter hunc
 & Philosophum, veluti inter
 Medicum & Physicum, quale sit
 discrimen, 343. Artifex quis
 bonus esse potest, qui tamen non
 sit vir bonus, 355.
 Artificialia ex solo fine demon-
 strantur, non ex materia, neq; ex
 efficiente, 263. quædam ex illis
 possunt etiam à casu promanere,
 quædā non, *ibid.* inter ea & quæ
 à naturâ sunt discrimen, 276.
 & ipsa aliquando annumeran-
 tur substantiis & cur, 497.
seqq. ijs per se insunt, quæ in-
 sunt ex necessitate finis, 498.
 Artificialia operationes optimæ
 esse possunt, etiam si finem non
 semper assequantur, 697.
Αροπία, vox non est in usu, 711.
Αροπία dicitur bifariam, *ibid.*
Αρεξία est duplex, 711.
 Attractionis modi sunt varij, 181
seqq.
 Auctores non tam quærendi sunt in
 scientiis tradendis, quàm rerum
 ac rationum momenta, 745.
 746.
 Auctoritas virosum magnorum,
 aut etiam parentum, magistro-
 rum &c. sæpè aliquos in erro-
 rem abducit, 730, 745.
 in Auditore scientiarum genuino
 requiruntur varia, veluti *τοποία*
 sive bonitas naturæ, 750, pedia,
 751 *seqq.* indeq; præ gustus ali-
 quis analyticæ doctrinæ, 760.
vid. περὶ ἀποδείξεως
 Axioma quid, 152, 172. unde no-
 men habeat, 170. putatur non
 nullis non esse principium rei,
 sed solum cognitionis, 156. ast
 præter mentem Aristotelis & rei
 veritatem *ibid.* & *seqq.* ejus vox
 est ambigua, 152, 171, 172.
 Axiomatum tria sunt genera, 158.
 eorum aliqua discens secum do-
 mo affert, aliqua etiam à præce-
 ptore accipere potest, 158 *seqq.*
 Axiomata prima in se spectata
 non ingrediuntur demonstrati-
 ones, dicuntur tamen recte prin-
 cipium earum duplici de causa,
 165. non continent tantum cau-
 sam conclusionis, sed & rei, 170.
 sunt indubitatae veritatis, *ibid.*
 & 172. *Στόιχια* vocantur *ἀποδεί-
ξεαι* 172. nō possunt demonstra-
 ri nisi demonstratione elenchti-
 ca aut ducente ad impossibile,
 612. Axiomata prima sunt pri-
 ma *ὑποθέται*, 418. ad eorum quō-
 que

que confirmationem confert Di-
alectica, quatenus scilicet illa
probari possunt syllogismo
elenchrico seu demonstratione
ἡ ἀποδεικτική 418. horum ali-
qua sunt & nobis & naturæ no-
tiora. 169. atq; hinc & priora
utroq; modo, 388. quædam ex
illis habent imaginem definitio-
nis, aliqua autem non tam sunt
principia demonstrationum,
quàm occasio potius ea investi-
gandi, 173.
Axioma omnium primum, in quod
omnes demonstrationes redu-
cantur, est illud: *Impossibile est*
idem simul esse & non esse, 166. nō
collocari tamen potest in demō-
stratione ipsa, etiam si ad certam
materiam restringatur, sed so-
lū in ipsa conclusione, *ibid.* al-
terum autem: *Quodlibet est, vel*
non est, etiam ipsam demonstrati-
onem ingreditur, si ad certam
materiam accommodetur, 167.
Axiomatis omnium primi de-
monstratio est violenta & præ-
ter naturam, 419.
Ἄξιον quid, 170, 171.
τὸ ἄντὶ in iis, quæ dicuntur secun-
dum prius & posterius, id dici-
tur, quod propriè & maxime
atque ex se est tale, 618.

B.

Bellum civitati liberæ inferre cur
sit periculosum, 341.
Bilis ex necessitate materiæ oritur,

nititur tamē eā natura & ad cer-
tum aliquem finem, 267.
Binarij definitio investigata per di-
visionem, 475.
Bonum per individuū definierunt
Pythagorei, 458.
Bonus vir & civis bonus aliquan-
do coincidunt, sed non semper,
50.
Bruta carent experienciā, nec unī-
versale cognoscunt 230, indeq;
nec intellectus in ea cadit, nec
logismus, *ibid.* aliqua eorū colli-
gunt quidem nūm ex alio, fa-
cultate tamen deliberandi non
sunt instructa, 229, 230.
Brutum quid, 223.

C.

Caducorum non est scientia, nisi
per accidens, 312.
Calculi in rebus causa, 256.
Calefaciendi vim habet motus,
197, 198. nec non lumen, si sit
in corpore circummagitato, 198
seqq.
Calidiores cur sint hyemis tempo-
re putei & cellæ, 274.
Calor & frigus sunt primæ quali-
tates tactiles, 479. Caloris defi-
nitio Aristotelica i Generat. im-
moritō a quibusdam rejicitur,
557, 558.
Calor ignis non est diversæ ratio-
nis à calore animalis, 377. ejus
in aëre quæ sint causæ, 197 *seq.*
205, *seq.* Calorem aëris inferi-
oris minuit motus planetarum

INDEX RERUM & VERRORUM.

ab occasu in ortum, 204.
Capax rei alicujus esse quid dici non potest proprie, nisi ejus in se est expers, ut materia formarum, 600.

Cartesiani & Sceptici in quo convenient & differant 10, 11. in dubium vocantes certitudinem sensuum refutantur, 31.

Κατηγορία & genus differunt 228.

Categoriæ nihil aliud sunt, quæ modi prædicandi de substantia singulari, 85, 86. non sunt vera genera rerum, sed κατηγοριῶν, 227 469. 489. Illarum & κατηγορηµένων differentia, 85, 86. in ijs quædam sunt per se primò, quædam reductivè, aut etiam per accidens, 739.

Causa quid λογικῶς & φυσικῶς spectata, 483. propriè non dicitur de effectu, nec effectus de causa, 86. semper est diversa ab eo, cuius est causa, 614. Causas omnes res omnes non agnoscunt, 266, 275. illarum omnium cognitio an pertineat ad perfectam demonstrationem, 275, 285, seqq. Causæ quarundam rerum nobis sunt occultæ, verum ex ijs nihil doceri potest, donec sint detectæ, 177 seqq. 195 seqq. quanquam & rectius illæ ignorentur, quam occultæ dicantur, cum in se satis sint perspicuæ, etiam si nos fugiant, 197.

Causæ aliæ sunt actu, aliæ potestati-

te, ex quibus illæ effectum inferunt actu, hæ potentiâ, 289. illæ rursus aut simul sunt cum suis effectibus, aut non, 289 seq. & quomodo hæ cohæreant cum effectibus suis ratione temporis, 290. ab aliquibus distinguuntur in formales & virtuales, & quid de istâ distinctione sentiendum, 613, 614. Causæ aliæ internæ, aliæ externæ, ad quas non requiritur, ut sint disjunctæ loco à subjecto affectionis 123. Aliæ primò sic dictæ sunt, aliæ reductivè solû causæ dicuntur, 245. non semper singulis vocibus effertur, sed interdum & oratione, 259. aliter effertur, cum demonstratio procedit per causam efficientem, aliter cum per finalem, 259. & quæ sit discriminatio, 260.

Causarum genera non sunt genera rerum, 217. ea sunt quatuor, materia, forma, efficiens, & finis, 236. quibus characteribus illa vulgò distinguuntur, 243. & quid de ijs sentiendum, 244. reductivè ad causas spectant instrumenta & idea, 245. Causarum una interdum demonstrari potest per aliam, veluti ex causâ efficiente finalis & vicissim 260. sunt enim hæ sibi mutuo causæ, 261. finis tamen tum, quando ex efficiente demonstratur, non habet rationem causæ

Ggggg

sed

INDEX REKUM & VERBORUM.

sed effectus, *ibid.* Sed & ex causis pluribus idem demonstrari potest effectus, 262, *seqq.* quæ tamen in demonstratione perfecta in unum aliquæ coalescunt medium terminum, 271 *seqq.* Ex ijs non omnes æquæ primæ sunt, sed una sæpius reducitur ad aliam seu priorem, in ijs, quæ pluribus causis gaudent, veluti materia & efficiens ad finem, 273. neq; ab omnibus res æquæ pendent, sed ab una primò, à reliquis secundariò & consequenter, quæ præcipuè nosse oportet & aliquando novisse sufficit, 286. in iis non datur progressus in infinitum, 301.

Causarum alia *πρώτη* sive rei, alia *συμπεράγουσα*, conclusio- nis, 68, 381. rei causa quomodo investigari possit, 341, 342.

Causarum alia proxima est, sive adæqvata, alia remota, quæ primò absolute dicta causa non est, 371. inter causam proximam si- ve adæqvata & effectum proprium talis est connexio, ut pa- riter ex affirmatione & negatio- ne unius sequantur affirmatio & negatio alterius, 372. ad causam remotam non oportet recurrere eum, qui scientiam vult adipisci, aut aliis instillare, 385, 386.

Causa sine qua non quibusdam di- citur materia, 239. quid sit pro- prie *ibid.* & 240.

Causa affectionis quod quidpiam sit, non potest perfecte cognosci, quin simul cognoscatur, quod ejus sit definitio, 342.

Centrum duobus modis conside- rari potest, in se, & sic omnino indivisibile est: & respectu ali- orum, quæ ad illud suo modo referuntur, & sic varia de eo pos- sunt prædicari, 627.

Certius, quod intellectu percipi- tur, est eo, quod percipitur sensu, 320.

Circularis demonstratio non sim- pliciter est rejicienda, dummo- do non promiscuè omnibus ac- commodetur, quod ab Empedo- cle factum, 294. quid sit, 295. in quibus ea locum inveniat, *ibid.* Circularis demonstratio, quæ ab Aristotele & Galeno rejicitur, non est eadè cum regressu, 380. in ea idè est ejusdem causa & ef- fectus, in regressu non item, 380 *seqq.*

in Circulum quæ generentur, 295. pro Circumstantiarum varietate consilium sæpius mutari oportet, 350 *seqq.*

Civis vocabulum est ex eorum nu- mero, quæ dicuntur *ἀφ' ἐνός*, 327. ejus definitio, 328.

Cælestia proprie non definiuntur, 438. ea etiam scientia compre- hendi possunt, etiam si hæc in nobis sit exigua, 16, 17. in eorum quomodo perveniamus notitiam

INDEX RERUM & VERBORUM.

Cælum & hoc cælum differunt, 211. cur uno tantum motu simplici moveatur, 253. est causa communis ortus rerum generabilium & corruptibilium, nec non caloris & frigoris in iis non per occultas qualitates, sed per motum & lumen, 297 *seqq.* 278. non habet causam efficientem propriè dictam ex sententia Aristotelis, sed pender à Deo, tanquàm à causa formali 275. constat materia & forma, 377. est causa remota, eorumquæ in sublunari eveniunt regione, 386.

Cognoscens rectum cognoscit & obliquum, 281. **Cognoscentes facultates** ut apprehendant objectum suum, non opus habent speciem innatam, 605. **Cognoscuntur aliqua** per privationem vel negationem, ut tenebræ, silentium, 432.

Color exsurgit ex permixtione luminis & umbræ, 741. **Coloris** subjectum non est sulphur, 100. ejus duplex definitio pro diverso respectu, 485, 519. nec non essentialis alia, alia causalis, 164.

Communia ratione doctrinæ sunt priora propriis, 669. ea secundum prius & posterius non habent unam communem naturam & definitionem, 34, 96, 617: in iis definitur id, quod primum est, reliqua ad illud exiguntur, 34.

vocantur *ὑποκείμενα* & *ὑποκείμενα*, eorumque aliqua propius accedunt ad synonyma, aliqua ad æquivoca magis, 96, 97.

Composita substantia sine formâ cognosci non potest, 448. Illius & formæ definitio quomodo eadem sit & diversa, 438. **Compositæ substantiæ** tam singulares quàm universales per sensus innotescunt, 412, 422. in utrisque aliud est esse rem, aliud esse rei, 425. nec genusearum rectè dicitur solum materiam designare, 439, 440.

Compositio & divisio quæ in rebus est, non eodem modo se habet, 69.

Compositum omne principio aliquo simplici gaudet, in quod tandem resolvitur 305.

Conclusio & problema in doctrina de syllogismo reipsa idem sunt, differunt tamen ratione, 359, 360. **Conclusiones** sunt in principiis, verum non actu sed virtute, 696. in scientiis maxima ex parte affirmativæ sunt & quæ ejus rei causa, 307, 308.

Conjectura de iis est, quæ incerta sunt & in multas ac diversas partes trahi possunt, 327.

Conjugatorum unum non semper dicitur tot modis, quot alterum 51.

Conjunctiones copulativæ & disjunctivæ non sunt ponendæ in
Ggggg 2 de

definitionibus, 554. nisi certis quibusdam casibus, qui expōnuntur, 555.

Consensus omnium populorum multum habet affinitatis cum experientia plurium, 578. si non scientiam suppeditat, opinionē tamen suggerit tam firmam, quæ non procul sit à scientia remota, *ibid.* ducitur enim inde potentissima & firmissima probatio, 18, 579. quod tamen non de consensu hominum qvaliumcunq; sed eorum, qui secundum naturam comparati sunt, est intelligendum, 579.

Considerari res aliqua potest *privatim* & *communiter* 483. considerandi modus est formale objecti in scientiis, 134. pro Consideratione diversa una eademq; res varia accipit & nomina, & definitiones, 234, 482.

Consvescere quid, 566, *seq.*

Consuetudo & experientia in quō differant 566, 597, 569. illius finis, 567 & vis 569.

Consuetudo prava inducere aliquē potest in errorem tam circa res ipsas, 730, 731. quam circa modum docendi, 747, 764.

Contemplativa etiam scientiæ ex fine demonstrant, 762.

Contingens quid, 69. hoc & necessarium quomodo differant, 347.

contingens conclusio ex utraque necessaria non potest inferri, 726.

Contingens definitum, & indefinitum 108, & hoc rursum duplex, 109. contingentium indefinitorum nulla est scientia, 109.

Continua quantitas revocatur ad discretam, 515.

Continuitas nulla est inter ea, quæ facta sunt, siue inter terminos, 292. multo minus verò inter ea, quæ fiunt & facta sunt, *ibid.*

Continuum cur non constet ex indivisibilibus 299. ejus extrema quidem sunt finita; media autem infinita, non tamen actus, sed potentia solum, 302.

Contrarietas facit perfectam differentiam, 622. una quomodo esse dicatur unius generis, 477 *seqq.* Contrarietates non sunt unius generis, sed aliæ primæ, ut in genere qualitarum tactus et calor & frigus: aliæ secundæ, 479. una ex illis ad alteram nonnunquam se habet, ut materia, 480.

Contrarium unum uni est, 627.

Contrariorum unius ratio innotescit ex ratione alterius eorum, 561. Contraria aliquando sunt sub eodem genere, aliquando sub diversis, 439. in eandem speciem nequeunt componi, 477. reducuntur ad privativè opposita, 622. eorum alterum privatio est, indeque & causam habet suo modo privativam, 202.

Cor primò generari probatur, 377.
non esse præditum sensu tactus
fallaci ratione aliqui concludere-
runt, 743.
Corruptibile & incorruptibile dif-
ferunt toto genere, 231.
in Corruptione naturali sunt gra-
dus quidam, qui tamen præse
loquendo nō corruptiones sunt,
sed alterationes, 191.
Cratylus quo argumento scienti-
am tollere conatus sit, II, 12.
Ei responderetur, 12 *seqq.*
Cruditus quomodo coctioni oppo-
natur, 204.
Cur sit res, cognosci non potest, nisi
cognitum prius fuerit, quod sit,
682. quæstio illa ad Dialecti-
cam non pertinet, 68, 368.
D.
ad Deceptionem proclivior est na-
tura hominis, quam ad scienti-
am veritatis, & cur, 601, 602.
Declarare rem & demonstrare dif-
ferunt, 460.
Definiendum quaq; in re primum
& perfectissimum. 34.
Definire singulare facilius est, quā
universale. 335.
Definiri non possunt indivisibilia,
437. indeq; nec substantia im-
mobilis, *ibid.* Definiri non de-
bent res positivæ per privationes
aut negationes, 472, 473, 550.
possunt autem per eas definiri
privativæ res, nec non ex positi-
vis illæ, quæ certo quodam mo-

do privationem aut negationem
involvunt, 550. Definiri potest
res λογικῶς & φυσικῶς, 483.
Definitio in jure omnis est pericu-
losa & cur, 113, 159.
Definitio non statim est, si oratio
idem significet, quod nomen,
487. quid sit definitio, 53, unde
ὁρῶ. Græcis dicatur, 303, 433,
549, 617. principium ab Aristo-
tele interdum dicitur omnis de-
monstrationis, 156. & quo id
sensu accipiendum, 159 *seqq.* est
essentia explicata, 272. aliter
definitur λογικῶς, aliter φυσικῶς
considerata, 483, est una & sim-
plex oratio, 554. est oratio τὴν ἑ-
στίν, 433. non est ratio ipsius primi
quid quid est, 624. debet esse per-
spicua, 551. indeq; non con-
stare vocabulis ambiguï, nec
metaphoricis, nisi in certis quā-
busdam casibus, 552, nec inusi-
tatis, 553.
Definitio oratio est, indeq; partes
habet & quidem tales, quarum
una se habet, ut materia, altera ut
forma, 614. alia est ex materia,
alia ex formâ, alia ex utroq; cau-
sarum genere combinata, 449.
quænam ex illis ad Physic. per-
tineat, 450. *seqq.* Definitio alia
nominis est alia rei, & quid utraq;
433, 434. utraq; locum habet
in omnibus categoriis, 436. ea,
quæ rei est, accuratè loquendo
non omnes gaudet substantiæ,
Gggg 3 437.

INDEX RERUM & VERBORUM.

437. veluti non Deus, nec materia, *ibid.* nec cœlestia, 438. obtinet propriè solum in sublunaribus. *ibid.* ad definitiones nominis spectant definitiones etymologicae 433, nec non illæ, quibus res definita nomine magis perspicuo aut oratione clariore exprimitur 434, item illæ, quæ ex accidentibus sive proprietatibus constantur, *ibid.* Galeno huiusmodi definitiones vocantur λόγοι ἐννοητικοί, nec non ἐννοητικοί λόγοι, 434. earum virtus quæ sit, *ibid.* iis cognitis adhuc residua semper est quæstio quid res sit 435. ad quid illæ conducant, *ibid.* & quando iis utantur viri sapientes, *ibid.*

Definitio affectionum alia essentialis, alia causalis, ex quibus simul junctis species tertia resultat, 160, 161, 441, 442. sed omnes istæ resolvuntur tandem in definitionem ipsius subjecti, quæ principium primum est demonstrationis, 160, 162, 163.

Definitio alia est Dialectica, alia Physica juxta Aristot. 1 de Anima & quæ sint illæ 440.

Definitio vel generum subalternorum est, vel specierum, & harum quidem propriè ac primò, 464.

Definitio alia principium est demonstrationis, alia conclusio, alia à demonstratione non differt, nisi positione, 442, *seqq.* 543. De-

finitio positione differens à demonstratione quæ sit 445, 543. quid sit definitio ipsius quid est indemonstrabilis, cuius Aristoteles meminit 2 Post, 10 §. 7. p. 443 *seqq.*

Definitio essentialis substantiarum non potest demonstrari, 453, sed nec alia ratione probari 454 *seqq.* *Vid. Substant. definit. essent.* Definitio essentialis accidentis videtur posse demonstrari, 462. reverà tamen neque ejus demonstratio est demonstratio 78 & 151, 463.

Definitionis essentialis investigandæ modus per divisionem, 467. *seqq.* inductionem, 532. aliaque media inductioni cognata, 533 *seqq.* alius eandem indagandi modus ex iis, quæ sunt notiora, Galeno usitatus, 536. nec non ex affectionibus propriis, 537.

Definitio causalis affectionum quomodo investiganda sit, 538 *seqq.* Definitio quomodo investigetur, si vox sit æquivoca, 534. 535.

Definitio formæ & compositi quomodo eadem sit & diversa 438 *seqq.* Definitio componitur ex forma universali, quæ est genus, & propria, quæ est differentia, 440. eam non debet perturbare ordo, 471. ex quo hætenus quidem perinde est, quo loco genus & differentia in ea ponantur,

INDEX RERUM & VERBORUM.

481. 771 *seqq.* ob aliam tamen causam genus præstat differentiis præponi, atq; ex his eam, quæ latior est reliquis, 774. in Definitione omnia tria requiruntur, genus, certus numerus differentiarum, & ordo amborum definitus, 459. in ea necessarium est, ut sit aliquid, quod ultimum ideo dici possit, quia est actus, non tamen necessarium est, ut hoc reliquas partes includat, 480. In definitione quale genus ponendum sit, 465. Definitio minus rei, quatenus una ea est, non nisi una est, 454. 482. aliqui pro diversa consideratione etiam plures ejusdem rei possunt esse; 234. 482. ex quo & ejusdem rei aliæ atq; aliæ in diversis scientiis afferuntur, 483. 484. Definitionis proprium est, ut ex omnibus ejus partibus unum fiat, 459. ejus & inductionis discrimen, 466. Definitionem ἐννοηµατικὴν ab illa, quam Græci ποιότητα vocant, distinguit Boetius, 436. Definitiones scientificæ ut ritè formentur, deq; ijs rectè judicetur, attendendus modus considerandi cuiq; scientiæ proprius, 483. 29. Definitionem unam alteri non posse attribui quomodo sit intelligendū, 464. non potest ea certum in scientiis ordinem constituere, 682. —
Definitiones in scientiis non sem-

per integræ sunt requirendæ, 557. imò interdum ne omnino quidē sunt exigendæ, 558. 552. 756. non sunt propriæ τῶν πολλὰς λέγοµένων, 559. sæpè ponuntur à viris sapientibus, etiam tunc, cum minime definisse minus ocularis videntur, & quot modis id contingat, 560. 561. nimis generales Aristoteles ἀνολογίας appellat, 562. in definitionibus rerum non ponenda sunt nisi attributa essentiam rei declarantia, & quidem non confusè sed decenti ordine 548. 774. nihil in eis deficere debet nihilq; abundare, *ibid.* 549. quorum posterius tribus fieri potest modis 549. 550. sed nec adhibenda in iis conjunctiones copulativæ & disjunctivæ, nisi certis quibusdam in casibus, 554. 556.

Definitum & definitio idem sunt numero, 482. hæc ab illo differt modo evolutionis, 161. 433. quæ Deinceps se habent, ad eam requiritur, ut nihil interjectum sit ejusdem generis: diversi autem generis aliquid interjectum esse nihil prohibet, 294. Deleteria omnia in quarto gradu à veteribus constituuntur sive calidorum sive frigidorum, 187. Deliberans quid agat, 689. Deliberatio recta & prava, 73. ad

INDEX RERUM & VERBORUM.

- rectam quæ requirantur, 349, 350.
- Deliberativus syllogismus quomodo differat à demonstrativo, 72. constat propositione universali & singulari 73. 231, 340, & quomodo ambæ cognoscantur, 340, 341.
- Demonstrandi modus alius in Physicis, alius in Metaphysicis & Mathematicis, 298. Demonstrare qui Mathematicum ex falsis posse dicunt, falluntur, 48. Demonstrantem non necessarium est uti syllogismis formaliter concludentibus, 129.
- Demonstratio & syllogismus scientificus re ipsa idem sunt, differunt tamen ratione, 322.
- Demonstrationis & definitionis discrimen, 461. ejus principia sunt necessaria, 70, 71. Demonstrationis omnis principium quomodo dicatur esse definitio, 156 159. ejus medium quomodo se habeat, 272, 273. coalescit interdum ex pluribus causis, quarum aliqua nonnunquam omititur, quod evidens sit, 273. qualis sit ejus connexio in iis, quæ fiunt & facta sunt, 293.
- Demonstratio & declaratio rei differunt, 460. est organon scientifici Doctoris, 44. quomodo differat à demonstratione *ἡπὸς τοῦδε*, 48. à paralogismo, 49. à Dialectico syllogismo 49, 50, 65, 67, 71. & Oratorio, 51, 72. ab iis, quæ ex alienis constant principiis, 67. à demonstratione, quæ sit per causam remotam, 67. nec non eâ, quæ sit per effectum, 68. denique & à syllogismo deliberativo, 72. sit ex præcognitis, 60.
- Demonstratio ducitur ex omnibus causarum generibus, 253-259. In ea omnia tria sunt, subjectum, affectio propria, & principium, 94, 95. ejus medium quomodo dicatur definitio affectionis, 161. illa & definitio affectionis perfecta simul obtinentur, 542. nec differunt nisi *ἕως* terminorum, 161, 443, 543. quomodo ex illa hæc educatur. 544 *seqq.*
- Demonstratio non est omnium, 388. non est contingentium, 109. nec singularium, nisi per accidens, quatenus sub universali continentur, 311. nec eorum, quæ ex se sunt perspicua. 370. non eorum solum est, quæ semper, sed & eorum, quæ plerumque sunt aut fiunt, 296. primâ tamen eorum quæ semper sunt aut fiunt, 298.
- Demonstratio alia affectiones internas demonstrat, alia externas, 123. in quibus per se modis sint ambarum præmissæ, 125 *seqq.* alia simplex est, alia continua, 55, 56. alia affirmativa, alia negativa, 299. quarum illa huic est

INDEX RERUM & VERBORUM.

est preferenda, 306. alia porro est ostensiva, alia ducens ad impossibile & quæ utraq; fit, 308. 309. illa huic est anteferenda & quas ob rationes, 309 *seqq.* Item alia est universalis, alia particularis, quarum utraq; definitur, 310. illa est primæ, hæc secundæ mensuræ, 311. particularis videtur propter rationes aliquas esse preferenda universali, 313. 314. reverà tamen eâ ignobilior est, 315 *seqq.* Demonstratio, in quâ per universale tanquâ causam ostenditur, cur id, quod inest universali, competat ijs quoque, de quibus illud universale dicitur, non est demonstratio ἀπλῶς sic dicta, 253, 254.

Demonstratio τῆ οὐκ est, quæ non affert causam proximam, sed remotam, 371. item, quæ non ex causa, sed effectu est petita, 373. nec non ea, quæ desumpta est ex signo, *ibid.* obtinet solùm in ijs, quæ in serie causarum prima & intermedia sunt, 384. Illâ, quæ ab effectu & signis est petita, sæpe utuntur Philosophi, 376. nec nō Medici, 377. quia ad multa conducit scientiis intima, 378, 379. Ejus a. quæ à causa remota procedit, nullus vel exiguus in scientiis est usus, 385. Themistius addit his etiam terciâ speciem, quæ affectio una per aliam aut signū unum per aliud demonstratur,

387. & quid de ea sit sentendum, *ibid.*

Demonstrationis τῆ διόλου definitio, 65. ejus primarius medius terminus habita affectionis ratione semper est causa externa, quæ tamen simul est causa interna subiecti, 272. Illius principia vera esse oportet & quomodo, 47. immediata it. & quomodo, 54, 55. porro & notiora conclusione, 57. & quidem natura, 64. denique & causas exhibere conclusionis, 65. & quidē proprias, 66.

Demonstratio κατ' ἀνδραπνον five πρὸς τὸνδε nō est absolute sic dicta demonstratio, 48, 49. quomodo differat à demonstratione absolute dictâ, 419. Demonstratio circulatis ex quâ causa ab Aristotele & Galeno rejiciatur, 380. non est eadem cum regressu, *ibid.*

Demonstratio ut ritè conficiatur & inventionē & iudicio opus est, 540. ea est præstantior, quæ firmiorem parit scientiam, 313. item quæ versatur circa ea, quæ revera sunt, nobilior est illâ, quæ in non entibus occupatur, 314 aut iis, quæ minus entis participant, 318. nec non ea, quæ minus in errorem ducit illa, per quam facilius est labi, 314. item ea, quæ causam melius docet, 318. quæq; plenè satisfacit quærenti, *ibid.* & uberiores affert scientiam, 319. aut etiam

HHHH

INDEX RERUM & VERBORUM.

- etiam propius attingit certitudinem primorum principiorū, *ibid.* item, quæ ex perfectioribus constat, magisq; se est contenta, 320. & ducem sequitur intellectum *ibid.* neq; ut nectatur, indiget alterius assensu, 460.
- Demonstrationes quo pertineant, cum subjectum illarū ad unam scientiam spectat, principium autem alterius est scientiæ, 146 *seqq.* Demonstrationes exquisitæ cur locum non habeant in iis, quæ minus sensibus patent & quid illic attendendum, 573, 574. iis accommodata maxime est prima figura & cur, 320. in Demonstrationibus non datur progressus in infinitum, 101. idque non solum obtinet in demonstrationibus affirmativis, sed & negativis, 303. propositiones mediatae, quæ in ambabus occurrunt, quomodo sint resolvendæ, 55 *seqq.* 304. Demonstrationum media sunt ejusdem rationis cum iis, quorum sunt media, 297.
- Dentium durities ex necessitate materiæ oritur & finis, 266.
- Desiderium non est ejus, quod jam habetur, 617.
- Deus potest λογικῶς & φυσικῶς considerari, 626. in se & respectu aliarum rerum, quæ extra ipsum sunt & certo quodam modo ad eum referuntur, 628. est principium & finis omnium rerum 144, 282. cognoscit res omnes, 279. & quomodo 280, 281, 282, 283. simplicissimus est, 280, 437, 615. attributa tamē aliqua ei vendicantur propter quandā similitudinem, 437. solus per se primò intelligibilis est, 281. est auctor totius universi 283, 284. ex cujus intellectu totum prodit, 282. movet quædam immediate, ut cælum; quædam mediatè, 282. propriè non infinitus est, sed immensus, 437. & summè verax, 582. in eum, quatenus in se spectatur, nulla cadit quæstio, 615. non habet definitum esse, sed ipsum *ἑνὺν* in universum in se comprehendit, 617. 618. centrum est omnium entium, 617, 624. & primum *ἂν* *ἐστὶ*, cujus participatione reliqua omnia id sunt, quod sunt 281, *seqq.* 618. & quidem citra ullam ipsius divisionem & multiplicationem, 623, 624. non potest propriè definiri, 437, 611, 614, 615. nec affectio aliqua de eo in se spectato demonstrari, 611, 612. potest tamen alio respectu 627, 628. sed & per impossibile potest quid de eo demonstrari, 627. inveniatur per ἀναλυτικῶς, in quā tamen inductiones & ex parte etiam demonstrationes quædam locum habent, 626. ut limitatā

essen-

- essentiam non habet, sic nec potentiam, 628. potest etiam ex nihilo aliquid producere, *ibid.* in eo locum non inveniunt ideæ, 279.
- Deum esse quomodo demonstratur, 429, 430. non demonstrari sed potest invictè nisi per motum, 431. ad ejus sufficientem cognitionem non sufficere lumen nature, fatentur ipsimet Philosophi, 580 *seqq.* sed revelatione opus esse atq; ad scientiam, quæ ea nititur, nos duci per fidem, 582, 583.
- Διὰ* apud Græcos non semper causam noteat, sed interdum qualecunq; argumentū, ex quo quid certò concludere licet, 373.
- Dialectica non habet objectum definitum, 149. ejus finis est opinio & qualis ea sit, 326. confert non parum ad confirmanda principia scientiarum etiam omnium prima & quomodo, 417, 418. est æque contrariorum, 517.
- Dialectica quæstio *vid. Quæstio.*
- Dialectici syllogismi & demonstrationis discrimen, 49, 50, 66, 67, 71.
- Dialecticus quo utatur instrumento, 449. interrogat, 457. ejus definitio investigata per inductionem, 532.
- Διανοητικὸς* actus est totius compositi, non solius animæ, 599, 608. langvescit corruptâ phantasiâ, *ibid.*
- Διάνοια* est mens quasi reflexa, 453. à corpore afficitur secundum Aristotelem, 608, 609. in aliis acutior est, in aliis obtusior, 605. componit ac dividit & hoc ipso differt ab intellectu, 23, 334.
- Διάνοια* practica non est eadem cum intellectu deliberativo, 348.
- Dichotomia quid 468. non potest promiscuè omnibus, quæ dividenda sunt, applicari, 469 *seqq.*
- Distinctio aliud est, aliud affirmatio vel negatio, 620. Ejus virtus est perspicuitas, 554.
- Διδασκαλικοὶ & ἐπισημοτικοὶ λόγοι* iidem sunt, 324.
- Differentia est qualitas, 503. non prædicatur de specie, nisi cum addito genere, 235, 467. non significat qualitatem simpliciter, sed circa essentiam, *ibid.* & circa genus, 496. indeq; nec in quale simpliciter prædicatur, sed in quale quid, 235, 467, 616. non dicitur *συναντήτως* de specie, sed *παρὰντήτως*, 467, 616.
- Differentia quædam circa materiam etiam genus est, 440. Differentia rei positivæ omnis differentiam quandam habere debet oppositam positivam, 221. Differentia specifica omnis generi juncta speciem totam non absolvit, 208! sola non absolvit formam, 216. est tamen similis formæ secundum *ἀναλογίαν*, 232, 441. si sola constitueret formam, non esse

INDEX RERUM & VERBORUM.

esset inter ejus & definitionis
α-τηγορία discrimen, 235, 236.
 est & prior & posterior specie
 pro diverso respectu, 492. Diffe-
 rentias specificas dicunt aliqui
 esse occultas, 207. sed male, 208.
 omnes illę dicuntur de pluribus
 specie differentibus, 208, 209.
 210, 211. si non actu, virtute ta-
 men, 211. neq; in accidentibus
 solum, sed & in substantijs, 212.
 213, 214. Differentiæ generū,
 non subalternorum, sunt diver-
 sę, 224, 225, 496. Differentię
 continuum habent cum genere
 nexum & indissolubilem, ac per
 se ei insunt, 228. in naturalibus
 formam significant, non tamen
 simpliciter, sed in materia, 231.
 Differentia perfecta contrarietas
 est, 622. Differentię inveniun-
 tur per divisionem & quomodo,
 467 seqq. possunt λογικῶς & φυ-
 σικῶς considerari, 492.
 Differentia reducuntur ad diversa,
 622.
 quod Differt ab aliquo certa ratio-
 ne idem est cum eo, à quo differt
 & certa ratione diversum, *ibid.*
 Discere non est actus solius mentis,
 598, 599. est pati, 666. quę Di-
 scimus, ex parte scimus, ex par-
 te ignoramus, 59. Discimus aut
 inductione, aut syllogismo, 609.
 Disci posse est proprium scientię,
 323. non Discuntur proprie sub-
 stantiarum principia, sed præsci-
 untur, 410.

Disciplina omnis aut per demon-
 strationem est, aut per definitio-
 nem, 612. Disciplina dianoëtica
 omnis fit ex antecedente quadā
 cognitione 57 seqq. 701. profici-
 tur ex notioribus, 670 seqq. ejus
 definitio non potest certum do-
 ctrinę ordinē constitutere, 682,
 683. est præludio similis, 683. &
 sine illa quoq; potest disciplina
 aliqua esse perfecta, *ibid.* Disci-
 plinę singulę quatenus ut me-
 thodi considerantur, compositię
 quasi sunt ex scientia & Analy-
 tica, 762.
 Dispositio in quo differat ab habi-
 tu, 606.
 Dissimilares partes in substantijs
 animatis quę dicantur, 506.
 quomodo differant, 5084;
 Diversa aliqua esse possunt, quę
 nullo pacto conveniunt, sed se
 totis distant, 621.
 Divisio nihil probat, 456. non est
 syllogismus, *ibid.* 457. in eā non
 minutatim res concidenda, 469.
 si recta sit, constat differentiis im-
 mediatis *ibid.* & synonymis, non
 homonymis, 470. item differen-
 tiis per se, non per accidens co-
 hærentibus, *ibid.* positivis insu-
 per, si res dividenda sit positiva,
 472. per dichotomias quę insti-
 tuitur, quandoq; laudem mere-
 tur, verum non obtinet ubique
 469 & seqq. quomodo juxta Ari-
 stotelem instituenda sit, cum de-
 finitio

INDEX RERUM & VERBORUM.

initio per eam investigari debet, 473, 474. tria confert ad definitiones, 531, 532. Divisio & compositio rerum nō eodem se habent modo, 96.

Docendi modum etiam is ignorare potest, qui scientiam tenet, 724. ad Docendum accommodati nō sunt dialogi, nec fabulæ, nec exempla, *ibid.* circa Docendi modum qui impeerint olim, & adhuc hodiē impingant, 725, 726.

Docentis intentio non potest mutare speciem ordinis scientiarū, 698.

Docere est causas rei assignare 323. & scientiam producere, 761. Docere posse signum scientis est 323.

Doceri posse proprium est scientiæ, 323, 349. Docetur propriè nihil ex sensibus, sed ex iis res solum declaratur, 410.

Doctor scientificus similis est Medico, 666, 675. & deliberanti, 689. ejus finis, 665. ut rite doceat, rem prius delineare, hinc accuratius distinguere tenetur, 68. partim ad res ipsas, quas docet, partim ad vires discantis respicere debet, 666. non oportet eum de rebus, ad scientiam suam pertinentibus, apud omnes disserere, sed solum apud auditores genuinos, 767.

Doctrina, disciplina & scientia non

VERBORUM.

differunt, nisi ratione, 322. ejus principium est experientia, 571. doctrina omnis progreditur ex notioribus, 670, 671.

Dogma quid, 3.

Dogmatici qui, 2.

Dormientes cur crebrius respirent, 274.

Dubitare de omnibus quibus finerit familiare, i. inter eos non fuit Plato, 3.

E.

Echo unde fiat, 274.

Ecstasis quid eveniat, 595.

in Effectibus omnibus propriè dictis duo principia sunt necessaria, unum agendi, alterum patiendi, 186.

Effectivæ disciplinæ malè excluduntur à numero scientiarum, 113 *seqq.* earum regula & *κρίσις* ov est finis, 114, 326. num finis earum pendeat ab hominis arbitrio, 117. habent & ipsæ suæ axiomata, definitiones & hypotheses, 325. cur dicantur facultates rationales, 336. quomodo sint contrariorum, *ibid.* etiam earum *κρίσις* sunt sensus & experientia, 570. non omnia, quæ in illis considerantur, ex fine cognoscuntur, sed ex quibusdam illarum ipse cognoscitur finis, 696. quædam in iis accuratè tractantur, quædam rudi minervâ, 699. nulla earum ostendit finem suum esse bonum, 326.

Hhhhh 3

Effect-

Effectivum non eodem dicitur modo, 345, 346.

Effectus propriè non dicitur de causa, 86.

Efficere quid, 533.

Efficiens causa quid, 240. quomodo differat à fine, *ibid.* motus qui inde proficiscitur, non metaphoricus est, sed physicus, *ibid.* Obtrahet causa ista non in iis, quæ actu jam sunt, sed fiunt, *ibid.* & 241. nec quidquam ejus appellatione insigniri potest, nisi actu opere, tur, 250. reducitur ad finem tanquam causam priorem in iis, quæ ambabus gaudent, 273. est duplex, propriè & ἡ ἀναλογίαν, quam Scholastici vocant causam efficientem per emanationem (in *Addend.*) Efficientis causæ duplex genus, natura & mens, 87, 241, 251. utrumq; facit aliquid per se, aliquid per accidens, 87. Efficiens, quod mente & consilio agit, rursum duplex est, 241.

Εἷναι unius rei unum non est, sed variat pro diversa consideratione & σχῆσι, 234, 482. εἷναι quod per definitionem causalem expeditur, est in nonnullis finis, in aliis efficiens, 272. εἷναι πράγμα & πράγματι differunt, 461, 462, præcipuè in substantijs compositis, 425, 617. in simplicibus autem idem sunt, *ibid.* 426, 617. inter Ἐκ τὸ & ἐκείνων differentia, 467, 616.

Elementa, quæ symbolum habent, facile in se invicem converti possunt, difficilius, quæ eo carent, 188. Elementa cur uno tantum motu simplici moveantur, 253. ex iis totis constituitur universum tanquam ex materiâ, ex partibus autem eorum mixta fiunt, 499. per se iis insunt, quæ ipsis insunt ratione finis, sive munerum, quæ præstant tam in universo, quam in mixtis, 499. munus eorum in universo quid sit, *ibid.* & quod munus eorundem, quatenus veniunt ad mixturem, 501.

Elementorum formæ non rectè dicuntur esse occultæ, 216. differentia ipsorum unde sint petendæ, 213, 500, 501.

Elenchus, qui ex communibus sumitur, pertinet ad Dialecticam, 418. Elenctica demonstratio non est demonstratio simpliciter, sed cum addito, 419.

Ἐνδοξα aliqua sunt falsa, 17, 50, 57, 492. Ἐνδόξα norma est hominum opinio, 3, 6, 170. quomodo illud differat à vero, 3, 50. quâ tale, necessarium non est, 71. Ἐνδοξα prima sunt prima axiomata, 418. ex endoxis opinio nascitur, non firma scientia 431.

Ἐνέργεια & finis non semper coincidunt, 40.

Ens quomodo sit definiendū, 228, 614. non habet communem aliquam rationem unam eandem, sed

- sed est commune secundum prius & posterius, 611. quod & in affectionibus ejus locum habet, 612. Entis, quæ ens, esse aliquas affectiones, quæ illi per se insunt, quomodo sit intelligendū, 612. non possunt illæ demonstrari de ipso ente, 611; 612. neq; de singulis entibus, 612. per Entis species quid intelligat Aristoteles, 4 Met. 2. 648.
- Ens primum solum est ens simpliciter, eam reliqua sint entia quædam, aut talia &c. 611. quæ ei insunt affectiones, insunt sine medio, 612.
- Entium alia sunt naturalia, alia & τὸ διατεταγμένον; & illorum rursus alia existentia, alia γινόμενα; 262. horum aliqua etiam a casu promanare possunt, alia non item, 263. entium alia per se, alia per accidens. & hæc alia sunt substantiæ, alia accidentia; item alia actu, alia potentia, alia partim actu/partim potentia, 485; 524. Entia potentia, quomodo definiantur, 524, 525. & quomodo entia partim actu, partim potentia, 525. Entis & affectionū ejus resolutio in sua principia obtinens in Philosophia prima, 620 seqq.
- Enthymemata constant ex verisimilibus, 51. & signis non solum necessariis, sed & verisimiliter solum inferentibus, 374. seqq.
- Epilepsiæ causa, 256.
- Επιστήμη unde dicatur, 36.
- Επὶ δύο bifariam dicitur, 39.
- Error quid, non est in apprehensione sensus, nec intellectus, 23. occasionem tamen ei quandoq; præbet sensus, *ibid.* in simplicibus proprie locum non habet, 620, 722. consistit in compositione & divisione intellectus, 722, 723. interdum tam altas in animis fixas habet radices, ut evelli ex iis nullo pacto possit, 606. *Vid. Ignorantia.*
- Esse tum maximè unumquodq; dicitur, quādo operatur naturæ suæ congruenter, 217, 497. Esse proprie dicuntur, quæ secundum integritatem consistunt, vel quorū partes simul subsistunt quibus opponuntur τὰ γινόμενα sive ea, quæ sunt, 262. Esse in propositionibus idem est, quod verum esse, 463. ad Esse uti se res habet, ita & ad definiri, 550.
- Essentia rerum respicit infinitatē, 303. non potest esse separata ab eo, cujus est essentia, 597. ad ejus cognitionem pervenire possumus per sensus & quomodo, 603. Essentia rerum compositarum non est, sicut unitas, sed sicut numerus, 190, 191, 480.
- Ethicæ πραγματείας contenta, 151. ea magna ex parte sua definit προαίρεσις, 529. tota nihil aliud est, quàm explicatio definitionis

INDEX RERUM & VERBORUM.

- nis S. B. practici, 692, 693. an rectè dicatur tradita methodo Analytica, 693. non est peculiaris disciplina, sed prima pars Politices, *ibid.*
- ab Etymologiâ quod ducitur argumentum, non satis est firmû, 5.
- Excessus & defectus sunt formaliter privativum quid, 739.
- Exemplar aliud internû, aliud externum, 284 juxta illud qui ritè operatur, perfectior est, quam qui hoc sequitur, *ibid.* Exemplar respectu ejus, qui operatur, habet rationem formæ, respectu operis producendi autem rationem efficientis, 251, 284.
- Exemplum quomodo differat ab inductione, 220. Exempla prava valde nocent, 731.
- Existencia, *ὑπαρξις*, ad essentiam relata accidentis quodammodo habet rationem, 427. ejus nulla in definitione rei fit mentio, *ibid.*
- ea & essentia rei cognoscuntur ab intellectu diverso, *ibid.*
- Experientia longû tempus requirit, 33. unde nascatur, 400. habet à sensu omne suum robur, 571, ex eâ oritur in nobis cognitio principiorum tam activarum & effectivarû, quâ contemplativarû scientiarû, 400 *seq.* 564. *seq.* nectamen causa est cognitionis principiorum propriè dicta, sed occasio solum, 408, 409. quomodo differat à consuetudine, 566, 567. ejus finis, 567.
- Experientia unius hominis non sufficit ad scientiæ adeptionem, 574 *seqq.* neque necessarium ad eam est, ut quis omnia eò spectantia per seipsum fuerit expertus, *ibid.*
- Experientiâ qui instructi sunt, judicare & ipsi de rebus possunt, 752. ad agendum magis sunt comparati, quàm qui scientiâ pollent, 353, 354. eâ, si perfecta sit, solus homo gaudet, 399. ad hanc duo requiruntur, quorû alterum est quasi materiale ejus, alterum autem se habet, ut formale, *ibid.* ex quibus illud etiam in brutis esse potest, hoc non itè, *ibid.* cum Experientiâ plurimum, undiqueq; sibi respondente, non parum affinitatis habet consensus omnium populorum, 578.
- Ευρησκα* quid, 518, 750. eâ instructû esse oportet genuinum scientiæ alicujus auditorem, *ibid.* 751. magis autem adhuc eum, qui proprio Marte invenire vult scientiam, 766. ejus pars est *ἀρχινοια*, *ibid.* *εὐρησκα* in ijs, quæ ad prudentiam spectât, in quo sita sit, 750. 751.
- F.
- Facere non solum is dicitur, qui manum operi admoveat, sed & is, qui huic consilium præbet, 346.
- Facultas & habitus in quo differât 335, 517. est contrariorum, 336. unius

INDEX RERUM & VERBORUM.

- unius tamen per se, & alterius per accidens, 517.
- Falsum non est in simplicium sive indivisibilium intellectione, sed in compositione & divisione *δυναμίας*, 722. Falsa ratio dicitur duobus modis, respectu formæ & materiæ, & quæ sint ambæ, 732, 734. illâ non facile utuntur, qui in scientijs tradendis sunt occupati, 733. nisi forte personam induant Sophistarum, 734. Falsæ conclusionis causa nō semper sunt ambæ præmis sârū falsæ, sed interdum una solum, & quodnâ ejus rei sit signum, 740.
- Famis causa, 255.
- Felicitas divino quodam afflatu nobis obvenit, 581. consideratio tamen ejus, qvatenus nobis divinitus obtingit, ad Politicam non spectat, 651.
- Ferrum unum trahit alterum non solum, si magnete sit infectum, sed & si scalpendo collisum, 185.
- Fides est principium scientiæ, 576. non tamen quævis, sed certa & immota, quæ nititur experientia plurium uniformi, 577. alia est humana, alia divina, 581. ex quibus hæc *ὑπερβολή* est Theologiæ revelatæ, etiam ex gentiliū Philosophorum sententiâ, 582, *seqq.* quædam etiam humana infallibilis est 572, *seqq.* et si infallibilis quandoq; sit, scientia tamen non est, 72. Fidem pa-
- riunt argumenta à signis petita, 72. fidem rerum omnium facimus aut inductione, aut syllogismo, 461, 609.
- Figura genus est, est species habens nō oppositas, sed deinceps positas, 226.
- Figuræ syllogisticæ sunt propter tyrones, 129. ex iis prima est perfecta, reliquæ autem hæc indigent, ut perficiantur, 320. secunda ex illis non infert, nisi conclusiones negativas: tertia a. nisi particulares, *ibid.*
- Figuræ dictionis fallacia quando committatur, 466.
- Fila Mariæ non sunt araneorum tela, 721.
- Finis quid, 241. est primum in intentione & ultimum in executione, 259, 701. partim præsens est, cum actio ejus obrinēdi gratia suscipitur, partim absens, & quomodo id intelligendum sit in agentibus tam naturâ, quàm consilio, 242. est natura prior iis, quæ sunt propter finem, 627. ejus causa & efficiens ex se mutuo demonstrantur, 260. cum demonstratur ex efficiente, non causæ rationem habet, sed effectus, 261. ejus perfectæ cognitioni ratio rationem continet omnium, quæ finis gratiâ habentur 281. alius cujus est, alius cui, & qualis sit hæc divisio, 243.
- Finem non omnia habent, 6, 79,

INDEX RERUM & VERRORUM.

171, 266, 275. eum quæ habent, si facultate eum obtinendi priventur, non sunt amplius id, quod esse dicuntur, 497. Finis & actus rei non raro sunt distincti, 40. in activis & effectivis scientiis regula & κριτήριον est omnium reliquorum, quæ eò spectant, 113. ac respondet generi ὑποκείμενον in scientiis contemplativis, *ibid.* & 135. ejus definitionem non ingrediuntur media, 693. ejus motus est metaphoricus, 240. quò ipso differt à causa efficiente, *ibid.* coincidit tamen & suo modo cum efficiente & forma, 279. dat esse rei & denominationem, 147. Finis & causæ finalis juxta aliquos differentia, 261. Finis omnium quodammodo homo est, 506.

Quod Fit, fit ab aliquo, ex aliquo & aliquid, 268. quod Fit ex aliquo, non est actu in eo, 736. quæ Fiunt & facta sunt, non sunt continua, 291. eorum, quæ fiunt, aliqua jam antè facta sunt, 291, 292. qualis sit nexus inter ea, quæ fiunt & facta sunt, *ibid.* & *seqq.*

Flores oriuntur ex necessitate materiæ & finis, 264.

Formæ vocabulum est æquivocū, 232, 233, 236, *seqq.* ejus ratio consistit in ὅτι ad subjectum, 201 *seqq.* 237. Aristoteli dicitur εἶναι τὸ λόγος, 236, item, εἶναι

τὸ εἶναι, nec non λόγος τὸ εἶναι & quæ ejus appellationis sit ratio, 237. item, ratio & exemplar, 252. unde cognoscatur, 217, 422. est principium τὸ καὶ ἵδου in naturalibus definitum, 717. est causa materiæ & vicissim hæc formæ & quomodo, 447. determinat materiam, neq; sine ea compositū perfectè cognosci potest, 448. materiā quomodo sit præstantior, 153, 154. appetitur ab efficiente pariter & materia, & cur, 278. in ejus definitione an rectè dicatur genus significare formā, differentia materiā, 438 *seqq.* Formæ & compositæ substantiæ definitio quomodo eadē sit & diversa, 438, *seqq.* ejus est inferre, materiæ inferri, 447. est collectio differentiarum una cum genere, 497. determinatur opere, *ibid.* cuiq; formæ naturale est, corpori, ad quod propender, uniri, 590. forma, finis & efficiens quomodo coincidunt, 279. per eam res naturales habent non esse simpliciter, sed esse tale vel tale secundum substantiam, 154. eam solam non constituit differentia, 216, 219. sed definitio, 216. est propter operationes, *ibid.* est alia quiescens, alia operans, *ibid.* Formæ substantiales duobus modis spectari possunt. 485. earum differentia unde sint petendæ, 442, 485. Formæ natura-

INDEX RERUM & VERBORUM.

eurales pleræq; in se spectatæ
 sunt accidentia, rationem autem
 formæ accipiunt demum ex ha-
 bitudine ad subjectum, 238. for-
 mæ se habent ut unitates disper-
 sæ in unum collectæ, *ibid.* For-
 mam qui dat, dat & consequen-
 tia formam (*in Addend.*)
 Fortuitorū nulla est scientia, 264.
 Frigoris in aëre quæ sint causæ,
 201 *seqq.*
 Frustra fieri quid dicatur, 6.
 Fulminis causæ, 268.
 G.
 Generabilium omnium, quæ taliū,
 principia sunt primæ qualitates,
 calor, frigus, humiditas, siccitas,
 186.
 Generatio non est *γενεσις*, etiam si
 non fiat sine ea, 736. Generati-
 onis rerum naturalium causæ
 duæ sunt, communis & propria,
 277. in ea nihil fit simul, sed or-
 dine quodam, 291. ejus termini
 non possunt esse simul, 291. isti-
 us in animalibus finis, 14. 258.
 in ea sunt gradus quidam, qui
 tamen non sunt generationes
 strictè loquendo, sed alteratio-
 nes, 191. Generationes non sunt
 universalium per se, sed singula-
 rium, 13.
 Generis vocabulum ambiguum est,
 130, 131. ejus definitio est po-
 tius pars definitionis, quàm integra
 definitio, 464. quid sit *λογικὸς* &

λογικὸς spectatum, 483. totum
 hoc quod est, habet à specie, 534.
 quomodo dicatur de ea, 440,
 466, 615. ex Genere eodem
 quæ esse dicantur, 131, 132,
 490. ex Genere eodem esse & in
 eodem esse differunt, 131, 632.
 Genorum non subalternatim
 positorum differentia sunt di-
 versæ, 224. Genus aliud speci-
 es habet oppositas, aliud deinceps
 positas, 226 228. prædica-
 tur in quid est, 465. quomodo
 distingvatur à reliquis prædica-
 bilibus, 465. & in specie à dif-
 ferentiâ, *ibid.* & 467. non est
 tota *ἁπλῆ* singularium, ut speci-
 es, sed solum pars ejus, 464. pri-
 mum est eorum, quæ in definiti-
 onibus specierum ponuntur, 465.
 illud & species ejus omnes non
 semper considerantur in una ea-
 demq; scientia, 648, 649. Genus
 quomodo prius sit & posterius
 speciebus, 169. Genus in sub-
 stantiis compositis non materi-
 am solum designat, sed & formam
 quandam, 440. nō tamen adeo
 determinatam, ut differentia.
ibid. Genus est & ipsum differen-
 tia quædam circa materiam, *ibid.*
 illud & differentia cui compe-
 runt, ea definitam habent essen-
 tiâ, 617. aliud est remotum, ali-
 ud proximum, quorum hoc in
 definitionibus est ponendum,
 non illud, nisi forte proximum

INDEX RERUM & VERBORUM

- ἀνέγγονον* fit, 46 s. proximum genus alicujus rei quidpiam esse uadecognoscatur, 466, 467. Genus unius quomodo una dicatur esse contrarietas, 477 *seqq.*
- Genus subjectum quodnam sit in scientijs & demonstrationibus, 94, 95. ei in scientijs activis & effectivis responderi finis, 113. duo in eo spectanda sunt, alterum materiale, alterum formale, 134. hujus unitas facit scientiam aliquam Theoreticam esse unam, 632. Genus subjectum *πρῶτον* scientiarum quodnam sit in univocis, & communibus *πρὸς τὸν*, 644, 645. ejus in disciplinis theoreticis unitas non est perenda ab objecti à materia abstractione, 634. *seqq.* sed à principiis & modo considerandi, 637, 638. genus unum est, quod eadem habet in aliquo genere prima principia, 638.
- Geometria est exquisitior Opticâ, 705, 707. & Astronomiâ 709. sed minus exquisita, quâ Arithmetica, 708.
- quod Gignitur, ejus aliquid prius genitum est, 291.
- Γινόμενα* quæ dicantur, 270.
- Glacie causa, 270.
- Γινεσθαι μᾶλλον* rectius redditur clarius, quàm notius, 174.
- H.
- Habere quid, & unde differentiarum ejus petendæ, 524.
- Habitus quid sit, 394. tres ejus sunt significationes, 524. ejus & facultatis sive potentie differentia, 337, 517. ex actibus frequentatis emergit, 394. Habitus cur potentie naturali superaddantur, duæ sunt causæ, 396. non sunt media *ἐν γένει* ab iis fluentium, 694. firmiter inhaerent subjectis, eoq; ipso à dispositionibus distinguuntur, 606. eorum differentiarum unde sint petendæ, 518.
- Halonis causa, 269.
- Historia quid, 577. fundamentum est scientie civilis, 570. nec non naturalium omnium scientiarum, 577.
- Hippocentauri an dentur, 716.
- Homo cur sit erecte stature, 257. *seqq.* est vitiorum pariter ac virtutum capax, 300. est finis quodammodo omnium, 506. ejus differentia rationale non est, quatenus is physice, sive ut species animalis consideratur, 222, *seqq.* sed terrestre, pedestre, bipes, 234. differentie illius sunt diversæ pro diverso modo considerandi, *ibid.* de ejus partibus cur Aristoteles prius egerit in Physicis, quàm de partibus animalium reliquorum, de generatione autè ejus posterius, 677.
- de Honestis & turpibus maximè dissentiant homines, 21.
- Hyems cur frigidior sit estate, 202.
- Hyeme cur ventriculus melius con-

INDEX RERUM & VERBORUM.

concoquat cibum: item, cur putrei & cellę sint calidiores, 274.
 Hypothesis quid, 53. alia absolute sic dicta, alia *καθ' ἀνδραπον*, *ibid.* 1.
 Idea quid, 251. dicitur & causa *παράδειγματις*, exemplaris, *ibid.* reducitur ab Aristotele partim ad formam, partim ad causam efficientem, *ibid.* secundum illam suo modo dici potest agere etiam natura, 276. non tamen proprie, *ibid.* & *seqq.* *vid. Exemplar.*
 Ideas Plato quo consilio introduxerit, 277. etiam sine iis rerum ortus sufficienter potest explicari, *ibid.* & *seqq.* non omnium rerum constituit Plato, 279. idem putavit eas esse distinctas ab invicem & separatas, *ibid.* Deumq; earum esse effectorem, 283. Ideę, quę causa sint ortus rerum naturalium, non sunt in Deo, 279 *seqq.* nec in mente aliquā, à Deo distinctā, 283. iis ipsemet Plato interdum diffidit, 285. sunt cationes fallaces Aristoteli & à Luciano quoq; ridentur, *ibid.* nō est iis opus ad scientiæ constitutionem, 597.
 Idem proprie loquendo non est, quod secundū nomen solū idem est, 495. Idem est, cujus differentia aliquid non differt, 233.
 Ignis absolute levis est, 500. ejus differentię, 500, 501. sursum fertur naturā, non vi aeris, quo premittur, 720, 721.

Ignis, qui cælo contiguus est, ignis dicitur *κατ' ἀναλογίαν*, 199.
 Ignis fatui causę, 270.
 Ignorantia sciētię opponitur, 711. est duplex, alia merę negationis, alia pravę dispositionis, 37, 711 *seqq.* quomodo illę differant, 712. extendunt se ambę ad omnes quæstiones in scientiis occurrentes, 715. locum quoq; habent circa modum sciendi, 724.
 Ignorantia merę negationis quomodo scientiæ opponatur, 712. Platoni ignorantia simplex vocatur, 713. eam inducit nō quęvis negatio sciētię, sed quę est in subiecto capaci, 714. ejus causa in naturalibus defectus est iudicii naturalis, 727. item experientię & sensus *ibid.* non tamē qualiscunq; 728, 729. in iis autem, quę superant lumen naturę, defectus revelationis, 729.
 Ignorantia pravę dispositionis aliquibus vocatur *διπλή*, 713. deterior est simplici, 712. non locum habet in simplicibus, 722. contrahi potest aut sine syllogismo, aut cum syllogismo, 729. Quę sine syllogismo est, quomodo contrahatur, 730, 731. Quę cum syllogismo est, duplex est, & quomodo utraq; contrahatur, 732 *seqq.* Ignorantia cum syllogismo reducitur ad ignorantiā sine syllogismo, 740.
 Ignor-

INDEX RERUM & VERBORUM.

- Ignorantia circa modum sciendi unde nascatur, 747.
- Illuminatio non fit nisi per lineam rectam, 198.
- Immediata propositio quid, 52. ejus duo genera, *ibid.* 156. dantur propositiones immediatæ non solum affirmativæ, sed & negativæ, 303, & quæ sint illæ, *ibid.* & *seqq.* ejusmodi propositio est & actu & potentiâ una, mediata autem actu quidem una, potentiâ autem plures, 305.
- Immediatos etiam eos esse effectus, inter quos aliquod intervenit tempus, nihil prohibet, si cætera sint paria. 294.
- Immobiliū principium est & *ibi*, 275.
- Imperanti in Republ. necessaria est prudentia: parenti autem sufficit recta opinio, 339.
- Impotentia naturalis quid, 518. ejus differentiæ unde sint petendæ, *ibid.*
- Incorruptibilia quoque passioni subiecta esse possunt, non tamen omni, 608.
- Indifferentes nō sunt res omnes, 3.
- Individuum dividuo non cohæret, 292.
- Indivisibile quod est in genere aliquo, est mensura reliquorum, 622.
- Inducens propriè non demonstrat, sed declarat, 460.
- Inductio quid, 220, 411, quomodo differat ab exemplo, 220. eâ declarantur principia scientiarum, 411. indiget assensu alterius, 460. ejus datur aliqua species, qvæ ex uno singulari rectè infertur universale, 407.
- Infinatatem respuit essentia & qvæ ex eâ manant, 303.
- Infinum terminos omnes excedit, 303. in illud progressus nō datur in causis, indeq; nec in demonstrationibus, 301, *seqq.* pertransiri non potest, 301.
- ex Influentiis cœli occultis non rectè deducuntur calor & frigus, 197.
- Instrumentum malè affectum actione vitiosam reddit, 24. nisi usui inserviat, cui destinatum est, instrumentum non est, nisi æquivocè. 44. est omne finis gratiâ *ibid.* ex quo æstimatur, 702. inter hoc & causam instrumentalem discrimen, 250.
- Instrumenta non sunt causæ primò, sed reductivè, 245. ad quod causæ genus sint reducenda *ibid.* & *seqq.* quomodo differant instrumenta naturalia ab artificialibus, 249. in qvo convenient, 508, 509. non omnia vim agendi habent etiam in artibus & iis, quæ ad *περὶ* sunt directæ, 250.
- Instrumentorum aliud proprium, aliud commune, 24.
- Intellectio rerum omnium ad primam causam se habet, ut lineæ

INDEX RERUM & VERBORUM.

ex centro ductæ ad ipsum centrum, 285. ea non fit sine phantasmate, 599, 600.

Intellectus humanus juxta Platonem est similis tabulæ rasæ, 586. juxta Aristotelem autem tabulæ nudæ, 391. ita se habet ad intelligibilia, ut sensus ad sensibilia, *ibid.* differt à diania, 23, 334. simplici intuitu objectum suum apprehendit, *ibid.* 453, 619. sed non tam facile, quàm sensus suum & cur, 397. ejus objectum per se universale est, singularia per accidens, 230. aliud est scientificus, aliud deliberativus, 346, 347. item alius theoreticus, alius practicus, quæ divisio cum priore illa eadem nō est, 73, 348. sub intellectum cadunt non necessaria solum, sed & contingentia, & quæ ex his præcipuè, 347. Intellectus quæ fiat, ut aliter nonnunquam judicet de rebus in virili, aut simili ætate, quæ juvenili, 32, 33. cum factus est, singula potest per se ipsum operari, 393. habet se instar oculi, 395. duæ sunt in eo facultates, *ibid.* in quo differat ab otulo, 396. in eo nihil est, quod non antè suo modo fuerit in sensu, & quomodo id intelligendum, 331, 572, 573. eo carent bruta, etsi unum ex alio colligere queant, 230.

Intelligere *ὑπερβαίνει* est immaterialis, 437. & pati, 666. intelligen-

do fit ipsum intelligibile, 36.

Intentio mutat speciem rerum & actionum in moralibus, in aliis non item 698.

Inveniri nihil potest, nisi præcesserit judiciū qualecunq; 540, 541.

Inventiones aliter se habēt ac probationes, 706. aliud inventio est, aliud dispositio, 751.

Inusitata vocabula reddunt orationem obscuram, 553. ea non facile adhibere debet scientificus Doctor, potest tamen aliquando, imò interdum cogitur ijs uti, & quando, 101, 102, 554.

Iræ definitiones diversæ, 166.

Iridis definitiones variæ, 160. causæ, 268, 269, 274.

Judicandi præcepta inventionem partim præcedunt, partim subsequuntur, 541. Judicare possunt de rebus non solum scientiæ, sed & experienciæ instructi, 752.

Judicium & apprehensio simplex ut differant, 22, 23. Judicij infirmitas est velle demonstrare ea, quæ sunt ex se perspicua, 370, 663. veluti quæ sensibus sunt obvia, 563.

In Jure definitio omnis est periculosa & quomodo id intelligendum, 113, 159.

de Justis & injustis maximè dissentiant homines, 21.

Justitia universalis cur sola dicatur virtus perfecta, 542.

Juv-

INDEX RERUM & VERBORUM.

Juvenes cur Mathematici fieri possunt, Physici non item, 406.

K.

Καὶ αὐτὸ, *Vid. per se.*

Καὶ αὐτὸ nihil aliud significat, quā essentialē terminorum in propositionibus connexionem & quidem talem habitudinem inter subiectum & prædicatum, ut alterum sit causa, alterum effectus, 88 *seqq.*

Καὶ ἡ γένεσις non semper singulare designat, sed & quandoq; speciem, 535.

Κατὰ πάντας propositio quæ dicitur, 74. ab illā quæ excludatur, 75. κατὰ πάντας qui rem cognoscit, non statim eam secundum formam cognoscit, 103. κατὰ πάντας non sunt omnes scientificæ conclusiones, 107 *seqq.* & quæ sit ejus rei causa, 111, *seqq.*

Κενολογία appellat Aristoteles nimis generales definitiones, 562.

Κριτής quid, 57.

Κριτήριον rerum agendarum & efficiendarum finis est, 113, 696.

Κριτήρια in scientijs trium sunt generum, à quo, per quod, & applicatio hujus ad id, quod sub disquisitionem venit, 562, 563.

κριτήριον per quod quoddam sit 562. illud oportet esse αὐτόπiston, 563. in scientiis naturalibus tale κριτήριον sensus est, *ibid.*

L.

Lactea via malè eximitur à nonnullis ex numero meteororum, 726. non est eadem semper numero, 744.

Lactis causæ, 285.

Lapidum causæ, 270. substantia eorum inepta est ad participationem vitæ, 720. eos non concoquunt struthiones, 719, 720.

Liberum arbitrium pertinet ad essentiam hominis Politicè considerati, 231. quid illud sit, *ibid.*

Lineam esse longitudinem sine latitudine non figmentum est intellectus nostri, sed fundamentum habet in rebus ipsis, 566.

Locus quid, 523. non est interval- lum sive spatium, 717, 718. in Loco esse quid sit, 522. non sunt in eo omnia corpora, 99.

Loci scientiarum quomodo sint conficiendi, 663, 664.

Λογικὸν aliquando idem est, quod vanum, 463.

Λογικῶς considerare quid sit, 748.

Λογίζεσθαι & βγαλέεσθαι in Philosophiā Pract. idem sunt, 73, 337, 476, 549. suum fecerunt Arithmetici, 684.

Λόγος interdum significat esse ejusq; & secundum illud denominari, 236. aliquando etiam habitudinē designat, 237, 642. in Analyticis passim idem est, quod medius terminus in syllogismo, 337. Speciatim verò idē, quod

INDEX RERUM & VERBORUM.

quod causa προσηχης, quæ est medius terminus demonstrationis, λόγος appellatur, *ibid.* λόγος à principiis & ad principia, 671. λόγος duplex est, alius rei simplicis, alius enunciationis, 610. λόγοι alii divini, alii humani, 581. λόγοι Dialectici & Analytici differunt fine & cuius & cui, 767.

Lumen vim habet calefaciendi, si sit in corpore circummagitato, 198. intenditur ex reflexione radiorum, 200. ejus fons Sol est, 283. non est corpus, 299. in Luna quoq; est vis calorem progignens, 200.

M.

Magistrum bonum à prima juventute nactum esse, non parùm confert ad scientiam ritè capeſſendam, 765.

Magneticæ attractionis causa ex sententia Thaletis & Epicuri, 179. Plutarchi, 180, 181. Alexandri, 181 *seqq.* impedimentum, 185.

Malum Aristoteles reducit ad privationem, 739.

Materia quid sit, 238, 239. non est definitum quid per se, sed potentia omnia 219, 423, 430. quomodo cognoscatur, 423. in se est expert formarum, capax tamen ejus, 600, 601. non est absolute causa corruptionis, 614. est principium τὸ κινῆσαι in naturalibus, sed indefinitum, 717.

unde dicatur nonnullis causa sine qua non, 239. ea necessario ponitur postea forma, *ibid.* per se immobilis est, 240. causa rebus est, ut fieri possint, sicut efficiens, ut fiant, forma ut sint, 241. reducit ad finem, tanquam causam priorem, in iis, quæ utraq; causa gaudent, 273. appetit formam, ut foemina marem, 278. non dicitur συναρµως de composito, sed ab ea hoc παραρµως dicitur tale vel tale, 439, 616. ea & forma sunt sibi invicem causæ, 447. dat formæ esse absolute, ut hæc illi esse hoc vel illud, *ibid.* duobus modis potest considerari, ut subiectum, & quatenus adjunctam habet privationem, 551. ejus ratione quod habet respectu unius rei, potest rationem obtinere efficientis respectu alterius, 272. ab illa res naturales habent τὸ εἶναι sive subsistere simpliciter: ex quo illa primum dicitur subiectum, 154. etiam ea pertinet ad subiectum in naturalibus, 188. unde quæ familiarem eam habent, facile inter se possunt converti, *ibid.* ejus conditiones difficilior inveniuntur, quam qualitatum activarum, 193.

Materia alia sensibilis, alia intelligibilis, 514. Materiæ quatuor sunt, quæ aut convenientiam habent cum corpore nostro, aut alienæ sunt, 189.

Kkkkk

Mate-

INDEX RERUM & VERBORUM.

Materia prima propriè definiri nō potest, quia actum nullum habet, 437. sed negatione explicatur aut analogiā, 423, 437. est non ens & sex omnium entium, *ibid.* 617. Plotino dicitur *ἐρεῖος* quasi *ἐρεῖος τὸ ὄν*, 617.

Mathematica nec materiam propriè habent, nec finem, nec efficiens, 275. abstrahunt quantitatem à materiā, non tamen omni, sed sensibili solum, 514. sunt ut concavum, quemadmodum Physica ut solum, 530, 634, 635.

Mathematicæ disciplinæ aliæ simplices, aliæ mixtæ, 531. earum *μετρίων* primum sensus est, etiam si quædā Geometriæ principia sensibus videantur adversari, 565, 566.

Mathematicus definitur ex abstractione, 530 eum ex falsis principis qui demonstrare posse dicunt, falluntur, 48. Illius & Physici differentia, 111, 635.

Mediatæ propositiones in scientiis tamdiu sunt resolvendæ, donec ad immediatam perveniatur, quod exemplo illustratur Mathematico, 56. & Physico, 305, 306.

Medica ars versatur in casibus singularibus, non scientia, 330, *seqq.* illa quoq; utitur *σοφισμῶ*; hæc non item, sed demonstratione, firmis principiis nixa, *ibid.*

Medicinam methodo scientificā esse tractandam docet Galenus, 325. ad eam non pertinent, nisi quæstiones ad sanationem facientes, 625.

Medicus quomodo sit *σοφιστής*, 328. etiam conjectando, si perfectus sit, nō facile aberrat à scopo, 329. ubi hic desinit, incipit Physicus, 57. inter eum & Physicum differentia, 343. cogitur sæpe pro varietate circumstantiarum mutare consilia, 350, 351. ejus officium, 675.

Medium quid propriè, 694. Medium terminum demonstrationis non possumus cognoscere tanquam causam, nisi una cognoscamus & definitionem, 540. Media non ingrediuntur definitionem finis, 693.

Melancholia ex materiæ nascitur necessitate, sed tamen natura eā quoq; utitur ad finem aliquem obtinendum, 267, 268.

Meliora sunt, quæ seipsis contenta sunt, 306. & quæ à paucioribus pendent, *ibid.* & quæ opus suum melius perficiunt, 313.

Memoriā nō omnia animalia gaudent, 329, 398. quæ eorum memoriā instructa, *ibid.* & quæ etiam horum sit differentia, 398 *seqq.* ea & phantasia non differunt ratione, 399. quid requiratur, ut existere dici queat in animali, 400. non est universali-

INDEX RERUM & VEREORUM.

- salium, 600. non rectè alia esse dicitur phantasmatum, alia rationum, *ibid.*
- Mens humana aliquid facit per se, aliquid per accidens, 87, 88.
- Mensura cur mulieribus secundum naturam fluant mensibus decrescentibus, 202. oriuntur ex necessitate materiæ, natura tamè quoque ea ad certum d'rigit finem, 18, 267.
- Mensura in unoquoq; τὴν περὶ αὐτῶν λεγομένην genere est id, quod in eo primum est, 14. est notissima in generibus singulis, 168. Mensura ejus, quod simpliciter est tale, non est constituendum id, quod secundum quid tale est, 669.
- Μεταβάσις εἰς ἄλλο genus quid sit in scientiis, 130. accidit tribus modis, 132.
- Metalla quomodo definienda, 504. non sunt unum per se, sed per accidens, 505. eorum causæ, 270. differentia illorum unde sint petendæ, 505.
- Metaphoræ reddunt orationē obscuram, non tamen semper, 552 *seqq.*
- Metempsychosis Pythagorea approbata à Platone, 585. refutatur, 591 *seqq.*
- Meteora quomodo definienda, 504. non sunt unum per se, sed per accidens, 505. eorum differentia unde sumantur, *ibid.*
- Methodi vox ambigua est, 657. 658. unde dicta, 657, quid sit, 659. vim habet demonstrandi, 194, 659, 660. sub eam non cadunt, quæ ratione carent, 194. in certâ significatione ordinè complectitur, sed præter illū & ἀπὸ αὐτοῦ, 659. speciatim dicta tamen ab ordine distinguitur & quæ ratione, 661. Methodus & ordo etiam tum, quando coincidunt, differunt saltem ratione, 703.
- Methodus prava propriè methodus non est, 762. Methodos quatuor constituit Plato, 456.
- Mixta quotuplicia 213, 503, 504. unde differentia omnium sint petendæ, *ibid.* cur sint obnoxia putredini, 253, 245. Mixta imperfecta non multum abeunt ab ipsâ elementorum, ex quibus miscentur, naturâ, 503, 504. tam illa, quàm mixta perfecta quidem, sed inanimata accuratè loquendo non sunt substantiæ, & cur, 504. suo tamen quodam modo etiâ illa dici possunt substantiæ, *ibid.* Mixta perfecta inanimata quomodo sint definienda, 504.
- Μορὰ δὲ quæ sint propriè, 96, 438.
- Monstra comparata sunt nō secundum, sed præternaturam, 264.
- Morbus quid, 536, 710.
- Motus definitio, 525. ejus principium in naturalibus & forma est

INDEX RERUM & VERBORUM.

- est & materia, sed diversimodè,
717. Motus calefaciendi vim
habet, præsertim, si celer sit &
cum reverberatione conjunctus
197.
- Moventur multa per medium, ut
tamen medium ipsum non mo-
veatur, 182.
- Multitudinis mensura est unum,
168, 622. illius ad hoc reductio,
622.
- Musica Practica subordinata est
Musicae Mathematicæ, 139. &
hæc Arithmeticae *ibid.* 140.
- Mutari facile in se invicem quæ
possint, & non possint. 188.
- Mutatio omnis fit in tempore, 191.
- N.
- Natura non est principium τὸ πρῶτον.
sed τὸ πρῶτον δύναμις, 716. differt à do-
vατι, 716. non deficit in necessa-
riis, nec abundat in superfluis,
719. etiam iis rebus, quæ ex ne-
cessitate materiae oriuntur, uti
solet ad obtinendum aliquem
finem, 267. non amat superflua,
284. aliter definitur relata ad
corpus naturale, aliter ad actus
inde manantes, 485. quomodo
procedat in rerum generatione,
668. quomodo tribuatur corpo-
ribus celestibus & sublunari-
bus, 527.
- Natura inesse quæ dicantur, 392.
- Naturâ quæ insunt, ea nunquam
aliter, ac sunt, afflescunt, 300. fa-
cultates quoq; in iis semper
sunt priores operationibus con-
gruentibus facultatibus istis,
ibid. secundum Naturam quod
inest, prius est eo, quod inest
præter naturam, 590.
- Naturæ opera sunt opera intelli-
gentiæ & quidem supremæ, 6,
118, 277. ea intendit semper fa-
cere optimum & perfectissimum
in suo genere, quanquam non
semper id consequatur, 7, 110,
264. quomodo ea res gignere
dicitur necessariò, 118, 119. Na-
turæ alicujus conveniens quid
sit, cum quæritur, cujus sit ha-
benda ratio, 8.
- Naturale aliquod corpus unde di-
catur, 716. Naturalium quædâ
proveniunt ex necessitate mate-
riæ: quædam ex necessitate fi-
nis: quædam ex utrisq;, 13,
264, 267. ex ijs aliqua non ha-
bent finem, 6, 79, 266, 278.
spectata scilicet ut δύναμις, habent
tamè, ut γινώσκουσα, 267. Naturales
affectiones ex quibus causis de-
monstrentur, 264 seqq. 268. ad
Naturalium rerum substantiam
etiam materia pertinet, non ta-
men qualiscunq;, sed determi-
nata, 188. inter Naturalia cor-
pora, nec non agentia naturali-
& artificialia discrimen, 270,
277. naturalia corpora non mo-
vent seipsa, sed principium τὸ
πρῶτον est extra illa, 716.
- Necessarium quid, 69. ex necessa-
ria

INDEX RERUM & VERBORUM.

- ria utraq; non potest inferri conclusio contingens, 74. Necessaria conclusio inferitur nonnunquam ex præmissis etiam non necessarijs, sed vi formæ solum, non materiæ, 122. Necessariæ sunt conclusiones scientificæ, 70, non tamen omnes, sed quæ primæ sunt mensuræ, 107 *seqq.* Necessariæ res malè definiuntur à Zabarella, 114.
- Necessitas est duplex, una secundum naturam & appetitum, altera præter appetitum, quæ est necessitas violentiæ, 264. tres necessitatis gradus sunt, 74. illa & contingentia propriè locum non habent in rebus, per se spectatis, sed in enuntiationibus, 115.
- Negationis & privationis discrimen, 525. per illam quædam cognoscuntur, ut tenebræ, silentiū, 432. item materia prima, 437.
- Nervorum principium cor est, 305, 573.
- ex Nihilo Deum aliquid producere posse, probatur, 628.
- Nomen unde dictum, 236, 237.
- Nominū impositio non semper fit ex natura rei, 5, 112. constant enim *verba*, non *res*, rectè tamen, si imposita sunt, naturam rei debent imitari, 236. unde ea non natura, sed positione constare sit manifestum, 435. Nomina nova quandoq; Doctor scientificus cogitur fingere & quid tum ei observandi in sit, 101, 102. eorum impositio competit viris sapientibus & cur, 237, 554. diversa nomina una eademque res accipit pro consideratione diversa, 234, 482. eorum pleraq; in scientiis ad certam significationem contracta, 733.
- Norma in unoquoq; genere quæ sit, 34, 107.
- Notius quid dicitur duplex, natura & nobis, 61. Notius natura quid, 62. quid notius nobis, *ibid.* 63. idè esse aliquando utroq; modo notius nihil prohibet, 167, 168, 669. Notiora natura non sunt naturæ notiora dicenda, 174. sunt ea plerumq; latiora iis, quæ sunt natura priora, 209. Notius natura & simpliciter cum eo, quod viro sapienti notius est, coincidit, 64. à notioribus nobis ad notiora natura progrediendi via nobis natura insita, 379, 670 *seqq.*
- Notum & ignotum esse idem nihil prohibet, sed diverso respectu, 381, 382.
- Nox in plenilunio est tepidior, 200. frigidior tamen est die, 202.
- Numerus genus est habens species deinceps positas, 226. ejus aliquot conditiones, 480.
- O.
- Oblivionem scientiæ animo induci corporis tactu existimat
Kkkkk 3 Plato,

INDEX RERUM & VERBORUM.

- Plato, sed male, 592, *seqq.*
Obscura redditur oratio per vocabula ambigua: metaphorica; inusitata, 552, 553.
ad Occultas qualitates in assignandis rerum causis non est recurrendum, 176 *seqq.* etiam si negari nequeat esse aliquas occultas respectu nostri, 177, 195, quæ tamen rectius ignoræ, quàm occultæ dicuntur, 197.
Occultas cur Galenus vocet facultates secundum totam substantiam, quæ per solam experientiam habentur, non per rationem, 191, 192.
Occultas qui dicunt esse differentias específicas, multa absurda incurrunt, 207, 208.
de Omni, *Vid. xgvd navi Q.*
Ὅτι ἐκ τῶ τοῦ & ἐκ τῶ τοῦ & differunt, 467. quid illud notet, *ibid.* Ὅτι ἐκ τοῦ & *ibid.*
Operationes priores sunt facultatibus ratione, 603. non sunt accidentia, habitus facultatum suarum ratione, sed perfectiones ipsarum, *ibid.* sunt finis earum, *ibid.* ex iis cognoscuntur facultates, 604.
Opere determinatur unumquodq; 238. & cum verum est id, quod esse dicitur, quando ad præstandum illud opus est habile, ad quod natura est destinatum, 217.
Opinio ex quibus nascatur argumentis, 33. in quo differat à scientiâ, 33, 45, 46, 64. opinio & ratio recta differunt, 339.
Opponuntur uni nonnunquam plura, sed sub diversâ ratione, 459.
Opposita juxta se posita magis elucescunt, 710. Opposita eorum sunt consequentia, *ibid.* eorum eadem est scientia. *ibid.*
Optica subordinata est Geometria, 140. quomodo consideret lineam, *ibid.*
Ordo quid, 657. in scientiis quid, 656. vocatur à nonnullis methodus, 657. sed rectius retinetur ordinis vocabulum, 661. quomodo differat à methodo, 659 *seqq.* num sit ex rerum natura petendus, an à faciliiori cognitionis modo, 665 *seqq.* qualis sit servandus, cum in scientiis quedam occurrunt, inter quæ essentialis nexus non est, ut unius cognitione pendeat ex alterius cognitione, 677, 678. item, quando occurrunt aliqua, quæ perfectè cognosci non possunt absq; se invicem, 678. item, cum aliqua se offerunt, ex quibus nulum prius, nec ad reliquorum notitiâ facilius assequendam aliquid confert, 679. ab Ordine, qui est in mente Dei, prodit ordo in toto hoc universo, 282. & quis ac qualis sit ille, *ibid.* qualis sit in rebus, 288.
Ordinis divisio in syntheticum, analyticum, & definitivum proponitur & examinatur, 680, 681.

INDEX RERUM & VERBORUM.

681 *segg.* de Ordinis divisione in
syntheticum, qui proprius sit
scientiis Theoreticis, & analy-
ticum, quem vendicent sibi sci-
entiae practica & effectivae, quid
sit sentiendi m, 684 *segg.*
inter ὄσων & ἀσχην discrimen, 159,
160.
Ossium finis & materia, 273.

P.

Pædia necessaria est genuino scien-
tiarum auditori, 752. ad eam re-
quiritur aliqua etiam rei notitia,
& qualis illa sit, 752, 753. non
consistit in ea ratio illius forma-
lis, verum in notitiâ modi docē-
di, 752, & quidem tam metho-
di, quam ordinis, 752, 754.
non est eadem facultas cum
Analytica, 60, 761. nec sci-
entia, nec ars est, 762. cuius
scientia propria est, *ibid.* est du-
plex, alia universalis, alia parti-
cularis, & quæ sit utraque, 762,
763. ne universalis quidem
eadem est cum Analytica,
763. unde utraq; cognoscatur,
764. quæ utrique sint inimica,
ibid. alia est dirigens, alia remo-
vens impedimenta, 765. quarum
hæc describitur, *ibid.*

ex Parallaxi iudicium ferri non po-
test de iis, quæ non habent pro-
prium & ab aliis desinētū aspe-
ctum, 726. parallaxin cur non
habeat via lactea, nec cæruleus
cæli color, nec halo, *ibid.* ex eâ nō

posse etiam pro distantia ipsarū
stellarum immotum peti argu-
mentum, docet Ptolemæus, 744.

Paralogismus quid, 734. eius & de-
monstrationis discrimen, 49. nec
non illius & syllogismi Dialecti-
ci, 734. ac Sophistici, 737. Paralo-
gismi occurrunt circa omnes sci-
entias, 735. vocantur aliàs syllo-
gismi contrariæ deceptionis,
736. item syllogismi ex propo-
sitionibus falsis, *ibid.* si plures ex
iis falsas esse contingit, quod sit
respiciendum, 740. unde plures
hodie in Astronomia pariter &
Physica proveniant, 740 *segg.*

Pars & totum non sunt synonymi-
ma, 227. eodem modo sunt ex-
plicanda, cum sint relata, 547.
πάρων differentia unde sine
petenda, 521, 522.

Passio duplex est, destructiva, & per-
fectiva, 521, 608. hanc etiam id
quod incorruptibile est, susti-
nere potest, 608.

Πάσι & dicitur in scientiis, quod
demonstratur, 94. eius varia
sunt genera, 77 *segg.* pertinentia
ad secundum modum per se, *ibid.*
Πάντων συμπληρωματὰ omnia ex
necessitate materiae exsurgunt,
267.

Patibilis qualitas quid, 518. unde
eius differentia desumatur, 519.
in Patientibus omnibus duosunt,
contrarietas & similitudo, pati-
untur autem facilius, in quibus
simi-

- similitudo maior est, 193, 194.
- Pedestre quid sit, 512. pedestrium animalium differentia, 513.
- Πεπαιδευμένον esse oportet genuinū scientiarum auditorem, 752.
- ejus judicium de rebus quale sit, 753. quid eum nosse oporteat circa ordinem scientiæ alicujus, 754. & quid circa methodum, *ibid.* *seqq.* πεπαιδευμένον alius est circa determinatū aliquod objectū, alius absolute & univēse, & quis uterq; 762, 763. inter πεπαιδευμένον absolute & Analyticum est discrimen, & quodnam illud, 763.
- Per accidens quod opponitur primo & secundo modo per se, 82. quod quarto, 87.
- Per aliud opponitur tertio modo per se, 83.
- Perfectum tum unumquodq; dicendum est, cum operatur naturæ suæ convenienter, 217.
- Per se quod uni inest, alteri inesse potest ut accidens, & quæ sit regula ista dignoscendi, 493. per se quæ insunt superioribus generibus, insunt per se & inferioribus, aut non vicissim, 494. Per se quatuor dicitur modis, 75. quorum primus recensetur, *ibid.* & *seq.* secundus, 77 *seqq.* tertius, 80 *seqq.* quartus, 86. Per se primi modi propositio inversa non fit propositio per se secundi modi, 79. Per se tertius modus non solum substantias primas completitur, sed & secundas, 82, 83. Per se prædicatum inest subjecto in conclusionibus demonstratorum, 120, 121. & in quo modo, 121, 122. sed & principia earum oportet esse per se, 122.
- φασί & κατάφασις, vel ἀπόφασις, ut differant, 620.
- Philosophiæ totius finis est cognitio Dei, 144, 145.
- Philosophia prima quomodo substantiam consideret & quomodo reliqua entia, 645. est regina ac Domina omnium scientiarū, 144, 287, 416, 417. non differt à reliquis scientiis accidentaliter solum, 145. est prima naturā, ultima autem ordine doctrinæ, 146. sapientia est absolute dicta, & scientia ἀρχικωτάτη, 287, 416. principia scientiarum reliquarum quomodo confirmet, 287, 412, 414. cur dicatur scientia omnibus communis, 415. & maxime scientia, 619. item cur scientia τὸ ἁπλοῦς 287, 448, 624. non habet demonstrationes ostensivas, 611. *seqq.* habet tamen elencheticas, & ducentes ad impossibile, 612. an recte dicatur demonstrare ex causis virtualibus, 613, 614 non habet definitiones propriè dictas, 614 *seqq.* causas confide-

INDEX RERUM & VERBORUM.

ligerat non in quovis genere primas, sed primas absolute, 619. utitur analysi reducendo unum entis significatum ad alterum usque ad primum, 620. in qua tamen aliqua occurrunt, quæ partim inductione, partim demonstratione confirmantur, 626. non demittit se ad considerationem rationis propriæ particularium rerum, 612, 645, 647. in eâ obtinet tantum analysis, non σύνθεσις, 704. est scientiarum omnium certissima, & exquisitissima 619, 704, 709. Ei subordinatæ sunt omnes scientiæ, 144. non tamen subalternatæ, 145. ejus principia cæterarum scientiarum communia sunt, propria tamen entis, quæ ens est, 145. ab illa reliquæ scientiæ primas causas proprias non petunt aut ipsi afferendas relinquunt, sed ipsæ eas assignant, 145, 146. ejus finis est cognitio & contemplatio Dei, 144.

Philosophus non est servus nominum, 554. potest interdum nova fingere nomina & quando, 101, 102, 554. Philosophorum tria genera, 1.

Phoenix qualis sit avis, 422, quando fuerit visus, *ibid.*

Physica quare præstantior sit Mathematicis scientiis, 707, nec non Medicinâ, 706. ejus objectum quoddam, 651. illam cur Plato conjecturalem dixerit sci-

entiam, 298. qualis substantiæ in ea quærantur principia, 478. definitur ex additione, 530. Physicæ quæstiones ex Scripturis non sunt decidendæ, 654. in Physicis conclusiones non omnes sunt *κατὰ πάντας* & unde id proveniat, 111. talium demonstrationes, utut & ipsæ demonstrationes sint, non tamen sunt demonstrationes primæ mensuræ, quâquam & tales quædam illic occurrant, 298.

Physici & Mathematici differentia, 111.

Φυσιολογικὴ quid, 377.

Physiognomicæ demonstrationes, 376.

Φυδία genus nullum cur aliquæ arbores admittant, 255.

Pingve cur per summa aquæ fluat, 255.

Pisces non respirant & quæ ejus rei causa, 219, 719.

Planetas propè esse demonstratur, 373.

Plantæ sunt animate, 378, earum differentia ab animâ sola defumi non possunt, 441, 442, unde sint petendæ, 510, 511.

Plato non dubitavit de omnibus, 3.

Plenilunii noctes cur sint tepidiores, 200.

Pleuritidis signa, 377. ad illam inferendam quæ oporteat concurrere, 385.

Pluvia sit ex necessitate materiæ, 266.

INDEX RERUM & VERBORUM.

ἡ δὲ ποτὶ differentia unde sunt petende, 521, 522. duae ejus sunt species, 521.

Ποιητικὸν nomine quid veniat in Dialecticis, 768.

Politicae principia duobus modis possunt considerari, 567. comparantur & ipsa experientia, *ibid.* ut de iis evidenter nobis constet, aliqua preparatione per assuefactionem ad virtutes est opus, 568. Politica simpliciter & prudentia sunt idem. habitus re ipsa & differunt ratione, 356, 357. aliter tamen judicandum de scientia politica & prudentia, 357. 358. Politica prudentia necessaria est ei, qui rem publicam recte vult administrare, scientia non item, 761.

Politicus absolute non est Philosophus civilis, sed vir prudens, qui reipublicae praest, 358.

Positivum formaliter non est id omne, quod quomodocumque est in predicamento, 738. Positiva vox non semper inferre rem positivam, 551. Positiva res certo quodam respectu potest etiam privationem habere adjunctam aut negationem, 550. positiva res per differentias privativas aut negativas non debet definiri, 472. sed nec dividi, *ibid.*

Possesse & esse in aeternis coincidunt, 289.

Postulatum quid, 54.

Potentia & habitus in quo differant,

395. potentia naturalis quid, 518. ejus differentiae unde sunt petendae, *ibid.* alia activa est, alia passiva, 761. in diversis subjectis posterior est actu, in eodem prior, 590.

Practica scientia & prudentia quibusdam idem videntur esse habitus 333. in quibus conveniant, 333 *seqq.* & differant, 343. *seqq.*

Practicae scientiae objectum quoddam, 334, 343. quis scopus ejus ac finis, 335, 336. quo sensu edicatur habitus activus, 346. est in intellectu non deliberativo sed scientifico, *ibid.* quomodo acquiratur, 349 *seqq.* non est virtus, 355. non reddit aliquem Politicum simpliciter, sed Philosophum Politicum, 357, 358.

Practicae disciplinae male eliminatur ex numero scientiarum, 115 *seqq.* cur *δυναμὴς* vocentur, 114. habent & ipsae conclusiones necessarias, 116. an finis ipsarum pendeat ab arbitrio hominis, 117.

Practicarum scientiarum *ἐπὶ τὴν πόλιν* & principium finis est, 113, 696. non tamen omnia, quae ibi considerantur, ex fine cognoscuntur, sed ex quibusdam illorum ipse cognoscitur finis, 696. quae in iis considerantur duplicis sunt generis, 699. quaedam in iis *ἀπερίβωτος* tractantur, quaedam rudè Minervā, *ibid.* finis in iis non ut esse-

INDEX RERUM & VERBORUM

- effectus spectatur, sed ut finis 701. neque ut finis ipsarum scientiarum, sed rerum, quæ illis considerantur, 703. Practicarum quoque scientiarum principia per experientiam percipiuntur, 566 *seqq.* consuetudine opus habent, ut plenè intelligantur, 566, 568. nec tamen necesse est ea omnia, quæ ad illas pertinent, in se ipso experiri, 569.
- ex Præcognitis nascitur omnis disciplina διαγωγή, 57.
- Prædicamentalis arbor unde nata, 468.
- Prædicationes identicæ non pertinent ad primum modum per se, 76.
- Prædicatum in propositionibus quid, 153.
- Prænotio duplex in scientiis quid sit & quod sit, 60, 662. ex eâ nascitur omnis disciplina διαγωγή, 57.
- Primum quod est in aliquo genere, est norma reliquorum, 34, 107. ab eo quod paululum defleat, non statim pro primo habendū, 108. Primum nobis quod est, nō est primum simpliciter, 667.
- Principium & primum idem sunt, 701. principium inventionis & rei interdum differunt, 68. principium scientiæ quodnam sit, quorū ὅς ὅς cognoscimus, 405. 406. Principium in scientiis aliud rei est, aliud facilioris cognitionis, 673. Principia scientiarū non possunt demonstrari in eâ scientiâ, cuius sunt principia, indeque nec discuntur propriè, sed præsciuntur, 410, 411. idque per experientiam & inductionē, *ibid.* in aliis tamen, veluti superioribus scientiis, etiam illa demonstrari nihil prohibet, 411. Principia reliquarum scientiarū omnium resolvuntur in principia Philosophiæ primæ, *ibid.* & *seqq.* indeque ab hac confirmantur & quomodo, 287, 414 *seqq.* munus quoque eadem quadantenus Dialectica, 417.
- Principia prima sive immediata non possunt demonstrari, 388. eorum notitia actualis nobiscū non nascitur, 389 *seqq.* nec habitualis, 393. sed potentia solum ea cognoscendi proxima, 392. etiā ad ea exactè intelligenda opus est habitu & cur, 396, 397. principiorum primorum unitas & diversitas in scientiis dignosci possunt ex duobus signis, 640. adversus Principia negantem non disputat Doctor scientificus, quā talis, 409. eorum etiam cognitio nascitur ex præcedente aliqua notitiâ, 397. ad eam tria concurrunt, sensus, memoria & experientia, 400. *seqq.* aliqua eorum cognoscuntur ex solâ simplici terminorum apprehensione, 405. non omnia ex illis aq; indigent longo experimento, 406. quædam ex illis acquiruntur

INDEX RERUM & VERBORUM.

- consuetudine, 566. Principiis rei alicuius non cognitis non potest res ipsa perfecte cognosci, siue illa cognitioni soli sublit, siue & operationi, 695. inter Principia & conclusionē oportet esse responsum, 641. Principia demonstrationum quoduplicia, 52, 53, 156. obtinent non solum in disciplinis contemplativis, sed & activis atque effectivis, 52, 53, 324, 325.
- Prius dicitur dupliciter, natura & nobis, 61. Prius naturā quid, 61, 62, 209. Prius natura respectivo est absolutum, 676. Prius in rebus est, quod est prius natura, 666. secundum Prius & posterius ut quid dicatur de pluribus, quid requiratur, 556.
- Privatio quid, 525, 549. quomodo ea differat a negatione, *ibid.* alia est absolute sic dicta, alia quodammodo, 202, 526, & quomodo hæc sit definienda, *ibid.* est negatio quædam, sed in subiecto capaci, 714. ea cum dispositione subiecti quodammodo habitus est & forma, 202, & pertinet ad eandem categoriam cum habitu, *ibid.* interdum etiam per voces in speciem positivæ effertur, ut cæcitas, sordities &c. *ibid.*
- Privationes suo quodā modo entia sunt cum negationibus collatæ, 525. unde earum differentia sint perendæ, *ibid.* reducuntur ad negationes, 622, aliæ immediate insunt subiecto: aliæ mediante aliquā qualitate vel affectione, 739. illæ sunt privationes simpliciter, hæc materialiter positivum quid, *ibid.*
- Privativa vocabula omnia secundum speciem talia non significant privationes proprie dictas, ut ἀδύναμις, ἀκίνητος. 222, 551.
- Problema & conclusio in doctrina de syllogismo unum sunt reipsa, differunt tamen ratione, 359.
- Problema unum an possit ex pluribus causis demonstrari, 262 *seqq.* ejus in scientiis dijudicatio unde facienda sit, num ex principiis, an ex conclusione, 147 *seqq.* & num ex prædicato huius, an subiecto, 150.
- Problemata ad diversa ejusdē scientiæ capita spectantia ubi tractanda, num in eo capite, ad quod subiectum pertinet, an eo, ad quod prædicatum, 155. Problemata plura an possint ex eadem causa demonstrari, 273 *seqq.* alia sunt diversa, alia eadem, & quomodo eadem, 274.
- Πρόπαισις quid, 57.
- Προληψις quid, *ibid.*
- Propensum ad quod quidpiam est, id nondum habet actu, sed facultate solum, 607.
- Propositio juxta Alexandrum est commune πρός τι, 528. juxta alios non item, 556. Propositionis definitio, 528. Propositio Analytica & Dialectica quomodo

INDEX RERUM & VERRORUM.

do differant, 365.
Propria sunt naturâ posteriora, 455. de iis speculatio posterior est ea, quæ est de communibus, 669.
Propria *πρῶτη* pertinent ad secundum modum per se, 77. quotuplicia sint, 77, 78, 79. cur non sint simpliciter efferenda, 109.
Prudens, qua talis, nunquam à scopo aberrat, 333. Prudens absolute quid possit præstare, 335. quod intuetur in operando & præscribendo aliis, *συνεπὲς* dicitur, 335. nemo esse potest, nisi sit virtuosus, 355. non solum universalis, sed & singularia cognoscere tenetur, 344, 345.
Prudentia non est scientia, 358. sed ei subordinata, 143, 335. est prodromus ejus & attrienfis, 143. ejus definitio, 212, quæ investigatur per divisionem, 475, 476. quomodo ea & scientia practica convenient, 333 *seqq.* & quomodo differant, 337. ab eâ contrariæ actiones bonæ & malæ proficisci non possunt, 336. comparatur illa usu & exercitio, 349, 353. atq; à Politica non differt re ipsa, sed solum ratione, 357, 358. virtus moralis non est sine eâ, 754. illius magna cognitio est cum fortuna, 345. eâ nemo abuti potest, 356.

Πευδογῶν *πρῶτη*, 734, 735. *vid. Pseudogismi.*

Πρῶτη, quid apud Aristotelem in

Poëticis, 543.
Pulchritudo quid, 710.
Pulsus definitio apud Galenum ex omnibus causis facta, 525.
Puncti & unitatis differentia, 623, 708, 709.
 in **Pupillâ** cur etiam vastissime molis corpus adumbretur, 401.
 circa **Purgationem** ægrotorum quæ à Medico observanda sint, 351, 352.
Putei cur hyeme sint calidiores, 274.
Pygmaei an dentur, 715.
Pyrrhonii qui, 1. eorum sententia refutatur, 3.
Pythagoreorum *ἀντὶς ἐπὶ*, 745.

Q.

Quærendi tot modi sunt, quot sciendi, indeq; æqualia sunt quæ sita & scita, 95, 360. & quæ hic sit norma quærendi 361, ac ratio ejus, 362.
Quæstio nulla est de simplicibus, sed alicujus de aliquo, 364, 615. 625, 626. ejus finis est inventio, 361. indeq; non est quæstio de iis, quæ jam scimus, 615. Quæstio, causa non est disputare, sed discere volentium, 68. 368. 768. quomodo in eam aliquando incidat & Dialecticus, 368. illa & definitionis quæstio quomodo efferantur, 543. Quæstio Dialectica differt ab Analytica, 365. 653, est talis quæstio, ad quam responderi licet, ita vel non, 368. non pertinet ad eam quæstio

LIII 3

quid

INDEX RERUM & VERBORUM

quid sit & propter quid, pertinet tamen questio an sit & quod sit, 367. 368. est indefinita seu de re omni, 653. Questio scientifica non est de iis, quæ incerta sunt, & nunquam futura manifesta, 362.

Quæstionum scientificarum quot sunt genera & quæ illarum conditio, 362. *seqq.* possunt omnes in unâ scientia considerari, 630. quo ordine sint locandæ, 661. *seqq.* Quæstiones scientificæ sunt definitæ, 654. Quæstiones, quæta sit res, item quando, ubi, cum quo, quomodo, quod sint referendæ 364. *seqq.* Quæstionum quod pertineat disjudicatio unde sit petenda, 65. 652. 655. illis Plato putavit excitari scientiam actu in animo latentem, sed malè, 605. ad Quæstiones à *Morleys* respondere non tenetur scientificus Doctor, 655.

Qualitates non omnes sunt accidentiæ, 503. Qualitates primæ sunt, calor, frigus, humiditas & siccitas, 186. ex quibus potestremæ duæ ad gradum summum non perveniunt sine auxilio priorum duarum, 187.

Quando quid sit, & unde ejus differentiæ perende, 522.

Quanta continua ad discreta rediguntur, 515.

Quantitas exigit materiam aliquam, ex quo & Mathematicus eam non abstrahit ab omni ma-

teriâ, sed quadam solùm, 514. in specierum ejus definitionibus expressè non sit mentio alicujus subjecti, in generis tamen vocabulo etiam ipsum implicite continetur, 514. Quantitates in abstracto & concreto, & quomodo ambæ sint definiendæ, 515.

Quid sit non pertinet ad Dialecticum, 368. 369. quid sit & an sit à priori in compositis ex eodem innorescunt, modus tamen utèdi est diversus, 427. quid sit & propter quid coincidunt non in substantiis solùm, sed & accidentibus, si quid sit exprimat per definitionem causalem, 430.

Quid sit resciri non potest, nisi cognitum fuerit prius an sit, 661. cognoscitur per definitionem, 433. non tamen demonstratur, 461. præsupponitur in scientiis, quod sit autem, demonstratur, 461. 462. non quæri potest de ente simpliciter spectato, sed solùm de entibus definitis, 615. de non entibus non quæritur, sed solùm questio quid nomen significet, 461. in Quid sit prædicari non eodem modo dicitur, 466. quid communiter dicatur, quando genus dicitur prædicari in quid sit, 465. ad quæstionem quid sit, non semper aptè respondetur per materiam, vel etiam id, quod improprie inest, 466. ad illâ de re aliqua respondetur aptè

INDEX RERUM & VERBORUM.

aptè per id' quod est illud ipsum quoddam, quod est id, quod de de re affirmatur, *ibid.* Quid sit exponens ratio si sit divisibilis, definitio est: ipsius autem primi quid sit ratio, definitio non est, 624. Quid est primum simpliciter intuitu apprehenditur sine omni compositione & divisione 624, *seqq.* Quid non sit res, nobis plerumq' notius est, quam quid sit, 672.

Quidditates sunt à sensibili materia remotæ, 460.

Qvies non est omnimoda privatio 212.

Quod sit questio composita est & cur, 362 Plotino vocatur questio qualis sit, 364. locū habet etiā in in Dialecticā, 367. in singularib9 sensibilibus percipitur sensu, nō syllogismo, nec demonstratione 370. in universalibus populariter etiā à Rhetore confirmari potest ex verisimilibus & signis, à Dialectico autem ex probabilibus, scientificè verò confirmatur per demonstrationem, non tamen primæ, sed secundæ mensuræ, 371. præcedit ordine doctrinæ questionem cur sit, 662.

Quomodo sit questio quo pertineat in scientiis, 365. 366. accommodata rebus compositis spectat in scientiis ad questionem *de is*, in simplicibus autem ad questionem quid sit, 365.

Quotuplex sit res quætere quotum pertineat, 664.

R.

Ratio aut definitio est, aut demonstratio: 365. Ratio eadem manifestat & rem & privationem rei, licet illius sit per se, hujus per accidem, 281, cum ratione & secundum rationem agere differunt, 338. quemadmodum & ratio & opinio recta, 339. ad Rationē veram tria requiruntur, 349. eā inter omnia animalia solus homo est instructus, 399. corrigit iudicium sensuum, si hoc aliquando vacillet, verum ex aliis, quæ sensibus & ipsa sunt subiecta, s. Ratione differentia, 359, 360, 610. 687. Ratio est universalis, quod colligitur ex multis particularibus, 334. Rationes non omnium quærenda sunt, 94 755. qui id faciunt, simul cum ratione scientiam tollunt, 755.

Raticcinari & cōsultare idem sunt, 230.

Rationalis vox est ambigua, 228. 229. Rationale solum qui dicunt esse differentiam specificam nobis manifestam refutantur, 219 *seqq.* non est illud differentia hominis physicè considerati, 221. *seqq.*

Recipitur non quodvis à quovis, sed quicquid recipitur, recipitur à disposito, 111

Reciproce nil dicitur de specie, nisi proprium & definitio, 545.

Rectum & recti & obliqui regula est, 736. Re-

INDEX RERUM & VERBORUM.

- Reduplicationis** particulæ, quæ, quatenus, exprimunt sæpiſſimè apud Ariſtotelem cauſam proximam & adæquatam, propter quam prædicatum ineſt ſubjecto 90. quid notent additæ univerſali in univocis & communibus *πὸς τὴν*, 644. 645. Ejus 4. apud Ariſtotelem modi juxta quatuor cauſarum genera, 90. 91.
- Regreſſum** in ſcientiis quæ ratione aliqui impugnent, 380. non eſt ille idem cum demonstratione circulari, quam rejicit Ariſtoteles, 380. in eo non idem eſt cauſa & effectus, 381. tria in eo ſunt neceſſaria, 383. quis ejus ſit modus, *ibid.*
- Relata** non ſunt unius generis, ſed pro ratione fundamenti diverſimodè ſe habent, 519. 520. unde differentię eorum ſint petendæ, 521. de iis cur prius egerit Autor lib. Categor. quàm de qualitate, 676.
- Reminiſcentia** non eſt medium, per quod ad ſcientiam pervenitur, 590. *ſeqq.* non ſit ſine memoria atq; inſuper requirit uſum rationis, 600.
- Reminiſcimus** facilè eorum, quæ obliſi ſumus, ſi debitam diligentiam adhibeamus, *ibid.*
- Respirationis** finis, 719. ſubjectū ejus non ſunt piſces, 299. 719.
- Reſpiant** cur crebrius dormientes, 274.
- Reſpublica** prava propriè reſpublica non eſt, 762.
- Rhabarbarum** conducit cholera laboranti & cur. 342.
- Rhetor** concludit non ſolùm ex ſignis neceſſariis, ſed & non neceſſariis, 374. non patitur ſe adſtringi ad regulas ſyllogiſticas, 650.
- Rhetorica** æque eſt contrariorum, 517. ejus objectum non eſt deſinitum, 149.
- Riſus** definitiones variæ, 160. S.
- Sanitas** quid, 536. 710.
- Sapientia** quid, 555. quomodo ſit definienda, 34. verſatur circa omnia genera entium, 288. indagat omnium principia, *ibid.* non tamen omnium rerum cauſas proximas neceſſariò habet perſpectas, *ibid.* Sapientia aliqua datur etiã circa artes, quæ eſt ſcientia, 412.
- Sapientis** eſt cauſas ejus rei noſſe, cujus rō &c. ſolùm alii habent perſpectum, 412.
- Sapientiſſimus** quis juxta Peryctionem Pythagoreum, 288.
- Saporis** primum ſubjectum non eſt ſal, 100.
- Sceptici** qui. *Vid. Pyrrhonius.* de quo dubitarint, 11.
- Scholasticis** vitio vertitur uſitatio barbarorum & inuſitatorū vocabulorum, 553. 554.
- Sciendi** tot ſunt genera, quot ſunt quærendi, 359.
- Scientiã** dari qui negarint, 1. 2. & quibus argumentis inducti, 8. 9. 10. 11. eam dari probatur, 6. ad eã quod

INDEX RERUM & VERBORUM.

quod aliqui inepti sunt, id sic per accidens, 7. Scientia in quo differat ab opinione, 53, 45, 64, 760. & à fide, 72. dicitur multifariam, 34. indeq; non potest unâ definitione explicari, sed definienda ea, quæ *αὐτὰς* scientia est atq; ad eam reliquæ significationes sunt exigendæ, 35. alia *ἀπὸ δόξης*, alia *ἀπὸ λόγου* & quomodo illæ differant, 410.

Scientia propriè sic dicta est scientia demonstrativa, 35. ea quid sit, *ibid.* & *seqq.* ejus definitio competit etiâ disciplinis activis & effectivis, 38. ejus omnis *ἐπέγχα* quidè est cognitio, sed non finis, 39. Scientiarum demonstrativarum finis triplex, 40. Scientiæ demonstrativæ proprium est doceri & disci posse, 43. est vera intellectus cognitio, 45. ejus acquisitio est similis acquisitioni divitiarum, 60. ad illam difficilis est accessus & qualis ille, 43. nascitur illa ex præcognitionis, *ibid.* Scientiæ activæ & effectivæ non minus doceri possunt ac contemplativæ, 324. suasque & ipsæ habent definitiones, axiomata & hypotheses, *ibid.* Scientias activas & effectivas agnoscunt Plato & Aristoteles, 41, 42. Scientia effectiva activa nō est, nisi æquivocè, 470. Scientiæ contemplativæ differunt objectis, 515, 516. Præter scientiam demonstrativam siue cur sit dantur adhuc alia tria scientiarum genera, 369, 370. Scientiam cur sit, ut per institutionem quis cum altero communicet, organo indiget, quod est demonstratio, 44.

Scientia una sola non est, quæ omnia entia cum universalibus, tum particularibus, unumquodq; sub propria sua ratione considerat, 646. neq; contrariè sententiæ Aristoteles adstipulatur, 647. Scientia una quid, 630, 638. in Theoreticis disciplinis ejus unitas dijudicatur ex genere non prædicandi, sed ex genere subiecto, & quidem spectato non materialiter sed formaliter, 632, *seqq.* 651. In activis autem & effectivis scientiis unitatis scientiæ dijudicatio petitur ex fine, 631, 651. Scientia una non solum est generum univocorum, sed & communium *πρὸς ἓν ἢ ἀπ' ἑνὸς*, 641. non a. eorū, quæ sunt analogæ, 642. nisi fortè per accidens, 643. in univocis scientia *ὁπποτέρῃ* agnoscit ipsum universale: in iis autem, quæ dicuntur communia *πρὸς ἓν*, id, quod inter ea primum est, 645. Scientia, quæ genus aliquod considerat, non semper agit de omnibus generis istius speciebus, 648, 649. scientiæ diversæ quæ sint 639. unam rem cōsiderare possunt, sed sub ratione diversâ, 134, 135, 484, 651. utuntur interdum principiis ex alia scientia petitis, & quādo id facere liceat sine vitio transitus ex genere in genus, 136. *seqq.* Scientia una quomodo altera sit præstantior, 705 *seqq.* Scientiæ etiâ unius ejusdemq; pars una accuratior esse potest altera, 706, 707, 708.

Scientia non est cognitio essentiae in idèa latentis à singularibus separata, secus ac Plato sibi persuasit, 597. eadem

INDEX RERUM & VERBORUM.

dem est oppositorum, 710. ejus productio similis est generationi rerum naturalium & quâ in re, 596. ad illâ requiruntur plures animæ facultates, 599. an acquiratur per reminiscen-
tiam, 584. *seqq.* scientia nostra cum ignorantia collata est exigua, 766. ejus percipiendæ non sunt omnes capaces, 749, 750. ad illam rite capessendam non parum confert à prima juventute bonum ac prudente habuisse magistrum, 765. Scientia rei & modi rem tractandi nõ neces-
sariò sunt conjunctæ, 751. utramq; simul quærere absurdum est, 752. Scientia singularium caducorũ per se non est, sed per accidens solum, quatenus ab universali aliquo continentur, 311, 312. Scientia ejus est, quod nõ potest aliter se habere, 70. non est contingentium indefinito-
rum, sed ante ejus, quod semper est, aut ut plurimũ, 109. in definitione ejus cur non causarum, sed causæ mentio fiat, 95, 271. *seqq.* ejus proprium est doceri posse, 322. non rectè dividitur in contemplativam & activam, omis-
sa effectiva, 470. in eâ omnia tria sunt, subjectum, affectio-
nes & principia, 94, 95. illa, doctrina & disciplina nõ differunt nisi ratione, 322. eâ quis abuti potest, 356. perfecta dicitur dupliciter, alia simpliciter perfecta est, alia in certo genere & quid ad utrâq; requiratur, 57, 287. inter scientiam & ignorantiam perfectam datur medium, 59, 60, 596. Scientiarum objectum est

determinatum, quo ipso illæ distin-
guuntur à Rhetorica & Dialectica, 149, 150. earum officiũ est duplex, 150, 151. formale est modus consi-
derandi, 641. Scientiæ sunt imita-
tiones rerum, 379. earum principium sensus est & experientia, 562. *seqq.* nec non fides, 576. *seqq.* quomodo omnes comparari dicantur per definitionem, 610. earum arcana nõ sunt omnibus propalanda, 767.
Scire non sola mens dicenda est, sed totus homo, 599. Scire ὁρθόδοξως & ἐπιστημονικῶς opponuntur, 768. Scimus vel per definitionem, vel per demonstrationem, 599, 600.
Scita & quæ sita non differunt nisi ratione, 359.
Scopus, quæ sibi præfixum habent artes pariter ac prudentia, quis sit & unde ita sit dictus, 335, 336. Aristoteli ὁπὸ vocatur, 336.
Secta ἐκλεχλὴ optima est, quamvis ea propriè secta non sit, 748. quis ejus autor esse censeatur, *ibid.*
Sectariorũ multitudo unde nata, 730.
Semen cur sit album, 254. non est animatum & quæ ejus rei causa, 299.
Semen maris non ingredi uterum foeminæ quâ ratione aliqui con-
cluserunt, 742, 743.
Sensibilibus multa multis de causis sensus effugiunt, 572, 573. Sensibi-
lia communia non movent sensum per speciem propriam distinctam à specie objecti proprii, sed hujus ratio-
ne, 25.
Sensus quomodo non solum in diver-

INDEX RERUM & VERBORUM.

sis animalibus, sed & in homine cum primis variare quidam evincere conentur, 8 *seqq.* ejus iudicium omnes, etiā inviti, raturum habent, 17, 19, 20. quo sine is à natura animalibus & in specie homini sit tributus, 18. ejus iudicium in dubium vocandum nō est, 564. qui illud fallax esse putant, studiū virtutis ac prudentiæ juxta scientiam tollunt, 20. sed & frustra scientiæ alicui aut arti operam navant, 571. est primum in scientiis naturalibus *ἡγεμονία* & quidē non contemplativis solum, sed & activis, 563 *seqq.* Sensus non componit nec dividit, sed aut tangit simpliciter objectum, aut nō tangit, 23, 619, 722. indeq; in ejus apprehensione error nō est propriè, occasione tamē aliquando errori præbet & quando id fiat 23, 729. est axiomatum aliorumqve principiorum fundamentum, 402. quomodo sit universalis & tamen non sentiatur nisi singulare, 409. etiam sensus in actu, etiam circumstantiis singularibus circumseptus, recipit primum speciem quandam confusam & indeterminatam, non tamen nisi in subiecto singulari, 404. ad eum tria sunt necessaria, objectum sensibile externum, imago & animi intentio, 31. illius objectum substantia nulla est, nisi per accidens, 300, 312, 420. ad sensuum perfectum iudiciū quæ requirantur, 24 *seqq.* iudiciū à quo corrigatur, si ob defectum unius vel

alterius requisiti illud vacillet, & quomodo, 28, 572. Sensibus subiectarū rerum rationes qui inquirūt, infirmitate iudicii laborant, 563. iis non simpliciter omnia subjacent, sed quædā per se primò, quædā per partes, quædam alio modo, 572. sensu pereunte omnis perit demonstratio, 406. ei fidem derogarunt olim Sceptici & quæ de causa, 8. item Sophistarum aliqui, 402. nec non Stoicorum nonnulli, 402, 403.

Serenitatis definitio, 441.

Servitus deterior morte, 341.

Servus quid, 519.

Signorum aliqua necessariam habent cum iis, quorum sunt signa, connectionem, ipsa tamen absolute spectata necessaria non sunt, 72. scientiā absolute dictam progignere non possunt, *ibid.* ex iis demonstratio nō est, nisi *ἢ ὁλὸν ἢ ἐν μέρει*, 373. alia sunt necessaria, alia nō necessaria, 373 *seqq.* ex utroq; signorū genere concludere potest Rhetor, scientificus autem Doctor non nisi ex priori, 374 *seqq.* Signa cum effectis nō sunt confundenda, 375. sunt triplicis generis, alia, quæ rem presentem declarant: alia, quæ præteritam: alia, quæ futuram, 375, 376.

Silentium cognoscitur per rationē, 342.

Similare quid, 506. Similares partes in substantiis animatis quæ dicantur, *ibid.* Similariū partium differentie unde sint petendæ, 507. duplicis generis habent definitiones, alteram essentialē, alterā, quæ *ἡ ἀναλογία*

INDEX RERUM & VERBORUM.

γίαν respondeat definitioni affectio-
nis causali, *ibid.* quarum illa ex hac
demonstratur, 507.

Similia facile in amplexu cōeunt, 184.
de Simplicibus nulla est quæstio nec
doctrina, 364. in iis idem sunt *ἐναι*
πράγμα & *εἶναι πράγμα*, 425, 619.
indēq; nec cognoscuntur illa per
compositionem & divisionē intel-
lectus, sed sine compositione per
simplicē apprehensionem, 619. neq;
quæstio propriē est de illis, 364, 615
625, 626. comminiscimur tamen
similitudine quadam etiam in iis
compositiones quasdam atq; definiti-
ones & demonstrationes quoq; de
iis secundum analogiā construim⁹,
quatenus *λογικῶς* consideratur, 626.
Simpliciter aliquid prolatum in ijs,
quæ dicuntur secundum prius &
posterius, significat præstantissimum
in genere suo, 106.

Singulare definire facilius est, quā uni-
versale, 535. Singularia etiam, quæ
unica sunt in rerum natura, Græcis
μοναδικῶς ὑφεσχηότα dicta, naturam
quandam universālē includunt, 96.
nō quidem actu, sed virtute & *κατ'*
ἐναλογίαν, 438. Eorum, quā talium,
nec scientia est, nec demonstratio,
635. Sciri tamen & demonstrari
quid de ijs potest, quatenus sub uni-
versali aliquo continentur, 311. il-
lorum tota essentia species est, genus
autem solum pars illius, 464.

Situm esse quid & unde differentię
ejus desumendæ, 523, 524.

Sol non rectē dicitur trahere aquam,

182, 183.

Somni causa, 255.

Soni definitio duplex, essentialis &
causalis, 164, 165.

Sophista quid, 555. Sophistæ sensibus
nonnunquam abrogant fidem, quos
refellit Galenus, 402. eorum ratio-
nes cur Plato dicat esse in non entia-
bus occupatas, 496. eorum aliqui
existimant tot esse definitiones, quot
sunt nomina, 559. rationes peregrinas
pro domesticis venditant, 754.

Sophistici syllogismi & demonstrati-
onis differentia, 49.

Species tota essentia est singularium,
genus autem pars ejus, 464. adeus
definitionem constituendam ante
omnia genus assumendum est, 465.
& quidem proximum, *ibid.* non est
absolutē id ipsum, quod est genus,
sed solum id ipsum quoddā & pars
ejus, 615, 616, 630. non est illud
ipsum, quod est differentia, imō ne-
quidem illud quoddam live *ἐκ quo* *ἐ*,
sed *ἐκ ἐνίων* *ἐ*, 616. illæ quæ distincta
sunt, sunt & numero distincta, 356.
Specierum voce veniunt interdum
affectiones, 648. Specierum mona-
dicarum quæ sit indoles, 211. Specie-
es sensibiles ab anima recipiuntur
nō cum, sed sine materia, 401. indeq;
sunt indivisibiles, *ibid.* in speciebus
sensibilibus singularibus latet spe-
cies universalis, 403.

Spuma cur sit alba, 255.

Στοχασμὸς propriē de ijs est, quæ incer-
ta sunt ac in utramq; partem disce-
ptari possunt, 327.

Στοχασ

INDEX RERUM & VERBORUM.

Στοχασμός qvo sensu Medicum dixerit Galenus, 328 *seqq.*

Στοχασμός quid sit, 328. *seqq.*

Stomachi debilitas tempore æstatis non à defectu, sed excessu provenit caloris, 721, 722. qvomodo is Hippocrati calidissimus esse dicatur tempore hyemis, 722.

Struthiones non rectè creduntur concoquere lapides & ferrum, 719.

Subalternans & subalternata scientia qvæ dicantur, 137. qvoddammodò eadè sunt scientia, qvoddammodò diverfæ, 145, 639. Subalternantes scientiæ qvomodo cur sit & subalternatæ qvòd sit dicantur docere, 140. illæ sunt his accuratiores, 705. inter subalternatas & subordinatas scientias discrimen, 142.

Subalternatio qvid sit in doctrinâ universalium & in scientijs, 137 *seqq.* locum habet etiâ in scientijs nōnullis, quæ ex toto subalternatæ non sunt, sed ex parte saltem, 141.

Subiectum in scientijs quibus gaudeat nominibus, 94, 95. illud oportet universale esse & primum, 95. Subiectum propositionis nō semper id est, quod primo ponitur loco, sed id, de qvo aliquid affirmatur aut negatur, 153.

Sublunaria corpora cur corruptioni sint obnoxia, 254.

inter Subordinatas & subalternatas scientias diferimè, 142. Subordinatæ sibi invicè sunt artes, eeq; omnes prudentiæ & hæc sapientiæ, 143. Subordinatæ sunt esse & divæ scientiæ activis: & inter Theoreticas Mathematica Physicæ, & hæc Theolo-

giæ, 144. cui proinde omnes scientiæ sunt subordinatæ, 144. non tamen subalternatæ, 143.

Substantiæ vox est ambigua, 493. propriè nullius rei genus est, multominus animæ & animalis, 227. Substantia cuiusq; ab opere denominatur, 437. prior est reliquis entibus naturâ, 626. & definitione, 627. imò omnibus modis, 489. idem suo modo & substantia & accidens esse potest, 493. & quidem acceptum non æquivocè, sed univoce, 495. Substantia qvædam dicitur ut materia, qvædam ut forma, sive actus, quædam ut compositum ex utriusq; 497. ex quibus actus naturâ reliquis prior est, *ibid.* eam non habere contrarium, de qua substantia sit intelligendum, 488. eam non producit propriè ars: numerantur tamen aliquando inter substantias & opera arte facta, 497. 498.

Substantiæ nō omnes sunt in categoria substantiæ, 437. quæ in ea sunt, habent modum prædicandi in quid 468. earum definitiones essentielles non possunt demonstrari, 453. sed nec probari per aliam definitionem, 454. neque per proprietates, 455. neq; per divisionem *ibid.* & *seqq.* neq; per definitionis definitionem, 457. 458. nec per contrarii definitionem, 458. 459. neq; per inductionem & sensum, 460. illarū differentias essentielles omnes quidam petèdas esse docent ex substantiæ Categoriâ, cumq; in ea tales, quales requirunt, non inveniant, dicunt, eas esse occultas & circumscriptas.

INDEX RERUM & VERBORUM

- bi ex necessitate per accidentia, 486. quod nec Aristoteli congruere ostenditur, nec veritati, *ibid.* & *seqq.* hæc non petuntur ex categoriâ substantiæ, quia & ipsæ habent aliquid sibi contrarium, neq; formam prædicandi in quid, sed in qvale, ex quibus & Græcis ἁπλῆς τι potius esse dicuntur, quàm ὁριστὸν 488, peti possunt ex reliquis omnibus categoriis 467. adversus quam sententiam difficultates moventur, 488. 489. & solvuntur, 489. *seqq.* Substantiæ aliæ simplices aliæ compositæ, 498. ex quibus illæ sunt harum gratiâ, quippe quæ ex illis fiunt ceu materia, *ibid.* *Vid. Elementa.* illis ea insunt per se, quæ ipsi in sunt ex necessitate finis, 497. in substantiis compositis quomodo cognoscatur an sit per accidens, 421. & quomodo per se à priori, 424. Substantiæ primæ non sunt aliud quid à substantiis secundis, sed illud ipsum quoddam, quod sunt substantiæ secundæ, 81. Substantiale quod uni est, alteri accidentale esse potest, & quæ sit regula ea dijudicandi, 493. 494. Syllogismus nō pertinet ad externum sermonem, sed eum, qui est in animo, 457. in eo conclusio sequitur necessariō ex præmissis, 456. in illo præmissæ sunt instar materiæ, conclusio instar formæ, 147. ejus consideratio in genere non ad Dialecticam pertinet, sed Analyticam, 649. 650. Συμπλωματικὴ πᾶσι quæ, 79. 756. Synonyma nō sunt pars & totū, 227. Synthesis quid Geometris, 684. & vō modo differat ab analysi tam in Geometriâ, *ibid.* quàm Philosophiâ, 686. 687. in omnibus obtinet disciplinis, 688. 690. Syntheticus ordo quid dicatur iis, qui dividunt ordinem in Syntheticum & Analyticum, atq; illum dicunt esse proprium scientiis contemplativis, hunc autem activis & effectivis, 690. etiam eâ ratione, quâ ab his describitur, is competit scientiis activis & effectivis, 695. Superfluum quid in oratione quorū modis poni queat, 549. 550. T. de Tactu cur Aristoteles non prius egerit, quam de visu, 976. Τὰ ὁλοκλήρια quando committatur, 549. Τεκμήρια, 373. 374. τεκμηρίως demonstratio, 373. Telescopii ulus fallax est & cur, 741. Tempus & in tempore esse differunt, 522. quid sit esse in tempore, *ibid.* Tenebræ quomodo dicantur videri, 98. sunt privatio, *ibid.* non tamen nuda, sed & ἔδος quodammodo 203. non videntur ab umbrâ differre nisi gradibus, *ibid.* non sensu cognoscuntur, sed ex privatione potius, aut negatione, 432. Terræ motus causa, 256. Terram immobilem esse demonstratur, 376. nec non quod sphericæ sit figuræ, 373. 376. Terrestre & aquaticum sunt reverà differentiæ animalis, non substituta in vicem earum, 215. Theo-

INDEX RERUM & VERBORUM.

- Theologia Aristoteli vocatur philo-
sophia prima, 144.
Theologiæ revelatæ *θεωλογίας* primum
quidnam sit, 580. *seqq.*
Theologiæ controversiæ non sunt ex
Philosophicis principiis deciden-
dæ 133. neq; contra ex Theologi-
cis, principiis quæstiones Philoso-
phicæ, 654.
Θεός aliquando idem est, quod *ἄλφειος*,
542, 543 in scientiis quid, 52, 53.
dividitur in definitionem & hypo-
thesin, 53.
Timotheus Musicus cur duplicem
mercedem exegerit ab his, qui ab
aliis Magistris essent instituti, 712.
τὸ δὲ τι propriè significant solæ primæ
substantiæ, secundæ autem *τὸ ἐν τῷ δὲ*
aut *ἐν τῷ* vel *πρὸς τὸν* aut *τὸν δὲ τι*, 82 ali-
quando tamen etiam substantiæ se-
cundæ *τὸ δὲ τι* significare dicuntur
83. *τὸ δὲ* quid propriè designet, 82.
τὸ δὲ τι duplex est, aliud quoad sen-
sum, aliud quoad rationem, 83.
Tonitru definitiones variæ, 160. ejus
causæ, 257. an sit, unde cognoscatur
per accidens & unde per se à priori,
434.
Totū & pars nō sunt synonyma, 227
Totum esse majus quāvis sua parte
quomodo possit demonstrari, 414.
Tranquillitas definitur, 441.
Trianguli definitio, 212.
Tropi consideratio non ad Rhetoricā
propriè spectat, sed Poeticā, 650.
U.
Vacuum non dari & quæ ejus rei cau-
sa, 304.
Vbi quid & unde ejus petendæ diffe-
rentiæ, 522, 523.
Venena per quid necent, 186. *seqq.*
Ventriculus cur hyeme melius cibum
concoquat, 274.
Verisimile à verò differt, 51. est quod-
dam *ὑπόθετον*, *ibid.* non parit scien-
tiam, sed fidem, 72.
Verisimilia multa sunt falsa, 51.
Veritas propriè dicta non est in appre-
hensione sensus, 23. consistit in
compositione & divisione, *ibid.*
Verū aliud *ἀληθές*, aliud *δοξασµένον*, 46.
Verum ex falsis concludi quidē
potest, sciri non item *ibid.* dicitur
variis modis, 46. 47. quomodo
differat ab *ὑπόθετον*, 3. 50. & verisi-
mili, 51. in scientiis duplex est, ab-
solutè & alieni vel aliquando, 69.
110. non nisi unum est, cum falsa
possint esse infinita, 602.
Via à principiis & ad principia, 671.
ea ad principia non est demonstra-
tio *ὅτι*, *ibid.* non est ab effectis solum
sed & communibus quibusdam
effatis, *ibid.*
Videri non dicuntur alicui, quæ neces-
saria esse ab eo putantur, sed sciri, 71
Viperæ catuli malè creduntur exire ab
utero matris eroso, 719.
Virtuosus non est, nisi prudens, 338.
Virtus quid, 342. aliter definitur in
Ethicis, aliter in Rhetoricis, 484.
illa & justitia universalis quomo-
do differant 357. Virtutes an rectè
dicantur esse media ad obtinendum
summum bonum, 693. 694.
Virtutes morales non insunt naturæ,
sed comparantur exercitio & con-
suetudine, 300. 606. earum semina
quid sint, 607. non sunt virtutes
pro-

INDEX RERUM & VERBORUM.

proprie dictæ, *ibid.* Virtutes scientias esse docuit Socrates, 484.

Visibilia nō sūt omnia eqvè primo, 98. de Visu cur Aristoteles in lib. de Anima prius egerit, quàm de tactu, 976. eū cur homo præ aliis sensibus diligit, 19.

Vitium quomodo sit privatio, 203. corrumpit intellectum, quo minus de rebus iustis & honestis rectè iudicet, 568.

Vnitas simplicior est puncto, 623, 708, 709.

Vniversale aliter sumitur in Physicis, aliter in Analyticis, 174. 175. non est figmentum nostri intellectus, 314. 315. quomodo illud aut nihil esse dicatur aut posterius, *ibid.* & 316. 491. potest duobus modis considerari, quatenus significat essentiam, & quatenus universale est, atq; pro diverso hoc considerandi modo est & prius & posterius singularibus, *ibid.* & 492. est unum in multis, 316. 597. 598. & quidem ratione, 315. 598. quā universale non significat *rodēti*, sed *roōy de ri*, vel ejusmodi quiddam, 316. non est extra singularia, 491. 597. nec tamen errat intellectus considerans rationē illius abstractam à singularibus, 316. est & naturā & nobis notius, sed diverso respectu, 168. 169, 669. est principium artis & scientiæ, 400. quomodo aliquando dicatur fieri ex pluribus singularibus, aliquando ex uno solum, 409. ejus connexio cum singularibus est perpetua, 598.

in illo si quis errat, non id rei, sed sibi ipsi imputare debet, 317. Universalia affectio nō demonstratur de partibus universalis, nisi quatenus hæ sub ipso universali continentur, 613. Univerſa e primum quid, 90. 91. potissimum dicitur à subjecto, ut respectum habet ad prædicatum, 92. ad illud quæ pertineant propositiones, 92, 93. & quæ hinc excludatur, 93, 94. quot modis ab eo aberretur, 95. *seqq.* ejus dignoscendi regula, 101. 106.

Vniuersalia sunt æterna & quā ratione, 13. 14. Eorum esse est compositum esse, 15. 598. quomodo ea cognoscentes particularia nonnumquam ignorent, 141. cognoscuntur intellectu, ut singularia sensu, 320. ea prius sunt consideranda in scientiis, quàm minus universalis 670. illis quædam semper sunt universalis, quædam ut plurimum, 296. & ex iis quædam semper eodem modo sunt, quædam semper eodem modo existunt, *ibid.* sunt autem horum omnium semper ejusdem generis media, 293.


Unum per se quando fiat & nō fiat ex actibus duobus, 479. Unū est mensura multitudinis, 168. ejusdem reductio in sua principia, 622. Unum numero quomodo sint aliqua & tamen specie non unum, 356.


Volatilium animalium differentiæ, 512. Voluptas impedimentum ponit intellectui, quo minus rectè iudicet, præprimis de honestis & iustis, 568.

Z

Zetetici qui, *Vid. Pyrrhonii.* Zōōpola sunt animalia, 378.

FINIS.





Biblioteka Jagiellońska



stdr0030433



Generibus

Michael Zeidler